

**Praelectiones academicae de morbis nervorum / quas ex auditorum
manuscriptis collectas edi curavit Jacobus van Eems.**

Contributors

Boerhaave, Herman, 1668-1738.
Eems, Jacobus van.

Publication/Creation

Venetiis : Ex typographia Remondiniana, 1762.

Persistent URL

<https://wellcomecollection.org/works/zn47z6hw>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>



14350/c
m0/-

Perriner ad

~~the 17th~~



Digitized by the Internet Archive
in 2018 with funding from
Wellcome Library

<https://archive.org/details/b30412687>

HERMANNI BOERHAAVE

PHILOSOPH. ET MED. DOCT. INSTITUT. COLLEG. PRACTIC. BOTAN.
ET CHEM. IN ACADEMIA LUGD. BAT. PROFESS. COLLEG. CHIRURG.
IN EADEM URBE PRÆSID. SOCIET. REG. SCIENTIAR. LONDIN.
ET ACADEM. REG. SCIENTIAR. PARISIENS. MEMBR.

PRÆLECTIONES ACADEMICÆ DE

MORBIS NERVORUM

Quas ex Auditorum Manuscriptis collectas
edi curavit

JACOBUS VAN EEMS,

MEDICUS LETDENSI S.

TOMUS PRIMUS.



VENETIIS,
MDCLXII.

Ex TYPOGRAPHIA REMONDINIANA:
SUPERIORUM PERMISSU, AC PRIVILEGIO:



300.917

PRÆFATIO EDITORIS.



Riginta jam elapsi sunt anni, quum summus BOERHAAVIUS publicas suas prælectiones de nervis eorumque morbis inciperet. Aderam tunc his exercitiis Medicinæ tyro, & volante calamo describebam, quæ ex optimi Præceptoris ore assequi poteram. Seposui vero tunc temporis manuscriptum, aliis meditationibus, quas cæteri discursus academici, quibus etiam intereram, requirebant, occupatissimus. Postea autem dum Praxi medicæ admotus liberius per jucundum Medicinæ campum espatiari liceret, data opportunitate subinde ad descriptas prælectiones recurrebam, & tunc demum clarius percepi, quam vastus veræ sapientiæ Medicæ thesaurus in iis esset reconditus.

Hunc vero aliis invidere nolens, sæpe optavi, summo BOERHAAVIO acerba morte de terris sublato, aliud quendam, qui forte accuratius Manuscriptum possidebat, curare velle, ut in lucem ederetur; sed haec tenus irrita fuerunt mea vota; donec tandem nihil tunc tale cogitanti traderentur mihi eadem illæ Prælectiones, manu acutissimi JACOBI HOVII, quem olim inter commilitones numeravisse lætus recordor, & qui nunc prixin Medicam AMSTELÆDAMI summo cum applausu exercet, ex ipso summi Præceptoris ore descriptæ; cui dein adhuc accedebat aliud Manuscriptum, sed longe contractius, quod ex iisdem in suos usus composuerat Vir ILLUSTRISSIMUS GERARDUS BARO VAN SWIETEN, qui, licet prixin Medicam jam exercens, tamen assiduus summi Præceptoris in exercitiis publicis fuit auditor; jam vero ad munus Archiatri in aula Cæsarea evectus, artem Me-

dicam , pro eo , quo pollet erga eam , ardore , auctoritate & exemplo egregie promovet

Binos illos codices dum cum meo proprio comparabam , in genere quidem , imo in multis locis verbottenus , convenire deprehendi ; hinc inde tamen differre observabam ; nec latebat ratio : nam quia prælectiones academicæ , licet tunc temporis longe frequentiores quam sequentibus annis , tamen interpositis fériis aliisque impedimentis frequenter interrumpebantur , summus Præceptor sæpe in medio cursu gradum sistere cogebatur : dum vero ad hæc exercitia recurreret , solebat breviter repeteret summa rerum capita , quæ ultimis prælectionibus tractata fuerant , & sæpe tunc intermiscebant alia quædam prius omissa . Inter auditores autem tales reperiebantur , qui ne verbo quidem optimi Præceptoris carere volebant ; alii vero non describebant , quæ in initio prælectionum ex præcedentibus repetebantur ; unde maximum , quod inter codices discrimen est , in majori minorive verborum ambitu consistit .

Ex tribus itaque , quæ possidebam , manuscriptis , hasce Prælectiones collegi & composui , servatis , quantum fieri poterat , ipsis summi Auctoris verbis ; nec ipsas repetitiones , de quibus modo dixi , omnino omittendas esse credidi , si talia continerent , ex quibus prius jam dicta majori in luce collocari possent . Fatoe , quod sic minus expolitum sit opusculum , quam si ipse Auctor , omittens vel addens quæ ipsi videntur necessaria , una continuata serie a capite pergit usque ad calcem : nolui tamen nimis mutilare , quod meum non erat , opus ; eamque ab omnibus æquis lectoribus gratiam exspecto , ut si hac parte aliquid deprehendant , quod forte ipsis minus recte dictum , vel alieno loco positum videatur , illud adscribant difficultati , quæ sæpe occurrebat , omnia , quæ in manuscriptis legebantur , ita disponendi , ut suo quæque loco inveniri possent .

Eam quoque mihi præscripsi legem , ut summi Auctoris sententiam ubique omni , qua poteram , fideliitate prōponerem : Novi , quod post ejus mortem a
cla-

PRÆFATIO EDITORIS.

v

claris in arte viris talia proposita sint experimenta, & inde deducta ratiocinia, quæ systemati BOERHAAVIANO mirus favent ; eosque omni laude dignos esse existimo, qui minime jurantes in verba magistri, indefesso conatu veritatem sectantur amplectunturque, a quoniam demum fuerit proposita : nec tamen codicis hujus editionem propterea omitti debere credidi ; argumenta enim, quibus vir tanta ingenii acie præditus, tanto veritatis ardore animatus, qualem novit & admiratus est universus orbis summum BOERHAAVIUM, sententiam suam stabilivit, suo pondere carere non possunt, omnique attentione & severo examine sunt dignissima : & si tantus vir forte erraverit, quod experimentis destituto facile eveniet; in ipso tamen errore patet, eum veritatis amantissimum, & judicio subacto præditum, non sine gravissima ratione a recto tramite fuisse deflexum.

Aliorum auctorum loca, quæ in Manuscripto citata inveniebam, in editis eorum scriptis, quatenus illa possidebam, quæsivi, examinavi : quæ conveniebant, ipsis eorum verbis proposui ; ubi vero propter male descriptas paginas, vel aliam forte editionem, discrepantiam observavi, ipsa, quæ in manuscripto erant, verba reliqui, nihil mutans.

Summa rerum, quæ tractabantur, capita in margine adposui, ut uno intuitu inveniri possent, rerumque præcipuarum indicem ad calcem adjeci : & ut lectorum commodo eo melius consulerem, brevem totius operis conspectum præmittendum esse credidi.

CONSPECTUS

TOTIUS OPERIS.



Otum hoc opus divisum est in duas partes, quarum prima agit de morbis, qui proprie dictis nervis, eorumque membranis accidentur; altera de illis affectibus, qui totum systema encephali, ex quo nervi oriuntur, & a cuius bona constitutione humanitas dependet, turbant, labefactant, destruunt.

In ipso primæ partis initio exhibetur etymologia & definitio nervi pag. 1. dein quid proprie nervus sit, & unde originem habeat, disquiritur pag. 2. & quoniam nervi ex cranio egrediuntur, hinc in genere de cranio differitur, quatenus sit propugnaculum encephali, quod nervis originem præbet, tam in embryonibus, quam in adultioribus, addunturque nonnulla de ejus figura, quatenus ob nervorum causam talis esse debuit pag. 2. 4: & ob eandem rationem theca vertebrarum in genere consideratur pag. 4.

Nervi non decurrent nudi per corpus, sed vaginas, quibus defenduntur, mutuantur ab encephalo; hinc membranæ cerebri etiam describendæ erant. Exterior earum est dura mater, cujus definitio datur pag. 5; cohaesio, appendices & fabrica describuntur *ibidem*, & hac occasione nonnulla adduntur de fabrica membranarum in genere, ut ea, quæ postea de membranis cerebri dicenda sunt, eo melius intelligi possent pag. 6. 7.

Dura mater illud cum omnibus corporis membranis habet commune, quod gaudeat vasis arteriosis, quæ porro describuntur pag. 7; easque accipit ex carotidibus pag. *ead.* & vertebralibus pag. 8; illaque abeunt in venas, quæ describuntur pag. 8. 9; addunturque nonnulla, quæ his vasis propria sunt pag. 9. 13.

Patet ergo, quod dura mater ratione vasorum pati possit varios morbos, qui falso nervis adscribuntur; illique recensentur pag. 13; nempe inflammatio, suppuratio, gangræna, scirrus pag. 14, vulnera pag. *ead.*, contusiones pag. 14, dolores a plethora pag. 15; hinc proprie dicta cephalalgia, separatio duræ matris a cranio pag. 15. 16; & ab his causis potest fieri apoplexia pag. *ead.*: aliaque quedam adduntur, ex quibus pater, morbos posse fieri in sisteme vasorum duræ matris, qui, licet nervis adscribantur, proprie tamen ad vasa pertinent pag. 17.

Dura mater habet etiam nervos sibi proprios, qui describuntur pag. 18; hinc potest esse sedes doloris ab eorum ratione & tensione pag. 18. Maxime autem queritur, an veram convulsionem pati queat pag. 19: clari enim viri affirmaverunt, duram matrem esse musculum, quorum sententia refutatur pag. 19. 21, licet tamen concedatur, in nonnullis duræ matris locis adesse fibras pag. 21., sed quæ longe alii usui inserviunt pag. 22.—23, & in sinus majoribus inprimis necessariae sunt, ut nimiam eorum expansionem impediant pag. 23.

Sinus illi habent ampullas, unctuoso humore, attritum prohibente, plenias, in quibus ergo varium tumorum genus obtinere potest pag. 23. 24; potest etiam in fibris eorundem sinuum nasci induratio, & hinc oriri morbi, nervis falso descripti pag. 24.

Dura mater per varia foramina exit ex crano & spina dorsi, nervis vaginam exteriorem largitura pag. 24. 25; ergo cum iis protenditur per totum corpus pag. 25, iisque duritiem conciliat pag. 25; deferit vero eos, ubi in viscera, vel motuum sensuumque organa ingrediuntur pag. 26: haec vero durae matris vagina gaudet arteriis, venis & nervis pag. 26. 27.; ergo pati poterit morbos, vasis & nervis proprios, illæsa tamen pulpa interior: potest hic itaque nasci omne tumorum genus pag. 27. 28, per quos comprimitur pulpa nervorum interior pag. 28; vel humores, in vasis vaginae contenti, possunt fieri acres, & sensim corrodere nervum pag. 29, idemque poterit obtinere in gangliis pag. ead.

Nervi etiam variis morbis obnoxii sunt ab acrimonia humorum, qui continentur in vasis vaginae, uti patet in scorbuto, lue venerea, arthritide pag. 29, rheumatismo & odontalgia pag. 30., quæ omnia dein variis exemplis ex probatis auctoribus confirmantur pag. 30. 31.

Encephalon ambitur variis distinctis membranis, quæ liquore intermedio concrescere prohibentur pag. 31. 32, qui liquor præternaturaliter potest augeri in crano pag. 32. 33, in theca vertebrarum pag. 33, in vaginis nervorum ipsis pag. 33; unde compressa pulpa interiori functiones nervorum ipsæ delentur; qui morbi quomodo cognoscantur & carentur, docetur pag. 34. 35; & tales morbos revera dari, ex analogia illustratur pag. 35.

Sequitur nunc consideratio secundæ cerebri membranae, nempe arachnoidæ, cujus traditur inventio pag. 35, nexus pag. 36, fabrica pag. 36; dein morbosa constitutio, siccitas, concretio pag. 37, quæ per observationes confirmatur pag. 37; nimia humiditas pag. 38, pinguedo pag. 39; unde morbi nascuntur in toto genere nervoso, illæsa tamen medulla.

Porro describitur tertia cerebri membrana, nempe pia vel tenuis, & in ea notantur amplitudo pag. 39, singularis constitutio, pag. 39, nexus pag. 40; arteriae, quæ mira ratione propagantur pag. 40, decurrent supra medullam pag. 41, insinuant se in corticem pag. 41: docetur dein distinctius, quomodo se habeat in cerebro pag. 42; quam innumerabilia sint ejus vasæ, ita ut tota fere sit vasculosa pag. 42. 43; consideratur ejus superficies exterior pag. 43. 44, interior pag. 44., nexus per vasæ arteriosæ pag. 44, & venosa pag. 45, insinuatio in anfractus cerebri pag. 45. 46, ad applicatio ad medullam pag. 46. 48, appendix constituens plexus choroideos pag. 48. 49.

Ut porro ostendatur, quomodo pia mater se habeat in cerebello, traditur ejus generalis descriptio pag. 50, notantur arteriae pag. 50. 51, & sic acquiritur idea piæ matris, cerebellum ejusque processus vermiciformes investientes pag. 50. 51.

Eadem ratione paucis tantum verbis agitur de medulla spinali, & pia matre ipsi propria pag. 51. 52.

Pia mater, morbofacta, functiones nervorum etiam laedit, quod nunc porro demonstratur: scilicet arteriae ejus possunt fieri nimis amplæ, sive illa amplitudo communis fit toti corpori, vel huic parti propria pag. 52. 53. vel nimis arcta pag. 53. 54; vel nimis rigidæ pag. 54. 55; vel nimis flexiles pag. 55.

Plethora, in toto corpore nata, replet etiam vasæ piæ matris, quæ ergo compriment corticem pag. 55. 56, vel medullam pag. 57, in cerebro potius quam cerebello pag. 57; utraque vero ratione functiones nervorum laedi possunt: sed datur etiam plethora, piæ matri propria, in primis in obesis pag. 57, qui propterea variis nervorum morbis sunt obnoxii pag. 58; hac

hac vero etiam oritur ab arteriis, in aliis corporis locis impeditis pag. 58. 59; ab obstructis arteriis cœliacis & mesentericis pag. 59.; ab impedito sanguinis ex cerebri sinibus exitu pag. 59; a compressis venis jugularibus pag. 60; a respiratione compressa pag. 60; per nonnullos animi affectus pag. 61; & ab impeditis evacuationibus consuetis pag. 61; quæ plethora, natique inde morbi, quomodo cognoscantur & curentur, legi potest pag. 61. 62.

Consideratur nunc vitium plane contrarium, nempe defectus sanguinis rubri in vasis piæ matris pag. 62. 63; & hac occasione refutatur sententia illorum, qui putabant, hominem eo esse saniorem, quo sanguis ejus esset tenuior pag. 63. 64; etenim a tali sanguine fit lensor & leucophlegmatia pag. 64.; hinc etiam hydrops inter membranas cerebri pag. 65, & impotentia ad motum pag. 65: huic autem malo in primis obnoxia sunt corpora tenella pag. 65. & viscerum debilitate laborantia pag. 66.

Quoniam vero tale corpus virginibus proprium est, hinc illæ frequenter incident in peculiare morbi genus, quam Chlorosin vocant, de qua agitur pag. 66. &c. Hanc multi Medicis ^{Lal} adscriperunt deficientibus mensibus pag. 67, quum tamen revera oriatur a defectu sanguinis rubri pag. 67, quod eo clarius patet, quia virgines non tantum, sed & omnes alii a nimis haemorrhagiis in similem morbum incident pag. 68; hujus diagnosis & curatio traditur pag. 68. 69. Hæc cura consistit procul dubio in restitutione sanguinis rubri pag. 69; quæ obtinebitur restitutione chylopoiesios per cibos siccos & concoctu faciles pag. 69, potus generosos, sed non inebriantes pag. 70, condimenta appetitum acentia pag. 70, medicamenta stomachica amara exterius & interius adhibita pag. 70. 71, simplicia magis quam composita pag. 71, & purgantia blanda bili æmula pag. 72. Iisdem remediis restituitur hematopoiesis pag. 72. 73, nam ex chylo fit lac, ex lacte sanguis; hinc si chylus rite conficitur, tunc etiam restituitur sanguis pag. 73. Huc vero maxime facit exercitatio corporis pag. 74, & ferri usus internus pag. 74, quod qua ratione exhiberi debet, docetur pag. 75; quænam cautelæ in ejus usu observandæ sint pag. 75. 77; & quid post ejus usum agendum sit pag. 77. Iisdem etiam remediis restituitur pneumatopoiesis pag. 77. 78.

Sanguis, in vasis piæ matris hærens, non tantum potest peccare quantitate, sed etiam acrimonia; hinc pertractata plethora & inanitione jam etiam consideratur, quamnam noxam nervis pariat talis acrimonia. Quæritur ergo primo, an acria huc usque pervenire queant pag. 79; & si ulla, affirmatur hoc in primis de spiritibus stillatitiis fermentatis pag. 79. 80; quorum effectus in cerebrum recensentur pag. 80., & hac occasione agitur de ebrietate pag. 81.; curaque morborum, qui ab hac causa pendent, paucis traditur pag. 81. Sed dantur etiam alii spiritus, sive effluvia, ex quibusdam vegetabilibus exuentia, quæ etiam paucis memorantur pag. 82; & de horum, & spirituum stillatitorum effectibus nonnulla adduntur pag. 82. 83.

Quoniam nunc de spiritibus sermo est, disquiritur, quid proprie per spiritum intelligi debeat, cujus proprietates recensentur pag. 83. 84, & ubi inveniatur, dicitur pag. 84.

Primo nunc consideratur ille spiritus, qui in animalibus per solam vitam paratus, effluviorum modo ex illorum corpore exit pag. 84; recensentur ejus varii effectus pag. 85, in varias corporis animalis partes pag. 85; vis ejus in latum se diffundens pag. 86, uni tamen animalium generi tantum nocens pag. 86; quæ vis incredibili plane subtilitate pollet pag. 86. 87, & tamen ita figi potest, ut per longum tempus effectus suos præstet pag. 87; vis illa vario modo communicari potest pag. 88. 89, ita tamen ut in primis agat in nervos dissectos pag. 89, hinc forte directe spiritus nervosos afficiat pag. 89. 90, quod ex modo communicationis demonstratur pag. 90; &

90 ; & tandem quædam addantur , quæ diagnostin ; prognostin , & curationem veneni recepti spectant pag. 91. 92.

Sequuntur secundo illi spiritus , qui producuntur per putrefactionem , quæ valde promovetur per calorem pag. 92 , & corpora ita resolvit , ut fiant volatilia pag. 92 : morbi inde nati , & methodus eos curandi recensentur pag. 93.

Agitur tertio de spiritibus ex animalibus exhalantibus , & de eorum effectu in corpus , quod illos spiritus recipit pag. 93.—95.

Ordo rerum nunc dicit ad spiritus , qui exeunt ex vegetantibus pag. 95 , per exhalationem , olfactus organa sufficientem pag. 95.—97 ; vel per distillationem pag. 97 ; vel per coagulationem pag. 97. Quaritur , an vis medicata vegetabilium ab his spiritibus pendeat pag. 98 ; summaque horum subtilitas demonstratur , quia nullo sensu dignosci , sed suis tantum effectibus manifestari possunt pag. 98. 99 : illi spiritus in singulis vegetantibus singulares sunt pag. 99. 100.

Pergitur nunc ad regnum fossile , quod etiam spiritus suppeditat pag. 100. qui in nonnullis fodinis naturales sunt pag. 100. 101 , & singularibus effectibus se manifestant pag. 101.

Nonnulli etiam memorantur foetores , corpori humano valde perniciosi pag. 101. 102. Ignis etiam miris & noxios extricat spiritus , de quibus agitur pag. 102. 103 , qui imprimis lethales sunt ab igne suffocato pag. 103 , quod miris exemplis confirmatur pag. 103. 104. Hac occasione alii quidam noxii spiritus , per calorem extricati memorantur pag. 104. 105.

Sequuntur nunc spiritus per miscelam parati pag. 105 , quorum exemplum habetur in vitriolo pag. 105. 106 , qui etiam in nervos agunt pag. 106.

Pertractatis morbis , qui oriuntur a corporibus alienis , in nervos eorumque liquores agentibus , consideratur nunc nervus integer , & examinantur morbi , quæ terti eorum substantiae accidentur ; hunc in finem paucis agitur de nervo in genere pag. 106. 107 ; dein de tendine , quoniam ille ex nervis oritur pag. 107 : nervi & tendines per solum senium exsiccantur pag. 107. 108 ; possunt pati inflammationem , per quam constituentes eorum partes inter se concrecent pag. 108. 109 ; possunt per suppurationem nudari suo involucro , & ab externis injuriis pessime affici pag. 109 : hac occasione nonnulla adduntur de sutura tendinis pag. 110 . Quoniam vero nervi nudi per dentes decurrent , hinc porro agitur de Odontalgia pag. 110 , quæ ut platinum oritur ab exesa vitrea dentis crusta , nervo que nudo æri exposito pag. 110 , nec nisi illo nervo destructo curari potest , quod quibus modis fiat , docetur pag. 111. Hac occasione etiam agitur de aliis odontalgiis , ab inflammatione gingivarum pag. 112 ; ab earum colliquescentia per scorbutum pag. 112. 113 ; a perforatione alveolorum pag. 113 , quæ species ex consideratione dentium amplius exponitur , & medendi methodus traditur pag. 114. 115 : hæc odontalgia frequenter oritur ab acidis , dentem corruptentibus , & per ejus evulsionem , vel per antiseptica debet curari pag. 115. Alia ejus species fit per dentem molarem , antrum HIGHMORI perforantem pag. 115 : quia vero catarrhi in hoc malo frequenter accusantur , hinc nonnulla de iis adduntur pag. 116.

Pergitur nunc ad Paronychiam , quæ etiam a nervo circa phalanges digitorum denudato ortum habet , & describuntur hujus mali symptomata pag. 116. 117 , sedes pag. 117 , affectæ partis fabrica exponitur pag. 118 ; recensentur variae hujus morbi species , prima ab accumulata articulorum mucilagine pag. 118. 119. Altera ab inflammato ligamento , quod capsulam articularem constituit pag. 119. 120. Tertia a male affecta membrana cellulosa in articulis pag. 120.—122. Quarta a laeso perioste in phalangibus digitorum pag. 122. 123. Quinta a vitio tendinum , qui in prima phalange digitorum finem habent pag. 123. 124. Sexta ab inflammatâ vagina , quæ his tendinibus circumponitur pag. 125. 126. Hac occasione nonnulla notantur de scuto cartilagineo , sub quo illi tendines transeunt . pag. 126. Septima denique a laeso harum cartilaginum perichondrio pag. 127. 128.

Sequitur jam consideratio physiologica unguium pag. 128.—130 , dein eorum patho-

pathologia pag. 130; in primis exponitur, quam dolorifica mala ab ariditate epidermidis cum illis cohærente, & ab ipsa eorum arescentia sequi possint pag. 130. 131.

Porro explicatur callus, qui fit a degeneratione nervorum, per eorum compressionem nata pag. 131, & hac occasione agitur etiam de cæcitate & surditate senili, quæ ab occallescentia nervorum opticorum & acousticorum producuntur pag. 132.

Agitur dein de verrucis, quæ sunt papillarum nervearum degenerascentium species, & diversæ earum sedes notantur pag. 132.—135.

Porro tractantur Clavi, cornibus animalium similes, suntque illi papillarum nervearum, ex cute assurgentium compressiones & indurations pag. 135. 136.

Tandem, Capitulum de papillis in superficie corporis degenerascentibus primum hujus opusculi tomum claudit pag. 137. 138.



Pars secunda agit de Morbis, qui totum sistema encephali afficiunt; & quoniam ab eo humanitas pendet, hinc post brevem prefationem pag. 143.—145. agitur de mente humana, quae in genere describitur pag. 145.—147, & ex ipsa ejus consideratione deducitur cognitio adorabilis DEI, qui omnibus rebus, mentique humanae primam dedit originem pag. 146. 147.

Agitur dein de modo, quo mens humana ideas acquirit, ostenditurque, hanc rem vix melius posse explicari, quam si ille modus comparetur cum ingressu luminis in oculum pag. 147.—150. Consideratur porro potestas mentis humanae, quae apta est cogitare infinita pag. 150, praterita sibi sistit praesentia pag. 150, adhibitis etiam quibusdam notis corporeis pag. 151, vel sine illis, dum tamen in utroque casu perfecte eadem manet. pag. 151. 152.

Pergitur jam ad Ratiocinium, ostenditurque, hanc actionem esse simplicissimam, & quasi momentaneam pag. 152.—155, moram vero ejus successivam pendere a notis, quibus nobis opus est pag. 155. 156; unde concluditur, esse in mente perfectionem latentem, qua per se cogitat pag. 156. 157.

Sequitur alia mentis facultas, nempe Voluntas, quae se extendit ad infinita pag. 157. 158, habetque in se fundamentum virtutis, & vitii pag. 158. 159: hujus proprietates recensentur pag. 159, & nonnulla adduntur de summo bono pag. 159. 160.

Considerantur porro animi affectus pag. 160, qui in genere referuntur ad amorem & odium pag. 161, quorum bonum vel malum regimen felicitatem hominis promovet vel turbat pag. 161. 162; recensentur horum diversitates pag. 162, & ostenduntur varii effectus in corpus humanum pag. 162. 163, unde deducitur regimen mentis, quod medicorum est pag. 163.—165.

Porro describitur Imaginatio, quae facultas mentis homini in primis propria est pag. 165. 166. recensentur miri ejus effectus pag. 166. 167, notantur varii gradus pag. 167. 168, & docetur ejus regimen pag. 168. Hæc vero si nimis valida sit, oritur insania, quæ porro describitur pag. 169. 571, methodusque curandi traditur pag. 171. 173.

Pertractatis morbis, qui sedem habent in ipso sensorii communis loco, jam agitur de iis, qui sedem habent in alio loco, unde sensorium commune aque afficiunt, acsi in eo ipso hærent pag. 173. 174. In primis hic accusari merentur præcordia pag. 174, mesenterium pag. 174. 175. Herniae pag. 175. 176, aliæque causæ, quæ in nervos abdominales agunt pag. 176. 177; nee minus hic peccant uterus & vesica pag. 177: methodus curandi morbos, ab hac causa ortos, traditur pag. 177.

Sensorium commune saepe etiam afficitur a sordibus, in primis viis hærentibus, quæ saepe malignam indolem habent: morbi inde nati describuntur pag. 178.—180.

Dein agitur de bile attra in iisdem his locis hærente, & morbos nervorum producente pag. 180.—183.

Venena varia, in ventriculo hærentia, totum sensorium commune etiam turbant, quod demonstratur pag. 183. 185.

Hæc consideratio dicit, ad explicandam nervorum ventriculi & primarum viarum actionem in sensorium commune pag. 185. 186, cuius rei illustre exemplum habetur in Colica Pictonum, de qua agitur pag. 186. 187; adduntur quædam de noxis ab affectis nervis remotioribus pag. 188, & pauca alia, quæ curationem horum affectuum spectant pag. 188.

Sequitur Capitulum, ubi ampliori sermone ostenditur, nervos, per totum corpus dispersos, in proprio suo loco agitatos, producere capitis & generis nervosi morbos pag. 188.—191.

Hactenus sensorium commune consideratum est, quatenus est pars corporis solida, vel fluida, vel ex utrisque composita; jam vero sequitur subtilior indagatio principii illius, quod HIPPOCRATES vocavit *impetum faciens*,

eiens, a quo omnes motus originem ducunt, & in quod omnes sensus terminantur: de eo in genere quædam dicuntur pag. 191. 192. Ut vero constitutio ejus morbos melius intelligatur, accuratius dein inquiritur ortus idearum pag. 192-195, animi affectuum pag. 195, unde iterum fiunt motus corporei pag. 195. 196, excretiones perturbatae pag. 196, omniumque fere functionum mutatio pag. 196. Recensentur porro miri effectus hujus principii impetum facientis respectu motus corporei, quos tamen minime percipimus pag. 196. 197.

Definitur nunc accuratius, quid sit sensorium commune pag. 198; quod ut agat, requiruntur nervi pag. 198. 199, qui distincti sunt in ortu & fine pag. 199: determinatur porro, cuinam corporis loco sensorium commune assignari queat, nempe ipsi nervorum origini pag. 200, in qua nulla adest confusio, ita ut tam origo quam functio cujuscunque nervi sit distinctissima pag. 200. 201, quæ distinctio tam accurata est, ut homo respectu humanitatis revera sit duplex pag. 202. 203. Objici tamen posset, quod partes cerebri se mutuo decussent, hinc illa res accuratius inquiritur, nec tamen apodictice determinatur, quid statuendum sit pag. 203. — 207.

Sequitur Caput de Sympathia, in qua explicatur, quid nervi patiantur ab externa causa, & qua ratione unus homo agat in alterum, & patiatur ab altero: præmittuntur quædam, quæ hanc rem in genere spectant pag. 207. — 209; docetur dein, quomodo unus homo possit excitare effectus alterius pag. 209. 210; illustrantur hæc exemplo ex arte musica desumto pag. 210. 211; enarrantur miri potentiae nostræ effectus pag. 211. 212, quorum nescimus causam, modum & instrumenta pag. 212. 213, qui non semper pendent a nostra voluntate pag. 213. 214, sed quasi unico actu fiunt pag. 214, diu durant pag. 215, corpus nostrum mutant tam ad salutem quam ad mortem pag. 215. 216, extendunt se in longinquum & ad alia corpora pag. 216, nec domari possunt nisi per remedia, quæ corpus humanum debilitant, & ad mortem ducunt pag. 217. 218. Adduntur dein alia de principio, hos effectus excitante, quod plane invisibile est pag. 218. 219, & tamen tantum habet imperium in corpus, ut ab eo, in animi affectibus exorbitante, omnis generis morbi excitentur, imo mors ipsa, & quidem subitanea sequuta fuerit pag. 219. — 224.

Supereft nunc disquisitio, quemnam effectum præstet imaginatio humana in alienum corpus, id est, agitur peculiari capitulo de vi imaginationis mulieris gravidæ in proprium fætum: hæc primo exemplis demonstratur pag. 224. — 227, dein adducuntur variorum Auctorum de causa hujus eventus sententiæ pag. 227, quas tamen non admittendas esse demonstratur pag. 227. 228, concluditurque, causam hujus phænomeni esse incognitam pag. 228, & ad mirabilia referendam, pag. 229; quod in toto opere generationis etiam locum habet pag. 229. — 231, ut etiam in aliis casibus, in quibus ignorantiam nostram fateri cogmunt pag. 231.

Absolutum jam esset pensum, nisi opportunum foret aliquot exemplis ostendere, qua ratione morbi, proprie cephalici dicti, retractari debeant: & quia Verigo horum est levissimus, hinc primo ejus historia traditur pag. 232. — 256: dein sequitur Caput de Apoplexia, quæ inter morbos cerebri est periculosisima pag. 256. — 271: hujus minores gradus sunt Parapoplexia, de qua agitur pag. 271. Parafisis pag. 271. 272, Lethargus pag. 272, Cataphora pag. 272. Carus pag. 272. 273, Coma pag. 273. 274, Paralysis, de qua amplior sermo est pag. 274. — 306. Tandem Caput de Epilepsia, pag. 306. incipiens, hisce prælectionibus de morbis nervorum imponit

F I N E M.

HER.



H E R M A N N I
B O E R H A A V E
PRÆLECTIONES ACADEMICÆ
D E
M O R B I S N E R V O R U M .

Proposi-
tum.



E his morbis dicere constitui, de quibus haec tenus vobis cum nunquam de industria egi, quoniam infantibus, dulcibus conjugii pignoribus, sexui amabili, virisque, literis operam dantibus, infensiissimi & creberim hostes sunt. Horum sedes in abstruso latet, hinc ratio eorum physica tam parum fuit perspecta, ut non tyrones, non vulgares Medici, sed principes in arte Viri ad Dæmones, præstigia, & nescio quæ incondita, potius confugiant, quam ut eos ex legibus corporis humani explicare audeant. Sed quo magis noxiū est hoc malorum genus, eo magis agitantur illi, qui publicis se devoverunt usibus, ut boni aliquid, quod miseris ægris utile erit, proferre queant. Agite ergo, A. O., opus hoc aggrediamur; vos excitate me vestra præsentia, & attentas

adhibete autes; ego conabor efficere nè vos, temporis honeste avaros, hu-jus dispendii pœniteat.

Quam partem corporis humani Græci *Nivpor* dicunt, eam unius literæ transpositione *Nervum* dixerunt Latini, utroque vocabulo intellexerunt illam partem, quæ sensibus motibusque arbitrariis inservit: sic sensere omnes vocabularii. Verum quum huic operi lacerti, tendines, & fibræ quoque spectant, hinc contigit, ut hæc tria *Nervi* nomine promiscue intelligerentur.

Nervi de-
scriptio

Vos, qui excusistis Græcæ & Latinæ Linguæ vocabula, novistis, nil crebrius occurtere, quam quod Lacerti vocentur *Nervi*, & hoc sensu saepe de *homine nervoso* loquuntur auctores. Sed nihil etiam est frequentius, quam Tendines vocare *Nervos*; sic dicebantur *Nervi* consuti esse, quando Tendines eo modo lædebantur. Denique quum videbant, Lacertos & Tendines non age-

A

re

re sive Fibrillis, hinc & eas quoque Nervos vocaverunt. Qui ad hæc non attendunt, auctores Græcos & Latinos saepe male intelligunt. Nos vero, ut omnem evitemus obscuritatem, utimur libertate, quæ omnibus disciplinarum cultoribus conceditur, ut vox quædam per definitiōnem præmissam unicæ significationi prudenter adstringatur.

Ego Nervi nomine intelligo, partem corporis, ortam ex medulla cerebri, cerebelli, medulla oblongata & spinali, & inde porrectam ad omnes alias fere corporis partes firmas, forma chordarum vel funicularum. Nulla hic utor licentia, nam ita hæc vox a tribus aliis distinguitur.

Dico ex medulla, nam ex ea nulla alia pars corporis oritur; ad partes firmas, nam nullum os, membra, musculus, tendo, viscus &c. inventa sunt, ad quæ non porrigitur nervus; forma chordarum, nupiam tamen tensus, sed ubique laxus procedit.

DE NATURA NERVORUM.

Nervi
natura.

DE hac nunc dicere debeo, nam aliter Morbi nervorum intelligi nequeunt; estque ea etiam ignota, nisi cognoscatur prius medulla, unde Nervus oritur; nam quia a nulla alia parte originem dicit, hinc possumus dicere, Nervus est medulla, sed adunata; & ubi solitarie decurrit, est medulla dispersa.

Illud, quod proprie facit Nervum, non est Nervus, nisi ratione ortus ex medulla; in Nervis autem, qui nobis apparent, videntur tantummodo illa, quæ Nervo superinducta sunt.

Hinc ubicunque Nervi sunt, ibi adsunt propagines medullæ usque ad illum locum, ad quem feruntur: & ubi ultimas actiones faciunt, ibi il-

læ non fiunt per exteriora, sed tantum per illud interius.

Proinde si Medicus Medullæ fabricam cognoscat, intelliget etiam, quid sit Nervus; quamdiu medullæ naturam ignorat, nil boni sciet de Nervo: atqui in toto corpore humano mil minus cognoscitur, quam Medulla. Rogate solertissimum HARVEJUM, subtilissimum RUYSCHEIUM, artificiosissimum LEEUWENHOEKIUM, qui tot latentia in lucem protraxit? haerent, vident aliquod homogeneum, splendens corpus, sed nihil fere determinant.

Nostrum erit, quum veram medullæ fabricam ignoramus, certa quædam de hoc corpore experimenta excutere.

Omnis Medulla, unde Nervi originantur, deprehenditur semper circumfuso cortice cincta, sed Medulla spinalis invenitur hunc corticem intra se gefens.

Intra corticis superficiem extream, & medullam ipsi contiguam, nemo mortalium hactenus vidit aliquid intermedii, nec humorem, nec vas, hinc medulla creatura est, non pendens nisi a cortice, vel ab ejus membranis.

Constat porro, omnium Nervorum originem esse intra cavitatem craniī ossī vel thecae ossae vertebrarum: in crano continetur cerebrum, cerebellum, cortex & medulla utriusque, medulla ex utroque collecta, oblongata dicta, & nervi ex ea oriundi.

Theca vertebrarum dorsi cava, nixa crano ad partem posteriorem & tebra-inferiorem, facit quasi craniī propaginem, cuius omnes partes sunt solitæ, sed inter se connexæ. In tota hac Theca nil invenitur nisi medulla, ex crano demissa, una cum cortice, triginta distinctis nervorum paribus, variisque involucris, quæ etiam involucra sunt corticis.

DE CRANIO.

Granii
descrip-
tio.

CRANUM vocatur cavum illud osseum, quod in adultis præcipue consistat ex octo distinctis ossibus, per suturas inter se nexit.

Dico, cranium præcipue constare ex octo ossibus, nam in junioribus plura sunt, quia os frontis dividitur in duo, os sphænoidale & os temporum etiam ex aliis pluribus constat: hoc ita factum est, ut capacitas cranii, destinata continendis partibus memoratis, hisce contentis se sensim posset adaptare. Vidistis procul dubio corpora humana non majora digito indice; vidistis in his corporibus, cranium in quibusdam locis jam fieri osseum: ut vero ejus contenta excrescerent, capsula continens etiam debebat posse extendi, quod fieri non potuisset, si ex uno osse constitisset: si in homine originetur impossibilitas, ut cranium excresceret, dum vis cordis contenta ejus adhuc extrorsum urget, sequentur inde morbi incurabiles, hinc quamdiu crescimus, futuræ nunquam delentur; imo cranium eo mollius, membranosius, futurisque magis instructum est, quo homo origini propior est.

**Quomo-
do se ha-
beat in
Embry-
ane.**

In Embryone unius mensis totum caput leni tritu facile conteritur in mucum; in bimestri jam incipit aliquid ossei nasci, hoc auctum apparet in quadrimestri; in novimestri omnia ossa jam fere perfecta sunt, sed futuris magnis adhuc separata.

In singulis his ossibus sunt singulares quædam partes, quibus arteriæ nutrientes applicantur, & ubi illæ arteriæ in centro concurrunt, ibi primo os fit, nam ex hoc puncto distinctæ arteriæ dantur unicuique ossi distincto, hinc cum ibi maxima est vis impellens, ibi prima sit ossificatio, & proinde os crescit a suo centro.

Quamdiu illæ futuræ expansiles

sunt, tamdiu ossa etiam extenduntur, & quo magis increscunt contenta in cranio, eo magis excrescit cranium continens.

Simulac cranium ad debitam per-
venit magnitudinem, totum durum do in *
est, nec ulla sutura membranosa am-
plius superest, sed serratus margo
unius ossis in marginem alterius im-
missus conspicitur.

In homine viginti quinque anno-
rum in ipsis commissuris deprehen-
duntur parva vestigia illarum mem-
branarum, in quibus vascula quædam
continentur; sed in summa senectute
futuræ fere delentur, nec vasa per
illas amplius transeunt, & tamen hi
homines vivunt sine notabili vitio
generis nervosi; hinc futuræ male
creduntur fuligines de capite emitte-
re, & cranium per se nihil facit ad
nervos eorumque origines, nec ullius
momenti est respectu cerebri & ner-
vorum, an suturæ adsint vel non, &
male culpati futurarum defectus
fonticulis supra ossa parietalia com-
pensatur.

**Figura
Crani.**

Cranius respectu cerebri & ner-
vorum figuram habet capacissimam,
nec in toto corpore ullum cavum
stabile tam capax, & quod tot par-
tes continet, invenitur. Fabrica ejus
est securissima, ita ut nullus locus in
toto corpore adeo defendatur, quam
nervorum exortus.

Quamdiu Cranium extendi debet,
ex variis partibus est compositum;
ubi vero crescendi necessitas desinit,
fit naturæ uniformis, & ossa pro-
continuis haberri possunt: non potuisset
autem aliter segmentum illius
sphæricum æquabiliter extendi, nisi
partes ejus paululum in planum ver-
gerent; homini vero in nulla parte
plus periculi metuendum est, quam
in fronte, hinc ossa ibi magis emi-
nent, & in occipite etiam magna
tubera inveniuntur.

Cranius nervorum tantum causa
inæquabile est, nam in tota superio-
ri sphæra æqualis est superficies in-

terna, demtis quibusdam foveis pro arteriis & venis ibi positis; inferius vero superficies tam scabra est, ut describi nequeat, nam quia medulla oblongata sub pondere cerebelli ponit deberet, hinc tales eminentiae & declivitates in posteriori inferiorique parte inveniuntur.

Jucundum valde est habere cranium apertum in manu, & partem ejus inferiorem conferre cum illis tabulis Eustachianis, in quibus cerebrum inversum pingitur, nam tunc apparet, nullam esse in eo cavitatem, quin usum suum habeat: ceterum cranium, quatenus os est, nihil ad nervos facere videtur, nisi quod eos defendat; potest tamen craniis tumentis exostosis comprimere medullam & nervos.

DE THECA VERTEBRARUM.

Vertebrarum numerus.

NOvistis, septem colli vertebras esse, quarum unaquaque attentæ menti uberrimam præbet speculacionis materiam. Hæ septem diversæ sunt a cæteris, nam duodecim sequentes pectoris longe alterius fabricæ sunt, neque illæ omnes plane inter se convenient: tum sequuntur quinque vertebræ lumborum, quæ iterum differunt; denique vertebræ ossis sacri, de quorum numero autores variant.

Earum structura.

Hisce compaginatur hæc theca ossæ, distincta in tot ossa a se invicem separata, quæ omnia, ut possint crescere, in junioribus in plura alia ossa distincta sunt: quam vero unaquaque vertebra requisitam magnitudinem habet, tunc apparet unum os.

Omnes hæc partes sic factæ mirabil modo inter se necuntur, nam corpus earum cingitur limbo, ex quo nascitur ligamentum, quod de una vertebra in alteram ita protenditur, ut totum limbum cingat; hinc pars inferior cujusque vertebræ adnectitur superficie superiori verte-

bræ sequentis ope illius ligamenti; quod oritur fibris perpendicularibus, innumerabilibus, fortissimis; & quo animal est origini proprius, eo illud ligamentum est longius; sed in senectute ita deletur, ut cum osse fere concrescat, omniaque illa corpora proxime inter se necantur, & hæc ratio est convexitatis spinæ dorsi in senibus.

Hoc ligamentum intermedium facit, ut tota hæc compages ossa firmissima sit; demonstrant enim Mechanici, quod funis, quo brevior sit, eo difficilius rumpi queat: illa vero ligamenta tam curta sunt & numerosa, ut salva flexilitate faciant tantam firmitatem, quam si esset unum os.

Hæ vertebræ simul faciunt alteram quasi cranii speciem, totaque hæc theca figuram habet, medullæ spinalis longitudini accommodatam; sed quia flexilis debet esse, hinc in tot partes divisa est.

Omnes etiam suas habent appendices, eo modo dispositas, 1. ut maneat æquabilissima thecae cavitas in omni flexibilitate; 2. ut omnis causa externa ubique deprehendat æqualem resistentiam; & hæc est ratio, cur processus spinosi longissimi sunt, ubi maxima requirebatur flexibilitas, ut in collo patet, & fortissimi, ubi corpus summis injuriis est obnoxium; 3. ut transmittant nervos, qui ut tuto transire possent, ad latera exire debeant; hinc appendices illæ etiam situm habent ad latera, ut declivi suo decursu nervorum exitum defenderent: 4. ut admittant vasæ, quæ magno numero, recto itinere, thecam iugrediuntur. Cæterum theca hæc alios usus nervis præstare non videtur.

DE DURA MATRE.

Multi morbi huic imputantur, hæc ergo omni cum cura examinanda est.

Tota

Tota superficies interna cranii & theca vertebrarum in omni puncto visibili succingitur membrana, quæ intra cranium dura mater vocatur, sed intra thecam vertebrarum peculiariter nomine caret. Possemus vocare continuatum periosteum totius superficieis internæ vertebrarum usque ad initium ossis Coccygis.

Variae de ea opinio- nes.

Huic membranæ in cerebrum, cerebellum, medullam oblongatam & spinalem tantas adscripserunt vires Viri Clarissimi, PACCHIONUS, BACELIVUS, aliique, ut, si vera sit eorum sententia, Medicus, cui morbi nervorum curandi occurrunt, magis intentus esse debeat, ad conservandam membranæ hujus incolumitatem, quam ipsius cerebri vel nervorum. Agite, excutiamus; quid de ea sentiendum sit.

Eius de- scriptio.

Dura mater est membrana crassissima, durissima, vasculosissima, succingens osseam superficiem cavi crani, illaque in omni puncto adnexa, maxime ad suturas, ubi olim membranacea interstitia fuerunt; & ad illa loca interni crani, ubi nervi egrediuntur.

Cohesio.

Dico, quod fit *membrana crassissima*, nam nulla membrana in toto corpore reperitur crassior; *durissima*, ita ut tenaculis vix possit decerpi; *cranium ita succingens*, ut omnes ejus politas superficies, sinus, cryptas, scrupulosa asperitates obvulet, illaque ita *adnexa*, ut nullum punctum sit in exteriori superficie duræ matris, qua cranium spectat, quin cavæ superficie crani cohaeret; *maxime* tamen ad suturas, quibus omnibus olim præbuit interstitium: novistis enim, os frontis in junioribus habuisse tale interstitium membranaceum, quod nil erat, nisi dura mater. Ad basin crani, ubi moles cerebri incumbit, omnium maxime cohaeret, & quidem tam arte, ut ipsi illi viri, qui duræ matris systolen & diastolen adscripserunt, illud saltem de hoc loco affir-

mare non ausi fuerint: cum tamen ad hæc loca ingrediuntur & exeunt omnia vasa, omnesque nervi egrediuntur, fatendum est, ibi immobilem esse, ubi spiritus determinantur ad partes. Moneo hoc, quia clari viri putant, morbos nervorum (quod etiam verum esse puto) pendere a motu spirituum inordinato: sed credunt, duram matrem quasi cor esse spiritibus; coguntur ergo fateri, quod hæc membrana plane nullum habere motum possit in illis locis, ubi maxime requiri videbatur: porro maxime cohaeret ad suturas, ubi oriuntur ejus appendices, scilicet a sutura sagittali usque ad Torecular Herophili & suturam lambdoideam: decurrens juxta ejus decursum, facit accretionem novam; *Appen- & quod notandum, quemadmodum dices.* ad futuram sagittalem emittit septum longitudinale inter lobos cerebri, sive processum falciformem, ita ad hanc futuram demittit septum transversum, quod protenditur usque ad os sphænoidale, & sic facit diaphragma medium inter cerebrum & cerebellum. Hæc duo septa sunt mobilia, licet non nisi in magnis capitibus concussionibus moveri videantur.

Præterea, dura mater, qua parte applicatur crano, ubi vasa ingrediuntur, & nervi exunt, non perforatur, sed ibi jam a prima formatione accepit tot appendices canas, quot produci debebant ad omnia illa loca, ut vasa vel nervi iis investiri possent; septum vero transversum in vaginam abit, quæ totam medullam oblongatam capit, & exit ad os occipitis.

Hæc est idea duræ matris, qualis primo intuitu nobis appetit: examinemus eam ulterius.

Dixi, quod dura mater sit *membrana*. Membrana Anatomicis definitur pars mollis, in longum & latum extensa, parum crassa, vix aut non vasculosa, unde inter partes similares referendam esse dixerunt. No-

bis autem , si solos tantum sensus consulamus , membranæ in duas classes dividi debere videntur , quarum prima est earum , quæ sensibus nostris vasculosæ apparent , altera earum , quæ nulla vasa sensibus exhibent .

Ipsi veteres Anatomici membranas vasculosas agnoverunt , nam proptere habuerunt Mesenterium , in quo vasa & nervos descripsierunt .

Omnis autem membranæ vasculosæ bifidæ sunt , id est omnes , quæ continent vasa magna , illa nunquam habent in superficie , sed inter binas membranas decurrentia . Sic nulla arteria insignis in Mesenterio est nuda , sed inter duo plana membranacea Mesenterii hærent omnes , & omnes rami ramorum , iterumque horum ramuli ad ultima usque . Pariter ratione dura mater scatens vasis non habet ullum vas externe sibi impositum , quod proprie ad illam pertinet , sed semper intra suam duplicaturam . Quando ergo vasa ex illa membrana exeunt , semper exeunt intra illam duplicaturam . Hac ratione emulgentes hærent inter duplicaturam peritonæi , cum vero ad renes pervenerunt , illos intrant relieto peritonæo , quod renes transcedit . Consideratio hujus rei postea magnum usum habebit , nam hinc videbimus , id omne , quod clari viri in talibus membranis crediderunt fibras musculosas esse , revera fuisse vasculosum . PACHIONUS , aliique sic decepti , fallunt iterum alias , dum dicunt , se prius debere aliquandiu macerare duram matrem in aceto & aqua calida , antequam fibras illas possint demonstrare : RUY SCHIUS vero docuit , quod omnes membranæ crassæ videantur quidem fibrosæ , sed quando replentur materia ceracea , totum illud appetat vasculosum . Hæ ergo membranæ non nisi propter vasa repleta crassæ apparent , subductis vero liquidis sunt satis tenues .

1. De membranis , quæ ad sensum *Membra* non vasculosæ sunt , notandum est , *væcuso* non quod vasa , cæterum invisibilia , per se . morbos distendi , & sic apparere queant . Tunica Cornea oculi in homine sano nullum vas conspicuum habet , sed quum ophthalmia oritur tam violenta , ut omnia objecta ægro rubra appareant , quia tunc vasa hujus tunicæ sanguinem rubrum admittunt , sensibus se manifestant . Idem in adnata similibusque tunicis verum est . 2. Vasa in his membranis per injectiones *RUY SCHIANAS* etiam apparent : Clarus ille Vir confidens faciem hominis post mortem & videns , illam tam deformem fieri , ut nemo mortuum cognosceret , quem vivum cognoverat & amaverat , cogitabat , eamdem mutationem esse in interioribus , quam in exterioribus ; concludebat inde , ut veram faciem humanæ fabricam cognosceret , sibi opus esse quadam materia , per quam facies repræsentari posset , ut erat in vita ; hinc cogitavit de injicienda materia molli & fluida , sed quæ simul debebat esse consistens & colorata , & invenit materiam suam ceraceam rubram , per quam faciem hominis mortui fecit apparere instar vivi , eodemque experimento in aliis etiam membranis vasa ostensa fuerunt . Homo vivus , torosus , genas habet , propter vasa distenta ruberrimas ; mortuus habet genas gelidissimas & pallidissimas ; ars injectoria post mortem ostendens , quod pulchrum erat in homine vivo , imitatur naturam , & defectum supplet . Hac ratione multæ membranæ sensibus nostris apparent vasculosæ : Conspicitur hoc , e. g. , in membrana hepatico succingente ; hæc per flatum separata appetet tenuis , subtilissima , pellucida ; post injectionem vero videtur tota vasculosa , nullo puncto excepto . V. RUY SCHII *Thes. Anat.* X. *Tab. III. Fig. 5.*

3. Sunt membranæ in quibus nullus morbus , nec ulla ars vasa ostendit .

dit. Talis est membrana Amnios in homine, quæ foetum, funem umbilicalem, & aquas, cavo suo contentas, includit. In ea per artem RUY SCHIANAM nulla hactenus vasa detecta sunt. Talis est Chorion, quæ nullum etiam vas ostendit, nisi ubi placenta cohæret. V. RUY SCHII Epist. Anat. IX. pag. 9. Has membranas tamen vasculosas esse, ex eventu apparet; hinc didicimus tantum, nullum vas distinctum sensibus nostris in iis apparere. Talis est membrana cerebri Arachnoidea, tenuis & simplicissima, qua parte proxime adjacet futuræ sagittali, in qua tamen per flatum etiam apparent quasi vasa, quæ RUY SCHIUS Pseudolymphatica vocat. Tale est corpus reticulare MALPIGHII & Cuticula. Novi, quæ inserta sunt aetis Societatis Britannicæ a celebrissimo Anatomico St. ANDRE', quasi vasa in Cuticula ostendisset. Sed an ille Vir haec vasa unquam bona fide demonstraverit, dubitare liceret, quum a RUY SCHIO ad ea ostendenda provocatus sit. V. ejus *Advers.*

Anatom. Decas 3. pag. 27. Verum est, quod merus sanguis ruber per Epidermidem transivisse visus sit. V. in eadem *Decade pag. 13. &c.* Concludere hinc licebit, dari membranas nullas absolute solidas, sed quod tantummodo ita nobis apparent quum tamen revera constant ex vasis tam parvis, quæ nec naturaliter, nec per artem, ullum humorem coloratum admittunt.

In omnibus etiam membranis vasculosis interstitia dari, quæ non vasculosa apparent, per injectiones RUY SCHIANAS docemur. Omnes porro membranæ impletæ, si vasis turgidis macerentur in aqua pura, separari possunt juxta latitudinem, & tunc inter binas lamellas separatas exhibent illa vasa, quæ antea colorata in membrana illa apparebant, unde vulgo putatur, quod vasa decurrent inter media tegumenta nos-

vasculosa: illud autem verum tantum videtur de vasis conspicuis, nam alia visum fugientia adesse possunt. Tale quid apparet in Amnio & Chorio, casu a se mutuo separatis: morbi enim inventi sunt, ubi latex effusus separationem inter illas produxerat, unde patebat, quod inter has membranas vasa non visibilia decurrent. Præterea debent etiam esse pertusæ, nam transmittunt per suam substantiam liquores, nutriendo foetui, in iis contento, destinatos: hinc licet & ibi vasa non videantur, per experimenta tamen certo certius demonstrantur. Hæc si applicemus duræ matri, concludere licebit, quod illa etiam sit separabilis in duas lamellas, quæ in sua duplicatura vasa conspicua continent; & adesse etiam spatia intermedia, quæ vasa conspicua non habent, & tamen vasis invisibilibus replentur, Agamus nunc singulatim.

DE VASIS DURÆ MATRIS.

Hæ sunt, ut in omni parte, arteriæ, & venæ.

Arteria
duræ ma-
tris.

Arteriarum decursus per duram matrem pulchre cognoscitur partim ex ortu suo triplici, partim per sulcos crano ab iis impressos. V. RUY SCHII *Thes. V. Tab. II. Fig. 4.* ubi illæ arteriæ delineantur, quibus sulci exquisite respondent.

Omnes arteriæ, ad duram matrem pertingentes, oriuntur vel a carotidibus, vel a vertebralibus, & duplice quidem ortu ex Carotidibus, simplice ex vertebralibus.

Arteria Carotis ita dicitur, quia *Ex Caro-
tidibus.* id est caput petit, unde Latinis vocari posset Capitalis. Hæc arteria est vel externa, quamdiu per jugulum transiens vergit ad basin Calvariæ; vel interna, quando mox introibit canalem osseum, pro ea excipienda formatum. Hæc in itinere, quo basin cranii petit, emittit duos

ramos: primus est maximus, qui ex latere Carotidis oritur angulo fere recto, vergens inde oblique extrorsum & antrorsum; paululum progressus deflectit a canali, in quo decurrit Carotis interna, & reperit foramen rotundum, pone foramen illud magnum, per quod ultimus ramus quinti nervorum paris exit, & tunc applicans se basi cranii, insinuat se in duram matrem, retinens membranas suas crassas. Patet inde, quod ramus, qui sanguinem debebat dare duræ matri, non derivetur ex Carotide interna, nam hæc deponit membranas suas crassas; sed illæ arteriæ, quæ ad duram matrem pertinent, retinent omnes suas membranas, & hoc respectu etiam distinguuntur ab illis arteriis, quæ sanguinem ad cerebrum & cerebellum vehunt.

Hæc arteria, quæ hic ingreditur, recta procedit, statimque evanescit in dura matre, nam cum illa supra dictum foramen hæreat, statim ejus duplicaturam intrare potest.

Hic ramus satis magnus est, ubi ingreditur, sed dividit se in multos ramos, qui dein occupant omnem partem duræ matris, quæ ossa bregmatis, & magnam etiam ossium frontis & occipitis partem succingit, & dispergunt se etiam per processum falciformem, ad quem nulla alia arteria pertingit, nisi ab hoc trunco. Hoc ideo notandum est, quia clari viri putant, quod ramus ex osse frontis huc veniat, quum contra os frontis arteriam accipiat ex ipsis arteriis cerebri.

Secundus ramus, qui pertinet ad duram matrem, oritur ex eadem illa arteria Carotide; nam postquam hæc arteria ramum exiguum dedit, qui pertingit ad oculum, progredietur ad os orbitæ interius: in parte tunc oculi illa, ubi apophysis lateralis ossis cuneiformis partem lateralem orbitæ ossæ facit, oritur hic ramus, qui inde procedens introrsum & de-

scendens pervenit ad posteriorem partem cristæ galli, ubi iterum ascendens duram matrem ingreditur, illaque prospicit ab osse frontis & basi cranii inferiori usque ad sellam turcicam. V. RIDLEY Anat. Cerebri Fig. II. Lit. i. Hic ramus a quibusdam auditoribus confunditur cum alio, qui ad cerebrum pervenit, & oritur ex carotide interna; sed ideo accuratius cognosci meretur, quia hic loci sedem videntur habere illidolores capitis, qui ad frontem oriuntur; sed si in latere hærent, potius de primo ramo cogitandum est.

Tertius ramus oritur ex arteria vertebrali. Hæc per septem commissuras vertebrarum colli sursum vergit, inflectit se ad basin cranii, & priusquam magnum foramen ossis occipitis ingreditur, emittit ramum externum lateralem, qui progredietur ad foramen, per quod pars nervorum octavum, & vena jugularis interna transeunt: & ubi eo pervenit, tum oblique antrorsum progredietur. V. RIDLEY Anat. Cerebri Fig. II. Lit. k. intrans calvariam, mox pergit ad duram matrem, & distribuit suos ramos per illam ejus partem, quæ os occipitis succingit, & septum transversum inter cerebrum & cerebellum constituit; hi vero rami præcedentibus longe minores sunt.

Præter hos nulla ars vidit ullum ramum arteriosum venire ad duram matrem. Inspicite RUY SCHII Thes. Anat. V. Tab. II. Fig. 4.; comparete cum cranio adulti hominis, & visuri estis, omnes illos sex ramos, ab utroque latere tres, inter se conjungi per anastomoses, & sic prospicere omnibus duræ matris partibus.

Hisce jam arteriis respondent suæ venæ, quæ omnes decurrent juxta comites arterias, quibus semper directe apponuntur, huic arteriæ in sua diastole venas compriment, & contentum sanguinem propellunt versus loca ampliora; tempore vero systoles opportunitatem dant, ut venæ jam

Ex vertebralibus.

Communicationes.

vacuæ, & a compressione liberæ sanguinem iterum recipient, quod necessarium erat, quia venæ tunica musculari destituuntur. Hæ autem venæ omnem sanguinem, quem ex arteriis recipiunt, deferunt ad illa loca, per quæ arterias ingredi dixi, quod in venis a cerebro & cerebello redeuntibus non ita obtinet.

Hic vero notandum est, quod non nulli observaverint, inveniri homines, in quibus sanguis venosus duræ matris redit per eadem loca, ubi ingrediuntur arteriæ; quandoque tamen partem quandam sanguinis non intrare in istas venas, sed in cavitatem sinus falciformis & sinuum laterali, adeoque hic duplicem esse sanguinis exitum.

RUY SCHIUS saepe a me rogatus, ut finem faceret litis de itinere sanguinis per duram matrem, tandem respondit, auctores vera simul scripsisse & falsa. Magnus quippe WILLISIUS dixerat, quod sanguis, arteriis duræ matris datus, spiritibus non orbatus, recto tramite tenderet in cavum sinus longitudinalis, ibique permiscetur cum sanguine, qui ex pia matre, cerebro & cerebello redibat, adeoque spiritibus orbatus erat; & quod ille maximopere requireretur, ne sanguis in illo sinu coagularetur. Hoc receptum fuit ab omnibus Europæ Medicis, nam videbatur valde probabile, & experimentis confirmatum, nam urina tincta, per arterias duræ matris injecta, exonerabat se in sinus. VIEUSSENSIIUS, rem proprius examinans, sententiam WILLISII adstruxit.

Cutus sanguinis suas detexit, repletis felicissimo successu arteriis, ad duram matrem tendentibus, impleri etiam ejusdem venas. Notavit materiam ceraceam, dum in arteriis hæret, uniformiter cohærere; ubi vero ex ultima arteriæ extremitate venit in venas, tum vacillare quasi nec continuatam effluere, quia venæ continuo latiores

fiunt, unde materies ceracea semper in venis quasi intercepta reperitur. Invenit quidem, ceram saepe venire in sinum longitudinalem, sed tunc semper effluere ex venis duræ matris, non ex arteriis; & ceram etiam semper colore orbam, & sere albam esse redditam.

Concludimus inde, sanguinem, qui adfertur per arterias duræ matris, pervenire quidem ad sinum longitudinalem, sed tunc semper prius venosum esse factum. Confirmantur hæc ex iis, quæ videri possunt apud RUY SCHIUM Thes. Anat. VIII. N. II.

Attendamus nunc ad arterias, quæ Confide. per sex ramos ex triplici origine fe-
ratio Ar-
teriarum.
runt sanguinem ad duram matrem, ita ut ne unica quidem ejus gutta ad cerebrum vel cerebellum perveniat. Omnes hæ arteriæ servant suam membranam crassam & musculosam in toto decursu per duram matrem. Novistis, Aortam, ubi ex corde sinistro exit, accipere tunicam tenuissimam a membrana, cor investiente; sed non potest ulterius per corpus distribui, nisi transeat per pericardium: comprehendunt autem Anatomici, membranas non perforari ab ullo vase, eas vero extendi supra vas transmissum; ergo hinc oritur altera arteriæ tunica, priori incumbens: inter has duas membranas decurrent rami arteriæ coronariae, qui distribuuntur supra totum corpus arteriæ a corde usque ad omnes partes externas. Hæ arteriæ sunt semper in diastole, quando cor est contractum, ergo non implentur ab Aorta, sed ab arteriis coronariis, & quidem eo tempore, quo arteria se submittit, quia tunc arteriæ, inter membranas disseminatae, minus premuntur; momento post ab expansa arteria comprimuntur, hinc propter alternam pressionem & relaxationem sanguis facilime per eas moveri potest. His accedit tercia membrana, quæ proprie arteriarum substantiam constituit, nimirum muscularis, & hujus respectu ar-

arteria vocari potest tubus musculosus, fibris longitudinalibus & orbicularibus praeditus. Omnes nunc arteriae in toto corpore, ubi sanguinem ad locum destinatum deduxerunt, in ingressu illius loci depo- nunt omnem substantiam musculo- sam, & evadunt simplices, tenues, & non elasticci canales: hoc in jecore, liene, renibus, ossibus, cerebro &c. ita obtinet; arteriae vero, quæ ad duram matrem perveniunt, cras- fas suas tunicas retinent; debent ergo habere systolen & diastolem, id est, debent posse contrahi juxta lon- gitudinem & latitudinem, donec per- veniant ad summam arctitudinem, quæ summæ contractioni respondet: debet etiam earum capacitas posse repleti, & eo usque dilatari, ut fi- bræ amplius distendi nequeant, & tunc vis elastica arteriæ ad mini- mum redacta est; simulac vero cau- sæ distendentes incipiunt minui, elas- ticitas incipit reagere, causamque distendentem expellere; hinc fit al- terna systole & diastole, quæ ulti- ma præternaturalis est arteriæ, & pendet a corde, quod semper tan- tum ejicit, quantum arteriæ admit- tunt; & quo arteriæ dilationis plus resistunt, eo magis se contrahunt, simulac definit causa distendens: ergo simulac vis resistens est ablata, arteria manebit impleta & distenta, sive cor agat, sive non.

An ab iis pendet motus du- ræ ma- Quaritur magnopere, quisnam motus sit contentorum intra cranium? Clarus RIDLEY vidit, si vivo ani- mali cranium longa plaga pertere- bratur, & osseum perterebratum sollicite aufertur, ne partes internæ lœdantur, quod tunc ad singulos cor- dis ictus magna fiat expansio in su- perficie illæsæ duræ matris. Hanc vero pendere a systole & diastole ar- teriarum, patet ex sulcis, durissimo osse craniï insculptis, quæ tam pro- fundæ sunt, ut dimidiā ad mini- mum harum arteriarum partem in- tra se locare possint, hinc decurrunt

eodem modo, & ostendunt eosdem ramos, quam arteriæ. Potestis hinc etiam colligere, hanc systolen & dia- stolen in his arteriis non esse parvam, quoniam tantum effectum facit. Fa- teor, sunt clari viri, qui putant, hos sulcos insculpi, quum cranium adhuc molle est, hinc minime resi- stit, adeoque illos arteriis non pos- se attribui: hoc vero, pace eorum, non credo, nam hi sulci tempore infantiae respondent magnitudini, quam arteriæ tunc temporis habent; hinc quoniam in homine viginti quinque annorum sunt tam magni, quam arteriæ in eadem ætate, & in infante unius anni etiam sunt tam parvi, quam arteriæ eodem tempo- re; hinc, inquam, mihi videtur, illos sulcos non natos esse, quum hæ partes adhuc erant flexiles, sed illos omni tempore & eodem modo cre- scere cum arteriis. Concludo ergo, hanc systolen & diastolen in syste- mate arterioso duræ matris esse in- gentem, & quidem maximam ad lo- ca cordi proxima, id est, in parte inferna crani ad sex illa loca, ubi arteriæ ingrediuntur, & ubi mini- mum est cerebri; quæ dein sensim de- crescunt, donec perveniant ad sum- mitatem crani: nam cum omnis ar- teria maximam systolen & diastolen habeat, ubi cordi proxima est, er- go in inferiori crani parte maxima erit; sed ibi sunt illæ asperitates scrup- peæ & sinus, in quos cerebrum se non insinuat, adeoque hic motus proprie ad cerebrum non pertinet; nam si effectum haberet in cerebrum, videretur maximus debere esse, ubi cerebrum maximum est, id est, in parte crani superiori, quod tamen non ita obtinet.

Erit ergo aliud quid: nempe, Ve- Et cui næ duræ matris decurrunt eodem mo- bono? do ut arteriæ, eæque maximæ sunt, ubi egrediuntur ex cranio juxta in- gredientes arterias, quas in omni suo decursu sequuntur; ergo quando arteriæ se contrahunt, laxantur ve- nae,

næ ; & vicissim , arteriis dilatatis , comprimuntur venæ ; hinc colligimus , systolen & diastolen arteriarum a natura etiam institutam esse , ad sanguinem venosum promovendum , qui ex se parvam tantum vim progressivam habet .

Hoc moniti , pergamus . In singulis cordis iictibus dilatatur sistema arteriosum duræ matris , hinc capacitas cranii tantum minuitur , quantum dilatantur arteriæ . Ponamus drachmas duas sanguinis cranium ingredi ; concipiamus , quantum spatium hæc comprehendant ; ergo quo tempore cor se contrahit , arteriæ duræ matris tanto pleniores sunt , quam in earum systole , & capacitas cranii debet ea ratione minui , ut sufficiens locus sit pro capiendis duabus drachmis ; atqui cranium semper plenum est , nam siolla cranii ab Anatomico removeatur , numquam iterum potest imponi , quia Encephalum se semper expandit , quod certum exhibit documentum , contenta cranii potius comprimi , quam quod ullum in eo detur vacuum . Concludimus inde , quod in singula impletione systematis arteriosi duræ matris , concava ejus superficies necessario debeat premere convexam cerebri superficiem , ergo hic semper erit alterna compressio & relaxatio , quæ quoniam distribuatur per totam superficiem , in singulis locis non potest esse valde magna . Vidimus autem , maximam vim exerceri illis locis , ubi venæ sunt ; hæc vero momento antequam dilatentur arteriæ , sanguine plenæ sunt , hinc cum dilatatio arteriarum fit , pressio determinatur in venas , nec cerebrum inde potest mutari , nisi a parva illa pressione , quæ superest , postquam venæ jam sunt evacuatæ .

Quid fiat in processu fibris duræ matris? In septo transverso & processu faliformi etiam venæ sunt , sed quum vis arteriarum , quæ hic minimæ sunt , non sufficit evacuandis venis , constructi sunt duo sinus , qui om-

nem sanguinem venosum horum processuum excipiunt , unde immediate deducitur in venam jugularem .

Circa Cerebellum vix ullæ arteriæ Et in cc.
rebello . majores apparent , quoniam hic ne minima quidem debeat fieri perturbatio . Colligamus ergo ex omnibus , quæ hoc usque consideravimus , quod nil musculosi nobis hactenus in dura matre occurrit , nisi in solis arteriis ; illæ vero omnes terminantur in ipsa dura matre , nec ullus ramus unquam pertingit ad suppositam piam matrem vel tunicam Arachnoideam , multo minus ad cerebrum vel cerebellum .

Consideremus nunc exitum illarum Exitus ar-
teriarum
duræ ma-
triæ. priæ sunt : desinunt illæ in tomen- tosam subtilitatem . RUY SCHIUS sa- pe dixit , & scripsit etiam , quod nil difficultius esset , quam replere vas arteriosa duræ matris ad ultima usque ; hoc vero si succederet , tunc duram matrem impletam invenit adeo rubram , ut nullum spa- cium fere a vas liberum supersit , & nisi inungatur oleo Terebinthi- nae , & per microscopium ad lucem conspiciatur , vas vix distincta apparet , sed tunc etiam simul tomentum videri potest : id est , quum vas sunt tam subtilia , ut membra- nae eorum præ tenuitate fere evane- scant , & se mutuo contingant , tunc quasi halitus roriferus materiae ceraceæ effusus conspicitur , quod ideo fit , quia substantia vasorum re- pletorum respectu materiae replentis fit quasi nulla . Hoc etiam in dura matre appetat , unde vas tenerrima hic adsunt .

Quæsitum etiam fuit , an hic es- sent vas lymphatica , & de hac re lites natæ sunt inter summos Anatomi- cos ; scitis vero ex RUY SCHIANIS , quod ubicumque arteria rubra in ve- nam rubram definit , ibi cera in ve- nas transfundatur , sed ubi arteriæ serosæ laterales sunt , cera non trans- eat in venas serosas , adeoque cum cera

cera in nostro casu non transit, vasa lateralia adesse debent. Præterea cum dura mater a minimo spatio sensim excrescit, certum est, eam debere nutritri omnium generum vasis.

Transitus Sequitur nunc consideratio harum arteriarum, quatenus cranio prospicunt; hæc enim ex dura matre egrediuntur, nam nullum vel minimum spatium est, ubi cranii interna superficies libera est a dura matre; sed in parte media inter cavam crani & convexam duræ matris superficiem, nulla vasa sunt, ergo vasa, quæ cranium intrant, oriuntur a dura matre; hæc autem cum præter sex arterias memoratas nullas alias habeat, ergo harum rami esse debent. Novistis, cranium exterius ramos accipere ex carotide externa, qui pericranium ornant, & terminantur in diploe; eodem modo arteriæ, quæ a dura matre oriuntur, in diploe terminantur, hinc diploe ab ultraque parte vasa accipit.

Revocate nunc in memoriam, quod dura mater constet duabus lamellis; harum exterior, crano contigua, non admodum crassa est; interior vero, encephalon spectans, satis fortis & fibrosa est, unde ab auctoribus recentioribus pro musculo habetur: hæc vero fibræ vix apparent nisi post macerationem, suntque maxime conspicuae, ubi venæ majores adfunt: præterea, exterior lamella duræ matris, ubi processus suos format, longe crassior est, quam ubi crano applicatur: didicisti vero, omnes arterias distribui inter duas lamellas; videtur hinc, quod lamella, quæ spectat cranium, vix ullam debeat habere crassitatem, quia nullus metus erat, ne vasa ibi rumperentur, quoniam sustinentur a crano: sed interior lamella incumbit molli cortici, hinc ibi metus erat maximus, ne arteriæ propter impetum rumperentur, aneurysmaticæ fierent; inservit ergo omne robur du-

ræ matris, ut systema ejus arteriosum sustineri possit.

Videte nunc: arteriolæ duræ matris tenues, emergentes ex superficie ejus, cranio applicata, recipiuntur a poris, in superficie interiori ossea cranii insculptis, ita ut vix punctum sit, ubi hæc arteriæ non ingrediuntur; hæc vero quum sanguinem satis magna vi huc ferant, lamella, encephalum spectans, dura & resistens, veri musculi vice fungitur, adagens sanguinem intra pores cranii. Miramini sapientiam summi Opificis; nempe, ut sanguis posset propelli in loca maxime resistentia, vasa non debuerunt esse mollia, sed fortia; atqui non indigebant illa vi intra ipsam ossium substantiam, hinc omnes arteriæ duræ matris, quæ cranium osseum ingrediuntur, deponunt suam crassam tunicam, sed lamella duræ matris, cortici cerebri accumbens, facta est elastica, ut sanguinem propellere queat: si ergo clari Viri urgent, quod dura mater vi musculari prædicta sit, possumus hoc eatenus concedere quatenus agit in suas arterias, minime vero, quatenus agit in subjectum cerebrum.

Numquam neglexi occasionem hanc rem accuratius inquirendi, & Nosocomium publicum hanc opportunitatem mihi dedit. Juvenis & robusta puella moriebatur vera Phrenitide, ejusque cadaver coram auditoribus, paucis post mortem horis, aperui. Quando olla cranii erat ablata a subjecta dura matre, in tota ejus superficie, qua cranium spectat, non inveni ullum punctum, microscopio distinguendum, ubi non erat guttula sanguinis rubri, & cava olla cranii ablata etiam non exhibebat ullum punctum, quod non ostendebat talem guttulam sanguinis, respondentem guttulae, in superficie duræ matris visibili.

I. Hinc ergo manifestissime patebat, quod per insertionem harum arteriarum commercium sit inter du-

ræ

ræ matris convexam , & concavam cranii ossæ superficiem : sed apparet præterea in hoc cadavere , quod venæ in dura matre etiam essent repletæ , & quod æque sit commercium inter vasa venosa duræ matris & cranii , quam inter arteriosa ; hinc tota superficies interior cranii tam firmiter adhæret convexæ duræ matris , ut sit quasi unum corpus ; & falsum est , quod nonnulli affirmant , duram matrem cranio tantum neci ad sinus & processus , sed non ad ossa Bregmatis , aut alibi . 2. RUY-SCHIUS etiam , quando vasa capitis feliciter injecerat , vidit , quum cranium auferret , ceracea filamenta ex dura matre pervenire ad osseam substantiam cranii . 3. Quando cranium externum ita concutitur , ut vasa hæc , ex dura matre in cranium pergentia , rumpantur , nullum punctum invenitur in fronte , bregmate , vel occipite , ex quo Chirurgi non observant , tali in casu sanguinem purum exivisse . Hoc tamen nunquam visum est in vasis interioribus duræ matris , quia hæc crassis membranis sunt præditæ . Observatum etiam fuit in suspensis , vasa hæc raro vel nunquam esse rupta . Maxima nunc inertio arteriarum est ad locum diploes , & Chirurgi observant , ibi plurimum sanguinis in concussionibus effundi . Hæc arteriæ nunc semper ad locum ingressus sunt maximæ , & sunt minores pro ratione distantia majoris . Usus autem harum arteriarum est , ut hæc ossa nutritant , augeant , vel consolident , & medullam etiam conficiant , quæ in diploe omnium ossium cranii reperitur . Ab exteriori etiam parte cranii æque ingrediuntur arteriæ , quam ab interiori ; nam si tantum venient ex dura matre , tunc totum cranium extrorsum excresceret , nunc vero servatur æquabilitas .

DE MORBIS CAPITIS AB ARTERIIS DURÆ MATRIS.

Hi sollicite sunt distinguendi ab iis morbis , qui oriuntur a vitio nervorum , differuntque etiam ratione loci , nam possunt fieri in dura matre ipsa ; in osse , quod arterias ex eo recipit , & in diploe intermedia .

Omnis ergo morbus , qui unquam observatus fuit arteriæ proprius esse , in dura matre etiam locum habere potest .

Omnis talis morbus parit effectus , ab illo morbo pendentes , hinc omnia symptomata , quæ unquam morbos arteriarum sequuntur , in dura matre etiam obtinent .

Ergo potest hic oriri omne Inflammationum genus , sive per transitum sanguinis rubri in dilatatos ramos arteriosos laterales minimos , sive per impedimentum in ipso canali ortum , quo prohibetur sanguinem suum transmittere in venas .

Hujus nunc potest fieri Resolutio . Quæ potest refol. Si in initio febrium ardentium , quando summus dolor capitis adeat , copia & impetus sanguinis minuantur , & diluentia exhibeantur , hæc sperari potest .

Vel etiam potest fieri Suppuratio . Vel sup-pulari. id est destructio & abscessio ultimærum extremitatum arteriosarum , quæ prius obturatæ erant : scilicet inventi sunt saepius morbi mirabiles post dolores capitis enormes , qui ab omnibus adscribantur cerebro . Crænico post mortem aperto , inventa fuit dura mater fere consumpta ab ingenti Apostemate , hoc dum increvit , comprimetur cortex & medulla cerebri , arctabitur cavitas cranii , omnesque functiones impeditur , quæ a parte compressa pendebant . V. G. Vix major est arteria in dura matre , quam ad illum locum , ubi nervus septimi paris , sive audi tori-

toribus ingreditur sinum ossis petrosi: hinc saepe oriuntur surditates incurabiles post magnos capitis dolores, in morbis acutis percessos; tunc enim ibi adfuit inflammatio cum tinnitus aurium, quae abiit in suppurationem; nam postea aliquando sponte facta excretione puris, restituitur auditus, unde patet nervum fuisse illasum. Si forte pus propagetur, potest hic fieri omne morborum genus.

Vel abire in gan-
gramam. Potest hic etiam oriri Gangræna. HIPPOCRATES jam scripsit de sphacelo cerebri, & concipere facile possumus, post diras inflammationes materiam morbi æque posse corrumpi in ichorem gangrænosum, quam in aliis inflammatis partibus, sed tunc subito sequetur mors.

Vel in cirrum. Verum hic etiam potest oriri tumor duriusculus & scirrhoideus. Scilicet, observamus in aliis membranis, post Inflammationes lentes vel nimis cito exsiccatas similes tumores relinqui. Vesicam urinariam a calculo digitum transversum crassam describit RUY SCHIUS, Obs. LXXXIX. Aliæ membranæ contractiles possunt reduci ad tantam duritatem, ut non amplius contrahi vel distendi possint. Hos morbos refero ad scirhos, qui etiam possunt fieri in dura matre, & ex hac causa omne morborum chronicorum genus potest produci, qui hoc commune habent, quod cerebri functiones laedant, & hinc etiam cerebro imputati sunt.

Vulnera. Huc etiam refero vulnera, & inde natæ ecchymoses inter duram matrem & cranium. Omnes morbi, inde nati, cerebrum per se non laesum, imprimis laedunt compressione externa, unde porro ejus functiones laeduntur. Vidimus, quod dura mater in parte crano contigua arteriolas habeat tam tenues, ut flatus fere disrupti possint, hinc ibi facillime ecchymoses fieri possunt: nec etiam tantum effundi potest sanguis ruber, sed etiam serum & lym-

pha; nam ubicumque est arteria rubra, adsunt etiam serosæ, lymphaticæ, & omnes series minores ad ultimas usque. Quicumque nunc liquor effundatur, dura mater eo loco secedit a suo crano; & saepe etiam talis separatio inventa est, vix apparente ullo liquore, qui jam exsiccatus & diffusus erat, sed tunc morbus diu duraverat vel calidissimus fuerat. Hos vero humores, extra vasa sua effusos, brevi debere corrupti, per se patet. Similis Ecchymosis potest etiam fieri intraduram & piam matrem: talis vero rarius est, & vix fieri posse videtur; nisi postquam vulnus per duram matrem penetraret usque ad illam ejus superficiem, quæ pœ matri accumbit. Fateor, quod hic saepe sanguis effusus inventus sit; ille vero videatur profluere vel ex sinibus disruptis, vel ex venis, ad sinus tendentibus. Observat RIDLEIUS, raro inveneri hominem suspensum, quin semper sanguis effusus sit supra cerebri superficiem; cumque fluere ex parvis venis, quæ se in sinus evacuare solebant; illi vero patent in venas jugulares, hinc iis compressis, quum arteriæ maneant integræ, venæ minores facile poterunt rumpi.

Contusiones, vel validæ concussio- *Contusio-*
nes cranii, multa etiam mala facere *nes.*
possunt. Os enim est pars corporis valde elastica, & utcumque flexilis; hinc magna ossis concussio semper mutat illius figuram; os potest manere integrum, sed premitur introrsum: desinente causa concutiente restituit se quidem in pristinam figuram, sed tamen arteriæ tenuissimæ, ex dura matre in os immisæ, possunt ab hac causa facilime rumpi. Rarius hoc fit in osse frontis, vel occipitis, quia primum est fornicatum, & alterum per magnam suam crassitatem sustinetur; sed caput nostrum planius est in Bregmate: hinc figura ejus ibi facilius potest mutari: in centro vero Bregmatiæ mul-

multæ cryptæ cavernosæ sunt, & ibi loci imprimis arteriæ ingrediuntur: si ergo ad illum locum oriatur concusso, frequens etiam est ecchymosis, unde periti Chirurgi hic plerumque trepanum applicant. Morbi inde nati necessario nocent cranio, nam simulac per concussionem, rupturam, & ecchymosin commercium vasorum tollitur, debet desinere vitalis influxus, & hinc etiam multa mala fient.

Oriuntur hic saepe, in primis in Lue Venerea, terribiles dolores, quasi ossa dissilirent, illique ab affecta diploe pendere videntur; possunt illi etiam fieri in aliis morbis chronicis, in quibus vitiatus sanguis defertur ad diploen.

Frequenter autem oriuntur a plethora, sive abundantia boni liquidi nimia: haec nullam partem plus afficit, quam Encephalon, quod totum cranium adeo implet, & ab eo ita coercetur, ut credere non possit unde omnis impetus Plethorae capiti nocet: quod si impetus sanguinis nimis moti rarefactionem faciat, idem fit, ac si plethora adesset; hinc debet fieri necessario dilatatio arteriarum & venarum; sed venæ omnes, exceptis iis, quæ ad sinus decurrunt, comites habent suas arterias, unde se invicem comprimendo sanguinis motum possunt impedire, & hinc inflammatio oriri potest. Attendamus ad hominem suspensum, uno momento videmus, faciem purpuream fieri; lacrymas, salivam, mucum prodire: hic autem nihil mali est, nisi sola compressio venarum, nam arteriæ vertebrales penitus non, & carotides valde difficulter possunt comprimi. Si tales homines ante mortem casu fortuito liberati fuerint narraverunt postea, se simulac constringeretur laqueus, primo vidisse lucem, mox tenebras, denique nihil; quod procul dubio inde fiet, quin arteriæ in retina subito distentæ nervum opticum concutiunt, hinc

quasi flammam ante oculos representant; mox vero venis penitus compressis nihil amplius videri vel sentiri potest. Si jam ponamus, loco funis tantam fieri arteriarum dilatationem a quacunque causa, ut venæ comprimantur, similia symptomata fient.

Ex hac nunc plethora videntur oriri dolores illi molestissimi, Apoplexiā sāpe prænunciantes, qui proprie Cephalici dicuntur. Novi-

Cepha.
lagia.

stis, hunc morbum æstivo tempore post majorem corporis motum vel animi affectum plethoricis esse frequentissimum. Cogitate arterias duræ matris cranium ingredi per illa parva foramina, in quibus simul adsunt venæ; hinc quo magis illæ arteriæ expandantur, venæ eo magis debent comprimi; ergo impeditur effluxus sanguinis venosi ex crano, unde primo dura mater, dein etiam partes interiores patientur. Concipitis facile, omnem illum sanguinem, qui per venas reduces evacuari non potest, arterias duræ matris necessario dilatare; hinc compressionem illam in toto systemate venoso continuo augeri; quibus, sequetur dolor immanis, ruptura vasorum, suffocatio circulationis, error loci, & omne inflammationum genus: atqui in dura matre sunt vasa omnium serierum usque ad minimas, hinc ab impedita circulatione facile ex vasis minimis potest fieri extravasatio illius liquidi, quod HIPPOCRATES in sanis vocavit spiritum, in ægrotis ichorem.

Ex hac causa oriri poterit separatio duræ matris ab ipso crano. Separatio duræ matris.
Unicum hujus rei exemplum adduxisse sufficiet. Juvenis, recte se habens, summa cum contentione studiis incumbens, post nimias meditationes æstivo tempore incidit in febrem ardenter; accedit atrocissimus capitidis dolor, nulli remedio cedens, dein terribiles spasmi, tandem miser homo moritur: crano post mortem

tem aperto invenitur ingens cavitas inter illud & duram matrem; æque facta erat ex dura matre, ex figura convexa pressa in concavam, quæque cerebrum etiam ita introrsum preßerat, ut cranio ablato manferit fossa ingens. V. PACHIONI Epist. Anat. pag. 94. (*).

Hunc casum adducit clarus vir, ad demonstrandum, fibras duræ matris gaudere vi musculari, qua ex arcuata superficie se contrahere possunt in magis planam. Si quid veri hic video, summi dolores videntur originem habere a distensione vasorum duræ matris per magnum sanguinis impetum; spasmi vero a tanta eorum compressione, ut ipsa medulla inde pati potuerit. An vero separatio duræ matris facta est per spasmodum? non credo: nam si leges contractionis fibræ curvæ applicemus duræ matris, facile patebit quod per spasmodum non possit recedere introrsum, ut faciat fossam curvam, sed quod inde tantum plana fieri queat: videtur autem, quod figura ejus concava pressioni cuiusdam liquidi originem debeat; & probabile est, effusum hic fuisse quendam humorem, qui resorberi non potens, & per calorem rarefactus, duram matrem eo usque a cranio separare potuit. Intelligitis, hinc fieri posse omne morborum genus, nam quia cranium semper plenum est, non potest fieri humorum effusio, quin prematur cerebrum; & quia hic multa vasorum puntur, gangræna etiam metuenda est.

Apoplexiæ species. Hinc dari potest ratio dicti illius HIPPOCRATICI, quod æger a summis & repentinis capitis doloribus voce destitutus moriatur intra triduum. Vidi hujus rei notabile exemplum in hac urbe in homine quodam Theologo, qui sedens inter

amicos, & optime se habens, subito conquerebatur de inmani capitis dolore; & parvo tantum elapsso tempore incidit in Apolexiam, intra triduum lethalem. Pono, hic factum esse impedimentum quadam in cursu sanguinis venosi, a cerebro redeuntis: ab hac causa potest uno momento insignis tumor & dolor fieri; nam quando venæ se non evacuant, sanguis arteriosus tanto majori vi urget cerebrum, & vasa distenduntur, quibus ruptis illico fit Apoplexia. Hoc patet in suspensis, nam vasa intra cranium æque distenduntur, quam extra illud. Videmus etiam, quod homines, qui caput suum deorsum inclinant, illico lacrymantur, faciem tumidam & lividam, oculosque turgidos habeant. In hoc casu sanguis impeditur effluere ex cerebro, & contra majori copia eo adfluit. Videtis ergo facile, quod si tale impedimentum sanguinis venosi perget, inde fieri possit omnium sensuum & motuum muscularium abolitio, nullo tamen nervo laeso.

DE VENIS DURÆ MATRIS, ET MORBIS AB IIS PEN- DENTIBUS.

HÆ venæ sanguinem accipiunt ^{Venæ} _{duræ matris.} ab ejus arteriis, quemadmodum clarus RUY SCHIUS perinjectiones suas demonstravit. Sanguis venosus a diploë cranii etiam reddit in venas duræ matris. Hæ venæ egrediuntur ex cranio per eadem foramina, per quæ arteriæ ingressæ erant. Venæ, quæ hærent a Bregmate usque ad falciformem processum, reducunt sanguinem suum per idem foramen, per quod allatus erat. Venæ circa occiput, quæ sanguinem reducunt, per arterias vertebrales allatum, terminantur vel in ve.

(*) Editio, quam citavi, impressa est Romæ Anno hujus saeculi XLII. post Cl. BOERHAVII mortem. Procul dubio summus vir alia usus fuit, quam non possideo. Hanc ob causam non conveniunt paginæ, in manuscripto citatae. Eandem tamen observationem respici, certus sum.

venam jugularem internam, vel in sinum venosum vertebralem. Omnis sanguis venosus, qui redit a processu falciformi, evacuat se in duas venas circa sinum longitudinalem, quæ sanguinem suum deferunt partim in hunc sinum, partim in torcular Herophili. Hinc sanguis venosus duræ matris, maxima parte in venas, parva etiam in sinus exoneratur; & quum hæ venæ reduces egrediuntur per foramina ossea, varia circa has partes oriri possunt malorum genera.

Processus falciformis. Observavit RIDLEJUS, quod Falx, Messoria vel falciformis dicta, quæ est diaphragma inter utrosque cerebri lobos, in supremo crano initium habens a crista galli, & finem ad torcular Herophili, perpendiculariter demissa, infima sua basi adnectatur cerebro per tenuissima ligamenta vasculosa, hinc teneat cerebrum quasi suspensum, ne mole sua medullam oblongatam subiacentem posset comprimere. Hæc apophysis plurimis arteriis indigebat, quas RUY SCHIUS per injectionem etiam in ea demonstravit; illæque recto tramite se exonerant in venas, & hæ venæ in venam majorem, quæ ad partem inferiorem hujus processus currit, & ubi ad torcular Herophili pervenit, se aperit in illum sinum; & præterea exonerat se in toto itinere per ramos laterales satis magnos in sinum longitudinalem: ubi falx est minima, hæ venæ etiam sunt minimæ, sed ad partem posteriorem maximæ, quia ibi ex profundissimo loco processus falciformis exsurgunt.

Ratio hujus fabri. Videmus hinc, quare sanguis venosus duræ matris partim se exoneret in venas; partim in sinus? nam quotiescumque arteriæ sex memoratae parvam tantum sanguinis quantitatem pacato motu deferunt ad duram matrem, ita ut dilatatio fiat parva; & venæ reduces satis magnum spatiū habeant pro reducendo sangu-

Tomo I.

ne, illæ videntur sufficere: si vero arteriæ sic dilatentur, ut venæ sanguinem sufficienti copia transmittere nequeant, suffocatio facta fuisset, nili venæ inter se communicarent, & præterea sanguis venosus in sinus potuisset exonerari. Dubitatis forte, an hi sinus non debeat recipere tantum sanguinis, ut sanguinem venosum cerebri admittere nequeant; credo tamen, quod propter continuum sanguinis fluxum hi sinus huic operi non sint inparies. Hanc autem fabricam revera existere per injectio-nes RUY SCHIANAS patuit, in quibus cera, in arterias duræ matris injecta, non tantum redit per venas, sed etiam ubique effunditur in si-
num longitudinalem.

Hisce jam intellectis, possumus tran-
sire ad morbos, qui in his partibus acci-
dunt; sed jam vidimus, quod nimia ar-
teriarum dilatatio, & venarum com-
pressio se mutuo semper comitantur;
hisce igitur ulterius explicandis non
inhærebo, sed unam observationem
addam, quæ ad intelligendos capitum
morbos magnum usum habet. Ar-
teria carotis, hærens in canali osse-
ramum dat, qui insinuat se in du-
ram matrem, & dispergit se ad os
frontis: quando ramus ille pervenit
ad cristam galli, dat minimum ra-
mulum, qui ad latera cristæ galli
penetrat per foramen, per quod egre-
ditur nervus opticus, & dispergitur
per oculum & nasi partes interiores;
videmus jam sæpe, quod ægri, mor-
bis inflammatoriis decumbentes, in-
primis in principio Phrenitidis, con-
querantur, bulbos oculi esse quasi
compressos, graves, & dolentes; in-
telligitis ergo, ubi diathesis inflam-
matoria adest, quare hæc mala fiant
& cur oborta narum hæmorrhagia
fanentur.

Patet ergo ex dictis, quod omnes
hi morbi male confundantur cum mor-
bis cerebri propriis: ex illa tamen
confusione magni errores orti sunt in
praxi medica; nam quando Medici

Morbi

partium.

B

in

in his morbis exhibent remedia anti-hysterica, augent malum, quod per missionem sanguinis & subductionem alvi curari debet: si quis contra promulieribus revera hystericas hæc evacuantia præscriberet, summopere noceret, nam illæ per spiritum antihystericum longe melius levantur. Intelligitis etiam, in quo casu juvent a veteribus laudata remedia, nempe hæmorrhagia spontanea narium, vel arte facta per vapores tepidos, aquam tepidam naribus attractam, vel errhina levia; vel evacuatio sanguinis per venas jugulares, quæ directe agit in venas duræ matris. Cucurbitæ & fomenta, ad jugulum adposita, eidem scopo inserviunt, quia ab his venæ harum partium dilatantur.

DE NERVIS DURÆ MATRIS EORUMQUE MORBIS.

Nervi
duræ ma-
tris.

Ex quin-
to pari.

Dura mater præter arterias & venas habet etiam nervos per suam substantiam distributos, & quidem satis numerosos & insignes, qui omnes oriuntur ex quinto pari nervorum cerebri.

Dividitur hoc par in ramum superiore & inferiorem; superior ramus iterum in ophthalmicum & temporalem: quando superior hic ramus per magnam orbitæ rimam exit, duræ matri plurimos ramos dat, quaquaversum distributos; & a ramo inferiori huc quoque ramuli veniunt. Quum totum hoc par inserviat tantum musculis, ergo nil faciet ad peculiarem quendam sensum, sed tantum ad motum animalem. Dicetis forsitan, quod contribuat ad olfactum, quia nonnulli ejus rami etiam ad nares veniunt, sed quoniam hi distribuuntur ad musculos, ab iis potius actionem sternutationis pendere credo; hinc ergo illis nervis, quatenus ad duram matrem pertinent, communia tantum nervorum officia tribuere possumus. Sufficiet hæc pauca de iis di-

xisse: transeamus ergo ad considerationem morborum, qui iis accidunt.

Dolor semper debet adesse, quo-
tiescumque horum nervorum fibrillæ
in dura matre distenduntur ad dilac-
erationem usque, vel statum huic
proximum; adeoque dura inater hoc
respectu etiam morbos nervorum,
dolorem nempe, patitur, nam ille
sensus communis est omnibus ner-
vis, a cerebro oriundis, motui
etiam inservientibus; & hic morbus
duræ matris etiam communis est
omnibus aliis corporis partibus. Ta-
lis autem dispositio nervorum fieri
potest vel per rofionem, vel per
tensionem. Patebit postea, quod
nervus, quo in minores fibrillas
discerptus sit, eo acutius sentiat; hinc
ubi nervi dispersi sunt in fibras fere
invisibiles, ibi dolores fiunt acutissimi
& atrocissimi: & quando fibrilla
minima ita extenditur, ut jamjam dis-
olvatur, dolor erit omnium maximus.

Rofio duræ matris fieri potest a
cranio læso per gummata, exosto-
ses, & cariem, ut in Lue Venerea:
aderit tunc etiam corruptio medullæ
in diploë, qui sensum faciet ro-
dentis doloris, quasi cranium dissi-
liret in lamellas, nam tunc lamella
cranii vitrea eousque corruptitur,
ut materies acris pertingat ad exte-
riorem duræ matris superficiem: sed
de hoc mali genere nihil amplius
dicam, ne a scopo nimis divagemur.

Tensio hic potest fieri, vel a tu-
more osseo cranii, cui dura mater
in omni puncto arcte infigitur, vel
a liquore in cavo arteriarum, tuni-
cas earum distendente. Novistis,
quod Periosteum, (quale etiam est
dura mater) in adultis ita exten-
datur supra ossa, ut nuspiam mini-
ma laxitas sit; hinc simulac os in-
cipit extendi, fibræ Periostei etiam
distenduntur, & dolor oritur, nun-
quam fere desinens; eumque ab hac
causa in Lue Venerea fieri certum est.
Scitis etiam, ultimum fineum arteria-
rum

Ab eo.
rum re-
done.

A tenso-
ne.

rum definere fere in nervulum; hinc in omni inflammatione, id est, di-
stensione arteriarum a motu sanguini-
nis impedito, momento quo incipit
suppuratio, dolor summus est; sed
qui obtinet in omnibus corporis ar-
teriis a causis inflammationis com-
muniibus, unde hic loci peculiarem
considerationem non meretur.

DE FABRICA MUSCU-
LARI DURÆ MATRIS.An con-
vulsio.

Quæritur maxime, an a nervis per duram matrem dispersis etiam possit oriri convulsio in ipsa dura matre? ut hoc bene definiatur, velim sciatis, quod per convulsio- nem non intelligo contractionem spontaneam, cuilibet parti propriam; sed motum muscularum involuntarium cum alterna inflatione & remissione; nervi autem non convelluntur, nisi quatenus convellitur: & quia tendines a veteribus etiam vocabantur nervi, hinc dicebant, nervos in convulsione contrahi. Cæterum convulsio nervis proprie adscribi non potest. Quando ergo clari viri loquuntur de convulsione duræ matris, vellem, ut dicerent, quid per convulsionem intelligent: enim vero totum hoc negotium inde pender, an ullus musculus sit in dura matre; respicitur quidem partium duræ matris descissarum spontanea contractio, an vero hæc est talis convulsio musculari, ut trahat suum tendinem & intumescat? Arteriae duræ matris habent musculares tunicas, ergo eo sensu convulsiones pati possunt; quæ ergo hoc sensu erunt in partibus, duram matrem constituentibus; sed quis erit earum effectus? arctabunt tantum capacitatem arteriæ, vel minuent ejus longitudinem, hinc spatiū in cra-
nio paulo amplius reddent, & san-
guis majori impetu propelletur: sed talis convulsio non potest favere BA-
GLIVIO & PACHIONIO. Quæritur

autem, an præter hanc convulsio-
nem in arteriis detur alia in ipsa
musculari fabrica duræ matris? Hoc
vero non potest definiri, antequam
sciamus, an musculus sit in dura
matre, nec ne. Convulsio enim est
actio musculi violenta & præternatu-
ralis, quæ in sanitate erat natu-
ralis, & eadem in muscularis, arbitrio
nostræ subjectis, quam in vita-
libus: in musculo convulso idem sit
quod olim, sed non sit per impetum
nostræ arbitrii, estque tam violenta,
ut cohiberi non possit. Ut igitur
hanc rem rite examinemus, nonnulla
de muscularis præmittenda erunt.

Omnis musculi donantur carne ru-
bra, vel ea delituuntur; posteriores
enim etiam esse muscularis, infecta
docent. Musculi, carne rubra do-
nati, carnosæ dicuntur; alii vero
tantum habentur pro muscularis, quia
effectus eorum apparent, quod in
intestinis demonstratum fuit. Dura
mater autem nullas fibras rubras car-
neas habet, ut ipse oculus docet,
nec apparent per microscopia. Con-
spicite enim, olla cranii ablata, il-
lum duræ matris locum, ubi hæ fi-
bræ deberent esse maximæ, id est,
a principio suturæ sagittalis usque
ad torcular Herophili, videbitis ni-
hil nisi membranam cœrulecentem
vel albam: neque hoc docent injec-
tiones, quæ demonstrant, arterias
hic eodem modo decurrere, ut in
omnibus membranis, non, ut in
musculis: ramus arteriosus, qui ad
musculum deducitur solitarius, si-
mulac eum intrat, dividitur in tot
ramos, ut totus musculus fasciculus
fere arteriarum appareat; sed arte-
riæ, quæ per duram matrem distri-
buuntur, docente RUY SCHIO, tan-
dem in tomentum abeunt: si ergo hic
essent fibræ muscularares rubræ arteriæ
deberent colligi in similes fasciculos,
ut in aliis muscularis, etiam minimis;
atqui longe aliud quid hic obtinet.

Videamus ergo, an dura mater
habeat muscularos non rubros, sua con-
tra-

Confide-
ratio
musculo-
rum.Sed qui
indura
matre
non ad-
funt.

fibræ non
rubrae. tractione se manifestantes, id est, qui ad certum influxum spirituum & liquidus arteriosi turgent, & paulo post se submittunt. Dicetis forte, dari posse partem corporis organicam, ex diversis vasis contextis factum, cuius effectus est idem quam in dilatatione ventris & adductione tendinum, quacunque de causa hæc fiant: in hoc casu non necesse esset respicere ad sanguinem, sed tantum ad effectus, quos edunt tales musculi.

Considerate ergo, quod musculi non rubri cognoscantur adesse vel per aciem oculorum, vel per effectus contractionis demonstratos. Quoad primum, oculus videt in superficie duræ matris, cavum cranii spectante, & in superficie piæ matris contigua, fibras fortes, multas, majores forte quam in ventriculo vel intestinis tenuibus: sed quando & quomodo? RIDLEJUS, postquam scripsérat, triplicem fibrarum ordinem esse in dura matre, & duplīcem in processu falciformi, dixit, quod hæc fibræ conspici non possint in dura matre recenti & cruda, sed postquam diu in aqua ebulliente retenta fuisse. Cur autem non demonstravit has fibras in dura matre cranio adhuc adhærente? Certe tunc non apparent. Nec etiam eas ostendit PACHIONUS, qui ipse dixit, duram matrem prius debere macerari per mensem & diutius in aceto acer-rimo quotidie removato. Intelligimus inde, quum clari viri, qui has fibras agnoscunt, illas non possunt ostendere nisi post prægressam præparationem, an tuto liceat ita ratio-cinari: in dura matre, separata a cranio, cocta & macerata, apparent illæ fibræ, ergo & antea erant, & habebant illam vim contractilem, quæ fibris attribuitur; licet in dura matre, quando injectio in ejus vasa felicissimo successu facta est, dum cranio adhuc adhæret, nullæ appareant fibræ, sed tantum vasa.

Considerate autem, quod omnis

fibra tensa, a punctis suis retinentibus soluta, brevior fiat & crispetur, & hac ratione semper magis musculosa appareat; hoc in omnibus fibris totius corporis obtinet: quando itaque dura mater separatur a cranio, tunc fibræ ejus acquirunt aliquid, quod antea cranio affixæ non habebant, id est, sunt breviores, crassiores & rugosæ, & hac ratione musculosæ apparent. Si quis nunc has fibras velit considerare ut musculosas, dabo hoc ipsi, modo mihi concedat, eas in vivo homine ejusque statu naturali non ita potuisse agere. Præterea, in illa diuturna coctione & maceratione RIDLEJANA & PACHIONIANA quodlibet vas orbatus omni suo humore distendente, hinc collabitur & omni modo contrahitur: enimvero, omne vas habet magnitudinem suam ex causa intus distendente & ex vi contrahente vasi propria, quæ priori causæ contranititur, hinc omne vas plenum est contra naturam distensum, ergo vasis contractis apparent fibræ musculosæ, quæ antea non erant: hinc arteria, per duræ matris longitudinem decurrens, exorta ex supra-ma superficie processus falciformis, quandiu distenditur suo sanguine, a nemine pro fibra musculari habetur; sed quando orbatur suo sanguine, instant fibræ appetit; & quoniam dura mater ab ea sua vasa accipit, hinc per totum suum ductum apparebit fibrosa.

Debet hic certe maxime considerari, quod ipsi hi auctores non scribant se invenisse has fibras in Bregmate vel parte inferiori duræ matris; sed omnes dicunt, eas incipere a processu falciformi, ubi sagittali suturæ committitur, & deprehendi usque ad originem futuræ lambdoidæ, ubi sinus longitudinalis & laterales concurrunt. Nempe, si concipiimus, futuram sagittalem dividi in tres partes æquales, tunc fibræ, quæ ma-

fibræ ad-
esse di-
cuntur.

xime carnosæ sunt, oriuntur in me-
dio, & procedunt ad unum alterum
ve pollicem versus latera, sed infe-
rius evanescunt: variat etiam earum
de cursus, nam, quæ in parte ante-
riori sunt, procedunt retrosum,
mediæ descendunt antrorum vel re-
cta versus latera, in parte postica
progrediuntur antrorum. Plenior
harum fibrarum descriptio ex RID-
LEJO & PACHIONO peti potest, quam
si comparetis cum iis, quæ antea di-
cta sunt, patebit, quod dura mater
crassissima sit, & maxime adhæret
in fastigio ad futuram sagittalem;
ita ut fiat quasi unus corpus; quo
vero magis ad latera venit, eo mi-
nus cohæret; in basi iterum crassior
est, ubi arctissime cranio adhæret; er-
go fibræ maxime sunt in illo loco, ubi
dura mater minime se mouere potest.

Transeo nunc ad alias fibras, quæ
Vera fabrica o. in dura matre notantur. Novistis,
Genditur. quod processus falciformis, qui in
homine tam notabilis est, membra-
nosa duræ matris duplicatura sit.
Fibræ, quæ ibi inveniuntur, dispo-
nuntur in primis supra sinum longi-
tudinalem, eumque ita ambiunt, ut
illum possint arctare: ergo ejus di-
latationi resistent, & sanguinem
prement versus Torcular Herophili.
Tertium præterea genus fibrarum
est: concipite, falciformem proces-
sum decurrere per medium cerebrum,
& annecti crista galli: sanguis ve-
nosus cerebri evacuat se in sinum
processus falciformis: sinus ille, quo
tempore pulmo difficulter sanguinem
transmittit, ideoque venæ jugulares
intumescunt, debebit etiam turgere,
& quum sit venosus, facile posset
expandi, & sanguinem retineret,
qui tunc polyporus evaderet: hoc
autem ne fiat, sinus ille ad loca,
ubi debilissimus est, r̄tinacula habet
adposita, quæ unum latus ita adli-
gant alteri, ut sinus se non patiatur
expandi: hæ fibræ sunt omnium for-
tissimæ in parte postica sinus longi-
tudinalis, & in sinibus lateralibus;

Tom. I.

sed hæc loca sunt, ubi sanguis se
exonerat extra cranium: ergo omne
illud conamen omnium harum fibra-
rum non respicit ipsum cerebrum,
sed tantum sanguinem ejus venosum;
superiores vero fibræ in homine
recta incedente, inserviunt, ut sus-
pendant processum falciformem, ne
dura mater in saltibus aut magnis
concussionibus posset deorsum pre-
mi, & a cranio divelli, nam tunc
statim compressa fuisset moles cere-
bri; hoc jam impeditur, quia hæ
fibræ duram matrem arctissime ad-
nectunt cranio, hinc desinunt, si-
mulac dura mater non amplius cra-
nio tam fortiter adhæret; inserviunt
ergo tantum pro ligamentis, duram
matrem nec tentibus; vel pro habe-
nis venarum, ubi debilissimæ sunt
& facile dilatandæ.

Quarta series fibrarum duræ ma-
tris invenitur in diaphragmate inter
cerebrum & cerebellum, sive in pro-
cessu transverso duræ matris. No-
vistis, scilicet, quod cranium divi-
sum sit in tres cameras, quarum
duæ superiores, per processum fal-
ciformem distinctæ, lobos cerebri
in se continent; tertia inferior, per
processum transversum distincta, lo-
cando cerebello inservit. Hic pro-
cessus fibras habet satis fortes,
decurrentes fere recta antrorum; hinc
quando se contrahunt, proprio nil
faciunt ad motum cerebri vel cere-
belli, ut PACHIONUS voluit, sed
tendent quodammodo hoc diaphrag-
ma, quod ideo factum est, ut ho-
mene proficiente omnis ictus elide-
retur in septum hoc elasticum, nec
cerebellum a cerebro unquam com-
primi posset.

Credo nunc, merito posse affirmari,
quod omnes, qui præter dictum mo-
tum muscularem alium adhuc duræ
matri adscribunt, & putant, eam
spasmodice posse contrahi a veritate
alieni sint. Scribunt tamen clari
Viri, quod dura mater in tota sua Exam-
inayitate debeat considerari ut alterum nantur

NONNUL.
Iorum
senten-
tia.

cor, & musculus cavus, qui cerebro circumponitur, ut pressione sua spiritus ex cerebro exprimeret, a quo motu, si regularis sit, penderet sanitas; si vero irregularis, morbi fierent. Vos, quæso, considerate, quod nulla debeat statui actio, cuius instrumenta, quæ illi actioni exercendæ idonea perhibentur, non innotescunt. Si ergo dicatur, actionem muscularam hic vel illic exerceri, & non demonstretur, ibi adesse musculum, inepta est affirmatio. Applicate jam hoc ad duram matrem, certe nullus ibi est musculus. Concedimus quidem, in ea adesse speciem quandam fibrarum; sed illæ, ubi fortissimæ sunt, nihil aliud sunt, nisi ligamenta quædam vel retinacula, quæ duram matrem affigunt osseum cranio; hinc dura mater harum respectu motum muscularam non potest exercere, nam in omni punto cranio adhæret; & licet libera fore, forsitan ex figura cava posset fieri rectior: sed dum ubique adfixa est cranio, hanc actionem non potest producere; hinc ergo minime patet, duram matrem posse considerari ut musculum cavum, qui cerebrum, & cerebellum alterno motu comprimit & laxat, quod primus statuit MAJOVITUS, qui cum videret tam mira phænomena in hypochondriacis & hystericis, putavit spasmodum fieri in dura matre, cuius vi explosi spiritus tam terribiles insultus epilepticos producere possent. Hunc secutus fuit BAGLIVIUS, qui in tractatu de fibra motrice ita loquitur, quasi cerebrum aliquando sic comprimi posset, ut totum corpus inde obrigeretur. PACHIONIUS utcunque mitigavit hanc sententiam, dixitque, quod dura mater sit verus musculus, qui contractione sua nimirum cerebri expansioni resisteret, illudque contra ita reprimeret, ut sanguis & spiritus ex eo evanescerent. Negat nemo, quod cranio ablato &

dura matre læsa cerebrum statim excrescat; illud vero neutquam vi musculari debet adscribi, nec in exponentibus nervorum morbis ad eam provocare possumus. Patet hoc ex ipsis experimentis; saepe enim contingit, ut in conflictibus militaribus per vulnera, contusiones, vel trepanum, homini sano pars quædam cranii auferatur, sed Chirurgi tunc semper notant, se nunquam vidisse duram matrem alterne ire vel redire. Pulchrum est RIDLEJI experimentum in actis Britannicis: summis ille coram judicibus, in hac causa idoneis, canem vivum, quem ita ligavit, ut caput emineret; absutulit dein magnam partem ossis Bregmatis ad illum locum, ubi in homine processus falciformis cranio adcrescit, qui cum in canibus deest, hinc sinus longitudinalis in iis decurrit prope suturam sagittalem, quem ergo quam proxime nudavit: cruento deterro apparuit quædam systole & diastole in hac dura matre, id est, illa alterne attollebatur utcunque & deprimebatur; sed haec systole & diastole, omnibus videntibus & consentientibus, nil erat nisi pulsus arteriosus, omnibus arteriis totius corporis, exceptis coronariis, synchronus; atqui hunc motum supra agnovimus tam magnum esse, ut inde sulci cranio osseum imprimentur; nullus autem alias motus aderat: canem sic per quadrantem horæ reliquit, sed toto illo tempore non apparuit alia contractio in dura matre; hoc animadverso partem scidit, puoxit, oleo Vitrioli adtigit, eo animo, ut videret, an fieret muscularis spasmodus, verum in ipsa dura matre nulla convulsio visa est; animal vero miris contorsionibus summum sibi infligi dolorem indicabat: hoc viro vulneravit duram matrem, quam largissimo spatio denudaverat, qua deficissa, momento post pia mater & iple cortex cerebri adscenderunt, & eminebant supra

supra vulnus : hinc videtis , quod ille motus non sit muscularis , sed a circuitu humorum dependeat ; proinde quod dura mater non premat in encephalum , nisi quod huic sua tenacitate & communi omnibus fibris contractilitate resistat . Infert hinc PACHIONUS , quod ergo dura mater vocari possit musculus cavus , resistens motui cerebri ; sed eodem jure dolium , quod liquorem fermentantem continet , etiam vocare possem musculum : ceterum hi auctores minime demonstrant , quod affirmant . Volui hæc omnia vobis clare propondere , ut libere possitis judicare de sententia , quæ tot asseclas in Europa invenit . Unum tamen adhuc superest , an nempe illa substantia , quæ facit sinus , non sit musculus ; hinc an ipsi sinus sanguinem suum vi musculari non exprimant ?

An sinus venosi musculari sunt? In libro Clari PACHIONI inveniuntur figura , quæ sinum longitudinem & duos laterales exhibet apertos ; in ea videamus ad partem inferiorem fibras , quæ maximæ sunt in sinubus lateralibus ; & in parte superiori ad utrumque latus grumi apparent in media substantia . Cogitate , Auditores , ad hos sinus confluere omnem sanguinem venosum totius encephali , quem MALPIGHII putabat esse tertiam partem sanguinis in toto corpore ; quando autem minimum impedimentum oritur sanguini , qui est in pulmone vel vena jugulari , tunc hi sinus debent maxime impleri & dilatari ; sed simulac causa resistens oritur in corde dextro , ut fit in affectibus animi , statim tument omnes rami venæ jugularis tam internæ quam externæ ; hoc apparet in virginibus verecundis , in quibus tota facies & collum sanguine rubro suffunditur : eo igitur momento , quo hoc fit , arteriæ adferunt sanguinem , venæ non referunt , ergo hi sinus debent impleri . Notavimus jam supra ex observatione RIDLEJI , quod in hominibus la-

queo suspensis semper venæ quædam rumpantur , quæ se in sinum longitudinalē evanuant , unde sanguis in iis invenitur effusus : videtis hinc facile , sinus tunc deberē esse adeo repletos , ut necessario rumparentur , si fuissent æque tenues quam venæ , nam sanguis tunc in iis stagnat : imo in summo risu , in quo sanguis etiam impeditur transire per pulmones , magna copia in his sinubus colligi debet , unde tota facies tunc etiam rubet : inveniuntur ergo in sinubus quædam retinacula , sed tantum ad illa loca , ubi sanguis ex encephalo redeuns in eos effunditur , quibus impeditur eorum expansio , & providetur , ut sanguinem continere queant .

DE CRYPTIS SINUS LONGITUDINALIS , EARUM- QUE MORBIS .

Antequam hanc materiam relinquam , debeo adhuc notare , quod in sinu longitudinali , & eo quidem solo , in parte ejus anteriori & media , ad latera ponantur corpuscula numerosa , sphærica fere vel ovalia , sed depressa , naturaliter magnitudinem minimi grani finapis æquantia : hæ ampullulae , vel hæ tubercula pressa sudant liquidum paucum , lentum , unctuosum : hæ tubercula , quando cerebrum hac parte male sanum est , majora reperta sunt : orti inde fuerunt quandoque tumores atheromatosi , imo scirrosi , varia materia repleti . V. WILLIS I U M de Pathologia cerebri , & de anima brutorum ; invenietis ibi numerosa exempla encephalorum incisorum , in quibus apparuit tumor steatomatosus , melicerofus , atheromatosus , fungofus , gypseus , scirrosus , &c. in dura matre , vel prope ipsam , & maxime ad hos sinus . Illa vero corpuscula , quæ PACHIONUS in figura sua exhibet , videntur naturaliter non tam magna

esse, sed per macerationem talia facta fuisse.

Cui bono cryptarum usus? Anatome demonstrat, nullum locum esse in corpore humano, in quo magna frictio fit, quin natura ibi fecerit ampullulas, unctuoso humore plenas, quem preparant & retinent, ut tempore attritus ad illum locum effundant. Videmus hoc in cesophago, ventriculo, intestinis; hinc etiam in dura matre, sed ibi nuspam nisi in cavo sinu, in quem sanguis ab opposito loco ruit: ab hoc enim sanguinis in latera sinuum impetu, sinus in decrepita aetate quandoque fit cartilagineus, immo osseus; quod ne facile fieret, sollicita natura ampullulas posuit, ut sinus hi possent defendi & distensiles retineri: nullum autem alium horum corpusculorum usum esse puto.

Quid ma-theromatosa vel melicerosa sunt; **H faciant** maximum incommodum sinui faciunt, & evacuationem sanguinis venosi ex cerebro impediunt, hinc sunt plurimi morbi, qui cerebro & nervis falso adscribuntur, quos proinde recensere non opus est.

DE MORBIS FIBRARUM IN SINUBUS DURÆ MATRIS.

Observatum est aliquando, quod fibræ, quas in sinubus notavimus, cartilagineæ sunt vel osseæ; illudque visum fuit in longævis, hominibusque arida temperie præditis. Hoc non alia ratione hic loci contingit, quam in aliis ligamentis. Nonne mira illa series ligamentorum, quæ corpora vertebrarum inter se conjungunt, quæ in juventute tam longa & flexilia sunt, nonne haec in senibus fiat unum os concretum, adeo ut duodecim dorsi vertebræ unam tantum columnam australis incurvata efficiant? Idem quando

fit in sinubus, orientur morbi, qui nervis falso adscribuntur. V. g. in historiis epilepticorum saepe notatum fuit, eam non aliam habuisse causam, quam quod hæc ligamenta in cadavere inventa fuerint ossa. Novi virum amplissimum, qui moriebatur paralyticus a dolore colico prægresso; is ante mortem horrendum in modum convellebatur; inspexi cadaver cum Claro RAVIO, & invenimus in sinu longitudinali & processu falciformi ubique loca quædam indurata fuisse. Similes casus occurruunt etiam apud BONETUM, illique nos docent, morbos hic fieri, qui nervis videntur imputandi esse, qui tamen a morbis nervorum veris sollicite distinguendi sunt.

DE DURA MATRE QUATENUS NERVIS INSERVIT, EJUSQUE MORBIS.

Intelleximus nunc, quid sit dura mater, quatenus cranio osso adponitur, illique pro periosteо interviciat & sustentaculum est sinuum: consideremus nunc productiones duræ matris, quæ involvunt nervorum corpora, distributa extra cranium & spinam dorsi.

Revocate in memoriam vestram, quod cranium sit compages ossea, ex octo ossibus distinctis conflata, quæ ossa singula habent propria vasaria arteriosa & venosa; proprios fines, olim membranosos, postea ducentes, tandem per futuras jacentes: hæc futuræ, distinguentes quodlibet os ab alio, in initio fuerunt molles, sed tunc quodlibet horum ossium emittrit ex centro radios osseos, quorum fines faciunt futuras: hæc compages ossea in basi crani habet loca, quæ nunquam ossescunt, sed destinata sunt admittendis arteriis, emittendisque venis & nervis.

Omnia crani foramina nunquam coalescant, sed semper manent, hinc non succinguntur dura matre Exitus
duræ matris ex
craniis.

con-

continuata; ea vero latera eorum obducit, unde nervi non transeunt per foramen osseum, sed per aperturam duræ matris; quæ ergo applicata basi cranii, ubi egrediuntur nervi, vaginam præbet nervis; adeoque dura mater producitur in tot vaginas, quot sunt foramina, per quæ nervi egrediuntur.

Et spina dorsi. Ubi autem dura mater pervenit ad ipsam spinam dorsi, ibi obvolvit omnem ejus superficiem osseam; sed ubi par nervorum exit per descendentem aperturam, producitur in vaginam, intra quam egrediens reconditur.

Nullum autem in corpore est punctum sensibile, ad quod non pervenit nervus; & dura mater nervos nunquam relinquit, nisi ubi ad loca destinata perveniunt, ut functiones suas perficiant; hinc ubi nervus, ibi etiam dura mater est.

Notandum est præterea, quod dura mater exeunt ex crano per foramen magnum occipitale undique applicetur lateri illius foraminis, & porrigitur in thecam vertebrarum usque ad finem ossis Coccygis; non manet autem flaccida, sed applicatur toti superficie internæ illius fistulæ usque ad finem, estque una vagina, & ad singula nervorum principia vaginam porrigit.

Olim in foetu dura mater & propagatio eius externum erat unum corpus, nam in foetu unius vel duotum corporum mensium totum cranium est per totum corpus.

tantum vesica membranacea, ergo tunc inter duram matrem & pericranium hæret membrana, quæ postea induratur in substantiam osseam. Nunc vero pericranium externum in parte superiori crani eadem ratione se habet, ut dura mater in parte interna; sed ubi venit ad loca, quæ nervos & venas emittunt, vel arterias admittunt, exterius superscandit, quod CLOPTON HAVERS bene notavit: ad foramen autem ossis occipitalis cranium deserit, &

concurrit cum involucro cranii interno, sive cum dura matre, hinc inter occiput & atlantem, sive vertebram primam, fortior est membrana; dein autem lamella duræ matris secedit introrsum, externum vero pericranium extrorsum, quod tunc superscandens externam vertebrarum superficiem, sic ad omnia ossa procedit. Ergo dura mater est periosteum internum cranii & interioris thecæ vertebrarum: pericranium est periosteum externum cranii, dein vertebrarum, denique omnium ossium in toto corpore; ubi vero ossium commissuræ sunt, ligamenta non enascuntur ex dura matre, eaque etiam superscanduntur a productione pericranii, quæ omnia illa ligamenta comprehendit, & hæc ratio est, cur periosteum in omni articulo ab osse recedat. E. g. sumamus duas vertebrae; junguntur illæ inter se per ligamentosam substantiam, corporibus earum interpositam; ligamenta illa autem oriuntur ex osse, non ex dura matre vel periosteо externo; illud vero superscandit ligamenta, eaque involvit, hinc illa non sunt productiones nervorum vel duræ matris. Videtis tamen facile, quam arcte inter se connectantur, nec miramini, quod multi Medicamentum regimen duræ matri adscriperint.

Ego autem sum in hac sententia; quod periosteum cranii & thecæ vertebrarum, tam internum quam externum, simul concurrant & vaginam præbeant nervis per foramina exeuntibus; nam ubi nervus, vagina duræ matris cinctus, exit & perforat periosteum externum, ab eo etiam vaginam accipit; & hæc ratio est, cur omnes nervi tam duri sint; scitis enim, nullam partem in Anatome corporis præter ossa & cartilagines cultro magis resistere, quam nervos. Hæ vero vaginæ nervos deducunt ad loca destinata, scilicet ad viscera, musculos, vel organa sensuum. Omnes

Nervo. Omnes nervi, qui ad viscera per-
rum in- veniunt, priusquam illa ingrediantur,
gressus in amittunt illam duritatem, quam habue-
viscera. runt ante, quia deponunt illud mu-
nimentum, quod habent a dura ma-
tre. V. g. in capsula hepatis mem-
branosa, quæ a GLISSONIO nomen
habet, nervus nondum depositus suam
tunicam, sed ubi in hepar transi-
vit, friabilis est: patet ergo, ner-
vos viscerum retinere munimentum
suum, donec actiones suas incip-
iant; tunc enim omnis firmitas
abest.

**In mus.
culos.** Nervi tanta copia veniunt ad mus-
culos, ut illi, quatenus musculi
sunt, ex iis fere unice constent, sed
quam friabilis est musculus! hinc
nervi eo quidem deferuntur cum suis
involutris, sed ubi proprie muscu-
lum constituunt, illa deponunt.

**In orga.
na sens.
uum.** Denique nervi etiam tendunt ad
organum sensuum. V. g. nervus au-
ditorius, antequam pervenit ad fo-
ramen sinuosum ossis petrosi, quod
intrat, obvolvitur dura matre; si-
mulac vero functio ejus incipit, de-
ponit sua involucra & fit mollis:
idem verum est de nervis opticis,
& olfactoriis; gustatorius nervus in
lingua fit papilla mollis & friabilis:
imo etiam nervi ad tactum destina-
ti, quorum involucrum, rete Mal-
pighianum dictum, constituere cre-
diderunt, ubi fungentur suo mune-
re, fiunt pulposi.

Ergo nervus, quatenus nervus est,
non est propago duræ matris; illa
vero thecam firmam præbet, intra
quam recipitur: ergo duritas nil fa-
cit ad nervum, quatenus functiones
suas peragit.

**Arteriæ
In vagina
nervo-
rum.** Notamus jam primo, quod hoc
involutrum externum habeat arte-
riæ; nam RUY SCHIUS per injectio-
nes demonstravit, quod tota dura
mater, quatenus cranium investit,
& periosteum internum thecæ verte-
brarum facit, impletatur arteriis.
Quando hoc periosteum exit cum
nervis, retinet illas productiones

arteriosas, quæ etiam impleri pos-
sunt; hinc facta injectione nervi
superficies externa tota impleta adpa-
ret: sed pericranium externum, qua-
tenus nervos concomitatur, etiam
habet arterias; hinc omnes nervi,
qui hoc munimento teguntur, etiam
arterias habent: hæ autem arteriæ
accuratum ordinem in suo decursu
observant, & quidem alium in su-
perficie exteriori quam interiori,
suntque tam numerosæ, ut nervus
post injectionem extrinsecus ruber
adpareat.

Scripsi jam ante aliquot annos ad
clarum RUY SCHIUM, ut nervi natu-
ram vellet inquirere, quantum per
artem suam posset. Respondit mihi
ipsis his verbis: „ inveni, nervos,
„ arte mea paratos, rubros evadere
„ a materia ceracea, qua impleta
„ sunt vasa involucri primi: addi-
„ dit „, plurima talia vasa imple-
„ ta inter ipsas nervorum fibras de-
„ currentia adparent „. Nervus, ut
scitis, involvitur membrana exterio-
ri; sed hac separata videmus, quod
constet ex minimis fibrillis, in unum
fasciculum collectis, quæ fibrillæ
iterum sunt nervi singulares, qui
communi hac membrana investiun-
tur: detexit vero RUY SCHIUS, quod
illa vasa non tantum decurrant in
superficie exteriori, sed quod etiam
penetrent inter has fibrillas, adeo
ut ad minimas usque distribuantur.
In impressis operibus RUY SCHII vi-
demus clarissime, quod nervi arte-
riis plurimis gaudent. V. ejus Epist.
probl. XII. Tab. XIII. Litt. C. D.
& Thes. Anat. I. pag. 42. Mate-
ria nempe ceracea impellitur in ra-
mum arteriosum majorem rubrum,
quo replete abit in ramos ejus, qui
disperguntur supra superficiem exter-
nam nervorum, & hinc pergit ad
vasa interiorum membranarum, in-
cludentium minores fasciculos. Mi-
nime autem affirmo, quod hæ ar-
teriæ in statu naturali fuerint ru-
bræ, nam injectiones RUY SCHIANÆ
sæpe

sæpe adiungunt materiam rubram in vasa secundi generis; dico tantum, quod hi rami ubique dispergantur per membranas nervorum; addere etiam licet, quod, ubicunque est arteria rubra, ibi exeat ramus lateralis serosus; ubicunque est ramus serosus, ibi exeat ramus lateralis lymphaticus; ubi autem hic est, ibi iterum exeat aliis, subtilius liquidum vehens; hoc enim in omni alio corporis loco contingere deprehenditur: assumo igitur, omnes nervos habere arterias omnis generis, per membranas suas distributas.

Venæ e. jūsdem. Quod cum verum sit, erunt etiam tales venæ, nam quodlibet arteriarum genus habet venam sibi respondentem.

Et nervi. Sed erunt hic etiam nervi: scilicet, quemadmodum arteria major in sua substantia habet alias arterias minores, ita etiam membrana, quæ nervum ambit, habet alias nervos sibi proprios: vidimus enim antea, quod dura mater a ramo nervoso quinti parisi accipiat ramulos nervosos, in ea evanescentes; hæc autem dura mater omnibus nervis dat involucrum, & cum iis nervos, a cerebro oriundos.

Morbi vaginæ. Ergo in tali nervo potest oriri dolor ingens, qui sedem tantum habet in involucris, pulpa nervi intacta: apparuit hoc in experimento RIDLEJI, supra memorato, ubi crânio ablato non convellebatur canis, sed vario suo motu dolorem prodebat, sic docens, non læsa esse interiora, sed tantum exteriora, id est, duram matrem.

Ab in. flamma- tione. Tunica nervorum porro quum habeat propriam fabricam, sive consideretur ut vagina totius nervi, sive ut involucrum minorum, poterit pati omnes inflammationum species, quatenus habet omnis generis arterias: hinc ergo possunt in nervis majoribus, quum adhuc sunt in suo itinere, antequam perveniant ad lo-

ca destinata, omnes morbi oriri arteriis proprii; & quum hæc involucra etiam venas habeant, possunt pariter hic obtinere omnes morbi, venis proprii: ergo in nervis poterit fieri omne genus Phlegmone, Erysipelatis, Aneurismatis, Varicis, Concretionis, adeo ut callefaciat hæc membrana, & evadat cartilaginea vel ossea; poterit fieri suppuratio, scirrus, gangræna, adeo ut exterior pars separetur ab interiori intacta; poterit denique fieri sphacelus.

Ut hæc clarius intelligantur, unicum adducam exemplum. Observant Chirurgi periti, si in manu v. g. oriatur phlegmone ingens, (id est, tumor ruber præternaturalis cum dolore punctorio, renitentia, splendore, facile in suppurationem vel gangrænam abeuns) quod tunc tota cutis cum suppositis partibus ad duos tere digitos elevetur, quæ elevata substantia nihil aliud est, quam humor ibi retentus & incrassatus: vident etiam quandoque, quod tota pars gangrænescat, corio cutis manente integro, & tunc coacti sunt cutem pericindere, ne partes subjectæ magis corruptantur: tali in catu sæpe visus est mucus fuscus exeuns, & tendo inde denudatus; hunc scitis habere membranam celulosam sibi circumpositam, qua suppurrata vel in gangrænam versa, tendo nudus est: si talis homo mouet illam pattem, motus tendinis ad oculum adparet, qui tendo manet quidem integer, sed duplex adest incommodeum, nempe, quod si attingatur dolorem intolerabilem faciat, & quod post sanationem crescat cum partibus vicinis, unde sequitur immobilitas.

Patet hinc, quod omnes morbi, in hoc involucro nati, laedant tantum nervum, quatenus decurrit extra thecam cranii & medullæ spinalis,

lis, & nondum pervenit ad loca destinata, nam involucrum hoc demum accipit, quum ex cranio vel spina exit, illudque iterum deposit, ubi ad loca destinata pervenit: illæsa igitur manent encephalum, medulla spinalis, & ipsa pulpa nervi; hinc actio nervorum in visceribus, musculis, & organis sensuum manet quoque illæsa: nervus ergo potest pati omne morborum genus, origine & fine illæsis, & morbo tanto medio itinere. Ergo systema morborum, nervis priorum, habet triplex territorium, vel intra cranium, vel in visceribus, vel in itinere. Postiores hos morbos referam ad duas classes, 1. ad morbos a compressione, & 2. ad morbos ab erosione, nam de vulneribus hic non agam.

**A Com-
pressio-
ne.** Nervus per compressionem potest laedi ab omni tumore nato in membrana externa, qui distensione sua ita mutat mollissimam nervi pulpam, ut nullus amplius ejus usus maneat. Pulcherrimum est experimentum VALSALVÆ, quo vivo cani aperitur pectus; nervus octavi paris, juxta alperam arteriam decurrens, ligatur vinculo; relinquitur ligatura per aliquod tempus, illæso nervo; vinculum dein subtiliter solvitur; animal semper moritur intra paucos dies: alio cani similiter detegitur pectus, sed nervus acutissima novacula absinditur; oritur statim palpitatio cordis, ejusque paralysis, & animal brevi moritur. Hinc videtis quod vinculum illud, dum adstringitur, nervum destruit, & hinc tota actio cordis, ad quod pertinet ille nervus, definit: eodem modo, si in illis arteriis, quæ per involucrum nervorum decurrent, oriantur tumor inflammatorius tam magnus, ut pulpa nervi comprima-

tur, ille etiam sit inutilis; immo si nimis diu maneat tumor, licet dein resolvatur, nervus postea inutilis manet, quia collapsorum nervorum latera ab æquabili spirituum fluxu non possunt facile dimoveri & aperiri; in hoc autem casu nil mali est, nec in fine, nec in origine nervi. Hinc ergo potest fieri stupor, quum sanguis arteriosus influens in arterias involucri parvum tantum tumorem facit, dein ~~arresta~~; hinc Paralysis primo simplex, impedito tantum motu musculari, dein exquisita cum motu & sensu abolitis; hinc tremores, si pressio est alterna: hinc etiam potest fieri concretio, & nervi concreti abolitio. Nulla pars facilius potest concrescere quam vas minimum, liquore suo orbatum; hinc si fistula minima nervosa comprimitur, ita ut nil perfluere possit, tunc facile concrescit, & postea amplius aperiri non potest: hinc nervus aboletur, & fit quasi pars callosa; & si ille nervus functionibus vitalibus inservit, poterit inde mors fieri.

Alterum morborum genus in nervis fit ab erosione, quæ longe alter agit, quam compressio; hæc fieri potest a quacunque causa, quæ corruptit & acredine inficit humores, contentos in vasis, quæ per involucrum exterius nervorum distribuuntur; nihil hactenus refert, qualis illa causa sit. Novistis, quod illa mutatio physica humorum, quæ putredo dicitur, omnes partes nostri corporis, exceptis ossibus, convertat in tale liquamen, ut in cadavere videmus, in quo sola ossa manent: hæc enim est natura putrefactionis, quæ nil aliud est, quam degeneratio omnium fere partium in sal & oleum volatile; si hæc accidat in involucro nervorum, mutatio humorum fiet in pus, ichorem, saniem, & hinc poterit fieri quæ-

quæcunque species corruptionis; quæ in his locis primo membranam propriam consumet, dein nervum rodet, & summos facit dolores, licet nullum vitium sit in cerebro, vel in ipsa nervi pulpa. Mirantur saepe Medici, cur nonnulli ægri diu fati summos dolores patientur, nulla sequente paralyssi, cum tamen dolor sit phytica dispositio, tendens ad disruptionem alicujus nervi: sed in hoc casu debetis tantum distingue re, an malum sit in involucris, nam tunc fiet lenta consumtio, unde dolor summus & valde diuturnus, pulpa nervosa tamen manente salva, hinc motus & sensus, qui ab illo nervo pendent, superesse poterunt: postea vero paralysis fit, quando malum ad pulpam pervenit.

Similes morbi in gangliis. Notum est præterea, sic conditum esse nostrum corpus, ut nervi, a variis locis oriundi, & ad molles partes distribuendi, aliquando colligantur in unum centrum, & postea dispergantur quaquaversum; talis autem locus Ganglion vel nodus nervosus vocari solet: adsunt hic ergo nervi cum omnibus suis membranis, & præterea aliud quoddam corpus fungosum heterogeneæ naturæ, quod basin firmam dat concurrentibus nervis, & tunc ex hoc loco nervi iterum disperguntur ad loca destinata, & quidem eo tutius, quo firmius in hoc loco erant colligati. Quoniam hic adsunt arteriæ & venæ, poterit hic etiam oriri tumor, qui si comprimit pulpam nervorum hic colligatorum, omnes partes subtus positæ ad functiones suas redditur ineptæ. Similia mala fiunt si contusiones vel distractio nes hic contingunt.

DE MORBIS NERVORUM, A VITIO HUMORUM ORIUNDIS.

POsitis fundamentis jam probatis, vidistis, omnem actionem nervorum læsam vocari morbum nervorum. Multi putant, ubicunque talis læsio accidit, causam querendam esse in vitio spirituum animalium, sive in origine prima, sive in ipso nervo degenerascentium, cum tamen saepe nihil minus verum sit.

Consideremus simplicem inflammatio humorum; ex illa per suppurationem fit blandissimum pus, quod stagnando tenuius factum evadit ichor flatus, & si adhuc diutius hæreat, fit fanies; si vero inflammatio non potest omnia æquabiliter consumere, tunc una pars evadit putridissima, altera manet integra, & tunc gignitur virus, quod ex se non est foedius quam pus, sed quoniam hæret in locis non æquabiliter consumatis, illud putrescens, evadit acre alcalinum erodens, quod ab auctoribus vocatur virus cancerosum. Omnia hæc mala circa nervos etiam accidere possunt.

Agnoscitis omnes, credo, acrimoniam scorbuticam confistere in putrefactione quadam totius corporis manifestante se circa vasa minima nervosa & sanguinea, quæ inde eriduntur: hoc patet maxime in gingivis, & in pessimo scorbuto, etiam in ipsis ossibus; hinc fiunt erosiones & ecchymoses, fœtor urinæ & halitus, hæmorrhagiae ex gingivis ad levem tantum manductionem ciborum. Hæc acrimonia sedem habens in toto sanguine, dictisque locis se manifestans, nervos etiam mire afficere potest.

In Lue Venerea fit etiam magna de generatio in humoribus, non parcens ulli parti corporis, sed omnes consumens: Si malum hoc etiam ad membranas nervorum pertingit, magni morbi inde fient.

Ar-

In Ar-
thritide
& Poda-
gia.

Arthritis & Podagra videntur mihi duplices esse generis, quantum ex consideratione earum potui discere. Una consistit forte in degeneratione spirituum animalium, eaque est rarior; alia infestat quidem nervos, sed sedem habet in eorum integumentis, eaque cum tumore & inflammatione se manifestat. Trunculentissima Podagra partem afficit sine ulla colore aut tumore, sed consumit omnes nervos; altera species aequaliter tam vehementer, nec tamdiu affigit.

In Rheu-
matismo.

Rheumatica materia similis est priori, sed videtur crassior. Rheumatismi enim veri partem dolore excruciant, tumefaciunt, & immobilem reliquunt per totam vitam, & hoc malum etiam in nervorum integumentis hæret.

In Odon-
talgie.

Attendamus etiam ad Odontalgiam, quæ vulgo dicitur artis impotentiam ostendere, quoniam Medici infinita remedia adhibent, pergente interim mali atrociam, donec dens vel eradicetur, vel sponte decidat. Scitis, quod dens sit os durissimum; crustula ejus exterior non continet ullum vas sanguiferum; totus nervus dentis non est capillum crassus, & tamen dispergitur per totum dentem: hæc crux exterior si quacunque de causa lædatur, v. g. ab admisso frigore, enormis dolor oritur, qui tamdiu durat donec totus nervus sit destructus, tuncque dens cavernosus factus frustulatim cadit: saepè hic morbus oritur ex diathesi scorbutica, qui in nostris regionibus humidis generatur ex vapore aquoso, qui aerem ferre semper replet, per quem humores nostri facilime ad putredinem disponuntur.

Intelligitis hinc, qua ratione possint oriri morbi nervorum ex vitiatis liquidis, eaque mala videntur magis oriri vicio arteriarum, quam nervorum labe, nam illi ægri cæteris functionibus tam bene constant, quam ullus aliis, etiam sanissimus.

Videtis etiam, plurimos & violentos morbos nervos posse afficere, illæsis tamen nervis & medulla, a causis nervo ipsi non propriis, sed illi extrinsecus applicatis.

DE MORBIS NERVO- RUM A DURA MA- TRE LÆSA.

PLurimi ergo nervorum morbi possunt curari remediis, quæ in nervos ipsos nihil agunt. Juvat autem hanc rem exemplis quibusdam illustrare.

Invenitur in observationibus PLATERI Lib. I. pag. 102. (Edit. 1680) Exempla morbo-
rum ce-
rebræ &
levis ner-
vorum in-
volucris.
descriptio sequentis morbi. Juvenis viginti quatuor annorum corripitur capitis dolore & febre, qua cessante nihilominus manet Cephalalgia. Misér homo incipit sinistro im oculo laborare Amaurosi perfecta, quæ paulo post etiam transit ad alterum oculum; tandem post percessas alias miseras moritur: Capite aperto inventur tumor strumosus, qui nervorum opticorum exortu in cerebro incumbebat, cosque comprimebat. Hic ergo tumor oriebatur in dura matre, quatenus circumabit nervos. Quicquid hic molita fuisse medicina, frustra fuisse, nisi tumor hic auferri posuisset. In alio hoc malo genus a vesicula aquosa obortum narrat Pavius.

Similis casus habetur in sepulcreto BONETI Tomo I. pag. 123. & 435. Vedit DRELINCURTIA tumorem steatomatis consistentia, pugnique magnitudine, cerebrum inter & cerebellum, cæcitatem primo, surditatem deinde, omnium denique sensuum & functionum animalium abolitione, & necem ipsam intulisse.

Habemus hic exempla morborum in nervis a tumore, membranæ eorum exteriori adjacente & comprimente, quorum curatio ergo non consistit in corrigendo cerebro. Consideremus nunc,

nunc; quod acres putrefacti humores, hærentes in arteriis membranæ exterioris, nervos possint erodere, & dolores diuturnos exitare, nam post erosam membranam primam eroditur secunda. Patet hoc in Odontalgia, in qua dolor sæpe est immannis & diutinus, ubi causa externa calida, frigida, humida, sicca, vel dulcia nimia copia applicata, dentem erodunt, ut crux adaman-tina dissidente nervus nudetur. Si nunc nervi in aliis locis etiam de-nudentur, dolor fixissimus, aliaque tristissima mala fieri possunt, quæ tandem ipsum cerebrum afficiunt. Narrabo hic mirabilem casum, olim curæ meæ commissum.

Ingeniosissima matrona incidit ex mœrore, quod sæpe fit, in cancrum mammarum, qui adhuc liber erat; re persensa suadetur extiratio, quam sustinuit virili animo, & quæ tam feliciter absolvebatur, ut for-tunatior encheiresis nunquam posset sperari. Vedit tamen Chirurgus stig-ma parvum in superficie musculi pectoralis, unde metuens, ne irrita foret operatio, cultro illud excidit: omnia procedunt felicissime, sed post duas septimanas subito impossibilis facta fuit maxillarum deduictio; mus-culi temporales obrigescebat; malum pergit ad Platysma myodes, & ad reliquos totius corporis musculos; tandem matrona illa moritur tetanodes: videtis, hic nihil mali fuisse, nisi læsionem nervorum topicam quam sustinuit ægra ultra duas se-ptimanas, quæ tunc tamen hunc te-tanum potuit producere; sanguis missus fuit ad animi deliquium, dia-eta emollientissima fuit præscripta, sed frustra; unicus hic scalPELLi i-ctus, lædens nervum, totum cere-brum in consensum trahit.

Vir quidam nobilis ex nimis lau-ta vita laborabat Phlegmone in in-ferioribus corporis partibus, quæ transibat in gangrænam; ab ea denu-datus apparebat tendo, ejusque va-

gina exterior ita tumebat; ut vige-cuplo fere major naturali appareret; suppuratio felix separabat omne hoc tumidum specie sordium: monebam Chirurgum, tendinem hunc involu-cro suo esse orbatum, ut caveret il-lum attingere; Ille, nimis temera-rius, flocculum quendam vult aufer-re, & prehendit fibram tendinis, æger unicum edebat ejulatum, o-mnesque totius corporis musculi obri-gescebat; sed momento post ma-lum hoc iterum cessit.

Nobilis juvenis Britannus incidit in contusionem testis, quæ dein scir-rhum & cancrum contrahebat; re be-ne deliberata nihil consultius vide-batur quam extirratio; Chirurgus dexterimus hanc operationem susci-pit, sed se utcunque festinans, tra-hit paulum nudatum testem, hinc nervo etiam tracto, audivimus sum-mum stridorem dentium, & mox æger instar statuæ obrigescebat, quæ symptomata, execto teste, paulo post plane cessabant.

Videtis hinc iterum sensorium commune, sive principium nervorum affici posse ab uno nervo, topice tan-tum læso; intelligitis etiam, his in casibus nihil moliendum esse, ad mutandam cerebri vel medullæ dia-thesin, sed prius inquirendum esse in ipsum nervum, & semper cog-itandum, an causa non hæreat in partibus majoribus, priusquam de minimis sumus folliciti.

DE MORBIS NERVORUM A VITIS LIQUIDORUM IN- TER MEMBRANAS CEREBRI.

Sequitur nunc alia classis morbo-rum neuroticorum, scilicet qui oriuntur, a caulis, quæ inter duram & piam matrem accidere possunt, sive quæ fiunt inter superficiem con-vexam cerebri, & concavam duræ ma-tris, vel tunicæ Arachnoideæ.

Ne

Ne miremini, A. P., me hic loqui de vacuo quodam intermedio, nam humor quidam in eo hæret, qui sæpius causa morborum existit. Juvat autem hanc rem altius repetere.

Premittitur con-sideratio fabricæ. Novistis, quod totum Encephalon, unde omnes nervi derivantur, liberum sit: nec ulli corporis parti adhæreat, nisi per quatuor vasa arteriosa, per quæ accipit omnem suum sanguinem; venæ egredientes evacuant se in sinus: nervi quidem egrediuntur, sed proprie non necunt cerebrum cum ulla alia parte, nam libere decurrunt sub dura & pia matre. Præcipua ergo communicatio cerebri cum reliquo corpore fit per quatuor illas arterias. Verissime autem dixit SYDENHAMUS, quod intra corpus debeamus confidere aliquid reconditum, ab eo distinctum, illudque esse mere nervosum.

Ut hoc systema liberum maneret, non debuit unquam posse concrescere; hinc in omnibus observationibus vix occurrit exemplum, ubi dura & pia mater inter se concreverant. Hoc vero ut præcaveretur, requirebatur, ne unquam siccum cavum possit oriri inter superficiem concavam involucrorum & convexam cerebri; hinc ut in his locis adesset humor intermedius, non concrescens, & nunquam deficiens; & hic est ille humor, qui in omnica-davere semper deprehenditur inter duram & piam matrem; atque ille æque ades in superficie inferiori & superiori, in cranio & in medulla spinali.

Liquor inter membra-nas cere-bri. Intelligite hoc bene A. invenitis enim in experimentis pulcherrimis BRUNNERI & WEPFERTI, quod liquor hic ad uncias collectus ignique expositus totus exhalaverit & speciem tantum crassamenti salini reliquerit: in sano homine cavitas inter duram & piam matrem omnivitæ momento repletur rore quodam spirituoso, qui densatus appetit spe-

cie sensibili aquæ; totum ergo systema encephali ponitur in balneo vaporis perpetuo, & ambitur mirabilis hoc humore. Ille vero quia semper adeat, nec unquam ullum fœtorem habet, hinc debet hic loci esse circulatio perpetua; debent ergo adesse arteriæ exhalantes, quemadmodum in Epidermide, Pleura, Pericardio, tunica testium vaginali, aliisque corporis partibus etiam locum habet; debent pariter adesse venæ, quæ exhalantem humorem in se recipiunt, hinc naturaliter in sanis hominibus non appetet; si vero quacunque de causa incipit augeri, comprimit partes subjectas, earumque functiones lædet. Inde fiunt infiniti & valde miri morbi, qui tamen non fiunt a cerebro.

Homo quidam plurima symptomata expertus, quæ principium nervorum graviter affectum fuisse significabant, paucis ante obitum septimanis conquestus est de Catharro, mane impetuose ad pectus ruente, & suffocationem intentante: descissa post mortem dura menynge, plurimum seri effluxit, quod inter utramque menynge continebatur; tota anfractuum superficies quasi gelatina operta fuit, qua cultello sauciata, aqua extillavit; hujus seri quoque plurimum in omnibus ventriculis repertum V. BONETI *sepulchr. Tom. I. pag. 412.*

Matrona quædam per hyemen laborabat Coryza, sive perpetuo liquidi acris ex naribus stillicidio, & tussi; manifesta erant pleni capitis & catarrhi indicia; post mortem universum illius cerebrum aqua perfusum reperitur. *Ibid. pag. 411.*

MOINICHENIUS scriptit ad BARTHOLINUM, quod Cardinalis CAMILLUS MELTIUS post perpeccas aliquoties catarrhi levioris molestias aliquam capitis debilitatem advertit, quibus febris sociam se superaddeptis quarto decimo ab invasione die septuagenarius moritur. Aperto cranio plus

Collectio ejus morbos.

plus quam libra seri tenuioris inter duram & piam matrem diffusa est. *ibid.*
pag. 409.

In aliis observationibus invenitur historia hominis cujusdam hydropici, incidentis præterea in morbos capitis & generis nervosi varios tandem catarrho suffocativo mortui; aperto capite superficies cerebri magna aquæ copia inundata reperiebatur.

Mulier quædam Germana infantem parit, qui neglectus a matre incipit laborare Hydrocephalo, qui morbus ita increscet, ut miser infans præ tumore capitis ex cunis vix eximi potuerit; tandem moritur; aperto capite sub dura matre invenitur magna copia aquæ, quæ compressione sua ingentem encephali molem ad parvam tantum magnitudinem redegerat.

In omnibus his casibus notant Autores, quod membranæ cerebri præternaturaliter crassæ factæ fuerint.

Ex dictis hactenus evidentissime apparet, quod liquor naturalis membranarum cerebri, præter naturam auctus, producere possit hydroponem, unde primo sequitur inæqualis spirituum fluxus, dein scotomiae, convulsiones, paralyses, hemiplegiae, paraplegiae, apoplexiæ, & tandem etiam catarrhus suffocativus, si nempe aqua acumuletur circa medullam oblongatam, nullo actu corporis restituentibus.

Eadem mala, quæ ab hac causa na-
*In theca
vertebra
rum.* scuntur in cerebro, possunt etiam fieri in medulla spinali, quoniam & ibi inter membranas similis liquor hæret, qui has partes tenet laxas, & a se mutuo aliquantum distantes; quem aliquando præter naturam auctum fuisse, variæ observationes docent. Simile quid etiam in nervis, ab hac medulla oriundis, obtinet; ita ut etiam in iis morbosæ collectiones hujus humoris fieri queant.

COITERUS dicit in suis observationibus, quod in homine quodam, qui post varia capitis mala tandem moriebatur paralyticus, invenerit totam

Tom. I.

cavitatem spinæ vertebrarum aqua limpidissima plenam.

PLATERUS notat *Lib. I. Praxeos Medicæ cap. 2.*, quod in cadaveribus hominum, qui a morbis capitis diu languidi fuerant, thecam vertebrarum sæpe invenerit aqua plenam, nervos comprimentem. Similes observationes in BONETI sepulchreto *Tom. I. passim.* occurunt.

LOWERUS in Capite de Catarrhis (*Tratt. de Corde*) *pag. 259.* hanc observationem ad fert. Juvenis Studiosus, cætera sanus, sine evidenti causa ultra, somno diuturno & tandem Lethargo correptus, subito & fere intra duas septimanas convulsus obiit; in cerebro ejus, post mortem disiecto, ventriculi aqua tumidi reperti sunt, quin & tota cerebri basis & medulla oblongata sero extravasato, & in fundum calvariae decumbenti, immersæ erant.

Hinc videtis, quando morbi nervorum, capite libero manente, adfunt, quod interdum cogitandum sit de hydrope in theca vertebrarum, & quod aquæ in ea non tantum copia, sed etiam acrimonia nocere possint, & tunc malum erit tanto pejus; sed plerumque moriuntur ægri, antequam morbus eo usque pervenerit.

Novis præterea, quod nerviexeant *In Nervi
vel ex cranio, vel ex foraminibus in-
vis.* ter commissuras vertebrarum, & quod plane liberi sint, antequam perveniunt ad locum, ubi egrediuntur, sed quod tunc vaginam a dura matre accipient, quam retinent usque ad locum, ubi se musculis vel organis sensuum applicant; hæc non adhærebant nervis in medulla, sed in egressu demum adponit; ergo vagina non nata est cum nervo, sed separabilis est a partibus subjectis. In aliis locis, ubi similis ingressus fit partis in partem, corpus admissum semper manet distinctum ab admittente, uti in vasis seminalibus & pericardio apparet; in omnibus talibus locis colligitur sæpe aqua, quod in primis circa testes fieri notum est: hinc etiam inter tunicas nervorum effunditur humor, qui si non resorbetur, potest fieri

C

con-

congestio laticis aquosi , æque ac in aliis partibus , & ab hac causa integrum exteriū potest secedere , & partes interiores comprimi : hinc ergo potest oriri Paralysis , quæ ergo originem non habet in parte sentiente vel movente morbosa , sed a vasis duræ matris , liquidum suum effundentibus .

Narrat WILLIUS causam hominis , qui ruri ambulans per medios īmbres propter refrigerium madidi corporis incidit in paralysin omnium partium , quæ nervos ex medulla spinali accipiunt . Videtis hic , a prohibita perspiratione & resorbitione potuisse effundi liquidum , quod comprimebat omnes nervos . Hoc potest etiam accidere in aliis hominibus calidis , sed subito refrigeratis . Quando nunc talis colluvies aquosa semel incipit detineri , continuo augetur , quia membranæ coercentes dilatatae vim suam resistentem amittunt , & tunc arteriæ effundunt quidem suos liquores , sed venæ compressæ non resorbent : ab hac causa pulpa nervorum perfecte potest destrui , nutriendis illorum facultas aboleri , motus & sensus definere , & partes sub illo nervo arescere ; hinc ergo fieri possunt tremor , stupor , immobilitas ; vel a superstite quodammodo sensu formicatio partis generabitur , & hinc tales homines sæpe queruntur , unum membra quasi pungi , dum alterum stupet .

Nonne ex his videtis causam phænomeni cuiusdam in Leucophlegmaticis ? vires eorum hactenus non deficiunt , dum tantum parum se mouent ; sed quando corpus magis incipiunt movere , vel gradus adscendunt , sentiunt pondus quoddam resistens , quod elevare nequeunt ; in hoc casu omnia corporis interstitia , hinc etiam illa , quæ in nervis sunt , aqua videntur plena .

Si talis homo incipiat laborare morbis soporosis , facile possumus concludere , quod aqua in cavitate cranii inter membranas cerebri effusa sit ; si vero stupor & immobilitas inprimis

observantur circa partes , quæ magnum quandam nervum accipiunt , functionibus cerebri manentibus integris , non accusabimus spiritus , sed possumus causam hujus morbi referre ad aquam , inter tunicas & pulpam nervorum hærentem .

Malo hoc cognito præscribimus ægro diætam sicciam , sive ex cerealibus , sive ex animalibus , sive ex utrifice . Ex cerealibus potest sumi panis biscoctus cum paucō sale , quod simplex remedium multa operosiora superat , nam sitim non excitat , & mirifice exsiccat corpus . Reliqua cerealia vix proficia sunt , quia non ita bibula sunt , nec sponte liquefiantur . Carnes & pisces assatæ videntur quidem prodesse ; si vero des insulsa , æger statim abominatur ; si salem addas , sitiet ; si non bibat , orietur quædam putrescentia ; in omni casu nullus effectus erit , hinc cerealia præferri debent .

Maxima hic juvant exercitia , sed ægri vix possunt instituere ; moveant tamen ægram partem omnibus , quibus pollent , viribus , & plus superabunt languorem , quam ullo alio remedio ; suademus etiam , ut hæc exercitia quotidie leniter augeant ; vectio-nes & frictiones pariter valde utiles sunt , quia faciunt , ut omnia tremant , & motum partibus quiescentibus inducunt , quem vis vitæ inducere non poterat . Balneum siccum quoque in hoc casu satis laudari nequit , quod adplicatur ad gradum caloris , sine noxa , homini tolerabilem ; hinc non debet excedere nonaginta duos gradus , nam si major foret , humores facile putrescerent . Veteres adhibebant cauteria actualia vel potentialia , v. g. ferrum ignitum vel Ranunculum , vel Euphorbium ; his inuritur pars usque ad tunicam adiposam , ea-que retinetur aperta , & quoniam hæc tunica cum toto corpore communica , aqua inde exire poterit . Vesicantia etiam vim causticam habent , ea-que parantur ex Cantharidibus ; hæc exitum non tantum parant liquoribus , sed

sed nervos etiam irritant, & calorem augent. Huc etiam referuntur fonticuli & setacea. Peregrinationes in loca calida & sicca olim jam ab Hippocrate in libro de aere, locis & aquis laudatae sunt. Dantur morbi, qui nunquam curantur in hac, sed saepè in alia regione; ad hunc autem morbum, de quo agimus, curandum, regio Neapolitana, & post hanc Lufitana & Hispanica maxime prodest; in Campania balnea calida sulphurata hunc in finem exstructa habentur.

Dubii cuiusdam solutio. Dubitare forte quis posset, an quidem ullis constiterit exemplis, colluviem talem aquosam collectam fuisse inter membranas nervorum, quoniam haec adeo inter se sunt concretæ; haec autem res optime ex Analogia illustrari poterit. Inter Chorion & Amnion, quæ membranæ inter se etiam sunt concretissimæ, invenit Ruy Schius, colligi posse medium liquorem, qui unam distinguebat ab altera. In membrana Peritonæi, ibique duplicem lamellam maxime concretam habente, Jobus a Mekeren invenit plures libras aquæ collectas, qua distendente una lamella peritonæi extrorsum, altera introrsum pressa fuerat. Memini, aliquando ad me venisse hominem, consulendi gratia de summa visus depravatione, subito oborta; explorans morbum vidi corneam tunicam in fossulam introrsum pressam, sed totum limbum adnatæ elatum, & oculum ubique prominentem, demta cornea: In hoc casu tunica adnata separata erat a parte anteriori Scleroticæ, ubi corneam facit, & videbam sub ea puram latentem aquam, quæ, superficie adnatæ acu læsa, libere effluxit, & morbus hac ratione sublatus fuit. Videmus saepè, quod totus oculus in ophthalmia extubet. Idemta cornea, quia haec tam magna vasa non accipit, ut obstructa tumorem faciant; facta autem suppuratione vel resolutione, totus tumor evanescit. Non opus erit alios morbos recensere, qui oriuntur inter membranas concretas; sufficiet demonstravisse,

quod similes etiam inter membranas nervorum fieri possint.

DE TUNICA ARACHNOIDEA.

Consideravimus huc usque Encephalon, nullo in loco cum corpore co-transit. hærens nisi per quatuor vasa; & dein exporrigens nervos, per quos dominatur quasi in reliquias partes; absolutus horum externam vaginam, id est, duram matrem; hac ablata sequitur membrana arachnoidea, investiens superficiem exteriorem utriusque hemisphærii cerebri, pergens inde ad medullam oblongatam & spinalem in theca vertebrarum, ubi est liberrima; & secundam tunicam faciens nervorum, per foramina cranij & vertebrarum exeuntium.

Anno præteriti seculi sexagesimo quinto quatuor Medici Amstelodamenses, nempe Blasius Sladus, Kina, & Swammerdamus instituere conventum in qualibet hebdomade, in qua unicuique pars quedam corporis dabatur examinanda, & in hoc conventu primo inventa fuit haec membrana, quam alii postea sibi vindicare voluerunt. Ruy Schius eam dein invenit separabilem, tela aranea longe genuiorem, hinc ab ea nomen suum accepit; constitit etiam postea, hanc occupare omnem superficiem cerebri externam, tam in anfractibus quam eminentiis; eam etiam observare cerebellum, medullam oblongatam, & medullam spinalem. V. Ruy Schii Respons. ad Epist. IX. pag. 7-9. & Thes. VII. Tab. II. Fig. 2.

Quæritur nunc, quomodo haec membrana possit apparere? dico primo, per arteam; scilicet in illo loco superficiet cerebri, ubi anfractus sunt, (nam eos non ingreditur, sed tantum superextendit,) cuspidé acutissima subtilissimæ lanceolæ, suspensa manu, fiat quasi rasio simplex, locus ille infletur tubo subtilissimo; aer tunc se insinuans non attingit piam matrem; sed separabit.

bit lamellam subtilissimam, pellucidissimam, flatu æquabiliter assurgentem, in qua etiam per microscopium nullum vas rubrum demonstrari potest. Secundo, per naturam; nam videte loca, ubi medulla oblongata cum medulla cerebelli abeunt versus posteriora, ibi hæc membrana satis laxe adhæret, & inter hanc & piam matrem sæpe est intercapedo; si quis ergo cranium aperiat a parte posteriori, & flatum immittat, hæc quaquaversum assurgit. Tertio, per morbos; nam per hydropem cerebri externum hæc membrana separatur sursum, dum interim pia mater permittur introrsum.

Eius ne-
xus.

Membrana hæc in toto cerebro externo necitur piæ matri subjectæ; quoniam pia mater est rete vasculorum, hinc ex superficie piæ matris exhibunt surculi vasculosi necentes; RUY SCHIUS vero, qui noluit adfirmare, hic vasa adesse, dicit hanc cohæsionem fieri per fibras; quum vero hic nexus sit separabilis, comparari poterit cum epidermide totius corporis: hæc autem membrana non insinuat se cum pia matre, sed tantummodo superficiem externam cerebri obducit; videmus enim clarissime, quando flatus hanc membranam separat, quod tunc per totam partem gibbosam æquabiliter assurgat. Quando aer inflatus elevavit hanc membranam, & forte per factum vulnusculum egredi potest, statim invisibilis evadit; si vero aer quacumque de causa colligatur & coeat, longe plus separatur, & tunc videmus, quod dum pia mater subjectas partes arctissime coeret, hæc membrana longe laxius adcrescat. RUY SCHIUS dicit, quod in hominibus, qui abundant humoribus, specie tunicæ cellulosa fallat, fateturque, quod in his corporibus post inflationem similes cellulas exhibuerit, quam tunica adiposa. V. Resp. ad Epist. IX. pag. 7.-9., in primis figuram huic additam ad litteram D. & Thesaur. VII. Tab. II. Fig. 2.

Hæc membrana videtur nihil aliud fabrica esse, quam lamella piæ matris exterior, conflata vasculis tenuissimis, invisibilis, pellucidissimis, textura sua rete facientibus, specie fibrarum ex pia matre exeuntibus, & collectis in hanc membranam tenuissimam, a pia matre distinctam; ergo non est habenda pro lamella quadam concreta; sed pro congerie extremitatum innumerabilium arteriarum exhalantium & venarum imbibentium, quæ quia halitussum tantum liquorrem emittunt vel recipient, concipi possunt minimæ. Hac ratione se habet ea parte, qua duram matrem spectat; ut vero pateat, quid sit in superficie interiori, considerandum est, quod, quando post injectionem felicissimam in vasa piæ matris factam aufertur Arachnoidea, tota superficies exterior piæ matris non sit plana, sed infinitis vasculis lanuginosis perfusa, quæ nunc disrupta antea immitabantur in Arachnoideam: patebit etiam in historia piæ matris, quod illa tota constet ex vasis, ita ut nullum in ea punctum sit, ubi non sunt vasa; videtis ergo, quod inflatione facta non integre elevetur Arachnoidea, sed per microscopium conspicuntur millions fibrarum ita ut aer inflatus quasi intra cellulas contineatur, & speciem bullularum non communicantium exhibeat. An ergo tunica hæc Arachnoidea nulla habet vasa? quæstio est satis subtilis, nam possumus tantum dicere, vasa adesse, quæ videmus; sed vasa non visibilia, per artem vel morbos majora facta, hinc non nova, sæpe visibilia fiunt. Malo autem hic nihil determinare, transiturus potius ad morbos, qui in hac tunica observantur.

DE MORBIS TUNICÆ ARACHNOIDEÆ.

Ad hos primo refero siccitatem; quæ dicitur adesse, quando hæc membrana nulla humiditate perfusa, adeoque contracta, & minus mobilis est.

est. Causa hujus potest hærere in ipsa hac tunica, scilicet, quando vasa exhalantia, quæ in ejus superficie sunt, quacunque de causa desinunt exhalarare sua liquida; & dura mater tunc etiam non exhalat: hoc vero vitium semper in inflammationibus, quod bonus SANCTORIUS jam observavit, dicens, omnis pars inflammatæ non perspirat; in febribus ardentissimis etiam ægri summopere æquant, sed cutis est arida, & talis manet, quæcunque medicamenta dederis; quando vero crisis fit, tunc totum corpus humore perfunditur.

Concre-
tio.

Simili in casu hæc membrana fere semper ad crescere ad duram matrem contiguam, cum qua olim nunquam concreverat. Si quis pervenit ad summam senectutem, sanusque manet, pleura ejus non concrescit cum pulmone; labore autem semel modo Pleuritide vel Peripneumonia, pulmo post mortem fere semper concretus invenitur. Idem hic poterit fieri, & patebit ex observationibus, mox recitandis, quod in hominibus, post summos capitum dolores mortuis, hæc concretio inventa fuerit.

Hujus effectus. Sequetur inde, quod omnes illi pulsus arterios, qui sunt in magnis arteriis duræ matris, & qui olim retinabantur in rorem, inter duram matrem & arachnoïdeam tunicam exhalantem, postquam hæc membrana inter se concreverunt, immediate agent in tunicam arachnoïdeam, hinc eo propius in piæ matrem, & in ipsum cerebrum. Præterea, quo minus perspirat tunica arachnoïdea, eo sanguis, per arterias minimas piæ matris fluens, plus cogitur agere in pulpam corticis; nam quo sanguis majori velocitate & copia eodem tempore urgetur per canales numero minores, eo major erit impetus, hinc in hoc casu omnis impetus dirigitur ad piæ matrem, non ad interstitium membranaceum. Videtis facile, quod hinc poterit oriri Cephalalgia, Cephalæa, id est, inveteratus capitum dolor; cephalalgia vero

Tom. I.

viam pandit ad phrenitidem, & post eam aliquando manet Cephalæa incurabilis, & tunc novimus adcretionem esse factam.

Quæ hactenus dicta sunt, per ob- servationes confirmantur. Adolescens quidam laborabat dolore capitis, in dies ingraevemente, post quadraginta dies moritur; aperto cadavere membranæ cerebri siccissimæ repertæ sunt. V. BONET sepulchr. Anat. Tom. I. pag. 10.

WEFFERUS in Libro de Apoplexia narrat casum hominis, qui post dirissimos capitum morbos tandem moriebatur apoplecticus, aperto cadavere, membranæ cerebri inter se concretæ observantur.

WILLISIUS dicit in libro de Anatome Cerebri, Cap. IX. Defunctorum capita, qui, dum in vivis agerent, cephalalgiae miserrime erant obnoxii, aliquoties aperui, in quibus juxta sinum longitudinalem, ubi dolorum sedes erat, pia ac interior meninx duræ ac exteriori per aliquod spatum, saepe duos digitos latum, accrescebat.

Idem dicit in Tractatu de Scorbuto Cap. IV. quod Cephalalgia huic morbo raro desit; ejusque causam humoribus, in meninges suffusis, adscribit; additque, hæc comprobari per autopsiam, nam in quorundam defunctorum capitibus apertis, utrasque meninges coalitas vidit.

BALLONIUS etiam refert, quod dum lustraret cadavera mortuorum post diras Cephalæas, meninges cerebri semper invenerit siccas & concretas.

Dicta sufficient, nam narrantur a scriptoribus in re anatomica versatisim, & quidem ante inventam tunicam arachnoïdeam, cuius intervenit dura & pia mater tantum inter se concrescere possunt.

Hi autem morbi saepe per annos durant, nec ulli remedio cedunt, sed levantur utcunque, si homines illi in locis frigidis & tenebris quieti decumbant,

C 3

Alte-

Nimia
humidi-
tas.

Altera classis morborum, qui hic contingunt, est nimia Humiditas: hæc jam descripta est, quatenus sedem habet inter duram & piam matrem; nunc vero eam considero respectu solius Arachnoideæ. R U Y S C H I U S dicit in *responsione ad Epist. IX. pag. 8.*, quod hæc membrana, flatu a subiecta pia matre, innumeris in locis, distincta, membranam cellulosam mentiatur, cum tamen cellulosa neutquam sit: sed in explicazione Figuræ, huic epistolæ adjectæ, repræsentat ad literam D. minutissimas quasdam vesiculos, a flatu in conspectum prodeentes, ortumque ducentes non solum a flatu, verum etiam a latice aquoso, inter dictam membranam arachnoideam & piam matrem hospitante: & in *Thesauro Anat. VII. Tab. II. Fig. 2.* cerebri humani portionem demonstrat, per cuius superficiem, supra piam matrem, vesiculae disseminantur diversæ formæ, vasa lymphatica repræsentantes, dicitque, eas nil esse, nisi tunicae Arachnoideæ elevationes artificiosas, a flatu per tubulum adactas. Nonne magnus vir in his locis sibi ipsi repugnare videtur? idem ille, qui negabat, adesse hic aliquid cellulosi, invenit aquam, inter superficiem piæ & arachnoideæ tunicae intercurrentem, quæ facit, ut tunica illa cellulosa adpareat, id est, aquam bullatim recondens inter cryptulas?

Habentur in operibus WILLISI, WEPFERI, & BONETI observationes hominum, post diu percessos capitis dolores mortuorum, in quibus tota superficies cerebri humida inventa est, & superficies piæ matris visa fuit elevata specie membranæ tenuis; imo tota pia mater gelatina quadam superfusa reperta est, & quando hæc superficies gelatinosa levissime vulnerabatur, aqua pellucida exhibat; patet ergo, quod sub Arachnoidea & supra piam matrem hydrops species esse possit.

Eius ef-
fectus. Si nunc consideremus, quod sub

his locis decurrent vasa sanguifera & spiritus secernentia, concipimus facile, quod tota hæc textura per collectionem aquæ possit comprimi, & quod inde fieri possint varii morbi cerebri, quia increvens hydrops omni suo impetu agit in piam matrem & cerebrum, nam dura mater cedere non potest, hinc circuitus per vasa minima piæ matris impediri, adeoque omnia turbari debent. Consideremus porro, quod tunica arachnoidea nuspam laxior sit supra piam, quam ad basin cerebri, ubi magna vasa sunt; & in medulla spinali, ubi secedit fere a pia matre & vaginam quasi liberam præbet. Si hic oriatur hydrops, tota medulla spinalis immergitur aquæ, hinc suffocata faciet Paralysin omnium inferiorum partium. Forte fortuna orietur ulcus, quod inter aperturas vertebrarum se apriens stillicidium aquæ ibidem excitat, & tunc miseri hi homines liberantur pro tempore, sed dein putrefacta medulla tamen moriuntur. Hi morbi nunc non aliter cognosci possunt, quam ex generali doctrina, superius tradita, de morbis ab intercepta aqua inter duram menynge & Arachnoideam: neque alia in hoc casu est instituenda curatio, nam hi morbi non nisi solo loco differunt.

Alius morbus, qui hic occurrit, est pinguedo hujus membranæ vel cellularum ejus. Multi Anatomici, & quidem inter accuratissimos, dixerunt, quod deprehendatur in pia matre, vel exteriore parte corticis, collectio parvarum glandularum alblicantium, quæ similes sunt illis, quas putabant succum pericardii confidere. R U Y S C H I U S, qui per suas injectiones multa vasa demonstravit, sanguinem rubrum in statu naturali non continentia, ostendit hic corpuscula plurima sphæricæ vel lenticularis figuræ, magnitudine minimi grani spinæ, quorum unum distinctum est ab altero, in quæ nulla vasa; etiam post felicissimam injectionem, videbantur ingredi, sed quæ exhibebant pelluci-

Pingue-
do.

di

di quid, quod proplus consideratum apparebat pinguedo vera, quæ fundi poterat; eam vero non semper, sed tantum in cadaveribus obesorum invenit. V. ejus *Thef. Anat.* V. p. 6. & 36. & *Thef. X.* N. 42.

Eius effectus. Quod si ergo illa nimis accumuletur, idem fiet impedimentum sanguini, per arterias piæ matris fluenti, quam in priori morbo, sed tamen in eo erit differentia, quod hoc impedimentum non sit æqualiter diffusum, hinc circulatio humorum magis turbabitur, quam plane impeditur, ergo in diversis nervis poterit oriri variata distributio spirituum, quæ aliquando Epilepsias incurabiles producit. Aperta sunt capita Epileptorum, in quibus nulla sensibilis causa nec in partibus solidis nec in fluidis inveniebatur; ægri tamen convulsiones horrendas in toto systemate musculo-si passi fuerant. Cogitavi saepe, an non unaquæque pars nervos acciperet a singulari parte cerebri, an ergo a variata secretione quibusdam partibus non plus daretur, quam aliis, & an inde non fierent convulsiones: videatur certe non improbabile. Dicat nunc R U Y S C H I U S , talem pinguedinem non hærere in tunica arachnoidea, concedemus hoc magno viro, quatenus hæc membrana non constet, nisi ex extremitatibus vasorum; si vero consideremus ejus superficiem, piæ matri contiguam, in ea certe pinguedo hærere poterit. Consulite nunc omnes auctores, qui de morbis capitum scripserunt, sed traditas distinctiones in animo retinete; nec credite, facile haberi bonam mirabilium harum partium ideam; sed consulite in primis R U Y S C H I U M , qui omnium optime hoc argumentum pertractavit, hinc ex eo etiam colligam, quæ nunc porro dicturus sum.

DE PIA MATER;

Eius de scriptio. Pia mater dicitur, quæ sub Arachnoidea latet, obvolvitque totum

cerebri corticem, medullam oblongatam, cerebellum, crura ejus medullaria, medullam spinalem ad os sacrum usque, omnesque nervos. Tegit autem hæc superficie sua interiori corticem cerebri, quatenus est externus, nam in corporibus striatis & medulla spinali, ubi cortex est internus, res aliter se habet; ubicunque vero cortex externus desinit, ibi incipit medulla; hoc autem sit in omnibus illis partibus, quibus duo hemisphæria cerebri incumbunt, id est, in toto corpore calloso; ex medulla porro oriuntur thalami nervorum opticorum, tuber annulare W I L L I S I I , medulla oblongata & spinalis, & ad omnia hæc loca pia mater extenditur.

Verum etiam ingreditur ventriculos Ampliæ cerebri, quod unus tantum observa-tudo, vit R U Y S C H I U S , estque ibi continua-ta cum plexibus choroides, qui tan-quam pulvinaria jacent intra Ventriculos, & extra cavum cerebri, & qui-dem ibi loci, ubi finis est cerebelli ad cerebrum: hinc hæc membrana, ex ventriculis posterioribus exiens, libere fluctuat. V. R U Y S C H I U S respons. ad Epist. problemat. XII. Tab. XIII. Nullum omnino vas pertingit ad ce-rebrum, quod ab hac membrana non suppeditatur; nullum ex eo redit vas venosum, lymphaticum vel sanguiferum, nisi per hanc membra-nam, hæc enim sinus implet per suas venas; per hanc omnis medulla, omnesque nervi in toto corpore ex-eunt; sed excutiamus hæc omnia sin-gulatim.

Hæc membrana non accipit ullum Singula-vas nisi per tunicam Arachnoideam; ris ejus nam omnes arteriæ, a corde datæ, ^{constitu-} ubi ituræ sunt ad piam matrem, ^{tio,} hærent in hac tunica; hinc etiam omnes venæ, omnes sinus per hanc tu-nicam humores suos accipiunt: scili-cet, arteria Carotis, veniens ad ba-sin cerebri, antrorum flexa per ca-nalem LOWERIANUM, dat ramos la-terales duræ matri, eamque perforat, postea adscendit intra cranium, & penetrata arachnoidea per piam ma-

trem distribuitur; hinc dicit RUY SCHIUS, quod ubi tunica arachnoidea perforatur, ibi non accipiat ullum visibile vas: omnis hæc perforatio est ibi loci, ubi falciformis processus continet sinus recensitos: hi sinus nullum sanguinem accipiunt nisi ex pia matre per perforatam arachnoideam; hinc ubique fere libera est corticis & medullæ superficies, nisi hic; sed in interioribus pia mater etiam dat vasa venosa ad illos sinus, nam sinus posterior non accipit ab ea arterias, sed tantum venas; hinc ad piām matrem non veniunt arteriæ nisi ex carotidibus & vertebralibus, ex adscendente trunco Aortæ oriundis.

Nexus. Pia mater necitur etiam cum sanguibus, & quidem cum omnibus quatuor veterum & tot adjectis recentiorum; sed ille nexus nullus omnino est, nisi per solas venas piæ matris; nulla enim arteriola nec tens deprehensa fuit; sed ad plurima loca pia mater quædam quasi filamenta dat, quæ impleta apparent esse venæ: ergo videtis mirabilem proprietatem hujus receptaculi, qua homo quasi ponitur intra hominem; nervi quidem exeunt, sed ita investiti pia matre, ut ab ea quasi procedant: non erit parvus labor dare hujus piæ matris ideam, nam ubique tum diversa est, ut plus quam una considerari mereatur.

Arteriæ. Hæc pia mater non habet commercium cum corde, nisi per quatuor arterias, duas nempe carotides in parte anteriori, & duas vertebrales in parte posteriori. Hæc arteriæ, priusquam ingrediantur piām matrem, amittunt omnem fabricam arteriosam, quoniam omne, quod musculofsum habebant, deponunt. Considerate arteriam Carotidem, dum hæret in canali osseo LOWERIANO, ibi est valida; ubi vero se applicat piæ matri, videtur membrana flaccida, tenuis, & simplex, quam vix auderes venam vocare, ergo hic facta est plane alia structura. Hoc etiam verum est de arteriis vertebralibus, quæ, simulac intra cranium veniunt, fiunt

æque tenues. Quando ergo dicitur, quod structura piæ matris sit arteriosa, hæc consideratio debet præmitti. Porro, simulac hæc arteriæ perveniunt ad superficiem piæ matris, respectu figuræ quoque amittunt suam indolem. Hoc patet in arteria cervicali VIEUSSENSII, & in arteriis ad basin cerebri, quæ apparent quasi tubi inæquales, contorti, inflexo, incurvo, lato, augusto decursu eentes, quos potius receptacula dices, quam arterias. Deinde, priusquam hæc arteriæ ullum ramum dant ulli parti corticis, omnes earum quatuor rami inter se communicant, & faciunt circulum WILLISIANUM dictum. Inspicite RUY SCHII Epist. XII. Tab. XIII., videbitis ibi, quod arteriæ carotides, adscendentes juxta sellam equinam, communicent cum vertebralibus in parte postica, cum cervicali in medio, & anterius inter se mutuo; hinc non est verum, quod arteria Carotis per se tendat ad corticem, sed prius fit commercium cum aliis arteriis, & hoc facto, tum demum rami emittuntur: ergo rursus hic discrepant ab aliis arteriis, nam arteriæ magnæ nunquam in corpore, nisi hic loci, ita communicant, ut statim ad omnes partes possit fieri motus. Observavi ergo triplex discrimen harum arteriarum cum aliis respectu fabricæ; considerabo nunc, qua lege omnes earum rami propagentur.

Arteriæ Carotides dant ramum, euentem retrorsum ad arteriam Cervicalem, ambæque vertebrales, simulac caput intrant, coeunt in cervicalem, sub medulla oblongata decurrentem spatio fere duorum pollicum, ubi iterum finditur in duos ramos: facta hac communicatione, omnes rami se ita adlicant, ut ubique superficiem externam cerebri amplectantur; ea tamen lege, ut rami carotidum ferre omnes eant ad corticem cerebri, reliqui in primis ad cerebellum. Ex hoc ergo circulo, quem vocaverunt WILLISIANUM, arteriæ perveniunt ad omnia puncta totius Encéphali;

phali; & arteria spinalis, quæ exit ad locum, ubi vertebrales coeunt, adpli- cat se medullæ spinali, adeo ut nulla gutta sanguinis arteriosi huc feratur, nisi ex hoc systemate. Omnia hæc vasa servant hanc legem, quod omnis parvus ramus emissus iterum cum aliis minoribus ramis communicet; & hoc sit per totum encephalum, quod jam observavit WILLIUS. Ergo mirabilis hic est circulatio sanguinis, quæ si turbatur in una parte, statim etiam patitur alia, quia intra datum tempus majorem copiam humorum debet transmittere.

Summopere etiam animadvertendum est, quod hæc vasa non sunt maxima ad cerebrum vel cerebellum, sed ad medullam; nam circulus WILLIANUS situs est sub annulari medulloso tubere; in aliis locis medullæ videmus etiam, quod magna vasa sanguinea huic adplacentur, cum nullum vas arteriosum notabile videtur in superficie corticali cerebri & cerebelli: ergo hæc magna vasa sunt in illis locis, ubi secretio jam est facta; medullam autem tantum ambient, non penetrant: nec latet ratio, quare hoc factum sit, nam medulla est frigidissima pars totius corporis; vasa arteriosa autem sunt calidissima, hinc medulla potest ab iis calefieri, & laxa teneri, cum tamen nihil pati possit ab earum elasticitate: per canales hujus medullæ debet motus esse lentissimus, nam maxime distant a corde, suntque simili tenerimi & fere diffluentes, hinc compri- merentur, si in his locis motus fuisset diastolicus; nunc vero sanguis calidus ubique circumfunditur sine metu compressionis; & hæc ratio est, cur arteriæ cerebri in crano vim suam elasticam amittant. An inde non poterit fieri Lethargus, quum moles medullosa caret illis humoribus, qui eam calore suo fovent, ejusque canales tenent apertos?

Præterea, ex circulo WILLIANO rami sursum tendunt ad omnes fe- re partes, nullum vero vas arterio-

sum deducitur a superioribus ad inferiora cranii; ubi hæc vasa emergunt, primo fiunt quidam plexus ad lobos quatuor anteriores cerebri, qui forte constant ex solis carotidibus: hæc vasa sunt tam numeroſa, ut in parvo spatio millena possint demonstrari; sed quando magnæ illæ arteriæ adplacentur medullæ, nullum faciunt reticulum, sed tantum recta quasi porriguntur, suntque vasa rubra, quale nulum in cortice invenitur: ergo omnis hic apparatus vasorum, quæ siue ramis fere deferuntur ad medullam, non perveniunt eo ad secretio- nem, sed tantum ad fotum. In ta- bula EUSTACHIANA XVII. Fig. 3. & 4. depicta videmus rara quidem, sed fatis magna vasa, recta tantum per Ventriculos decurrentia: hinc arte- riæ, hic deprehensæ, faciunt intrin- secus idem, quod arteriæ memora- tæ faciebant extrinsecus, id est, in- serviunt pro hypocauſis, medullam calefacentibus, ut calor non tan- tum externis, sed etiam internis his partibus frigidissimis æquabiliter com- municaretur. Videmus evidentissi- me, quod vasa illa sint maxima, ubi medulla est densissima; minima, ubi est tenuissima, hinc statim sub cortice vix vasa inveniuntur, sed in media medulla adsunt. Veteres jam viderunt, nervum opticum in medio porosum esse, quod etiam demonstrat EUSTACHIUS Tab. XL. Fig. 3., & RUY SCHIUS Thes. I. pag. 28. N°. 7. Porus ille est arteria, quæ dispergi- tur dein per totam tunicam retinam; videmus etiam tunicam choroïdem, totum cavum internum bulbi oculi investientem, omnesque ejus partes per suas arterias calefacentem: in omnibus aliis locis, ubi magna copia medullæ est, etiam arteriæ calefacien- tes adsunt.

Arteriæ Encephali, sic supergressæ medullæ superficiem, insinuant se in omni puncto corticis cerebri, & porriguntur ubique inter commissuras, ea quidem lege, ut hic adsinet sex rami, quorum duo distribuu- Et corti-
cem.
tur

tur ad lobos anteriores, duo ad posteriores, & duo sub basi ad inferiores anteriorum lobarum partes. Reliqua pars Encephali, quæ cerebellum continet, accipit arterias ex circuli WILLISIANI parte posteriori, & ex ramo cervicali. Hinc apparet, quod securitati cerebelli, organi vitalis, longe magis prospectum sit, quam cerebri, organi animalis; nam si carotides comprimantur, animal fit apoplecticum, sed tamen vivit, & solitus iterum arteriis resuscitatur: arteriae vertebrales vero decurrent utrumque per canalem mirabilem osseum, factum ex septem annulis apophysium vertebrarum colli, hinc non possunt impediri, nisi tota cervix frangatur, illarumque rami prospiciunt inprimis cerebello, ejusque medullæ: itaque in apparatu vasorum Encephali est quidem commercium, sed tale, ut carotides prospiciant inprimis cerebro, vertebrales cerebello.

Agamus nunc paulo distinctius de pia matre, quæ aliter se habet in cerebro, quam in cerebello; in cerebro considerari debet, vel in superficie corticis, vel in sulcis, vel in ventriculis interioribus. In superficie corticis accipit vasa a binis arteriis carotidibus, quæ recta eo assurgunt.

Pia mater in superficie & EUSTACHII Tab. XVIII. hæ insinuationes nuantes se inter interstitia quatuor lobarum cerebri, maximis suis ramis distribuuntur per superficiem fulcorum sive anfractuum, ex quibus majoribus ramis tanquam ex truncis quaquaversum emittuntur rami laterales minores, qui licet remotiores sint ab initio carotidum, accipiunt tamen sanguinem eadem vi propulsum, quia directe oriuntur ex ramis majoribus; minores hæ arteriæ in cerebro non impleto vix apparent, quum interim venæ magis sunt conspicuæ; ab iis autem distinguntur distributione, nam arteriæ a loco insertionis adscendentem semper gracilescunt, venæ vero in basi cerebri sunt minimæ, & dum adscendunt, continuo

majores fiunt, & circa insinuationem in sinus fiunt omnium maximæ: variant etiam magnitudine, nam arteriæ respectu venarum sunt tam parvæ, ut vix sextam partem æquent. Arteriæ, hac lege ortæ, faciunt statim anastomoses, & quidem, ut RUY SCHIUS observavit, duplices, nam rami magni, qui supra sulcos decurrent, communicant cum ramis æqualibus; & rami laterales, ex majoribus emissi, etiam mutuas anastomoses habent: hinc mirabilis oritur circulatio, nam sanguis, in majoribus ramis contentus, obstructo uno vase, statim potest transire in aliud; & si vis quedam resistat, propellitur in loca minoris resistitiae.

Multiplex autem hic adest vasorum Multi-
genus; dantur enim arteriæ magnæ, plex va-
rubræ, supra sulcos decurrentes, fa-
cile observabiles; arteriæ laterales, illa.
non nisi post injectionem vel in stran-
gulatis adparentes; arteriæ tomento-
sæ, id est, tam parvæ, ut non nisi
post felicissimas injectiones, & lu-
ci obversæ, videri queant, & hæc
videtur vasa tertii generis: hac ra-
tione abdita naturæ nudis oculis, per
morbos, & per artem injectionis,
felicissime succedentis, assequi possu-
mus; videmus sic, minores & majo-
res arterias eandem habere structu-
ram, omnesque tres earum species si-
miles facere plexus reticulares, & in-
ter se mutuo communicare; videmus
porro, quod pia mater sit tanquam
linteum, sive tela contexta ex vasis
cujuscunque generis, rubris, sero-
sis, lymphaticis, humorem, ad ignem
concrecentem, vehentibus, & lim-
pidis, humorem non coagulabilem
continentibus: valde etiam mirabi-
le est, quod hoc fiat ubique in to-
to cerebro, & æqualiter, ita ut
nullibi sit major vel minor impe-
tus, omnesque hæ arteriæ hic desin-
ant, nam nemo venam rubram in
cortice demonstravit: venæ etiam
semper implentur, nisi injectio fit
tam parva, ut tantum repleantur ma-
iores

jores rami, supra fulcos decurrentes; hinc facilis fit trajeccio ex arteriis in venas; nulla enim hic est valvula, nisi ubi situs obliquus venæ, in sinum se exonerantis, speciem valvulæ format; deinde, finis arteriæ & initium venæ sunt ejusdem capacitatis; hinc si arteriæ implentur, facillimus est transitus in venas, & ex iis iterum in arterias: sunt porro hæc vasa omnium in toto corpore debilissima, nam vix radi possunt cuspide aciculæ, quin jam læsa sint; sunt maxime distensibilia, quia habent tam tenues membranas. Respicite Hydrocephalos, quo in morbo arteriæ lymphaticæ, crano nondum firmato, ita expanduntur, ut caput in monstrosum magnitudinem excrescat. Hinc tam dura ossa hic requirabantur, nam si calvaria læsa, & rupta dura matre, diu idem maneat impetus, tunc propter ablatum obstaculum cerebrum intra viginti quatuor horas instar fungi ita potest excrescere, ut ad magnitudinem ovi gallinacei extra cranium emineat, cuius aliquot unciae possunt abscondi. V. HILDANI observat. Centur. I. obs. 15. Videtis hinc facile, quantus metus foret, nisi æquabilis ossea coarctatio tenerima illa vasa tutaretur.

An tota pia mater vasculosa? Quando nunc injectio felicissime successit, omnia vascula in pia matre apparent, demta, ut RUY SCHIUS dicit, propria ejus substantia, quæ per lucida est; magnus enim vir distinguit hanc membranam in piam matrem proprie dictam, & in vasa per illam decurrentia; & tunc pia mater proprie est membrana tam subtilis, quam ulla alia, & tantum vinculum commune & basis, ordinandis vasis destinata. Quum vero hanc rem attente consideramus, videmus infinita vasa esse, quæ felicissima injectio non replet; nullum enim vas in reti Malpighiano unquam demonstrari potuit; idem verum est de Amnio fœtus humani; hinc quod RUY SCHIUS stricte vocat piam matrem, erit tantum struc-

tura illorum vasorum, quæ propter tenuitatem cera repleri non possunt, hinc etiam pars subtilissima hujus membranæ est perspicua. Credibile porro est, plexus reticulares æque esse in vasis minimis quam in majoribus, & proinde pia mater est textura vasorum, in qua vasa magna cum majoribus, minora cum minoribus, & minima cum minimis communicant; quod idem verum est de venis, ut postea videbimus.

Jam vero hæc arteriæ in utraque superficie piæ matris considerandæ sunt. Vidimus, quod pia mater externe undique tegatur tunica arachnoidea, quæ est superficies exhalans & imbibens subtilissimum vaporem, & in superficie sua interiori est textura vasorum minimorum piæ matris, faciens superficiem piæ matris æquabilem, sine ullo apparente jugo, quamdiu integra est; pia mater vero in superficie interna separat se ab arachnoidea, & secedit in anfractus cerebri, sed qua parte Arachnoidea contigua est, superficiem habet politissimam. Superior illa superficies, ablato crano & dura matre, appetat perfecte sphærica, quantum concava cranii figura permittit. V. EUSTACHII Tab. IX. ubi ablato crano ejusque integrum demonstratur olla cranii completissima, & superficies encephali perfecte sphærica; & RUTSCHII Epist. IX. Tab. X. Sed illi anfractus hærent æque in superficie inferiori, quam in superiori: pia mater autem & arachnoidea non sequuntur illos gyros, sed æquabiliter superextenduntur. V. EUSTACHII Tab. XVIII. Fig 2., in qua basis cerebri depicta est, & RUY SCHIUS Epist. XII. Tab. XIII. Porro, si hemisphæria cerebri a se invicem dimovantur, videmus, quod tota superficies etiam adpareat anfractuosa; sed pia mater & arachnoidea sic extensæ sunt, ut gyros non intrent. Ergo pia mater, super totam exteriorem corticis superficiem æqualiter obducta, est textura vasorum, quæ cerebro

bro adlicantur in partibus superioribus, inferioribus, anterioribus, posterioribus, lateralibus, interioribus, semper eadem ratione; ubicunque ergo cortex est, semper ibidem est pia mater, ejusque plexus reticulares; immo pia mater, obducens corticem, manifeste intrat in ipsos ventriculos cerebri anteriores: scilicet, cortex cerebri circumponitur medullæ, an ergo illa, formata sub cortice, excludit piam matrem? videtur EUSTACHIUS de veritate hujus rei dubitasse. Inspicite Tab. XVII. Fig. 3. & 4. ubi ventriculos cerebri aperi-
tos & plexus choroideos depinxit; & comparete cum RUYSCI Epist. XII. Tab. XIII. Litt. O, ubi plexus choroidei portio extra superficiem cerebri propullulat. Anatomici fere omnes describunt hic loci membranam arachnoïdeam, exitum præbentem vasis; res autem propriæ sic se habet: ubi arteriæ corticis cerebri, in superficie superiori distributæ, pervenerunt ad partem posticam, arachnoïdea secedit a pia matre, quatenus illa majoribus vasis constat, & medullam investiens eam obducit, pia mater vero intrat cavitates cerebri. Moniti sitis, A., me hactenus tantum agere de pia matre, quatenus sub tunica arachnoïdea texturam æquabilem facit; consideremus autem nunc superficiem ejus interiorem.

Hæc propriæ non adPLICatur nisi eminentibus jugis corticis cerebri, & inde difficillime potest avelli: ibi ex matris interior. omni puncto superficie suæ internæ demittit ad superficiem externam corticis cerebri innumerabiles fibrillas albas, flatu frangendas & sere pellucidas: pia mater coronans hac ratione gibbam illam superficiem, venit ad interstitia, ubi vasa magna decurrent, & ibi super anfractus expanditur; hæ autem fibrillæ apparent nudo oculo, sed præcipue per microscopium, nec exhibent ullam speciem vasorum absque injectione prægressa. Si vulnusculum infligitur matri in jugo quodam eminenti,

sed non penetrans in corticem; & tunc per tubulum, lenissime admotum, fiat inflatio, elevatur fragmentum piæ matris, & si hoc feliciter fiat, apparebit, quod pia mater transeat æquabiliter supra anfractus, & hoc flatu continuato franguntur omnia illa vasa, quibus pia mater cohærebat cum cortice in superficie gibba; & tunc pia mater nullibi cohæret nisi in anfractibus; & hæc est sola communicatio inter vasa corticis & piæ matris: quando nunc pergitur inflando, aer insinuat se quoque inter anfractuosos corticis fulcos; & quando ulterius pergitur, tota pia mater in superficie superiori & processibus usque ad medullam solvit a cohæsione cum cortice contiguo; videtis ergo, quod omne, quod hic communicat, cohæreat per vasa innumerabilia, tam tenuia, ut solo flatu separentur: hoc experimentum ubi pulchre succedit, potest tota æquabilis superficies piæ matris sursum attolli, & tunc apparent etiam infiniti processus inde pendentes.

Hinc nunc constabit cuique, quod pia mater sit nil nisi vasa; quod ne-xus cum cortice fiat per illas fibrillas emissas; quod ergo totus cortex nullum sanguinem rubrum accipiat; appetit porro, quod omnis fibrilla, emissæ ex superficie piæ matris, perpendiculariter deorsum demittatur. V. RUYSCI Thes. VIII. p. 20. N°. 26. Hæc emissio fit æque inter fulcos, quam extrinsecus, & omnes illæ fibrillæ piæ matris sunt tantum vasa, emissæ ex pia matre in corticem. V. RUYSCI Thes. Anat. VI. N°. 79. Thes. X. N°. 33. Thes. VIII. p. 16. N°. 18. Thes. Maxim. N°. XCII - XCIII. Hæc etiam fibrillæ non repunt supra corticem, sed perpendiculariter se illi insinuant, & quidem brevissima via; nec cortex aliquid accipit, nisi ex his arteriis piæ matris, unde & ipse plane est vasculosus. V. RUYSCI Thes. Anat. X. N°. 25. & tunc vasa mutantur in corticem, nam si plexus reticulares piæ matris maximo cum

cum successu impleti sunt, omne, quod inter illam & corticem est, apparet esse diffabile tomentum. V. RUY SCHII *Responſ.* ad *Epiſt. VII.* & *IX.* & *XII.* *Tab. XIV.* *Fig. I.* Ita nunc apparent omnia, quæ posſunt impleri; quæ vero non posſunt impleri, apparent membranacea, sed ex analogia posſumus concludere, ibi esse eosdem, sed tantum tenuiores ple-
xus.

*Quam
venosa.*

His positis dicimus, quod in pia matre æque sunt venæ quam arteriæ, & quidem omnium serierum: demonstrari hoc potest, si nudo oculo, aperto ſinu in falciformi processu, respicitur versus foramina ibidem inventa, quæ valvulam quaſi ſemilunarem ſibi adpoſitam habent, & tubo immiſſo ſub illa valvula ære inflatur, tota pia mater ſuccellive aere turget; ſi vero inflas in totum ſinum, tunc preffio ab interioribus claudens illas valvulas facit, ut aer ſe non poſſit inſinuare in venas, & hinc nonnulli putant, eas non adesse. Si etiam ſanguis in pia matre premitur ab inferioribus ſurſum, ſanguis fertur ad ſinum; & ſi vena quædam major pertunditur caute, & inflatur aer, ille mox ve-
nit in ſinum. Clarius hoc patet ex RUY SCHIO; repletis enim ab eo piæ matris arteriis, venæ æque implebantur, & ceracea materies non vi-debatur gracileſcere, ſed in venis la-tescere. V. *Theſ. Anat. VIII.* p. 2. N°. 2. Imo quando per arteriam quamcunque ex quatuor, quæ vadunt ad cerebrum & cerebellum, injicitur materies ceracea, haec non tantum implet arterias & venas piæ matris, ſed & extravafata intra cavitatem ſinus longitudinalis inæqualis & interrupta cernitur, quia materies ex vase an-gusto venit in latitudinem non reſi-ſtentem; ergo non ſiſis, ſed certis argumentis conſtat, quod hic eſt transitus crassioris partis ex arteriis in venas, ſed quia arteriæ hic non habent tunicas muſculares, hinc hu-mores ſine preſſione quaſi transfun-

duntur: facile etiam conceipimus, quod ex arteriis ferofis via erit in ve-nas ferofas, verbo, ex arteriis cujuſ-cumque generis in venas ſimiles. Omnes hæ venæ exonerant ſe in ſinus, vel terminantur in venulas inbiben-tes in ſuperficie, vel in plexus cho-rodeos.

Hæc eſt idea piæ matris, quate-nus cerebro undique circumponitur, illo etiam in loco, ubi utraque celebri hæmisphæria ſibi invicem accumbunt; conſideremus eam nunc ratione proceſſuum, quibus respondet anfractibus corticis cerebri: anfractus illi non tan-tum ſunt in cortice, ſed etiam in me-dulla, quatenus intra corticem oritur; hi vero deſcribi non poſſunt, niſi pia matre ubique ablata. Unicus RUY SCHIUS ideam quandam hujus rei de-dit; inſpicite *Epiſt. XII. Tab. XV.* *Fig. 2.*, in qua exhibetur medulla, ablato cortice, & videbitis ibi tam mirabiles gyros, ut deſcribi non poſſint; hi anfractus adparent obscure, præſente pia matre, in ſuperficie exti-ma, quam gibbam vo-co, & inter illos hærent fulci profundi: anfractus illi ſunt in ſuperficie ſuperiori, infe-riori, anteriori, posteriori, laterali, & interiori, ubi proceſſus falciformis ſe interponit inter utraque hæmisphæria; ſunt etiam ubique æquales, æque profundi. V. EUSTACHII *Tab. XVII.* ma-gni æque ſi vulnusculum inſlictum per membranam arachnoideam & piam pe-netrat in interſtitium inter duo juga eminentia, & aer ita inflatur, ut ſurſum redire impediatur, tunc diſtribuitur per omnes fulcos, & non modo elevat piam matrem ſurſum a ſubjecto cor-tice, ſed tranſit etiam per omnia utriuſque hæmisphærii interſtitia, removet omnes anfractus a ſe invicem, & ſe-parat fulcorum latera: patebit ex hoc experimento, quod anfractus illi ſunt multiplicationes ſuperficierum inter cor-ticem cerebri, & vicinam piam matrem; ergo erunt tot proceſſus piæ matris, quoſ ſunt anfractus, & tot quoque fulci in quos omnes pia mater ſe in-sinuat,

Pia ma-
ter in an-
fractibus
corticis,

finuant. V. R U Y S C H I I Respons. ad Epist. VII. Tab. VIII. Fig. 3. & 4.

Sed elegantem hanc fabricam nunc contemplabimur distinctius. Si juxta orbem, ubi serra cranium divisit, cultro acutissimo sectio fiat, tantummodo undique membranam piam laedens, & tunc fiat inflatio, pia mater potest undique auferri, sed omnes ejus appendices manent in interstitiis, hinc pia mater tunc apparebit capsula hemisphaerica, encephalon tegens. Verum quando nunc acceditur ad sulcos, pia mater deseritur ab arachnoidea, ejusque appendices insinuant se ad tantam profunditatem, quanta est profunditas sulcorum; harum descensus est tam profundus, ut attingat superficiem externam ipsius medullae; & quoniam perpendiculariter descendunt ab omni latere capsulae, hinc sunt quasi radii concurrentes ad centrum totius sphæræ; in cerebro porro non porrigitur recta, sed eunt more serpentino, & sulcis se accommodant; sunt etiam quasi ramosæ, id est, in parte inferiori versus medullam oblongatam faciunt processus quosdam laterales; ergo pia mater exterius apparet quasi sphæra, sed ex concava ejus superficie oriuntur haec appendices. Haec omnia demonstrantur ex R U Y S C H I O; vidit magnus ille vir, quod omnis fere sanguis statim a morte recedat ex cerebro, nisi homo per strangulationem aut vehementem & inflammatorium quendam capitum morbum fuerit mortuus: vivente homine, nullum est vacuum in cranio, sed quando omnia fere liquida recessunt, vasa apparent tam collapsa, ut aliquod vacuum facere videantur: hinc cogitavit, an non posset demonstrare caput ita impletum, quemadmodum naturaliter se habet. Injecta itaque per carotidem cera, abstulit cranium, & vidit piam matrem cum omnibus suis appendicibus impletam; infixit tunc vulnusculum per arachnoideam usque ad interstitium anfractuum, & successive inflavit; vidit tunc, quod

separaretur omnis pia mater superior, sed quod non separaretur ab appendicibus diaphragmaticis; haec autem omnes separabantur a cortice, & tunc elevata pia matre, omnes appendices simul quoque elevabantur, & apparebat pia mater ab omni parte illis praedita. V. R U Y S C H I I Epist. VII. Tab. VIII. Fig. 3. & 4. sed impossibile erat intimam partem simul auferre, verum illa, exempta & inverso prius cerebro, etiam educta, exhibuit similem apparatus, quam prior pars, & tunc demum formari poterat vera piæ matris idea.

Exinde patet, quomodo formentur processus piæ matris: scilicet, haec membrana ambiens gibbum duorum anfractuum vicinorum concurrit & procedit sub arachnoidea, quæ libere transit super illos anfractus; pia mater vero unius lateris concurrit cum pia matre alterius lateris, hinc ergo processus diaphragmaticus est duplex pia mater, & proinde duplo crassior; haec pars piæ matris descendens manet unita & utrimque applicata suo cortici, hinc cortex intermedius unius lateris non habet plus piæ matris, quam cortex alterius lateris. Quando pia mater inter hos sulcos in utraque superficie contigua pervenit ad profunditatem summam, occurrit cortici, vel medullæ, veluti circa corpus callosum. Quum occurrit cortici, ibi sit tanto tenuior, quanto cortex est tenuior; sed quando venit ad loca medullosa, ibi est tenuis membrana vasculosa, & ultima ejus pars est tam tenuis, ut vasa sanguinolenta vix adsint; hinc ubi pervenit ad corpus callosum, ibi sit membrana, quæ simplici vasorum contextu tegit illam superficiem. Denique, pia mater in tota illa superficie integerima, quæ tegit laterales superficies anfractuum, habet exquisite eundem apparatus, qui ubique est in toto cortice; & quando concurrit cum vicina pia matre, habet plexus reticularis eodem modo ut in jugis, sed omnia sunt geminata. Omnis autem ille

appa-

apparatus plexum ad ultima tomenta usque idem est , quam in parte superiori jugorum .

Pia mater medullæ. Hactenus consideravimus piam matrem , quatenus cortici inservit ; videamus nunc eam , quatenus corticem deferens medullæ se applicat . Medulla , ubi oritur , habet corticem in superiori parte ; sed ubi collecta est , non habet superiorem superficiem cortice tectam , uti in medulla oblongata patet : sed eadem hæc medulla habet superficiem internam in tribus ventriculis cerebri , & pia mater etiam inseritur intra eorum cava : hinc dico , pia mater , arachnoidea sua testa , laxiusque cohærens , ibi semper tegit superficiem medullæ extimam , quæ extra corticem se explicat , & diversam a cortice superficiem format : sed hæc pia mater oritur ibidem tantummodo ab arteriis ; nam arteriæ vertebrales , postquam exiverunt ex lateralibus vertebrarum cavitatibus , & ingressæ sunt per foramen magnum ossis occipitis , hærent ad partem anteriorem medullæ oblongatae , & huic se lateraliter applicant ; & hoc facto descendunt , & utrinque dant ramos laterales ingentes , sed tunicas tenuissimas habentes ; hi medullam oblongatam ubique ita amplectuntur , ut tota quasi hæreat intra has arterias ; nullos autem hic videmus plexus reticulares , nec ulla ingrediuntur vasa sanguinea , sed exterius tantum apponuntur ; arteriæ vero vertebrales , hoc facto , concurrunt in unum trunco , sub protuberantia annulari decurrentem . Nusquam autem plus medullæ , simul collectæ , adest , quam hic ; sed ibi succumbit hæc arteria , quæ ad latera dat ramos maximos , decurrentes circa totum tuber annulare , & hanc partem sic tegentes : videtis ergo iterum , quo plus medullæ colligitur , & cortex abest , eo majora vasa arteriosa sanguifera adsunt . Inspicie EUSTACHI Tab . XVII . Fig . 4 . , & RUY SCHI Epist . XII . Tab . XIII . Litt . O , & Tab .

XV . Fig . 1 . & 3 . videtis ibi , ramos illos adscendentes transfire usque in ipsos plexus choroïdeos , & sic vasa sanguinea dare medullæ internæ si-
ve ventriculis : apparet hinc , piam matrem , quæ investit corticem cerebri , arterias præcipue accipere a Carotidibus ; illam vero , quæ medullam obducit , a vertebralibus , quarum tamen rami quodammodo inter se communicant .

Omnis hi rami decurrunt magis supra superficiem medullæ , quam quod eam intrant , hinc per injectionem pauca tantum & dispersa vasa , per medullam intercurrentia , deprehenduntur ; hæ autem arteriæ calore & motu sanguinis arteriosi continuo tempore naturali fovent medullam : id est , pia mater , quatenus investit illam medullæ superficiem , sanguinem æque calidum , quam a corde acceperat , circumapplicat medullæ ; adjuvant etiam motum æquabilem , nam perpetuo motu adfertur sanguis , qui proprio quidem transit per vasa arteriosa , sed non per arterias , quia hæc vasa tunicas musculares non habent , hinc ubique æqualis est resistentia , & liquores hæc vasa , semper plena , nunquam dilatant plus vel minus ; quod necesse erat , quia aliter hæc tenera vasa facile rumperentur : quia jam calor ipsi medullæ adponitur , hinc laxantur particulæ medulloïdæ , fibræ earum redduntur molles , & fluiditas conservatur in liquore , qui per se non poterat incallescere , nam omnem motum jam fere amisit in cortice : quoniam omnis calor in corpore oritur a sanguine rubro , & partes eo minus calent , quo minorem sanguinis copiam accipiunt , hinc medulla ex sua natura debet esse frigidissima ; sed omne corpus frigidum est simul rigidum , calidum est flexible , hinc ergo necessario pars illa , quæ maxime destituitur sanguine rubro , & hinc orto calore , debet considerari rigidissima & strictissima ; & talis foret medulla , nisi apponetur tanto plus sanguinis , quanto mi-

to minus causæ calefacientis habet in se, nam in toto cerebro non invenitur tam magna arteria, quam est minima ad medullam distributa; adeoque pia mater, respectu medullæ, est tepidarium, quod facit, ut partes illæ incalescant; omnis enim sanguis arteriosus, quo magis diffunditur, eo magis frigescit, sed hic directe circumponitur medullæ, hinc facit, ut liquida possint permeare vasa illa minima, in quibus cæterum præ frigore magnus foret stagnationis metus.

*Pia matris, respectu plexum choroideo-
rum; incepi jam dicere, quod illi plexum cho-
roideo-
rum.*

Transeo nunc ad considerationem piæ matris, respectu plexum choroideo-
rum; incepi jam dicere, quod illi plexus sunt ipsius piæ matris appendices, sed sunt quasi projectiles, ita ut vasa hic non adhærent ulli punto fixo; nam plexus illi non adcrescunt ulli punto ventriculorum cerebri, sed hærent ibi liberi, nempe per continuacionem piæ matris, per quam hi plexus hic projiciuntur, & locantur. Tales jam plexus sunt tres, distincti inter se, connexi in origine; hanc originem habent ad tertium ventriculum, & duos fines duorum ventriculorum lateralium, ubi glandula pinealis, nates, & testes sunt; & dividuntur ibi in tres partes, dextram, sinistram, & medium, quæ pertingit usque ad succumbens cerebellum. Notavit hoc EUSTACHIUS Tab. XVII. Fig. 3. & 4. in illis figuris, in primis tertia, depingitur dissectus fornix sive diaphragma medullosum, quod ab utroque hæmisphærio fit, quæ fornix descissa elevari potest, & sic patent tres ventriculi simul; in medio vero loco conspicitur arteria magna, quæ ibi trifida fit, dum unus ramus it ad ventriculum sinistrum, alter ad destrum, tertius ad medium; ille, qui vadit ad sinistrum, facit ibi totum plexum choroideum: ide metiam fit de cæteris.

RUY SCHIUS autem eo tempore, quando EUSTACHIUM nondum viderat vel legerat, jam dixit, se deprehendere semper, quod plexus choroideus sinister promineat extorsum inter cere-

brum, & cerebellum tota sua fabrica reticulari, & dum exit per angustias, non tegatur membrana, sed quod membrana Arachnoidea ibi secedat a cerebro, & cerebello, eumque plexum super scandat; hinc ille plexus non venit nude ad Encephalon, sed superadscendente arachnoidea tegitur, & ventriculi illum emittunt; plexus ille ergo est tantum unus, qui ortum dicit ex arteriis piæ matris eo loci, ubi cerebrum momento post concreset cum medulla oblongata, & ibi pia mater projicit ex uno trunco tres illas arterias, quod RUY SCHIUS non quidem notavit verbis, sed tamen æque depinxit, quam EUSTACHIUS: quoniam ergo arteriæ piæ matris ad locum, ubi omnis medulla coit, faciunt tres ramos, hac ratione distributos, & patentes in ventriculos, hinc patet, quod plexus choroideus oriatur a parte postica ventriculorum. Quando RUY SCHIUS felici successu repleverat arterias encephali, materia cerea diffundebatur per omnes illos plexus, & demonstrabat, quod hi plexus non sint membranæ, sed fabrica penitus diversa ab omni alia in toto corpore, & quod hærent liberrime in ventriculis, nec ullum nexum habeant cum parte quadam medullæ, sed tantum cum arteriis piæ matris, unde oriuntur; quod ergo sint veræ appendices piæ matris. Conferte cum memorata tabula EUSTACHIANA RUY SCHIUS Thes. III. pag. 43. N°. XLV. Not. 3. & pag. 45. N°. LI. & Thes. V. pag. 1. N°. I. Not. 2.

Plexus ergo hic triplex est textura arteriarum, sed quæ amiserunt natum arteriæ, & tantam habent tunicarum tenuitatem, ut RUY SCHIUS non amplius audeat vocare arterias, sed dicit mutatas esse in genus quedam palpous; faciunt etiam illæ insolitos gyros, in quos intortæ ubiqui faciunt nodulos. V. RUY SCHIUS Thes. V. N°. 68. pag. 33. & Epist. XII. Tab. XV. Fig. 3. Fecerunt hi nodu-

Fabrica
horum
plexuum.

noduli, ut multi putaverint, quod plexus choroideus nil esset nisi glandula; sed R^UYSCHIUS invenit, quod hi noduli sint ampullulæ homogeneæ cavæ, sanguinem simplicem continentes. V. Thes. VII. pag. 37. Tab. I. Fig. 2. Plexus igitur illi, positi in tribus ventriculis, & extra duos laterales propenduli, sola ibidem arachnoidea tecti, debent hic eundem usum habere, quem præstant toti medullæ. V. R^UYSCHII Thes. III. pag. 44. Not. 4. quæ nunc ejus pars propendet intra ventriculum tertium, pervenit usque ad quartum. V. EUSTACH. Tab. XVII. Fig. 4. Ex his ergo patet evidentissime, plexus hos, ab arteriis piæ matris ortos, projectos, & distributos applicari tantum mero contactu, sine ulla concretione, ad omnem medullæ cerebri superficiem, quæ facit superficies fornictas ventriculorum quatuor; adfert ergo ad hæc loca sanguinem arteriosum, in quibus nullæ aliæ arteriæ cernuntur, nam in ventriculis nihil videmus nisi humorem lubricum evaporantem; ergo sanguis ruber, qui huc venit, externa tantum adlicatione contingit omnem medullæ superficiem in omnibus ventriculis.

Ufus horum plexuum. Inserviunt autem hi plexus, ut calore suo, hic loci valde necessario, medullam soveant: nam cava & fornictata superficies medullæ, ventriculos constituentis, remotissima est a sanguine arteriolo: hinc nullus est locus, ubi plures morbi nervorum oriuntur, quam si calor hic deficit, nam tunc ventriculi reperiuntur aqua pleni; vel e contrario, si fiat inflammatio lethalis, omnia hic exciscata sunt. Plexus illi quoque halitu suo laxam tenent hanc superficiem, quæ est aggregatum filamentorum medullarium. Hoc jam ibidem fit ab arteriis, sed tam parvis, ut humorum aquosum tantum vehant. R^UYSCHIUS negavit semper, vasa lymphatica esse in cerebro, talia nem-

Tom. I.

pe, quæ characterem lymphaticorum habent, id est, prædicta sunt valvulis; hinc non negabat, adesse hic vasa lympham ferentia, sed proprie dicta vasa lymphatica; ergo arteriæ hic sunt quasi perspirantes, & in statu sano nulos alias liquores vehentes, quam qui cochleari impositi exhalant sine ulla fæce relicta. Ergo illi plexus sunt quasi spongiæ, per quas liquida fere transudant. Hi plexus porro liquidum exhalans iterum reducunt in venas, eodem modo uti fit in camera prima oculi; ergo non manet hic illud liquidum, nec plus adfertur, quam potest resorberi, alioquin statim adessent Hydrops ventricularum cerebri, aliquie morbi inde oriundi; si e contrario minus exhalat, aliæ actiones etiam non fient æquabiles. Hoc patet, quia hi plexus in corporibus lentis & frigidis sæpe comperti fuerunt hydatibus repleti. V. R^UYSCHII Epist. XII. Tab. XV. Fig. 1. Ostendit illud in cadavere Viri, nobili prosapia oriundi, qui licet omni bonorum varietate abunde frueretur, falsa paupertatis imaginatione delusus, indesinenter nihilominus se Iro nudiorem conquerebat. Ergo plexus choroidei sunt vera tepidaria interioris medullæ tam cerebri quam cerebelli, & venæ in iis sunt respectu arteriarum veræ spongiæ rebibentes, unde hic fit omni momento calefactio, exhalatio, resorptio.

DE PIA MATER CEREBELLI.

Postquam hactenus vidimus mirabilem apparatus vasorum arteriosorum, corticis & medullæ cerebri superficie adpositum, sequitur, ut inquiramus, quomodo pia mater se habeat respectu cerebelli.

Cerebellum, uti novistis, dicitur illa pars Encephali, quæ posteriorem & infimam cavitatis cranii partem

Descri-
ptio cere-
belli.

D occu-

occupat, constans ex duobus lobis, qui in parte superiori conjunguntur inter se in figuram minoris globi, quam in lateral & inferiori, & hac ratione ex illis fit unicum apparen^s corpus, in superiori parte utcumque acuminatum: hi duo globi recipiuntur intra duos sinus osseos, ossi occipitis profunde insculptos, & in iis deponuntur ea ratione, quasi ad partem posticam infra basin cerebri essent depresso: hinc cerebellum ab omni parte in toto nostro corpore est liberum; contiguum autem est superficie sua soli pia matri, connexum tantummodo cum medulla oblongata, cum duabus arteriis vertebralibus, & cum venis, ad sinus venosos tendentibus; nullus autem nervus directe ex eo emittitur; nihil recipit nisi ab arteriis vertebralibus & cervicali; venas remittit in piam matrem, quae commercium habent cum venis cerebri, & cum iis se in sinus evacuant.

Medulla oblongata, descendens per foramen occipitale, vocatur Medulla spinalis. V. RUYSCHEII Epist. XII. Tab. 13., & EUSTACHII Tab. XVII. Fig. 2., ubi depingitur cerebellum dissecatum usque in ventriculum quartum, ut appareat, quomodo ejus medulla cum medulla oblongata communicet; ergo nobilis hoc viscus est tam liberum, ac si in aere vel balneo vaporis suspendetur, cum nullis nisi memoratis partibus communicans: superficiem habet in parte utraque globosa divertissimam a superficie cerebri, nam est longe æquabilior. V. RUYSCHEII Epist. VII. Sed in parte infima occurrit etiam longe alia superficies, quam in cerebro, nam ubi globi discernuntur, occurrit processus vermicularis, & ad latera duo tubera apparent. V. EUSTACHII Tab. XVII. Fig. 7.

Tota hæc mirabilis superficies habet piam matrem & Arachnoideam fibi superextensam, & processus his æque involvuntur quam bini globi,

& si secantur, æque habent corticem & medullam quam globi, & omnes hæc partes inter se communicaunt. Hujus rei vix bona potest haberi idea, nisi cranium amoveatur a parte inferiori, & hæc pars ita examinetur, quod EUSTACHIUS fecisse videtur.

Arteriæ, quæ huc pertinent, sunt solæ vertebrales, quantum videre potui, nam rami carotidum distribuuntur in primis ad quatuor lobos cerebri, licet tamen inter se communicent, ut jam ante notavimus.

Hæc arteriæ, utrinque ortæ, subtubere annulari connexæ, abeunt in truncum cervicalem, ex quo omnes rami ad cerebellum distribuuntur; omnes etiam, simulac deleruerunt medullam, & applicuerunt se cerebello, illico mutant fabricam, & distribuuntur eodem cum apparatu, ut in cortice. V. RUYSCHEII Epist. XII. Tab. XIII. & Tab. XV. Fig.

4. sed superficies cerebri non est anfractuosa, ut cerebri, nam sulci in cerebello decursu regulari procedunt, qui in cerebro continuo gyros faciunt; sulci in cerebello sunt circulares, ita tamen ut globo ejus dissecto appareant tanto majores, quanto magis ponantur in medio; hinc in superiori parte sunt minimi, in media parte maximi. V. RUYSCHEII Epist. XII. Tab. 13. ad litt. a a: circuli hi superiori parte sunt tam propinqui, ut crassitie floreni a se invicem non distent; itaque cerebellum dissecatum exhibit partes corticales longe tenuiores quam cerebrum, in quo ubique satis crassæ apparent: quando jam cerebellum pertunditur prope gyros illos circulares, & inflatur aer, tunc pia mater secedit a superficie cerebelli, & aer insinuans se inter plana circulia, demonstrat piam matrem, inter hæc plana insertam. Quum RUYSCHEIUS demonstrabat hoc modo preparatum cerebellum, nemo sciebat, quid videret, nam tota pia mater erat ablata, & circelli erant

erant profundi usque ad centrum cerebelli, ita ut ejus globus sectus sit in tot plana, quot sunt sulci, hinc eductis illis diaphragmatibus figura ejus appareat, quasi in tot plana distingueretur: unaquaque harum insertionum pia matris non habet sinuosam superficiem, sed tantum falcata, hinc educta pia mater semilunam quasi repræsentat. V. R U Y S C H I I Epist. VII. Tab. VIII. Hæc pia mater habet arterias maximas ad ambitum gyrorum, & diaphragmatis medii tota structura est arteriosa & venosa; ex utraque superficie lamellarum perpendiculares fibræ oriuntur, ut in cerebro, sed distantia inter piam matrem & medullam in cerebello forte non est vigesima pars distantiae, quæ est inter piam matrem & medullam in cerebro, hinc illæ fibræ etiam sunt longe breviores: si spectetur superficies cerebelli, ablata pia matre, apparet granulosa, sed unumquodque granulum est tam parvum, quam semen papaveris minimum; pia mater autem hæc ubique investit, & dat va- fa sanguinea, quæ mirabiliter cum omni illa superficie cohærent. V. R U Y S C H I I Epist. XII. Tab. XXV. Fig. 5.

Pia ma-
ter pro-
cessum
vermisfor-
mium.

Si cerebellum aperitur, videmus, quod ex granulis concretis ubique de-mittatur medulla, quæ tandem, ubi omnes lamellæ concrescent, col- ligitur in medullam oblongatam & spinalem: hinc medulla oblongata est crassissima, ubi directe accrescit cerebello, quod fit in tubere annulari; sed in loco infimo relinquitur spatium, quod occupant processus vermiciformes, qui necuntur cerebello, & medullam etiam emittunt, & sic replentur spatia, quæ cæterum inania relinquerentur; ergo hi processus inserviunt tantum ad augen-dam superficiem pia matris pro ge-neratione corticis & medullæ. V. EUSTACHII Tab. XVII. Fig. 7. & RUY SCHII Epist. XII. Tab. XV. Fig. 2.

Hæc est idea pia matris, quatenus cerebellum & medullam oblongam investit; sequitur nunc, ut agamus

DE PIA MATER MEDULLÆ SPINALIS.

Medulla vocatur spinalis, simul ac foramen occipitale egressa ingrediatur thecam vertebrarum, & hoc fit, simulac cerebellum dedit insi-mas appendices medullosoe medullæ oblongatæ; hinc tuber annulare ap-paret multo crassius, quam medulla spinalis in sua origine, & falsum est, quod hæc medulla sit productio tuberis annularis; illud enim prius emittit novem nervorum paria, & reliqua pars tuberis tenuior maxime oritur a cerebello: hoc facto medul-la bifida fit, quod in tubere annula-ri vix apparet, ejusque cortex in-ternus forte tertia pars est totius me-dullæ, quo ablato, apparebunt tan-tummodo duæ tenues columnæ.

Medulla hæc spinalis liberrime hæ-ret intra thecam vertebrarum, nam dura mater cingit osseam superficiem, & humor medius continuo exha-lans illam in balneo tepido vaporis tenet: hæc, quando egreditur, to-ta est medulla; paulo post interius corticem accipit, & in os sacro abit in nervos, tunc jam duros, o-mnibusque suis integumentis prædi-tos; ergo pia mater hic triplici di-verso modo se habet, nam in ortu in-vestit medullam solam, paulo inferius corticem internum facit, & in fine nec medulla nec cortex est: scilicet pia mater & Arachnoidea amplectun-tur extrinsecus medullam, sed pia ma-ter ex cavo quarti ventriculi pro-cedens inter crura medullaria inserit se in partes bifidas medullæ spinalis, & format in medio corticem, qui cor-tex descendit usque ad os sacrum, & ibi tota medulla explicatur in ner-vos. Pia mater exterior habet ar-terias magnas, calefacentes medul-lam, ut in medulla cerebri, sed

Descri-
ptio me-
dullæ spi-
nalis.

media pars facit corticem , & ab hoc iterum nova medulla generatur ; pia mater exterior vaginam etiam singulis nervis præbet .

Missis nunc , quæ porro de cortice & medulla dici possent , transseamus ad Pathologiam hujus partis , dicturi

DE MORBIS NERVORUM A VITIIS IN PIA MATRE HÆRENTIBUS.

Distin-
tio ho-
rum
morbo-
rum.

Ut intelligantur hi morbi , considerandum est , quod pia mater sit propriæ apparatus arteriarum , & quod nervi , qui huc veniunt arteriarum nutritioni tantum inserviunt . Morbi autem , qui hic nasci possunt , vel hærent in ipsa fabrica peccante harum arteriarum ; vel in humoribus , in arteriis contentis , degenerantibus . Diximus jam aliquoties , quod hæ arteriæ orbatae sint membranis suis muscularibus , hinc nulla talis arteria posset coercere sanguinem , nisi circumambirentur fulcro stabili , pleno , & æquabiliter premente duriori , quæ dos nuspian in toto corpore invenitur , nisi in arteriis ossium : ergo videretur ex tenuitate harum arteriarum , quod eo facilius possent contingere morbi in earum fabrica ; & quoniam sanguis , qui a corde fertur versus has partes , diversus est a sanguine in aliis partibus , possunt in eo etiam singularia vitia hæretere .

Morbi , qui oriuntur in fabrica , erunt vel congeniti , vel postea acquisiti . Vidi morbos nonnullos , nervis adscriptos originem habuisse a causa tam subtili , ut optimi Medici per annos cum illis luctati sint absque ullo felici successu ; & tunc hi morbi semper videntur ortum habuisse a vitio congenito in partibus piæ matris solidis . Sæpe autem hi morbi acquirentur ex aliis morbis , vel vitæ regimine .

Morbi , in humoribus contingens

tes , possunt fieri , quatenus illi vel copia vel qualitate peccant ; copia potest esse nimis magna vel nimis parva ; qualitate possunt nocere , sive crassi sive fæta peccant .

Quando arteriæ capitis , & pia mater ex his nata , a forma naturali recedunt , deprehendimus in iis quatuor vitia , 1. nimiam amplitudinem , 2. angustiam , 3. rigiditatem , 4. flexilitatem .

Novistis , naturam in formandis corporis humani partibus fere semper eandem observare legem , quæ quando plane non adest , monstrum dicitur ; sed de eo hic non ago .

Quando ergo arteriæ , quæ feruntur ad Encephalon vel Enrachitidem , tudo arteriale ampliores sunt , quam naturalis corporis symmetria requirebat , vitium tristis . hoc erit vel commune toti corpori , vel proprium tantum his vasis capitis , subitamque apoplexiā producere poterit .

Magnus L A U R E N T I U S notabile Communi-
hujus rei habet exemplum : narrat nem-
pe , nobilem Legatum incidisse in do-
lorem capitis subitaneum & intolera-
bilem , unde paulo post uno momen-
to apoplecticus factus brevi diem su-
um obibat : Medici aperiunt cadaver ;
inveniunt cor tam capax , ut contine-
ret libras tres sanguinis ; Aortam la-
titudinem habere fere instar brachii ,
arterias ad caput euntes æquali pro-
portione latas , & totum caput imple-
tum sanguine : videmus hinc fieri pos-
se , ut capacitas totius systematis ar-
teriosi fiat tam enormis , extrinfecus
vix apparentibus vitiis , & tale vitium
vasorum majorum potest vocari ame-
tria arteriosa universalis .

Sed idem vitium potest quoque fieri in aliqua parte , ut in hepate , liene , parti pro-
rene , simulac oritur distributio arteria-
rum non proportionata , & tunc inde mi-
rabilia symptomata fiunt . Quod si arte-
riæ capitis hac ratione se habeant ,
nonne hinc orietur Hydrocephalus ? in
hoc morbo multæ aliquando libræ a-
quæ in capite infantum continen-
tur . Certe tanta distensio potest ori-
ginem

Vel huic
parti pro-
pria .

ginem ducere ab arteriis capitis amplioribus, quam naturaliter oportebat. Hoc morbo nato fit Anaesthesia, nam simulac soliditas capitis externi non amplius permittat extensio nem, comprimetur primo sensorium commune, & paulo post fiet stupor, apoplexia & mors. Si hoc vitium fiat in partibus inferioribus, si ve in theca vertebrarum, fiet spina bifida, quæ non fit nisi a distensione harum arteriarum; hæc enim facit, ut corpora vertebrarum maneant quidem eadem, sed ut spinæ a se invicem secedant, & ut ab ampulla hic formata recta sit via ad cavitatem, in qua continetur medulla spinalis: oritur primo sacculus quidam, qui sensim plus excrescit, cuius pelliculam si pertundas, statim moritur infans, ea vero clausa relicta, vivit adhuc utcunque; in hoc casu medulla in uno tantum loco est morbosa, sed supra & infra illum locum bona. Omnes nunc, quibus hac ratione increvit caput, fiunt primo obliviousi, dein soporosi, tandem quoque perit partium motus. Nonne stupidi a natura arterias capitis latiores habent? saltem caput his omnibus majus est. Si contingat, infantem recens natum habere quædam signa nimis incrementis capitis, forte adhuc poterit juvari, modo statim de ligatura capiti prudenter applicanda cogites. Si enim cranium hominis sani læsum est, dura & pia mater conantur extrorsum excrescere, sed pe riti Chirurgi hoc impediunt per lenem compressionem; si vero tunc dura mater corruptitur, cerebrum brevi forma fungi ita erumpit, ut aliquot unciae possint abscondi. Simulac ergo videmus, arterias plus distendi, quam debent, conabimur iis prospicere per capitella ex corio molli leniter firmata. Si vero expectaveris tamdiu, ut jam dilatatae sint arteriæ, tunc præternaturalis dispositio vasorum, & distributio humorum jam adest, & si tunc nimis premas, facis Apoplexiā: sed tunc, ut in

priori casu, saepius leniter purgandi sunt infantes, antequam imponantur capitella.

DE NIMIA ANGUSTIA ARTERIARUM PIÆ MATRIS.

Potest etiam fieri in quadam arteria angustia major, quam requiritur ad symmetriam; hæc ne fieret nimia, prospexit Deus, nam causas contrahentes abstulit his arteriis, quæ ideo extensiles sunt, omnibus fere contraria: hoc vitium ergo proprie non inventur in pia matre, sed potest fieri in arteriis adferentibus, sive adhuc in jugulo, sive intra cranium; dantur enim exempla, arterias carotides vel vertebrales in ipso ingressu in caput occalluisse, & cartilagineas, osseas, imo lapideas factas fuisse, & adeo angustas, ut nullum fere cavigum fuerit relictum, & tunc aliis canales in latere opposito tanto maiores fiebant.

In Miscellaneis Naturæ Curiosorum Anni 1670. habetur ad Numerum CXXVII. sequens GRAFFI Observatio. Mulier per viginti quinque annos dolore capitis intolerabili excruciatibus, præsertim in latere dextro; tandem imploratis frustra mulitorum Medicorum auxiliis moritur; aperto capite, arteriæ carotides offenduntur ita induratae, ut externa facie calculosæ, sive in lapideam substantiam mutatae judicarentur, sed illis apertis observabatur materia calloso-lapidea lateribus earum accrescisse, idque non aliis in locis, quam ubi ad latera sellæ equinæ adscendunt. Per harum arteriarum medium sanguini adhuc quodammodo concedebatur via.

Notabilis etiam casus est, quem narrat WILLISIUS in Libro de Anatome Cerebri, Cap. VII. In defuncto quodam, dum cranio aper to, quæ ad Encephalon pertinebant, lustrabat, Carotidem dextram, intra cranium emergentem, plane osseam,

Exem.
pla hujus
morbi.

seu potius lapideam, cavitate ejus ferre in totum occlusa, invenit, adeo ut sanguinis influxu hac via denegato, mirum videatur, quare æger non prius interiisset apoplecticus, quod equidem in tantum absuit, ut mentis suæ & functionis animalis libero usu usque ad extremum vitæ momentum potiretur. Enimvero natura contra illud apoplexiæ periculum remedium satis idoneum substituerat: nimirum ex eodem latere, quo Carotis defecerat, arteria vertebralis pari suo alterius lateris triplo major evaserat. Sanguis enim Carotide exclusus, solito vertebralis vectigali se insuper addens, & duplicato fluvio in eundem alveum confluens, arteriæ istius canalem ita supra modum dilataverat. Defunctus circa initium sui morbi atroci capitatis dolore juxta latus sinistrum torquebatur, cuius causa forte fuit, quod sanguis carotide dextra exclusus, cum primo impetuosis in sinistram irrueret, membranam distenderat; ideoque idem affectus postea sponte evanuit, nimirum sanguine superfluo per arteriam vertebralem derivato.

DE NIMIA RIGIDITATE ARTERIARUM PIÆ MATRIS.

Vasa nostri corporis aliquando rigescunt a causis tam subtilibus, ut detegi non possint, nisi postquam effectus suos jam præstiterint; potest autem accidere, ut resistentia, quæ requiritur proportionalis distributioni, sit major, hinc impletio minor, & proinde quidam defectus; ergo ab hac causa, potest oriri species quædam Maralmi sive Atrophiæ cerebri, quod ergo sensim fiet tenuius, & minus repletum quam totum corpus. An hic morbus aliquando accidat, non tam facile determinatur, nam, si liquida paulo plus expelluntur uno loco, eo magis iterum impellantur in aliud locum; si ergo angustia fit in arteriis, fiet dilatatio in venis, aliis-

ve locis, & tunc Encephalo manente æque magno, systēma arteriosum fiet tunc minus. An hoc non accidit, quando liquores quidam colliguntur in nonnullis locis? certe intra cranium fornicatum non potest colligi uncia liquoris aquosi, nisi locus pro eo paretur: dantur observationes, ex quibus hæc res demonstrari posse videtur.

V. TULPII *Observationem* 24. *Liberi I. & in primis WILLISIUM in Anatome cerebri Cap. III. Fig. 4.* quæ effigiem exhibet cerebri humani, quod fuerat cujusdam adolescentis, ab ipsa nativitate fatui, cuius cerebri moles tenuior, & solito minor fuit; in hoc casu non potest fieri libera functionum animalium exercitatio.

Huc referri potest, quando suturæ, quæ in tenellis sunt flexiles & membranaceæ, nimis cito osfescunt: talis enim est harum partium fabrica, ut qua proportione vires cordis augentur, encephalon quoque explicetur; hinc caput debet quaquaverum posse extendi & excrescere; si vero suturæ nimis cito solidescunt, cerebro tunc renuente satis explicari, debet fieri ejus ametria. Notaverunt jam veteres, quod suturæ inservirent vaporibus ex capite emittendis, & dixit Columbus se observasse in hominibus, qui se pessime habebant respectu functionum animalium, quod haberent cranium concretum sine ulla futura residua: scitis, quod suturæ vasis emittendis inserviant, quibus ergo concretis terribiles capitum morbi oriuntur; illi ergo sano sensu ex ametria cerebri explicari possunt.

DE NIMIA FLEXILITATE ARTERIARUM PIÆ MATRIS.

Revocemus hic iterum in memoriā, quod arteriæ Encephali tunica musculosa orbentur; hinc cerebrum expandatur, simulac resistentia Constitu-
tio syste-
matis ar-
teriosi in
piæ ma-
tre.

cranii aufertur; in systemate arterioso totius corporis non debebat esse laxitas, quæ tamen requirebatur in cranio, quia systole & diastole pressionem variat; ergo Creator, hic circumponens galeam osseam, nimia arteriarum dilatationi satis prospexit: hæc galea tertio post conceptum mense satis mollis, sexto vel septimo vix potest frangi nisi ad futuras; nam cranium constat ex fragmentis ossibus, per futuras flexiles inter se adunatis, ut totum systema encephali æquabiliter extendi posset: ponamus jam, quod in his arteriis oriatur nimia debilitas, hinc minor resistentia, non poterunt quidem cedere, sed propulsio humorum fiet tamen minor; hinc plus dilatabuntur, arteriæ vicinæ comprimentur, & sic disponentur ad integrum quietem. Credo, hoc vitium obtinere in teneris virginibus & delicatis mulieribus, quibus tota facies a minima causa ita rubescit, ut earum habitus sœpe uno momento mutetur; accedet autem huc vasorum vicinorum parvorum quædam compressio, & hinc tanto facilius poterit oriri illa quies.

Dolens sœpe vidi, pessimum huic malo applicari remedium; mulierculæ enim, imo nonnulli Medici, adhibent in hoc casu sales volatiles anglicanos, qui spiritus subito movent; hæc pro momento quidem juvare videntur, sed paulo post subsident illi motus & longe pejus se habent; æque malo cum successu Cephalica ex Lavendula, Rosmarino, Ruta hic exhibentur; optimum vero remedium est, ut sensim humores deriventur a cerebro, quod fit per pediluvia, vesperi ante somnum, & post illa frictiones, ut pedum vasa paulo plus dilatentur, & sic cerebrum liberetur a præpondio; juvat etiam summopere sudorem perpetuum pedibus conciliare, quod fit per Galbanum cum pauca Camphora, dupli copia Emplastri de Melilotto admistum, super alutam extensem & nocte dieque pe-

dibus adpositum. His non juvantibus oportet adhibere setacea, cuius remedii felicem successum relatum videmus apud RUY SCHIUM, Observatione XXIV. Virgo quædam octodecim annorum diu laboraverat capitis dolore assiduo & intolerabili. Varia incassum adhibita sunt remedia. Tandem animus erat Medicis cranium terebra perforare. Antequam vero hæc institueretur operatio, Ruy SCHIUS setaceum in nucha proposuit. Remedio hoc celebrato statim evanescere dolores; sed post aliquod tempus ægra hujus remedii pertæsa extraxit setaceum, quo facto illico recrudit malum, ita ut coacta fuerit ad novi setacei usum configere, quo instituto exemplo rursus cessarunt dolores ægram vexantes. Tertia vice setaceo expulso recidivam patiebatur; eadem vero encheiresi repetita, iterum liberata fuit ab hoc malo: In hoc casu tam parva resistentia erat in his partibus, ut omne suprapondium huc derivaretur; sed ubi hæc partes vires elasticas iterum acquirunt, ægri sanantur.

Accedimus nunc ad explicandos morbos in genere nervoso, quatenus oriuntur a sanguine degenerascente in vasis arteriosis piæ matris cerebri ab illa conditione, quæ commodissima est functionibus efficiendis; quod fieri potest respectu quantitatis vel qualitatis; hæc vero copia nimis magna consideratur vel in toto corpore, vel tantum in systemate vasorum Encephali.

DE PLETHORA VASORUM PIÆ MATRIS.

Quando plethora fit in toto corpore, tunc proportio vasorum, sanguinem rubrum vehentium, respectu minorum modum excedit; hinc æquilibrium tollitur, & multa vasa per compressionem clauduntur; hoc ergo etiam fiet in pia matre. Credo, quod

Plethora effectus in corticem.

sæpe videritis, homines sanos a motu paulo citiori, a vini potu, a calore aeris aucto, incidisse in rigiditatis cujusdam speciem, ita ut membra facile movere nequeant; imo vidi homines, qui tunc digitos vix claudere possunt. Intelligitur facile, quid ab hac causa evenire possit capiti, nam cranium sanum semper ita plenum est, ut nullum spatium sub eo subsideat, hinc simul ac aufertur olla cranii, encephalum semper protuberat. Credetis forte, ventriculos cerebri naturaliter cavos esse & patulos, sed tantum vidi stis dissectos, nam si hic fuisset cavitas non resistens, pars cerebri tempore vitae turgens statim illam occupasset. Quum ergo cranium semper plenum sit, & sanguis ruber extra corticem hæreat, (nam cortex cerebri naturaliter non habet vasa rubra) hinc quo plus sanguinis rubri in capite est, eo minus spatii remanet pro humoribus reliquis; cranium autem in statu fano omnia contenta sic coercet, & tantopere resistit, ut pulsus arteriarum duræ matris diastolicus faciat in ipso osse sinus, arteriis accommodatos; hinc nituntur hæ arteriæ cranium magna vi retrahere, sed illud etiam magna vi resistit; si ergo paucus tantum excessus sit in systemate arterioso, statim fiet arctatio, & tanto minus restringitur humorum locari poterit; hinc ergo cortex, interceptus inter obductam sibi & insinuatam piam matrem, comprimetur, eritque hæ compressio proportionalis copiæ sanguinis hic applicati; sed cum cortex, quantum novimus, sit vasorum lateralium textura, hinc dilatatio vasorum piæ matris erit compressio vel angustatio vasorum lateralium, corticem constituentium. Quod si hoc fiat assiduo, sensim magis titubabit totum sistema nervosum, eoque magis, quo corpora mobiliora fuerint.

Porro quum cortex proxime adhæreat piæ matri, hinc, si distensio va-

forum paulisper duret; vasa ex rubris orta, & insinuata in corticem, dilatabuntur, & hic est aliis morbi status, in quo pars intima corticis comprimitur, dum dilatatur extima, & in hoc casu sanguis ruber transit in vasa aliena, id est, territorium piæ matris producitur. Clare vobis constitit, quod nunquam sit circulatio sanguinis rubri per corticem, sed tantum circumaffusio; si ergo dilatatio vasorum hic contingat, statim omnia turbantur, & æger forte nunquam ad sanitatem reducetur: hic autem morbus raro detegitur, nam simulac aperitur cranium, sinus exhauriuntur, & multum sanguinis perditur; vidi tamen semel in puella, vera phrenitide in nosocomio publico mortua, ablatis post mortem dura matre & cranio, quod cortex adeo perfusus esset sanguine, ut nunquam simile in præparatis per injectionem viderim: ergo plethora hic nata facit primo mutationes subitaneas, dein infartus, postea sopores lethales; compressis vero corticis partibus interioribus, quæ vasis tenuissimis constant, omnis abolebitur transitus, & functio corticis non tantum, sed etiam medullæ & nervorum desinet, nam medulla oritur ex cortice, eademque protenditur in nervos. Ergo ex hac causa oriri potest omne genus morborum in nervis, id est, eorum functiones erunt ablatæ, vel turbatae, vel nimis auctæ, unde sequentur affectus animi vehementiores, sensus vividiores, summi furores, convulsiones, paralyses, anaesthesia, carus, apoplexia, mors.

Præterea pia mater ambit medullam In medullam. omnem, accipit autem arterias directe ex carotidibus & vertebralibus, quæ circa eam maximæ sunt, & sanguine rubro distentæ; hinc cum nullum spatium vacuum sit intra cranium, & arteriæ non ita directe applicantur cortici, primus impetus debet fieri ad ipsam medullæ superficiem, hinc ibi

ibi quoque fiet primus effectus , & origo nervorum impedietur . Hoc autem factum est summo nostro bono , nam aliter sanguis fureret in corticem : simulac cortex incipit comprimi , non compressa medulla , impetus maximus fit per nervos ; sed si medulla , atque ideo origo nervorum comprimatur , orietur quidem impedimentum aliquod , sed non fiet vehemens impetus , & sanguis potest tamdiu distribui per circulum WILLISIANUM ; hinc missio sanguinis in tali casu uno momento hominem restituit . Vidi hominem , ex abuso vini Burgundici tam ebrium , ut federet instar statuæ : missæ fuerunt duæ sanguinis libræ , & statim ipsi rediit omnis motus . Si vero hæc compressio diutius duret , tunc , quia in his canalibus medullosis nulla fere est resistentia , & locus remotissimus est a principio movente , exprimetur inde tenuissimum , quod continebant , liquidum , sic ut parietes vasorum per merum contactum ad se mutuo maneat compressi , & tunc nulla fere est restitutionis spes , nam omnes partes , quæ inde nervos suos accipiunt , erunt paralyticæ .

Unica adhuc restat consideratio , nempe quod hæc plethora longe prius afficiat cerebrum quam cerebellum , nam cerebrum est longe mollius , & flexibilis , hinc facilius mutabile quam cerebellum ; vasa cerebri etiam sunt plura , & tenuiora , nam pia mater sua arteriosa inter lamellas cerebelli porrigit tantum ad exiguum spatium ; sed in cerebro hæc lamellæ sunt longe majores , & profundius inseruntur ; cerebellum etiam divisum est in tenues , & plurimos circellos , nec ullos plexus choroideos , & unicum tantum ventriculum habet , sed in cerebro sunt magni recessus , unde habet duplēm quasi superficiem , unam , quam tegit pia mater ; alteram , quæ includit forniciatas superficies medullosas , quas quia cerebellum non habet , non opus est illi plexibus cho-

roideis ; ergo motus , & compressio agent magis in cerebrum , quam in cerebellum .

Transeo nunc ad examen illorum casuum , in quibus est Plethora ^{Plethora particula-} lius capitis , quæ tamen non est in reliquo corpore , & hæc inprimis potest fieri in obesis . Scilicet Adorandus Creator sic fecit nostrum corpus , ut conservetur ubique per humorum , omnium difficillime putrescentem , omnium minime difflabilem , juncturæ solidarum partium amicissimum . Talis humor est nostrum oleum , quod omnia facit esse mollia , ultimum facit terrestris elementi solidamen : hoc oleum fit ex assumptis intra corpus , sed non nisi in iis prius existat , & tunc ex illis fit primo chylus , sive naturalis quedam emulsio , dein lac , quod omne non convertitur in sanguinem , sed partim effunditur in vasa lateralia minus resistentia , & hac ratione fit obesitas , in qua corpus crescit ratione olei , decrescit ratione aliarum partium . Ampullæ hoc oleum recondentes , possunt repleri , & depleri , reliquo corpore non mutato . Quamdiu hoc oleum in corpore sufficit ad præcavendam putredinem , & ad debitam mollietatem flexilitatemque continuandam , recte valemus ; si deficit , laboramus morbis , a macilentia , & humorum acrimonia oriundis ; si vero nimis abundat in suis ampullis , tunc , quia cutis coriacea coercet expansionem corporis , vasa sub hac decurrentia nimis comprimuntur , & angustantur :

Ponitur autem hoc oleum vel supra musculos , vel intra ossa , & vasa ^{Damina} ^{niriae obesitatis.} tunc semper fiunt minora , ita ut totum animal tandem possit fieri quasi capsæ medullaris , oleo plena . Confirmatur hoc ex animalibus saginatis , v. g. porcis , & narrat ARISTOTELES , quod Apri pinguedentes , ubi abundat ipsis pabulum , ita increscant , ut mures , exesa ilorum cute , in crassissima pinguedine nidos

nidos faciant. Quando tale præpon-
dium pinguedinis nascitur, non inven-
nitur tamen major ejus copia in cra-
nio, paucissimis casibus exceptis, nam
RUYSCHIUS observavit sub tunica Ar-
achnoidea inter texturam arteriarum
ampullarum minimarum speciem, quæ
pinguedinem quandam videntur conti-
nere, quam alii habuerunt pro mate-
ria fungosa, sed hæc nunquam unguis
humani crassitatem habebat. Ergo quan-
do hoc oleum sic increscit in corpore,
sit defectus sanguinis rubri in ejus va-
sis; sed cum in solo capite pinguedo
non increscat, hinc debet fieri pletho-
ra vasorum piæ matris, & hanc voco
ipsi propriam. In theca autem verte-
brarum invenitur sæpe pinguedo fatis
copiosa. Scitis, quod caput naturaliter
sit tam plenum, quam potest, sed
cavitas hujus thecæ non adeo plena
est, sed ibi revera intercapedo est,
non vacua, sed rore plena. Triginta
hinc exeunt nervorum paria, singula
ad minimum in duodecim fasciculos
distributa; sed ut siccitas illorum fun-
ctionem nunquam impediret, hinc ca-
vitas sacræ fistulæ est quasi vaporarium,
in quo omnes hæ mirabiles partes hæ-
rent liberrimæ. Dura mater investit
interne omnem osseam superficiem hu-
jus fistulæ, & obducit omnes nervos
egredientes; inter hanc, & piæ mat-
rem hæret tunica Arachnoidea, in
qua hic loci sæpe multum pinguedinis
invenitur: ergo ille excessus videtur
hic melius posse admitti quam in ca-
vo cranii, unde hic non tam subito
oritur compressio a plethora in hac
parte, & hinc forte nervi, ad partes
inferiores distributi, omnium ultimo
afficiuntur. Posita nunc integritate o-
mnium functionum, si oriatur parvus
tantum plethoræ excessus, portio san-
guinis, quæ distribuebatur per vasa
corporis nunc compressa, fluet ad va-
sa piæ matris non compressa, hinc
major erit compressio in parte corti-
cali, minor distributio in parte me-
dullosa, hinc statim ex primo levique
initio omnes series morborum nervo-

forum oriri poterunt: Primum horum
esse vertiginem, quæ in initio nihil
est nisi lenissima undulatio circumgy-
rantium corporum, & quædam cor-
poris concussio; huc requiritur tantum
minima vis comprimens corticem; si
vero hæc compressio incipit fieri ad
nervos, motui muscularum inservien-
tes, oritur quædam vacillatio: ultim-
us autem morborum, qui hinc oriun-
tur, est Apoplexia, quoniam tunc ar-
teriæ corticem, & medullam compri-
munt, dum interim omnis vita adhuc
manet in cerebello, imo major est,
quam in statu naturali.

Sequitur nunc consideratio Plethorae
vasorum piæ matris, ab arteriis in a-
liis corporis partibus impeditis, licet
non adsit copiosa pinguedo. Scilicet,
totum corpus habet in omnibus parti-
bus definitam copiam sanguinis, quam-
diu distributio ubique est æquabilis,
& tunc est sanitas. Si vero impediatur
quædam arteria, statim tanto major
portio intra datum tempus transfibit
per arterias liberas, quæ inde sensim
fiunt latiores. Tales causæ, a quibus
comprimuntur arteriæ quædam extra
cranium, sunt quidem in multis casi-
bus transitoriae, tamen arteriæ intra
cranium statim inde dilatabuntur, &
hac compressione ablata evanescit ite-
rum Plethora intra cranium. Has
inter causas nulla frequentior est
quam plenitudo ventriculi, & uteri,
quæ amibili sexu propter corporis mo-
bilitatem in primis est propria. Audie-
tis puellas teneras sæpe conquerentes,
quod a ventriculo impleto statim ipsis
turbetur totum caput cum rubidine
faciei, vertagine, & vacillatione. Si
ab his assumantur alimenta fermenta-
scibilia, & rarescentia, fructus ho-
ræi, & cibi facile putrescentes, illa-
que ingerantur tanta copia, ut pylo-
rus spasmodice contrahatur; materia
illa magis tumescens in ventriculo pre-
mit diaphragma sursum, & aortam
quodammodo comprimit, & tunc ma-
jor copia sanguinis debet deferri ad
caput, & plethoram facere vasorum
piæ

piae matris, & ab hac causa etiam omnes morbi nervorum possunt oriri. Quod si hoc quoque accedit vomitatio, summum adest periculum, quia tunc fit contractio simultanea dia-phragmatis deorsum, & muscularum abdominis introrsum; inter hoc præ-lum hæret ventriculus plenus, præ-mens arteriam Aortam, & tunc labia his hominibus tremula sunt, & oculi lacrymantes: videtis, quod respiratio ab hac causa impediatur, unde sanguis, per venas jugulares, redeuns non potest fluere per pulmones, & in vasis capitis oritur summa distensio: quod si his feliciter larga hæmor-ragia narium superveniat, servantur; si vero ab hac causa rumpatur arteria in pia matre vel plexibus cho-roideis, videtis facile, quam lethalia symptomata inde sequi debeant.

Ametria in partibus inferioribus. Quod si arteriæ in partibus corporis inferioribus minus capaces sunt, vel penitus abolentur, & corpus cæ-teroquin sit bene sanum, adeo ut vi-res Chylopojeticæ, galactopojeticæ, & haimatopojeticæ valeant, ut ante, tunc quoque orietur plethora va-sorum piæ matris. Exemplum sup-peditat Chirurgia in hominibus, quibus detruncatum est crus vel fe-mur, quo facto nascitur plethora, ex qua post perpessas vertigines, & vacillationes tandem incident in Apoplexiā.

Obstru-tio hypo-chondriorum. Huc quoque refertur morbus Hypochondriacus cum materia. Arte-riæ enim Cœliacæ, & Mesentericæ ita constitutæ sunt, ut in harum propaginibus fæces sanguinis amurco-fæ facile retineantur. Quum autem hi humores ibi saepe diutissime hæ-reant, duritie scirroso per tumorem, & tactum ipsi oculo se manifestante, hinc raro inveniuntur hypochondriaci cum materia, in quibus non simu-læduntur functiones cerebri, & ner-vorum, hinc illi plerumque patiuntur vertigines, Cephalæas, immagi-nationes depravatas, donec tandem moriantur Apoplectici, illæso tamen cerebro.

Inter causas Plethorae vasorum piæ matris recenseo quoque impedimentum sinuum. Novissim, quod systema ar-teriosum in Encephalo longe aliter se habeat quam in alia quacumque pla-ga corporis; scilicet quod singulæ ar-teriæ se hic exonerent in singulas ve-nas, & illæ in alveos latos, liberos, vix resistentes: vidimus, fibras mus-culosas adesse in his sinubus, ne nimis dilatentur, easque fibras eo esse for-tiores, quo plus sanguinis continetur intra illos sinus, hinc ad Torcular Herophili induere fere naturam mus-culi cavi: ubi hæ fibræ sunt, notavi-mus etiam ampullas mucilaginosas, grano Sinapi non majores, quæ ta-men aliquando in satis magnam mo-lem increscunt: observavimus tandem, quod venæ sint angustissimæ in locis a sinubus remotis, sed latissimæ, ubi in sinus intrant, quum arteriæ contra in parte inferiori sint latissimæ, in superiori angustissimæ. Si ergo in si-nu quodam oriatur impedimentum, per quod sanguis difficulter transit ex venis in sinus, illud faciet plethoram vasorum piæ matris. Hoc autem ma-xime est timendum ad Torcular He-rophili, ubi omnes sinus ex toto cra-nio colliguntur in unum alveum; hæ vero partes ex variis caulis possunt an-gi per thlipsis; si enim casu quocum-que oritur tumor circa foramen magnum, per quod sinus exirent, tunc æger post multa alia symptomata tan-dem potest mori apoplecticus. Idem producetur per stenochoriam, nam fi-bræ illæ in nonnullis duræ, imo os-seæ factæ observatæ sunt: ampulle porro mucilaginosæ intumescentes in-star Atheromatis vel Steatomatis hic etiam impedimentum creare possunt. Idem fieri potest per Emphraxin; nam licet iter sanguinis naturaliter hic sit valde expeditum, & maxime cau-tum est, ne hic fieret polypus, ta-men aliquando observatum fuit, quod venosus sanguis hic coiverit in ver-mium speciem. Eadem mala possunt fieri ab omnibus tumoribus inflamma-toriis, Aneurismaticis, varicosis, am-pullofisis.

pulloſis. Inter has autem cauſas omnium diriſſima eſt Exoſtosis, quæ ſi oriatur qua cumque de cauſa ad loca ſinuum, tunc illi comprimuntur, & venoſum ſanguinem tra-mittere prohibentur: mi ni mu mta tuberculum po teſt pro duce re ma-xi ma cerebri la ſionem, uti in Lue Venere a ſæpe obſer vat u m fuit; in-telli gitur enim facile, quod ve niſ compreſſis arteriæ piæ matris ſtatim de beant tu mere, id eſt, plethora in illis fiet.

Porro, ſi jugulares ve nae, ſanguinem a cerebro reducem revehentes, impeditæ ſunt, naſcetur etiam plethora vaſorum piæ matris. Nullum enim vaſ harum venarum vi cem ſup-plere po teſt: ducuntur hæ per mol-lem pinguedinem, liberæ ab omni muſculo, ne ſpasmodica con trac tio, quæ aliquando a mi ni mo animi af-fectu fieri po teſt, in primis in foemini-nis, eas impeditat, ut non po-ſent ſe evacuare in ve nas ſubclavias: non ſunt tamen liberæ a tumori-bus glandulofis & ſtrumofis, hic ſæ-pe natis, vel ab ita vocato morbo regio; quando autem hi tumores, per colli latera ſe expandentes, haſ ve nas comprimendo impediunt, tunc ex plethora piæ matris, hinc geni-ta, omnia mala capit is ad Apople-xiam, & mortem uſque ſequun-tur. Quando ergo in hiſ locis intu-mefcunt glandulae, nec po ſſunt ad ſuppurationem duci, ſummu m peri-culum eſt, ne ſcirrēſcant, hinc ſta-tim, ante quam ve nae comprimant, optima re ſolventia ſunt adhibenda, quæ ſumuntur ex ſalibus alcaliniſ fixiſ, cum aromate penetrante jun-ctiſ. Laudo hic radicem Contra-je-væ & Serpentariæ Virginianæ, quæ cum ſale Ablinthii infundantur in Vino Rhenano, ejuſque vi ni medi-cati ſumat æger unciam di midiam ter quaterve de die: hoc re-me-diu m miru m certe in modu m co-a-gula ſolvit in glandulis. Præ-ter ea omni mane, & ve ſperi, ſine in-

termiſſione, hi loci pannis laneis af-peris blande debent perfricari; noctu etiam applicetur fo ſuentum ex fa-le Ammoniaco, in urina humana vel aceto ſcillitico ſoluto, cui ſu-perimponatur ve ſica oleo in uncta, qui apparatus mane tollitur, & tunc de die po ſt frictionem imponitur Emplaſtrum de Galbano.

Pergo ad conſiderationem Respi-rationis, quæ ſi retineatur, uno mo-mento repletur totum ſyſtema arterioſum & venoſum, in hoc e-nim caſu glottis clauditur, hinc aer in pulmo ne contentus rareſcit, unde vaſa ejus ſanguinea magis com-preſſa minuuntur in ſua capacitate, ergo etiam comprimuntur pulmo-nales ve nae, & ſic omnis ſanguis pulmonis abit ad cor ſiniftrum, ex eo propellitur in Aortam, adeo-que etiam in carotides & piam ma-trem; ſed quoniam cor deſtru-muſt simul impeditur ſanguinem ſuum propellere in arteriam pulmonalem, hinc ſinus ejus venoſus & auricu-la debent neceſſario magis turgere, adeo que etiam ve na cava; hinc ve-nae jugulares ſe non po ſſunt exone-rare in ve na ſubclaviam, unde il-læ etiam turgebunt, adeo que tunc plus ſanguinis con tinebitur in to-to ſyſtemate vaſorum capit is, nem-pe magna pars illius præpondii, quod antea fuerat in pulmo-ne. SWAMMERDAMMUS in Traſlatu de Reſpiracione pag. 9. narrat, quod in Nosocomio Leidensi, ope re tenti Spiritu, per patulum ali quod in pede vulnus, magna aliquando ſanguinis copiam, pro voluntate a puerulo excretam viderit; unde pa-tet, quod ſanguis, re tenta reſpi-ratione, eo majori copia ad alia loca diſtribuatur. Po teſtis ipſi ex-perimentum capere, quod hanc rem ma-gis probat: hauriat quis tantum aeris, quantum po ſſit, eumque re tineat, omnes facie i, colli, oculorum par-tes ſanguine rubro erunt quaſi per-fuſæ; pa tet ergo iterum, ſi cauſa quæ-

quædam faciat plus aeris in pulmone esse, quam requiritur ad æquilibrium, quod superpondium sanguinis pulmonalis derivabitur in totum systema arteriosum & venosum, & quod venæ jugulares se etiam evacuare non poterunt, hinc arteriæ piæ matris debito plus habebunt sanguinis, id est, erit in iis plethora.

Animia festus. Respiratio autem partim est vitalis, partim pendet ab imperio mentis, sed quia animi affectus mentem valide movent, & sensorium commune mirifice turbant, hinc respiratio ab illis valde mutabitur; imo aliquando plane cohibebitur. Videte hominem iratum, quantum inflat nares & petus; meticulosus vix efflat, omnemque fere aerem reginet; amans frequenter suspirat;

Audite HORATIUM Lib. I. Ode 13.

*Cum tu Lydia Telephi
Cervicem roseam, & cerea Telephi
Laudas brachia; ræ meum
Fervens difficile bile tumet jecur;
Tunc nec mens mihi, nec color.
Certa sede manent &c.*

Ultimus finis tunc plerumque est in flatum liberrimum resolutio, vel in animi affectum summum post suppressam respirationem: hinc dicebat rerum peritissimus; qui comprimunt labia, & tacent, hos metuo; gnathones & loquaces sperno. Ergo clare apparet, quod in iis, quibus ab indole nativa mobiles hæ partes sunt, hic effectus debeat esse valde notabilis, dum in magis exercitatis illud non est tantæ efficaciam; hinc mutatur illico color: Videte pueros verecundos, quibus factæ minæ faciunt, ut demissis oculis stent fere quieti, & impediatur respiratio, tunc enim statim color ruber effunditur supra faciem, & mens ita turbatur, ut confuse tantum respondeant, imo lacrymæ excutiantur oculis (Hoc non tantum in pueris, sed & in amatori-

bus, qui tam frequenter affectibus suis indulgent, verum est) paulo post tremunt labia, balbutit lingua, tremunt manus, & motus animales sunt impediti: si neverunt subito respirare vel screatum edere, vel simile quid, in principio superatur, aliter jam mutatum est cerebrum, & subito sunt maximi animi affectus, ira, tristitia &c., vel plerumque profusus flatus.

Videtur horum omnium origo esse in parte animæ vel cerebri, quæ agit in respirationem: in valde mobilibus hoc ducere posset ad Apoplexiā, nec aliud est remedium, nisi ut subito mutetur respiratio; in risu & tussi, ad summum gradum perductis, tota fere actio cerebri suspenditur. Videmus hoc sæpe in infantibus, qui a violenta tussi fere suffocantur, quibus nutrices tunc dorsum verberant, ut clamantes iterum respirare cogantur. Hinc poetæ naturam imitantes, dum describunt iratum resipilcentem, exprimunt, ac si dicceret Hem. Videatis hoc apud VIRGILIUM de NEPTUNO, qui ventos increpans subito flexa respiratione dicit, motos præstat componere fluctus.

Mala hæc frequentius eveniunt plerorū, in quibus ab impedita evacuatione omnes sæpe actiones turbantur; hinc in primis propria sunt fœminis, licet hæ natura sua plenitudinem longe melius ferant quam viri, quorum corpora ad labores magis sunt disposita, quos si non exerceant, sæpe incident in plethoram; his autem statim quandoque temporibus, eodem modo ut in fœminis naturaliter fit menstrua evacuatio, supervenit quædam hæmorrhagia, in primis hæmorrhoidum, per quas superpondium illud evacuat; ab hac autem causa oriri possunt omnia genera talium morborum, qui vulgo nervis adscribuntur. Fœminæ & viri etiam plerorū, circa tempus solitæ cuiusdam evacuationis, de nulla re magis conqueruntur, quam de vertiginibus, mentisque functiones sæpe quasi

Impedi-
te eva-
cationes

quasi intercipiuntur, memoria vacillat, vagæ oriuntur cogitationes & idæ perversæ; si tunc non superveniat evacuatio, incident in Leipothytmiam, in qua actiones incipiunt labescere, quod nostrates vocant *Kwälkite*; dein Leipopsychiam, in quo statu nec ratio, nec memoria, nec aliae cerebri actiones constant; imo Asphyxiam, quæ est tantus languor, ut cor vix amplius pulset; tandem syncopen & mortem ipsam.

Curatio morborum ab hac causa. Summum remedium in his casibus est missio sanguinis, sive plethora sit universalis, sive particularis. Illa etiam, quæ arterias & venas in aliis partibus laxant, easque perspirabiles reddunt, summopere juvant, hinc ipsum insaniam sæpe feliciter curamus, si hæmorrhoides per suppositoria provocentur; hinc in cura horum morborum cogitandum est, an evacuatio quædam naturalis vel consueta intercepta fuerit, & tunc tota curatio dirigenda est ad aperienda illa vasa, quæ sanguinem antea transmittebant. Pessima autem est illorum methodus, quæ agit per medicamenta stimulantia, acri odore & sapore prædicta, qualia sunt Ruta, Afa foetida, & similia. Merito hic damnamus omnia calefacentia, qualia sunt Thymus, Majorana, Salvia, licet titulo specificorum exhibeantur; quoniam enim fluida nostra citius incalescunt quam solida, hinc ab horum usu rarescunt, & mala, de quibus agimus, augent. Probatur hoc per Anatomen. Si enim v. g. oriatur apoplexia post nimiam comensationem, unde homo moritur, sanguis in cadavere invenitur ubique ad piam matrem effusus. In hoc ergo casu aromaticæ, volatilia, pulveres aurei, antepileptici, aliaque decantatissima remedia debent evadere summa venena.

Dolendum est in his casibus, quod morbi, nervorum dicti, licet a contrariis causis oriantur, idem tamen nomen retineant: si ergo sine discrimine exhibeantur remedia, sive plethora, sive inanitio peccet, videtis

VASORUM &c.

facile, quod optima medicamenta sæpe possint fieri perniciosissima.

Forte hic cogitatis, quare hi morbi generentur ab obesitate, & non ab Hydrope, nam vidistis nunc, quod, quicquid vasa premit sub cranio, illud humores magis urget versus cranium, quod non potest extendi: sed in hydrope est defectus sanguinis rubri, hinc licet humores premantur versus cerebrum, erunt tamen in hoc casu valde fluidi: atqui arteriæ cerebri possunt transmittere humores non concrescentes; quia ergo liquores in hoc casu facilissime possunt in venas transfundi, hinc non orietur apoplexia: sed quando major copia sanguinis rubri venit ad piam matrem, hinc non tam facile transmittitur, unde arteriæ necessario debent tumere pro ratione copiæ sanguinis hoc adpulg.

An vero hæc plethora adsit, cognoscitur ex rubore in toto corpore, maxime in locis, ubi cutis abest, qualia sunt tunica adnata, genæ, narres, labia, gingivæ, os, fauces; erit tunc etiam magnus calor in corpore, quoniam hic ab attritu humorum pendet; vasa etiam apparent impleta, quod cognoscitur ex pulsu forti, & cœruleo colore venarum inflatarum in artibus.

Sequitur nunc altera classis morborum, ab humoribus in vasis piæ matris pendentium.

DE DEFECTU SANGUINIS
RUBRI IN VASIS PIÆ
MATRIS.

Hæc minuta plenitudo est vel sana & naturalis, vel consueta. Si homo definitam quantitatem sanguinis habeat in hoc vasorum systemate, & hæc copia minuitur, statim omne, quod ab illa plenitudine pendet, vel non fiet, vel aliter fiet, quæm consueverat. Homo sanus patiatur v. g. hæmorrhagiam narium ingentem, & vix fistendam, nonne inde periculosissima capitatis mala orientur?

tur? Ponamus adesse plenitudinem quandam consuetam, consuetudo illa facit, ut homo sanus sit, sed omnis subita mutatio, teste jam HIPPOCRATE, est pessima; si ergo plenitudo illa minor fiat, cætera contenta cranii debent tumere pro ratione minutæ hujus plenitudinis in hoc systemate, nam encephalon non potest esse collapsum vel inane, sed manet æque capax, adeoque erit excessus in quibusdam partibus: ex hac vero consideratione ducimur jam ad alia pulcherrima indaganda.

Notavit nempe BELLINI, quod in nonnullis sit tam exquisita proportio rubri sanguinis, ad originem medullæ applicati, ut ex minima mutazione statim deficiat vis cordis, quod demonstrat exemplo hominis, qui ab educita per venæ sectionem dimidia sanguinis uncia incidit in animi deliquium; nullum enim hic potest esse vacuum, hinc alter liquor succedit, sed non ruber. Scitis, quod arteriæ rubræ pateant in venas rubras sine ulla resistentia; simulac ergo sanguis ruber deficit in arteriis, in eas veniet liquor non ruber, quo venæ æque facile, imo facilius, poterunt repleari; sed quia hæ se non facilius possunt evanescere quam ante, ergo magis turgere debent; hinc statim sinus replebuntur materia non rubra sed utcumque pellucidiori; eaque etiam replebit omnia cava inter duram & arachnoideam, inter hanc & piam matrem, omnesque ventriculi, & vasa venosa medullæ spinalis quoque turgebunt; hinc aqua, naturaliter in hæc cava exhalans, nunc non poterit resorberi; & cum omnis calor tantummodo per partem rubram humorum communicatur, hinc debet fieri majus frigus: erit quoque humor, qui ex arteriis exhalat, tenuior, & magis aquosus, qui naturaliter quidem utcumque concrescit ad ignem, sed cuius maxima pars tamen avolat; ergo nunc sit collectio humoris aquosi in systemate capitinis. Præterea, arteriæ piæ matris, desti-

tutæ consueto vel naturali sanguine arterioso rubro, & ad medullam oblongatam applicatæ, nunc non faciunt, ut hæ partes adeo a corde distantes retineantur calidæ, quæ pressione & calefactione harum arteriarum antea vivificabantur, hinc solito plus frigescent, & se magis contrahere incipient; & quoniam causa calefaciens, foyens, propellens, deest, hinc in his locis orietur quies, & omnes functiones, ab his canalibus pendentes, incipient definire, & a prima incipiente labe omnes morbi intermedii possunt occurrere a vertigine usque ad Apoplexiā, qui tamen morbi sæpe nullam habent originem quam ab hac causa, nec curari possunt nisi per regenerationem illius rubri.

Sed quoniam plurimi doctissimi viri diversa ab his docuerunt, dicentes, quod, quo sanguis, cerebro & cerebello applicatus, sit fluidior, functiones eo facilius, expeditius, & felicius fient; debemus argumenta eorum modeste examinare, quod nullus doctus vir ægre feret.

Videte mulieres Leucophlegmaticas, sanguine rubro destitutas, fervidum infusum Caffe vel Theæ bibentes, quam animosæ & alacres evadunt per aliquod tempus! sed hoc vigore post semihoram evanescente, recurrent ad idem illud, ipsis tanto. pere amatum, &, ut putant, amicum remedium, tandem hydropicæ evadunt, & plane incurabiles. Si clari viri jam dicunt, quod si impletum sit sistema arteriosum piæ matris, circuitus humorum debet fieri eo felicior, quo illi sunt tenuiores, considerent, quæso, quod rubra sanguinis portio tantum contineatur in vasis, primi generis, id est, in corde, arteriis & venis rubris. Hæc pars rubra accipit motum directissimum a corde, hinc in eo est principium impetus totius motus omnium humorum, per reliqua vasorum genera circulantium, hinc omnis motus a corde datus agit tantum in partem rubram,

rubram ; & sustinetur ab elasticitate vasorum tum in arteriis tum in venis primi generis , & tandem iterum defertur ad cor . Nulla hic adest fermentatio , sed impetus , liquida projiciens , causa est omnis motus sensus que in toto corpore . Novissimis , arterias , huic virtuti cordis cedentes , distendi , easque reagentes premere liquorem contentum eodem fere impetu , quo a corde erant dilatatae : hæc reactio pendet a constructione musculari arteriarum , & per illam projicitur illud rubrum in venas , nulla intercedente parte media , nisi forte in splene & genitalibus ; redit ergo illud rubrum per venas tam cito fere quam ex corde exivit ; sed reliqua liquida in vasis minoribus necessario multum de suo metu perdiderunt , quia omnem suum impetum accipiunt a parte rubra ; elasticitas enim eo major invenitur in arteriis , quo propiores sunt cordi ; eo minor , quo magis ab eo distant & decrescent , ita ut hæc vis fere desinat ad initium venæ ; ergo etiam omnia vasa lateralia arteriosa eo minus habent elasticitatis , quo exoriuntur serie magis elongata ab arteriis primis : Videlis ergo , quod unus tantum sit liquor , qui se non potest subducere imperio cordis & arteriarum , nempe sanguis ruber , sed omnes alii liquores , intra sua vasa contenti , vim illam directam fugiunt . Ergo jam dico , quod liquores tenuiores res semper eant in vasa minora , illudque hac ratione demonstro .

Orificium arteriæ secundi generis , quæ oritur ex arteria primi generis , naturaliter est tam capax , ut admetat liquidum secundæ seriei , sive serosum , flavum , concrescens ; ergo potest admittere omnes liquores , qui non sunt rubri , eosque transmittere in suas venas . Sed arteriæ primi generis , quomodocumque debilitetur corpus , sunt angustiores respectu aliorum vasorum , quia liquores continent , quoad substantiam crassiores , &

vi majori implentur , dum interim magis resistunt , quam reliqua vasa : Ergo duplex causa est , cur humores liquidiores semper deriventur in vasa lateralia , quia nempe vasa primi generis magis arctantur , quam secundi , & quia liquidum eo facilius subducitur , quo sit subtilius . Si nunc liquores tenuiores ex vasis majoribus eant in minora , amittunt omnem vim , a corde impressam ; sed vasa , in quibus continentur , etiam minorem elasticitatem habent , ergo illi humores minus propellentur , magis replebunt sua vasa , nec tantum reddetur cordi , quantum ab eo datum fuerat ; hinc quo plus sanguinis rubri continetur in vasis , eo magis expedita circulatio ; quo minus , eo magis impedita . Si hoc considerassent clari viri , vidissent , quod nullus sanguis ineptior sit circulationi vegetæ , quam tenuis , licet nulla in eo peccet acrimonia . Ergo incipiet deficere circulatio , quum tanta copia sanguinis intra certum tempus non redit ad cor , quam ante ; quod si sensim fiat , sensim etiam fit languor ; sed subito , si cito fiat .

Languor ille v. g. lente subrepit in corpore disposito ad leucophlegmatiam , & procedit ad tantam debilitatem , ut nulla fere functio amplius exerceri queat : sed si fortissimus miles subito ingentem jacturam patiatur sanguinis rubri , & corpus suum post deligationem replet sero lactis vel jure carnium , poterit quidem supplere dispensum humorum , sed languet statim adeo , ut alter , qui lente leucophlegmaticus factus est , spatio sex mensium non adeo langueat . Hinc ergo sequitur , quod vasa , quæ extra territorium rubrorum posita sunt , magis quidem repleantur , sed in homine , qui sanguine rubro plenus est , liquida citius diffiantur , quam in languentibus : bibat sanus homo aliquot libras Acidularum , sequenti die æque levis est ; bibat easdem debilis , omnes fere retinebit : tale corpus undique inflatur tumore pellucido , frigido , inerti . Leucophlegmaticus homo pellucet fere

A sanguine
ne nimis
tenui fit
languor .

fere instar bombycis, mox fila sericea texturi; frigidus est, & vix sentit se comburi; tam parvus in eo est calor & vigor, ut calor ejus fere non differat a calore atmosphæræ, omnesque ejus partes fiunt molles, quia vasa vix sunt elastica; imo fiunt illi homines adeo inertes, ut dicant quandoque, si tibias vel femora moveant, quod sentiant quasi machinas plumbo impletas; corpus eorum vix potest dici ipsis proprium, sed alienum: hic languor sedem suam habet in panniculo adiposo & manifestat se primo in pedibus, dein etiam in cruribus & femoribus, quia hæ partes remotissimæ sunt a virtute movente cordis: si vero hydrops nascatur a scirro hepatis, vel alia simili causa, tunc primo repletur abdomen. Sic ergo explicui, quod, quo sanguis sit tenuior, eo major sit dispositio ad functiones iesas cerebri & cerebelli producendas, nam hic affectus primario obtinet in partibus tenuissimis, & tales sunt nervi. Et hinc cum stupore intelligitis, quare Adorandus Creator in nervis posuerit arterias.

*Efectus
languo-
ris.*

Videamus nunc proprius, quinam morbi ex tali dispositione sequi debeant. Facile intelligitis, quod hinc debeat fieri collectio liquoris in vasis minimis, quæ inde debent distendi; & quod etiam fiet collectio liquoris exhalantis in cava & interstitia corporis: calor enim est causa, propter quam sit resorptio, sed in hoc casu est frigus, ergo major repletio quam resorptio: ergo oriatur hydrops inter membranam cerebri duram & inter arachnoidam, inter eam & piam matrem, & intra piæ matris duplicaturam, imo in ipsis cerebri ventriculis; hinc plexus choroidei aliquando meræ hydatides sunt, & ventriculis perruptis hydrops fiet thecæ medullaris; sed quia omnes nervi vaginas habent, hinc etiam in illis potest fieri hydrops. Con-

Tom. I.

firmantur hæc omnia ex cadaverum inspectione, multisque exemplis, quæ in operibus BALLONII, BONETI & RUY SCHII occurunt.

Primum quod in illis hominibus languentibus animadvertisit est amor quietis & otii; vivacissima ingenia videtis hebescere; succedunt Leipothymiae, ita ut virgo leucophlegmatica in templis aliisque locis publicis frequenter hoc malo corripiat. Intelligitis facile, quod hæfiant, quia non redit tanta copia sanguinis ad cor, quanta inde expulsa fuerat, quia venæ primi generis tantum non accipiunt ex arteriis, quantum hæ acceperant a corde. Cognitatis forte, quare inde non moriantur, sed simulac Leipothymia adest, vasa paulo plus contrahuntur; hinc cordi redditur plus humoris, unde illud tunc iterum impletum melius se contrahere potest; illæ tamen fere semper habent pulsus intermittens, & succedere quoque debent subitæ cordis palpitationes, nam simulac redit vita, cor obruitur humoribus, prius in venis quiescentibus; sed quia non potest omnem hanc molem uno ictu expellere, hinc palpitat, & plerumque fit aneurismaticum. Statim etiam his hominibus fit molestus calor, nam quia humores quiescunt in venis & vasis lateralibus, & sola pars rubra tantum fluit ad cor, si nunc venæ majori vi evanescunt, corculum nimis impletum non potest se evanescere, inde fiunt anhelationes diræ, anxieties, & ex aucta respiratione & motu sanguinis calor. Statim etiam vehementius pulsant arteriæ in jugulo, nam cor accipit plus sanguinis, & arteriæ in partibus inferioribus sunt magis compressæ, hinc illæ, quæ propiciunt capiti, & nullam habent intra caput resistentiam, statim magis implentur, & hinc dolor capitidis oritur.

Quando hi morbi occurunt in corporibus aliunde plenis, simulac copia Subiecta horum morborum san-

sanguinis rubri illis incipit deesse, vis vitae propellit reliquos humores per vasa corporis, hinc primis momentis nullum sentiunt incommodum; observamus autem, quod illa corpora, in quibus non est tanta copia materiae praexistentis, & quae non plus habent, quam requiriunt, sentiant maxime & subito dispendium rubri sanguinis: hoc ergo in corporibus tenellis obtinet, quae licet saepe procera, tamen longe mobiliora sunt, quam fortia & compatta. Quo jam tenerior est atas, eo difficilius restituuntur, uti patet in infantibus, haemorrhagiam ingentem passis. In sexu foemineo haec vitia longe alia sunt, quam in virili; mulier enim potest plus sanguinis perdere quam vir sine periculo vitae, sed ubi nimiam amittit copiam, incidit in illud malum, quod vulgo vocant vapores, quia nunc in hanc, nunc in illam partem videtur ruere, & sensorium commune inprimis afficit: hoc non ita observatur in viris, quippe illi ex haemorrhagiis animi deliquia patiuntur. Huc tamen multum facit vitae genus in omni aetate & sexu. Omnes, qui per labores roborant corpus, ferunt facile mutationes; sed molliores & otiosi ad minima detrimenta mirifice mutantur, ac si essent foeminae.

Viscerum debilitate laborantes.

Quotiescumque viscera chylopoietica & hematopoietica ex assumtis non valent conficeri sanguinem rubrum calidum, sed tantum liquorem aquosum, tunc in primis hi morbi generis nervosi a defectu sanguinis rubri oriuntur. Consideremus hanc rem proprius, & multi morbi clare intelligentur. Novissimis, viscera chylopoietica esse os, totamque ejus strueturam. Creator mira sagacitate hominibus, quibus vis chylopoietica in visceribus debilior est, dedit facultatem cibos ita manducandi, ut chylum jam sere conficiant in ore: hinc quando quis, debili officina chylopoietica instructus, ore non utitur, bonum sanguinem non conficit: ventriculus

in sanis ingesta, quae recepit, mutat; hoc vero debili, sequuntur illa suam naturam, eodem modo ut facerent in loco ita constituto ut ventriculus, & in quem similes confluent humores; qui omnes cum in debilibus etiam a sanitate sunt alieni, debet fieri cacochymia; sed eodem modo tunc se habet bilis, succus pancreaticus & entericus; & quia intestina etiam debilia sunt, hinc bonus chylus non potest deferri ad sanguinem.

Hematopoeisis fit per illam vim compingentem, quam chylus patitur ab arteriis. Omnis vis arteriarum applicata in chylum album producit tandem sanguinem rubrum; si illa vis non satis magna est, color sanguinis manet albescens. Tales homines replentur quidem, sed succo albescente, quemadmodum videmus in virginibus tenerimis, quibus per venae sectionem imprudenter factam educitur liquor quidem albicans, paucotantum rubro intermixto; hinc illi homines non apparent macilenti, imo potius repleti, sed pallent, & videntur quasi lacte distenti: in hoc ergo casu proportio inter rubrum & omnes reliquos humores deficit, & tales liquores deferuntur ad piam matrem, hinc oritur aquosus toto corpore languor, quemadmodum in chlorosi virginum appetit, qui morbus quoniam princeps est inter eos, qui ab hac causa oriuntur, hinc de eo singulatim agemus.

DE CHLOROSI.

Corpus virginis, quamdiu ossa patientur se vi cordis extendi, crescit in omnem dimensionem; sed simul ac vis cordis in aequilibrio est cum resistentia ossium, non amplius crescit quoad longitudinem. Virgo haec fecit haec tenus vi sui corporis omne id, quod requiritur, ut omnia vasa repleantur & distendantur, sed nunc haec vasa sunt in suo statu, viscera chylopoietica manent eadem,

dem, hinc paratur paulo plus supra-
pondii quam ante, quod auget mo-
lem repletem; hinc fluidum incipit
habere excessum quemdam præ soli-
dis; ergo fit stagnatio & motus tar-
dior, nam moles movendorum accu-
mularur, & vis movens manet ea-
dem, hinc illud corpus fit brevi in-
ers, & virgo fit tumidior & palli-
dior, nam proprie non perdit rubrum,
sed accipit plus albescens, quam re-
spectu rubri requiritur.

Hinc ergo debet fieri Leucophleg-
matia & cacochymia, uti clarius pa-
ret ex mirabili exemplo, quod re-
fert R U Y S C H I U S de mercatore,
qui pallidus siebat & melancholicus,
& tandem imaginabatur, se non satis
habere, quo viveret: in cadavere,
post mortem aperto, hydrops capitis
inveniebatur.

Hoc autem a nulla causa fit frequen-
Falsa de tius, quam post jacturam ingentem
hoc mor-
bo Opi,
niones.
sanguinis rubri, & si haec jactura in
principio hujus diathesis fiat, malum
hoc eo magis augetur. Putant mu-
lieres, hos morbos originem habere
ab utero, & pendere a menstruis de-
ficientibus; hinc putant, si menstrua
possent provocari, curatas fore illas
virgines; sed nihil minus verum est,
nam menses summo naturæ beneficio
his non erumpunt, quæ si adessent,
causam horum morborum majori san-
guinis rubri dispendio magis auge-
rent; si vero contigerit, ut in his
puellis imprudenti consilio vena sece-
tur, vel provocentur menstrua, tunc
fere nunquam desinunt, sed pallidus
liquor continuo exit, & catarrhus
quidam uteri adeat, quod in debilis-
simis foeminiæ sœpiissime videbitis.
Mulieres, quibus lochia copiosissime
fluunt, huc quoque referuntur; ha-
bent nempe uterum post partum sœpe
tam laxum, ut post separationem pla-
centæ non modo fiat hæmorrhagia,
sed ut uterus quoque materiam aquo-
sam per plures septimanas dimittat,
& eo magis quidem, si haec mulieres
potus aquosus avidissime assumant.
Contingit etiam aliquando, ut pars

placente, quando eam conantur avel-
lere, maneat applicata utero, & tunc
hae foeminae maximum patiuntur san-
guinis dispendium, & ab uno partu
miserrimæ fiunt. Idem etiam a ma-
gnis vulneribus posse fieri per se pa-
tet.

Ergo causa morborum, quæ hinc Vera cau-
sa affer-
itur.
fiunt, nulla alia est, quam quod in tur-
valis piæ matris alia materies adsit
quam rubra, nec hi morbi cum aliis
confundendi sunt. Non ita diu con-
sultus fui super illustris personæ va-
letudine; videbant, quod defluenter
vires, & nihil proficeret; scripsi, re-
perpensa, vellent uti chalybe; appar-
ruit hoc paradoxum; tamen factum
suit, & fluxus subsistebat de die in
diem, nam robur magis magisque
conciliabatur; & quum simul vietus
siccissimus jubebatur, natura videba-
tur corroborari: nam in his mulieri-
bus vasa sunt tam laxa, ut se con-
trahere nequeant; sed si vinculum va-
sis circumjicis, auges utcunque eorum
contractilitatem; & si præterea chaly-
bem exhibeas, natura magis robora-
tur, & definit fluxus.

Observatur hoc etiam contingere,
si mulieres abortum passæ fuerint.
Abortus fit plerumque tertio gravidi-
tatis mense, in nonnullis septimo;
quando ille fit, solvitur placenta a
cohæsione cum utero, hinc nullum
amplius manet commercium inter ute-
rum & membranam chorii placentam
ambientem, hinc sanguis effusus di-
vellit chorion ab utero, & ad ejus
os pellit. Fœtus hic manet idem,
quia vero via facta est, sanguis con-
tinuo effluit, & fluxus ille est pejor,
quo uterus magis est distentus, hinc
si pergit, mulieres sœpe subito mo-
riuntur.

Ex hac radice oriuntur varii, imo Effectus
nimis
hæmor-
rhagiae.
oppositi generis nervosi morbi, qui ta-
men omnes eadem methodo curantur.
nam simulac humores non possunt pro-
pelli per nervos, sicut inde mera para-
lysis; si vero propter iectus cordis ad-
huc repetitos utcunque secernantur
spiritus, statim musculi spasmodice

contrahentur, adeoque sient tam convulsiones quam Paralysis. Sanguis amissus suppletur quidem alio novo, sed ille non statim habet debitam densitatem & soliditatem, hinc homines, antea audaces & intrepidi, sponte prolabuntur in fletus fere pueriles. Nullæ vero inter foeminas ab hac causa magis patiuntur quam pulcherrimæ, candidissimæ, genis & labiis roseis præditæ.

Hi vero morbi nullo modo debent confundi: si enim consideremus omnes modos, quibus minuitur proportio rubri, intelligimus diversas admodum esse causas; quæ quoniam pendent ab abolita functione chylopoiesios, hematopoiesios & pneumatopoiesios, & hæc iterum ex diversis causis originem habet, videtis, quod causæ remotæ, quæ faciunt causam proximam, sint quam distin-
ctissimæ. Sit v. g. mulier, quæ amittit sanguinem; sit vir robustus, qui per vulnus patitur jacturam sanguinis, ambo videntur esse in eodem statu; sed foeminae habent mobilissimum sanguinem, repletiones subitanæ, plethoras assiduo regenitas, hinc melius jacturam sanguinis ferre possunt quam viri. Huc etiam referuntur regio, nam tanta diversitas est morborum in una & alia regione, ut plane incredibile sit. Hoc etiam de anni tempestate, ætate, temperamento, & idiosyncrasia verum erit. Quando vocati eritis ad tales mulieres, debetis sedulo notare, quomodo fluxus earum menstruus se habeat; quinam orientur effectus, ubi corpus ad evacuationem disponitur; quinam, dum fit evacuatio; & quinam, postquam jam facta est.

Sæpe contingit felicissimis Practicis, ut causam proximam horum morborum vix intelligent; sed si attenderent ad præcedentia, hæc illis clare pateret. Sunt etiam corpora masculina, quæ obnoxia cito generandæ iterumque amittendæ parti sanguinis rubræ, hac parte multum vergunt ad corpus foemininum; hinc

etiam in viris notamus similes morbos: Differunt autem hi morbi, prout ab hac causa, vel ab animi affectibus fiant; sed attendite ad modum invadendi, nec unquam fallet diagnosis.

Symptomata, quæ hunc morbum ^{Diagnosis} morbi. comitantur, sunt, quod morbi nervorum, ab hac causa pendentes, nunquam improviso fiant; adest debilitas pulsus; talis autem necessario debet adesse, nisi forte motus corporis præcesserit, nam tunc, quia sanguis subito defertur ad cor dextrum, pro tempore pulsus fit major; sed semper simul mollis est, id est, tangens digitus sentit quidem copiam sanguinis propelli, sed non observat magnam resistantiam; pulsus præterea plerumque inæqualis est vel intermittens: in respiratione ad minimum motum fit metus suffocationis, nam maxima copia humorum haret extra primum vasorum genus, hinc quia per motum muscularem plus defertur ad cor, quam illud eodem tempore trahicere potest per pulmones, fiet illa suffocatio; si homines illi attendant ad rem aliquam, & sclopetum inopinato exploditur, statim cor per aliquot momenta palpitabit; illa autem palpitatio fit a tam parva causa, ut incredibile sit; nam quia in his hominibus inæquabilissima fit distributio, hinc simulac affluxus augetur eosque, ut cor se una vice evacuare non possit, statim illa palpitatione oritur: omnes hi homines sunt etiam frigidi & pallidi, quod ad canthum oculi majorem, ad labia, nares internas, & gingivas maxime patet; denique semper adest totius corporis mollities.

Sanatur hic morbus, si pars a- Curatio. quosa sanguinis minuatur, & augeatur rubra. Vidimus jam ante respectu capitis, quod quo minus sit rubri in hoc systemate, tanto plus adsit aquosi. Serum semper sequitur proportionem rubri; nam serinatura est, ut ad ignem vel alcohol concrecat; sed serum tale vix invenitur, nisi in corporibus valde exercitatis, quibus etiam adest maxima sanguinis rubri

Quænam
diæta hic
requira-
tur.

rubri copia ; hinc etiam tanto major aut minor erit serì copia , quo plus aut minus adest sanguinis rubri ; hinc deficiente rubro , tota reliqua molles erit aquosa ; & contra , simulac augetur rubrum , statim etiam augebitur serum , adeoque aquosa minuentur . Ut vero minuantur aquosa , nunquam debetis incipere a sudoriferis vel purgantibus acribus hydragogis , sed sequimini methodum illam exscandi , de qua jam dictum est in curatione hydropsis , intra caput hærentis .

In quo consistat. Rubrum autem est creatura singularis , soli corpori animalium propria , & quidem majorum , motum validissimum exercentium , & in primis respirantium . Hoc rubrum non potest fieri in tota rerum natura , nisi intra animalia , nam in vegetantibus & fossilibus non adest unquam , & in omnibus fere animalibus sibi simile est . Hoc rubrum in corpore humano non fit nisi per chylopoiesin & hæmatopoiesin . Chylopoiesis facit liquidum solidius , quam quod acceperat , globulis quidem constans , sed magis coactis , quam ex quibus conficiebatur , demonstrante LEEUWENHOEKIO ; verum sanguis habet globulos multo densiores , quam chylus , unde apparet , quid efficiat hæmatopoiesis . Omnes hi homines , de quibus loquimur , laborant ex defectu chylopoiesios & hæmatopoiesios , nam homo debilis , amissò sanguine , non facit bonum chylum aut sanguinem , quia horum causæ , ab abundantia sanguinis rubri pendentes , defunt . Omnis ergo medela consistit in eo , ut illud rubrum , quod deficit in sanguine , restituatur ; hoc vero nulla arte potest fieri , nisi per bonum chylum ; nec ille huic rei potest aptus fieri , nisi per vires vitæ tantas , quantæ requiruntur ; ergo hujus confectione pendet a sola virtute corporis facti , tam in solidis quam in fluidis requisita ; nec possunt curari hi morbi , ubi natura in solidis & fluidis tantum deficit , ut non supersit tantillum , quo hæc confectione fieri potest .

Tom. I.

Duplici autem modo restituitur Chylopoiesis , offerendo materiam convenientem , & excitando vires in illam agentes . Primum fit viatu sicco , qui humiditatem dominantem absorbet , illiusque incremento obstat ; talis est panis bis coctus , in primis anisatus , & in taleolas oblongas dissectus , quem hic loci vocant *Anys-beschuit* . Ille vivitus debet esse iunctus , id est , quem ventriculus debilis sine magno molmine bene subigit , & in laudabilem chylum convertit ; talis est ex animalibus caro tenella ; hæc vero requirit usum aeris , in quo debet tamdiu suspensi , donec fere perveniat ad primum gradum incipientis putredinis ; dein assationem idoneam , per quam coquitur quasi in proprio liquore sub eschara , ab igne accepta , qui primo lenis , dein fortior adhibetur : sed acquirunt hæc carnes facile vim quandam luxuriantem , id est , ad spermatopoielin & venerem excitantem , quæ in hoc casu minime convenit ; hinc omne initium alcali volatilis ex illis est delendum , quod fit per lenia acida , & succos fructuum horæorum , limoniorum , granatorum , citreorum , aurantiorum ; addatur etiam pauculum salis mari- ni : talis caro assumitur a debilissimis , omnia fere respuentibus ; nec stomacho fastidioso displicet . Huc etiam referuntur pisces fluviales assati , modo crusta externa rejiciatur , quia nimis nidorosum oleum continet ; inter illos cancri fluviales palmam præripiunt omnibus , hi enim carnem habent succulentissimam & candidissimam , & ex iis per coctionem in aqua fit jus , ex quo per admissionem panis bis cocti paratur cibus , qui facile digeritur , & maxime confortat , quod HIPPOCRATES jam novit , qui ipsis tabidis hoc de coctum exhibuit . Notate hic , quantum hic cibus differat a consummatis illis glutinolis , quæ per diuturnam coctionem parantur , nam ex illis avolavit omne illud subtile , in quo nutriendi juscui vis est , & relinquitur

E 3

ca-

caput fere mortuum, & gluten, quod a visceribus debilibus non potest subiugari, & in illis facile inclinat in putredinem fastidiosam.

Potus conveniens. Pro potu laudatur cerevisia generosa recens, nam quo vetustior sit, eo evadit mordacior, & magis inebrians, modo sit perfecte fermentata & sub-sidens. CORNARUS in Commentariis suæ vitæ, ubi agit de laude sobrietatis, dicit, quod in musto bene fermentato hæreat spiritus, qui nulla seculinaria vel officinali potest suppleri: hic semel fit per annum, quando vindemiae sunt, & satetur, se languidam egisse vitam, quamdiu hoc musto bene fermentato egebat; simulac vero hoc aderat, & potaret illud parva copia, se sensisse, quod vires subito redintegræ fuerint. Cerevisiae vero vino meliores sunt, easque possumus parare, quando volumus: inter eas in primis laudatur Mumma Brunsicensis, quæ omnium diutissime manet incorrupta, & Aequatoris ardores sine sensibili mutatione ferre potest. Hæc est oleosa, pinguis, roborans, & quasi syrpus Cereris; sed non debet esse nimis vetusta, nec mordax, sed papillas gustatorias blande afficiens. Qui animalia ex locis borealibus ducunt in has regiones, ut primo vere possint in prata duci, quum per summa frigora debeant armenta illa agere, testantur, se nullo potu melius sibi posse conciliare calorem naturalem, quam hac cerevilia, unde magnam ejus copiam plerumque secum ducunt.

Vina austera rubra, naturalia, non arte confecta, hic quoque sunt optimæ, qualia sunt Pisana, Florentina, Gallica, Græca, modo pauca copia simul, sed saepè repetita assumantur. Quoniam Oinopolæ vina rubra faciunt, additis Sumach & similibus, hinc ut certi simus, illam rubedinem esse naturalem, petimus annosiora.

Condimenta. Huc quoque spectant Condimenta, nam quoniam hi homines omnes fere cibos fastidiunt, ventriculum he-

betem blande vellicare oportet. Talia sunt subpingua quædam, cum muaria salis diu condita, v. g. Caviaro, quod conficitur ex ovulis piscium, ad putredinem incipientem deductis, & tunc sale conditis; hinc haleces saliti, sive recentes, sive fumo indurati, saepè adeo placent: hæc autem parva tantum copia debent assumi, nam non inserviunt pro nutrimento, sed ad instaurandam Chylopoiesin. Audietis saepè debiles illos utriusque sexus homines dicentes; a lacte abhorreo, panem non possum videre, nec carnes; si haleces haberem, forte comedere: offer illas infantibus rachiticis diffluentibus, appetent & convalescent; sed cavete abusum, nam ab eo pejora mala consequerentur.

Adhibentur etiam in hunc scopum Medicamenta externa, & in primis Theriaca Andromachi, cui additur sufficiens Mastichis copia, ut debitam consistentiam emplastri acquirat; sed quia odor ejus laxis his & mobilibus hominibus saepè admodum obest, hinc adduntur olea stillatitia Cinnamomi, Caryophylorum & Corticum Aurantiorum, sed ad paucas tantum guttas, ne exciteatur inflammatio. Tale emplastrum extenditur super alutam, & corpori applicatur a sterno usque ad umbilicum; sustinetur autem vinculis, & per duas septimanæ retinetur. Huc retero frictionem cum pannis latieis calidis, imbutis vapore Masticis, Olibani, Myrræ, Caryophylorum; hæc est summum remedium in his morbis, nam est quasi artificialis systole & diastole, quæ deficientem vasorum contractionem supplet, fibrarum vires firmat, & humiditatem dissipat, nec tamen ægrum fatigat. Fodus ex animalibus vivis & sanis est quoque summum remedium, de quo veteres jam locuti sunt, & SYDENHAMUS scripsit, quod in ventriculo languente, omnia fere per vomitum rejiciente, in primis propositum.

Accedimus ad medicamenta interna, succurrendæ Chylopoiesi prostratae

tæ idonea ; hæc omnia bili debent esse simillima , quia bilis hic deficit . Ergo primarium remedium est ipsa bilis animalium , in primis piscium voracissimorum , quorum omnium Lucius est princeps , & dein anguilla ; sumatur talis bilis recens , & cum mica panis redigatur in formam pilularem , quæ obducatur lamella auri ; hac ratione facillime potest deglutiri , & summum chylopoiesos instrumentum suppleri . Si nunc consideremus , quænam medicamenta ab auctoribus in his casibus laudata , & per experientiam probata sint , videbimus , quod hæc omnia agant tamquam verum supplementum bilis . Talia sunt Absinthium , Acorus , Carduus Benedictus , Centaurium minus , & in primis Aloe , quæ si in aqua diluatur , humorem exhibet ejusdem fere coloris , saporis , & efficaciæ , quam bilis ipsa . Miramini forte , me huc etiam referre Colocynthidem , nam hæc est virulentum purgans , quod nimia copia datum subvertit totum corpus ; si vero parca tantum copia detur , virtutem stimulantem habet incredibilem ; si guttæ aliquot infusi ejus , cum vino parati , exhibeantur , primum quasi initium naufragiæ quidem sentitur , sed simul leniter irritatur tunica ventriculi & intestinalium nervosa , & sopita actio horum viscerum resuscitatur . Eupatorium Cannabinum , Fumaria , Gentiana , Helenium , Lignum Colubrinum , & Turones Lupuli , qui bilem amarore superant , & a Zythopeptis adhibentur , ad cerevisias suas ab aciditate præservandas . Myrrha in albumine ovi soluta , liquorem exhibet , bili quoad odorem , saporem , colorem & virtutem similem , & inter præcipua remedia , quæ bilem supplent , merito recensetur . Huc etiam referto Rhabarbarum , quod colore suo , quo urinam tingit , magnam cum bile habet convenientiam ; si hoc cum paucillo Colocynthidis misceatur , summum evadit remedium . Tandem hic prodest Tri-

folium aquaticum ; nam succus ejus recens refert amarorem bilis , & notum est , quod in morbis , ubi vis sanguinem propellens deficit , & masculæ scorbuticæ oriuntur , palmarum præripiat omnibus , etiam metallicis remediis . His adhuc addo Scillam , cuius bulbus hic fere omnina facit , quæ per alia similia remedia fiunt ; hic , si magna copia detur , vomitum satis violentum excitat , & alvum movet ; si minori , operatur per diuresin . Ex his simplicibus fiunt composita , in primis Trochisci de Myrrha , GALENO jam cogniti ; Trochisci de Rhabarbaro , & similes alii ; & si Sapo Venetus , quo remedio vix aliud proprius ad bilem hepaticam accedit , misceatur cum remediis jam memoratis , nobilissimas compositiones exhibit . Si Aloe , Myrrha , & Crocus , æquali copia sumantur , & cum hoc sapone inde formentur pilulæ , habetur optimum remedium .

Notabile est de his omnibus , quod ^{Si impli-}
_{cia.} agunt plus , si per se exhibeantur , quam præparata ex iis per artem Chemicam ; sic enim diutius manent in ventriculo , & vires suas sensim per eum dispergunt . Videmus autem , in eo valde peccari , quod una vice nimia copia ingerantur . Medici quidam putant , morbos eadem fere ratione esse profligandos , qua hostes ab urbe obfessa sunt arcendi , per magnam scilicet pulveris pyri copiam , in cavernis , sub terra reconditis , simul accensam ; sed falluntur , nam videamus , quod illa , quæ sensim vires suas exercent , summopere juvent , quia a propriis liquoribus , intra corpus natis , solvuntur ; hinc si quis integros corymbos Absinthii devoret , affluentes humores ventriculi statim se admiscent , & humorem biliosum faciunt . Nihil autem hic magis vietandum est , quam remedia volatilia . Resipisco & recanto primæ ætatis errores , quando cum Helmontio & Sylvio putabam , quod omnia , quæ in corpus humanum agent , debeant prius nubere alcoholi vini . Non nego ,

hæc remedia aliquando magnas vires habere, sed in his casibus per illa idem fiet, ac si hominem frigidum, ut calefieret, in flamas projiceret apertas, cui loco lenis calor ischara in cute excitaretur, interioribus frigidis manentibus: scilicet hæc volatilia turbant omnia, nam subtilissimæ eorum partes in ventriculo statim avolant, phlegmate tantum relicto. Laudabilis autem est Therica, in primis Diateffaron, nam in his compositionibus omnia hæc amara colliguntur in unam massam spissam, quæ in ventriculo hærere potest.

Purgan-
tia.

Novistis, quod bilis propter virtutem suam detergentem etiam sit purgans naturale; hinc quia alvus in his casibus fere semper est tarda, eligenda etiam sunt talia remedia, quæ defectum bilis hac parte supplere possunt, id est, purgantia. Dividuntur hæc in Eccoprotica, sive fæces naturales tantum eduentia, & fortiora, quæ corporis humores mutatos & solutos educunt, de quibus Paracelsus scite dixit, quod sterlus faciunt, quod ante non erat, hinc Medicos, illis utentes, vocavit stercoraceos. Vera dixit respectu horum morborum, nam in iis sunt pessima, licet in aliis casibus summos usus habeant. Si ergo hic exhibetur Aloe, cum tantilla quantitate Rhei, Myrræ, & Fellis ipsius, mucus iners, qui in debilitatis abdominis visceribus hæret, sufficienti & simul blanda vi expellitur. Si autem sumas Hydragogum quoddam, v. g. Jalappam, febrem excitabis, & humores adhuc magis solutos educes. Optime de his dixit SYDENHAMUS: si in curandis morbis Hypochondriacis omnia viscera jam robasti per chalybem, & forte aliquod purgans exhibes, una vice ita dirues omnia, ut pejora erint, quam antea: saepe autem hic possumus falli, nam agræ illæ conqueruntur, se sentire pondus aliquod in officina chylopoietica, cuius ratio plerumque est exiguis spasmus, compriens aliquam portiunculam aeris vel

ingestorum, in parte quadam intefinorum hærentem: quando tunc conflictantur cum molestissimis flatibus, urgent medicos, ut exhibeant purgantia, quodsi illi commiseratione commoti illa exhibeant, sero vident, pestimos inde sequi effectus.

Nunc opinor, me dedisse certam Restitu-
methodum curandi infinitos nervorum
morbos, qui omnes oriuntur ex hac
radice, debilitata nempe chylopoiesi,
nulla attentione habita ad varia
illorum nomina, utpote quæ huc re-
vera nihil faciunt. Sequitur nunc secunda pars indicationis medicæ, ad
curandos hos morbos, scilicet restitu-
tio Hæmatopoiesios.

Sanguinis nomine hic intelligo illum liquorum, qui in homine perfecte sano invenitur in arteriis & venis. Hoc liquidum, Græcis αἷμα vocatum, oculis appetit homogeneum, rubrum; hoc continet omnia in se, quæ ad diversa corporis loca delata, & per variam organorum structuram mutua, fiunt liquores secreti, cuique parti proprii: hic sanguis est creatura singularis admodum naturæ, in omnibus animalibus determinatae, & in singulis diversæ, adeoque in homine est humanus, in nullo alio animali reperiundus: hic sanguis, aliunde infusus, non est sanguis illius hominis, cui infunditur, quemadmodum infusiones, præterito seculo in Anglia aliisque regionibus celebratae, docuerunt, quibus Medici nonnulli putabant, sanguinem novum, Medeæ more, posse derivari in decrepitum corpus humanum, adeo ut putarent, se panaceam invenisse contra mortem; sed audax omnia tentare gens humana magis saepe excidit autis, & ubi naturam ad suum lubitum vult regere, saepe sero sapiens suo cum damno fallitur. Institutæ fuerunt illæ injectiones multis in locis, & humores infusi potuerunt aliquandiu sustinere corpora, in quæ infundebantur, sed naturam illius corporis mutare non poterant, hinc sponte breve tempore illa methodus evanuit, ita ut

jam

jam in nullo omnino sit usu. Ergo sanguis est unicuique homini proprius, omnisque proportio omnium in eo contentorum est æqualis viribus naturalibus hominis conficientis. Hinc patet, quid sit sanguinem confidere intra hominem; nempe sumere corpus humanum datum, illudque sic dirigere, ut operetur secundum naturæ suæ institutum, id est, ex non sanguine faciat sanguinem, quo semel facta omnia restituuntur, quæ ab ejus defectu in illo corpore læsa erant. Difficulter autem determinatur, quid proprie mutetur in humoribus, dum sanguis inde conficitur; sufficit, ut sciamus per experientiam, quod debeat superstes esse tantum vitæ, ut corpus ab omni impedimento levatum, & requisitis instrumentis instrutum, valeat ex non sanguine facere sanguinem: nam talia corpora, quæ v. g. per tabem jam sunt consumta, nihil conficiunt sanguinis rubri; faciet Medicus quocumque velit, agit incassum, nam pulmo, qui hæmatopoiesin maxime promovet, non amplius laborat. Ergo hic est limes, & non possumus sanare, nisi talia corpora, in quibus tantum adhuc supereft de natura, ut eo quod obest demto, & eo quod deficit addito, possint ipsa confidere sanguinem.

Nunquam vero natura parat sanguinem, nisi ex lacte, quod in viro æque verum est quam in foemina; & hoc lac est idem, sive retineatur intra corpus, sive detur infanti extra corpus: ergo debemus prius instaurare Galactopoiesin, antequam possumus restituere hæmatopoiesin; sed Galactopoiesis differt tantum paucissimis horis a Chylopoiesi; nam vacca mulgeatur mane, evacuentur penitus ejus ubera; hoc facto statim ventriculum implet gramine, ruminat, & post duodecim horas eadem adest lactis copia, quæ erat ante duodecim horas; siccet hoc animal, ut non præbeat lac, brevi pinguescat & suffocabitur, nisi iterum concipiat utero: itaque Galactopoiesis est effectus chylopoiesios,

*Per Ga-
lactopoie-
sis.*

adeoque si deficiens portio rubra in sanguine sit restituenda, prius debet instaurari Chylopoiesis, & Galactopoiesis. Pulchrum experimentum habemus circa Galactopoiesin in foeminis, quod sub prætextu lactis examinandi in usum infantum facilissime potestis instituere. Nutrix sanissima tota nocte aluit infantem, matutino tempore siticulosa prohibeatur ab omni cibo & potu, erit inquieta incipietque febricitare, & languescere; infans admoveatur mammis, accipiet lac, sed detestabitur cum ejulatu: Medicus gustans deprehendit esse falsum; detur huic mulieri potus Caffè cum lacte, aut panis cum lacte vel recenti cerevisia; infans post horam applicetur überibus, ducet lac, quod jam erit candidum, pingue, blandum, dum prius erat flavescens, tenue, & utcumque acre: ergo Chylopoiesis restituit intra horam lac verum, quod non amplius est chylus, nam ex eo poterit formari caseus, qui ex chylo fieri nequit; & promovetur illa facile, si instrumenta chylopoietica omnia sunt integra; requiritur tantum, ut chylus ope respirationis permisceatur sanguini, & subactus transmittatur per pulmonem, & ex eo in cor sinistrum & totum corpus, & post duodecim horas jam erit mutatus in materiam sanguinis.

Chylus est liquor turbidus, cito *Chyli* acescens, si ex cerealibus sit confe*cum lacte* ctus; hoc ad ipsum patet gustum, *compara-* nam si homo debilis ventriculum suum nil nisi acescensibus repleverit, saepe ructus edet acidos: lac vero, ex illo chylo confectum, amict partem de indole illius chyli, & induit partem de natura corporis humani, nam dum chylus intra trihorium acescit, lac per duodecim horas dulce manet: Chylus optimus nunquam abit in caseum, sed tantum in cremorem, & in aliiquid, quod per calorem potest inspissari in speciem tophi concreti; a lacte vero per solam stagnationem separatur butyrum, & tunc vocatur defloratum; excusso sic *omni*

omni oleo potest illud lac coagulari in massam scissilem, cui nihil in tota rerum natura simile est; hæc massa ita cohæret, ut olla, qua continetur, subverti possit, illa non elabente; separatur hæc iterum in serum tenue limpidum, & crassum durumque colostrum, quod si fortiter prematur, dat veram speciem cornu, quod ad ignem ad magnam ductilitatem potest trahi. Totum interim hoc lac in bobus, spatio duodecim horarum, ex fabrica illorum naturali factum fuit. Non loquor nunc de illa lactis generatione, per quam tam copiosum est in nutricibus, in quibus semper major est ad mammas determinatio: hinc dixit HIPPOCRATES: si velis, ut lac generetur in mammis, vel si in parturientibus nimius fluxus fiat ex utero, applica magnas cucurbitas mammis, tunc fluxus ille cessabit, & lac generabitur.

Per exercitationem.

Omnibus jam factis, quæ ad chylopoiesin & galactopoiesin pertinent, hæmatopoiesis in primis perficitur per exercitationem corporis necessariam. Virgines volunt nutriti ex suis assumptis, ergo debent inde prius confidere sanguinem, verum saepe se nolunt movere, & tunc generant faburram, qua totum abdomen infarcietur. Si vero exerceant suum corpus pervectiones in equo, rheda, carpento, & per frictiones, habebunt brevi hæmatopoiesin restitutam: in primis autem hoc debet fieri vacuo corpore, nisi magna fames adsit, quod HIPPOCRATES jam monuit. Hic vero motus eo magis necessarius est, quia residuum ingestorum, unde chylus confectus est, debet expelli, aliter corpus gravabitur. Huc autem requiritur bilis, quæ hic deficit; hæc autem etiam restituitur, restituta parte rubra; hoc iterum pendet ab elasticitate arteriarum, sed illa non habet efficaciam in humores, nisi auctis respiratione & motu sanguinis; nec illa auctio fiet, nisi motu animali aucto. Hæc exercitia semper pulcherrima sunt ante prandium, vel sub fine digestionis, in-

primis si illis jungatur somnus paulo plenior; & quando hæc vicissitudo laborum & somni bene observatur, omnia procedunt ex voto; plus enim laboranti debet concedi quietes plenior.

Transeo nunc ad Chemicos, qui ^{Per remes} dixerunt, vires deficientes solo auro dia ex posse instaurari; hoc autem non affirmant de auro crudo, sed magico, & PARACELSUS dicit cum SUCHTENIO & VALENTINO, illud hæret in ferro, & ex connubio veneris & martis elici illud solare remedium, corpori humano adeo amicum, nuspia alibi reperiendum. Mitto multa magnifica, quæ Chemici de ferro dixerunt; sufficit consulere experientiam, & videre, an per remedium metallicum possimus efficere, quod per omnia alia medicamenta est impossibile. Sit mulier, cui viscera sunt debilia, fere paralytica, hydro-pica, in specie chlorosi laborans; hic nulla adest inflammatio, nulla puris collectio, sed debilitas, frigus universale, pallor, & tumor; cibi potusque assumpti mutantur quidem, sed secundum suam naturam, id est, in succum acidum, si acescentia sumant, & in putridum, si alcalescentibus utuntur: exhibeas tali corpori omnes de vegetantibus confectas medelas, (provoco ad omnium Medicorum experientiam) non potes efficere, ut dissipato tumore, & redeunte rubro colore grato, restituantur Hæmatopoiesis: des autem tali mulieri decem grana ferri bis vel ter de die, & intra octo dies jam videbis ortum esse calorem majorem, redire colorem roseum, omnem tumorem evanescere, fæces nigras excerni, lotium continuo magis magisque flavum prodire, omnesque functiones evadere alacres. Ergo hæret in hoc metallo aliquid, quod potest se insinuare in corpus humanum, & valet efficere, ut calor nativus, & copia sanguinis rubri generetur: hoc postquam Medici per multa experimenta probatum viderant, omnes con fugere ad Chalybem. Requirit argumenta

menti dignitas, ut de hujus usu & abusu paucis differamus.

HELMONTIUS filius edidit tractatum quendam de contemplatione hominis, ubi dicit, si id sulphurei, quod metallum facit esse sui generis, eo possit reduci, ut possit inseri in sanguinem humanum, quemadmodum ramus Pirri inseritur in aliud Pirum, atque ita subigi, ut simul agat cum inquinatis humoribus, orietur instauratio illius corporis; si vero nimia detur copia, destruetur illud corpus. SENDIVOGIUS dicit in historia Sulphuris, quod veteres Chemici, invenientes in auro constantissimam naturam, cogitaverint, quod hoc reductum in liquorem, & permixtum corpori humano, illud ita posset instaurare, ut vires naturales augerentur; sed si copia majori daretur, quod illud corpus destrueret.

Ex Ferro In usus medicos debet eligi ferrum maxime molle, penitus nativum, ignem non vel saltē parum passum, id est, verum & simplex crudum. Neutquam debet sumi ferrum, jam mutatum in chalybem, quæ compactior, durior, & magis splendens est, quam ferrum; hæc enim fit, quando ferrum crudum, semel fusum, cum ossibus vel unguis animalium calcinatur, & tunc illud sulphur metallicum, in ferro prædominans, cui effectus ejus in his morbis debetur, per alcali volatile rosū, vi ignis quoque volatile redditur, & pars mercurialis siue metallica manet tanto compactior; adeoque Chalybs est pars ferri metallica densata, & sulphure suo privata: discimus hinc, quare illi, qui Chalybem in his morbis adhibent, non obtineant illud, quod querunt; & quare nonnullæ ferri fodinæ habent hoc remedium in se supra alias, quia nempe exhibent ferrum molle, malleabile, & facile ductile.

Tale ferrum, ita constitutum, ut Et Acidu. in corpus nostrum intrare possit, in līs ferra. venit in Acidulis ferratis, in quibus deprehenditur a Natura solutum, quod PARACELSUS sua phrasi vocavit Ferrum Embryonatum. Tale est in

fontibus spadanis, in quibus Vulca-nus semper ardens jam per aliquot secula quatuor venas exhibuit, Geronsterinum, Pouhontium, Sauvenirium, & Tonnelet, in quibus omnibus est ferrum, nam cum gallarum infuso misti nigrum acquirunt colorem, & si evaporentur, Ochræ quan-dam speciem in fundo vasis relin-quunt, & salem quendam non imita-bilem exhibit, qui utcumque est alcalinus. Si hæ Acidulæ corporibus debilissimis dentur, manu quasi divi-na instaurantur; sumant illas cum laete recens multo, quod inde non co-agulatur, sed contra diluitur. Certe hic subsistit ars, & cedit naturæ, nam nunquam simile quid ulla ratio-ne formare potui. Feci ex sulphure, cum ferro trito, & aqua assusa, mi-rabile illud corpus, quod in pastam redactum, & sub terra reconditum, sponte flamas concipit; paravi inde vitriolum martis, quod in aqua so-lutum, & per coctionem paululum inspissatum, fontes illos refert, sed lacti admixtum illud coagulat, quod aquæ spadanæ non faciunt: neque has aquas ferratas ad minus spatium pos-sumus redigere; nam si spadanæ evapores ad dimidium, perit omnis vir-tus, & scoria cadit in fundum. Mag-nis encomiis semper celebratæ sunt hæ aquæ, & de iis merito dicit SY-DENHAMUS, quod, si aliæ ferri præparationes morbo vincendo sint inpa-rides, ægri ad aquas Spadanæ ablegari debeant.

His vero deficientibus, optimum ^{Cautelæ} in usu ferri. est ferrum recens limatum, & quo pollēn tenuius est, eo melius, sed hac cum cautela, ut nunquam adhibeatis, ubi Alcali prædominatur, nam tunc aquæ Spadanæ etiam nocent. Sed quan-do ferri ramenta occurrunt acido, statim ab eo solvuntur, & fit species vitrioli in ventriculo, sed subtilis & volatilis, & ex hac actione oritur calor, ad minimum per horam durans, reliquas actiones excitans, & quasi vivificans. Si vero pituita iners hæ-reat in ventriculo, ferrum cum illo glutine inviscatum fit pasta indoma-bilis;

bilis ; sed in hoc casu nihil melius est , quam exhibere ferrum cum cerevisia generosissima , vel vino Rheno acescente , nam tunc fossile principium unitur cum fulphure acido vegetabili ; debet etiam dari ventriculo ab omni cibo , quantum fieri potest , vacuo ; aliter enim facile inviscatur & retinetur , quod in primis metuendum est , ubi alcalescentia in ventriculo haerent . Si vero in ventriculo abundat materia mucosa , catarrhoa , phlegmatica , quod in frigidis his hominibus familiare est , semper debet praemitti emeticum aliquod , quod illam materiam expellit . Si hæc non feceris , pulvis ferri inviscatus haeret in materia inertis ; & si majori copia detur , miscet se priori ferro , & tunc incipit in ventriculo rubiginosum fieri ; hinc summopere nocet , nam illi homines redduntur anxii , ructibus pleni , & strictam alvum habent . Sument ergo tales homines grana quindecim pulveris Ipecacuannæ ; vel infundatur drachma hujus radicis cum sesqui uncia aquæ , vel pulvis ille potest cum succo Glycyrrhizæ formari in pilulas . Pro meticulosis habemus aliud vomitorium lene , nec ingratum : sument nempe Theam Chinensium , quam nostrates vocant Theebœ ; si hujus drachmæ duæ vel tres infundantur cum duabus vel tribus unciis aquæ , spissus & amarus fit hauftus , qui ventriculum subvertit , & pituitam expellit : hæc autem repurgatio primarum viarum non debet esse fortis , sed eum tantum in finem instituitur , ut ferrum non possit retineri , inviscari , & in noxiū corpus mutari .

Utatur interim ægra diæta ex vendita sub getabilibus , quia hæc magis in acido uti ferri . dum vergunt , quam in alcali ; nam quia ferrum natura sua acido contrarium est , hinc ab alcalinis intra corpus mutatur in adstringentem & insolubilem crocum . Laudabile igitur est lac , serum lactis , lac ebulyratum , licet omnes fere scriptores dix-

tetici illud prohibeant , sed immerito : nam lac a ferro nunquam coagulatur vel præcipitatur , sed contra propter suam acescentiam juvat solutionem ferri . Hinc HOFMANNUS observat , quod , si homines illi languentes latente cum aquis ferratis misto utantur , dum adhuc in lecto jacent , nullum unquam coagulum inde oboriantur . Idem etiam de limatura ferri cum latente verum est . In hæc diæta etiam admittuntur tam pisces quam carnes assatæ , modo cum condimentis acidis assumantur ; debet etiam esse siccata , ne aqua diluens debilitet iterum , quod ferrum instauraverat .

In exhibendo ferro incipiendum est a dosi minima , quæ sensim augeri debet ad grana quindecim , quæ est summa dosis ; hæc repeti potest bis vel ter de die , ventriculo maxime vacuo five hora ante pastum , ut solutio jam facta sit , priusquam cibis occupet ventriculum : continuandum est in ejus usu , quandiu rubrum in sanguine deficit ; sed simulac signa apparent restitutæ virtutis hematopoieticæ , abstinentem est ; si nempe color roseus redeat , & expulsus fit aquosus languor , nam tunc etiam redibit calor naturalis , qui nimius foret , si pergeretur in usu ferri : illud etiam non nocet , quamdiu excrements manent nigra , nam tunc adhuc mutantur in vitriolum ; postea vero magis flava sunt , & dein in argillam quasi compinguntur , & tunc eo non amplius utendum est ; neque tunc Acidulae magis convenient .

Monui jam , quod plane prohibeatur usus ferri in omni morbo , ubi prædominatur alcali in primis viis ; addo nunc , quod etiam noceat , ubi fomes putridus adest in quacumque parte corporis ; nam omne putridum præcipitat ferrum ex suo solvente , & pulvis præcipitatus est adstringentissimus , hinc oriuntur oppressiones & anxietates . Nec convenit plethoricis , nam tunc augetur malum , quoniam morbi non minus periculosi oriuntur ab excessu , quam a defectu sanguinis rubri .

rubri. Vetur etiam, ubi tumores scirrosi adsunt, nam quia corporis robur auget, hinc facit, ut sanguis magis magisque arietet in illum scirrum, & producat cancrum: utantur illi ægri potius melle in aqua soluto, & succo espresso graminis; certe vis solvens, quæ in ferro est, non pendet a materia ferri, sed quia fibræ, nimis debiles ad propellendos humores, accipiunt majorem vim elasticam: ubi exulceratio quædam adest, pessima mala facit, nam idem ulcerus, quod antea adhuc fundebat bonum pus, nunc ita mutatur, ut ichor, imo virus tenuissimum & erodens inde exstillet. Omnibus tandem melancholicis & atrabiliariis, sanguinem amurcosum habentibus, summopere officit.

Vos etiam monitos volo, quod Quid a. effectus ferri statim desinat, simulac gendum ab ejus usu abstineatur, hinc ægri, forti. licet curati, facile iterum recidivam patiuntur, nam ferrum per se non facit bonum sanguinem, sed quia vita deficiens per illud excitatur, hinc si deficit illud excitamentum, corpus facile ad pristinum statum reddit; hoc autem præcavetur per solum exercitium, cujus ope fibræ per ferrum intakurantur, & humores densiores facti in hoc statu manent; dicit enim sanguinem venosum ex venis, in quibus quasi stagnabat, ad cor dextrum, & ex eo ad pulmones, in quibus magis compactus & densatus redditur cordi sinistro; hoc vero requirebatur, nam aliter concrevisset, nec homogenee compactus, vel tuber redditus fuisset, quæ omnia, uti novis, ab actione vaforum pulmonis pendent. Hujus locum supplet frictio, quæ vasa reciprocè premendo iterumque laxando systolen & diastolen imitatur. Confert hic etiam victus siccus, & absoluta a potibus calidis aquosis abstinentia, nam illæ in morbis oppositis laudantur. Quod si ægræ his præscriptis nolunt obedire, nunquam curationem promittit: contra semper bonus sequetur effectus, si diætam

sicciam & motum animalem diu continent.

Hæc tenus vidimus; quæ requiruntur ad restituendam Hæmatopoiesin: Restitutio Pneuma- topoie- fios.

dico nunc, quod hac bene succedente restituetur etiam Pneumatopoiesis, id est, confectio spirituum. Voco Spiritus ultimum illud opus nostræ naturæ, quod in nobis perficitur ope omnium instrumentorum, per vires nostri corporis applicatorum ad humores crudos. Hæc vero applicatio pendet a capacitate vasorum, quæ nullibi in toto corpore angustiora & magis intorta sunt, quam ubi spirituum officina est, quorum vi tenuissimi humores præparantur, & ducuntur ad nervos. Prout nunc augetur rubrum in sanguine, augentur etiam spiritus; his deficientibus omnes motus languent, omnisque generis morbi nervorum oriuntur. Ergo non opus est, ut anxie solliciti sitis de defectu spirituum supplerendo; restituite rubrum in sanguine, & morbus sanatus erit; statim omnes functiones corporis, quæ a præsentia spirituum pendent, restitutaæ erunt. Hoc non potest fieri per aquosa, nam spiritus deficiunt, si aqua in sanguine abundat. Chemici putabant, quod spiritus possent gignere, si spiritus rectores v. g. Cinnamomi vel Rosarum in corpus infunderent; sed hi spiritus faciunt calorem in corpore, quamdiu applicantur; sed postea corpus iterum frigescit, & eo magis, quo calor præteritus major erat. Neque vim hue facit, nam quo majori copia hauritur, eo corpus facit debilius, ita ut illi, qui magna vini copia corpus impleverunt, sequenti die spiritibus quasi destituti sunt.

Chalybs ergo est etiam illud medium, quod restituit Pneumatopoiesin, quatenus excitat vim solidarum partium, quæ coctionem humorum promovet. Quæritur, cur ferrum curret hos morbos? vidimus, quod chalybs facile rodatur ab acidis, unde vapores sulphureos emittit, & partes metallicæ mobilissimæ redduntur per rodens acidum;

acidum; fit porro inde species vitrioli, quod cum acidis, quæ sunt in ventriculo, agit ut vitriolum, sed in Colo est fæx putrescens, ergo ibi nigriscit, & deponit naturam vitrioli. Componite hos binos effectus, & intelligetis virtutem, qua Chalybs morbos nervorum corrigit, solida roborat, & vires auget. Hinc curat hypochondriacos & hystericas, si languor sit ex absentia sanguinis rubri, vel præsentia humoris acidi, visceribus interim integris; nam ubi viscus quoddam exesum est, propinando ferrum, acceleratur ultimum fatum, & dum putamus restaurare vires, ægri suffocantur; hinc in phthisi pulmonali nocet, partim quia febrem hecticam per sulphur suum volatile auget, partim quia motum pauci sanguinis, qui adhuc supereft, vi sua adstringente accelerat: sed in illa tabis specie, ubi viscera sunt integra, nec ulla adeat inflammatio, suppuration, vel scirrus, quæ in Virginibus & infantibus aliquando obtinet, & ex mera inertia oritur, ferrum est optimum remedium, in primis si aquæ martiales communi ægrorum potui admisceantur. Magna quæstio est, an ferrum etiam in hydrope conveniat: nonnulli habent pro unico remedio, alii contrarium affirmant; utrique vera dicunt: si nempe hydrops oriatur ex solo languore frigido, & solidarum partium inertia, ita ut visvitæ non valeat aquam diffidare de corpore, certissime prodest, nam calorem auget, & febrem excitat, sine qua hoc malum, teste HIPPOCRATE, curari non potest; si vero aquæ jam incipient putrescere, & febris hectica, scirrus, vel cancer adfit, ferrum nocet.

Hæc opinor sufficere, ut exponam, quid proprie sentiendum sit de mirabili virtute ferri, quatenus exercet veram virtutem medicatam, & quaque ratione lites, inter medicos natæ, componi possint: & sic absolvvi aliud genus morborum, qui in nervis obtinent, quatenus laborant ab ea cau-

sa, quod in sanguine arterioso, per vim arteriarum ad piæ matrem applicato, deficiant partes rubræ. Explicui ergo morbos nervorum, quorum origo non in nervis, sed in sanguine hæret, cuius vitio correcto, præsto erit materies, quæ requiritur, ut, si viscera fuerint bona, ulterior naturæ coctio perficiat spiritus.

DE ACRIMONIA SANGUINIS IN VASIS PIÆ MATRIS.

Quæritur nunc, si in sanguine, An acris qui ope piæ matris applicatur ad corticem, hæreat aliquid acre, quales morbi inde orientur. Considero acrimoniam respectu nervorum in locis nostris corporis, ubi nudissimi sunt; nempe in tunica oculi, narium, & tracheæ, & in lingua; & voco omnem illud acre, quod in oculo immisum vel lingua exploratum sensum doloris excitat; quod naribus attractum sternutationem movet; quod pulmonibus receptum tussim producit: nullo in loco acrimonia magis apprehenditur, quam in organis respiracionis, ubi nervi propter acutissimum sensum fidelissimi nuncii sunt, ne quid peregrini in pulmones illabatur: admittuntur multa intra corpus, quæ non admitterentur intra oculum vel pulmonem: cerevisia v. g. placide transit in ventriculum; hæc tamen tracheæ inmissa tussim facit; oculo instillata dolorem excitat. Si vinum, quod linguam demulcat, calefactum trahatur in pulmones, tussim creat; oculo instillatum dolorem intolerabilem facit; & hæc est idea acris, quod nervis custodibus applicatum eos afficit specie molestiæ vel doloris. Si acrimonia talis in hoc sanguine sit crassa, nunquam admittitur intra corticem, quia cortex accurate a suis membranis solitus plane insipidus est sine ulla saltedine vel acrimonia, quum interim in sanguine, quæ huc adfertur, quædam salbedo sit, uti docent lacrymæ;

crymæ ; sed omne illud acre debet detineri ad fines piaæ matris , & si nimis peccet , potest ibi malos effectus producere .

Videntur autem paucissima acria , & parva valde copia sanguini permista , huc unquam posse pervenire , quæ si vasis corticis insinuata sint , forte ulterius pelli poterunt , actionemque nervorum mire turbabunt ; nec ullum apud auctores invenio exemplum , quod cerebrum fuerit læsum ab acri quodam , in sanguine corticis hærente , nam quando cortex deprehenditur exesus , hoc factum fuit a sanguine extra vasa effuso & corrupto , vel a carie offis : neque latet hujus rei ratio , nam corpus humanum sic constitutum est , ut per motus automaticos omne acre expellat ; veniat fumus acriis alii ad oculum , statim se claudit ; intret minimum Hellebori in nasum , oritur motus non sistendus , & totum corpus concurrit , ad acre illud expellendum : nec hoc tantum sit , sed etiam omnes humores ab omnibus corporis partibus advocantur , ut acre illud diluant : quantæ lacrymæ confluent ad oculos , si ab acri quodam attinguntur ! eodem modo ab acribus , ventriculum & intestina ingressis , fit diarrœa ob copiam liquorum , qui antea tanta copia non affluebant : ergo Auctor naturæ non solum corpus instruxit machinis , quibus acre expellit ; sed talibus etiam , quibus acre mitificat & iners reddit . Quid ergo hæc contingunt in majoribus organis , eadem etiam fient in minimis & interioribus corporis partibus , quæ in majoribus & visilibus observamus ; ubi materia critica solvitur , quam miri oriuntur motus ! simulac venenum pestilens corpus valentissimum aggreditur , oritur horror , quasi corpus gelida aqua esset supersum , & se constringeret , ut ingressui illius veneni resistat ; dein sequitur febris , ut illud malum expellatur . Inanis ergo metus est , quod ubiquique in corpore acria adsint , nam in

tota corporis circumferentia adsunt meatus , per quos sudoris forma exeunt ; certe in sudore manifesta acrimonia percipitur , & si ille per motum in corpore excitatum augeatur , odor ejus & sapor docent , acria genita per hanc viam expelli : emunctoria bilis & urinæ expellunt etiam quicquid acriis in sanguine hæret , & si humores per febrem velocius agitantur , urina statim fit coloratior , adeo ut vix aliquid retineatur , nam reliqui humores blandi sunt : ergo nullum acre poterit pervenire ad corticem cerebri , nam ibi sunt functiones principes , quæ ab eo statim turbarentur .

Unicum tamen acre quod corticem ^{Et quæ} intrare posse videtur , est spiritus stillatius , fermentatus , vegetabilis ; hic autem nunquam elaboratur a natura , sed solius artis inventum est . Nunquam ulla arbor in servidissima Africa spiritus exhibuit : est ibi Palmæ quoddam genus viniferum , quæ per vulnus , æstivo tempore inflictum , tenue liquidum fundit , quod recens haustum refocillat corpus , & si per aliquod tempus servetur , & tunc sumatur , temulentum facit hominem ; ex quo per distillationem spiritus ardentes prodeunt ; sed si liquor ille non bene tegatur , & spiritus rector dissipetur , intra viginti quatuor horas fit acetum . In omni vino hi spiritus sunt , non tantum ex eo , quod ex baccis uvarum paratur , sed etiam in cerevisia , si ve Cereris vino ; neque differunt effectu , nisi quod ex uno diutius in corpore maneant , quam ex alio . Quo vinum est generosius , eo diutius in corpore manet ejus effectus , hinc ebrietas ex vino Hispanico vel cerevisia generosa sequenti die adhuc sentitur ; sed illi spiritus , qui ad summam subtilitatem deducti sunt , citissime quidem temulentiam excitant , sed quæ cito etiam desinit . Hic effectus volatili cuidam principio debet adscribi , nam optimum vinum , igni impositum , abit in vaporem , quæ potius inducit tormenta

ventris quam temulentiam. Exhalet ex vino fragrantia, admisso aere calidiori; destilla dein; dabit adhuc spiritus, sed non tam odoratos, nec illi facient tantam temulentiam, quam vinum generosum, vase clauso servatum. Si vinum modice potetur, in primis ab homine non assueto, eo plus calefacit, quo plus de hoc volatile habeat; porro exhilarat usque adeo, ut homo se promptiorem sentiat ad exercendos sensus & motus, & fiat assabilis, comis, liberalis. Si quis exhaustum se sentiat per meditationes, assumpto vino, mox erit alacrior, calor augetur, pulsus assurgit, hinc vis major accedit cordi & arteriis, ut sic etiam cerebrum & cerebellum afficiatur; nec ulla est functio, quæ cerebro, cerebello, vel nervis adscribitur, quæ hinc non excitatur. Nemo est adeo melancholicus, quin paulo meracior potus pro tempore exuet ejus tristitiam; sed dari debet moderata copia, nec spiritus illi solitarii propinandi sunt. Habemus ergo remedium, illico efficax, nunquam destituens, excitans omnes actiones nervis adscriptas, hinc utile in omnibus generis nervosi morbis, quatenus a solo defectu spirituum pendent: sed quod cito fit, cito perire, nam omnia organa, quæ ad actiones suas exercendas aptata erant, postea tanto ineptiora relinquuntur, quo magis excitata erant; hinc oritur fatalis necessitas hoc medicamentum repetendi, & quidem eo major, quo vivacitas, & alacritas majores erant; & si homines huic necessitatem obdiant, incipit tandem totum systema omnium functionum languere, omnesque actiones pendebunt a potu illo repetito.

**Effectus
inde pen.
dentes.** Si spiritus illi, uberiori adhuc copia assumti, incipiunt acquirere calamorem corporis humani, majorem adhuc mobilitatem accipiunt, & longe alios effectus pariunt. Novissimis, quod calor hominis sani in Thermometro Fahrenheitiano sit nonaginta duorum vel trium graduum. Si cerevisia, vel vinum meracum, spiritibus turgens,

puris vasis vitreis exceptum; tanto calori exponatur, alcohol solum separabitur; si ad hunc calorem accedit motus conquaſſans, tunc spiritus longe citius separantur; residuum factuum est & iners, nec amplius inebrians. Si ergo hi spiritus, qui in vino & cerevilia sunt, calori corporis humani committantur, & in eo agitantur, debent summa agilitate moveri; & si magna copia sumantur, deducunt corpus humanum ad eum caloris gradum, ad quem plethoricos quandoque per febrem ardentem deduci videmus: humores tunc debent necessario rarefcere pro incremento illius caloris, hinc longe amplius spatium occupabunt, & vase expandentur; & si majori copia potentur, quam ut vinum assumptum calefcere & moveri possint, homines illi aliquando cadunt suffocati.

Si Alcohol assumitur solum, omne liquidum coagulatur, omne solidum comburitur; saliva enim, sanguis, bilis, serum, lympha, mixta alcoholi, ad octoginta gradus calido, coagulantur in materiam scissilem, & tunc sequuntur morbi a coagulatione humorum: haec omnia autem fiunt a potu, injectione, inspiratione, applicatione horum spirituum. Olfactus æque facit hoc, quam potus; hinc Qinopolæ ſæpe ebriosi apparent, licet vivant sobrii; in primis halitus fermentantis liquidi terribile est venenum. Difficiles inde & ſæpe desperati oriuntur morbi, curabiles adhuc, quam diu pulpa cerebri nondum est corrupta, nec nervi exsiccati. Si hos potus fermentatos simul & ſemel ebriosis eripias, in summam incident ægrimoniam & melancholiam, ita ut ſibi ipſis manus infendant, vel consumpti pereant.

Vix datur morbus, nervis proprius, qui a potu horum spirituum nimio non oritur. Primus horum est levis vertigo, & simplex titubatio in omnibus musculis, ita ut homo vacillet, & lingua ejus balbutiat. Ubi quis hunc gradum ebrietatis edormivit, tunc ad se redeunſ totum fuum corpus pre-

Morbi
nervorum
ab ebrie-
tate.

prehendit debile, frigidum, minus mobile, sitiens, oriturque febris, quam crapularem vocant. Si vero maxima copia potus assumpta sit, oriuntur vertigines summæ, vacillationes muscularum, dementia, phrenitis, & omne deliriorum genus; ratio eos destituit, memoria est labilis; non ratiocinantur, sed incondita loquuntur, & easdem res millies repetunt; fiunt tremores in toto corpore; paralyses in palpebris, genis, labiis, capite, brachiis, ecstasis, catalepsis; imaginationes omnis generis, tam furibundæ, quam jocose; convulsiones in omnibus fere partibus, amentiæ pueriles, tetani, epilepsia; & si diu duret talis ebrietas, sequitur vera Apoplexia & mors. Veteres ergo non immerito finxerunt, quod Bacchus possit mutare homines in omne brutorum genus. Si hæc tantum semel fiunt, & homo ad rationem rediens postea abstineat ab immodico potu, omnia symptomata post paucos dies iterum cessant.

Si nunc spiritus illi a reliquis suis elementis separantur, remanet aqua cum paoco oleo & acido, & spiritus separatus vocatur eliquatus, qui tam volatilis est, ut in calore æstivo, qui vix unquam octoginta gradus superat, avolet, si vase aperto aeri exponitur. Quo ergo plus sumitur vini, his spiritibus divitis, eo citius morbi ab ejus usu fiunt; sed qui eo citius cessant, si non necant. Si ille spiritus purus sive alcohol sumitur, tunc oriuntur affectus, sed qui non pendent a nervis, nam omnes humores coagulantur, & solida comburuntur in siccum friabilem massam. Quando homo se his spiritibus semel dedit, semper ab his penderbit, & nil minus fere poterit, quam momentum sobrietatis, nec unquam contentus erit, nisi ebrius, & si non indulget, miri nervosi generis morbi orientur. Vidi hominem, qui per spirituum horum abusum, incidebat in palpitationes cordis, tremores, anxietates; si vero tantum uncia spiritus vini illi dare.

Tom. I.

tur, statim hæc mala tollebantur. Vidi juvenem, ex nobilissima stirpe genitum, ad omnia fere aptum, qui debacchationibus se dederat; tantos ille patiebatur dolores, ut nec ipsum lectum ferre posset; sentiebat probe, quo delapsus esset, & dicebat etiam, quod non posset redire ad sanitatem, quia non poterat abstinere ab his spiritibus, & sic brevi tempore extinctus est, viginti tantum & duos annos natus. Vidi studiosum, his spiritibus deditum, in quo, aliquot menses ante mortem, nulla pars manebat libera a convulsione, & qui tandem ita contrahebatur, ut genua ad mentum ejus accederent, & hic suffocatus est ante primum & vigescendum ætatis annum.

Omnia hæc mala possunt etiam oriri, si spiritus illi externe per fumum vel injectionem corpori applicantur. Novi, quod Podagricus quidam suffocatus fit per spiritum vini calidum, in quem se immittebat.

Infans recens natus balneo vini immittebatur, ut depuraretur; convulsus inde fuit, & brevi moriebatur.

Mos fuit in castris & Nosocomiis gallicis ulcera lavare cum spiritu vini, sed hac methodo non potuerunt sanari. Postea laudaverunt aquam reginæ Hungariae, vel aquam vulnerarium, quæ vulgo vocatur Eau d' arquebusade, sed partes inde redditæ sunt rigidæ & immobiles.

Morbi, qui ab hac causa oriuntur, sunt adhuc curabiles, quamdiu pulpa cerebri nondum corrupta est, nec nervi exsiccati sunt; sed tunc opus est abstinentia a spiritibus fermentatis, quæ tamen lento gradu & æquabiliter procedente debet fieri: hinc improbavi semper methodum illorum Medicorum, qui ægros, sero sapientes, a vinis meracis statim damnant ad aquam, a cibis lautis ad juscula tenuia; & sèpe deprehendi, quod ægri hac ratione in melancholiā delapsi ad horrenda remedia confugerint: consuetudo enim est altera natura, ita ut ipsum malum per consuetudinem fiat bonum,

Cura
morbo-
rum ab
hac cau-
sa.

F

& o.

& omnis subita mutatio pessima sit, licet a malis ad bona fiat. Confert etiam victus siccus ex rite fermentatis, & diu ad crustularem duritatem coctis, hinc nil melius est pane bis cocto; simul debet augeri labor, sed per gradus.

Cave autem a vomitu, repleto adhuc ventriculo; saepe enim pressa aorta descendente, impetuque ad caput delato, arteriae encephali rumpuntur.

Quæritur nunc, an alia quædam sint non fermentata, quæ tamen eandem vim habent in corpus humanum, quam hi spiritus, qui mordaces & simul grati, fallaci sub blanditie acrimoniam tegunt? Certe vix videtur aliud esse, quod tam alte se potest insinuare, & simul ita linguae placet, quam hi spiritus. Lolium dicitur temulentiam facere, & verum est, sed non eodem modo ut vinum, quod a levissimo incitamento dicit ad summos morbos. His proxime accedunt flores fabarum, quorum odor primo facit plenitudinem capitum, cui si quis nimis indulget, ebrius inde reddit, imo adeo potest affici, ut in Apoplexiam incidat. Hæc videntur agere propter errorem loci vel rarefientiam sanguinis arteriosi, qui per carotides ad piam matrem fertur, unde ejus motus perturbatur. Similem effectum sentiunt illi, qui crocum sarcinis includunt, vel tales sarcinas aperiunt: quando Aisa fetida recens admovetur naribus, etiam temulentiam facit. Hæc in Persia colligitur ex Pastinacæ cujusdam specie, & quum hoc deportatur, suspenditur in sacculis in cacumine na- vium, ut vapor se quaquaerium difundat.

Tales effectus ab his spirituosis non fiunt, quia alcohol cavitatem nervorum ingreditur, nam si eo usque pervenire posset, uno momento statim medullosum ita contraheretur, ut fieret nullum; apparet hoc ex chirurgicis, nam quando spiritus vini applicatur ad dolentem locum nervosum, uno momento omni sensu caret: dicetis forte, an non parva por-

tio alcoholis ex ingenti copia spirituum se extricans propter volatilitatem suam eo usque perveniet? Sed A nunquam in cadaveribus vel minima copia alcoholis in cerebro inventa est, licet ebriosi pessimum suum vivendi modum per annos continuaverint. Quid vero dicemus de Podagra, quæ potatoribus spirituorum toties accidit? in hoc casu certe videtur fieri spirituum commixtio, & nervorum exfficatio & destractio; sciatis autem, quod, quando pars nervosa in podagricis abit in calcem, hoc non fiat a parte spirituosa, sed terrestri, nam calx illa nunquam dedit signum talis volatilitatis, quæ hic requiritur.

Observamus autem, quod ebrietas cum omnibus suis sequelis æque fiat ab olfactu spirituorum, quam a potu, imo citius: cum versabar in operationibus chemicis, saepe quasi ebrius fui, & hec accidit etiam Oenopolis, qui vina generosa tractant; hoc etiam fit per applicata fomenta spirituosa, quæ saepe, sed inepte, podagricis prescripta fuerunt, nam vasa bibula partem horum resorbent. Si accendatur alcohol, omnium pessimi effectus fiunt, nam tunc fit halitus quasi fermentantis liquoris, quo nullum hactenus venenum perniciosius inventum est; si enim succus uvarum perfecte matura- rum fermentans per parvum foramen exhalat, facit morbos nervorum omnis generis, temulentiam, vertiginem, anaesthesiam, apoplexiam, imo ipsam mortem, ut saepe factum fuit in celis, in quibus adeo tumultuans vapor est. Homo quidam, subito aperiens cellam, in qua reservabatur cerevisia generosa, per vaporem occidit apoplecticus; & tales effectus sunt peiores, quo fermentatio major est, & vinum meracius; nec ulla est differentia, quoad vaporem, sive fiat ex cerevisia, sive ex vino.

Illustrari hæc poterunt, si per exempla constet, quidnam inventum sit in cadaveribus hominum, qui ex solis his spiritibus, nulla alia concurrente causa, extincti sunt. Talia exempla sunt rara, nam quæ apud

Ab af.
sumptis
vaporo-
sis.

Inquiri-
tur cau-
sa horum
effe-
ctuum.

Quod il-
lustratur
ex Anato-
mia pra-
ctica.

apud WEPFERUM inveniuntur, agunt de hominibus, qui Venere æque quam Baccho mortui sunt. Legitur tamen exemplum hujus rei horrendum in Miscellaneis naturæ curiosorum de milite quodam, qui se replebat tanta copia potus fermentati, ut dilitentus se vix posset movere, sed in scannum se ponens, paulo post ab eo delapsus expiravit. In cadavere reperitur notabile nihil; ventriculus erat fere vacuus, flaccidus, paucum tantum acrem & nidorosum liquorē continens; intestina liquore vinoſo erant distenta, cæterum omnia sana; nil vitii erat in capite, nec in pectore, sed sanguis circa cor erat coagulatus, quod an ex potu, vel stagnatione post mortem factum sit, dubium est: ergo videtur, quod spiritus tanta copia ingesti in corpus, & tanto motu agitati per calorem corporis, eosdem præstiterint effectus, ac si revera adhuc fermentarent, hinc effectus inde orti irradiationi cūdām spirituali adscribendi sint, eodem modo, uti dixi de vapore per nares hausto. Infans recens natus abluitur vino, convellitur, & brevi moritur; in hoc casu fit insinuatio horum spirituum, qui applicantur corpori exteriori, adeo patulo per balneum liquoris amnii. Ex vino Rhenano, copia majori hausto, homines incident in dolorem intestinorum, deinde in Paresin humeri, brachii, metacarpi ad ungues usque, tandem omnes hæc partes gracilescunt, & si diu duret morbus, pedes, tibiæ, & femora pariter afficiuntur. Frequens est hic morbus Amstelodami, & vix curabilis nisi per succos mitiores antiscorbuticos. In hoc casu vinum applicatur ventriculo & intestinis; an forte per calorem novam hic subit fermentationem, ita ut fiat irradiatio in nervos, eodem modo ut ab olfactu vinorum fermentantium? difficile dictu, nec facile percipitur, cur hic morbus nervis axillaribus & femoralibus inprimis infestus sit.

Dicendum nunc est de aliis corporibus, quæ applicata animalibus viventibus similem vita habent; non affirmo, quoque hæc corpora penetrant,

inquit tantum, quemnam effectum in nervos præstent. Præcedentium morborum curatio non imponebat necessitatem mutandi corticem vel medullam, sed requirebat tantum, ut hæc caco-chymia extingueretur; quæritur ergo, an dentur alia corpora, quæ causos nervos ita possunt ingredi, ut inde oriatur morbi nervorum? Quando sani sumus, sentimus æquabilem aptitudinem ad cogitandum, movendum, sentiendum; sed post usum spiritaliusorum hæc actiones incipiunt turbari. Quæritur porro, an illa vitia possint curari correcto sanguine, nec adhibitis remediis, quæ proprie agunt in spiritus? & hic debemus multa corpora indagare, quæ sive intrent in nervorum cava, sive maneant in arteriolis corticis, tamen mira operantur in nervos. His corpusculis ab omni ævo nomen datum fuit *Spiritus*, respectu habito ad acrimoniam & subtilitatem, nam liquores blandi non vocantur spiritus, sed illi, qui stimulum, & efficaciam habent. Hæc corpuscula jam definienda sunt, & dividenda in classes.

Sumat aliquis pauca grana pulpæ *Colocynthidis*; brevi post totum corpus turbatur, & fiet vomitus, feces, fus torminosus per alvum, imo sequentur convulsiones & animi delicia; educatur per tritum vel lenem calorem ex his granis halitus volatilis, ponderentur; manet eadem moles, sed quæ nihil amplius efficiet. Illud nunc, quod in his granis actuosum est, spiritus dicitur: hic spiritus in cadavere non venit in actum, sed si agitur per calorem vitalem, ita diffunditur, ut tantos effectus præstare queat. Sed quia hæc vox spiritus diversas habeat significationes, hinc magna obscuritas in arte nostra nata est. Videbant, quod in homine fiat mutatione tam in cogitationibus, quam in principio motus arbitrarii; hanc dicebant fieri per spiritus: observabant corpora vasta & visibilia fieri posse quasi nulla: horum minutias vix observabiles vocabant spiritus. HIPPOCRATES dicit, totum corpus huma-

num vivens ubique habet cavitates, quæ in fano homine nunquam vacuae sunt, sed implentur spiritu, sed in morbis ichore, sive humore sensibili.

Ergo hoc subtilissimum & invisibilis Inquiritur le tamen est corporeum, sed adeo tenuis, ut oculos, licet microscopio armatos, eludat; detegitur interdum per olfactum, vel si nullo sensu appetet, pulmo tamen ab iis afficitur; dura enim spiritus arsenicales inspirantur, vasa aera pulmonis constinguntur, & musculi mesochondriaci spasmo afficiuntur, ita ut aer non possit ingredi, & homo suffocetur: illud, quod tam facile mobile est, ut sponte sua, nobis non percipientibus, volitet per aera, vocatur etiam spiritus, neque hic magno calore opus est, nam potestas magnetis in frigore æque magna est, quam in calore summo. Alia proprietas est in spiritibus, quod nervos nostros ita afficiant, ut inde mutetur nostra cogitatio; hinc omne invisible & volatile, quod tunicæ oculorum applicatum facit sensum doloris; quod per nares attractum nervos olfactarios ita afficit, ut odor gratus fiat vel fetor; & quod in pulmonibus sensum titillationis facit, vocatur spiritus: hinc aqua nunquam vocatur spiritus, licet glacies continuo levior fiat, nam non habet potestatem afficiendi nervos, quæ potestas a non-nullis vocatur mordacitas vel acrimonia. Hi spiritus invisibilis adunata mole visibles reddi possunt. Si rose matutino tempore illius diei, quo se expansuræ sunt, carpuntur, iisque impleatur cucurbita vitrea, cui applicetur alembicus, & commissuræ bono luto obturentur, & simili cum cautela apponatur excipulum, & cucurbita exponatur calori solis, non ignis; tunc acquiritur spiritus, quem Chemici quietam essentiam vocant. Expectatis forte, quod mentionem faciam inflammabilitatis, sed haec non pertinet ad characterem spirituum, nam spiritus nitri dulcis & sulphuris per campanam ignem extinguant, & pertinent tamen ad spiritus,

In natura pri-
tu-
m.

Hi spiritus inveniuntur in triplici naturæ regno. AGRICOLA monet metallurgos, ut ingredientes in fodinas statim concutiant lapides, vel igne accendant venas, ut exeat spiritus, qui alias suffocarent artifices, si nimis cito ingrederentur: invenimus, quod spiritus parentur per fermentationem ex vegetabilibus, ad fermentandum aptis, & per putrefactionem ex animalibus, & quod ex fixissimis corporibus per vim ignis nascantur spiritus. Vitriolum ad rubedinem calcinatum, cantharo inclusum, per summam ignis vim exhibit spiritum, qui omne animal necaret, si imprudens accederet. Monent nos Chemici, quod colcothar, si per septem dies igne agitetur, non desinat exhalare hos spiritus, & quod retrahantur in caput suum mortuum, si in ipso hoc fervore non exeant. Scitis, quod phosphorus in acre statim volatilis fiat, qui si retineatur sub aqua, per multos annos fixus manet. Oritur etiam spiritus ex miscela variorum corporum, nam si oleum vitrioli sensim assundatur sali marino, assurgit spiritus, qui per annos fumat. Dabo nuoc operam, ut omnes has classes spirituum proprius examinationem, acturus primo

DE SPIRITIBUS, IN ANIMALIBUS PER SOLAM VITAM PARATIS.

Spiritus, in his geniti, antea non fuerunt; odor hominis, ab ejus effluviis natus, a nulla alia re, quantum scimus, excitatur; docent canes sagaces, qui per illum odorem heros suos ab omnibus aliis distinguunt. Hic spiritus adeo subtilis est, ut sit creatura sui generis in omni animali individuo; si canis ponatur a venatore eo in loco, ubi prius cervus fuit, licet postea quinquaginta cervi transeant, queret tamen illum unicum, cuius odorem persensit. Ergo corpus hominis facit aliquid, quod nobis est incognitum, nam spiri-

orum differen-
tia.

spiritus unius hominis non est similis spiritui reliquorum hominum, sed quot sunt homines, tot sunt species spirituum; estque admodum probabile, quod hic spiritus sit ultimum elaboratum, & quod omnium facilime possit venire in ultimos canales nerveos. Imo Physiologia docet, quod aliquod peculiare sit in qualibet officina corporis; ex ore exhalat Spiritus, ab omnibus aliis humoribus distinctus; ex stomacho assurgunt ructus nidorosi, in primis post copiosam vini ingurgitationem, adeo ut mirum sit, quantopere ingesta in ventriculo nostro mutari queant. Alius halitus est in intestinis tenuibus, alius in crassis, nam nunquam in tenuibus sanorum hominum est ille fætor, sive inclinatio ad putredinem, quæ observatur in crassis. HELMONTIUS observat, quod dentur halitus vel borborygmi in infimo ventre, qui æque possunt accendi quam alcohol; neque videbitur hoc vobis mirum, nam si foenum madens congeratur in acervum, primo odorem emittit, postea inflammat. In sanguine de vena mislo sumantem percipimus odorem, singularem ab omni alio. In liquoribus a sanguine secretis iterum sunt odores alii, ita ut diversi sapores forte inde nascantur. In bile, urina, saliva, semine, res est manifesta.

Ergo illud subtile in qualibet corporis parte est aliquid aliud: hinc forte patet ratio, quare venena, humoribus mixta, illa in hanc, alia in aliam partem magis agant; vulpes marina solum pulmonem inficit; si cantharides mala fortuna assumantur, sola vasa urinaria lœduntur; colocynthis vexat intestina, & tormina in iis excitat; nam cum qualibet pars corporis talia singularia habet effluvia, concursus cum his singulis habebit alios effectus. In quibusdam locis corporis perspirabilis materia, inviscata illi liquido, quod ibi in promptuariis hæret, facit ibi singulare quid; quod nullibi habetur. Animal, Cæstor dictum, nulla in

Hinc variis effectus.

Tom. I.

corporis parte illum odorem edit, qui percipitur in duabus marsupiis, circa nates ejus sitis, in quibus liquor quidam oleosus est, qui profus inimitabile quid in se habet, ut videmus in hysteris, in quibus hujus ope unico adflatu miri effectus producuntur, & hoc tamen tam leve est, ut non possit ponderari. Hæ exhalationes in qualibet corporis loco inviscant se humoribus tenacibus, in quibus detinentur; hinc in peste hæret in pingui illo cutaneo, quod vestes vel linteamina ægrorum inficit, quæ nisi comburantur, horum ope magis propagatur. Scelestissimi vespillones in Austria inventi sunt, qui peste morientium naribus applicabant lardum, certi tunc, se posse pestem communicare illis, quibus vellent, vendentes pro amuleto. In morbis acutis, in quibus tumores inflammatorii, Parotides dicti, prope aures oriuntur, videtur adesse pestilentialis quædam dispositiō; in nonnullis intolerabilis fætor est sub axillis, ubi materia pestilens etiam exhalat; in inguinibus omnium maxime bubones pestilentiales sunt, ita ut spiritus maligni in primis circa has partes effundantur.

Tale quid spirituosum reconditur Et in variis corporis partes. in animalibus in nonnullis folliculis, ut patet in castore & hyæna odorifera, sive feli sylvestri tigriformi, moschum præbente, qui tantam vim habet in nervosum genus, ut totum corpus inde mutetur. Fœmina recte valens, sed passioni hystericae obnoxia, si ingrediatur in cameram, in qua odor Moschi est, statim anhelat, cor ejus palpabit, & linquetur animo: si huic exhibeatur Castoreum, omnia symptomate uno momento desinunt. Quantos ergo effectus in corpus humanum præstabunt illi spiritus, qui in subtilissimis nostri corporis partibus parantur! an non omnia nostra desideria, & ex his sequentes actiones, inde pendent? Certe videntur hic latere actiones, quarum ratione nemo dicere potest: sic CAROLUS

F 3

M A.

MAGNUS; visa quadam muliere, in amores insolitos rapiebatur, nec a mortua poterat desistere: an non, si forte congruerent illi spiritus, ultimo elaborati, fierent mirabiles actiones? Ultimi illi spiritus forte habent naturam olei, per actiones, animali singulari proprias, parati, quod pro causa sua efficiente totum corporis systema habet. Hoc oleoso ablato nulla distinctio apparet. Dicitur de ALEXANDRO MAGNO, quod cum laboribus exercitatus sudaret, fragrantiam suavissimam diffunderet. Contra refert GALENUS, Medicum quendam adeo hortidum fuisse, ut non nisi repurgatus & uactus apud ægros admitteretur.

Tamen
se latius
diffun-
dentes. In his spiritibus est vis maxime mirabilis, assimilandi sibi quicquid alienum est, & dein propagandi suas virtutes in infinitum; quæ vis tamen tantum obtinet in nonnullis, & non in aliis; nec nocet animalibus, quibus propria est, quum tamen in aliis mirabilia symptomata producat; & hoc fit per illud pauculum, quo evanido reliquum nihil nocet. Omne illud, quod in vipera adeo venenatum est, inodorum est, saporem habet dulcem instar olei amygdalini, & colorem subflavescensem; si magna copia deglutiatur, non nocet; si per viginti dies aeri aperto exponatur, vim venenosam perdit, manente eodem pondere; si vero pauxillum hujus veneni in venam apertam instilletur, certa mors sequitur; si per morsum communicietur, etiam necat; si morsus quartuor vel quinque fiant successivi, tunc sequentes non amplius nocent; reddit vero vis deleteria post quatuor dies; ergo hoc subtile potest perdi, iterumque regenerari. Pestis tempore omnia animalia sanissima sunt, soli homines afficiuntur, sed non nisi per alium hominem, nam si quis abstinet ob omni confortio, intactus manet; sic etiam in peste bovina vel aliorum animantium, unum genus tantum afficitur, dum reliqua manent immunia. Vim horum

spiritum multiplicativam probat iterum pestis; comitetur hæc navem, mercibus Asiaticis oneratam, nil mali sit in itinere; postquam vero appulit, & aperiuntur sarcinæ, mox omnes afficiuntur, quibus mortuis, mercibusque combustis, hoc malum iterum cœstat.

Constat itaque, quod illud subtillissimum, nisi in hominem venerit, ^{uno ani-} illam vim malignam non habeat; ^{maliū} genere. si vero hominem afficiat, ex uno in aliud animalium genus; & si in nostro corpore deducatur in actum, non augetur quidem ejus copia, sed crescit acrimonia, ita ut pejor fiat. Manifeste hoc patet in Variolis, quibus nullus afficitur, qui non haurit aerem infectum, nec conversatur cum aliis, qui illis laborant: simulac vero adeat locum, in quo grassantur, & habet confortium cum affectis, eodem modo inficitur. Merito ergo de hoc veneno dicit SYDENHAMUS, quod tale non sit, nisi suscipiatur ab homine, & quod tunc aliquid fiat, quod antea non erat, & hæc extensio finem non habet: canis accipit a quacunque causa rabiem, mordet aliud animal, quod non modo statim rabiem accipit, sed & facultatem propagandi. Vis ergo illa propagaretur in infinitum, nisi saepe obstaret idiosyncrasia, nam observatum fuit, quod in sævissima peste, omnes, qui morbis chronicis afficiebantur, melius se haberent. Putavit hinc HARTSOEKERIUS, quod propagatio veneni fieret per insecta; illa enim multiplicantur in immensum, nec ulli corpori parcunt; hinc credidit, quod venena different pro singulari strutura & malignitate horum animalium, sed assumit clarus vir, quod non potest demonstrari; neque inde explicatur, cur varia animalium genera ab eodem veneno intacta manent.

Porro in his est subtilitas prorsus incredibilis. Tela conficiuntur in Bantam ex politissimo chalybe, quæ con-

conservata per decem annos necabant adhuc animalia, quæ ab iis vulnerabantur; hæc vero tela inficiuntur veneno, ex serpentibus desumto. Habetur hic exemplum tenuitatis, malignitatis, durabilitatis, & virtutis multiplicativæ plane mirabile.

Videte observationes Chirurgicas SAVIARDI, anno hujus seculi secundo impressas, ubi narratur ad paginam 175. singularis historia. Famulus pharmacopœi in Galliis præparaverat tres vipers, quarum capita absissa integra in mensa reliquerat. Pharmacopœus domum redeuns volebat eas filo trahicere, ut siccarentur, non cogitans, quod ab iis adhuc posset lædi; dum tertium apprehendit, pollex ejus vulneratur circa medium; ille læsum se sentiens retrahebat illud caput, & statim cogitabat de applicandis remediis tam internis quam externis, ut progressum hujus veneni præcaveret; in eum finem multum sanguinem ex plaga vacuari curabat, emplastrum theriacale apposuit, & magnam dosin theriacæ cum vino ipso momento hauhit; digitum quoque admovit igni, ut venenum attraheretur ab igne; paulo post sentit tantam anxietatem, ut in aerem apertum exire cogetur; pedes illi deficiebant, & in lectum repositus summa cum molestia respirabat; bis deinde vomuit materiam flavescentem, postea perdidit usum sensuum, iisque redeuntibus sensit ingens frigus per totum corpus, & in eo statu manebat ab hora decima matutina usque ad undecimam vespertinam; sual medicorum sumpsit sales volatiles & pulverem viperarum, quorum usu pulsus incepit redire, & calor sentiri ad extremitates; sequebatur deinde sudor universalis, inflatio enormis totius brachii, manus, laterisque demorsi usque ad umbilicum, una cum nigra ecchymosi; applicatis fomentis, factis ex spiritu volatili viperarum, urina, theriaca, & spiritu vi ni rectificato, iisque simul cum medicamentis internis per trium septi-

manarum spatium continuatis, tandem convaluit. Videtis ex hoc exemplo, quod illud venenum adeo subtile fuerit, ut merito pro spirituoso haberi queat. Addite his, quod Basiliscus oculis suis necare dicatur; quod feles nostrates domesticæ halitu suo noceant: quod bufo, spuma sua herbas conspuncans, homini hanc herbam sumenti damnum inferat; quod Tarantula genus nervosum mirifice mutet, ejusque effectus per annos duret, & videbitis, quid subtilissimum illud efficere valeat.

Cantharides etiam in se gerunt venenum aliquod spirituissimum, quod corpus humanum adeo mutat, ut nil maneat intactum, & tamen animal placide vivit cum hoc suo veneno. BARTHOLINUS laudat arcanum contra Gonorrhœam, quod paratur ex scrupulo Cantharidum, infusarum cum quatuor unciis vini Rhenani. Homo, qui liquoris hujus filtrati unum cochlear, septem aliis vini vel cerevisiæ admistum, assumit, halitum fœtidum, febrem, ardorem urinæ, imo mictum cruentum patitur.

Non ubique tamen eadem est horum spirituum indoles, nam non nulli post mortem animalium non amplius agunt, alii æque perniciosi manent: rabiosus canis diu post mortem pessimam suam vim retinet; fartris rabie affecta fuit ex filo demorso, quod trajectum fuerat per tunicam, a cane rabido laceratam; solus fœtor talis animalis mortui in regionibus calidis hoc venenum communicavit. Hinc concludimus, talia venena esse volatilia; figi tamen sic posse, ut per annos maneant: videmus etiam, quod præparatio horum spirituum fiat ad volatilitatem usque; & quod vis venenata retineatur in tenaci & viscido corpore. Quando jam inquirimus naturam horum spirituum, tunc non adeo solliciti sumus de ultimo elemento, sed de eo, quod huic proximum est, & hoc est oleum, nam quamdiu hoc oleosum manet, tamdiu fit spiritus; causa,

quæ volatilis quidem tamen retinetur.

quæ facit illum, est tota virtus animalis, id est, materies oleosa, mutata per vim viperæ; non sit spiritus in una parte, sed ubi per omnes partes ivit, tunc abit in vesiculas duas, sub lingua sitas; ergo illa materia non est venenum, nisi elaborata transfudaverit in has vesiculos, sed præparatur tamen in toto corpore animali, eodem modo, ut in plantis fit; totum enim Fœniculum facit oleum, quod hæret in ejus semine. Quantum novimus, pleraque venena hærent in liquore quodam viscido: rabiosus canis halitu quidem inficere dicitur, sed spuma ejus glutinosa applicata rabiem certius creat. Basiliscus dicitur oculis necare, quod an verum sit ignoramus; scimus autem, quod homines descendentes in puteum, ubi ad certam profunditatem pervenerunt, mortui sint.

Modus
commu-
nicandi.

Venena tamen fere semper per salivam & morsum communicantur, & tunc videntur insinuari venis absorbentibus, ex quibus deducuntur ad interiora corporis; sed tantum operantur per solam vim vitalem corporis, cui insinuata sunt; nam non novi, nullum venenum esse, quod cadaver mutat. Fateor, quod corpus, postquam venena in illud egerunt, disponatur ad citiorem putredinem, sed cadaver demorsum ideo non citius putreficit; sed quando humores magis attenuantur, corpora citius ad putredinem disponuntur; Hinc non ita deridendum HELMONTIUS, qui scripsit, venena radicem suam ætuosam habere in ipso vitæ meditullio; & antidota vocat spiritus sapientia; nec immerito, nam opium omnia fere venena facit inertia; ergo hoc spirituofsum, occurrens causæ formalis vitæ, acquirit qualitatem nocivam; potest centupla copia innoxie per os sumi, sed per morsum acquirit suas vires.

CATO ducens exercitum per aridissima Lybiæ deserta, cum omnibus militibus siti fere extinguebatur; veniebat ad fontem, accurrunt milites,

sed vident aquam serpentibus plenam; quum non auderent bibere, dixit sapiens dux, quod impune posset potare, primusque babit dubium liquorum, quem innoxium esse noverat, nam serpentes morsu tantum virus habent.

Homo quidam in aula Hetrusca stabat in angulo, quando coram Duce ratio dabatur actionis veneni viperini; ridens dicebat, non novistis viperas, & statim uncias aliquot veneni viperarum hausit; quum videbant, nil mali inde fieri, dicebant, quod concurreret bilis; assumpsit ergo bilem viperæ, sed inde etiam nihil fiebat mali; sed quando per aciculam, huic veneno intinctam, pungebat aliquod animal, illud moriebatur; videtis igitur, quod venenum tantilla copia, & quasi halitu tantum, corporis vasis immisum occidat; solus attactus vulnerans telorum Bantamenium hoc etiam facit. Sed quid statuendum, quod hæc venena per os assunta nihil malii faciant? an licet concludere, quod data sit corpori humano illa virtus, ut valeat per coctionem inertia reddere corpora, quæ aliter perniciössima forent? sed tunc debent certo tantum loco & modo applicari; nam si læsæ essent gingivæ, homo ab his assuntis etiam morieretur. An forte venenum per vulnus lædit nervum, eumque ingreditur, quia nullum vulnus fit sine læsione nervi? An actio officinæ primæ hæc venena enervat? Vel an nervi in illa tantum tanguntur integri, non dissecti, uti in vulnere? dubius hic hæreo, quia nullam regulam generalem invenio; nam quocumque modo venenum pestilens vel variolosum corpus ingrediatur, statim præsentiam suam circa scrobiculum cordis manifestat; nec minus mirabile est, quod animalia, per venenum viperarum necata, impune comeduntur; constitit hoc in aula Hetrusca, in qua columbæ, lepores, gallinæ, vituli per morsum viperarum occidebantur, & dabantur aliis animalibus, hominibusque damnatis,

fine

sine ulla omnino mali sequela. Ubina
nam ergo manet hæc vis lethifera ?
an per mortem amittitur ? difficilis
iterum est responsio , nec generalis
lex ; nam canis rabidi caro si come-
datur , rabiem infert , & morbus il-
le , in hoc animali natus , vim suam
communicat omnibus ejus humoribus ;
ergo venenum pestilens , variolosum ,
rabiosum alio modo communicatur ,
quam viperinum .

Quonodo agant hi spiritus. Hisce positis , videtur valde pro-
babile , quod illi spiritus , qui hoc
subtile irradians venenum in se ge-
runt , ingrediantur in nervos ipsos
inprimis dissectos , & misceantur li-
quido , existenti in cavitatibus eo-
rum . Sed dicetis , nervi sunt canales
cavi , pleni suis liquidis ; sunt ergo
vel venosi , vel arteriosi : sed in ve-
nis hæc venena non nocent ; uti do-
cet assumptio innoxia per os : arteriæ
sua liquida expellent vel in cava , vel
versus superficiem corporis ; quid er-
go incusamus liquidum nervosum ?
Quamnam etiam in illo mutationem
faciant , sive coagulationis , sive irri-
tationis , nescio ; illud vero constat ,
quod illud subtilissimum , cui occur-
rit venenum , faciat communicatio-
nem cum toto systemate nervoso ;
corpus nostrum enim regitur , & mul-
tum pati potest ab iis , quæ insensi-
bilia sunt ; Pestis in primo gradu ne-
cat sine mutatione sensibili ; legite
DREMERBROEKIUM , conferte **SYDENHA-
NUM** , videbitis factum esse , quod ho-
mo loquatur cum homine ; uterque
fanus erat ; cadunt ambo mortui , &
in cadaveribus omnia sana inventa sunt .

Wiseorum in nonnulla , minime vero in alia ani-
mata. Illud insensibile potestatem habet
sunt in omni animalium genere ; uni-
co vento sœpe pereunt erucæ , quæ
tamen sequenti anno iterum apparent .
Cicadæ sœpe integris nubibus ocea-
num tegunt , omnemque , quam at-
tingunt , regionem devstant , quæ ta-
men uno vento etiam necantur . In
peste bovina a comesa eorum carne
sil persentitur noxæ : ergo pestes ta-

les spirituosæ propriæ sunt unicui-
que animalium generi ; neque in ca-
daveribus mortuorum invenitur causa
mortis .

Ergo spiritus , morborum contagio-
forum auctores , videntur ingredi ca-
va nervorum ; hoc vocant Græci ma-
lignant alrorum irradiationem , **HEL-
MONTIUS** tumultum Archei . Obser-
vatum fuit quidem , quod pylorus in
bobus , peste mortuis , esset clausus ,
& ventriculus sceno plenus , quod pu-
trefescens vicinas partes etiam infece-
rat ; sed illud scenum tunc eodem
modo egit , quam acervus sceni , non
penitus exsiccati ; est tamen aliquid
singulare in his partibus , nam pri-
mum signum hujus pestis est , quod
boves non ruminent ; hæremus hic ,
sed quoniam pestis optime extingui-
tur , si cadavera mortuorum combu-
rantur , vel ventus lustret regionem
infectam , hinc causa ejus debet esse
tam subtilis , ut spiritibus accenserí
possit .

Patet ergo , hos spiritus anima-
lium , tam venenatos , quam pestife-
ros , primo agere in solos spiritus ,
unde nihil in corpore mutatum ap-
paret ; sed quando sistema mobile ce-
rebri semel affectum est , tunc totum
corpus omni ratione mutari potest ,
ut hoc contagium propagare valeat .
Si unum granum veneni variolosi in-
fieritur homini , qui variolas jam pas-
sus est , nil mali faciet ; si vero il-
lad communico cum alio , qui eas
nondum expertus est , accipiet vario-
las , & disseminabit per totam re-
gionem ; in homine sanissimo , hoc
morbo laborante , duodecimo morbi
die omnes humores jam mutati sunt
in pus ; illud vero factum fuit ab
hoc granulo , quod præterea vomi-
tum , sudorem , convulsionem , &
multa alia symptomata effecit . O-
mnes effectus animi inde excitari
possunt , omne deliriorum & imagi-
nationum genus . Quanam vero ra-
tione agant , forte ex analogia utcun-
que patere potest ; nam ex iis , quæ
sensibus patent , possumus perci-
pere

pere talia, quæ illis non sunt obvia, quoniam relatio datur inter utraque. Si ergo dicam, quod illi spiritus venenati uno oculi ictu adimere possint spiritibus animalibus vim agendi propriam, & dare possim exemplum, quod humores animalium crassiores ita mutari queant, ut animalitas & vita uno momento fstantur, tunc nihil affirmo, quod repugnat Analogiae.

Revocate ergo in vestram memoriam, quod omnes humores humani pellantur ex corde, iterumque redeant ad cor. Ponamus jam, omni hora ter mille & sexcentos pulsus fieri, singulisque vicibus uncias duas sanguinis ex corde expelli; illæ ergo toutes eadem copia redeunt ad cor, excepta parte, quæ exhalavit. Si vero vivo animali in venam satis amplam, a corde remotam, iniciatur spiritus sulphuris per campanam, vel aluminiis, vel vitrioli, tunc non majori temporis spatio opus est, ut destruantur omnes actiones vitales, quam ut sanguis ab illo loco, ubi injectio facta est, ad pulmonem veniat, sed hoc intra pauca minuta secunda fit: idem effectus habetur, si lac recens injiciatur, ita ut ab humore sano animalis, mixto cum humoribus sanis alterius animalis, sine ulla suspicione veneni, oriatur abolitio omnium actionum, & tandem mors. Si alcohol defæcatissimum, qui humor est spirituosisimus ex omnibus vegetabilibus in rerum natura, misceatur humoribus, ictu quasi fulmineo moritur animal; nihil hic aufertur, sed fit tantum coagulatio. Si illud alcohol affundatur spiritibus volatilibus, ex animalibus productis, uno momento nascitur coagulum, ut videmus in offa HELMONTIANA. Illud alcohol adeo volatile est, ut si cuti admoveatur, cutis statim sicca sit; si æstivo tempore effundatur, statim diffletur in auras, antequam humum attingat. Videmus ergo hic ex analogia, quod coagulatio fieri possit tam ab humoribus crassioribus, quam a spirituosis;

cum vero nostri spiritus nec sensuum adminiculo, nec microscopiis observari possint, sola conjectura hic locum habet, nam non audeo hic aliquid affirmare; quia sœpe deprehendi, me deceptum fuisse, quando ratiocinatus sum ex analogia.

Idem verum est de modis, quibus uti patet animalia venenum suum cum aliis ^{ex modo} communicent. Novimus jam, quod liquor quidam subflavus contineatur in vesiculis prope dentes viperarum, & quod liquor ille, compressis per mortsum maxillis, exprimatur, & sic venenum communicetur; sed si abscessum viperæ caput, decem post mortem dies, ita applicetur parti cuiusdam nostri corporis, ut mordere possit, eadem efficit, ac si vivum animal integrum applicatum fuisset. Scorpio ad aculeum caudæ testam habet vesiculam flavescente liquore plenam; si caudam suam premit in corpus, comprimitur hæc vesicula, & venenum in vulnus effunditur. Notavit SWAMMERDAMMIUS, quod apes habeant aculeum, quem cuti nostræ infigunt, unde tantus sit dolor, ut si v. g. centum apes simul pungerent, horrendus morbus, itmo febris ardentissima ad mortem usque inde oriretur. Pleraque animalia venenata tuto comeduntur; notum tamen est de ovis illius piscis, qui vocatur Barbulus, quod hominem, qui ea comedit, titubantem & vacillantem reddant; tamen raro inde moritur; partes, quæ in his piscibus tales spiritus in se gerunt, videntur in primis esse organa bilem & semen conficiencia, nam hæc citissime in putredinem abeunt. Si homo sanissimus pinguedinem piscis cujusdam v. g. fulmonis magna copia comedat, eructat oleum rancidissimum, & post aliquot horas omnia expellit ex ventriculo. Dedit nempe Deus his animalibus illud oleum indomabile, omnem aquam respuens, ut ab aqua nunquam laederentur. Pinguedo illa est tam acris, ut fauces inflammet, & quasi præfocet. In jecore piscium tanta copia

pia hujus olei invenitur , ut per solam pressionem inde extillet ; & si hepar aselli minoris magna nimis copia comedatur , febrem excitat .

Dagnosis tantum absolvam , quæ spe-
& Pro-
gnosis af-
sumpti
veneni.

Paucis tantum ad diagnostin veneni assumpti , & prædicendum ejus exitum , nam in his regionibus non opus est de omnibus venenis singulatim differere , quia vix alia animalia venenata habemus præter bufones , & pauca insecta adhuc minus noxia , qualia sunt apes & formicæ : verbo tamen dicam de veneno canis vel felis rabidi ; illud enim , proh dolor ! hisce in terris fati frequens est , ita ut omni cum cura examinari mereatur . Primis diebus , quando homo a cane rabido demorsus est , sentit nil omnino mali ; incipit tamen paulo post perturbari ejus somnus ; dein malum in primis se figit in musculis , deglutitioni inservientibus , & hoc facto , mutari incipiunt humores , accenditur febris , per quam saliva , omnesque alii humores adhuc magis degenerascunt , sed hoc a morbo , & non immediate a veneno producitur . Videantur de his MERCURIALIS & ARDOYNUS in libris de venenis .

Curatio. Duplici modo tolluntur effectus , qui venena assumpta sequuntur , vel enim directe iners redditur , vel mutatur corpus totum , ut simul venenum iners fiat . Quæsitum fuit ab omni ævo , quodnam esset peculiare unicuique veneno antidotum , nam sudorifera tantum agunt mutando totum corpus . GALENUS narrat , quod Pergamenorum rex Attalus fecit parari antidota , & quod hominibus damnatis exhibuit venena , & dein illa antidota , ut videret , quænam pro singulis venenis esset therapeia . Hoc institutum sequens Mithridates inquisivit remedia , quæ corpus munirent contra venena ; tandem invenit Mithridatum . Alii reges , pontifices , imperatores hoc imitati sunt , sed invenerunt tantum remedia , quæ totum corpus mutant ; illa vero , quæ in solos spiritus agunt , sunt tantum

specifica Antidota . Cosmus , Hetriæ dux , voluit hanc rem decidi , hinc invitavit omnes ad capienda experimenta . Statim accedebat Patres , quorum societas a Jesu nomen habet , qui ex Indiis Orientalibus redeuntes , varios lapides pretiosos secum attulerant , quos venenum attrahere posse dicebant , sed semper subsuit fraus . Verum est , lapidem , Cobra del Ca- bello dictum , inpositum vulneri , a serpente inflito , illi adhærere , & dein sponte cadere ; sed falsum est , illum tunc saturatum esse veneno : dixerunt Patres , quod lac ex tali la- pide possit exsugere venenum , & quod ille hac ratione iterum purus reddi posset ; sed omnia animalia , in quibus illi Patres experimenta sua insti- tuebant , moriebantur . Jactatur vulgo de carnis eorundem animalium , quasi illæ venenum traherent ; jussit ergo Princeps , ut cum his experi- mentum institueretur , sed nihil fer- cerunt boni . Certe in Physicis nil magis nos fallit , quam vana rei desideratæ spes ; nec fungimur officio boni Medici , si sicutneis remediis contenti esse volumus ; possunt appli- cari , sed illis non licet confidere , & simul meliora exhiberi debent . Mitto ergo Bolum Armenam , terras sigillatas , & reliqua alia , quæ per experimenta potius exploranda , quam hæc tenus firmata sunt .

Nil ergo certo juvat , quam vene- ni evitatio ; non ergo debent impruden- ter tractari bestiæ venenatæ , licet mortuæ ; bufo mortuus potest tractari , sed non attingi ejus saliva ; in- strumenta , quibus canis rabiosus occi- sis erat , noxia deprehensa sunt . Alterum est expulsio ; hæc est opus naturæ , & in eo consistit , ut arteriæ exhalantes agant , & venæ mu- tentur in arterias , id est , ut fiat ma- jor motus . In eum finem acetum ma- gna aquæ copia diluitur , ut fiat mea- bilius , & in eo dissolvitur sal gem- mæ vel ammoniacus , & tunc calide vel per se , vel simul cum vino forti- potatur ; hoc enim auget vim cordis &

& arteriarum, ut materiam noxiam pellant extorsum. Si velitis adhibere Theriacam, & Mithridatum, invenietis, quod hæc remedia, si Opium seponatis, per expulsionem tantum agant; sed hæc omnia nil proficiunt, nisi simul venæ mutentur in arterias, nam hæc expellentia æque augent motum in venis, quam in arteriis, hinc attractiones per suctionem & partis affectæ debilitationem sunt summa remedia, in primis si statim loco affecto apponantur, quod cum optime fieri possit per cucurbitas, hinc illæ minime omittendæ. Si tunc simul, dum fit attractio, hæc partes pertundantur, ut sanguis magna vi extorsum profiliat, eo major erit successus. Insuffatio partis affectæ, per ferrum candens satis cito facta, omnium optimum est prophylacticum. Altera methodus est correctio. Philosophi, qui acidum & alcali crepant, putant, se statim posse invenire oppositum; sed blandum viperatum venenum ad hanc classem non potest referri: idem obtinet in aliis; hinc quum talia specifica nondum sunt cognita, omnia que pro talibus venditantur, tantum applicari possunt, ut satisfaciamus ægris. Aggredior jam agere

DE SPIRITIBUS, QUI PRODUCUNTUR PER PUTREFACTIONEM.

Omnia animalia, paucissimis siccis & exsuccis fere exceptis, solent in calore, qui in thermometro Fahrenheitiano subsistit, intra triginta rem, duos & nonaginta duos gradus sponte putrescere, & quidem eo citius, quo calor magis ad hunc gradum appropinquat; eo minus, quo magis acceditur ad frigus glaciale: si calor major est, non fit putrefactio, sed diffatio illius, de quo hic agimus; si calor ita minuatur, ut aqua congelascat, tunc etiam per conglaciationem induant talem statum, ut lenissimo calore diffluant & putres-

Putrefactio promovetur per calorem.

cant. Caro conglaciata in calore vi-ginti graduum, convertitur in tabum calore triginta trium graduum; & si ille calor adhuc augetur, violentissime putrescit. Hinc PARACELSUS & HELMONTIUS dixerunt, quod corpus æque dissolvi possit per summum frigus, quam per calorem, ut illi vocant, in Gas, de quo non potest dici, quod ad hanc vel illam naturam pertinet; & hæc mutatio singularis est ab omnibus aliis. Hæc putrefactio obtinet in omni animalium genere, sed citius procedit in piscibus, lentius in carnosis; exiunt per eam omnis seminalis proprietas, nam quicumque fuerit humor, quæcumque pars solida, amittit illud, quod distinguit unum ab altero, & acquirit illud, quod commune est omnibus. Notum est per experimenta, quod, si dolium unum repleatur allio, & alterum aceto, & per compressionem fiat putrefactio, tunc hæc duo diversa eundem tamen odorem & saporem habeant.

Sed præter calorem requiritur ad Maxime putrefactionem humiditas aquosa, uti humidi patet in cadaveribus, quæ si ad ignem exsiccentur, incorrupta manent.

In putrefactione omnia, excepta Effectus pauca terra, redduntur volatilia, quod patuit in balæna, ad littus nostrum appulsa, ex cuius vasto corpore nihil fuit relictum, nisi ossa & pauca terra. Ergo per hanc omnia redduntur spirituosa, nam si id vocari possit spirituosum, quod in auras avolat, omnia certe per putrefactionem mutantur in spiritus. Hæc dum fit, oritur fætor vel mephitis admodum molesta, quam Belgæ exprimunt proprio vocabulo *Vermust*. Si caro suspenditur in aere calido & humido, sed ubi ventus perpetuo perficit, nascitur putredo; si vero suspendatur in camera clausa, tunc oritur fætor suffocatus, qui est valde abominabilis, & refert odorem cadaveris, in sepulchro clausi; & hoc est, quod Græci vocant Mephitin. Oleosa autem acquirunt corruptionem ran-cidam, nam in eodem loco in quo caro

caro putrescit, pars ejus pinguedinosa longe adhuc tetrorem odorem & saporem habebit, quam carnosa. Sal, qui in corporibus putrefactis antea erat semifixus, nunc fit foetidus & volatilis. Si sumas hunc salem, & lenissimo calori exponas, oritur foetor molestissimus, sed residuum manet inodorum. Aqua & spiritus, ex putrefactis producta, eundem foetorem habent; si vero exponantur aeri libero, ille odor evanescit; ergo illud, quod hunc producebat, est aliquid distinctum ab aliis principiis, & hoc voco spiritum, per putrefactionem productum, qui nervos plus mutat quam omne aliud, quod cognoscimus.

Morbi ab
hac causa
nati.

Si homo jejunus bovi mortuo improviso occurrat, dum crepat abdomen, sentit quasi Leipothymiam & vires collapsas, & si diu maneat in illo loco, cadit in syncopen. Si omnia, quae sunt in hoc animali, seorsim essent collecta, sed orbarentur hoc halituoso, agerent nihil. R E D I sumpsit viperas, quas bene elotas servabat in vitro mundo & clauso; post paucos dies videbat, spinis exceptis, nil nisi aquam turbidam, & lagena aperta sequebatur horrendus foetor. Non explico nunc, quid putrefacta faciant in nostros humoros, sed tantum quid agant in nervos, nam si putredo quedam feriat nares, oritur tam subito effectus, ut humores mutari non possint. Talis potest fieri intra corpus humanum, uti sterlus biliosorum docet, in primis qui comedunt pisces & carnes, nec tamen multo sale vel acido utuntur: humores fani, certo in loco corporis humani stagnantes, etiam putridi evadunt; & quia tunc simul volatiles sunt & per corpus disperguntur, hinc applicati nervis eadem mala faciunt, quam spiritus putridi externi. Percipitis hinc, quare hominibus, semper siticulosis, omnia horrorem inducant, exceptis acidis & salmis, nam putredo est in illorum corpore; Quando haec putrefactiones vasis clavis ad summum fuerunt evectae, &

spiritus illi subito in aera demittuntur, sunt praesens venenum: hinc animalia putrefacta toties foetorem pestilentialem exhalaverunt, qui applicatus membranae narium, vel insinuatus in pulmonem, virus suum communicat cum toto corpore.

Cognoscitur hoc malum horrore carnium, siti, appetitu acidorum; haec enim designant semper, hic somitem quandam putridum harere.

Curatio
morbo-
rum, qui
inde sunt

Morbi, qui ab hac causa sunt, curantur per illa, quae putrefactio nem impediunt; hoc facit omne acidum, sive fuerit animale, ut serum lactis, & lac ebutyratum; sive vegetabile, ut cerevisia, vinum, & acetum; sive minerale, ut oleum vitrioli: si integer bos undique perfricetur cremore vel crystallis tartari, non putrescit; nec etiam si adhibetur oleum vitrioli; hinc suasi illicis, qui trans mare currunt, ut in navi secum sumant oleum vitrioli, illoque bene in aqua diluto inspergant carnes. Hoc etiam facit omnis sal cognitus, inter quos nullus penetrabilior, quam ammoniacus, modo dilutus sit; porro sal gemmae, marinus, fontium, dein nitrum, borax, alum, vitriolum. Huc etiam refero spirituosa, ut est alcohol vi ni, omniaque incrustantia & exciscantia, Myrrha, aloë, & similes gummi resinæ, quae in balsamatione cadaverum adhibentur.

Si quis in peste matutino tempore vestes suspendet in fumo sulphuris, lavat corpus aceto, & haurit acetum ex spongiis aceto plenis, liber manet a putredine. Dantur exempla, quae docent, quod hoc venenum uno momento per acida displaceatur. Homines quidam descendunt in profundum puteum; primus cadit mortuus; alter veniens ad eundem locum, cadit etiam; tertius de mittitur cum fune, qui, simulac vertiginosus fiebat, trahebat funem, & ducebatur sursum: lustrabatur puteus sulphure & nitro accensis, & tunc impune descendere potuerunt.

Spiritus qui in animalibus fiunt, & pro naturalibus habentur, quos unusquisque taurales. ideo innoxios putat. Hi spiritus facile exhalantes & facile recipiendi in corpore gignuntur, & ad ultimam subtilitatem perficiuntur; omnes actiones omnium vasorum & viscerum aliquid ad illos conficiendos contribuant, & mirifica horum differentia est in variis hominibus, & in diverso sexu & genere animalium; si tales spiritus per calorem agitantur, fiunt actuosissimi, ita ut potestates antea silentes per motum in iis excitentur; hinc debent applicari corpori viventi, nam in cadavere nihil agunt, nisi velitis credere narrationibus cereberrimis, quod in cadaveribus non nullis, accedente quadam homine, causæ mobiles jam silentes excitatæ fuerint, ita ut sanguis inciperet profluere, & quod hac ratione homicidæ detecti sint. Hoc uno casu, si obtinet, excepto, non novi, quod spiritus illi unquam agant in cadaver, quum tamen homini viventi, & in primis anhelanti, applicati, illum mirifice mutent; hinc caveant Medicæ, si malignos morbos tractant, pronimis accelerato motu, ne anheli ad ægros accedentes idem veneni genus inhalent; constat enim, quod per venas bibulas pulmonum facillime possit recipi, & sanguini, qui mox arteriosus fiet, communicari.

Quomo- pori sudanti, valde etiam inficiunt, **do red.** hinc si scabiosus calefcens attingit manus alterius hominis calentis, statim **magis a-** venenum in eo se manifestat; sed si **Et uosi.** frigidus scabiosus frigidum sanum attingat, nihil inde fit mali. Frictiones & balnea corpus etiam aptius redundunt ad spiritus illos recipiendos, & quando corpus sic apertum cum alio homine dormit sub iisdem stragulis, malum ex uno corpore facile transit

in alterum; nunquam autem morbi facilior & pejus communicantur, quam recens natis infantibus, si forte cum aliis obdormiscant. Observatum est, quod homines, qui diu cum aliis decumbunt, penitus mutantur, cuius rei notabile valde exemplum vidi. Mulier sanissima lactat puerum optimè valentem, nullo in utroque apparente vitio, sed exacerbata præ vehementia affectus fere convellitur; tamen nil mali metuens puerum ejulantem uberibus applicat, qui vix hauserat parum lactis quin totus convelleretur, omnesque actiones ita perturbarentur, ut per totam deinde vitam stultus remanserit: ergo tantum malum per lac communicari potest, nec dubito, quin summi generis nervosi morbi quotidie fiant, qui a lactatione originem habent.

Veteres dixerunt, unumquemque hominem pro se ipso facere sanguinem, sibi sanum, alteri noxiū: constituit hoc elapso seculo in arte transfusoria, quæ nil boni, sed heterogeneas actiones effecit: ergo spiritus, de sanguine nati, habebunt etiam aliquod, sibi proprium, & licet in diversis hominibus proxime ad se invicem accedant, tamen non erunt iidem. Nemo nunc dubitat, quod causæ morbificæ maxime communicari possint, ubi animi affectus incitantur, videmus quotidianè, quod non nulli homines alios ad sui amorem allicit, quum alii, vix conspecti, statim displicant: simile quid forte obtinet in omni pathematum genere; & hinc multa, quæ dicuntur de præstigiis & incantamentis, forte possent explicari de mirabili efficacia exhalationum, ab uno in alium trans-euntium. Si caro, caseus, panis diu gestentur, ad locum corporis, ubi effluvia maxime exhalant, & hæc alimenta dentur cani, disponunt eum, ut deferat herum, & sequatur eum, cujus effluvia ipsi communicata sunt: hæc data homini simile vinculum excitare posse dicuntur. Ergo homines parte sua sentiente, imaginante, memore, & animi affecti-

fectibus adeo sunt obnoxii morbis , ut pendeamus ab infinitis . Ergo non debemus putare , quod morbi terribiles requirant crassam materiam , vel magnam deformationem viscerum , nam subtilissimum quid illos potest producere ; neque possum dicere de curatione , nam hoc impetum faciens magnam crucem facit Medicis ; qui licet tales ægros munit omni remediorum genere , demant vires , præparent animum , nihil tamen efficiunt : sola opia faciunt , ut quis inefficax sit , ad percipiendam injuriam .

DE SPIRITIBUS EX VEGETANTIBUS.

Spiritus ex vegetantibus. Vocamus nunc ad Vegetantia , in quibus etiam corpuscula sunt , quibus data definitio Spirituum potest applicari . Qui Roletum transit matutino tempore , statim sentiet expiramentum Rosarum , quod nemo ambigit vocare spiritum . Tales nunc in Vegetabilibus producuntur per eorum Idiosyncrasiam , Fermentationem & Putrefactionem . In solis autem spiritibus naturalibus immensam invenimus efficaciam , & in singulis plantis differentiam , sed in fermentatis & putrefactis non est magna differentia . Dixit HELMONTIUS , spiritus naturales per Archeum esse factos , eosque in quolibet genere semi-ni adhærere , & semen habere facultatem multiplicandi suam speciem . Per omnia , quæ institui , experimenta inveni , quod illa pars eorum , quæ vere efficax est , sit simplicissima & vix corporea . In Statica Vegetabili Clari HALESI res illa planius explicata habetur . Scilicet omnis planta cognita oritur ex alia præexistente ; ortus cujusque debetur semini ; vel alii cuidam corpori , quod semen absconditum in se gerit ; nam potest etiam propagari per surculum , insitionem , ablationem , & radicem , sed in quolibet horum

modorum semen latet . Hoc semen habet facultatem succos , qui primo applicati ad succos fossiles accedunt , ita mutandi , ut in planta siant aliud quid , & ex ea , æstuante coelo , iterum exhalent , Ultimo conficitur flos & semen , & fit novus Embryo . In hoc ultimo est idiosyncrasia plantæ , illud nempe , quod distinguit unam plantam ab alia , a quo tota vis singularis plantæ pendet , illudque est infinite parvum , ita ut hoc expulso omnia reliqua sint communia ; hoc conservato , omnis vis actuosa habeatur in compendio : novimus autem quod omnia per calorem ex planta exhalent , excepto oleo , sale , & terra ; & quod in oleo tenaci , durabili , & inspissabili in corpus resinosum solidum , illud singulare hæreat ; hinc omnes plantæ aquosæ , quæ vix oleum habent , vim suam non diu retinent . Omnes vero plantæ non habent succos redeentes in venas , nam non habent cor neque arterias , sed omnes humores distribuuntur per vasa , haec non satis cognita , & deponuntur in variis locis , in quibus per calorem varias vires acquirunt .

Contemplemur nunc varias earum classes , quarum prima est , de quibus LUCRETIUS dicit , quod arboribus certis gravis umbra addicta sit , & VIRGILIUS : surgamus , solet esse gravis cantantibus umbra ; Juniperi gravis umbra ; & nocent frugibus umbræ ; nam atmosphæra quarundam arborum in regionibus earum nativis , maxime calidis , turbat hominem , præcipue si mane diu sub ea manet . Juniperus saluberrima arbor est , sed si homo diu versatur aut dormit sub ejus umbra , per hanc atmosphæram mutatur quasi a nimio vino . Juglandis nostræ umbra valde grata est , sed ubi adest æstuosus dies , homines sub ea morantes dolore capitum afficiuntur . Taxi venenatus effectus satis notus est , nam ejus umbra in Græcia , & Italia potest fieri lethalis , hinc a PLINIO & DIOSCORIDE inter venena recensetur .

In

In India Occidentali frutex est, quæ vocatur Mancinella, cujus duas species in horto Academicō alui, quæ lac fundebant. Scribit de iis BOYLEUS in libro de natura Effluviorum pag. 38. quod volucres non modo ab esu fructuum hujus plantæ abstineant, sed & huic nequidem infidere velint, probabiliter quia noxium habent odorem, advolantes aves offendentem. Scio, lac ejus, etiam in regionibus nostris frigidis, tam horrendæ esse efficacæ, ut, si attingat cutim, multa mīla producat, & homo, postquam alvum exoneraverat, podicem detergens folio hujus fruticis, contraxit inde phlogosin, & dein gangrenam in intestinis, qua progradiente ad partes superiores mortuus est. Observatum est a nostratis, quum Coloniam Surinamensem primum nacti essemus, quod nonnulli homines morerentur circa æstatis finem, illique inprimis, qui noctu per sylvas ibant. Postquam quæsum est, quæ hujus rei subesset ratio, innotuit, quod hoc malum, æstuante cælo, prodiret ex vaporibus fruticis Mancinellæ, hinc omnes illæ sunt extirpatae, & sylvæ incensæ, & tunc aer saluberrimus factus est. Videntis ergo primum genus spirituum, in vegetabilibus nascentium, & vaporē spargentium, qui omne genus morborum efficiunt, ad pulmones peripneumoniam, ad oculos ophthalmiam, ad nares Coryzam, ad fauces erosiones & anginas, in ventriculo & intestinis multa alia mala, & post hæc omnia mortem, quum tamen in hac classe non observatur notabilis odor vel sapor.

Quæ olfactus or. gaia af. ficit.

Sequitur alia classis, in qua spontaneus halitus & odoratus est; in odore vis mirabilis hæret, qui ipsos spiritus videtur afficere, uti docent canes odorisequi. Odor florū fabarum amoenissimus, & utriusque sexui placens, in nulla alia plantæ parte invenitur, & si quis diu in eo versatur, in somnolentiam, delirium, & tandem in Leipothymiam incidit; hinc jam dixit PYTHAGORAS, abstinento

a fabis. Rosæ omnes, in primis Damascenæ, suavissimum odorem habent; sed si loco clauso serventur, nervos etiam afficiunt. Hæ Rosæ Pharmacopœo, qui magnam copiam syrapi & aquæ Rosarum paraverat, solutionem omnium humorum efficerunt; sanatus est exeundo; sed tota vita retinuit, ut quoties Rosas tractaret, membrana schneideriana ita solveretur, quasi magnam refrigerationem passus esset.

BOYLEUS in libro de efficacia effluviorum pag. 53. narrat casum fœminæ, cui non ingratus erat Rosarum odor, adeo tamen noxious, ut mox adeo male se habere inciperet, ut deliquium pateretur animi, nisi mature obviam iretur: versabatur aliquando in aula quadam, ubi subito se adeo male habuit, ut tantum non collaboretur; interim sermonem habens cum illustris dignitatis persona, in grave periculum incidisset, nisi illa observans, vultum ejus expallescere, gelidoque sudore cooperiri, & causam conjectans, sciscitaretur, esset ne aliquis rosas gestans, quippe quæ ista tempestate florebant: confessim matrona quædam rosas proferebat, quæ a virgine non visæ deliquium quidem non pepererunt, illam tamen aliquandiu valde conturbaverunt: ibidem p. 54. habetur casus alterius Pharmacopœi, crassi & proceri hominis, qui a Rosarum odore ita afficiebatur, ut magnopere conturbaretur, si inter Roseta ambularet. Is autem odor eam in illius capite humorum colligationem pariebat, ut rheuma, tulsum, raucedinem, oculorumque dolorem provocaret, cogereturque abesse, quo tempore vernabant Rosæ, si magna quantitate in ejus domum deferrentur. Vir fortis, quoties ingredieretur conclave, in quo poma servabantur, incidit in animi deliquium. Odor florū Oleandri valde etiam noxious est, nisi in camera ampla & a vento perflata serventur: Apocynum habet suavissimum odorem, sed qui semper minatur syncopen; quæcumque apis mel inde

inde hauserit, cadit mortua. Si unica planta, *Tuberosa* dicta, in conclavi est, valde placet; sed ubi multi homines talem locum calefaciunt, omnes fere laeduntur. Non omnia effluvia, quæ per aera volitant, ab olfactu deprehendentur, & tamen effectus suos præstant. SENNERTUS narrat, quod in officina quadam in Germania, in qua opium magna copia dispensabatur, famuli in profundissimum somnum lapsi fuerint. In Italia putei sunt, in quibus frumenta impune possunt conservari sub crusta; si vero moveantur ab hominibus ignarib[us], odor, qui primo exit, omnes necat. Panis recens coctus habet odorem, quo vix alius spiritus magis excitat; sed observatum est, quod homines, qui talem panem deposituerant in loco humili, nullo aere perflato, ægri inde evaserint. Ergo spiritus vegetabiles spontanei odore suo producunt omnes generis nervosi morbos ad mortem usque.

Tertia classis harum exhalationum est, quæ exeunt ex destillatis: respicio tantum illos spiritus, qui ex vegetabilibus, vase clauso contentis, eo gradu exaltantur, quo alias non ascenderent; non autem illos, qui per fermentationem producuntur, & ab his etiam fiunt mirabilia, quæ nemo ratione potest persequi. SCALIGER refert in libro de subtilitate contra Cardanum, quod radix Adad, in Africa cognita, exhibeat aquam stillatitiam, quæ pota intra horæ spatium mortem infert, & quod unicum hujus antidotum sit alia radix Africana. Possem ex Chemia multa adferre de effectibus quorundam spirituum, sed huic rei non inhærebo; scitis, quod aqua Melissæ uno momento spiritus nostros exhilarare queat.

Quarta classis est vaporum, qui non sua sponte, sed tritu vel confusione exeunt. *Cicuta aquatica* major GESNERI; quæ ingenti copia in his locis crescit, aliaque *Cicuta*, *Tragofelinum* dicta, huc referuntur. Scribit MATTIOLUS

Tom. I.

Per desti-
latio-
nem.

Per con-
fusio-
nem.

in Commentariis ad Dioscoridem Lib. IV. Cap. 74., quod si asini Cicutam in Hetruria depascantur, profundissimo somno & torpore capiantur, ita ut non tantum stupidi sed plane mortui videantur. Id quod aliquando rusticos hujus rei ignoros fecellit, nam dum asini, quos mortuos credebant, pellem ad usum detraherent, contigit, quod in medio fere operis asini experrecti sunt. In æstate Cicutam contusam parum subolfeci, sed non possum exprimere, quantam mutationem in capite statim inde senserim; titubabam, & nil nisi confusa quædam cogitatio supererat. Si vero integrum herbam subolfacerem, vix multos effectus inde deprehendi. Folia herbæ Clematitis, Flammæ dictæ, æstivo tempore contritæ, supposui naribus, & sensi quasi calidissimamflammam, ferientem nares. Volebam præparare *Hyoscyamum*, ut propria manu conficerem Emplastrum, quod LUDOVICI laudavit contra Podagram, constans ex succo *Hyoscyami* recentis, insipisci cum oleo, & cera; conterens herbam, sensi periculum amittendi quasi omnes meos sensus. Legimus apud HELMONTIUM in tractatu, quem inscribit *Jus Duumviratus* §. 22., quod Causidicus quidam acceperat binas drachmas seminis *Hyoscyami* contusas loco Anethi, quod in Colica ipsi præscriptum erat. Confestim inde sic insanivit, ut ne verbum intelligibile proferret; sedebat quidem juxta focum erectus, sed totus insanus, demens & stolidus, sed dato vomitorio convalluit intra semihoram. Volebam experiri, quid execrabilis *Datura* faceret; contritam naribus admovi, & menti incutiebatur horror; ab Euphorbio contuso eadem expertus sum. BOYLEUS narrat in tractatu de natura effluviorum pag. 38., quod, cum Medicus quidam magnam radicis Hellebori nigri copiam diu curasset tundi in mortario, plerique

G rique

rique eorum, qui in illo conclavi erant, in primis vero ipse tunsor, eo ipso fuere purgati, eorumque non nulli satis vehementer. BELLONIUS dicit, se in Turcia reperisse Chamæleontem, & cum sociis occupatum fuisse, ut illam colligerent; interim adveniunt Turcæ, qui omnes admonitione sua a morbis faucium liberaverunt, nam intra quadrantem horæ jam illis, qui hanc herbam tractaverant, & manus naribus admoverant, nares inflamatæ erant: radix enim nigræ Chamæleontis ea virtute pollet, ut cuti applicata ipsam adeo inflammet, ut squilla vel urtica longe minus adurant. Ergo forsan concludere licet, quod natura in vegetabilibus sponte talia effluvia fecerit, ut quadruplici modo, scilicet exhalando, subolfaciendo, destillando & conterendo, sine ulla alia mutatione, non tantum mitificos morbos, & ipsam mortem, sed & omnes operationes medicatas producere possint.

An ergo vis medicata & venenata ab his spiritibus? En problema! vis vegetabilium medicata vocatur, quæ corpus humanum sic movet, ut fiant tales mutationes, quæ requiruntur ad morbum tollendum, & sanitatem restituendam. Scitis, talia corpora esse; eaque dicuntur agere corpus vel mutando vel evacuando, hinc dividuntur in alterantia & in evacuantia. Rogo nunc, an omnis illa vis non statim desinat, ablato spiritu? an ergo omne illud, quod mutatur ab his vegetabilibus, his spiritibus non debet adscribi? Hi spiritus ad miraculum usque subtile sunt. BOYLEUS dicit in tractatu de *Natura Effluviorum*, pag. 35., se comperisse, quod una gutta Chemice parati, & ut artis filii loquuntur, essentialis olei Cinnamomi, vino ope facchari, ut par erat, commisti, determinatum Cinnamomi saporem retinuerit, etiam si in duas fere vini libras esset diffusa. Quid ergo est in ulla gutta olei Cinnamomi, per spatium tam amplum diffusa, quod ef-

fectus suos præstat? Guttam unam hujus olei aeri aperto exposui in conclavi, quod totum subtilissimo & suavissimo ejus odore inde replebatur: gutta illa, per aliquot dies relicta, idem quidem retinuit pondus, sed penitus erat inodora. Forte ergo non est pars millesima guttæ, quæ odorem suum dispergebatur, saltum ad lancem docimasticam non determinanda; minimum hoc tamen si abest, oleum illud non agit ut oleum Cinnamomi; hinc ducimur, ut cogitemus, quod in hoc spiritu hæreat vis medicata.

Sed dantur etiam spiritus, qui nullo odore vel sapore dignosci possunt, sed suis tantum effectibus se manifestant: sic in Taxo nullus est odor, quum tamen dormiens sub Taxo male se habet. HELMONTIUS in Tractatu, quem inscribit *Demens Idea* §. 12. scribit de Napello, quod, cum ejus radicem ruditer præparasset, semel deglutiens in apice linguae; & licet nil expueret, sensit tamen mox, cranium quasi zona forinsecus stringi; tunc præcipitanter aliquot negotia peregit, per ædes oberravit, sensitque, se nil intelligere, concipere, sapere, vel imaginari in capite, pro more alias solito, sed totum istud munus obiri in præcordii. Tandem post duas horas vertigo bis repetita eum invasit, & redivit consuetus cogitandi modus in capite; omnia illa autem siebant solo levi attacatu linguae. MATTHIOLUS in Commentariis ad *Dioscoridem* Lib. IV. Cap. 73. dicit de Napello, quod vis ejus in necandis hominibus tam immanis & sæva existat, ut nullis fere antidotis occurri possit, & exempla adfert latronum, quibus drachma hujus radicis fuerat exhibita, & qui post omnia nervosi generis symptomata tandem tamen mortui sunt. Omnia hæc mala oriuntur a sola applicatione Napelli ad membranam nervosam ventriculi, nam vegetantia venenosa agunt, simulac in ventriculo hærent, hinc si vomitorium prompte detur, cito fit sanatio. Puella, quæ tubera fungosa comederat, convulsionibus corripiebatur;

Solo effectu cognoscendi.

batur; datur ipsi a patre infusum Tabaci, hinc excitato vomitu omnia frustra reddidit, & totum malum cessavit.

Legitur in libro JORDANI *de peste mirabilis* hoc spectans historia. Pragæ homini ad mortem damnato nullum alimentum dabatur, nisi solus panis & aqua, quod jubebant Medici, ne in corpore esset aliquid, quod vim veneni exhibendi minuere vel augere posset; dabatur tunc vesperi homini non cœnato drachma Napelli, quæ vacuo ventriculo citissime operabatur; statim enim sentiebat angustiam pectoris, dolorem stomachi intolerabilem, tenebris oculorum vertiginem; pulsus vacillabat, & mors videbatur instare: dabant tunc lapidem Besoardicum cum vino; incipit vomere, & utcunque videbatur levari, sed oritur mox sensus repleti & quasi crepantis ventriculi, cervix convellitur, sequitur delirium, in quo cantat quam hilarissime; delirium illud sedatur, iterumque reddit ad sensus; sentit dein dolorem intolerabilem ad stomachum, juncturas, caput, pectus, omnesque nervi afficiebantur; post septem horas dolor oritur omnium juncturarum, quasi a carnifice torqueretur; fit tumor ventris, uti in hydrope, ardor renum, retentio urinæ, paralysis brachiorum & crurum; vomit materiam scđissimam, simulque subducitur alvus: dum omnes adstantes mortem expectant, oritur ophthalmia, quæ cum sedaretur, omnia mala abierunt; cœnatus dormit per totam noctem, & intra sex menses nil mali appetet. Videtis ergo, quod corpus humanum ita factum sit, ut in illo sit aliquid mobile, in primis circa ventriculum, quod a re nulla alia ratione percipienda, affici potest, unde varii oriuntur morbi, qui omnes abeunt, postquam causa eorum per vomitum vel alvum excernitur.

Constat etiam, quod in vegetabilibus hæreat aliquid singulare, a natura eorum seminali paratum; nam non reperitur eadem vis in Aconito, & in alia planta, quæ crescit in eodem lo-

co, & vires saluberrimas habet: ergo, hæc potestas a Deo data est, nam ultraque illa planta eodem pabulo nutritur. Vidistis quoque, quod solus spiritus plantarum in se habeat virtutem omnem singularem, tam medicatam quam venenatam, qui spiritus tamen insensibilis est, & non ponderandus; ablato hoc tenui spiritu per calorem vel vetustatem, omnis illa vis auferatur. Vegetabilia venenata, in taleolas scissa, soli exposita & exsiccata nil mali faciunt; hinc non mirentur Medici, quod radix Hellebori exhibita saepe non operetur, nam in multis Pharmacopoliis vetustate exesa servatur. Si horrendissimum venenum vegetabile v. g. Napellus coquatur in aceto, oleo vitrioli, vel spiritu sulphuris per campanam, omnem suam vim amittit. Hellebori radix, quæ tam violente agit, si in aceto coquitur, aut oleo vitrioli vel spiritu sulphuris irroratur, vel si cum acidis miscetur, nil mali facit; hinc patet, quod vis venenata destrui possit per aliud quoddam corpus additum. HELMONTIANI Chemistæ dixerunt, quod venena omnem suam vim perdant in Oleo tartari per deliquium; sed idem fit, si cum spiritu nitri vel salis marini digeruntur; dixerunt, quod hac ratione mirificetur, sed revera perit illorum vis. Sceleratissima factio hominum invenit, quod si scammoneum parva dosi saepius daretur, homines moriantur per diarrhoeam, & quod nullum remedium sit contra hoc malum, nam omnis sanguis convertitur in humorem putridum; ergo scammoneum pertinet ad venena, quia semper aliquid mali facit: sed Medicus prudens utitur hoc stimulo noxio, & ab eodem scammino, moderata dosi exhibito, optimos effectus habet: grana ejus duodecim, cum paucō saccharo trita, purgant satis fortiter, nisi acidum sit in corpore vel superbibatur; si vero addas succum limoniorum, vel spiritum sulphuris per campanam, nil efficiet, nisi majori copia exhibitum: apparent hinc, quare sic dictum Diagridium, majori copia datum, idem tantum

præstet, quod purum scammoneum minori dosi, nam illa sic dicta correctio per acidum sulphuris est tantum enervatio virtutis peculiaris scammo-nei: estque etiam verum, quod venenatum aliquid possit fieri medicatum, si exhibeat minori dosi. An ergo illi spiritus non agunt directe in nervos? Purgans venis vivi animalis injectum, vel quadrupla dosi per clyisma exhibitum, facit idem, quam per os simplici dosi ingestum. Homines sunt, qui per halitus vel solo odore purgantur.

DE SPIRITIBUS EX FOSSILIBUS.

Spiritus
sponta-
nei.

Fossilia vel sponte in fodinis, vel arte in officinis, sive sola vel cum additis aliis, abeunt in partes tam volatiles & subtile, ut secundum ante datam definitionem nomen spirituum mereantur: hi spiritus ex salinis & sulphuribus, solis vel cum aliis permixtis, creberrime solent ori-ri. Chalcantium nativum, per octo dies extremam ignis torturam pas- sum, semper adhuc spiritus volan-tes & exhalantes præbet; si spiri-tus sic parati commutantur colco-thari suo, prius cum sulphure com-busto in aere aperto, insinuant se ma-gno cum sonitu in suam matricem; & hoc sit, donec saturata sit illa colcotharis calx; quæ si iterum ex-siccat & destilletur simili ignis vio-lentia, nascuntur spiritus flavi, odo-ris melliti suffocantissimi, quorum vix unica libra transfunditur de la-gena in lagenam, quin unicæ saltē unciæ fiat amissio. HELMONT de Li-thiasi Cap. VIII. §. 19. 20. En! ad quantam subtilitatem & volatilitatem ignis potest perducere corpū, quod cæterum per secula quiesceret! An non etiam ignis in fodinis est, per quem illi spiritus abeunt in auras? Nonne percipitis hinc, quid efficere possit Chalcanthum, cuius tanta copia in nonnullis montibus est, ut in Vesuvio & Aetna? Scripferunt non-nulli de Arsenico, quod lapis Phi-

Iosophorum in illo lateat; hinc ju-bent sublimari, & florem adscende-tem rursus sublimari, donec Arseni-cum fixum maneat. Sublimaverat jam aliquot vicibus TACHENIUS, quum vas aperiebat; oritur odor suavis, sed ab hoc odore sano homini siebat dolor circa os Ventriculi, syncope, su-dor algidus, nausea, vomitus, mictus cruentus, & contractura totius corpo-ris; nec potuit nisi post aliquod tem-pus restitui, lacte & oleribus mollifi-simis toto hoc tempore utens: ergo corpus perfecte inodorum, quod per mille annos in eodem statu potest re-tineri, sola vi ignis tam volatile red-di potest, ut suavi suo odore fallat, & totum quantum corpus uno mo-mento prostrernat. Pictor quidam ser-vabat Realgar in pyxide, quam ali-quandiu clausam aperit; ipso momen-to olfactus halitum aliquem deprehen-dit, mox incidit in syncopen, & non nisi magna cura est restitutus: in hoc casu Realgar reclusum per moram & teponem utcunque halituosum erat redditum. BOYLEUS invenit, quod in Fodinis Anglicis, in quibus stamnum hæret, pulvis subtilissimus venena-tus lacunarum parietibus adhæreat post fusionem stamni, qui abrasus & fusus stamnum iterum exhibet; ergo ipsa metalla possunt adscendere, quod alia experimenta etiam probant.

Est in Campania specus quidam, Natura-les. Grotta del Cane dicta, in qua si can dela ad certam altitudinem teneatur, flamma fit orbicularis, eoque magis, quo descenditur inferius, & tandem extinguitur: si canis, in hunc puteum demissus, pervenerit ad locum, ubi flamma orbicularis est, incipit anhe-lare, eoque magis, quo descendant in-ferius, & in eodem loco, ubi flamma extinguebatur, moritur; in cane tali aperto nil invenitur, quod pro causa mortis haberi potest. Prope Roman plures tales speluncæ sunt, in quibus animal ad certam distantiam demissum moritur. V. MERCURIALIS de venenis Lib. I. Cap. 13. VIRGILIUS Lib. VI. Aeneid. similem speluncam de-scripsit. In Britannia septen-trio-

trionali sunt fodinæ carbonariæ, in quibus aer deprehenditur certis locis flammam minuens, & tandem extinguis, & illo in loco omnia animalia suffocantur, nullo casu excepto. In fodinam Plumbi ingressus Centurio tantum sensit dolorem capitis, quasi totum ejus cerebrum dilaceratur, eoque per quatuor dies ad mortem usque astigebatur. Ergo videtur probabile, quod antra in certis terræ locis repleta sint spiritu fossili, volatili & valde penetrabili, qui omnia interiora movet, & in fodinis illud efficit, quod ars jam a multis seculis conata fuit imitari, & forte nunquam poterit, nisi cum pernicie opificum, nam videmus omnes, qui his occupantur, tremulos & paralyticos. Hinc si invenimus fodinam, in qua ignis extinguitur, scimus, quod in ea sit vapor noxius, qui adeuntes monet, ibi non esse aquam; sed si effici possit, ut aqua ad illa loca veniat, statim venenum abeat; vel debent construere caminum altum, & sub foramine in ejus lacunari facto ignem ponere, qui aerem suppositum rarefacit, & sic etiam venenum exit; vel displicant pulvrem pyrium; vel fodinas tales exhaustas replent saepe materia, ex aliis fodinis extracta.

Quatuor classes talium vaporum inveniuntur, qui omnes lethales sunt: prima est odor suffocans candelæ, qui si feriat locorum subteraneorum per scrutatorem, facit primo dispœam, dein syncopen; unicum remedium est, ut aerem recentem hauriat, aut vinum vel cerevisiam generosam bibat; si tunc ex illo periculo emergat, tamen dolores & spasmos terribiles per totam vitam patitur: altera est odor florum, in primis Persicorum; in hac candela tam cito non extingintur, & videtur similis esse vapori ex Arsenico, de quo statim in historia TACHENII diximus: in tertia classe formatur ad lacunaria tectorum in fodinis sphæra quædam levis, mobilis & pensilis, similis illi sphærulae, quam pueri faciunt ex aqua & sapone permittis; illæ sphærulae displosæ omnes

Tom. I.

necant fossores: quarta est vapor, qui accidente candelæ flamma ignem concipit, & mox instar fulminis omnes cavernas comburit, & flammam facit flavo viridem, & odorem sulphureum suffocantem. Nascitur ergo nobis ratio magna credendi, quod in illis cryptis semper mobilis vapor præfens sit, qui forte in cavitates nervorum admissus, cum spiritibus nostris misceri, & sic damnum inferre potest.

Si nunc inquiramus, quænam fit natura horum halituum, videmus, quod multi vapores fiant ab oleo, ad summam tenuitatem redacto, qui manifestant se odore sulphureo vel chalcantheo; alii arsenicales; alii inflammabiles, qui agunt eodem modo, ut in periculo illo experimento, cujus historia habetur in *Elementis Chemiæ*, Tom. I. pag. 325. & seq.; in fodinis enim oleum vi ignis potest reduci ad tenuitatem Alcoholis, uti in Naphta videmus. V. *Elem. Chemiæ Tom. I.* pag. 355. 356. In aliis ipsis vaporibus oritur speculatio amoenissima, quid hic intercedat inter vitam flammæ & vitam humanam, nam utraque pari passu minuitur & extinguitur.

DE EXHALATIONIBUS FOETIDIS.

Quando humores in animali vivente corrumpuntur per pestem, febres inflammatorias, sphacelos, abscessus, caneros, scorbutum, luema venereum, tunc semper foetidum volatile singularis naturæ oritur. Pestis ita mutat corpora, ut mortua intra sex horas nigrescant & foeteant. In Oriente spirat ventus, certo ex mundi angulo veniens, & ad certam tantum altitudinem assurgens, adeo periculosus, ut omnia animalia uno momento occidat, eaque nigerrima faciat. Si homo ibi loci in certa altitudine humili procombatur, moritur, dum alter, qui in eodem loco erectus stat, sanus manet. Carcinoma exulceratum virus fundit tam horrendi foetoris, ut æger ante mortem olfactum perdat.

Spiritus
ex putredine nati.

Sanus & robustus homo subolfaciat fæces ægri dysenterici, cadet statim in animi deliquium. Est ergo in his aliquid, quod vires uno momento pessundat, adeoque nervos afficit. Integra Balæna in littus nostrum ejæcta & mortua, æstivo calidissimoque tempore, brevi pestifera fracedine aerem longe lateque inficiebat. V. Elem. Chem. Tom. I. pag. 488. Fru-mentarius senex in hac urbe calcu-lum magnum gerebat in vesica, unde urina sæpe ipsi intercipiebatur; unicum remedium supereret, ut cathetere re-pelleretur calculus; contigit vero se-mel, ut per negotia absente Chirurgo, æger plures per horas sustineret urgens lotium: quando tandem re-versus auxiliator consuetam operam præstítit, urina exiliit, tam acri, alcalino, putrefactæ urinæ proprio fœtore, ut pulmo incauti Chirurgi, attrahentis vaporem tèterrimum, per aliquot dies male affectus fuerit. V. Elem. Chem. Tom. II. pag. 396. Vir, fide dignus, mihi narravit, se adstis-sisse homini, qui dysentericus & moribundus fæces excrenebat tam fœ-tidas, ut ab illis infectus viginti qua-tuor horarum spatio cogeretur plus quam centies alvum deponere, nec sitim sistere potuerit. Animalis, sub aqua suffocati, crepat abdomen, ori-tur agilissima volatilitas, oculis, pul-monibus & ventriculo statim molesta, uno momento appetitum delens; nau-seam, vomitum, imo dysenteriam faciens. EUGALENUS monuit, quod in scorbuticis talis graveolentia sæpe ore exhalet, vel ex fæcibus alvinis exspiret, ut sanissimi homines uno quasi momento gangræna afficiantur. Omnia hæc mala, quæ fiunt ab exhala-tionibus, non debentur sali, nam salia fœtidissima possunt ab illo halitu liberari; nec oleo, quod etiam depurari potest; hinc omne contagium unice pendet ab his spiritibus. Idem etiam verum est de putrefactis vege-tabilibus, & hoc spectat casus, quem narrat VIDUS VIDUS de puteo quo-dam, in quem omnes sordes conjicie-bantur, & qui a longo tempore non

movebatur; incidit forte in eum gla-diuss, quem puer, in eum demissus, volens reducere mortuus est; homo, cuius gladius lapsus erat in puteum, vitam in illo etiam perdidit; denique canis immissus quoque extinguebatur. Sequeretur nunc putrefactio Fossilium, de qua multa dixerunt Chemici, sed nil aliud tunc significant, nisi di-gestionem eorum in illo ignis gradu, in quo vegetabilia putrefescunt; verum hæc ad scopum nostrum non pertinet. Se-quitur ergo nunc, ut agamus

DE SPIRITIBUS VI IGNIS PARATIS.

Corpora, quæ in aere aperto igne Spiritus sic agitantur, ut in flamas crepitantes, ^{per ignem} fuliginem & cineres abeant, ex massa solida corpuscula emittunt, quæ juxta datam definitionem spiritus dici debent: tria hic occurunt, fu-mus, aliquando mire coloratus, ut in corporibus sulphureis apparet; fuligo, & flamma restans: oritur hinc fœtor, a fumo separabilis, qui conflaturo ex sale volatili plantæ, in auras rapto, & spiritibus, ignis actione exeuntibus; & fumus colligitur in atram & flocculentam materiam, quæ Fuligo dicitur. Hi fumi, dum sic agitantur, mira patrant in corpore nostro, nam erodunt oculos, pulmones faciunt rau-cos, & voces asperas; & hypochondriaci, hystericae, vel asthmaticæ convulsivo laborantes, a paucō fumo, qui in conclavi est, quasi enecantur; in Epilepticis solus nidor rei vegeta-bilis convolutionem excitat: a solo can-delæ vel lampadis extinctæ fumo in loco clauso abortus, cordis palpitatio, & omnes fere alii affectus originem habuerunt. Quando corpora quæ-dam igni injiciuntur, ut fumus inde exeat, tunc ille venenosus fieri pot-est; hoc patet, si virgulta vel folia hodierni Toxicodendri ardenti fo-co injiciuntur, inde enim homines pallescent mortuorum instar, & si lo-cus sit clausus, in omne fere morbo-rum genus incident; hæc tamen folia, dum in arbore hærent, licet soli

exposita , nil mali faciunt . MERCURIALIS narrat , quod suo tempore Centurio militaris necaverit adstantes , corpore quadam igni injecto , quod corpus gestatum tamen nil mali faciebat , sed tantum actuosum fiebat , dum vivo igni committebatur . Discimus hinc , & hoc nobis sufficit , quod via valida ignis , in aere aperto , possint extricari particulæ , quæ valent ita afficere nervos , ut omne genus morborum , imo ipsam mortem producant : ab altera parte videmus , quod ex aliis plantis exeant vapores saluberrimi , ut in ligno Guajaco & Juniperino patet . Pasta panis nullum sensibilem odorem spargit , sed cocta in cibano si recens scindatur magna copia in loco clauso , mortem inferre potest . Baccæ Jasmini Asiatici , Coffee dicti , dum ustulantur in loco , aere non perflato , homini cuidam , qui harum odorem nimis avide hauriebat , Cardialgiam & vomitum contraxerunt .

Sed aliud quid nunc excutiendum est . Flamma viva , urgens vegetabile maximo impetu , mox suffocata & extincta , ita mutat hoc corpus , ut indeolem acquirat , quæ corpus nostrum ad ipsam mortem ducit . Si frustum ligni cujuscunque , vel cespitis vulgaris , qui nostratis Turf dicitur , vase chemico committatur , & igne supposito , a levissimo ad summum aucto urgeatur , aqua , spiritus , oleum , successive producuntur ; si hæc omnia exiverunt , & residuum summo igne vase clauso urgetur , in æternum spirabit aliquid , nunquam deficiens . Hinc vocatur ab HELMONTIO carbo æternus , quia simplex illud oleum , quod terræ adhæret , vase clauso nunquam separatur ; si conteritur in pollinem , est pulvis insipidus , iners ; si carbonem hunc committis aeri aperto , accenditur ab imposito igne ; sola autem superficies , aeri contigua , fit alba ; si frangitur carbo , intus ubique splendet ; si pergis comburere , tandem incipit sepeliri sub cineribus ; impossibile est hunc carbonem aliter consumere , quam in superficie externa , aeri contigua , qua

consumpta , superficies seqüens etiam consumitur , & post talem superficie- rum consumptionem ex sexaginta libris lignorum una tantum cinerum libra remanet ; nec omnes illæ libræ , quæ consumuntur , ulla arte capi pos- sunt , nam in vasis clavis carbo nul- lo igne consumitur .

Si scribat quis in charta , quæ au- ripigmento soluto imprægnata est , & chartam exsiccat , nullus color appa- ret ; si tunc teneat supra carbonem ac- censum , statim literæ fiunt nigræ , hinc illud , quod sursum avolat , hac ratione se manifestat . Si carbonem accensum ponis inter solem & oculum , videmus corpuscula sursum ferri tremulo motu ; an vero producantur a carbone vel a sole , merito dubitatur . HELMONTIUS hunc modum mutandi hoc corpus vocavit permutationem in Gas , & putat , quod hæc corpuscula hac ratione comminuantur in sum- mamm tenuitatem , & abeant in spe- ciem aquæ , quæ ad extremitatem Athmosphæræ potest assurgere . Si talis carbo sumatur , & in loco amplio clau- so accendatur , omnia animalia in illo loco moriuntur ; non a calore , nam contrarium per experimenta con- stat , & ex combustione ligni in con- clavi ventis perflato nunquam fit mor- bus vel mors . Quis credidisset , quod simplex vis ignis maxime innocuum corpus ita mutare possit , si aere aper- to in illud agat , cum summus ignis ex eodem corpore vase clauso nil si- mile separare queat ? Ineptum est bonum HELMONTIUM excipere scommatibus propter verbum Gas , nam satis illud ex- plicat , & putavit , novum & singula- re nomen dandum esse huic mutatio- ni , cui similem non novimus .

HELMONTIUS jam senex dum scribit frigida hyeme , videt atramen- tum congelascere ; jubet adferri sarta- <sup>Noxii eo-
rum effe-
tus.</sup> ginem cum prunis non fumantibus ; nil inde sentit mali , sed ingressa filia statim dicit , se animadvertere fœtorem carbonum ; pater volens e- gredi ex hoc loco cadit retro , offen- dit occiput , & effertur pro mortuo . Videtis in hoc raro exemplo , quod

in loco spatiose, foribus apertis, frigida tempestate, sine ulla nota percepti mali, omnes actionis hominis a solis his fumis uno momento aboleantur. Contigit mihi ipsi, ut essem in conclavi, in quo bibebatur infusum Thæ; aderat focus ahenum sustinens, & non erat caminus in illo loco; sentio fumum carbonum; video omnes domicellas pallidas, & nisi fores apertaæ essent, forte statim concidsem. Aliquot domicellæ in hac urbe sedebant in conclavi, quod luminibus suis plateam spectabat; veniebat avia heræ, quæ in illa domo habitabat, & vitris digito percussis adventum suum nunciat; videbat per fenestras omnes domicellas sedentes illamque adspicientes, nullam vero se mouentem; repetebat ictus, ita ut essent fortiores, nulla tamen respondebat; putabat, illas jocari, hinc irata pulsat fores, dicitque, tempestatem esse nimis frigidam, quam ut tandiu ante ædes relinqueretur; ingrediens conclave, sentiebat fumum carbonum, & videbat omnes domicellas pallidas & sensu orbatas; jubebat statim, ut aperiantur fenestræ, & aqua frigida adspergatur faciebus omnium; inde omnes mox resuscitantur, sed vomebat una, alteri dolebat caput, nulla tamen ulterius quicquid mali passa est. Nobilis Anglus in scapha nocturno tempore Ultrajecto Leidam petit; sumit in cubiculo illo, quod vocant *de Roef*, furnulum, Stoof dictum; jubet claudi januas; cum advenisset ad destinatum locum, nauta aperiens fores invenit mortuum, nullo alio signo apparente, nisi quod spuma ori ejus incumberet. Memini quatuor rusticos ignem excitasse in parte postrema navis, & omnes fuisse mortuos. Integra familia in illo soburbano loco, quem vocant *de Hooge Morsch*, ab hac causa inventa fuit mortua, dum hyemali tempore prunas posuerant in medio conclavi, in quo nullus aderat caminus, & fores clausæ. Fui expertus in me ipso, quod malo hoc incipiente, inclinatio oriatur in somnum, dolor capitidis tensivus, nau-

sea, vomitus spumæ crassæ, & caput per multos dies quasi plenum manet; si vero densus sit vapor, nihil horum percipitur, sed ægri sine ullo sensu moriuntur. Ille vapor tamen nil mali facit, si sal marinus copia satis magna igni inspergitur, vel si pulvis pyrius in conclavi clauso accenditur. Ubi vero malum jam adest, optimum remedium est corporibus lassis aquam frigidam adspergere, eamque nudato pectori & vultui injicere. Si animaia, in cavernis venenosis mortua, injiciantur aquæ frigidæ, statim resuscitantur; hinc si homines, a vapore carbonum mortui, eodem modo tractarentur quam citissime, forte etiam resuscitari possent; utique in tali casu hoc remedium nunquam negligendum est; hic enim est nulla corruptio, sed mera quies omnium partium motricium, cæterum nihil mutatum est; si ergo injicerentur in aquam frigidam, aucta per frigus vasorum elasticitate, sanguis movetur versus interiora per venas, atque motus sanguinis per venas ad cor actionem ejus, id est, ipsam vitam resuscitat.

Non minus noxii sunt affectus a calce recens illita, quæ vaporem spargit subadstringentem & scotidum, imprimis igne introducto. Vidi Haagæ Comitum, quod nitida domus, nimis cito inhabitata, fecerit uni mortem, aliis pessimas Paralyses, quæ nec somentis nec balneis curari poterant. Hæc mala etiam fieri possunt a combustionē partium animalium. Si locus infectis turpissimis v. g. cimicibus vel pulicibus infectus undique claudatur, & ossa animalium vel cornua cervi aperto igni imponuntur, & fumus impeditur exire, omnia hæc animalia necantur, hinc majora animalia a simili fumo etiam occiderentur. Perdicum alæ, quæ sale volatili scatent, combustæ excitabant sæpe passiones hystericas & insultus epilepticos, ubi non erant, & dissipabant, ubi præsentes erant. Potestis in Elementis Chemicæ Tom. I. pag. 275. legere terribile experimentum de cane necato in calore 146.
gra-

graduum Thermometri Fahrenheitiani , & videbitis ibi , quod vis ignis faciat , ut subito nascatur in animali terribilis & tam infestus fœtor , ut qui nimis prope accederet , uno momento animi deliquio corriperetur . In Fossilibus per vim ignis horrenda etiam symptomata excitantur . A RETE REX notat in capite de Epilepticis , quod Gagatis lapidis odorati graveolentia prostraverit Epilepticos . Ignis , agens in Cobaltum , quod videtur profus iners , vaporem densum album elevat , qui omne animal necat : hic vapor affigens se lacunari , concrescit in materiam album flocculentam , Arsenicum dictam , quod est venenum potentissimum . Si hoc Cobaltum aliis fossilibus permistum , papyro obductum servetur in arculis ligneis , erodit æque lignum & papyrus ; si hoc fiat in tam parvo calore , quid continget , si hoc corpus igne agitetur ? Si Nitrum exploretur omni modo , quam est fixam ! si fluat in igne , manet fixum & mite ? si inciderit terra non calcinabilis , exhibet spiritum , instar alcoholis volatilis , qui omnia rodit , exceptis auro & vitro , pulmonibusque valde noxiis est . Eodem modo ex sale marino ascendit spiritus , qui rodit omnia . Si Sulphur sublimetur decies , manet blandum , ut ante ; si vero accendatur , ejus fumus occidit animalia , omniaque corrodit & constringit .

DE SPIRITIBUS PER MISCELAM PARATIS.

Hæc classis continet productionem spirituum physicam per solam miscelam eorum , quæ antea nullo modo spirituum forma apparebant , quæ miscela tam intra quam extra corpus nostrum fieri potest , & qua peracta , talia corpuscula parantur , quæ in genus nervosum agunt , & mirificas mutationes in eo faciunt . Docuerunt Chemici , quod in nobis sit materia , quæ vocatur sal ; illud vero non subsistit illo sensu , quo Chemici non satis philosophi putant , nempe uti

per ignem elicetur , sed forma invisibili dissolutum hæret in humoribus ; si illud sal concreverit in glebas sensibiles , quas crystallos vocant , videatur satis crassum & fixum , nam per calorem aquæ ebullientis nondum descendit , hinc per plures annos potest manere idem : sed quando miscetur cuicunque corpori , quod acidum absorbet , v. g. lapidi calaminari , hæmatitidi , scobi ferri , lapidibus cancrorum , cretæ &c. , tunc ille sal , qui prius inodorus erat , ferit nares odore alcalino : quod quiescebat ante , nunc nullum gradum ignis fert , quin statim avolet : si sales fixi alcalini nostris salibus adduntur , omnia hæc etiam fiunt : si exustus est sal alcalinus , & liberatus a sale illo amaro , quem fel vitri vocant , illa mutatio in naturam volatilem semper celerius procedit : si sales hi corporibus saxeis vel ostracodermatis , in calcem vivam adustis misceantur , illico totus locus odore alieno perfunditur , & fiunt spiritus , quibus similes non invenimus , & qui omni suo effectu ignei sunt , nam cui applicati uno momento gangrenam faciunt . Videatis ergo , quod in nostro corpore sic materies , quæ , prout naturaliter existit , iners est , sed quæ sola mistione evadit spiritus singularis naturæ ; & quemadmodum hoc contingit in corpore humano , sic etiam fieri potest extra illud , nam ubi fodinae sunt , ibi oriuntur longe aliæ exhalationes , aliisque effectus .

GLAUBERUS invenit modum uno momento faciendi spiritum per li- Exempia
quamen Chalcanthi sive oleum Vitrioli . In eroso embryone Cupri & ferri latet corpus , quod Cuprum & ferrum mutat in salinam naturam ; hoc sola vi ignis expellitur , & tunc fit liquor , omnium acidorum acidissimum . In sulphure nullum acre invenimus , nam ita latet , ut in calore 300. graduum cum suo oleo adscendat , sed debet urge ri calore 600. graduum , eodem modo ut oleum vitrioli . Chalcantium effor ditur insipidum , accumulatur in acer vos , quibus interponunt lignum Pini , quod

horum
spirituum,

quod accendunt, & tunc lapis ille Pyrites calcinatur, funditur, & qui antea nihil sulphuris ostendebat, jam sulphur liquatum in medio acervi exhibet. Videtis facile, quod in fossili materia pyritidis acidum Vitriolum hæreat, & quod oleum vegetabile, per ignem excussum, se uniat cum acido glebae fossili, & sic faciat sulphur. Cinnabaris nativa, quæ solvi potest in sulphur & in verum argentum vivum, docet, quod sulphur fiat in fodinis, ubi oleum petræ & naptha loco ligni sunt. Hoc acidum sulphuris & vitrioli valde fixum est, & tamen omnes sales acidi cogniti per oleum vitrioli redduntur volatiles; si enim illud admisces nitro, tartaro, sali marino, ammoniaco, accipies spiritus horrendos; si oleum vitrioli superaffundas sali ammoniaco, excutitur inde spiritus, qui hominem fere suffocat; si idem oleum affundas sali marino, prius decrepitato, siccissimo, omnes per vaporem exhalantem suffocantur; si hoc feceris in retorta, & applices excipulum, nidores illi lethales perpetuo adscendent.

Videtis ergo, quod hi vapores per respirationem agere possint in genus nervosum, nam mox inde oritur tanta constrictio in musculis mesochondriacis tracheæ, ut nulla arte leniri queat.

Quando spiritus acidi ponderosiores affunduntur aliis levioribus, similem effectum faciunt; nam si spiritus nitri vel salis marini affunditur metallis, acido vegetabili solutis, illud iterum expellunt. Si mercurio sublimato affunditur oleum vitrioli, statim acidum fixatum salis marini liberatur & avolat; & si quis ineautius hoc experimentum capiat, uno momento pulmonem affici sentiet: vel si oleum vitrioli affunditur mercurio præcipitato rubro, uno momento fixissimum nitri acidum expellitur. Idem fit in omnibus aliis metallis per acida solutis, nam si oleum vitrioli affunditur lapidi infernali, in quo spiritus nitri latet, ille etiam volatilis fit.

Est ergo in rerum natura artificium

ita combinandi corpora, ut generentur ex iis sine igne spiritus acerrimi, unde fiunt subitaneæ mutationes sanentes, occidentes, morbos quoscumque producentes. Vestræ nunc sagacitati determinandum relinquo, an omnes hi spiritus per venas absorventes possint venire intra corpus nostrum, misceri humoribus vitalibus, cum his pervenire ad originem nervorum, & hinc agere in omnes illas partes? an vero hi spiritus, dum applicantur nervis, statim faciant vasae contrahere, ut resistant huic ingressui, & sic tantum tota eorum actio consistat in applicatione ad superficiem?

Exposui morbos nervorum, quatenus oriuntur a corporibus alienis, quæ si admittantur intra cavitatem interiorem, totam actionem turbare possunt. Deductus jam eo est sermo, ut agam

DE MORBIS, QUI NERVORUM SUBSTANTIÆ ACCIDUNT.

Novistis, Anatomicos Nervum vocare illam partem solidam corporis humani, quæ, exceptis ossibus & cartilaginibus, appareat solidissima, tenacissima, digito attrectanti resistens, cultrum Anatomicum retundens: & sub hac meditatione etiam consideratur nervorum exeuntium finis, & tendo musculi, cum hic nil videatur esse nisi complicatus nervus, & in ipsis tendinibus numerosi admodum nervi sunt. Omnes tales nervi intra cranium & thecam vertebrarum sunt valde molles, & ad rudiorem attractum muci instar diffluentes, exceptis opticis, qui ruddori modo tractari possunt. Durescant extra cranium, ita tamen ut uno loco longe duriores sint quam alio, & in quibusdam locis absolute amittunt suam naturam, in iis mollescentes, & ex iis progressi iterum durescentes; tales loci vocantur Ganglia. Quando nervi ad loca destinata perveniunt, forte molliores fiunt, quam in prima origine fuerant.

Omnies

Omnis inserviunt motui, vel famulantur sensui; sed in illis, qui cordi, pulmoni, hepati, aliisque partibus vitalibus destinati sunt, sensus non deprehenditur. Qui motui inserviunt, abeunt ad musculos, & in iis ita mollescunt, ut in verum quasi cerebrum degenerent. Ramuli, qui sensibus famulantur, in ipsis organis mollitie fere diffluent, uti patet in expansione nervi optici, olfactorii, ubi se applicat ad os etmoides, & acoustici in labyrintho.

Rogabam olim RUY SCHIUM, vellet omnem nervo preparando adhibere industriam, fecit hoc, & rem totam ita descripsit. Quando nervus in corporibus infantum, (nam in his optime demonstrari possunt,) per injectionem coloratur, tunc penitus ruber evadit sine ulla distinctione, & omnia interstitia inter primum & secundum involucrum etiam inveniuntur plena; his ablatis, invenitur materia intra fibrillas secundo involucro contentas, adeo ut detegantur vasa, injectam materiam accipientia, quae pertingunt ad fibrillas ultimas; hoc vero experimentum non procedit in hominibus adultis, nam involucra illa per ætatem coalescunt & indurescunt. Præterea in omnibus his locis invenitur semper membranula, quæ quam proxime accedit ad cellulosa: hæc quum appareat in axillaribus aliisque majoribus nervis, in minima etiam per analogiam statui potest: usus ejus est, ut pingui suo & concretionem prohibente humore has partes humectet & emolliat, ne fibrillæ minimæ exarescant, & nervi actionem impedian. Quamdiu hæc omnia ita se habent, fiunt omnes nervorum actiones expeditissimæ, nisi vitium sit in origine nervorum; sed de hac re jam superius dictum est.

RUY SCHIUS etiam demonstravit, quid sit tendo, nempe quod ille per injectionem totus possit repleti, ita ut extrinsecus appareat ruberrimus; & si transversim descendatur, apparet, quod materia ceracea æque pe-

netraverit in substantiam tendinis, quam in nervos infantum, & in infantibus tendo potest distingui in tot minores tendines, quot erant distinctæ fibrillæ in musculo, & hinc fit flexilitas & mobilitas in toto tendine; sed temporis decursu fit tanta siccitas, ut tendines in valde senibus fere osfescant: præterea accedit ad plerosque nervos & tendines vagina externa, quæ in omnibus fere nervis membranosa est, sed in quibusdam locis fere cartilaginea, ut in nervis cruralibus, axillaribus, & in gangliis apparet: hæc membrana certis in locis secedit a nervis, in aliis accedit ad nervos, a tendinibus recedit nunquam, habetque in se materiam undulatam, quæ totam superficiem tendinis & nervi oblinit, ut partes illæ possent ire & redire sine attritu, corruptione vel calefactione. Si quis funem subito per manum trahit, sentit manum fieri calidissimam, imo excitatur vesica; si vero funis oleo inuncta sit, nil sentitur caloris. Vertibulum rotæ, si stridet, a siccitate potest inflammari; culter, sicco limini affrictus, emitit scintillas; addatur pauxillum olei, nullus calor sentitur. Homines macilenti vulgo dicuntur acres humores habere, quia sæpe ardores intolerabiles sentiunt. Si quis longius aliquod iter pedibus fecerit, ardor sentitur in musculis a consumo illo pingui, quod efficit, ne tendines concrescant inter se, vel cum vicinis partibus. Hæc omnia clarius apparebunt, ubi de Paronychia agam. Hæc theca in nonnullis locis membranosa est, in aliis ligamentosa, ut in palmis manus, & plantis pedum, ubi tendines flexorum & extensorum sub armilla decurrunt.

Si consideremus, quam multa hic In statu concurrant, ad opus illud efficiendum, cui nervi & tendines destinati sunt, videmus, horum actionem posse debilitari, corrupti, imo per ætatem aboliri. In juventute omnes illæ partes lubricæ, agiles & mobiles sunt inter se, sed per ætatem omnia crescunt; cum vero expedita nervorum actio

actio pendet ab exquisita separatione & expedita actione cujusque canalis, videtis, quod vasculis coalitis actio-nes sensim debilitari & tandem cor-rumpi debeant: hinc prima indicia morborum in ætate crescente non in cerebro, sed in nervis apparent, qui videntur quasi exsiccari. Omnia maxime hoc fit per exercitia, ut ap-paret in manibus remigum, rustico-rum, gladiatorum, & fabrorum fer-rariorum, qui ultimo non amplius explicari possunt. Morbi, in primis inflammatorii, possunt etiam obstruc-tiones in vasis harum partium relin-quere. Macies summa fere semper immobilitatem adfert, hinc si alia causa ariditatis accedat, tandem hic etiam concretio fieri potest. In sene quodam retrotracti digiti ne minimum quidem motum admittebant; poterant quidem frangi, non flecti; in hoc ca-su sensi tendines digitorum in unum solidum corpus fuisse concretos; hoc factum erat sine ullo morbo, sed ho-mo fuit macilentissimus.

Si manus senum conspiciantur, vi-dentur quasi funes. Morbi, qui pinguedinem tendinum consumunt, vi-dentur originem habere ex bilis ex-cessu & acrimonia; nam quo quis pinguior est, eo bilis est inertior: hinc Absinthium, Gentaurium minus, Carduus Benedictus, Aloe, Myrrha, diu assumpta, dissolvant obesitatem: & si nimia usurpantur copia, tandem siccitatem inducunt: pingui plane consumpto fit coalitus, ex coalitione immobilitas, & fragilitas.

Ex his miræ quædam contraeturæ intelligi possunt; invenimus, tendines quandoque ita exsiccari, ut amplius agere non possint, hinc musculus cum suo tendine sensim fit brevior, & quo ille fortior est, eo major contra-ctura; & cum musculo flexores sem-per extensoribus fortiores sunt, hinc abbreviatio fit versus illum terminum, cui antea applicabatur major potestas.

Nihil autem crebrius afficit has par-
Inflammationes. tes quam inflammatio, quæ in toto corpore fieri potest a triplici causa concurrente, ab arteriæ succo inspil-

sato & immeabili, ab arteria contracta; & a vi vitæ, id est febre urgente in locum obstructum. Talis inflammatio cognoscitur ex tumore magno, ingenti renixu, colore rubro, summo, fa-cili transitu in suppurationem; hæc fere unice obtinet in membrana adiposa, nam quia arteriæ hic valde dilatabiles sunt, hinc facile aggredio in iis fieri potest. Nemo forte unquam vidi inflammationem in nervo; hæc vero si contingat, in sola tunica vaginali hæret, in qua etiam in tendi-ne obtinet, & hoc de suppuratione quoque verum est. Dixerunt, quod sanguis effusus vertatur in pus, sed hoc non est absolute verum, nisi per pus intelligamus omnem sanguinis de-generationem, nam puris generatio non sit nisi in membrana cellulosa, & pus hæret sub cute supra musculos ergo suppurationes nervorum nobis no-tæ non fiunt nisi in solis illis vagi-nis; quoniam vero nervi & tendines per membranas interpositas dividuntur in minores, distinguuntur etiam per suppurationem in tot minores, quot fuerunt insertiones membranæ cellulosa. Observatæ jam sunt a veteribus dissilitiones nervorum & tendinum, nam cum partes intermediæ consumptæ sunt, nervi & tendines apparent explicati, quasi per artem Anatomicam essent divisi.

Ex inflammatione vehementiori ori-tur gangræna, quæ etiam non obtinet nisi in hac membrana, nam quando hæc membrana penitus est putrefacta, tunc nervi & tendines apparent plane nudi, & divisi, licet epidermis intacta maneat & deglubatur; ergo gangræna ex sua natura nunquam ve-nit in nervis, nam animal prius morreretur. Si contingeret inflammatio vel suppuratione circa nervos, tunc pinguedo hujus membranæ converti-tur in pus, ichorem, saniem, vel virus; & fibræ nerveæ unum sensibili-lem nervum facientes, antea per insinuationem membranarum distinctæ, jam se mutuo contingentes, simul concrescunt, & moles nervi ita mi-nuitur, ut videatur quasi nullus sen-sim

sim tunc omnem functionem amittit, sed manet interim idem qui olim fuerat: simulac concretio facta est, oritur exsiccatio & rigiditas; nam exsiccatio est tantum contractio expulso humido; hinc fit atrophia nervorum, simulac perdidunt hanc vaginam; & si hoc fit in tendinibus, sequitur immobilitas, nec tendo ille potest amplius sursum & deorsum ire, quia partibus est affixus.

Homini cuidam oriebatur in ossibus metacarpi manus dextræ pessimum illud morbi genus, Spina Ventosa dictum: assurgebat manus ad quadruplo majorem dimensionem, subsequebatur dein inflammatio & suppuration; fiebant ulcera, pus, ichorem & saniem fundentia, & tandem omnes tendines in dorso & palma manus cum ipsis ossibus fiebant unum corpus immobile sine sensu, nec tendines poterant magis moveri quam ipsa ossa, cum quorum periosteæ concreta erant, licet musculi essent boni: ergo hic fit duplex morbus, nam nervus, partibus vicinis accretus, non potest amplius moveri sursum vel deorsum, & motus etiam fieri non potest, quia spiritus propter contracturam non admittuntur.

Nullo modo hæc mala curari possunt; ægri ablegati sunt ad thermas Aquisgranenses, ad sulphureas Neapolitanas, adhibita fuerunt omnia unguenta, fatus, balnea, incassum tamen, quia omnia sunt concreta: si vero aliquid tentandum foret, locus deberet incidi, tendo liberari, & dein effici, ut nova membrana cellulosa fiat, sed quis huic operi aptus erit? Quoties ergo Chirurgus videt inflammationem in tendine, caveat suppurationem, nam hac facta non amplius est in ejus potestate accretionem prohibere.

Pergo ad aliud morbum, consideraturus quid fiat, si nervus vel tendo per suppurationem nudetur suo involucro, nec tamen adhuc accreverit. Mira hac de re dici possunt, nam quando Chirurgi induxerunt consutitionem tendinum, nil inde factum fuit mali: si vero tendo tantum punguntur,

horrenda sequuntur symptomata. Si inflammatur tendo cuiusdam musculi, tunc inflammatio in membrana descripta obtinet; si inflammatio transeat in suppurationem, membrana illa separatur & consumitur, & nervus vel tendo denudatur; si vero suppuration tam violenta sit, ut membranam, funiculos nerveos distinguentem, etiam consumperit, tunc illi funiculi dissiliunt; si gradus morbi sit peior, tunc fit sanies; si pessimus, tunc fit virus, ut in cancro, & nervus vel tendo mutat usque adeo suam naturam, ut audiverim RUY SCHIUM dicentem, quod hic non adsit mutatio, sed vera convercio in aliud ens: certe! qui videt, quomodo partes cancrosæ, consumpta pinguedine, mutantur, mirabitur, quod nil veteris formæ remaneat. Quod vero argumentum nostrum proprius spectat, illud est, quod, dum nervus vel tendo ita affectus leviter attingitur, universum nervosum genus in toto corpore turbetur. Homini cuidam, qui ulcus habebat in brachio, nudatus tendo attingitur, statim toto corpore concutitur & riget. Aliud exemplum est nobilis cuiusdam viri, cui in crure nascebatur tumor inflammatorius tam magnus, ut nulla spes resolutionis superesset; consumpta hic erant per suppurationem involucra circa nexum inferiorem ossis tibiaz cum astragalo, & nudi apparebant tendines, perfecte referentes illud flocculentum, quod a suppurrato adiposo panniculo ex ulceribus eximitur; monebam Chirurgum, ne albos hos flocculos eximeret vel attingeret; ille vero audax nimis abstergendo pus pro panniculo putrefacto illos flocculos tenacula sua produxit; factum est inde, ut miser homo, antequam prohibere possem, a capite ad calcem totus convelleretur cum summo stridore dentium; paulo post tamen rediit ad se, fomentis mollissimis & Balsamo Peruviano calefacto applicatis. Hoc nunc valde mirabile est, quod tendo in consutione susti-

sustineat puncturam, elongationem, eductionem, cum tamen per inflammationem nudatus solo attactu totum corpus facit convelli, vel punctus horrenda etiam mala faciat.

Veteres Medici jam dixerunt, quod tendines disseissi possint coalescere, & in hunc usque diem consutio exerceatur; tunc tendo apprehenditur, ejusque duæ partes uniuntur; tunc tendo intra decem dies concrescit, & iterum agit: hodie hæc sutura tantum instituitur in tendinibus nudis, in dorso manus positis, qui ex musculis digitos erigentibus oriuntur, nec sit, nisi descissio recens facta sit, ad summum intra duodecim dies; hi tendines prius nectuntur inter se, post divergunt ad digitos; raro omnes quatuor absinduntur, sed si unus vel alter dissectus sit, reliqui suam longitudinem retinent: quando sutura fiet, manum vel digitos sursum erigunt; supponunt machinam, quæ impedit, ne carpus flectatur deorsum; hinc musculus erector tunc est laxatus, & tendo superior pendulus est; sed tendo inferior, ossi affixus, sub cute se contrahit: descendunt tunc cutem, sumunt totum tendinem, tenacula trahunt sursum, & ubi adduxerunt, sumunt aliud tendinem, & illos ambos sic elongant, ut supra se invicem eant, trajiciunt tunc acum per medios tendines; sumunt tunc sericum, faciunt inde compressulam, quæ sustinet ligaturam, tunc tendo retrocedere non potest; applicant tunc splenium, & manum tenent immotam; inungunt locum Balsamo Peruviano vel Copaybæ; tota curatio in eo consistit, ut hæc pars non concrescat cum cute; hinc locus debet teneri bene humectatus. In tendine Achillis hæc operatio etiam felici cum successu instituta fuit; musculus hujus tendinis est mirabilis, nam per tres juncturas transit; oritur enim a processibus condyloidibus ossis femoris, & inseritur parti posticæ ossis calcanei; hinc quando homo firmus stat, facit, ut ejus genu antrorum flecti non possit, ita ut ex illis ossibus fiat una

columna; hinc magni usus est, ubi homines gravia pondera ferunt. Apparet ergo, quod in nervo & tendine nudato fiunt horrendi effectus, qui in eodem involucris suis tecto non apparent. Videmus hinc intelligere, si puncto nervo vel tendini Balsamus Copaybæ calidus affundi possit, cur homo nullum fere malum sentiat, sed omnia symptomata avertantur? nam tunc illud succedancum videtur supplere illud deficiens.

Progrederior nunc ad morbos speciales, in quibus nervus nudatus est, dicturus primo

DE ODONTALGIA.

Novistis, sic vocari dolorem quendam, qui fit in loco dentium valde abdito, & saepe tam magnus est, ut omnem non solum humanam patientiam, sed omnia etiam remedia eludat: hinc PARACELSUS & HELMONTIUS invehuntur in scholas, quod Odontalgiam curare nequeant, sed illi ipsi hoc facere non potuerunt, licet multa arcana jacent. Dens fere nunquam integer est, quando hoc malum oritur, sed semper aliquid deficit vel in radice, vel superne in superficie lata & scabra, vel in crusta adamantina. Demonstravit DU VERNEJUS, quod nervi maxillares radici cujusque dentis, in infima ejus parte, per foramen, quod vix capillum recipit, unum nervosum ramulum immittant, ita ut dens, qui duas, tres quatuorve radices habet, etiam totidem nervos accipiat. Talis nervulus, per totam cavernosam substantiam dentis pergens, distribuit ubique suos ramos. Quando jam a quacumque causa contingit, vitream & politam crustam dentis exesam esse, statim nuditas nervi adeat; dens tunc quidem integer appareat, sed si homo saccharum comedat, imo tantum aerem frigidum hauriat, illico dolor intolerabilis oritur. Hic est primus Odontalgiae gradus, qui tamdiu durat, quandiu caries ad novum nervum pertingit, hinc homo a levissima causa continuo hoc

hoc dolore per annos laborare potest; sed dente plane exeso semper levatur, quia nervi tunc mortui sunt; ergo odontalgia in initio est semper saevissima; & qui in pueritia dolorem hunc acerrimum patitur, in proverbiæ ætate ab hoc malo saepe prorsus est liber; dum tamen fibrillæ nervosæ infinitæ successive eroduntur, semper novus dolor oritur.

Quæritur nunc, quibus remediis hoc malum curari possit? accusatur hic semper destillatio, sed falsissime; nec aliud remedium in hoc casu est, nisi ut denudatus nervus occallescat; sive hoc fiat per radicem Pyrethri, quam nunquam fallere jaetat PARACELSUS, vel per ferramentum candens, caute in exesum dentem insinuatum, vel per Camphoram, nil refert; nam causa doloris proxima semper est in nervo, hinc omne illud, quod facultatem sentiendi in nervo destruit, dolorem tollit. Recipe Radicem Tormentillæ, Pyrethri, Hyoscyami, coque in accepto acerrimo, colaturæ admisce certam portionem Camphoræ & Opii; retineatur hæc decoctio fervida tamdiu in ore, donec dolor cessaverit, & tunc eluatur os aqua pura frigida vel calida: in hoc medicamento rediguntur in unam formulam, quæ laudata sunt contra odontalgiam; nam si Tormentillæ succus potest attingere nervum, illico tollit sensum vi sua adstringente. Pyrethri radix tam fervida est, ut copiosum salivæ fluxum excitet; hujus vis, addita vi radicis prioris, nervum eo magis destruit. Hyoscyamus apponitur, ut dolorem sedans remedium; Camphora nervis est amicissima; Opium narcoticum: acetum acerrimum est penetrantissimum, quod nervos reddit inhabiles, & sic facultatem sentiendi compescit. Si non adsint signa magnæ inflammationis, possunt sumi spiritus Cochleariæ drachmæ quatuor, Tincturæ Myrræ drachmæ duæ, Laudani liquidæ SYDENHAMI drachma una; si vero inflammatio adsit, sumitur spiritus nitri dulcis loco spiritus Cochleariæ. Reliqua, quæ hic laudan-

tur, remedia non sunt magni momenti.

Intelligitis nunc etiam, cur evulsio dentis cum sua radice hoc malum sanet, nam tunc abrumptur nervus, qui per radicem denti committebatur. Dicunt vulgo, quod uno dente evulso malum transeat in alium; hoc ideo fit, quia saepe in alio dente etiam caries est, sive ex se ipso, sive ex vicino communicata; sed nunquam fit, si malum in solo dente evulso haeserit. In hac evulsione saepe est multum periculi, si dentes molares radices divergentes habeant, nam tunc vel radix sola, vel quandoque etiam maxilla frangi debet. Sæpe tuberculum est versus genas ad partem exteriorem maxillæ, & tunc radix dentis perforat maxillam; in eo casu saepe immedicabilia mala fiunt, nisi evulsio recta fiat. Ustio dentium profunda hoc malum quoque curat, & saepe uno momento, sed si eschara abscedat, dolor redit. Alii laudant emplastra valide moventia, ut piceum vel oxycroceum, quæ temporibus applicantur, saepe cum levamine; nam nervus, qui vergit ad dentes sexdecim superiores, ramos suos distribuit ad tempora & latera syncipitis. V. EUSTACHII Tabulam XXI.; estque idem, qui sub titulo *pedis anserini* a DR VERNEJO descriptus est. Vidi, camphoram, exceptam emplastro Oxycroceo, acerrimos dolores dentium sustulisse: prodest etiam vesicatorium ex cantharidibus, post aures appositum; si ferro candardi circa processum mastoideum profunda inuratu eschara, dolor sanatur, sed dentes cariosi fiunt. V. EUSTACHIUM de dentibus, Capite ultimo, & Pyrotechnam Chirurgicam SEVERINI Lib. II. Cap. 20. Empyricus Amstelodamensis digitis circa aures appositis comprimebat fere omnes nervos, & sic reddebat inutilles. Rudis ille homo sine ullo respectu personarum, tam in delicatis pueris quam in viris, eandem servabat methodum; in quibusdam casibus bonum effectum inde vidi, sed saepe faciebat contusiones, vel nervis dentium

tum destruetis caries sequebatur. Quando nunc ad curandam odontal-
giam in maxilla inferiori comburitur
locus, ubi nervus ad dentes intrat, i-
dem fit quam a remedio illius Empy-
rici.

Rogo jam, an non eadem & simili-
lia mala nerverum, & tendinum in
aliis corporis partibus oriri possint?
an non ad omnia ossa nervi distri-
buantur? an ibi non tuti & quieti
haereant inter lamellas osseas? si vero
separatis his lamellis similis erosio
fiat, ut in dente, an non ibi quoque
terribiles morbi producantur? Credo
ergo, quod chronicci morbi profundi
in ossibus similes sint odontalgiae;
quod ibi non adsit acrimonia, sed
nervus denudatus; hinc illi dolores in
vertebris, in osse sacro & Coxæ, qui
ibi saepe per annos haerent, nec tolli
possunt, nisi totus locus inuratur.

*De aliis odontal-
glis.* Hactenus egi de odontalgia, quate-
nus a solis nervis affectis pendet; hanc
vero horulam etiam destinavi, ut hunc
morbum proprius considerem, licet
proprie in nervis non haereat. Reau-
tem omni considerata, quadruplex
sub hoc nomine occurrit morbus.

Prima est ab inflammatione gingi-
varum, sive vasorum sanguiferorum,
flamma-
tione gin-
tium interiora propagantur. Novistis,
quod gingivæ sint tales partes, qui-
bus nulla fere pars in toto corpore
similis est, quæ cuncte carent, & te-
nuissimam tantum membranulam, E-
pidermidi similem, sibi impositam
habent; nil hic musculosi, tendino-
si, vel ligamentosi, sed tractu tem-
poris callosam penitus acquirunt du-
ritiem, uti patet in senibus edentulis,
quibus maxillares dentes excusci sunt;
in iis pressæ nullum sanguinem fun-
dunt, cum tamen in junioribus ad
minimam pressionem sanguis effluat.
Vasa hic inextricabili ratione crescunt:
nec tamen multum accrescunt den-
tibus, nam rudiori digito possunt se-
parari, hinc non videntur verum pe-
riosteum dentibus dare; nusquam au-
tem sanguis aeri externo magis expo-
nitur, quam in his locis, unde hic

certi possumus reddi de indole totius
sanguinis.

Ex his gingivis rami emittuntur
ad dentes, unde morbi horum vas-
orum dentibus communicantur. Den-
tes in alveolis haerent eo laxiores,
quo animal origini propins; quicquid
intra alveolos dentium se demergit,
& implantatæ dentium radici immittit
tit, prosapiam habet a gingiva: in
factu recens nato maxillæ in superiore
parte sunt crassæ, & alveoli latissimi;
ergo lamellæ maxillarum in par-
te ossea solida recedunt a se invicem,
relinquentes spatium fungosum & cel-
lulosum, in quo alveoli haerent; gin-
giva obvelans unam lamellam, ve-
niens ad marginem, claudit hoc spa-
tium, & manet, ubi dentes erumpunt;
in edentulis penitus concreti
sunt alveoli, dentibusque excussis la-
mellæ, quæ antea distabant, abeunt
in marginem acutum, & tam du-
rum, ut panis bis coctus inter ma-
xillas frangi queat. Si in his parti-
bus oriatur inflammatio, tumor de-
bet esse in parte exteriori, nam den-
tes cedere non possunt; hic vero tu-
mor separat gingivas a superficie den-
tium, ergo exilissima illa vasa, quæ
ex gingivis ad dentes transeunt, rum-
puntur; & gingivæ, quæ in sanis
cuspidatim sursum assurgunt, nunc in-
star cavi arcus premuntur deorsum;
curato morbo iterum elevantur sed
quando inflammatio semel eo usque
processit, ut magna dentis pars a va-
sis suis maneat separata, adeoque nu-
trimento suo orbata, tunc dens fit
pallidus, fuscus, nigrescens, exfolia-
tur, & denudatur in illis locis, ubi
nervi haerent.

Altera odontalgia species est, quan-
do gingivæ, quæ per inflammatio-
nem recesserunt a dentibus, quia
continuo humectatæ, aerique ex-
positæ sunt, in tabum vertuntur,
& in liquamen mucilaginosum &
fœtidissimum abeunt: quia undi-
que huc adfluit magna copia liquo-
ris tam salivosi, quam aquosi exhal-
lantis, crescit magis & magis il-
la gingivarum corruptio, quam no-
*Ab ea-
rum col-
lique-
scencia.*

strates vocant Cancrum aquaticum, WaterkanKer: vidi hunc in puerula pulcherrima, in qua omnia in cavitate oris ita erant exesa, ut misera circa mortem deglutire non potuerit. Quando hoc vitium procedit, denudatur maxilla, & non modo dentes, sed magnæ lamellæ ex maxilla decidunt, nam maxilla statim fit cariosa, simulac gingivæ ab illa solvuntur. Hæc Odontalgiaæ species nunquam magis occurrit, quam in prima ætate, antequam dentes secundi prodierunt, excusis primis, qui vix radicem habent, hinc omnia tunc adhuc sunt valde laxa; sed post septimum vel octavum annum raro hic morbus appetet. Nil pejus est, quam si ad curandum hoc malum sumatur spiritus vini camphoratus, vel spiritus theriacalis, vel alijs similis exsiccans & calefaciens; nam hi spiritus tollunt quidem dolorem, sed vasa inde moriuntur, & crusta vel eschara, quæ inde facta est, debet iterum separari; sed unicum remedium est condire has partes contra corrodentem acrimoniam & aeris corruptionem, nam tunc natura sufficit ad reliqua, quæ dein solet separare illud putridum, quod interim impeditur prospere. Non adhibendum hic est alcohol, nam illud tantum nocet, quantum conservat. Sumpsi ergo salem marinum vel ammoniacum, & si rubedo aderat & calor, nitrum; diluebam in tanta copia aquæ, ut liquor nullo modo haberet acrimoniam; huic myriæ addebam pauxillum vini & succi Citri, & continuabam hoc remedium per aliquot dies, & sola hac methodo multos sanavi. Cavete autem a crudeli quorundam Chirurgorum methodo, qui gingivas infandum tam ruditer fricant, ut sanguis ex iis prodeat, unde infantes adeo expavescunt, simulac hos carnifices videant; sed leniter hic debemus procedere. Potest hæc mixtura æque applicari ad genas externas, quam interne ad buccas, si videatur opportunum. Ubi magnus ardor adest, sumo succum Sempervivi majoris, &

Tom. I.

in eo dissolvo tantillum nitri vel salis Ammoniaci; si hoc remedium applicas, illico solamen adfert: vel sumo folia Plantaginis latifoliae recenter carpta, humecto in aqua pluviali, epidemidem aufero, & sic applico; hoc est summum remedium, quod dum tollit inflammationem, simul roborat vi sua adstringente.

Tertia species odontalgiae fit a radice dentium, per lamellam perforatione alveolo-rum, aut cariosæ maxillæ superioris vel inferioris transeunte. Hæc species non fieri potest nisi in dentibus caninis vel molaribus. Horum radix per infinitos morsus, imprimis in illis, qui dentes fortissime ad se invicem apprimunt; intropremitur, & lamellam tenuissimam atterit & consumit, & tunc dens gingivam attingit, unde fit inflammatio, quæ totam faciem in tumorem attollit; oritur tunc ad illum locum, ubi vitium hæret, tuberculum, quod ad suppurationem pervenit, exente tunc pure ablatus est morbus; sed post unum alterumve mensem, in aliis citius, in aliis tardius, stillicidium illud puris redit. Quando morbus ille pergit, radix dentis apicem suum extrorsum extendit, vel eodem modo retrorsum flectitur versus palatum: hoc malum a quibusdam Chirurgis habetur pro exostosi, ægrosque suspectos facit Iuis venereæ; in hoc casu ergo magni errores committi possunt; hoc verone fiat, materiam hanc paulo accuratius excutere constitui.

Vidimus, marginem limbi in ambitu maxillarum divisum esse in duas lamellas, a se invicem distinctas, ex quibus fiunt alveoli, in quos dentes immittuntur: ergo alveoli constant binis lamellis, a se invicem remotis, & dein medio concremento, quod ex una lamella transeuns in alteram utrasque connectit, & facit inter singulos dentes osseum diaphragma; hæc lamellæ & diaphragmata communicaunt cum immissa dentis radice per vasa mollia, quæ ergo obnoxia sunt inflammationi, aliisque vasorum morbis; sed & cavitates ipsæ ope-

H

corun-

eorundem vasorum communicant inter se invicem, & diaphragmata sunt tam tenera, ut corruptiones, quæ hic fiunt, facilius per illa penetrant, quam per lamellas maxillarum. Distantia hæc inter lamellas in homine tanto est major, quanto est origini propior; & in foetu, ubi dentes molares nascituri sunt, cavum est instar calami scriptorii, quod repletur vesica mucosa, vasis plena, quæ postea excrescit in dentem: excussis dein primis dentibus, & secundis jam prodeuntibus, minuitur hæc distantia inter lamellas, quæ tunc se contrahunt, & claudunt circa dentem, ita ut dentes, in prima ætate vacillantes, postea firmentur, & vasa etiam minuantur: in hominibus vero ætatis valde proiectæ dentes excedunt, quia lamellis ad se invicem adductis vasa plane abolentur, & dens penitus siccus fit.

Hinc clausa. Duo jam sunt modi, quibus dentis alveoli lædi possunt: primus est rudior dentium inter se collisorum actio; nam quando vis musculorum, maxillas ad se invicem ducentium, valde magna est, & superat resistentiam in diaphragmate & lamella, dentes complectente, dentes coguntur cedere, & diploe facile contunditur: hinc ergo fit odontalgia, quæ omnium frequentissima est in prima ætate, quando infantes duriora commolere incipiunt. Alter modus est, si vitrea dentis crux consumpta, & lamella exteriori ablata, ossea dentis substantia vitium capiat, quod propagatur ad partem dentis, alveolo immisam, & ad alveolum ipsum, & in his locis inflamatio, omnesque alii morbi vasorum fiant: hinc ergo videmus, quod in morsu fortissimo lamellæ alveolorum tenues, quæ ad radicem dentis sunt, adeo debilitentur, ut sensim pertundantur, & dens magis magisque extorsum promineat, & sic structura in diploe maxillarum penitus turbetur; & hoc fit plerumque in exteriori parte utriusque maxillæ, quia dentes in morsu perpendiculariter in se arietant, unde primi

insultus fere semper in lamellam exteriorem fiunt. A quacumque harum causarum orta fuerit inflammatio vel corruptio in diploe, dolor oritur immanis, nullis remediis tollendus, solis narcoticis obtundendus. Si hic fiat suppuration, materies retinetur, & convertitur in ichorem, qui dispergitur per cavernas diploes non resistentes, & in hoc casu visum fuit, integras squammas maxillarum separatas fuisse. Memini, quod ad me consulendum venerit vitriarius in hac urbe, qui intolerabili oris dolore jam per annos laboraverat; omnia in eo inflammata & tumida visum distinctum prohibebant; misso sanguine, exhibitis purgantibus & gargarismis, exterius applicari jubeo succos Sempervivi majoris & Plantaginis cum aceto; incepit quidem paululum subsidere tumor, sed omnia atramenti instar erant nigerrima; caries concepta in diploe fecit, ut lamellæ frustulatim exirent, & tandem homo miserime mortuus est. In alio maxillæ inferioris exterior lamina laxa & mobilis erat, & frustum integrum erat separatum, hærens inter integumenta viva; decoctum Malvæ tenebat ore; emolliebat partes, & sic frustum integrum excidit.

Si vero materia exitum habeat, tum ægri semper cloacam foetentem in ore suo gerunt, & fit fistula maxillaris vel Odontalgica; quod si ægri mane has partes premunt, pulsus juxta dentes exsilit, & toto die liberi sunt; si vero coalescit hæc cloaca, horrenda odontalgia oritur. Vidi rusticum, cui dens molaris sinistra maxillæ inferioris partem, & tandem etiam musculos & integumenta perforaverat; dente evulso, omnia, quæ ore sumebat, per hoc foramen elabebantur. Si dens cariosus fit, & fistula perpetuo manans remanet, fertur utcunque in maxilla superiori; sed si fiat in inferiori, ubi tot molles glandulæ & musculi sunt, omnes hæc partes in loquela & deglutitione lacerantur, & ab hac causa saepe

sæpe scirri & cancri fiunt. Nil autem molestius est, quam si palatum perfoditur, nam dentem eximere non possum, nisi palatum simul frangere velim. Omnia hæc mala fiunt imprimis in prima ætate, nam consolida ta maxilla, tantus metus non est, & dens potius peribit; quando ergo vobis ocurrunt, non facile accusare debetis catarrhos vel destillationes, sed semper cogitare, quod vitium hæreat in maxilla vel dente, unde omnia alia mala expectanda sunt, nisi dens, simulac commoda occasio adsit, elevatur.

Hic vero morbus a nulla re magis fit, nisi ab acido forti: si enim homo multos fructus immatuos comedet, sentiet stuporem dentium; si pergit hic morbus, crusta exterior eroditur; quando tunc tantum aer frigidus accedit, statim fit odontalgia. Pessimum ergo est artificium, quo dentes nigri redduntur albi, nempe per acidum vierolicum, nam tunc simul crusta externa tollitur, & sentit homo, ac si dentes aqua frigida abluerentur, & post paucos dies fusci fiunt. Tentandum tunc est, an dentes adhuc restituiri possint: sumitur alcahest Glauberi, vel oleum tartari per deliquium, quæ ambo antacida sunt, hæc multa aqua diluuntur, & hoc remedio dentes per acida erosæ ab imminenti malo conservari possunt; si vero malum jam penetraverit ad intimam, sola evulsio juvat; hac enim facta, vulnus recens patet; repurgatur omne, quod incipiebat corrupti, comprimuntur omnia vasa, & totum cavum deletur: frustra ergo novus dens exspectatur, nisi in infantibus, in quibus secunda dentitio nondum facta est.

Habetur in observationibus Ruy SCHII, quod, dum Sceleta tentabat reddere alba ope aquæ cum acido mistæ, si paulo plus spiritus nitri vel aquæ fortis immiscebat aquæ, ossa fiebant flexilia, ita ut magnum os femoris in quamcumque vellet formam adaptare potuerit; ergo acida tollunt solidescens illud, quod in osse facit

osseum; hiac quando dentes habent in se aliquid, quod illos teneros & molles reddit, eatenus alcalia juvant. Ut vero evulsio fiat, si malum hæserit in dentibus caninis, Chirurgus debet bis vel ter dentem leniter concutere, ut alveolus utcumque dilatetur, & sic instrumento suo vectiformi dentem potius potest eximere, quam elevare; si vero una vice hoc facere tentat, tunc lamellam perforatam sæpe penitus frangit. Si contingit in postremis dentibus molaribus, ut per morsum pressi radices suas divaricaverint, tunc oritur ingens tumor, & maxilla assidue dilatatur; si tunc dens retrocedens in dilatatam partem benignitate naturæ elevatur ab altero dente, æger in manducaione non lœdatur; si vero radices protensa manent, ita ut maxillam pertundere incipient, tunc oriuntur tot tubercula, quot sunt radices; maxilla ibi fragilis fit, & frustulatim excidit; in hoc casu dannata sunt assidue collutoria oris, quæ a putredine præservant: huc faciunt Folia Rutæ, Scordii, Alliariae, Absinthii, cum vino & paucō aceto mace rata, & æger simul debet moneri, ut hac parte oris non manducet: dens etiam sæpe conterendus, non autem per ferramenta, sed per fistulam tabacariam, quam inveni hic optimam li mam esse, imprimis si vulgare tantum genus adhibeat; hujus ope dentes tuto teri & politi reddi possunt, sed hoc tamdiu repeti debet, donec cuspides abrasi sint.

Quarta species Odontalgiae hæc est. Sæpe contingit, dentes caninos superiores tam longos esse, ut radicibus suis infimam antri Highmoriani lamellam attingant. Antrum hoc in homine adulto aliquot dachmas liquoris capere potest, sed in infantibus non invenitur; emissarium habet in cavum nasi, & in omni sua superficie tegitur periosteum, quod ab omni alio diversum, a solo Ruy SCHIO bene descriptum est, quod sit papyro longe tenuius, & arteriis innumerabilibus gaudet, quas sero-mucosas vocat, quia non in venas patent, sed rectis tramitibus exhalant

Ultima
Species o
dontal
gia.

liquidum; quod stagnando mucescit. Si ergo homo nixu fortissimo dentes ad se invicem adducit, premit radicem dentis canini contra lamellam infimam hujus antri, eamque saepe pertundit; ita ut radix dentis assurgens inflammationem faciat in periosteum subtilissimo hujus antri, quae se ulterius dispergere, & in suppurationem verti potest: superior lamella hujus antri facit orbitam oculi, hinc vitia, hic nata, possunt propagari ad ipsos oculos, & haec ratio est, quare hos dentes caninos vocaverint ophthalmicos. Si membrana antri tumescit, viam in nares occludit, & nil geniti humoris per nasum exit; corruptitur ergo hic humor, qui tunc saepe per lamellas hujus antri sibi viam facit, & pessima ulcera producit. Nihil hic est remedium, nisi ut dens oxyssime evellatur, nam tunc antrum statim se repurgat, inflammatio cessat, & humor naturale suum iter recuperat; dente evulso, per immissam fistulam potest injici vinum cum scordio, alliaria, & sale, ut sic antrum repurgetur.

Consideratio Ca.
tarri. Quoniam vero in Odontalgia saepe accusatur Catarrhus, paucis hic loci inquiram, quid de hac re sentiendum sit. Catarrhus vocatur subitus tumor, absque manifesta causa se ostendens in variis corporis partibus. Latini hos tumores vocant destillationes, quasi humores eo versus destillarent. Tales saepe fiunt in membrana SCHNEIDERIANA, in fauibus, larynge, bronchiis, & tussim excitant, quam catarrhosam vocant, quae tam frequens est in senibus, in quibus dentes jam deficiunt. Ergo homines non laborant odontalgia ex causa catarrhoa, sed semper a causa topica in dentibus harente.

Quæritur ergo nunc, quinam nervi hic afficiuntur? Scimus ex Neurologia, quod nervus quinti paris abeat in tres magnos ramos, (V. EUSTACHII Tab. XVIII.) qui ad omnes capitis externi partes distribuuntur. Nervum, qui ad maxillam inferiorem tendit, concomitantur arteria & vena. Sed præterea ramus portionis duræ nervi auditorii ingreditur aquædu-

ctum FALLOPII; & circa processum mastoideum iterum egreditur, & tunc distribuitur in ramos, qui abeunt in varios faciei & auris externæ musculos, & cum memoratis paris quinti rami communicant, & hi sunt nervi, qui in Odontalgia afficiuntur; hinc ægri tunc dicunt, se sentire ad loca temporalia, quasi ibi destillaret aliquid. Patet nunc, quod si odontalgia oriretur a destillationibus, illa in decrepitis senibus & aniculis edentulis deberet esse major & frequentior, quam in tota vita præcedenti, nam in senio destillationes sunt omnium maximæ & frequentissimæ; hoc vero quum non appareat, patet, quod Odontalgia sit affectio topica dentis, quæ ab ejus nervis pendet. Observatum est multoties, quod homines, qui Odontalgiae maxime erant obnoxii, postea per totam vitam inde liberati fuerint; & hujus rei causa aliquando detecta est per Anatomen, nam in substantia dentis infima, qua parte canalem habet exilissimum, qui vix capillum recipere potest, & tamen admittit tria vasa, nervum, arteriam & venam, inventa fuit exostosis vel exodontosis, quæ vasa illa comprimebat, & foramen illud reddebat nullum. Triplex ergo causa est, cur homines, qui laboraverunt Odontalgia, postea ab ea maneant liberi. 1. absentia dentis evulsi, unde concretio maxillæ omniumque nervorum abolitio. 2. talis dentis ipsius diatheresis, ut nervus factus sit callosus. 3. tumor ad radicem dentis, comprimens vasa, dentem ingredientia.

DE PARONYCHIA.

Similitudo ingens est inter Paronychiam & Odontalgiam, quod fecit, ut hic loci hunc morbum explicare constituerim. Uterque enim morbus hæret in nervo detecto, qui in partem duram abit. Nervi, qui ad dentes eunt, intra eorum cavernulas distribuuntur; qui vadunt ad phalanges digitorum, progrediuntur per cartilagineam

Compa-
ratio Pa-
ronychiae
cum O-
dontalgia

gineam thecam, in qua est causa Paronychiæ. Omnis nervus abscissus, statim retrogreditur; sed nervi, qui ad ossa hærent, semper sunt doloris constantissimi: si in dente v. g. mille cavernulæ sunt, in singulis filamentum aliquod distribuitur, & dolor tunc potest manere per annos. Causa Paronychiæ similis est, quia nervus hic in ramos infinitos divisus hæret inter tegmina solida; tenuissima acicula pungitur sub unguibus, manebit fere dolor, donec homo moriatur, omni remedio resistens: in dente faciliora sit caries; sed phalanx extrema similiter est os cavernosum, quod si a Paronychia afficiatur, saepe excidit.

Descrip- Paronychia ab AEGINETA definitio hujus tur, quod sit *abscessus*, *natus circa mali ejus radicem unguis*. Latini vocaverunt que sym- ptomata. *Reduviam*, quæ vox denotat illum semi-circulum, qui est ad finem cuticulae & cutis, ubi hæret unguis. A recentioribus vocatur *Panaritium*. Morbus ille sedem habet in articulo extremito pollicum & quatuor digitorum manuum vel pedum, ad radicem unguis, vel ad latera. Hæret in primis, ubi papillæ cutaneæ se explicant, & horizontaliter incipiunt decurrere: in hac parte dolor fit adeo acerbus, ut totum corpus inde concutiatur, & omnis somnus tollatur; imo fiunt inde febres, convulsiones, nausea, vomitus, syncope, phrenitis, & quandoque mors omnibus miseriis inposuit finem. Ipsa pars affecta saepe non multum tumet, licet in metacarpo, carpo & brachio tumor immanis excitetur. Quo major est tumor, eo facilius sanatur morbus; quo minor tumor, eo dolor magis intolerabilis.

Sympto- Si morbus afficiat digitos, tumor terminatur ad flexuram cubiti, ubi biceps tendine suo in radium se infert, omnesque digitii dolent, quia tendines, qui accedunt ad phalanges digitorum, inter se communicant; si vero pollex laborat, reliqui quatuor digiti non afficiuntur. Dolor hic uno momento saepe insurgit, & malum intra paucas horas admodum propa-

Tom. I.

gatur, ita ut ossiculum vel phalanx extrema pollicis aut aliorum digitorum cariosa fiat, & licet per aliquod tempus adhuc hæreat, tandem tamen excidat. Quantum novimus, in tota Chirurgia nullum est exemplum, quod pars quædam tam cito sideretur. Incipit etiam fere semper unguis protrudi, ita ut ultra pulpam digiti assurgat, tandem vacillat, & intra paucos dies sine sensu eadit; sed, quod magis mirum est, intra mensem iterum crescit. Putrescit etiam tendo, qui supra ultimum articulum adscendens in hoc ossiculo radicatur: appareat tunc in fundo ulceris aliquid albi & flocculent, quo separato, ultimo etiam putrescit tenax ligamentum, illoque integre putrefacto ossiculum non potest manere articulatum cum ossiculo sequenti, & tunc demum elabitur. Hac ratione in tota palma manus potest separatio fieri materiæ cujusdam flocculentæ, musculis perfecte intactis, sed cutis postea cum iis concrevit, & tota pars fit immobilis. Hæc est in genere descriptio hujus mali, sed quia singularis ejus natura a parte affecta pendet, hinc alla paulo accuratius examinanda est.

Vidimus, quod Paronychia non oritur nisi in phalange superiori pollicis & digitorum, sed ad unguem non pertingit, nam sub ea tantum papillæ solæ sunt, & unguis cum iis non cohæret, sed incumbit, ergo nihil ad phalangem facit. In ultimo Phalangis ossiculo tres distinctæ partes considerantur; apex supernus, qui tam mire fungosus est, ut vix osseus appareat; medium, quod parvum est; pars infima, qua secundum ossiculum respicit, quæ habet cavum valde latum, obductum crusta cartilaginea polita & solida, cui respondeat cartilago convexa ossis secundi: cæterum ipsum os est scabrum, spongiosum, cavernosum, ut omnia reliqua ossa corporis; in omnes ejus poros vasa omnis generis ingrediuntur, ejusque scabrities ligamentis inferendis inservit: crustæ cartilagineæ valde politæ sunt, & in iis nullus porus vel

Pars affecta.

H 3

per

per microscopium appareat, & quantum videmus, tota hæc pars vasis ingredientibus & egredientibus destituitur. Rogavi RUY SCHIUM, ut hanc rem sollicite indagaret; & responsum ab eo accepi, quod, si injectio fieret felicissima, invenerit cartilaginem vasculosam in infima parte; sed quod nulla vasa apparerent in alia parte, quæ sustinet articulum. Sumsi ossa boum annosorum, decoxi, & dum subito ex aqua ebulliente eximerem, vidi, quod crusta cartilaginea in omni fere punto speciem haberet vesiculæ, pingue quid continentis. Ex binis his experimentis collegi, quod hæc pars polita revera nulla habeat vasa visibilia, sed quod tamen in cavernulis quibusdam sit pinguedo transfudans, quæ cartilagineam hanc crustam lubricat, ne per attritum calefacat & consummatur.

Fabrica.
Ujus.

Infima pars hujus ossiculi primi ita necitur cum secundo, ut flexionem & extensione admittat, hinc ligamenta obsequiosa esse debent. Olim in foetu constabat ex tribus partibus; crustula ossea in parte anteriori, parte media densiori, & tunc in parte posteriori sequebatur epiphysis, facile separanda. Inter primum & secundum ossiculum est capsula ligamentosa, sed illa ossis pars, quæ nuda est a ligamentis, periosteo tegitur; illud autem eo loco, ubi ligamenta sunt, illa transcendet; & ubi venit ad alterum os, ligamenta deserit, & ossi iterum accrescit. Idem in reliquis articulis verum est, quod nempe ligamenta orientantur in illa ossis parte, ubi in prima ætate erat epiphysis, ossi juncta, hinc fibræ ligamentosæ distinctæ sunt ab omnibus aliis corporis partibus; extenduntur illæ ab una epiphyse ad aliam, & non invenitur mobilis articulatio, ubi primo non fuit cartilaginea epiphysis; & faciunt hæc ligamenta capsulam cavam, tam arcte clausam, ut nullibi liquidum intrare vel exire possit. In his ergo partibus est œconomia singularis, & morbi quoque singulares. Interna ligamenti superficies est valde polita & obsequiosa, nam in flexura articuli nunquam eadem manet. Si

descissa theca ligamentosa aperitur, & ad latera premitur, sudabit undique liquorem, perfecte similem albumini ororum recentium; hoc liquidum non pingue, sed mucilaginosum, internam ligamentorum superficiem oblinit.

RUY SCHIUS porro demonstravit, quod illa ligamenta per omnem substantiam plena sint vasis, ita ut apparent reticula arteriosa & venosa, & illæ arteriæ liquidum suum in has thecas deponunt; si hoc miscetur cum illo mucilaginoso, optima fit attenuatio, & nascitur materies, lubricando articulo aptissima. Eodem modo agunt artifices, qui novas rotas non solo oleo, vel sola pice, sed utrisque mixtis obliniunt. A justa copia & conditioне hujus linimenti articuli flexilitas pendet; hoc vero si stagnet, anchylosis oritur. Ampullæ hæc smegmatice non æquabiliter perspirant, sed motu articulorum nunc cōprimuntur, nunc iterum laxantur, & liquorem suum exprimunt. Si alicubi in commissura ossium debet fieri maximus attritus & motus, Creator non tantum dedit cryptas in ligamentis, sed alium etiam & mirificum apparatus. Sic duo Condyli ossis femoris inferiores, qui committuntur cum ossibus tibiae, primo habent ligamentum ambiens, quod continet duas cartilagineas semilunares mobiles, & circa illas cartilagineas inveniuntur aliæ ampullæ quam plurimæ; in medio magnus sinus cavus hæret, & ibi adhuc alia ligamenta apponuntur; ibi sunt similes ampullæ. Os innominatum, habens acetabulum pro osse femoris, accepit ligamenta fortissima, & in medio est ligamentum aliud, Teres dictum, & circumponitur bursa flexilis: si injectio felicissime peracta est, infinitæ arteriæ & venæ hic ubique apparent, & si premitur pars, guttulæ ubique emanant. Præter hoc universale perspirans humidum, & smegma illud mucilaginosum, ad articulos etiam venit medullosum oleum, quod in quiete aggregatur, & per motum consumitur: hoc in senibus, scorbuticis, & lue venerca affectis perit;

hoc

hoc difficulter penetrat, licet forte subtilissimum transudans sit; quando hoc deficit, artus vix moveri possunt; data tunc medulla alicujus animalis optimum habet effectum. Obsessa arce Suecica milites caruerunt omni annona; incepérunt laborare doloribus articularibus; unus erat in arce Chirurgus, qui suafit, ut legerent ossa mortuorum equorum, quorum medullam dicebat esse optimum remedium, unde omnes solamen acceperunt.

Prima Paronychia species. Ossa quo sustinent majores motus, eo plus habent medullæ; & in pharange simile deponitur liquidum, quam in omni loco, ubi est magnus & assiduus attritus; si quiescit articulus, illud mucilaginosum accumulatur; sed per motum & attritum attenuatur & expellitur: quamdiu hæc liquida suppeditantur, animal se potest movere; si deficiunt, pars obrigescit. Si vero contingat, ut loco triplicis humus mitis & insipidae materiæ, acris accedit, vel illa acris fiat, dolor fit ad minimum motum, & hinc illi homines semper debent quiescere, ut dolorem evitent. Si acciderit, ut majori copia adferatur, quam reducitur, ideoque accumuletur, tunc liquidissima pars exhalat, crassior remanet & continuo aggregatur, hinc oritur tum ankylosis, tum tumor, quæ ligamenta expandendo dolorem facit, qui, prout hæc materia augetur, continuo increscit, & saepe per annos durat. Talis tumor semper lente accedit, sed a plethora vel febri solet augeri; & si ægri illi majori copia bibant potus calefacentes, vel maiorem fecerint motum, dolores illorum exacerbantur. Si tunc simul vasa periosteï & vaginæ adiposæ tendinum afficiantur & erodantur, omnia cito corrumpuntur, & hoc malum in primis timendum est in articulis phalangum digitorum. Hanc pono primam speciem Paronychia.

Hoc malum curatur, exhibendo talia, quæ nullam acrimoniam vel cruditi-

tatem habent: lac ergo princeps est remedium, sed ne nimis facile acescat, parum saponis Veneti addendum est; dein serum lactis, vel jus carnium sine multo sale paratum. Lenis etiam motus fieri debet, & nil melius est, quam omni mane flectere, & extenderе, & leniter comprimere suos artus; nam hoc modo malum optime præcaveri potest: tandem etiam frictio inter remedia probatissima est.

Altera Paronychia species. Sequitur altera Paronychia species: Ligamenta, capsulam articularem scientia, ubique vasis sunt plenissima, ita ut injectione feliciter facta tota rubescant; injectione non facta, separato periosteo, theca ligamentosa apparet exsanguis, & tamen est pars vasculosa. Omnia hæc vasa per motum articulorum continuo abbreviantur & elongantur, hinc humores omni momento mutantur; & quum præter leges circuitus habeant hanc mutationem, ergo omnia illa vasa accipiunt omnia bona & mala, quæ possunt oriri ex hoc motu; possunt ergo in his ligamentis oriri inflammations, suppurations, degeneraciones scirrœ & gangrenosæ; possunt hic fieri insipiations humorum & hydrops ligamentorum: nullum tunc est vitium in cavo articuli, sola ligamenta mutantur; & si levis tantum in iis fiat inflammation, dolor fit ad minimum motum; si accedit suppuratio, tota capsula perit: hinc fiunt tumores tam immanes & duri, ut præ magnitudine Chirurgorum & Medicorum judicium fallant; & hoc imprimis observatur, si illi homines cogantur se movere. Sed ligamentis incumbit periosteum, quod ubi eousque pervenit, deserit os, & superscandit ligamentum, hinc periosteum circa ligamentum facit sacum, qui materiam, sub ligamento hærentem, coercere potest: hinc tumor quicumque hic natus atrocissimum sensum facit, & si hic morbus contigerit, facit lento gradu corruptionem.

Cognoscitur hic morbus, si in hominibus, ad rheumaticos & podagrivos dolores dispositis, post majorem

motum subito oriatur magnus dolor cum ardore circa has partes, & febre intensa, qui dolor ad minimam flexionem augetur, sed in quiete pacatior est: ligamenta enim sunt extensilia & corrugabilia, & quia illa extensio in omnibus partibus est aequalis, hinc quando in statu naturali sunt, nullus est dolor; sed quando magis extenduntur, dolor fit vehementissimus; & si quis imprudenter flectit articulum, vasa vel crepant, vel sunt in statu crepationi proximo: si ergo podagrī insultus suos constanter, quiete, ope diætæ tenuis, per octo dies ferre possint, satis mitem morbum postea experiuntur: & si ad locum, ubi dolor fuit, oritur diaphoresis cum pruritu ad articulum, & leni desquamatione, tunc iterum possunt ambulare: si vero, præ doloris sustinendi impotentia, somenta his partibus applicent, & sic vasa dilatent, tunc omnia quidem citius pacantur, sed juncturæ longiori tempore manent immobiles: si admodum plethorici sint, per moderatam venæctionem optime juvantur; potet æger lac cum aqua, decocta levissima carnium vel cornuum cervi per octo dies; ultra nihil requiritur; abstineat ab omni cibo, crassum chylum faciente, omnibusque acribus; jus carnis vitulinæ in hoc casu optimum est remedium; ubi partes sine dolore sunt, id est, inflammatione peracta, instituatur lenis motus, ne materies lubricans in articulo colligatur. Maxime metuendus est ille morbus, si articuli usque adeo exercentur, ut per lassitudinem dolere incipient; impennis hoc fit, si frigus ad partes calidas admissum fuerit. Dixit HIPPOCRATES, quod a nulla causa oriatur vehementior dolor, quam si agricultæ in summo æstu habuerint solem æstivum splendentem supra has partes; illi homines antrorum maxime inclinant, dum erectis femoribus humi legunt herbas; si tunc sol fervidus luceat, oritur ardor & exsiccatio, unde dolores enormes, vix dein. ceps levandi; facta hic est nimia di-

stractio & exsiccatio; & si illi homines non utantur diæta blanda, tota vita miserrime laborant. Voco jam ad morbum tertii generis, qui hæret sub membrana cellulosa, quæ capsulam ambientem separat ab articulo.

Sed mirabundi forte rogatis, quare de Paronychia agens loquor de species. aliis morbis, qui huc non videntur pertinere? Respondeo, quia omnes tumores, qui memoratis partibus adscribuntur, nullum exitum habent quam per ligamenta, & hæc scuta resistentia & flecti impotentia faciunt, ut vitia hic nata valde inter se convenient. Creditum fuit olim, Paronychiam oriri a verme, veneno, vel aqua acri, sed nullæ observationes hoc demonstrant; constat autem, quod theca ponatur circa articulos, nullo modo dilatabilis, & quod ligamenta, capsam articularem facientia, sint plenissima vasis; omnia autem hæc vasa oriuntur ex periosteo, dum illud ligamenta superscandit; ergo quando periosteum afficitur, malum pergit ad ligamenta.

In toto corpore nullum vas, nulla fibra, nullus tendo libere decurrit, sed semper hæret in vagina quadam inflabili, facile extensili, naturaliter tenuissimo oleo repleta; hæc vagina pertinet ad membranam cellulofam, quæ ubique est in corpore. In homine obeso tota hæc membrana apparet pinguedo crassa; hæc vero si præternaturaliter aquam accipit, facilit hydrozem Anasarca; quando exhausta est omni liquido, tunc evanescit, & pars, quæ distinguebatur ab hac membrana, concrescit cum alia, & quidem tam arcte, ut fiat unum non perspirabile corpus. Ratio, cur membrana pulmonis non concrescat cum membrana succingente costas, est, quia humor se interponit; qui si deficiat, pulmo accrescit ad thoracem, & hi homines, antequam moriuntur, asthmate intolerabili vexantur.

Hæc membrana invenitur quoque, in artiis, ubi periosteum, ossa deferens, ligamentum superscandit; facit hæc, ut vasa liberrime ex periosteo in liga- men-

mentum transeant; & quod morbi possint fieri inter membranam exteriorem ligamenti, & interiorem periosteum.

Inflammatio in illa. Quando materies ceracea summo effectu injicitur in foetu, toto corpore repleto, epidermis & corpus reticulare nullum habent vas; papillæ nervosæ coronantur vasis rubris circumpositis; pars vasculosa cutis tota rubra est; in membrana cellulosa nullum ordinatum est vas, sed materia ceracea effunditur, & tota illa membrana est quasi integra cera: si ergo non tantum per arterias oleum pingue deponitur, sed ipse sanguis, ille tunc hæret in his cellulis, & oritur inflammatio cum summo dolore. Quando hæc in hoc loco facta est, & vasa in initio per magnam venæctionem non ita deplentur, ut sanguis resorberi possit per venas, dum adhuc fluidus est, necessario corrumpitur; & quamdiu durat, sanguis ac. cumulatus hæret inter ligamentum fortissimum, resistens, & inter periosteum tenuem, vasculosum, nervosum, sensillissimum; hinc tumor hic natus dilacerat periosteum, & separat a ligamento.

Interim materies aggesta, a vi cordis pulsa, impeditur transpirare, comprimit vasa, & fit duplex inflammatio, nec ullus datur locus pro evacuatione: ligamenta sunt tam tenacia, ut a quatuor equis non possint disrumpi; hinc bursa cellulosa colligit hanc materiam, quæ distendens periosteum facit dolores immanes. Nulla pars acrius sentit quam nervus minimus extensus; hoc apparet in hominibus, quibus extirpatur os tibiae; ferunt illi hoc malum satis constanter; sed illo momento, quando culter pervenit ad periosteum, si Chirurgus periosteum aliquantum trahat, tantus fit dolor, ut sæpe convellantur. Sed in hoc casu, de quo agimus, durat morbus per aliquot dies; elatus tumor incipit sensim destrui; membrana acutissimi sensus coeretur a limitibus ligamentosis & osseis: si ergo ramenta fibrosa periosteum incipiunt ex-

tendi, idem fit; ac si illud lenta tractione dilaceraretur, malum tota ossa inficit, & actiones partis læduntur. Maxima vero est difficultas hanc materiam elicere, quia hæret intra periosteum thecam, supra quam adscendent tendines, vaginæ tendinum, ligamenta cartilaginea, materia pulposa digiti, series papillarum nervearum, membrana adiposa, cutis & epidermis; incipiat nunc materies clausa disponi, ut se liberet, tamen non poterit, nec ulla emollientia hic aliquid facere poterunt; nullus apparet tumor, quia integumenta non possunt elevari, & omnia corruptuntur.

Intelligitis ergo, quod si inflammatio tendat in suppurationem, dum illa fit, dolor immanis esse debet. Sed in inflammatione impeditur etiam perspiratio, quia vasa sunt compressa, hinc tumor fit major, qui imprimis tendit versus periosteum, quia hoc minus resistit quam ligamentum; sed quia hoc valde nervosum est, dolor fit intolerabilis. Ponamus nunc, quod hoc malum fiat in ultima phalange digitorum: quando materies hic clausa incipit disponi, ut se liberet, nullam partem elevare potest; nec ullus tumor extrorsum apparet, quia ligamenta attolli non possunt; cæterum inflammatio consuetum suum ordinem servat. Videlis, quod hæc species Paronychiæ una sit ex pessimis: si fiat suppuration, materia colligitur sub periosteo, & supra ligamenta, & si pus abeat in ichorem vel meliceriam, tunc roduntur illæ partes; & si dissolvatur periosteum, tunc nudatur ligamentum, hinc facile concrevit cum paribus vicinis, & fit immobilitas si ne ullo apparente tumore: periosteum consumpto, patet, quod articulus extremus digiti debeat privari omni afluxu arteriosi sanguinis, adeoque omnne nutrimentum definit.

Morbus cognoscitur a loco, a celeri de-
cursu, a tumore nullo externo, a commu-
nicatione malij per dolorem potius quam
per tumorem. Si non juvetur in tempo-
re, materies, quæ tunc continetur sub
illa capsula, consumet periosteum & arti-
culum.

culum extremi digiti, & impediet influxum vitalis liquidi, & in hac specie Paronychia unguis semper cadit.

Chirurgi, ad hæc mala vocati, dum tantos dolores inveniunt, statim sua emollientia applicant, sed si ne fructu; imo motus augetur per calorem, hinc destructio sit major, quia materies exitum invenire nequit: tandem in extremo apice digiti apparet stigma subnigrescens, instar morsus pulicis, quasi esset carbunculus; post aliquot horas fit parvum foramen, quod pustulam purulentam minatur, qua se expandente sensim fit eruptio, & tunc actum est de illo articulo, nam periosteum destrutum est, quod hic nudum est, & apicem ambiebat; destruxta est quoque tota capsula: hoc stigma non prius fit, nisi materia nutriens amplius eo ferri non possit.

Curatio. Si per omnia signa constat, hoc malum adesse, requiritur, ut conditio loci singularis in communem mutetur. Si ergo subitaneus & magnus progressus sit inflammationis, sive vitium sit in perioste, sive in tendine, aperienda est pars, antequam putrefactio nata sit, ad ossa usque, a parte laterali digiti: hæc apertura tantum fit scalpelio, ut omnia ligamenta uno iectu descendantur usque ad membranam periostei; tunc digitus per quadrantem horæ teneatur in aqua calida, donec tres vel quatuor unciae sanguinis efflaxerint; hoc perfecto applicatur lene digestivum ex Balsamo Peruviano cum paucō vitello ovi: dolor tunc quidem cessat, sed post duodecim horas Chirurgus invenit ingentem exivisse fungum, ita ut partem peritoram putet; materies inflammata enim incipit se exonerare per vim vitæ, & hic tantum porta aperta est; ergo omnia exeunt, & vasa extrorsum dilatata apparent; hoc vero potest præcaveri, si digitus in aqua calida maneat, ut sanguis exeat, vel si emollientissima applicentur.

Cogitatis forte, cur apertura non sit in dorso, vel infima parte digiti?

sed novistis, quod tendo flexoris digitorum ad plus quam medium inferiorem partem primæ phalangis veniat; flexor autem a parte anteriori ulnae & ligamento interosseo inter radium & ulnam oritur; si ergo hunc tendinem descendis, vitium usque ad radium, & ulnam propagatur: idem verum est de musculo extensore in parte superiori; sed in parte lateralí disponuntur nervi, arteriæ & venæ, quæ hic sine periculo descendi possunt. Et hic locus est corrigendi maximos scriptores de rebus Chirurgicis. **HILDANUS** dicit, se habere remedium generale contra Paronychiam, nempe ut statim applicentur emollientia: hoc verum est, si tantum Paronychiam vocat, ubi tumor adest supra illam capsulam, nam tunc haeret in membrana cellulosa.

Quando **SEVERINUS** dicit, hoc malum tolli, si digitus immittatur aeto fervido: imo quando **HIPPOTRATES** dicit, quod Galla quercina, cocta in aceto, valeat ad Paronychiam, illi scriptores eadem ratione limitandi sunt: similia quoque in aliis scriptoribus observari poterunt. Intelligimus jam triplicem hujuss generis dolorem; primum a degenerante succo intercartilagineo, alterum a degeneratione ligamentorum, tertium a perioste; sed transeamus ad aliam hujus morbi speciem.

Articulus ultimus digitorum habet etiam suum periosteum, sed quod in hoc loco distincti aliquid habet ab omnibus aliis locis; incipit in illo loco, ubi insertio ligamenti ultimi articuli definit, & pergit, ubi glabrities est; sed in ipso articulo incredibile quam parum sit perioste; nam phalanx pollicis ultima a parte interiori visa, tertiam partem inferiorem scabram habet, superiorem quoque pro magna parte, ita ut periosteum tantum in medio sit, nam ubi scabrities est, ibi ligamenta fuerunt: periosteum hic pervenit ad apicem; & non secedit, ut in aliis articulis, sed ambit apicem. Novimus, quod hæc membrana nil est nisi simplex

plex textura vasorum, quæ materiam oleosam ad cava ossium deferunt; hinc si coquatur phalanx, semper dabit aliquid pinguedinis; & si dissinditur, in omnibus ejus cellulis inventitur oleum: simulac hoc oleum quacunque de causa ablatum est, totum os fragile existit: ne autem in hoc loco facile fiat fractura, sapiens CREATÖR apposuit duos clypeos, 1. a parte anteriori mollissimum pulvinar, natum ex substantia pulposa digiti, quod omnem impetum retundit. 2. a parte posteriori unguem, qui in nobis quidem rectus est, sed naturaliter crescit incurvatum, & se opponit digito, ita ut hamulus ultimus sit in linea horizontali cum pulpa digiti: sed licet digitus ita præmunitus sit, si tamen in hoc loco a corporibus externis apex ita læditur, ut contunda tur periosteum & oriatur inflammatio, oritur nova Paronychiæ species, quæ totum articulum pessundare potest, nam frasto periosteo, & scabritie contrita, spes nulla sanationis superest; hinc pars illa putreficit, fungosa fit, & cadit: si vitium pertingit ad capsulam, tunc simul aderit prior Paronychiæ species.

Diagnosis & cura. Cognoscitur hoc malum a causa externa prægressa, & hinc per prophylactica antiphlogistica citissime profici debet. Nil vero magis cavidum est, quam quod vitium ab extremo veniat ad periosteum medium: ibi enim inferius perforatur per tendinem flexoris digitorum, & superiorius per tendinem extensoris: dum ergo in spatio tam exiguo minimum vitium tendinem afficit, intelligitis facile, quod illud ad musculos statim avolet, & reliquis partibus communicetur: hinc cura antiphlogistica instituenda propter febrem intensam, quæ etiam in frigidis hominibus nascitur; optima ergo est missio sanguinis, & dilutio per aquosa, quibus nitrosa admiscentur; caveatur etiam, ne alimenta nimis crassa adhibeantur; & diæta sit potius valde tenuis: curandum quoque, ne hic putrefactio oriatur, quæ semel nata ossis cariem

producit; hoc vero obtineri potest per applicata externa, quia hic nec crusta cartilaginea, nec ligamenta adsunt, quæ actionem impediunt: ergo duo hic nascuntur indicata, 1. humores ab osse allicere extrorsum. 2. allectos præservare a putredine. Primum fit per emollientia, v. g. farinam secalinam cum paucō aceto, quod remedium antiquum est & optimum. Absinthium, Abrotanum, Ruta, Scordium, Acetum, Vinum, Spiritus Vini satisfaciunt his indicationibus. Si locus affectus mollescit, & in tuber assurgit, nil metuendum; sed tunc debet aperiri, & emollientia & antisepтика apponi: si vero tumor non veniat, oritur prior species Paronychiæ; hinc etiam apertura facienda, & pars ad suppurationem dici debet.

Vocamus nunc ad illas Paronychias, ^{Quinta species.} quæ oriuntur a læso tendine, qui finem habet in prima phalange. Tendo ille forte longissimus est in toto corpore, si consideremus originem musculi, quæ est supra inferiorem partem ulnæ inter binos flexores carpi; caro ejus supra supinatorem desinit, & ibi tendo incipit, qui transiens supra periosteum & thecam ligamentosam phalangis secundæ, tandem fere extremitati phalangis inseritur. Magna vis Mechanica impenditur movendæ phalangi; hinc implantatio tendinis ultimi fit longe magis ad finem, quam in cæteris phalangibus; & priusquam hoc fiat, periosteum, hactenus ossi accretum, sedet, & per secessum hunc ingreditur tendo, qui hic facile ossescit. Volens CREATÖR flecti posse tres phalanges digitorum, adhibuit tres musculos lumbrales, qui ex quatuor tendinibus musculi perforantis oriuntur, & ad primam phalangem vadunt: hi quatuor tendines nunc imponuntur quatuor aliis, qui inseruntur phalangi secundæ, tunc hi quatuor inferiores emergunt per fissuras, & jacent super illos priores, quibus ante succumbebant.

Si consideramus auferri a palma manus omnia integumenta, tunc videtur expansus.

expansio tendinosa, quæ ad unumquemque digitum bifariam definit, & qui tendo, sub armilla demissus, abit in longissimum musculum, qui oritur ab osse circa flexuram cubiti: quando ille musculus, palmaris dictus, abscinditur, apparent quatuor tendines musculi sublimis; si hi abscinduntur, subjacent quatuor musculi lumbricales, qui oriuntur a parte tendinea musculi profundi. Hi tendines in parte phalangis interiori propter flexionem impositum habent scutum cartilagineum, vaginalē, coercens illos tendines, hinc omnis tractio determinatur; & ne exsilirent, **CREATOR** in metacarpo armillam posuit, sed quæ non est in dorso manus, nam ibi manus tantum preparatur ad apprehensionem; hinc tandem unus musculus extensor digitorum omnibus phalangibus datus est: ergo tendo phalangis primæ quatuor proprietates habet, 1. quod sit longissimus. 2. quod per fissuram tendinis bifidi secundæ phalangis transmittatur. 3. quod musculi lumbricales in palma manus ab illo oriuntur, & 4. quod sub armilla ponatur supra musculum pronatorem quadratum. Profundus hic musculus originem habet ex supra ulnæ parte, unde carneus valde procedit; huic superincumbit Flexor carpi ulnaris, qui non tantum oritur ex osse, sed ex ligamento intermedio inter ulnam, & radium: si ergo in tendine phalangis extremæ digitii oriatur morbus, habebit multa singularia, quæ in nullo alio tendinum morbo apparent.

Omnis morbus tendinis est duplex, vel enim laedit tunicam mucilaginam, intra quam tendo hæret, vel substantiam tendinis ipsam: A tendine affecto oritur dolor & convulsio, quæ se extendit ad musculos, illi tendini affines. Affectione tendinis solvit vel irritat illius fibras, hinc afficit etiam illas fibras musculosas, quæ sunt propagatio tendinis; si ergo fibræ incipiunt agere, tunc in toto musculo enormis sit agitatio. Hoc si fiat in prima phalange digitii, non debemus cogitare, quod terminetur in solo musculo profundo; vidimus enim, quod

Sympto-
mata im-
si tendi-
nis.

ejus tendo transeat per fissuram bifidam musculi sublimis; dein lumbricales etiam a mobili tendine profundi oriuntur; hinc non miramur, si tendo musculi profundi irritetur vel dissecetur, quod tunc convellantur omnes musculi phalangum. Quando diu continuatur hæc convulsio, concutitur etiam cerebrum, & totum corpus quandoque inde obrigescit.

Ab hac causa fit etiam dolor, diversus ab omni dolore alio, qui quando atrocissimus est, sequitur delirium & tunc ægri non amplius sentiunt, vel cerebro affecto, oritur syncope, & ablato omnis motus.

Constat experimentis, nationem esse, quæ ad quævis tormenta veritatem non confitetur, modo tortor corpus vehementer concutiat: nam quando doloris causa sic concussit corpus, ut oriatur quies in sensorio communi, omnis doloris sensus ablatus est.

Quum hoc tantum fiat in solis nervis abdominalibus, (de quibus postea) & in phalangibus digitorum, quæritur, quare hoc in his locis ita obtineat? Respondeo, quod in nulla corporis parte ossicula tam parva moventur a musculis tam magnis, quam in ossiculis extremis phalangum digitorum; hinc si proportio sit inter distinctionem & magnitudinem musculi, nulla etiam ossicula in toto corpore vehementius trahentur, quam hæc: hinc si fibra quædam hic incipit corrumpi & separari, fibræ tendinis superstites ita distrahuntur, ut aveliantur lente ab osse, cui accreverant, & hinc fit tormentum maximum. V. CURTIUM de Vita ALEXANDRI MAGNI L. VI. Cap. II. ubi narratur historia PHILOTÆ, qui accusatus erat coniurationis in Regem: hic, dum cruciatur, primo non modo vocem, sed etiam gemitus in potestate habebat; sed postquam corpus ulceribus intumesceret, flagellorum ictus, nudis osibus incusso, ferre non poterat; hinc si tormentis modum adhibere vellent, dicturum se, quæ scire expeterent, pollicetur. Hac mala fiunt ex læsa tendinis substantia.

Nunc

Sexta & p-
cies Paro-
nchia & a
lata ten-
dium
vagia.

Nunc considerandi sunt affectus, qui læsæ tendinum vaginæ superveniunt. Hæc vagina semper superstenditur toti musculo, nec musculum vel tendinem deserit, donec ille ossi insertus est. In hac vagina nascuntur etiam inflammationes, sed quoniam eorum indoles eadem est cum iis, quæ in membrana cellulosa oriuntur, hinc non repetam; quæ antea de hoc morbo jam dixi. Quando hic suppuratio fit, non nascitur pus, sed sanies vel ichor, & in his locis cito etiam oritur gangræna. Ubi apud Auctores mentio fit lardi in ulceribus, semper debetis cogitare de affecto panniculo adiposo. Oritur, v. g. inflammatio in brachio & tumor; quod hic tumet, interjacet inter mustulos & cutem; interstitium hoc moritur; emortuis sub cute vasis, illa non amplius nutrita flaccescit, aperitur, & tunc illud lardum pingue & sanguinolentum appetet: ergo gangræna in his locis nil est nisi tabefactio illius, quod antea inflamatum vel suppuratum erat in hoc panniculo vaginali, tendine interim sano manente & mobili. Tendo & vagina musculi lumbricalis unum corpus faciunt cum membrana musculi profundi, & cum iis simul afficitur vagina tendinis musculi sublimis, qui ex ipso osse cubiti oritur. Motor extremæ phalangis sub motore secundæ phalangis & sub palmari hæret, cuius tendo hic expansum operculum facit; quia hic tendo se extendi patitur, hinc omnes illæ partes possunt assurgere, & appetet quasi pulvinar in palma manus; nec tamen in hoc loco rumpuntur apostemata, sed semper ad radices phalangum, vel ad latera manus; si vero vitium hoc pergit per volam manus, directe per brachium inferius vadit ad cubitum, & in hoc loco fit terribilis tumorum campus: ulcera hic nata fiunt sinuosa, vitium per omnem musculi membranam propagatur, depascit omnes membranas, & sic fiunt plura ulcera, quæ inter se mutuo communicant.

Diagno-
sis.

Certo scimus, quod hic morbus adsit, cognita causa externa: v. g. si hic

facta sit contusio, quæ tendinem, ad apicem phalangis fere extensum, potest lacerare, & facile accidit, si quis imprudens apices digitorum in obstatulum elasticum offendit; vel si ictus mallei aut fenestræ imprimatur in extreham phalangem, vel si apis hic mordeat; nam SWAMMERDAMMIUS demonstravit, quod in aculeo apis hæreat venenum, quod ergo in hoc loco miros effectus præstare potest; vel potest punctura fieri per spinas, festucas ligneas, vitreas, ferreas &c.: si hæc in reliquis phalangibus fiant, tantum periculi non habent, quam in prima phalange, ubi summum dolorem faciunt. Si ergo applicatis his causis, cito oriatur summus dolor in phalangibus, in vola manus, armilla &c. nullum dubium manet; dolor, qui hic supervenit, quasi igneus est, (sic enim ab omnibus ægris vocatur) & tantus, ut nunquam possint manere quieti, imo ut immineat phrenitis anxietas circa præcordia, & tandem animi deliquium. Sequitur Prognosis.

CELSUS dicit, levem morbum extollere, quo eum curando plus præstis. videaris, Thrasonicum est; sed magnum morbum relinquere, temerarium. Si ergo videatis, quod recens inflammatio partem occupet, hæc sine multis malis curari poterit; si vero jam tendat in suppurationem, tristia symptomata expectanda erunt; possumus tunc quidem sanationem promittere, sed simul indicandum est, quod æger usum digitæ sui perditurus sit: si vero bulla in epidermide jam notat adesse gangrænam, tota cellulosa compages putrefiet, hinc concretio musculi cum musculo fiet, & tota manus erit immobilis. Pergo ad curationem.

Ergo simulac Medicus vocatur ad ægrum, in quo cognoscit causam lædentem applicatam phalangibus, atque inde secutum fuisse dolorem, tunc statim topica antiphlogistica adhibenda sunt: fiat ergo ingens missio sanguinis, & larga diluentium portatio, iisque addatur pauxillum nitri; ponatur vas cum aceto vini supra ignem,

ignem, ut illud in vaporem resolvatur; teneat æger digitum suum supra hunc vaporem, & tota manus ad ossa usque laxabitur; apponatur etiam fotus ex Oxycrato; nunquam debetis sumere acetum solum, sed semper aquam cum aceto, ita ut ad unam partem aceti sint quinque partes aquæ: si tunc appareat tumor externus, optima est spes, nam tunc per laxatas vias commercium extrorsum paratum erit. Si malum hæreat circa ligamenta, tunc emollientissima, antisepticis & narcoticis milta, adhibenda sunt. Sumite ergo folia recentia Altheæ, Hyolcyami, Papaveris hortensis, & flores Papaveris; hæc cum farina lini vel avenæ & lacte coquantur in catalplasma; huic addatur tam parum salis Ammoniaci, ut sapor utcunque salsus sit; tandem butyrum insulsum; & si metus putrefactionis sit, parum vini vel aceti admisceatur; nec etiam æger cibum potumve stimulantem assumat: si vero his applicatis post tres horas videoas omnia esse irrita, & mala crescere, tunc eventus incertus est; hinc prudentia suadet, ut tunc alium Medicum vel Chirurgum in auxilium voces, & his incisionem proponas: si hæc approbetur, debet fieri juxta latus, & si inde oriatur remissio, sufficit; si non, in ipsa plaga fiat incisio, id est, in illo loco, ubi prima causa applicata est: cogitatis forte, an ergo lædam tendinem? Sed ubi totum corpus periclitatur, tendo non multum curandus est.

*Perfecti.
onem.* Simulac illa incisio ad vivum os usque est peracta, illico dolor remittit; applicanda tunc sunt leviter roborantia & antiseptica, quia hic facile propullulat caro fungosa; & digitus in aquam tepidam immitti debet. Si vero hoc mali genus a corpore quodam, tendinem stimulante, rodente, pungente oriatur, tunc eadem fere fiunt, quam si infelici venæctione scalpellī apex forte pupugerit tendinem bicipitis musculi; in hoc casu locus affectus audacter incidentus est a plaga, quæ a scalpello relieta fuit, usque ad tendinem; tunc imponatur calidus Bal-

samus Peruvianus niger, quo vix aliud remedium melius habetur ad nervos vel tendines læsos, in primis si spathula calefacta intro adigatur; si tunc loco affecto applicentur emollientia, malum etiam superari poterit. Laudatur hic Fomentum ex floribus rosa- rum rubrarum & sambuci, aquæ in- fusis, additis etiam nitro & aceto sambucino: his peractis fit suppura- tio, & membranæ cellulosa tendinem involventis separatio, in qua Medici & Chirurgi magnam spem ponunt; sed tunc saepe fiunt abscessus sinuosi, qui circumquaque se insinuant inter musculos eorumque interstitia, & ab una parte ad aliam decurrentes nova ulcera faciunt: si hoc animadvertis- tur, pars fovenda vapore memorato; emollientia, laxantia, debilitantia illico applicanda, & videndum, ubi apertura fiat; reliquæ parti ita applicetur sple- nium, ut prematur, & unus tantum locus a pressione liberetur. Si in pri- mo initio horum malorum statim de his cogitaretur, magna spes foret, & gros ex his periculis posse eripi.

Mulier quædam Taurinensis incidebat in dolorem intolerabilem extre- mi digiti, duodecim noctes insomnes transigebat; dolor hærebat fixus in latere pollicis prope unguem; nullus tumor externe apparebat; ergo hic adfuit Paronychia, hærens sub liga- mento; Chirurgus secabat quidem per superficiem, sed sine levamine, & fungosa caro mira excrescēbat: voca- tur tunc Celebris Medicus B A Y R O, qui examinans casum hujus mulieris, pollicem incidit usque ad ossis duri- tiem; facta sectione imposuit albumen ovi, conquaßatum cum proprio vi- tello, & hoc circumduxit toti polli- ci; nullus erat amplius dolor; mulier dormiebat per viginti quatuor horas, & solo hoc remedio continuato sana- ta fuit.

Transeo nunc ad considerationem scuti cartilaginei. Tendinibus, duas phalanges extremas digitorum flecten- tibus, & vaginæ horum tendinum, circumponitur theca valde fortis chon- droneurodes, sive semicartilaginea vel

sc.

Conside-
ratio A.
natomi-
ca parti-
affectu.

semiligamentosa; hæc arte applicatur digito in parte interna, ubi tendines flectentes sunt; hæc in pollice & digitis oritur in illo loco, ubi finis est tendinis perforati: pergit inde usque ad finem digiti, sensim angustior, mollior, tenuior; constat duris, parvis, solidis, parallelis & semiannularibus ligamentis; ad medium digiti lateri ejus adcrescit, & format ibi vaginam; hæc sic nata includit, tegit, coeret, defendit tendinem, ne in flexione recedat ab osse, quod flectit: theca illa durior est omni ligamento cognito, mollior omni cartilagine, ita ut hac ratione aliquantum cedere possit, si manus flectitur, & in pugnum contrahitur. V. EUSTACHII Tab. 26. in manu sinistra, & Tab. 28. 30. 32. 38: sub hac vagina tendines eunt redeuntque; hæc habet sua ligamenta; ergo pati potest eorum morbos, tam in superficie superiori quam inferiori. Si forte rogetis, quare dorsum digiti hac vagina careat? respondeo, quia hic nullus metus est, ne exsilirent tendines, nam quando extenduntur, quantum possunt, cum metacarpo lineam rectam faciunt; sed ad carpum datur armilla, quæ ibi etiam requirebatur, quia hic una est extensoris sive erectoris actio, nam unus ille musculus plus facere debet, quam musculi lumbricales, profundi & sublimes; simulac unus ille musculus agit, in rectum aguntur omnes phalanges: videtis ergo, quod alia mala digitis accidunt in parte interiori, quam in exteriori; illæ partes enim coercentur etiam per thecam, & impediuntur, ne extrorsum appareant; & hic potest oriri maligna valde Paronychia, quæ afficit membranam, hanc thecam involventem.

Veteres notaverunt, dari quandam speciem Paronychiæ, in qua idem ferre apparet, quam in peste: id est, post dolores ingentes subito oriuntur rubræ & duræ bullulæ, ulcera insanabilia relinquentes, quæ non sanantur, nisi facta majori apertura, ut hæc cartilagines se expurgare possent. RUYSCHEVS in epistola ad me data me do-

cuit, quod illud perichondrium idem sit pro cartilaginibus, quam periosteum pro ossibus; id est, non est proprie membrana, sed textura vasorum adserentium & referentium; scribit porro, quod facta felicissima injectio ne perichondrium non tantum rube scat, sed ipsa cartilago ad tertiam serre partem sub perichondrio vasculosa appareat: omnia ergo vitia, quæ periosteum laeso accidentur, hic quoque fieri possunt. Si ergo quacunque de causa oriatur inflammatio in perichondrio, vasa illa tenerrima facile corrumpentur; & malum erit eo deterius, quia cartilago, corrupto perichondrio, eo modo non separatur, quam os, quod, destructo periosteo, desquammatur; in hoc casu post summos dolores oriatur illa bulla & macula, quæ exesi perichondrii signum est: si hic aqua applicas, fit tabescientia; si balsamica, oritur inperspirabilitatis species; præcavent quidem putredinem, sed meatus, per quos putrefactum exire debet, obstruunt, hinc inflammationem & corruptionem augent. In hoc ergo morbo, ut in omnibus morbis periosteis, princeps remedium est Aloe, in primis Socotrina dicta; hæc si in pollinem trita loco affecto applicatur, omnem fere paginam absolvit, stimulat enim vasa, putredini resistit, viscida attenuat, & amicissima est nervis. Sequitur Mastiche, quæ paulo tenacior est quam Aloe, sed optime cum ea miscetur: huc etiam faciunt Myrrha, Olibanum, Sarcocolla, Succinum; Terebinthina exsiccata, & in pulverem redacta, eadem efficit. Hæc sunt quidem optima remedia, sed saepe applicari non possunt, quia locus impeditus est; hinc digitus per horas aliquot macerandus est in lacte, dein per lanceolam aperiendus usque ad maculam illam in theca cartilaginea, & memorata remedia tunc applicanda. Videatur HILDANUS Centur. I. Observat 97., in qua hic morbus, & methodus eum curandi eleganter describitur. Huic thecae in digito pars adhuc singularis superincumbit, quam pulposam vocare possumus; hæc in a-

pice

pice differt a reliquis phalangibus, quia crassior est, & spiralibus fossulis excavata: videtur ejus substantia quidem accedere ad adiposam, sed durior est, & intus tota vasculosa: si ergo in hac parte fiat inflammatio, suppuratio, vel gangrena, malum diu perstat; in hoc casu fit æquabilis tumor & tensio, & epidermis secedit; unde patet, quod malum non hæreat sub theca cartilaginea.

Curatio requirit remedia temperata, quæ leniter emolliunt, & putredinem avertunt. Emplastrum de Meliloto hic satis commendari nequit, nam eximiæ virtutis est, ubi ambigitur, num inflammatio vel scirrus adsit. Emplastrum de Mucilaginibus, & imprimis Sticticum PARACELSI requiritur, ubi partes profundæ sunt vivificandæ; ejus ingredientia usu probata sunt præter Magnetem, quæ hic nullum usum præstat, sed emplastrum tantum pretiosum reddit: si tumor tamen pergit increscere, polleni aluminis usti pauca tantum copia cum fructu inspergitur. Galla cum melle remedium est, ab HIPPOCRATE laudatum, quod in hoc casu etiam prodest, quia Galla vi sua adstringente simpliciter corroborat sine ulla acrimonia. Dixit APULEJUS, quod Scilla, subacta cum pane & aceto, sanet Paronychiam; certe hoc remedium emollit, & simul putredini resistit. Scribit HILDANUS, quod hoc malum curari possit fomento ex lacte & floribus Chamæmeli: abradendo supremam cutem, & incidendo maculas rubras, ichore plenas; & apponendo spiritum theriacalem volæ manus, carpo & brachio. Videlis, quod magnus ille vir non distinxerit species hujus mali, nam hoc remedium vallet, si morbus hæreat supra vaginam cartilagineam, sed non sub illa. SEVERINUS in *Libro de efficaci Medicina* pag. 163. dicit de Paronychia, quod necessitas in hoc vitio homines docuerit, ut digitum affectum in ferventem aquam immittant, & inde iterum quam citissime eximant; additque, illud remedium etiam approba-

tum ab HIERONYMO FABRICIO & PETRO BAYRO, licet ille acetum acre majoris æstimet: & novi, quod hoc remedium quandoque bene successebit, ubi malum in dorso digiti superiori hærebat; nam quia acetum fervidum est penetransimum liquidum, hinc digito immisso fit concussio, & sic separatio omnium partium sub epidermide, & resolvuntur omnes inflammationes, quæ resolvi possunt. Absolvi nunc historiam hujus morbi, in qua exemplum dedi, quod nil omnino certi de eo dici queat, nisi parte affecta exquisitissime cognita. Agam nunc

DE MORBIS UNGUIUM:

In digito jam nil amplius superest, confide. nisi solum integumentum externum, ratio integumentorum communium
id est cutis, quæ iterum dividitur in cutem & cuticulam, cui MALPIGHII addidit corpus reticulare. RUY SCHIUS per suas injectiones demonstravit, quod cutis sit membrana, infinitis vasis repleta, & quod etiam nervos habeat innumerabiles, omnes duros, qui contexuntur inter arterias & venas. Toti huic communii integumento superincubit membrana, quæ se ubique insinuat, hinc in areolas variæ figuræ dividitur. Quando epidermis exacte aufertur, tunc appetat corpus, quod MALPIGHIO reticulare dicitur, quod in toto corpore quidem conspicuum est, sed omnium maxime intactus organo; in hoc corpore considerantur duæ superficies, una epidermisi contigua, & inferior, quæ texturæ vasorum & nervorum, cutem constituentium, incumbit; ubi nervi ad hoc reticulum veniunt, amittunt suam duritatem, & non amplius vocantur nervi, sed papillæ cutaneæ: injectione feliciter facta appetat, quod vasa terminentur in concava parte hujus reticuli, & quod dictas papillas ultimo ornent & ambiant: haec papillæ utcumque eminent supra reticulum, hinc ablata epidermide, in parte concava appetat materia quædam alba

alba flocculenta, quæ est papilla abrupta.

Quando nunc avellitur epidermis, appetet, quod nullus pilus ex eo oratur, sed tantum per eam transeat; & quia pili sunt fortiores quam epidermis vel corpus reticulare, hinc ablata epidermide pili retrotrahuntur; & in parte inferiori epidermidis tot sunt cornua, quot sunt pili. Putavit MALPIGHII, quod epidermis haberet parvas theculas, quæ laxatæ emitterent sudorem, sed constrictæ illum coercent. RUY SCHIUS vero, postquam omnia examinavit, invenit nil esse nisi inversas pilorum vaginulas.

Ex un.
guium.

Omnis papillæ ubique in toto corpore ponuntur perpendiculariter, sed in radice unguis inclinantur horizontaliter. Ungues sunt externe gibbi, interne concavi, duriusculi, non fragiles, sed rasiles, sed in rusticis laboriosis fragiliores fiunt; convenient fere cum cornibus; nam eadem in utrisque durities, elasticitas, pelluciditas, scissilitas, incurvatio; nam si non præscindantur, crescunt in unci formam; inveniuntur ad viginti dorsa phalangum extremarum manuum & pedum; resistere quidem possunt vi externæ, sed quo duriores fiunt, eo magis sunt friabiles; appetet hoc in unguibus pollicis pedum illorum hominum, qui semper calceis induiti magna itinera faciunt; patet tunc, quod ex parallelis lamellis conficiantur, nam præ duritie quandoque in squamulas dissiliunt; quando nimis gibbi crescunt, ut contingit illis, qui nimis arctos calceos gestant, tum utrumque inter vivas partes ab epidermide desertas, se insinuant, & fit dolor intolerabilis; idem enim fit, ac si festucam sub ungue intruderes; in hoc casu pes imponatur aquæ, ut ita pars lateralis extrahatur, & æger liberetur,

Modus crescendi conspicitur, si guttula solutionis auri apice pennæ scriptoriarum radici eorum applicetur, nam tunc stigma purpureum insurritur, quod sensim versus anteriora accedit, & post septem vel octo septimanas ad extrema unguium hæret; ex abscis.

Tom. I.

sis unguis segmentis magna cœpia salis volatilis educitur per Chemiam, eodem modo ut ex cornibus. Ungues in Æthiope nigri sunt, in Brasiliano flavi, in Europæo albi, imprimis circa radicem. RUY SCHIUS demonstravit pluribus exemplis, epidermidem Æthiopis albam esse & perspicuam, suppositum Reticulum MALPIGHII esse nigrum, & cutem coloris sanguinei: in Europæis epidermis est alba, secundum & tertium integumentum coloris sanguinei; unguis ergo hunc colorem sequuntur: cohærent illi dupli loco cum reliquo corpore, 1. superficie sua cava infima, & ibi tantum cum papillis nervosis cohærent. 2. in fine ad radicem cum epidermide. Infima cava superficies Unguium incumbit tantum papillis nervosis, sed ad extremum cohæret cuticulæ & Reticulo MALPIGHIANO, quæ sub ungue non erant. Ungues papillis nervosis superincumbunt instar clypei, hinc si minimum apostema est a parte infima, cadunt.

Ex accuratissimis præparatis mihi apparuit, quod corpus reticulare, ubi ad radicem unguis venit, fiat mollissima ejus pars in homine Europæo alba, in Æthiope nigra; mox cum paulum induruit, jam est unguis; & simulac est unguis, totum reticulum delinit; & simulac unguis definit, totum reticulum redit; hinc credo, quod unguis sint revera illud corpus reticulare, destitutum epidermide, quod hic induruit, ut papillas defendat, illasque recta deducat. RUY SCHIUS dicit, se unguem habere pro papillis elongatis & inter se concretis: sed si consideretis, quod unguis in Æthiope sint nigri, & quod ille color a Reticulo MALPIGHIANO pendeat, & quod illud reticulum emergat, ubi desinunt unguis, feretis, quod ego illos habeam pro reticulo indurato. Si manus hominis mortui immagratur aquæ calidæ, & diu in ea retineatur, ut unguis lente possit elevari, tunc appetet, quod superficies ejus interna contingat papillas nervosas: si paulo

I plus

plus elevetur; in illa superficie sulci apparent, in quibus iterum papillæ sunt. Hæ papillæ, ungue eisque ablato, ut incipiat fieri dilaceratio, apparent unguem deserere; & quo loco unguis secedit ab anteriore parte papillarum, integumenta corporis faciunt hiatum circa unguem, qui tegit ejus radicem & latera, & a parte anteriori se supponit emergenti ungui. Sub ungue nullus invenitur reticularis plexus, hinc quando chirotheca ex epidermide conficitur, tunc ungues, a reliquis partibus separati cum cuticula cohærent; nam epidermis, quæ ovalem coronam per ambitum unguium cinxerat, retrocedens introrsum, unguis radicem ambit, & ad latera etiam undique accrescit.

Si Epidermis nimis arida est, facile finditur in hoc loco, quia unguis crescendo antrorsum procedens, arripit secum epidermidem non cedentem, hinc fit dolor, sed qui una vel altera gutta Balsami Peruviani vel Terebinthinæ in alchohole solutæ illico sanatur; dein scalpello prudenter auferatur reduplicata epidermis. Si Unguis incurvatur versus epidermidem, & attingit papillas, oritur etiam dolor intolerabilis; hoc vero malum curatur, si unguis post maceerationem prudenter elevetur, educatur, absindatur; talem accretionem vocaverunt Reduviam, sive Duplicaturam integumenti.

Quoniam vero omnis generis vasa hærent intra illam duplicaturam, quam epidermis facit, ubi unguis illi accrescunt, hinc ibi etiam potest fieri inflammatio; & si inde levis fiat suppuratio, Chirurgi statim prædicunt, quod unguis cadet, nam tunc ab omni cohætione cum illa duplicatura liberatur.

Unguis tota parte superiori tantum cohæret cum duplicata superficie epidermidis; hæc non introcedit sub corpore unguis, sed ibi nudæ hærent papillæ; & hæc fuit ratio, quare RUY SCHIUS semper dixerit, unguis est nil nisi epidermis; nam putrefacit totum brachium, omnes partes secedant,

epidermis cum ungue semper manent immutabiles, sed corpus reticulare deficit. Ubicunque natura integumenta corporis communia applicat ad loca, in quibus vasa nuda decurrunt, ut ad labia, nares, palpebras, statim nudæ papillæ decurrunt sub epidermide: hinc dolor fit tam atrox, quando v. g. granum fabuli incidit in oculum, qui non curatur, nisi aqua granum illud fabuli abluat; hic ergo non est corpus reticulare, nam illud omnem sensum obtundit. Observamus, ubi unguis deciduuus factus, manente molli pulpa, quod natura ibi formet speciem pelliculæ crescentis, & epidermis ita increscit, ut forte centuplo fiat crassior; tunc pars solidescit, splendet, durescit, & fit perfectus Unguis; hoc fit impressis in illis, qui anchoras cudunt; hinc papillæ nudæ & pulposæ sub unguibus testæ sunt; & Viri Celeberrimi ideo credebant, unguem esse concretas illas papillas; hinc consumto vel fisso ungue saepe tam horrendi morbi generis nervosi fiunt. Si sub ungue appareat malum, concessa huic libera via, unguis servatur; aliter papillæ plerumque consumuntur, & dolor oritur inmanis: non deprehenditur in ungue ullum vas, nec in ullo corpore, etiam plethorico, rasa unguis ullos liquores dedit.

Quando inflammatio fit sub ungue, hoc malum vocatur Hyponuchia; in ea oriuntur maculæ fuscae vel nigrae; quia hic nullus datur exitus, dira symptomata fiunt: in hoc casu prudens Chirurgus acuto angulo vitri subtiliter debet abradere unguem, donec tenuissimus sit ad locum maculæ; applicentur tunc emollientia, ut locus aperiri, & suppositæ corruptioni exitus dari possit; hoc si non fiat, malum se extendit, totus unguis corruptitur, imo phalanx tota saepe perit.

Unguis totus crescit undique parallelis itineribus; & pars ultima Epidermidis cohæret ad duas vel tres lineas sub apparente crepidine exteriores. Si epidermis nimis arescit, quia ejus infi-

infima pars reduplicata hæret ad unguem, unguis secum arripit nimis a. ridam epidermidem; hæc tunc finditur, pars fissa sequitur unguem, (Nostrates vocan een Nynagel) & oriuntur inde multa mala. Nullum est remedium, nisi ut hæc epidermis per scalpellum statim prudentissime separetur ab ungue, & pars inungatur balsamo peruviano calido.

Ariditas
unguum

Quando ungues nimis exarescunt; tunc quasi sponte fit desquammatio; & unguis brevi exorbitat. Hic morbus præcipue observatur in equis, si nimis diu in stabulis in sicco gramine stant, in quibus tunc unguis finditur; vasa sanguinea per illam fissuram luxuriantur & faciunt fungosas excrescentias. Hoc etiam fit in homine, raro autem in manibus, sed fere semper in pedibus; tunc nil conductit, nisi statim adhibere balnea, laxare epidermidem, & partem illinire unguento populeo; si inveteraverit morbus, nulla arte curari potest; nam tunc vasa adeo luxuriantur, ut non possint compesci; si malum negligitur, tandem loco unguis fit cornu, constans ex squammis sibi invicem incumbentibus, quod diffilit a se mutuo; & hinc apparet verum esse, quod dixit MALPIGHIIUS, ungues ex concentricis cavis stratis esse compositos.

Mulier fuit in Hollandia Boreali, quæ conquerebatur, se nec stare, nec incedere posse; examinantur ipsi pedes, & visum fuit, quod in singulis digitis loco unguis haberet cornu extensum, duos fere pollices longum, digiti minimi crassitatem habens, quod ex radice angusta increverat; sed ad finem erat crassissima & adutica: in hoc casu nullum aliud remedium est, quam ut digiti prius balneo immittantur, & dein ungues eo usque abscondantur, ut in æquali linea cum pulpa digiti emineant. Quando nata minori resistentia ungues in medio fiunt gibbosí, tunc tumor suppositarum partium unguem in duas partes facit dissilire juxta longitudinem, & dein oritur excrescentia; hoc malum non nisi unguem emolliendo & inun-

gendo curari potest: Quando suppeditatio fit circa unguem, totus sæpe cadit, & ad minimum loci attractum fiunt horrendi dolores: in hoc casu inspergitur pulvis olibani vel thuris sicci, ne papillæ lœdantur ab aere externo, & tunc totus unguis a fine suo incipit iterum excrescere, donec integrum perficiatur.

DE CALLO:

Consideremus nunc morbos, qui accidentur nervis, ubi ultimis suis extremitatibus delati sunt ad loca destituta, ut ibi functiones proprias, a natura demandatas, exsequantur. Inter illos primo occurrit Callus, qui in nervis ultimis, quantum scimus, oritur a concretione canalis nervosi, olim cavi: sequitur ille, quando nervus ruditer premitur a quacumque causa, imprimis si pressio illa fuit diuturna, & sæpe repetita: contingit etiam in omnibus concretis vasibus; sed nervi ad vasa pertinent, & si illi concrecant, nullus sensus amplius in illa parte percipitur; hinc est effectus vitæ longæ, nam per diu repetitos vasorum ictus comprimuntur nervi, & sic inducitur Callus. Fit etiam ab inflammatione & suppuratione, nam nervi per corpus non decurrent liberi, sed cinguntur membrana cellulosa, quæ post suppurationem nervum nudum relinquit, unde facile cum nervo vel vase vicino concrevit: idem facit corrosio & exustio, per quam nervi ad fines coalescentes functiones suas amittunt.

Callus.

Visi sunt homines, qui cuniculis bellicis impositi, illis incensis fuerunt in medio pulveris pyrii; habuerunt illi cutem exustam usque ad paniculum adiposum: Dux quidam hoc malum passus semper querebatur de frigore intolerabili, quod fiebat a sensu nervorum perfecte abolito: sic etiam cicatrices fiunt ex membrana alba politissima, minime porosa, & in tali loco homines postea nihil sentiunt.

*Cæcitas
senilis est
species
calli.*

Ex hac causa explicari potest cæcitas, quæ per ætatem accidit: oculus in juventute est globus sphæricus, hinc omnes fere pueri sunt myopes; nam omnes fibræ, tunicam scleroticam constituentes, sunt valde flexiles, & pressioni liquidi, in vasis contenti, facile cedunt; sed quando hæ fibræ per adfrictionem palpebrarum diuturnam, aeris injurias, vim vitæ, incipiunt rigescere, tunc illæ fibræ contrahuntur, & cornea liquido preventi plus resistit quam olim, & sit planior de die in diem; dato perspicillo convexo, restituta erit visus acies; sed quia hoc malum magis magisque augetur, hinc omni fere quinquennio perspicilla mutari, & convexiora dari debent. Similis occallescentia in ipso nervo optico fieri potest; sed præterea nervus ille ambitur quatuor arteriis, in quibus si major motus oritur, ut in febre ardente, talis fit nervi intercepti compresio, ut ægri nil videant, & perfecta amaurosi laborent: hi ægri perfecte curantur, si in diarrhoeam maximam, largum hæmorrhoidum fluxum, hæmorrhagiam narium, vel aliam bonam crisi incident.

Nervus opticus, delatus intra orbitam, ibidemque descissus, habet in medio suo centro foramen, ab EUSTACHIO demonstratum. Scripsere Viri Clari, quod nervus opticus, ingressus per scleroticam & choroideam, muci specie expanderetur per totum cavum oculi usque ad illum locum, ubi oritur tunica uvea: hæc expansio vocatur Retina; in medio vero nervi est arteria rubra, quæ ex centro diffundit ramos rubros minimos circumquaque; ergo hic loci est arteria intra medullam: hinc videmus, quare ægri in phrenitide sæpe conquerantur, se non posse videre; & si ejus impletio durat per totam vitam, tandem illa pulpa oœcallescere potest, & hæc est vera cæcitatis senilis causa.

Idem etiam potest fieri in nervo acoustico: hic in initio quidem durior est, sed in cochlea fere nil est nisi mucus, qui est medulla illius nervi

ibi diffusus; ubi tres canales semicirculares labyrinthum faciunt, similis mucus nervosus deprenditur; si ad vestibulum pervenias, & membranam ovalem vel rotundam auferas, iterum nil est nisi mucus: in his omnibus locis sunt arteriæ, proxime appositæ ad ultimum illud organum acousticum; si illæ non æqualiter liquida sua transmittant, turbant medullam nervosam, & sonitum, tinnitum, vel bombardum aurium faciunt; & in senectute turbabitur vel abolebitur auditus, sine ullo dolore, inflammatione, suppuratione, vel aliis causis externis prægressis. Simul patet tale malum lenito gradu obrepens, & de die in diem increscens, insanabile esse. Eodem modo gustus & olfactus organa per senectutem destruuntur.

DE VERRUCIS:

Aggregior jam Verrucas, vile morborum genus, sed ex quarum degeneratione pessima symptomata fiunt; nam papillæ degenerantes in fungosam substantiam sunt verrucæ; quam facile autem, membrana coercente ablata, nervosa substantia sic degeneret, patet in fungo cerebri; involucra enim nervorum mirifice extenduntur, non vero nervus.

Verruca est papillæ cutaneæ extra corpus reticulare MALPIGHII excrescentia, ibique dilatata epidermide tecta manens, & sic molem rotundam & asperam faciens: ergo nullo in loco deprehenditur, nisi ubi papillæ nervosæ sunt; & ubi illæ copia plurimæ sunt, uti v. g. in palpebris, ibi verrucæ etiam sunt numerosissimæ. Nec tantum sunt, ubi papillæ hærent sub corpore reticulari, sed etiam, ubi illud non adest, & ubi papillæ solummodo membrana tectæ sunt; & in illis locis verrucæ sæpe horrendæ sunt, & degenerant in cancrum vix sanabilem, uti in labiis, lingua, glande penis &c. Omnis verruca ad cutem vel reticulum sere semper est angusta; ubi vero extra reticulum assurgit,

ex,

expanditur ; & instar fungi appetet ;
tegitur epidermide expansa , (nam
verruca nascens epidermidem attollit ,
& facit eam tam extensam , quam
verruca magna est) quæ si findatur ,
degenerascit & fit cancerosa ; & talis
verruca scabra est eminentibus asperi-
tatisbus , & Microscopio conspecta re-
fert fragi vel mori superficiem .

Sedes . Verrucæ distinguuntur in duas clas-
ses , nam vel sunt in locis , ubi est
reticulum ; vel in locis , epithelio tan-
tum tectis . Papillæ semper sunt sub
reticulo , sed in locis , ubi desinit cu-
tis , vasa , quæ antea non videbantur ,
statim apparent per epidermidem pell-
ucidam ; nervi tunc teguntur sola e-
pidermide : quia nunc Epithelium idem
est , quam papillis imposita membrana ,
hinc nomen Epidermidis ad hæc lo-
ca desinit . Differunt ergo , prout oc-
cupant loca , in quibus cutis est , vel
ubi tantum epithelio teguntur , ut in
labiis & in pene virili , in quibus lo-
cis vasa , papillam ambientia , per
vim vitæ ita possunt excrescere , ut
verrucæ penitus fungosæ apparent , &
in hoc casu etiam intra viginti quatuor
horas possunt in maniter increscere .

Membrana interna præputii circum-
ambit glandem penis , & ibi papil-
læ nudæ subjacent ; quando ergo illud
Epithelium finditur , papillæ ante-
compressæ statim emergunt . Sila-
bium felicissimo successu impletur , &
suspenditur in aqua , secedit Epi-
thelium , & superficies labii , ante poli-
tißima , tota quanta hispida est ; si
papillæ ibi degenerascunt , verrucas
faciunt pessimas . Nonnullis homini-
bus labia hyberno tempore finduntur ,
& erumpunt inde tumores cancerosi o-
mnia remedia eludentes . Ergo verru-
ca est ipsa papilla nervosa , sed a na-
turali sua indole degenerascens : hinc
cum omnes papillæ cutaneæ per in-
visibilia foraminula tantum adscen-
dunt , & hinc valde parvæ sunt , so-
lum filamentum externum extrartru-
ditur , sed sub involucre cutaneo hæ-
ret tuberculum conspicuum , quod ibi co-
ronatur vasis rubris , hinc id , quod facit
verrucam , est tantum illa pars eminens .

Tom. I.

Reticulum MALPICHIANUM est sa-
tis callosa pars , hinc non facile ce-
dit ; sed ad illud reticulum oritur sæ-
pe species inflammatiunculæ , quæ lo-
cum transmissus facit ampliorem fieri .
Nonnullæ verrucæ tam terribili pru-
rigine molestæ sunt , ut compesci non
possit : si talis verruca scalpitur , in-
tra paucas horas cancer fit . Hæ pa-
pillæ sub ipsa cutis substantia coro-
nantur vasis arteriosis sanguineis , se-
rosis & lymphaticis ; hinc quando ver-
ruca transit per Reticulum MALPI-
GHIANUM , rarus est , vasa etiam per
eundem hiatum posse transmitti : sed
simulac in labiis vel præputio epithe-
lion est ablatum , vasa sanguinea ,
quæ coronant papillam , illam mon-
strosum redduat ; hinc verruca in la-
biis multo periculosior est , quam in
gena : intelligitur hinc , quid sit ver-
ruca hæmorrhœa , & quare ex verru-
cis nonnullis abscessis oriatur hæmor-
rhagia , vix compescenda ; nam vasa ,
quæ effracto carcere Retis MALPIGIIA-
NI nuda sub epidermide hærent , vix
se contrahere valent .

Quamdiu verruca est albi coloris ,
sine pruritu , tunc est simplex ; sed ubi
magna adeat prurigo , signum est ,
quod vergat in cancerum . Quando
color ejus est ruber , scimus , vasa
sanguifera , quæ sub reticulo corona-
bant papillam , nunc emersisse .

Radix harum verrucarum semper
est in nervis , ergo possunt ubique
fieri , ubi nervi sunt ; sed experientia
docuit , quod non fiant nisi in nervis ,
soli tactui inservientibus ; hi vero
sunt duplices , nam vel percipiunt vo-
luptatem & dolorem , vel applicata
externa ; & tales sunt etiam in pala-
to , in faucibus , parte postica œso-
phagi , parte superiori Ventriculi , &
in intestinis tenuibus , in quibus o-
mnibus locis degenerationes , verrucis
simillimæ , deprehensæ sunt .

Verrucæ dupli modo apparent ,
nam vel sunt longo collo pensiles ,
Acrochordones dictæ ; vel Myrme-
ciæ explicatae , quæ iterum dupli-
ces sunt ; vel etiam superficie sca-
bra & dura eminent , & illæ vulga-
res

Diffe-
rentia .

I 3

res sunt; vel fuscæ & nigræ sunt, ut in genis vel matis hominum fortium, ubi fortes pili crescunt, qui si abscondantur, magnam hæmorrhagiam excitant; hinc Chirurgi prudentes, barbam tondentes, hunc locum relinquunt intactum.

Causa. Vera causa hactenus non est bene detecta, sed debet esse incredibiliter parva & latens: qui Verrucas tractat in alio, ipse facile iis afficitur; ubi corpus, verrucis obsitum, inhorrescit, post septimanam ne una quidem superest. Vidi Juvenem, qui post coitum cum muliere nihil aliud mali accepit, quam quod urinam reddere non posset; apparuit, quod hoc fieret a verrucis in membrana urethræ interna, quibus postea, dato turbith minerali, liberatus est: certum ergo est, quod hic contagium sit se disseminans, subito nascens & abeuns.

Diagnos. Si verruca alba est, superficies ejus naturali prædita, nec dolore vel pruritu molesta, tunc facile curatur; plerumque tunc negligitur, sed exmiti cito potest ita degenerare, ut maligna fiat. Si colorem rubrum acquirant, & laeduntur, hæmorrhagias faciunt vix sistendas; ubi Vitriolum applicas, illudque dein escharæ modo separatur, recrudescunt. Si scabræ fiunt, & se expandunt, tunc speciem canceri faciunt, qui eo pejor, si simul duræ sint, & sponte findantur: si calor accedit, tunc fit febris in parte cum dolore & pruritu, & tunc adhuc magis excrescunt & luxuriantur.

Ratione. Attendite diversitatem tam levis mali pro variis, quibus se ostendit, gradibus: queritur homo v. g. quod arenula inciderit in oculum inter palpebram & bulbum; fricat, & malum augetur; accedens Chirurgus invertit palpebram; videt tunc enatam verrucam, harentem in tenerissima superficie cavæ palpebræ, quæ asperitate sua omni modo laedit oculum, unde inflammatio & lacrymarum profusio: hæc sensim crescit & terribilem tumorem efficit, nam quia

membrana palpebræ est adeo tenuis, moles increscens nullum habet vinculum, quo coeretur, hinc verruca facile luxuriari potest.

Frequenter quoque oritur in labiis; horum superficiem R U Y S C H I U S , facta injectione, totam hirtam vident, & papillas squamatim sibi incumbentes; membranam, nudas has papillas tegentem, vocavit Epithelion; sed hoc ablato, quam horrenda mala fiunt! a solo frigore & perspiratione impedita nascuntur in eo fissuræ, & nullo remedio sanabiles excrescentiæ: si applicatur quodcumque rodens, exacerbatur malum, & furit instar irritati cancri. Blanda ergo adhibenda sunt remedia, quem in finem optimum inveni oleum ceræ, germinata destillatione præparatum, diu noctuque cum linteo applicatum, donec natura subtus telam abruptam iterum composuerit.

Hærent sæpe verrucæ in glande penis, quæ pars summa voluptatis, & summi etiam doloris capax est; abducta hujus partis subtilissima membrana, subjecta superficies se attollit instar pinnarum histricis; quando hæc aufertur per tabum virulentum, fit verruca venerea; & si illæ se extendant in longum & latum, fit collare Hispanicum, excrescentia sua omnem urinæ exitum sæpe intercipiens: in superficie interna præputii res eadem est; sed quia papillæ hic loci sunt minores, hinc natæ verrucæ non sunt tam malignæ & dolentes, quam in glande penis. Verrucæ aliquando etiam oriuntur intra Urethram, quæ dolores miserrimos faciunt, nec opiatis aliisve remediis pruriginem sistentibus cedunt; & ubi pars incipit tentigine Venerea arrigi, tanto crudelius malum est; dato vero Mercuriali remedio flocci verrucosi cum urina emittuntur. In pudendis mulierum omnium horrendissimæ fiunt verrucæ, maxime si voluptatem scalpendi non cohibeant; quando hæ malignæ fiunt, a minima acrimonia applicata fundunt cruentem, eodem modo ut verrucæ labiorum, oris

oris & linguæ ; vix compescendum.

Prognostis. Quando lata radice parti adhærent, vix tolli possunt ; felicius vero, quæ longo collo pensiles sunt ; scissæ vel ustæ insanabilia sæpe ulcera relinquunt : si cancroſæ fiant & luxuriantes , pars fungosa protruditur cum dolore & putredine , & quicquid remedii ars adhibet , malum resurgit : si admoveatur ignis , fit eschara , hinc latens sub ea venenum omnia supposita longe pejora facit ; si tangatur oleo vitrioli , non extirpatur , sed particula ejus tantum mortua redditur , sub qua pars inferne vivens hæret .

Curatio. In verrucis Urethræ nil melius est quam purgans hydragogum mercuriale , nam injectiones acriores in Urethram faciunt priapismum intolerabilem , & molliores nihil juvent . Verrucæ pensiles pilo vel seta equina laquei instar circumligentur , suffocato tunc collo moriuntur & decidunt . Si latiores sint , fricentur allio , cæpis , vel quod optimum succo sabinæ , immo leniter vitriolo cyprino post singulas sex horas . Spiritus salis in hoc casu fortissimum est & maxime innoxium remedium ; est enim balsamicus , acidus , putredini resistens , & uno momento extirpat , sed non facit tam magnam escharam quam oleum Vitrioli ; hinc si infantil debet extirpare verrucam , diluo hunc spiritum cum deeuplo aquæ , & apicem verrucæ per penicillum attingo . Si verrucæ sint in locis , in quibus cicatrices corpus fœdarent , conabimur eradicare sine magna cicatrice remanente , præcipue in scemnis , & tunc emplastrum de mucilaginibus cum recenti succo sabinæ applicandum est : si apertæ sint & virulentæ , mollissime tractentur ; succus portulacæ vel sempervivi majoris recens pressus cum pauxillo unguenti nutriti miram hic præstat efficaciam ; succus cicutæ vel phellandrii aquatici , quotidie de novo expressus , & cum unguento rosaceo vel nutritio fine corpore mistus , protuberantias enor-

mes compescit , & hæmorrhagias plurimas cohibet ; acetum lithargyrii , multa aqua dilutum , eadem facit .

DE CLAVIS.

Clavum Latini vocaverunt **dege**. Clavus nerascens extremæ cutis genus in duritiem corneam , & sæpe osseam , capite lato , inferne in aculeum angustiore definente , duro , corneo ; pars ejus latior , cutem **externam** spectans , cultro vix cedens , pellucidam superficiem habet ; pars inferior , sub cute hærens , mollis est , mucilaginosa , & dolentissima ; & tanto mollior , quo magis recedit a suo fastigio .

Demonstravit **MALPIGHII** , quod **Eius cum cornu comparatio.** omne animal corniferum , dum nascitur , nunquam cornu habet ; sed quod politissima & glabra sint in illis frontis & temporum ossa ; quod cutis pilosa , penitus mollis , eo in loco , ubi natura exitum cornu molitur , in molle tuber assurgat , & ex triplici parte contextatur , cute proprie dicta , nerveo vasculosæ ; corpore reticulari , per quod papillæ emergunt , & epidermide pilosa ; assurgens cornu comprimit **vasa** & **papillas** , quæ distribuebantur per cutem , ita ut amittant naturam papillarum , & fiant filamenta , vere explicabilia , & totum cornu a lateribus striis papillaribus investitur ad finem usque : sub cornu , tegumentis tecto , cornea materia est , quæ differt ab ossibus , quod paulo plicabilius sit ; si excrevit , corpus durum , pellucidum , & quasi amplius non nutritum appetet ; si secas in parte summa aculeata , exit nihil , nisi lympha tenuis ; si profundius secas , exit sanguis ; si secas prope originem , ubi cornu egreditur , oritur hæmorrhagia vix sistenda .

Eodem modo oriuntur Clavi inde , quod papillæ nervosæ , per cutim dispersæ , & perpendiculariter per Rete **MALPIGHII** assurgentæ , a quacunque causa se extendi & comprimi patiantur ; comprimuntur tunc etiam **vasa** , & oritur species inflammationis : si per-

pergit extrinsecus compressio, & causa expellens inferius urget, ex parte quidem perfectum fit cornu; sed ubi vasa viva haerent, clavus est vivus & dolentissimus; hinc operculum cornuum secari potest, sed particula mollis inferior manet humida & sensilissima: si pars quiescit, non alius fit dolor, quam per impetum naturae; sed si alia oritur tempestas, quae papillas extremas variat, & perspiracionem prohibet, tunc dolor praesagium variationis erit: si ruditer tractantur hi Clavi, diri morbi inde oriri poterunt, nam idem est, ac si clavus ferreus adigeretur intra cutem: si vero in parte, quam Clavus obsidet, benigna oriatur inflammatio, in suppurationem abeans, Clavus potest excidere, & vi vitae sanari; si vero radicula maneat, iterum renascitur.

Sedes Clavorum. Oriuntur clavi præcipue in digitis & plantis pedum, nam papillæ in his digitis non decurrunt perpendiculariter, sed per strata parallela, hinc si ibi oriatur compressio, innumeræ papillæ simul comprimuntur, & cicatrix sit veluti cornea: hoc in aliis partibus fieri non potest, nam ibi papillæ solitarie decurrunt, & hinc quando ibi nervus degenerascit, sit tantum macula callosa: in plantis pedum non deprehenduntur nisi in tribus locis, 1. in apophysi ossis maximi metatarsi pollicis, ubi podagra etiam suam sedem habet. 2. in osse metatarsi, sustinente minimum digitum. 3. in parte subcutanea tuberis ossis calcanei, nam in his locis totum corpus sustinetur: papillæ tactus ibi observantur omnium maximæ, hinc fere nullibi est sensus acrior; ibi omnium facilissime comprimuntur, & quando hoc fit, oritur sensus doloris molestissimus. Callus ibi ortus est verum cornu flexible. Visæ sunt inde fieri tantæ suppurations, ut tandem solea pedis separari visa sit; & nisi tales ægri prudentem nanciscantur Medicum, incident in teterima mala, nam inflammatio hic etiam potest transfire in gangrenam: ergo hoc mali genus saepe om-

nem pedis usum prohibet; nec tutius in hoc casu remedium est, quam ut partes exteriores sic emoliantur, ut separatio fieri queat. Tertius locus sicut plicæ eminentiarum cartilaginearum in auribus, & fiunt ibi vel a nimis compressis tegumentis capitis, vel in illis, qui semper coguntur in unum latus decumbere, uti Empyici: mirum est, quod milites, qui in præliis utrumque crus amiserunt, si antea habuerint Clavos, semper dicant, se æque distincte variantem tempestatem in illis locis præsentire, quam ante multos annos, quum pedes adhuc habebant. Videamus inde, quod totus nervus superior afficiatur a degeneratione inferioris, qui cum illo communica- verat.

Curatur hoc malum auferendo pres. **Cura Clavionem**, nam si Clavus non prematur, non amplius dolet, & si vita subitus sit integra, tunc separatur; nam superficies superior deteritur. 2. applicatione illorum, quæ pressionem & tritum impediunt; & hic optima est aluta, quæ duas partes habet; interiorum superficiem, quæ olim corpori animalis adhaesit, & exteriorem papillosam holosericam; si ex hac sacculi fiunt in calceis laxioribus, clavi optime tolluntur. 3. crebro usu balnei emollientis ex lacte recenti, cocto cum farina lini, in quo pedes saepe detinentur; si caput clavi vacillare incipiat, tunc vis vitalis separabit totam partem. 4. applicatione ceræ cum ærugine, sive ceræ inoculatoriæ, hortulanis *Entwach* dictæ. Solent agyratæ circumcidere Clavum, in aqua maceratum, ut capitulum emineat, quod volvella apprehendunt, & una vice extrabunt; sed sic turbant totam texturam nervorum, & relinquunt saepe vix sanabilia ulcera: ab his ergo abstinentium est.

DE PAPILLIS, IN SUPERFI.
CIE CORPORIS DEGENE-
RASCENTIBUS.

Nervi, ad extrema corporis delati, sunt vigiles custodes, qui monent nocitura, advertunt ea, quæ placent; hinc disponunt humanitatem ad avertendum prius, continuandum posterius: hos EUSTACHIUS tribus tabulis conatus fuit exhibere: hi copiosissimi sunt, imprimis in iis locis, ubi gustus & tactus excentur; hinc in lingua, buccis, faucibus, œsophago, intestinis, vel æquales, vel longe majores sunt, quam in corte externa, & toto tactus organo. Si invertis œsophagum testudinis, hispidissimam membranam, papillæ erectissimæ confertissimæque constanter, invenies, quæ sursum inclinantes faciunt quasi cancellos, qui retrogressum ciborum prohibent: si deglubitur hæc membrana, iterum papillæ ex secunda membrana emergunt; simile quid in homine a RUY SCHIO inventum est; in superiori parte, qua aditus est ex œsophago in cavum ventriculi, plaga est, ubi similis villi papillacei sunt, a quibus forte dependent effectus illi mirabiles, quos HEL MONTIUS huic parti assignavit: omnes vero hæc papillæ ubique sibi similes sunt, semper pulpolæ in extremitatibus, coronatæ vasculis tenuibus, quæ per repletionem rubrâ evadunt; & semper eosdem usus habent: tripli teguntur integumento, 1. Epidermide & reticulo Malpighiano, quæ communia sunt omnibus papillis, nam æquabiliter se extendunt. 2. Singuli quodam integumento, ut in palato & lingua, nam venter linguæ tegitur sola epidermide, quæ ad apicem & latera parum, sed in dorso & versus epiglottidem magis crassescit: hæc membrana proprie nec est epidermis, nec periosteum, licet illorum officio fungatur, sed habet fabricam penitus singularem, nulli alii parti similem, quæ semel destructa nunquam

videtur recrescere; quæ, ubi cecidit, facit os separari, uti appareat in Lue Venerea, & in iis casibus, ubi forte spina piscis per palatum infixæ est in os. 3. Simplici quodam & tenuissimo integumento externo, uti in nervis, qui terminantur in superficie interna cavi cujusdam, veluti duræ matris, pleuræ, mediastini, pericardii, peritonæi.

Observantur autem degeneraciones harum papillarum variæ pro diversa horum integumentorum fabrica; & læduntur vel in substantia sua pulposa, vel in vasculosa, qua coronantur; vel integumentum earum potest elevari extrorsum & degenerascere. In dorso linguæ vidi assurgere incredibiliæ tubercula, nam cum membrana callosa linguæ valide cohæreat cum reticulo, & papillæ huic insistunt, oritur summa resistentia, unde lingua fit mirifice monstrosa: variæ tunc in lingua oriuntur rhagades, fissuræ & fossæ, per quas sæpe sanguis exsilit; & si papillæ irritantur, in cancrum abundant; sed optimum, quod hic novi, remedium, est succus Sempervivi majoris. Vir honestus, Amstelædamensis, queritur de pruritu faciei, negligitur; fricat partem, conqueritur magis, donec exigua in tota facie appareant tubercula; adit RUY SCHIUM; dantur oxycrata, plumbata, purgantia; mittitur sanguis; non levatur, tota facies villosa fit, & papillæ, quæ in facie tantum apparent per microscopium, conspicuntur instar membranæ vel potius larvæ pendulæ, ex holoserico quasi confessæ: sic remotus a consuetudine hominum, calamitatem hanc ad mortem usque ferre debuit, nullo remedio levatus.

Vidi nobilèm puellam Britannicam, cui papillæ ita indurabantur, ut corneæ plagæ ad suprema digitorum manuum pedumque, & in carpo ac metacarpo apparerent; sequebatur hinc impedita perspiratio, perpetua inflammatio & ariditas: experta erat summorum Medicorum consilia, thermas, balnea, mercurialia, nul-


Variae
rum degenera-
tiones.

lo tamen cum successu: suasi, ut omni verno & autumnali tempore ute-
retur fero lactis cum succo recentis
graminis & Scabiosæ, & post satis
longum tempus liberata fuit; rena-
scebat malum post quatuor annos,
sed iisdem remediis renovatis multum
levata fuit; interim ita extenuabat-
tur, ut vix esset nisi skeleton. Cur-
sum hunc non facile absolverem, si
vellem loqui de virginibus cornigeris,

quarum historiæ habentur in actis An-
glicanis & Parisinis; neque dicam de
Lepra Arabum, quæ etiam in dege-
nerascentibus papillis cutaneis con-
sistit: & sic absolvvi morbos, qui
nervum ejusque partes constituentes
afficiunt. Sequuntur explicandi mor-
bi, qui accidentur nervis, quatenus
unum systema in toto corpore con-
stituant.

Finis Tercii Primi.

La Cosa



HERMANNI BOERHAAVE

PHILOSOPH. ET MED. DOCT. INSTITUT. COLLEG. PRACTIC. BOTAN.
ET CHEM. IN ACADEMIA LUGD. BAT. PROFESS. COLLEG. CHIRURG.
IN BADEM URBE PRÆSID. SOCIET. REG. SCIENTIAR. LONDIN.
ET ACADEM. REG. SCIENTIAR. PARISIENS. MEMBR.

PRÆLECTIONES ACADEMICÆ DE

MORBIS NERVORUM

Quas ex Auditorum Manuscriptis collectas
edi curavit

JACOBUS VAN EEMS,

MEDICUS LETDENSI S.

TOMUS SECUNDUS.



VENETIIS,

M D C C L X I I .

Ex TYPOGRAPHIA REMONDINIANA.
SUPERIORUM PERMISSU, AC PRIVILEGIO.

И И А М Я Н Н
Е В А А Н Я Е О Б

Инициалы и надпись на листе с описанием
и изображением музея Академии наук
и Академии художеств в Санкт-Петербурге.

ПРАВЛЕНИЯ АКАДЕМИЧЕСКИХ

ОБЩЕСТВ

М У Я О У И Э Я В И С Я О М

Министерство народного просвещения
и науки

З М И А У С У В О А

Гражданский музей

Избранные работы



С И Т И З У

Л И Х О В И

Изображение музея Академии наук

и Академии художеств в Санкт-Петербурге

издано в Санкт-Петербурге в 1830 году



HERMANNI
BOERHAAVE
PRÆLECTIONES ACADEMICÆ
DE
MORBIS NERVORUM:

DE MORBIS TOTIUS SYSTEMATIS
NERVOSI.

Introit.
tus.



Orbi hactenus descripti adeo sunt numerosi & varii, ut fere videantur catervam omnium morborum exhaurire. Nam considerabatur nervus factus, & in illo omnes partes, quæ concurrunt ad nervum constitendum; tunc omnes naturales ejus dotes integræ, & dein læsæ enarratae sunt, & visum fuit, quid singuli morbi parerent molestiæ. Agendum nunc superest de secunda classe morborum, qui in nervis læsis obtinent, & oriuntur ex mirabili illo systemate, quod ab Adorando CREATORE hic factum est, ad quod terminantur omnes integræ, & omnes læsæ functiones nervorum simul. Non difficile erat explicare, quid

in Podagra fieret; nam eventus docet, in hoc casu esse quasi ignem intenuissima filamenta partis affectæ agentem, donec omnia fluida dissipaverint & solida calcinaverit in cretam podagricam. Sed tamen dolor non intelligitur, nisi ad hoc systema appulerit, ut mentem afficiat. Hoc systema originale, emittens & recipiens nervos, particulatim considerandum erit. In illo videmus hoc mirabile, quod non sit unus locus, unde origo est, sed loca quasi diversa. Ventriculo læso totum caput afficitur; in hernia incarcerata mors fit a singultu & vomitu.

Pulchre dixit SYDENHAMUS, quod Anatomicus tantum visibiles partes ostendat, sed quod intra hominem visibilem præterea sit homo invisibilis, tractandus a Medico. Non

A 2 at-

attehens hoc loco Theologorum vel Metaphysicorum affata, medice dico, quod hic homo internus tam magnus sit quam externus, & quod totus sit nervus: omnes enim nervi, oriundi a cerebro, cerebello, & medulla spinali respondent inter se, & constituant systema hominis nervosi. In enarranda hac historia tabulas EUSTACHIANAS, VIEUSSENSIANAS & WILLISIANAS menti meæ presento, & juxta illas contemplationem meam dirigo.

Difficul-
tas hujus difficultatem, nam in hoc interno
operis. homine non occurrit inflammatio vel
supparatio, sed mutata cogitatio,
qua unus putat se mutatum esse in
lupum, alter in vaccam, tertius se
totum stramineum esse: huc etiam re-
feruntur omnes morbi eruditorum,
melancholiæ, epilexiæ, apoplexiæ,
& convulsionum origo ac progres-
sus. Hæc vero materia a multis
Medicis valde fuit neglecta,
nam quæsiverunt horum morbo-
rum originem in sanguine, in
lympna, in aliis humoribus; pro me-
dela laudant lanceolam Chirurgicam,
clysmata, emplastra, & paucas quaf-
dam formulas. Ut vero totam hanc
rem ab ultimis principiis discutiamus,
debemus agere de natura mentis in-
mortalis, memoris, imaginantis, im-
perantis, sentientis, quod quam ar-
duum sit, clarius ex sequentibus pate-
bit. Scopus ergo est, ut agam de
morbis, qui in nervis lœsis ob-
tinent, quatenus ex toto sys-
temate mirabili nervoso, ab Adorando CREATORE facto, oriun-
tur. Dico totum systema; ad quod
ergo omnes functiones omnium ner-
vorum in omnibus partibus corporis
pertinent. In illo autem systemate ma-
xime mirabile est, quod non sit unus
locus, unde origo mali, sed diver-
sus: totum enim sistema nervosum
in capite turbari potest, nullo vitio
in cerebro existente, sed illo tantum
in præcordiis vel ventriculo hærente;
cor ipsum & cerebellum possumunt lœsi-
tantum ab olfactu; lœsis nervis abdo-

minalibus fit vomitus, singultus, mors;
cerebro, cerebello, & medulla oblon-
gata integris atque illæsis.

Ex paucis his facile videtis, mi-
rum non esse, quod Medici tam pau-
ca hac de re dixerint, exceptis H I P-
P O C R A T E & H E L M O N T I O, qui
videtur manum Dei hic cognovisse,
& qui intellexerunt, hominem aliud
quid esse, quam vulgo putatur; &
creaturam esse, quæ intentissimo ani-
mo tantum cognoscitur. Ergo et-
iam multos jam annos hac de re
meditatus sum, omnesque meas ob-
servationes in ordinem redegi. Uti-
nam possem utcunque assequi, qua
lege arcana C R E A T O R hæc
omnia fecerit! video probe, me rem
arduam aggredi, tum quia se tam
late diffundit, tum quia incurrire
cogor in ea, quæ a multis rece-
pta sunt: hinc cogitata mea vix
proferre potero sine offensa corum,
qui in præjudicatas opiniones incide-
runt. Hoc argumentum tamen utile
& necessarium est, nam ex eo
possimus explicare, quid in cura-
tione multorum morborum præstari
possit vel nequeat.

Quæsitum est ab omnibus ævis, a
tempore M o y s i s , ab omnibus
seculis Philosophorum, quid sit hu-
manitas, & quomodo homo sit sa-
ctus simulacrum D E I . Hoc et-
iam quærrens pergam per certa expe-
rimenta, non ratiocinans, nullius
auctoritati cedens; nec aliud quid
dicam, nisi hoc invenio. Ipsa autem
experimenta erunt simplicissima, &
tam clara omnibus, quam sunt pri-
ma E u c l i d i s elementa, ut
ita nascatur omnibus idea communis,
simplex & vera. Unum hic suppo-
no, hominem me esse, uti vos o-
mnes; dotes ergo a C R E A T O R E
hominī datas in me & in vobis esse
eadem. Ex illis dotibus eas tantum
explico, ad quas cerebrum, cerebel-
lum & medulla spinalis illibata re-
quiruntur: quod hæc conjungantur
scio, modum vero nescio. E. gra.
Cogitat quis hodie certa ratione de
sibus quibuscumque; bibit nimium
vini;

vini; temulentus ira exardescit, vel in amorem rapitur, tunc non cogitat ut ante: sed sequenti die ira defebuit, amor cessat, & cogitat iterum, ut ante. Concipiatur quis, quid sit circulus, & per multos annos de eo iterum non cogitet: sed post illud tempus de eo cogitans, eandem habebit circuli ideam, nec magis nec minus perfectam. Hæ dotes nobis innotescunt absque ullo omnino magistro vel disciplina, sed per meram tantum observationem; ea que, quæ in se quis observat, eadem sunt in alio animali, sibi simili; id est, si conditio sit eadem, cogitatio de eadem re in diversis etiam non diversa erit. Non inepte ergo post SOCRATEM & PLATONEM dixit CARTESIUS, quod hæc res non debeat proferri demonstrando, sed meditando; & hoc sibi proposuit in suis Meditationibus, in quibus secum in prima persona loquitur, quasi alium alloqueretur.

Licet annos Mathusalem vivemus, non possumus alteri homini dicere, quid sit dolor; sed si dígito candelam lucentem admoveas, illico habebis ideam doloris.

Nil certe hic mirabilius est, quam impotentia se ipsum cognoscendi, quum totalia sciamus, aliosque intelligamus; hinc querunt omnes homines, quid sum? quasi aliud quid essemus a nobis ipsis. Fateor, dum hoc inquiero, videbor vobis recedere a Medicina, quæ corpus tractat: sed Medicina morbos hominum curat, & non tantum solius corporis.

Dixit PARACELSUS, qui sibi propriis nominibus omnia designabat, quod corpus nostrum sit instrumentum, per quod incola domus illius tuto perspicit omnia, & emittit speculatores; sic videt per oculum, organum illud dioptricum; si illud conspurcatum sit, non videt, sed tollantur fortes, & iterum videbit. Internum illud in organo considero & incolam hunc contemplor, quod argumentum videtur quidem Metaphysicum, sed ad Medicinam etiam pertinet.

Tom. II.

DE MENTE HUMANA

Ergo dico, *id quod cogitat, diciatur mens*. Cogitare est primum, quod scitur a mente, id est, a re cogitante. An novistis aliquid prius? ergo cœgitatis ante cognitionem. An hoc cogitare est ipsa mens? si desinas cogitare omnino, nil restat homini, & homo non est homo. Maneant omnia, uti nunc sunt, sed non amplius cogites; tunc ratione tui ipsius non amplius eris.

Non pendet ergo *cognitio cœgitationum*, quatenus cogitatur, percipitur, aut scitur, ab alio prius cognito, nec illud potest definiri, vel per aliud quid explicari; & si quis aliquid de se vel aliis rebus novit, dici tantum debet scit, cogitat, ratiocinatur.

Præterea *in omni cœgitatione est res cogitans & res cogitata, distincta a cogitante*; nemo enim cogitat, quin a se quid distinctum cogitet. Qui cogitat circulum vel triangulum, tunc non est ipsa res cogitata, alioquin cogitans foret circulus vel triangulum. Hæc res adeo plana est, ut non deatur clarior; nam de quacunque re cogitem, mox scio, 1. me cogitare, & 2. de hac vel illa re: & quum uno momento cogito de hac re, & altero momento de alia re, manet in me aliquid idem, & aliquid a me diversum; idem manet in me cogitans, diversum a me manet cogitatum; neque homo est cogitata idea, uti subtilissimi Philosophi dixerunt, nam cogito nunc de triangulo, mox de circulo, sed triangulum non est circulus, & tamen ego, qui cogito, maneo idem.

His positis dico, *id quod in me cogitat, non scitur ut cogitatum*; nam cogitans distinctum est a cogitato, & illud cogitans mihi cogitanti non innotescit per quoddam cogitatum, ad-eoque nemo debet querere ideam sui ipsis. Frustra ergo quæsiverunt Philosophi, quid sit anima, quid illud cogitans, illud conscientum? sed scrutantes descerunt in ipsis suis cognitionibus.

A 3

Ergo

Eius similitudines, quod primum est ante omnem ideam, & illud cogitans est simplex, id est, semper idem. Si cogitem, v.g. de dolore, de voluptate, de circulo, de triangulo, invenio me nullo modo mutatum, & illud, quod in me sic accepit omnes illas ideas, semper est simplicissimum, non mutatum, licet tot diversa cogitet, & tam diversas ideas arripiat. Imo audeo fere dicere, hoc principium cogitans esse immutabile, nam si examinetur, invenietis vos plane eosdem, nullo modo mutatos, licet infinita sit varietas, quae vos cogitantes hoc vel illo modo affecerit; hinc non invenio in me ipso ullam ideam mei, distinctam a me, nec ullam successionem in me. Si homo haberet unam ideam, perfectissime illum occupantem, tunc in hoc uno, perfecte cogitato, maneret semper idem; & si idem, cogitaret nunc, & post seculum, esset semper idem, & in eo constat summa nostra felicitas: in eo summi viri dixerunt constare perfectionem mentis humanae; nil mutatur; nil magis afficit uno quam alio modo; manent omnia eadem, & videtur, his positis, nunc mansurum esse solum conscientium.

Idea. Quæritur, quid sit res cogitata? PLATONI & SOCRATI vocatur idea; & hoc vocabulo denotatur mutata imago, a mente percepta, nam hæc idea in cogitante omni sere momento est distincta & alia; una præcedit, altera successiva subsequitur.

Memo-
ria. Si præteritæ ideas nulla conscientia maneret, tunc nil sciremus nisi præsens. Si ver. gra. hoc momento cogitares circulum, & momento post cylindrum, tunc priori circuli idea deleta, nil cogitares præter cylindrum. Secus sit, si maneat nexus inter utrumque cogitatum, qui nexus Memoria dicitur, per quam illud quod antea, & quod nunc cogitatum est, simul scitur, & non successiva: hinc quando ratiocinamur, facit memoria, ut unam propo-

sitionem conferentes cum alia in conclusione omnes propositiones contingentes videamus.

Ergo ipsum cogitans hic non mutatur, sed semper manet idem; sed quia nunc hoc, nunc illud cogitatur, ideo mutatur res cogitata, atque hinc oritur idea successionis, durationis, temporis. Si non cogitaremus nisi eandem ideam, nil sciremus de duratione, & essemus atomi cogitantes omni momento renati quasi ex nihilo: ergo mens simplex, conscientia sui, cogitans, non facit suas ideas, nam tunc continuo non haberet alias; sed res cogitata est omni momento alia; non deprehenditur quidem per conscientiam, cur tam diversa cogitemus, sed debet extra nos aliquid esse, quod per ideas efficaciam suam in hoc nostrum cogitans manifestat.

Hæc ideae sunt omnibus hominibus communes atque eadem, etiam simplicissimæ; sumamus pro exemplo primam ideam ex elementis EUCLIDES: Punctum est, cuius pars nulla est, id est, nullam dimensionem habet. Sequitur altera idea: Linea est longitudo, latitudinis expers; ergo est magnitudo, cuius extremitates sunt puncta. Hæc definitio lineæ semel percepta erit in mentibus omnibus semper eadem, nec post centum annos erit alia, non subtilior, non perfectior. Dixit præterea EUCLIDES, quod lineæ, sive dimensioni secundum longitudinem, possit addi altera secundum latitudinem, & quod describatur area sive superficies, quae nullam habet crassitatem. Hæc idea, semel nata, semper manet eadem, & non est in potestate nostra aliquid addere, vel demere, vel mutare. Si plana hæc superficies circumscribitur tribus lineis rectis, vocatur triangulum, cuius idea iterum est semper eadem: & hoc modo omnibus entibus cogitantibus ideae claræ & distinctæ sunt semper eadem & immutabiles. Ergo causa, quæ est extra me cogitantem, & quæ facit has ideas in me, est causa inmutabilis, semper eadem: & videmur sentire, quod illa causa,

distincta a me cogitante, faciat infinitas res cogitatas & immutabiles; & quod faciat haec omnia eadem lege.

Hinc nascitur prima idea adorabilis DEI: ultra nemo mortalium ad causa su-prema-
Agitur de nos ita facit. ultra nemo mortalium ad causam su-prema-
ascendere potest; ab eo primum principium, prima origo. SOCRATES certe ductu naturae & sola virtute videatur fere pervenisse ad eandem ideam, de qua nunc loquor. Causa illa aequa que agit in ipsum cogitans, quam in ideas: nemo in se ipso deprehendit fundamentum sui esse, sui vivere, sui percipere: nec aliud quid potest dicere, quam tu DOMINE sic me fecisti. Haec causa potestatem habet in naturas omnium, & eadem lege, & easdem ideas imprimit omnibus: hinc illa causa est infinite perfectior, & infinitum aliud, quam omnia illa cogitantia particularia; haec Causa una & propria perfectione debet perfectissime comprehendere omnia. Haec idea est aequa clara quam Euclidea, scilicet quod causa omnes res cogitantes faciens, & formas cogitandi regens, sit infinite alia quam nos, infinite perfectior quam nos. Mirari satis non possum, virum, qui putavit, auctoritatem summam in philosophicis sibi deberi, nobis persuadere voluisse, DEUM non esse nisi aggregatum perfectionum omnium rerum cogitantium & cogitatarum omnium. Certe longe perfectior est Ille, qui omnia solus possidet, & scire ipsius infinite perfectius est: Si DEUS non foret nisi hoc aggregatum, & non omnia simul possideret, profecto non esset perfectissima idea, & possemus aliud cogitare longe perfectius. Causa, quam adoramus omnes, DEUS est, qui nuntiavit per MOYSEM Aegyptiis; sum, ero, fui, quod sum, qui dixit se A'λφα & αμέγα, principium & finem, qui vocavit se, qui fuit, est, veniet, de quo dici non potest fuit, erit, sed nil aliud nisi EST. Hoc de nobis dici non potest. Nemo audet dicere, ego ero causa, quae faciam me fore: nec ipse quidem superbissimus pater superbiæ, infernalis Lucifer, sic potest loqui: sed supra om-

nem vim sentiendi & ratiocinandi superlativissime DEUS est.

PYMANDER & DIONYSIUS AREOPAGITA dixerunt rem miram: nempe si mens, sive principium cogitans, cogitet nullam omnino finitam ac singularem ideam, tunc cogitaret, aliquid non esse finitum, nempe DEUM.

Ergo mens nostra cogitans creata est ineffabili modo ab EO, qui UNUS est, & in quo UNO omnia simul sunt, non ut in aggregato, sed in uno perfectissimo EST. Hoc primum est, quod de natura cognitionis humanæ dicere possum; sed quomodo mira haec arcana concipi possint, nescio.

Videbimus hoc nullo modo posse concipi, quam per similitudinem, petitam ab illuminatione & luce; & quare illa arcana connexio, quæ hic est, vocetur lux; quare DEUS vocetur Lux illuminans omnem hominem.

Constat, nos cogitantes manere unum in conscientia & memoria cogitati, sed nasci diversos respectus rerum cogitatarum. Experior in me, quod non possim praedefinire, quid cogitatus sim; an cogitans mansurus sim; & me nescire, unde hoc pendeat.

Quoties tecum agitavi hanc rem! Compa-
confugi etiam ad scripta vetustissimo-
rum auctorum, ut in iis forte quid ratio
deprehenderem, quod de hac re me-
mentis
ditati erant, nam homines olim non
humane
minus solertes fuerunt, quam nos su-
cum Lu-
mus: certe quando MOYSEM, SOCRATEM vel PLATONEM lego, hoc fateri
cogor. Examinans ergo, quid lumi-
na illa sapientum hac de re haberent, id unum intellexi, omnes fere om-
nium gentium Philosophos dixisse:
modum, quo illa causa, quam magis
adoramus, quam cognoscimus, faciens nos cogitantes, agit, esse illu-
minationem: itaque ut hoc arcanum
investigabile explicit, dicunt, ratio-
nem esse lumen; vocant DEUM pa-
trem lumen: lumen, in cuius lumine mortales vident lumen, & omni il-
luminare.

luminat omnem; venientem in hunc mundum: ergo illud Infinitum, in nos finitos agens, per se non potest intelligi, sed utcunque capitur per similitudinem illuminationis. PLATO, Socrates, & Scriptores Sacri tam Veteris quam Novi Testamenti, hic omnes consentiunt. Inquirendum ergo, quid sit illa lux. Ponamus nunc omnia creata corpora, uti sunt; & inter illa hominem, corpore & mente perfecte sanum, id est, requisitis organis instructum; illum vero nunquam vidisse, quia nondum est lux. Homo ille factus ut nos, per superficiem corporis undique nervosam attingit superficiem aliorum corporum; neque commercium habet cum illis corporibus, nisi applicet suam superficiem ad superficiem illorum: per hunc vero contactum percipit omnes qualitates tactiles, sive conditiones, per tactum cognoscendas, nam qualitas tactilis est omnis conditio corporea extra nos, quae potest innotescere nobis per sensum tactus. Sentiet ergo ille homo durum, molle, solidum, fluidum, asperum, lave, acutum, obtusum, planum, figuratum, calidum, frigidum, humidum, siccum, titillationem, pruritum, dolorem; ope extensarum manuum pedumque mensurat distantias geometricas; dum enim extendit manus, sentit varias figuras describi, & sic sentit eodem modo ut cæci, incedentes suis baculis. Homo ille gustu percipiet corpora quædam, papillis linguae apposita; applicet hoc sapidum alteri parti corporis, afficietur tantum per tactum; solo autem gustu sapidum illud distinguit, an sit acidum, dulce &c. Illa parte narum, quæ tegitur per membranam SCHEIDERIANAM, nervis divitem, olfaciet; sed organum tactus vel gustus simili modo non afficiuntur. Per auditum percipiet sonum ad pauca tantum millaria; nec audiet ad majorem distantiam, nisi soni forte a rupe reflectantur. En igitur commercium illius hominis; per tres priores sensus non percipiet nisi contactu superficiem; per

quartum commercium tantum habet cum corporibus sonoris. Qui putant, hominem sic positum, adhuc perfectius cogitare, limites humanæ potestatis videntur transgredi: ego credo, me depinxisse hominem, qui extra se accipit omnes ideas, quas in hoc statu accipere potest.

Videamus nunc, quid huic homini, per lucem excitato, contingat. Fiat lux, & facta est lux. Homo ille, in hac luce positus, & bonis oculis instructus, uno momento certnit omnia, quæ in linea recta infinita radios suos ad quodlibet punctum corneæ lucidae emittunt, & imaginem suam in retina pingunt. Cernit omne illud simul & distincte, proximum æque & remotum, quæ sunt retro, ante, supra, infra; aperit tantum oculos, videt hæc omnia simul eodem momento, non edoculus, non instructus. En hominem illuminatum! Cogitate causas, quæ hoc faciunt, & quam diversus homo sit a se ante momentum. Unde autem tanta in homine diversitas? Hæc tantum facit illa lux. Auferatur iterum lux, omnia nihil sunt, excepta sola lucis memoria, quæ facit ipsum harum rerum recordari: ceterum omnia nihil sunt respectu hujus sensus. Quando de his serio cogitamus, versamur tunc in longe alia Philosophia quam vulgari, quæ homines saepe reddit inflatos & superbos: sed nos videmus, hæc omnia ita se habere sine meditatione, sine labore, sine arte, sine doctrina, sine syllogismis, sine ratiocinio. Recte ergo putarunt sapientes, natam ideam in fundo animæ cogitantis eodem modo fieri quam illuminatio, si hic per similitudinem aliquid dici queat.

Pergamus. Sol visibilis, lucis causa, duodecies mille diametris nostræ telluris a nobis distat. Stella fixa Syrius subtilissimo ratiocinio incomparabilis Viri CHRISTIANI HUGENII demonstratur adhuc vigesies septies millies sexaginta quatuor plus distare a terra nostra, quam sol a terra.

Men-

Mensura capta est velocitatis tormenti bellici, ex balista ejecti, ut inventiretur, quantum spatium percurret in maxima sua velocitate; & constituit, quod si globus ille deberet pergere usque ad Stellam Syrium, tunc continuato velocitatis impetu iter faceret per 691 600. annos, antequam eo perveniret. Possimus ferena nocte facile videre viam lacteam: si telescopia adhibeantur, appareat, quod haec sit nebulosa farrago stellarum; quae stellae tam parvae sunt, ut sine telescopiis non apparent; & tam numerosae, ut DEUS solus sciat: hanc tamen viam lacteam homo cernit uno momento. Cogitate, quæso, quam mirabilia haec sint: si per cava terræ fieret canalis, nemo dubitat, quin videremus celum, quod est apud antipodes nostros, & stellas, quæ ibi sunt. Homo videt omnia illa imensa per parvam illam oculorum fenestrā, pupillam: imo si homo sit in camera obscura, in qua parvum est foraminulum, cui oculum potest apponere, omnia haec videt æque clare quam ante: nisi quatenus radius lucis habet sympathiam attractilem ad aliquid corporeum. Ergo ex natura lucis clare intelligimus, quod homo possit videre illa omnia per foramen multo tenuius quam capillus. Videl omnia ad tantam distantiam colore suo proprio, lunam colore argenteo, solem colore aureo: & si homo ille legum Opticæ, Catoptricæ, & Dioptricæ gnarus sit, videt omnia in sua distantia, ordine, proportione, & haec omnia percipit simul. Ex his sere crederet quis, hominem factum esse immensem, qui absente luce sere nihil erat: & si haec ulterius consideremus, fatebimur, magos illos subtiliter cogitasse, qui dixerunt, illum fundamenteum modum, soli DEO cognitum, quo mens tam immensas ideas accipit uno momento, non fieri ab ullo corporeo principio. Microscopia faciunt, ut oculus in plano quadrato, cuius latus pollicem æquat, possit vide re centum & quadraginta quatuor

milliones partium distinctarum, & totum hoc videtur per foramen fere nullum; & immensum spatium ita contrahitur, ut totum pingatur in parva tunica retina, & eo pervenire posset per foraminulum infinite parvum, nisi radii per nimis angustum foramen transentes parum incurvarentur. Hinc nihil tam parvum est, in quo non sit expressa infinitatis imago.

Quid autem est, quod hic transit? certe non est nihil, nam tunc non sentiretur. Quid ergo est, quod a stella ultimæ magnitudinis in via lactea tam immaniter a nobis distante, nostrum oculum ferit infinite parvo tempore? Dicitis, est radius lucis; sed quid ille radius? quis ideam ejus habet? Mathematici dicent, est longitudo infinita, nullam latitudinem habens, id est, punctum in infinitum protractum. Accuratus adhuc potest dici, quod sit distantia simplex, non duorum corporum, nam tunc esset planum, sed tantum distantia duorum punctorum. Et quid est punctum? est unde incipio mensuram; non est corpus, non latum, non longum, non crassum, non profundum, non quod suppupo, sed unde supputabo, & hoc revera est nihil. Quid ergo est radius lucis? non est nihil, sed est aliquid, cuius nemo justam habet ideam. An est corpus? novimus, quod corpus excludat aliud corpus ex loco a se occupato. Si radius est tale corpus, quid inde fieri? erit corpus protensum a meo oculo usque ad stellas fixas, resistens, mensurable, & quod tangit fundum oculi. Ergo non sentio aliud, quam bacillum infinite longum, premens nervum in retina. Si enim corpus sit a stella usque ad retinam, fit tantum continuata pressio; sed quia talis pressio venit in oculum per tam parvum foramen, hinc CARTESIUS dixit, est tantum conatus pressionis, id est, dixit, nescio, quid illa sit. Fato ergo, in illuminatione esse aliquid, quod referri nequit ad ideam aliam, quod habet proprietatem, nulli alii rei communem, & quod non nisi per experimenta novi: nam quod talis longitudo extensa nervi remat,

ut

ut inde exstergant omnes illæ ideæ colorum, figurarum &c. quas per visum acquirimus, illud certe non possum comprehendere.

Si ergo radius est corpus; nil habet commune cum aliis corporibus, nisi longitudinem extensam. At si radius non est corpus, ut voluit HELMONTIUS, qui dixit, ignem non esse corpus, sed in rerum natura esse aliquid, quod expandit se in infinitum, hujus rei nullam habeo ideam; & quoconque nos convertamus, nil omnino invenimus respectu colorum; hinc absistamus, ne dilabamur in spatio imaginaria.

Est tamen in rerum natura aliquid, quod causa est, ut ope lucis omnes illæ ideæ in mentem nostram veniant, hæc causa est distincta a mente nostra, agitque vi infinite efficaci, nam in tot millionibus hominum eadem lege semper adest. Arcanum hoc ab ipso summo NEWTONO inveniri non potuit, qui de septem illis coloribus, quos demonstravit existere, dixit, quod mens sua ab illis ita afficeretur, ut sic cogitaret; modus vero sibi sit incognitus. Sed absque luce hæc omnia quoque possunt fieri: quis enim non afficitur læta cogitatione, ubi in somno placido forte ipsi offertur campus Elisaëus? hoc ergo neutquam in luce hæret, sed in ipso cogitante, & facit, ut, quoties ita afficitur, ita etiam cogitet: ergo non est mirum, si cæcus colorem rubrum videat; nam si in densissimis tenebris premam oculi bulbum, tam clare video rubrum, ac si ipsa lux vera & visibilis adeslet. Merito igitur principium cogitans fundum animæ dixerunt Philosophi, & quod in illo fundo actio fiat a causa extra nos, eodem modo, ut in illuminatione sine communicatione causæ tam vivida fit idearum repræsentatio; & quando volebant loqui de idearum ortu in principio cogitante, dicebant fieri ab illa causa, quæ est intima & proxima omnibus, ut a luce.

Potestas mentis His ergo præmissis, dico: Cogitans illud aptum est cogitare infinita; nec humang.

tantum infinita, sed & continuo nova, quorum non memini, me ante habuisse perceptionem vel ideam, & quæ possunt oriri mutato organo corporeo in sua superficie, sive a re existente extra nos, & nervos afficiente, sive a causa interna.

Si sonat campana, audio sonum; si gravedine labore, & arteriæ in aure pulsant, tunc continuo audio continuum, quasi susurrum maris; surdus stridulum corpus dentibus continens ejus stridorem percipit. Celebris Musicus, qui vix patrem habebat in percussu Testudinis, auditu omnino amissio, dentibus suis tenebat vertibulum instrumenti, & sic sonos percipiebat perfecte. Sit homo a nativitate cæcus; simulac illi per thalamos nervi optici in sensorio communi similis fiat impressio, ut in me a luce, videt lucem, sed nescit, quid sit; dicit, aliquid mihi evenit, sed non potest facere, ut mutationem cogitationis in illo intelligam. Ergo Ille, qui sic univit principium hoc cogitans principio corporeo mutabili, non adstrinxit hoc commercium cum solis objectis externis, sed etiam cum internis. Quæsivi, an possem detegere tertium quid physicum, quod inter causam externam mutantem, & sensorium commune mutatum intercederet. Nemo hæc potuit deprehendere, & tamen hæc duo tam certo inter se conjunguntur, ut non deficiant unquam. Si millies personam mihi gratam videro, millies habebo eandem ideam; & tamen hoc internum cogitans & res cogitata distincta manent a se mutuo.

Natæ ideæ aliis supervenientibus extendit evanescunt & delentur; sed sæpe numero ita renascuntur, ut iterum idem cogitemus, quam ante: hæc renata cogitatio fit aliquando cum conscientia, nos eandem rem cogitare quam antea, & nos esse eosdem, qui cogitamus jam, & cogitabamus antea; & hoc vocatur Recordatio vel Memoria: sed aliquando rem cogitamus ante cogitatam, sed sine prioris cogitationis conscientia, & tunc putamus,

mus, nos prima vice sic cogitare: aliquando sumus ambigui, id est, non recordamur clare, sed novimus tamen, nos antea simile quid cogitasse. Si recordatio sit perfecta, dicimur reminisci, memores esse, & tunc est finis prioris cogitationis: si nulla adsit recordatio, dicimur discere; & hic nullus finis est, sed semper cogitatio nova: sed ubi ambigui sumus, principium cogitans novit, se habuisse similem ideam, sed quam jam non habet; hinc qui ambigit, inquirit in ideam, quam non habet praesentem, & dum rogatur, an hoc vel illud ita sit, respondet, non. Sed quid ergo dicit, nescio, & tamen Scio. V. g. historia narratur de quodam homine, quis est ille? novi faciem, vestes, modum loquendi, sed tamen non possum dare ideam illius distinctam. Quero tunc in arcano meo thesauro, in fundo cogitante; quero quod olim cognitum fuit, quod scio me cognovisse, quod nunc nescio, & tamen possum distinguere ab illo, quod non est: hinc dico, fundum cogitatem cogitare absque distinctis ideis: cogitamus quaedam sine memoria, & quae sic cogitamus, tam perfecte cogitamus quam omnia alia; ergo fundus cogitans possidet quaedam minus cognita. Omnes habemus memoriam, sed distincte rogati, quid sit memoria? an diversa a nobis? nemo respondebit; ergo sumus memores, & nullam habemus memoriae ideam; ergo est principium aliquod recordans, quod non repraesentat per ideas, sed fundo cogitanti se ostendit, & hic mihi deficiunt vocabula.

Et qui
dem di-
versis
modis. Principium nostrum cogitans cogitat etiam ratione sensuum, & ratione memoriae, externis sensibus adstrictae. De priori cogitandi modo jam dixi; dico nunc de alio modo, quod intimum illud, spiritum referens, & non exprimentum, cuicunque alteri rei possit alligari, licet nullam cum ea habeat similitudinem: ductis paucis lineolis, possum ideas meas illis alligare, & quidem ita, ut post viginti annos videns illas li-

neas, clare sciam, me tunc tale vel tale quid cogitasse. Omnes illæ ideæ, quas alligo notis, quæ cum iis nihil commune habent, debent esse prius in me; & notæ illæ, ex arbitrio meo his ideis alligatae, ita apparent sensibus, ut easdem ideas repræsentent.

Sed cogitans etiam cogitat ratione fundi intimi, sine ullo hominis adminiculo, nam cogitatio prior est omnibus notis, & notæ ex se nihil significant. Lux, qua colorem rubrum video, non magis facit, ut cogitem de colore rubro, quam si vocabulum rubrum audio. Si latinæ linguæ ignaro dicam rubrum, barbarus ipsi ero, sed si linguam calleat, statim mecum habebit eandem ideam. Ergo omnis cogitatio, quæ corpori aligatur, semper prior est illa alligatione, & notæ sunt tantum adminicula, sed non causæ cognitionum.

Apparet cuilibet homini, illud præexistens, illud determinans, illud intimum, esse immortale: illud, quod facultate, a CREATORE data, ex arbitrio potest alligari signis, non esse obnoxium sensibus, signis, notis, characteribus, sed antea latens, cum omnibus illis manere idem: dico ergo, esse inmutabile, sed ideas omni momento esse alias.

Homo, qui ira abruptus ad se reddit, & culpam deplorat, idem est, quem poenitet, & qui iratus erat. An quando cogitabas de cælo, de sale, de aranea, te mutatum dices? an realitatem priorem deseruisti? minime: fui quasi crystallinum speculum, quod recepit nunc illas imagines & maculas, a quibus eheu! quantum mutatus mancham semper idem: dico ergo, illud intimum esse inmutabile, non pendens a corpore.

Hoc purum & defæcatum cogitans invenit in se tam pessimus, quam optimus, tam sapiens, quam delirans. Video enim, quod delirans homo omnes ideas habeat, sed ideæ illæ non durant, nec ille manet in eodem cogitationis genere. Roga pessime mortatum hominem, an non lætior esset & pacatior, si bona sequeretur; non nega-

negabit, sed cum Medea dicet, video meliora proboque, deteriora sequor.

Hoc cogitans intimum videtur principio originali latentissimo proxime nexum: scio tale principium adesse, nec tam ulla idea scio, nec possum exprimere; quod sentio; sed hoc principium videtur proxime unitum esse cogitanti sine ideis, ubi homo in thesauro cognitionis ideas querit; & haec demum videtur summa perfectio cognitionis humanæ, quando principium intimum cogitans, omnibus ideis deletis, ratione intelligentiae suæ unit se tantum illi principio originali, & hoc inessibili simplici totum occupatur. Haec summa perfectio non haeret in ratiocinio, non in idearum explicatione, sed in solo intuitu (ut ita dicam) Causæ, quæ nos creavit & sustinet. Rogatus SOCRATES, biliturus Cicutam, an non metueret? respondit: non nisi bona hactenus ab EO accepi, a quo omnia, qui creavit me, & manebit post me, & faciet, ut voluerit. Magnus Vir ALIGHERI, qui fuit instaurator sapientiæ in Italia, in carminibus de summa mentis perfectione differens, & rogans, quid est DEUS? respondebat, ille, in quo omnis cura, meditationis, sollicitudo, cogitatio pacem habent & tranquillæ sunt.

Nil magis laudatur in homine, quam Ratiocinatio, sive facultas illa mentis, de rebus diversis simul cogitandi, ad quam perceptio idearum & memoria simul concurrunt. Si ideae sunt claræ & distinctæ, tunc uno individuo temporis articulo totæ apparent menti, ita ut nihil possit addi vel demi.
 Dicit EUCLIDES: triangulum est area plana, definita intra tres lineas rectas: ubi quis hoc semel audivit & percepit, licet mille annis Geometriæ operam daret, non haberet aliam vel clarioriem ideam. Dicit idem: circulus est area plana, definita per unam lineam curvam, ita ut quodlibet punctum curvæ æque distet a centro; si quis hoc semel novit, nunquam clarius percipiet. Si nunc rogo, an triangulum est circulus? omnes dicunt,

non; nam qui contemplatur illas ideas, uno actu intelligentiæ, nulla successione interposita, videt, non esse easdem: hoc dicitur judicium negans. Dicit unus, triangulum est area plana, constans tribus lineis rectis, ad tres angulos concurrentibus; & alter, triangulum est figura trium linearum, cujus tres anguli sunt æquales duobus rectis: haec est eadem idea, cui si quis velit contradicere, mirabitur alter, quomodo hoc negari possit: hac ratione formatur judicium affirmans, quod fit, simulacrae ideae visæ sunt: ad hoc judicium nemo eget ullo adminiculum, sed potestas ejus est in fundo cogitante. Haec judicia de rebus, tam affirmantia quam negantia, dicuntur veritates, nam ad judicium requiritur, ut ideas comparandas habeamus præfentes, & ut illas bene contemplemur.

Judicium ergo est simplex actio, & est immutabile, non a voluntate dependens, ut subtilissimus CARTESIUS voluit: non video certe, quomodo hoc ipsi in mentem venire potuerit, nos illud cohibere posse: sunt quaestiones, quas in meo arbitrio non est negare vel affirmare: possumus illas non examinare; sed dum examinamus, non est in potestate voluntatis judicium affirmans vel negans mutare: possumus non esse attenti, sed si quis attentus audiat, duo & duo sunt quatuor, non potest non affirmare: hoc judicium non fit successive, sed uno momento; sed quando verbis enunciatur, tunc fit successio, nam dum loquor vel scribo, cogor ideas meas alligare vocibus, ad quod tempus requiritur; & hinc videtur, quod cognitiones nostræ se mutuo sequantur successive, uti verba, quibus enunciatur judicium.

In Enuntiacione sunt duo termini A & B, de quibus mens affirmat A est B, vel negat A non est B: prius est subjectum, alterum prædicatum. Si A habeat aliquid de B, sed B non omnia de A, tunc enunciatio est ambigua. Si verum sit A est B, id eo non erit verum, quod B est A. Si dico, homo est animal, A idem est

est quem B, sed B non est A, nam animal plus significat quam homo, & dicitur etiam de brutis, sed homo est animal, ratione præditum & hinc patet, undenam error in judicio fieri possit.

Dixit EUCLIDES, triangulum est figura plana; hic ligatur jam idea trianguli, nam dicitur, quod sit figura; sed hæc idea magis determinatur, quando notatur differentia, cum aliis figuris planis, quod nempe constet tribus rectis lineis, concurrentibus ad tres angulos, qui simul æquales sunt duobus rectis; habetur jam distincta idea, & hac ratione judicium formatur ex ideis simplicissimis: idem etiam verum erit, si plura judicia enuncianda sunt, nam tunc fit combinatio omnium: ergo ratiocinatio etiam est simplicissima actio.

Per Syllogismum. V. g. omnis homo est animal, omne animal habet corpus; ergo omnis homo, quatenus est animal, habet corpus. Sunt hic tres enuntiationes. Animalis autem nomine intellico omne corpus, motu humorum & solidorum actiones suas faciens, nutritiens & regenerans iterum, quod perdidera: hæc omni animali noto communia sunt; qui ergo hoc affirmat de homine, affirms id, quod omni animali commune est: toto igitur hoc syllogismo dico tantum, homo habet tale corpus, quod aliae res etiam habent; sive hoc nunc dixerim per syllogismum, sive non, scio tamen, & syllogismus me non docet, quod ignoravi prius. Ergo judicia clara & distincta sunt simplicissima & simul immutabilia: si enim essent mutabilia, essemus omnes Pyrrhonici & Sceptici.

A tempore PROLOMEI PHILADELPHI, quo Magnus EUCLIDES floruit, omnes homines ad hoc usque tempus eodem modo de propositionibus ejus cogitarunt & ratiocinati sunt. Quando ratiocinatio proferatur verbis, dicitur syllogismus; ergo syllogismus est productio judicij, & illa productio est conclusio, & in illa conclusione notatur iterum subjectum & prædicatum. Ergo conclusio est ante syllogismum. V. g. quan-

do concludis, animal habet cor, rogo, quomodo hoc scias? hoc scias ideo; priusquam hoc enuntias, si recte velis agere, quia vidisti, animalia cor habere. Si videris omnia animalia, uno excepto, non potes dicere, omnia animalia habent cor, sed omnia quæ vidi, & propositio erit vera.

Quæritur, an homo vivit? conclusio est, quod vivat: unde scis? dicunt ex termino medio, quia est animal: homo hic est subjectum, vivere prædicatum; & terminus tertius complectitur subjectum & prædicatum: sunt ergo tres enuntiationes: omne animal vivit; homo est animal; ergo homo vivit: conclusio est certa: sed ante conclusiōem jam scio, omnem hominem vivere, quia omne animal vivit, & quia sub animalibus comprehendeo hominem: ergo non opus est syllogismo, ad se ipsum docendum; sed ubi alteri volo aliquid persuadere, tunc possum uti syllogismo.

Sed in syllogismis hoc vitium obtinet: si dicam, omne animal vivit, comprehendens omne, quod sub hoc genere est, verum dico: sed si dicam, omnis homo est animal; & omnis bestia est animal, ergo omnis bestia est homo; scio ante enuntiationem, quod bestia non sit homo: Quid ergo peccat in hoc syllogismo? Vox animal in prima propositione sumitur in sensu latiori; in secunda, in sensu magis restricto: tunc terminus medius dicitur bis esse, id est, sunt quatuor termini, quos SOCRATES vocavit meros laqueos: & hinc fiunt fallacia in ratiocinio. Sunt homines, qui firmi in judicio, in ratiocinio tamen saepe errant & falluntur: nam hic non tantum requiritur idea, non tantum memoria, sed successio, non quidem in me cogitante, sed in me loquente, vel scribente, vel legente, vel audiente: ergo debeo omnes ideas praesentes tenere, & sensorium non debet intermisceri cum alijs id eis: homines furibundi praesentem qui-

quidem habent ideam, sed dum ratiocinari volunt, omnia turbant.

Liceat mihi totam hanc rem exempli ex Mathematicis desumto demonstatio nium est strare & comprobare. Inter Scriptores humanos vix unum invenio non deceptum præter **EUCLIDES**, qui Magnus Vir non potuit majus impertrare nomen, quam Auctoris de Elementis, & fundamenta ponentis. Post hunc sequitur **APOLLONIUS**, Magnus Geometra dictus, sed qui sine **EUCLIDE** non videtur eo usque pervenire potuisse.

EUCLIDES posuit fundamenta, ex quibus demonstrabo, ratiocinium diuturnum esse tantum unum merum intuitum, & hoc paecto revocabitur Magni **SOCRATIS** doctrina.

Posuit **EUCLIDES** Signum A, vel punctum, unde incipit mensurare; posuit aliud B, unde incipit definire magnitudinem ad certam quandam datam longitudinem; huic longitudini non admiscuit latitudinem vel crassitudinem, nam describit lineam, quod sit distantia inter duo puncta, quæ nullam latitudinem habet; ergo talis linea extrema sunt puncta.

Sed quid est linea recta? Dicit, quæ ex æquo interjacet duo puncta. Concipite distantiam inter illa puncta minorem minoremque, tandem nullam. Si omnes minores distantiae semper sunt in eadem directione, est linea recta. **ARCHIMEDES** autus fuit dicere, quod linea recta sit distantia minima, sed **EUCLIDES** eo usque non progreditur; videtur ipsi sua idea minus intertexta.

Pergit **EUCLIDES**, quod sola longitudine non potest major vel minor dici, nisi tantum respectu longitudinis: ergo duæ rectæ lineæ, se mutuo secantes, nullam partem habent communem præter unicum punctum, in quo se mutuo secant. Si sit linea recta A. B. & in illa punctum, ex quo erigitur alia linea; hæc linea, quum non sit in eadem directione cum priori, inclinabit ad lineam A. B: hæc inclinatio vocatur angulus.

Si in linea quadam sumis punctum, & in alia linea etiam punctum, & ab uno punto ad aliud ducis lineas, ita ut abscondas spatum, hoc vocatur Planum; quod mensuratur juxta longitudinem & latitudinem. Limites plani sunt lineaæ, quæ illud spatum descriperunt: hinc dicit **EUCLIDES**; termini Plani sunt lineaæ: ergo idea plani est idea simplex; in ea tamen habetur idea punctorum, linearum, angularium, & lineaæ includentis spatum.

EUCLIDES, volens definire angulum rectum, dixit; si linea recta erigitur super aliam lineam, ita ut non magis inclinet versus unum quam alterum latus, vocatur angulus rectus; si ducatur alia linea, non est angulus rectus; nam circa unum punctum in plano non possunt duci nisi quatuor anguli recti, & omnes hi anguli jacent in eodem plano; sed per idem punctum possunt in plano duci infinitæ lineaæ rectæ: quando nunc per quacunque lineam abscondis aream, hæc considerata cum suo piano & limitibus vocatur figura.

Concipiatur nunc planum; ponatur linea recta, dein altera; hæc non includunt spatum; sed sumatur nunc punctum in una, & punctum in altera linea, & ducatur linea recta ab uno punto ad aliud, jam inclusum erit spatum, & habetur figura plana, ex tribus lineis rectis, ad tres angulos planos concurrentibus absissa. Enideam trianguli, in qua concurrunt omnia, quæ huc usque dicta sunt, nam concipiuntur tria puncta, tres lineaæ concurrentes ad tres angulos, & spatum limitatum intra hos terminos.

Dixit **EUCLIDES**, quod si duo triangula rectilinea habeant duo latera æqualia, & unum angulum, duobus istis lateribus comprehensum, etiam æqualem, quod tunc etiam basis & reliqui anguli æquales erunt, adeoque quod tota area etiam æqualis erit: nam si una linea imponatur alteri, termini coincidunt; & si hæc duo plana imponantur sibi mutuo, omnes lineaæ & anguli debent cadere in se mutuo; nam

si hoc non fieret; deberent cadere intra vel extra, hinc anguli essent alii, quod est contra hypotesin. Ergo hoc sciatur verum esse per demonstrationem, sed quum haec est absoluta, habebitur tantum una & simplicissima idea.

Porro: si duæ rectæ lineæ in eodem plano jaceant, & ex utraque parte in infinitum productæ non concurrunt, vocantur parallelæ. Videlis, quot verbis indigeam ad definiendam lineam parallelam, & tamen una est & simplicissima idea: idem verum est de his theorematiſ.

Si duæ rectæ lineæ se mutuo intersecant, exsurgunt quatuor anguli, qui anguli æquales erunt quatuor rectis: hinc dicit, si contingat, ut hi quatuor anguli sint recti, haec lineæ nunquam concurrent: sed quotiescumque linea secans facit, ut ab una parte anguli sint minores duobus rectis, tunc illæ lineæ concurrent ad illam partem, ubi sunt majores duobus rectis. In quocunque triangulo omnes tres anguli simul sumti æquales sunt duobus rectis.

Videlis hinc, quomodo homo ideam simplicem & distinctam acquirat; quomodo voces definiendo, & ideas suas comparando, ratiocinetur, id est concipiat, intelligat, demonstret, contempletur, quæ contemplatio tamen est merus intuitus absque ullo successu, licet ad omnia illa ratiocinia videatur tanto tempore indigere. Incipitis hinc videre, quod vis cogitandi ex una idea simplicissima per infinita spatia tur & transeat.

Ergo inde sequitur, quod infinitæ ideæ abeant in unam claram & distinctam: nam quid punctum sit, quid linea recta, quid angulus planus, quid parallela, quid quatuor anguli, quid recta secans parallelas, quid parallelæ in infinitum protractæ non concurrentes, omnia haec habent in una idea; nec cogitatis de punto, de linea, de angulo, sed dicitis simpliciter; haec lineæ sunt parallelæ.

Concepistis, quid sit triangulum rectilineum; quomodo omnes lineæ

rectæ in infinitum possint produci: quomodo determinatam possint habere magnitudinem; quod omnes anguli in triangulo sint æquales duobus rectis; & qui semel hoc concepit, de precedentibus non amplius cogitat. Concludo ergo, quod infinitæ ideæ in unam æque claram & distinctam ideam abeant, quam prima idea erat. Eodem modo infinita clara judicia abundant in unum clarum & distinctum judicium: ergo omnia clara, certa & distincta sunt subitanea, solo & uno intuitu pervia: omnis illa demonstratio & ratiocinatio est simplex perceptio illarum simplicium idearum, est unus tantum intuitus; & comparando ideas fit simplex contemplatio æqualitatis vel inæqualitatis; ergo ratiocinium est infinite velox, & nullo tempore utens. Si tu, qui clare percepisti, alteri demonstrare velis, omnes angulos trianguli rectilinei æquivalere duobus rectis, verbis haec quidem pronuncias, sed concipis uno momento; & si quis te interpellat in tua demonstratione, ut non amplius possis prosequi, tamen uno momento concepisti, quæ profers.

Pendet ergo successiva mora ratio- Unde
cinii potissimum a notulis five signis successio
corporeis; a memoria his notis ad- in ratio-
stricta, & ex commercio demonstran- Pendeat.
di, in quo requiritur successio: nam
homo ita se invenit factum, ut cogitationes ejus mutentur non ex na-
tura rei cogitatæ, vel ex co-
gitante mutato, sed ex mutatione
sensus extrinsecus accidente. Omnes
sensus nostri sunt causæ corporeæ,
quibus natis, nascitur in nobis vici-
fitudo instabilis rerum cogitatarum.
Sensus nostri sunt organa corporea,
quorum motus successionem & dura-
tionem interponunt; hinc modi co-
gitandi, qui inde pendent, eatenus
dicuntur moram habere, quatenus
cogitata sensuum organis producuntur.

Non possumus CREATORI un-
quam dignas reddere gratias, quod
dederit nobis hanc facultatem, nullo
modo a priori demonstrabilem, ut in-
finitas ideas alligemus notulis, ex se-
ni.

nihil significantibus, unde postea, visis notulis, eadem idea redit, & mens idem, quod ante, cogitat. Scripsit quis forte vitæ diarium, releget illud post multos annos, & incidet in easdem cogitationes, quas olim habebat: forsitan aliter illæ ideæ redirent nunquam, sed visa scriptura cogitat idem, & scit, se idem cogitare. Hæc præfens oblatione idearum cum conscientia, has ideæ olim etiam adfuisse, vocatur Memoria; & quia signa illa, sive notæ ita dictæ memoriales successive scribuntur, leguntur, videntur, audiuntur, hinc putamus, ratiocinium esse successivum.

Hæc mora etiam pendet a commercio demonstrandi; nam quia demonstratio longo tempore indiget, putamus esse successionem in percipiendo. Nemo, qui demonstrat, potest facere cogitationem novam, sed suscitat cogitationem præsentem: hinc principium demonstrans scit prius, quam demonstrat: hoc forte videtur vobis paradoxum; tamen nemo, qui demonstrat, potest in vobis facere cogitationem novam. Quando Socrates de his differuit, dixit: quum duæ lineæ sunt æquales, & aufero medium partem de utraque, quid tunc? lineæ residuae erunt æquales; hoc unusquisque jam scit, antequam dicitur: sed si duæ lineæ æquales sint, & tertia inæqualis additur, tunc lineæ inæquales erunt, & quidem eo excessu, quo linea addita superat alteram, prius priori æqualem. Si inæqualia ab æquilibus demantur, priora æqualia reddentur inæqualia, & quidem pro ratione illius inæqualis, quod demum erat. Hæc unusquisque intelligit ante demonstrationem, ergo principium demonstrans est prius demonstratio: si enim mens hoc antea non sciret, non posses verbis exprimere & demonstrare: ubi lineam rectam pinggo, proprie multa puncta formo; nec idea per lineam nascitur, sed antelineam idea fuit.

Perfectio latens animæ apparet: quatenus intelligit. Homines nimis alte de se, & nimis humiliter co-

gitant; prius facile novimus omnes; posterius vix credimus. Putat discipulus, se omnia debere præceptoris suo, nil sibi adscribit, nil se scire putat; sed in nobis est aliquod occultum, quod subtilissimi Philosophi dixerunt esse fundum intelligentiæ humanæ; illa intelligentia, latens in nobis, est tam perfecta, ut omnes res cognoscantur & percipi possint, si suscitentur, quæ in illo fundo sunt. An hæc perceptio latens animæ est ipsa mens? non est mens percipiens, nam tunc omnia semper forent nobis præsentia; sed est quædam causa, quæ nobis intime nexa, a nobis non percipitur, & quæ tamen omnia nobis promit: dixerunt hinc, quod summa perfectio intelligentiæ mentis consistat in adunatione mentis cum hoc principio, qua potest sic ideas dare, ut reddatur mens conscientia illarum idearum, quarum prius non erat conscientia. Dixerunt nonnulli veteres Philosophi, si homo omnino sensus sopit, omnes imaginations, omnem memoriam, tunc corpus quiescit, & mens est in abruptione, & tunc videt mens, quæ nulla alia ratione videntur; hoc vocant ecstatische cogitare, quod fit detrahendo se a corpore, ut cum illo principio cogitante uniamur. Dabo hujus rei quædam exempla.

HIERONYMUS CARDANUS, de quo dictum est, quod nemo unquam illo insaniverit stultius, & nemo sapuerit sapientius, veetus rheda in ecclasiis incidit, cogitans profundissime. Auriga viæ nescius querit, qua via incedendum sit; respicit, & videt eum nil sentire; ad tenebras usque nil responsi, nil jussi accepit; permittit jumentis, ut trahant currum, tandem quiescunt sub patibulo: CARDENUS, ad se redeuns, iratciatur, sed mox causam agnovit.

In bello, quod gestum inter Hispanos & Gallos, Galliarum Rex nil magis dolebat, quam arcana sua consilia Hispanis patere, & Hispanorum consilia illico executioni mandari in Galliis. Misit Rex ad magistri-

gistri Veredariorum ædes , ut omnes literæ interciperentur ; jussum exsequuntur ; inveniunt litteras , bono charactere , bonis vocabulis descripas , sed nemo scivit , quid continebant : rogavit Rex , num quis posset legere ? tunc VIETA , vir profundissimæ meditationis , & qui sæpe horas multas quasi sine sensu transfigebat , accepit litteras , & hoc arcanum problema sibi proponens , ita se colligit in se , innitens cubito immobilis , ut Catalepsi laborans vel mortuus videretur , & sic mansit per aliquod tempus : tandem post longum temporis spatium exsurgens dixit Regi ; illa sunt ibi scripta , & hoc modo vocabula sunt transmutata , & sic Rex intellexit omnia . Est hæc vera ecstasis , subductio a notis corporeis , & approquinquatio ad illud latens principium cogitans .

Interna hæc vis cogitandi potest esse illibata , & tamen impos per notas corporeas aliis quidpiam communicare . Illa interna vis cogitandi , & clare & distincte cogitandi , manet in illo intimo principio cogitante , & tamen destituitur notis corporeis , quibus alteri possit explicare , secumque litigat doletque , quod non possit expōnere : quod plus est , scit se habuisse tales ideas , scit quid velit , sed non occurunt notæ corporeæ , & ponitur quasi extra commercium humanum . Hoc mihi contigit , clare cogitans & volens , ut in lectum ponerer , quicquid quererem & conarer , non poteram dicere ; dolebam maxime , me hoc non posse , & tamen accurate sciebam , quid vellem . Quum amici viderent me adeo sollicitum , tandem rogant , visne in lectum deponi ? mox redeunt sensus , intelligo omnia , & dico me hoc velle . Sunt nonnulla venena , quæ hoc præstant , quemadmodum in ultimo nequitia Indorum invento , Post dicto , videri potest . Per illud miserum hominem sic disponunt , ut intime cogitet , sed sit extra commercium cum omnibus hominibus , tota vita hoc dolens .

Tom. II.

Hæc dicta sufficiant de cogitatione ; de principio conscientia , interno ; de ideis , earumque causis ; de memoria ; de judicij facultate ; de ratiocinatione , nam in rebus medicis ultra inquirere non opus est .

Pergo nunc ad aliud , quod in mente mea experior , id est , ad VELAS , quod distinctissimum est ab intellectu . Qui unquam voluit , scit , quod velle fit aliquid magisimum , quam ideas percipere : dum doles , non intelligis dolorem , sed vis tamen , dolorem abesse ; & qui expertus est dolorem , non vult iterum dolere : hoc est velle , sed quid in me fiat , dum volo , hoc explicare nequeo ; sed hoc scio , quod ego sim , qui volo . Voluit CARTESIUS , in judicando esse assensum vel dissensum , a voluntate pendentem , & hominem in arbitrio habere , credere vel non credere ; sed nemo mihi unquam persuadebit , ut dubitem , an liber sit liber .

Velle extendit se primo ad res intellectas ; nam postquam intellexi , hominem bonum indigere nummis , quibus ego abundo , tunc voluntas mea potest accedere , ad dandos illos numeros . Sed extendit se etiam voluntas ad non intellecta . Esurio , & video cibum , sed nescio , an nutrimentum sit , an venenum ; tunc non intelligo , & tamen famelicus cibum volo .

Velle se extendit ad præterita , præsentia & futura : voluisse aliquid factum vel non factum : sic obtulit DARIUS ALEXANDRO dimidiā partem regni & filiam : respondet ALEXANDER , jam sua esse omnia ; quod audiens DARIUS vult , ALEXANDRUM tam juvenem & atrocem non vicisse . Quod Velle etiam se extendat ad præsentia , nemo dubitat ; & ad futura , si enim queratur , an velis pertingere ad annos MATHUSALEM , plerique volent . CARTESIUS probe animadvertisit , quod voluntas se absolute extendat ad infinita . SOCRATES eousque pervenit , ut voluerit , omnia fieri , quæ siebant , quia DOMINUS , qui faciebat , infinite potens est & sapiens ; hinc

B quia

:quia DEUS infinite potens propterea infiniti causa est ; potest quis velle , quæ vult DEUS , adeoque voluntatem habere ita extensam , ut infinita velit . Hæc est mirabilis facultas in homine , & in hac facultate nil nisi conscientia ; nam quid est , dum vis vel non vis ; illud tantum , quod velim vel nolim , nec aliquid ultra scio .

Facultas illa habet in se velle & nolle ; illud nolle non est non velle , sed velle , ut aliquid non sit ; habet in se multa , quæ indifferentia sunt ; habet in se contra velle . Vis vivere ? Omnino . Vis retinere crux ? ita . Sed moriendum , nisi crux amputetur . Volo ergo , ut amputetur : habet etiam in se contra nolle , nam aliquid volo non fieri , & possum contra nolle hoc fieri ; habet in se magis velle & minus velle , magis nolle & minus nolle . Si Tyrannus optionem dederit , ut vel perdas vitam , vel digitum ; eligis magis vivere , quam retinere digitum & mori ; velles retinere digitum , sed tamen major gradus voluntatis est ad vitam conservandam .

Hæc voluntas habet in se fundamen-
tum virtutis & fundamentum vitii

*Quid sit
virtus.*

Binæ illæ dotes miræ in eodem ho-
mine hoc habent singulare , quod vir-
tus ametur ab omnibus etiam vitiosissi-
mis , quos sæpe vides & audis ma-
xime dolentes , quod in se non habeant
illud optimum , quod in aliis summis
laudibus efferunt , & qui se totos dedunt
rei pessimæ , quam unice amant . Ab
omni seculo de his duabus rebus co-
gitatum , ab omni ævo de virtute &
vitio maxime fuit quæsitus ; & quum
indagamus tum apud Veteres , tum
apud recentes , quæ sit idea vera
virtutis menti impressa , alia vide-
mus atque alia . Undenam hoc ? quia
virtus constat ex actione , actio ex
voluntate , & voluntas adeo simplex ,
adeo spontanea , ut vix patiatur se
capi vel intelligi . Magnus HORATIUS , Vir in cogitando acutissimus ,
in inveniendis vocabulis felicissimus ,
dixit ; Virtus est Vitium fugere .
Rogati Jurisconsulti adquos pertinet

ita definire virtutem , ut mores & ac-
tiones tales sint , ut publicæ saluti
respondeant , dixerunt virtutem justitia
esse constantem perpetuamque vo-
luntatem unicuique suum tribuendi :
dixerunt forte plus hac simplici &
non simulata Philosophia , quam re-
liqui omnes , qui multis verbis in-
ter se disceptaverunt . Optimus Ethi-
ces scriptor dixit , virtutem esse a-
morem se ipsum conservandi . Non
nulli ex Veteribus dixerunt , virtutem
esse , velle id , quod optimis & plu-
ribus prodesse potest ; hinc dare se
pro patria longe majus & præstan-
tius esse , quam se ipsum conservare .
Si hominem quemcumque interroges ,
an id , quod facit , virtus est vel vi-
tium ? crediderim , si sincerus esse ve-
lit , quod mox recte responsurus sit ;
nam si voluntas humana recta ratione
regitur , virtutem facit : recta au-
tem ratio est facultas intelligendi ,
quid maxime bonum sit ; & illa per-
ceptio boni est censura ejus , quod
facit homines pacate & beate vivere ,
placide cogitare , convenienter de re-
bus dicere & meditari . Si ergo volun-
tas vel animus regitur recta ratione ,
tum virtus est in homine , nam ani-
mus , nisi paret , imperat , ut dixit
HORATIUS .

Vitium est , quando voluntas regi . Quid vi-
tur errore : quando quis operam dans vi-
tum rectæ rationi , tamen errat , tunc qui-
dem vitium facit , sed non malo ani-
mo ; & tale vitium tolerat etiam se-
verus Judex : vitium etiam est , quan-
do prædominantes animi affectus vo-
luntatem abripiunt . Cogitate vindi-
ctam ; hæc est desiderium , ut causa
nobis ingrata non amplius adsit : læ-
sit quis parva quadam offensa homi-
nem , ille per voluntatis impetum
potest hoc tam ægre ferre , ut occi-
dat alium . Simo in Comœdia Teren-
tiana dicit de suo servo Davo , scio ,
quod Davis omnia facturus sit , ut
mihi male faciat . Unde hoc scis ,
Simo ? mala mens , malus animus .
Mens videt quidem non esse conve-
niens , ut occidat alium , sed volun-
tatis impetus tantus est , ut actio in-
de

de exsurgat, id est vitium. Si exsurgat vindicta, hoc vitium vix coercibile est, nisi per leges publicas; huic enim vitio Respublica non potest parcere, alioquin tota societas humana perturbaretur: hinc videtis, quod vitium sit, sive voluntas errore, sive affectu regatur. Debemus hæc bene intelligere, nam Medici saepe consuluntur, quando in dispositione corporea est insuperabilis impetus.

proprie,
tates vo-
luntatis. Voluntas est simplicissima actio, quæ in nobis occurrit. Si rogamini, quid vultis? dicetis forte, honores. Quid est in te, quod vult? dicetis, meum est, nil est quam ego. In cogitatione deprehenditur res cogitata, variata per objectum; sed hic voluntas intimum est, & quasi principium ipsum.

Voluntas etiam est celerrima, & fit tota uno momento sine successione. Mars videt hanc, visamque cupit, dicit Poeta. SERVATOR noster, qui mores humanos optime cognovit & gubernavit, dixit apud MATTHÆUM: qui videt mulierem, ad eam concupiscendam, jam adulterium commisit cum ea in corde suo.

Voluntas nostra est liberrima. Quid liberum sit, æque difficulter dicitur, quam quid velle, nam vix duos repieres inter Philosophos, qui de libertate dixerunt idem: illud liberum videtur fere idem esse, quam Ego, nec distinctum ab illo primo, quod sentimus omnes, dum volumus.

Voluntas est arcanissima; hinc dixit magnus Philosophus, hominem esse potentissimum animal in rerum natura, quia tegere potest voluntatem suam, ita ut nullo fere effectu externo pateat. Memini intrepidissimum Regem dixisse: si quis hominum officiosa specie tegere vult voluntatem suam & conceptam malignitatem, & versatur inter meos, non est tuta mea vita: tecta voluntas tam potens est, ut nullus Princeps, suis stipatus custodibus & militibus, defendi queat.

En nunc! illud intelligere, & illud velle constituit mentem humanam. omnesque ejus perfectiones. Hoc jam volo, ut comparetis omnes proprietates vere corporeas cum iis, quæ nunc dixi de intimo illo cogitante, de eo quod ideas imprimit, quod illas componit, de memoria, de eo quod iudicat, de eo quod ratiocinatur, de eo quod vult, an ibi proprietatem quandam corpoream inveniatis? an geometricum, an physicum quid? an in corporibus deprehendatis vel minimum cogitare, percipere, recordari, judicare, ratiocinari, velle? dicetis sane, hæc duo esse magis distincta, quam sunt duæ ideæ rerum distinctissimarum. Quomodo vero hæc duæ perfectiones, intelligere & velle, habentur omnium perfectissimæ? si quid unquam inquisitione dignum, est hujus problematis solutio.

Dum operam dedi, ut hanc rem inquirerem a prima hominum memoria, Quid sit
sumnum
bonum. inveni fuisse per omnia secula unam eandemque sententiam, nempe summum bonum esse intelligere, ut res se habet; & velle, ut intellectus volendum demonstrat. Antiquissimus Scriptor, cuius scripta supersunt, MOSES dixit, si DEUM amas, id est vis, nam amor est actio voluntatis, toto corde, tota mente, toto animo; & alteri beneficeris, ut tibi ipsi, es perfectus, Summus hujus legis interpres CHRISTUS, rogatus a legis Doctore, Magister, quod est mandatum magnum in lege? respondit: Dominum tuum ames toto tuo corde, toto tuo animo, tota tua mente, tota tua intelligentia; & facias alteri homini, quod tibi factum velles, tunc implevisti legem, & Prophetas. PAULUS, CHRISTI interpres, dicit: si linguis Angelorum loquerer, & corpus meum darem, ut combureretur, charitatem autem non habeam, id est amorem vel adorationem cum summo illo principio, factus sum velut campana sonans aut Cymbalum tinniens. Hec ergo virtus hanc virtutis idea. Conferte omnes Philosophos, omnes sectas, hanc sententiam invenietis fuisse & ef-

se : hanc scilicet esse voluntatis perfectio-
nem, quando mens potest uniri principio
piæbenti, moventi, excitanti ideas.
Nemo est, quin vellet hoc possidere;
nemo est, quin moriturus velit hoc
habuisse : nemo relicturus viduam &
liberos, si cognosceret talem homi-
nem, quin rogaret, ut vellet esse tu-
tor; nemo est, qui vellet admittere
tutorem, in quo non sciret talem es-
se animum. Si Turcarum & Per-
sorum Reges rogarentur, an non ve-
llent tales habere ministros? quam cer-
tissime vellent; timent enim astutiam
& versutias, voluntatis impetum hor-
rent. O quam beata foret vita! quam
læta mens! si omnes virtutem hanc
amplectenterentur.

DE ANIMI AFFECTIBUS, ET MORBIS EX IIS NATIS.

Animi affectus. Sed cur, quæso, orbis loco Para-
disi est nunc species belli? Dum per-
cipiuntur ideæ, oritur simul mutatio
in mente, quæ vel grata est, vel in-
grata, vel nulla. Hæc non possunt
explicare, sed unusquisque in se de-
deprehendit. Extrema cutis frigescen-
ta apponatur igni, oritur conscienc-
tia ignis, cuius actio moderata pla-
cket & grata est; sed si ignis applica-
tus manui incipiat destruere fibrillas,
hoc non placet, ingratum est, nec
potest ferri: sed si cogito circulum
per diametrum dividi bifariam, hoc
nec placet, nec displicet, nec in co-
pecco. SOCRATES rogatus, quæ
esset infelicitas hominis? respondit,
Ignorantia. Quæ felicitas? dixit,
Scientia: sed tamen præter scire &
nescire manet tertium, quod est pla-
cere vel displicere, quod admiscet se
ideis, & quod diversum est ab ideis.
Dum calor ad manum placet, volo
ut maneat; quando scio, quid sit i-
gnis, & quid calor, non scio pro-
pterea, quind sit placere: & si sci-
rem omnia, quæ de calore & igne
sciri possunt, ideo tamen non perci-
perem illud placens & voluptuosum.
Si vulnus infligitur a gladio, chalybs

transit per nervos; hoc non placet, &
illud non placere distinctum est a chalybe,
& nervo: ergo illud gratum
vel ingratum differt ab idea cogitata;
ab intimo principio cogitante, quod
manet idem, sive dolor sit, sive non
a voluntate, quæ illico excuteret,
quod ingratum est: sed turbat ideas,
nam homo, qui perfectissime scit,
quid sit dolere, dum dolor excitatur
in corpore, non amplius cogitat de
gladio, non de nervis, nec de destruc-
tione solidorum; sed omnes ejus ideæ
per dolorem occupantur & turbantur:
turbatur tandem intimum cogitans,
ipsumque volens; facit enim, ut ho-
mo, constantissimus animo, vel tur-
betur per dolores, quod nonnulli ad-
huc tolerant; vel per voluptates, qui-
bus nemo unquam resistere potuit. Hoc
gratum vel ingratum cogit sæpe vo-
luntatem ad volendum nolendumve
fortissime, ipsamque voluntatis liber-
tatem superat: hoc quia adeo singu-
lare est vocatur animi affectus. Quis,
quæso, hoc in se non agnoscit.

Affectus animi prædominantes se vix
unquam regi patiuntur. Si placet
affectus, dicitur *amor*, si displicet,
odium; si se ipsum respicit, lætitia
vel tristitia. Hi affectus tantam vim
habeat in illud intelligens & volens;
ut ab iis determinentur, ab eorum
regimine omnia pendeant. Quid ergo
est amor? voluntas, ut idea grata
maneat præfens; & quum hujus ideæ
sit causa nota, ut ergo maneat illa
causa, quæ hanc gratiam facit; & cum
illa causa sit multiplex, & instrumenta
multa habet, ex quibus nascuntur; illæ
ideæ, mens omnibus illis occupatur.

Quid est odium? voluntas, ut omnis *odium*
idea, quæ ingratum secum fert, de-
leatur ex principio cogitante; si objec-
tum externum displicet, voluntas vult,
illud non existere, & absolute dele-
ret, si nil adesset, quod majori gra-
du vellet vel nollet. Displicet Helio-
gabolo, quod homo sit obesus; vult
ut totus ejus venter absindatur: co-
dem modo, si nil obstaret, si homi-
nes nil omnino metuerent, illico ex-
sequerentur; quod dereminatum vo-
lunt;

Iunt; & factum est illud, quantum ab illis pender: ergo totum hoc respicit ad gratum vel ingratum, ad potentiam vel impotentiam.

Felicitas
in quo
conficitur. Si datum esset nobis, omnium eos facimus, talem dare rationem, ut putaremus, majora vel meliora excogitari non posse, puto, nos semper futuros quietos. Si possemus res omnes, quae nos afficiunt, regere, ita ut non turbarent pacatae mentis quietem, puto, quod bellum cum nulla re haberemus; hinc quoniam homini nil evidenter appetit, quam omnium illorum, quae illi accidunt, Causam esse infinitam, & immutabilem, omnes tantam habent rationem, quam possunt optare: dixi ideo, mentis perfectionem summam esse, dum intelligentia sua ita capit rem, uti se habet; & dum voluntas votis ita est obnoxia, ut sciat, melius dirigi non potuisse. Si homines contenti naturae ambitu, iisque, quae sanitatem non turbant, & morbos a corpore arcent, si nulli alteri facerent, quod sibi famum non vellent, omnes forent beati, & tales esse possunt. Castissimi sapientiae Sacerdotes, Geometræ & Mathematici, si suis immersi sint studiis, satagunt nihil aliud, nihil aliud currant. Dum Syracusæ geritur bellum, & multi trucidantur, Archimedes pacatus petit tantum a milite, ne velit delere figuram suam, in arena jam compositam; iratus miles eam sanguine Archimedis delevit, eumque trucidavit. Ubi ergo in veritatibus nil est dubii, nil ambigui, omnes sunt contenti, omnes sunt ejusdem sententiae, omnes habent eandem animi quietem. Concludimus ergo, pacem mentis per omnia secula fuisse veram animi religionem.

Quid eam
turba. Quum autem omnes mentem recte instructam habeant, cur nihilominus multi adeo deflectunt, ut vita quasi ipsis tædio sit, & ut crudeli manu se ipsos expediant? De his ita cecinit magnus VIRGILIUS.

Qui sibi lethum

*Infantes perperere manu, lucemque perosi
Projecere animas.*

Undenam, quælo, hoc? Videtur sic.

Tom. II.

ri ex aliquo, quod se intermiscat cogitationi veri & voluntati, illudque nec est veritas, nec idea, nec ratiocinium, nec voluntas; sed est gratum vel ingratum, lætum vel triste, placens vel displicens, jucundum vel tædiosum, demulcens vel molestum. Facit hoc effectum in voluntate, qui quasi involuntarius est, & tam insuperabilis, ut summus animus non possit vincere. Quotiescumque in representatione ideæ voluptas ipsi comes est, voluntas non potest non velle, ut illud in mente sic maneat præsens: hæc est humanitas, quam nemo, licet vellet, exuere potest: si ergo mens illud fortissime vult, tunc oritur voluntatis determinatio, quæ aliter non fuisset.

TERENTIUS sic inducit Simonem, ad libertum suum de filio suo dicentem, quod plerique adolescentuli animum ad aliquod studium adjungant, aut equos alere, aut canes ad venandum; horum ille nihil studebat præter cætera, & tamen omnia hæc mediocriter: gaudebam, nam id arbitror imprimis in vita esse utile, ut ne quid nimis. Si quid hominem fortissime occupat, eumque delectat, amor est; & si homo experiatur, ideam quandam causam esse vel comitem lætitiae, refert hanc in illam rem extra se, quæ per organa ejus corporea hanc ideam excitat: hinc absente ideæ illius objecto, lætitia abest; dum præsens objectum, idea jucunda adest; & totus homo se mancipat solummodo rei illi externæ.

Maximus Princeps CAROLUS MAGNUS, qui in exemplum Heroum videbatur natus, vilem foeminam tam perdite amavit, ut vilipenderet omnia, modo posset esse cum illa: post ejus mortem Princeps ipsi tamen affidebat, nec se avelli patiebatur, donec alii tandem annulum auferrent, qui sub ejus lingua recondehatur; tunc quietit, & cadaver sepeliendum jussit.

Si voluntas terminetur in tale obiectum, cuius non penitet, dicitur amor beatus: si autem postea penitet, ut frequenter fit, oritur saepe sum-

mum odium in idem illud objectum, & sit causa tristitiae: sic miser homo detestatur idolum, quod antea adorabat. Si autem illi causae externae comes adsit tristitia, penitus sit oppositum, & voluntas non patitur pacem, non admittit quietem, donec omni nisu fecerit impetum, ut illam causam externam deleat; & quia merituit, ne illa idea iterum tristitiam creet, vult illam penitus non esse: hic affectus vocatur odium. Si jam cum dictis conferatis illa, quæ alii scripserunt de affectibus, videbitis omnia huc referri, ut gratum vel ingratum ametur vel odio habeatur.

Differen-
tia affe-
ctuum.

Amor & odium sunt duo diversissima respectu objecti. Aqua omnibus universalis est, usu præstantissima, pauperibus æquæ facile comparanda quam divitibus; hinc ajebat Latona agricolis nefariis,

Quid probibetis aqua? usus communis aquarium est.

tamen in Hydrophobo odium potandæ aquæ est maximum; in hydrope maximus amor, in utrisque causa mortis.

Hi affectus differunt etiam ratione temporis præteriti, præsentis, & futuri; differunt gradibus. Omnia quæ sunt, & quia sunt, & quia ex Causa infinita sunt, amare æquabiliter propter illam Causam, hæc demum summa virtus est; sed si unam rem extollas, ut reliquias negligas vel deprimas, vitium est: differunt etiam ratione durationis. Nonnulli tam constantes sunt in amore alicujus rei, ut ab eo avelli se non patientur, uti mox visum est de Imperatore CAROLO: alii vero omni momento variante & quod hodie maxime amant, cras summopere detestantur.

Huc ergo referri possunt, quæ de aliis animi affectibus dicuntur: nem quid est desiderare? nisi futurum amare: quid sperare? nisi amare expectationem futuri; quid desperare? nisi timere, ne bonum eveniat: ergo omnia tantum spectant gratum vel

ingratum, sed differens ratione rei, temporis, graduum, durationis.

Notæ corporeæ sensuum nostrorum vel memoriæ, sive in parte sentient cerebri, sive in sensorio communi, ideas suscitant; hinc quia hæ notæ has ideas faciunt persistere, & illæ ideæ spectant gratum vel ingratum, notæ illæ externæ faciunt, ut illi affectus maneant. Videte VIRGILII, ubi scribit, quod Æneas, in pugna superior, quum victi hostis precibus jam fere ad misericordiam fleceretur, conspecto in humeris ejus balteo, quem occiso Pallanti Turnus detraherat, repente ira accensus, gladio per pectus adacto, eum vita spoliat: sic saevi monumenta doloris excitant, quod prior affectus jam deleverat.

Quando semel natis ideis notæ corporeæ alligantur, illæ notæ recurrentes suscitant eosdem affectus, unde illi perpetui fiunt; & tota mens ex capacitatem sua infinita relabitur in hoc unum, quod perpetuo vult; hinc ergo fiunt deliria, vel si affectus sint summe violenti, furores; si febris simul adsit, phrenitis; si non, mania; si reliquarum rerum neglectus, dementia vel stultitia; hinc ergo causa princeps morborum generis nervosi, totum systema nervorum afficiens: hinc fiunt infiniti morbi; nam ex quolibet affectu oriuntur iterum motus diversi ad alios affectus, atque ita ex multiplicatione motuum infiniti morbi oriuntur, qui omnes ergo fiunt ex grato vel ingrato, quod est in idea.

Omnes hi morbi, ex violento animi affectu orti, repetitis notis corporis excitantur, & aversione ab aliis objectis, id est, solitudine, soventur.

Videtis originem morbi, sed quomodo curabitis? si potestis illo grato uti, ut uniatur rei, quæ amata prodest, affectus fit remedium ad virtutem; ergo gratum non est delendum, sed uniendum rei, quæ amata prodest: hoc est, quod voco curare rationem, si affectus, quos Auctor naturæ in nobis posuit, ut summum stimulum haberemus, ubi tenella ratio deficit, ad vitanda noxia, & sequen-

Hinc su-
ficitantur
morbis.

Sed et
iam cu-
rantur.

sequenda bona ; determinantur ad illas res, quæ odio habitæ vel possessæ beant hominem : sed illud maxime dolendum, quod ratio sæpe tam debili sit, ut claustra illa & vincula per rumpere nequeat, hinc insistendum est diu. Ubi Magus Persa interrogatur, quid sentiret de SOCRATE, dixit, eum esse monstrum libidinis ; stupentibus omnibus dixit SOCRATES, vere me descripsit, sed jam per multos annos bellavi, ut hostem meum vincerem.

Si omnes notæ corporeæ, quæ ideas quasdam suscitant, sive per sensus, sive per memoriam, inscio ægro tollantur, & oppositæ offerantur, quod vocamus avertere, & hoc caute fiat, magna mala superantur, cujus rei in juvenibus bene natis, sed cæteroquin perditis, pulchra exempla vidi.

Alius etiam affectus, & quidem oppositus debet conciliari, sive hoc fiat per impetum, sive per consilia. Qui societatem humanam regendam sumserunt, videbant id sibi dari operæ, ut plures redderent frumenta pace, sanitatem, sapientiam; & hoc fieri non potest, nisi bella deleantur: hoc viderunt omnes Philosophi, & hujus rei testis est SOCRATES, qui processit omni hora quinta matutina, offerens se omnibus, qui vellent eum consulere, ut vitam eorum regerer; tantus tamen vir non potuit unum Alcibiadæ a furore removere, neque a ferocia sanare. Hoc uorunt omnes judices & magistratus, qui cum omnes subditos non possunt regere per rationem, proponunt præmia, intentant minas, infligunt poenas; & hinc solet dici, unum carnificem plus corrigere quam centum concionatores. Ergo Medicus omnino scire debet oppositos effectus, & licet sciat, vix adhuc sanare poterit. Sic narrat facetus HORATIUS, quomodo Lethargicus avarus non poterat sanari, nisi quando cari ejus nummi ab herede suo diripiabantur, & super mensam effundebantur, unde ille cito quidem excitatus fuit; sed

quum Medicus proponeret, cibum ipsi sumendum esse, recusavit, quia paucos asses pro eo elargiri debat.

Præcipuum ergo, quod Medicus Regimen potest adferre, consistit in bono regimine affectuum; & de tali Medico HIPPOCRATES dixit, Medicum Philosophum D E O esse similem. Philosophi nomine non intelligens Physicum, ut nos hodie, sed moderatorem morum, qui homines ex malo in bonum flebit, eosque confirmat; hinc ita debemus intelligere HIPPOTOCRATEN, ac si dixisset: illum verum Medicum voco, qui peccantem ægrum potest avertere a suo delicto, illumque D E O fere similem pronuncio. Video, maximos & sapientissimos Viros, ab omni ævo operam dantes, ut ad valida remedia, quibus nimium placens eliminaretur, confugiant, observasse, quod ex æquilibrio placentis & displicentis cedat totum quod displicet, & ex hoc æquilibrio omnia recte peragantur. RAYMUNDUS LULLIUS, seculi sui lumen, quem in juventute cæteris præstaret sapientia, ad infaniam tamen usque deperiit juvenculam formosam; nec a sapientiæ suæ celebritate potuit impetrare, ut eam non amaret, imo non potuit vel minimum frigesculum, in hoc affectu arripere, ut desisteret; resistebat tamen puella, & quem aliam viam evadendi non videret, tandem precebat, ut ad se in cubiculum veniret; postquam venerat, illa nudato pectore horrendum mammae ulcus, quod aliis absconderat, ipsi ostendit, ut illum hac ratione averteret; diciturque, illum eo ipso momento alium fuisse hominem, & non aliud cogitasse, quam ut contra cancrum remedium inveniret, quod etiam postea famam ipsi peperit; interimque a priori affectu plane abstinuit.

In hoc casu Medicina debet observare, quānam Medicamenta corpus dicamentur. Dicitur Melampus, Amythaonis filius, Vates & Medicus, qui diu ante bellum Trojanum flo-

ruit, omnium primus invenisse, quod male affecta animalia ex herbis quibusdam comeditis sanarentur: sic capras, morbo Epileptico laborantes, sanatas vident, si comesto Helleboro purgantur: hinc magnus HIPPOCRATES in casu Democriti hanc herbam Melampodium vocat, dicitque, quod hoc remedium non copia, non vi purgandi, sed ignea vi fundendi, & attenuatum movendi polleret, effectumque suum præstaret: hinc contra enormes animi impetus nil valet, nisi quod totum corpus, & imprimis cerebrum ita moveatur, ut nil de priori conditione remaneat, atque ita in sensorio communi deleatur id, cui affectus quidam alligabatur. Medicamenta autem, quæ hoc faciunt, semper fuerunt violentissima, semper habebant has binas virtutes, 1. mirifica vim fundendi omnes humores, ut evaderent meabiles, & ad expellendum apti; & 2. excitabant motus violentissimos spasmodicos, vomitum, catharsin, singultum, hypercatharsin, quibus fusi humores evacuantur quæ omnia ad spasmos referri debent.

Inter hæc remedia apud veteres nullum majus nomen obtinuit quam Helleborus. Rex Argivorum Petus filias habebat, Deorum ira, uti putabant, conversas in vaccas: id est, earum immaginatio erat læsa, ita ut se vacas dicerent; eodem modo, uti de Nabuchodonosore memoratur, qui Melancholia laborans exponebatur cæli injuriis, & gramine scenoque utebatur instar bovis, qui inde post septem annos curatus fuit. Petus ergo videns tantum filiarum infortunium, quodvis premium offert, si sanari possent: suscipit Melampus illas curandas, pactus, regni partem pro merccede sua, illasque exhibito Helleboro perfecte sanavit, hinc Medici postea ad vitia nimis commoti cerebri Helleboro usi fuerunt.

Si Helleborus, quem nos habemus, idem sit cum illo veterum, possumus ejus virtutem cognoscere ex sequenti casu. Narrat WILLISIUS, fuisse pul-

cherimum equum, toto corpore Lepra equorum laborantem, hinc horridum aspectu; frustra tentatis omnibus, veterinaritus illum curandum suscipit; sumit Helleborum, eumque facto vulneri immittit; oritur inde tanta inflammatio, suppuratio, sanies, ut jurares, ignem in loco adesse; quo facto animal sanatum fuit: videtis, quod Helleborus hic tantum adhibetur externe, & quod tamen per virtutem suam igneam ita concusserit & mutaverit vastum illud corpus, ut tales in eo motus excitaverit, quibus animal sanatum fuit. Didici a rusticis nostratis, quod illi pro generali remedio habeant herbam, quam vocant *Vuurkruid*; hæc est Helleborus viridis, qui inter Helleboros nigros est acerrimus: si equi, boves, oves, circa caudam scabie laborant, foramen faciunt, cui paucum radicis hujus Hellebore contusæ immittunt; post paucas horas animal febre labrat, dolet; oritur inflammatio, & incredibilis copia sanici prodit, unde curatur animal.

Inventum est a recentioribus, quod, Et Mercurium. Mercurius applicetur ad corpus humanum, sive rodens factum sit per acida adhaerentia, veluti præcipitatus albus & turbith minerale; sive crudus & blandus, qui vel misceri potest cum axungia porcina, vel Barbarossa methodo cum mica panis redigi in pilulas, & sic interne sumi, eundem effectum faciat; scilicet fundit omnes humores, & convertit quasi in putidum liquamen: hinc juvenis pulcher, ptyalismum patiens, fit quasi cadaver horridum, halitu & sputo foetorem spirans; ergo sic solvuntur omnes humores, motus eorum turbantur, solitus humor egreditur ex corpore, quod ita emungitur veteribus humoribus: ergo Helleborus albus & Argentum vivum omaibus aliis remediis palmam præripiunt in sanandis morbis, a commoto cerebro oriundis.

MATTHIOLUS dicit in commentariis suis ad DIOSCORIDEM, ubi agit de monitione viribus medicamentorum, quæ cerebrum

brum purgant & restituunt, quod vitrum Antimonii hoc præster, & exempla hujus rei adferit; nostrum est videre, quid veri subsit. Unciam Antimonii dedi puero jejuno contra speciem quandam Leprae; non doluit inde, sed remedium secessit per alvum, multumque boni fecit. Antimonium in pulverem redactum, sartagini singulariæ commissum, imponitur igni; cavitur, ne fundatur; spirat tunc halitum fœtidum singularem; agitatur, donec desinat fumare; vertitur tunc in pollinem, qui fusus exhibit Vitrum.

Si hujus dimidium granum homini dederim, omnia moventur, sequitur vomitus, diarrœa, anxietas, sudor, animi deliquium. Si quis duo vel tria grana sumat, magis periclitatur de vita, quam si quadruplum Hellebore assumpisset, nec unus humor est, qui manet idem. Si hoc vitrum infundatur vino dulciori, v. g. Hispanico, per viginti quatuor horas, & tunc transcolatur per papyrus triplicatum, vinum nullum inde habet acrimoniam signum, nullum odorem vel saporem; sed si bibatur, licet tantum quasi irradians lumen acceperit, turbat corpus, eodem modo quam Vitrum: hinc videtis, quod in remediis quibusdam vires sint a Medicis compertæ, 1. ut omnium humorum tenacitas liquefacat. 2. ut omnes fibræ, musculi, vasa, viscera agitentur simul: hæc vero sunt quasi cultri acutissimi & ancipites simul, quibus si recte utamur, fit desideratus effectus; si male, mors. Addo, quod tamen hi morbi saepe absolute insanabiles sint; dantur enim exempla, ubi hæc remedia bene adhibita sunt sine ulla mutatione læsi cerebri, & tunc illi æ gri in custodiā publicam allegari solent tamquam declamati, de quibus nil omnino sperandum est.

DE MORBIS EX IMAGINATIONE.

Imaginatio est facultas hominis, Describitur quam veteres dixerunt foli homini tur Ima- propria esse; sed Lucretius voluit, ginatio. eam etiam in canibus obtinere: hæc facultas est perceptio ideæ, nata ex affecta parte sentiente cerebri, absque externa causa hanc cerebri partem sufficiente eodem modo, uti posset fieri ab objecto externo, agente per organum sentiens in sensorium commune.

Quum loquebamur antea de ideis, causisque eas excitantibus, vidimus, quicquid causæ externæ in organa externa faciant, non mutari tamen ideas, nisi opus suum perficiant usque ad dictam partem cerebri; conclusimus inde, cæcum a nativitate posse videre colores, sed nescire, quod coloris sint; nam dum in tenebris oculus versus interiora premitur, tunc videatur color flavus, aureus, vel coruscans jubar album, æque ac si a causa externa afficeretur; hinc si homo non est rite instructus organis externis, sed si sensorium commune ita est dispositum, ut in alio homine, sensibus instructo, illudque mutaretur, ille homo audiret & videret omnia, ut alter: quando ergo perceptio oritur a causa externa, dicitur Sensus; a causa intra nos, Imaginatio. Si olim similis perceptio facta est a causa externa, uti nunc ab interna, memoria hoc refert menti, & persuadet, talem ideam esse renatam: hæc est Imaginatio præteriti; sic parentis dudum mortui imaginem possumus nobis præsentem sistere, & tam vivide, ut dicamus, ille homo perfecte refert patris imaginem, eumque distinguimus inter mille facies; quo autem illa imago olim rarior erat & vividior, & nunc a causa interna vividius imprimitur, eo Imaginatio erit fortior.

Quando nunquam talis perceptio fuit, tunc oritur idea nova in mente, quam mens tantum admiratur, &

unde

unde perturbatur: hæc millies accidunt, imprimis in morbis acutis, in quibus sëpe nascitur idea, cui similem ægri nunquam habuerunt, nec unquam forte habituri sunt. Memor sum, quod cum essem puer quadriennis laboraverim quodam morbo, tuncque audiverim matrem, gremio me sustinentem, patri dixisse; jam iterum patitur suum malum, convulsionem scilicet: dum hoc audi rem, habebam ideam infiniti extensis tenuissimi, mollissimi, & momento post eram sine sensu. Centies observavi, quod tota facies puerorum esset tetrica, ut in summo metu & terrore solet fieri; si ro garentur, quid sentirent, omnes simile quid, quod in me expertus fueram, retulerunt: hæc idea nulli alteri ideae similis est, sed proxime accedit ad mollissimam plumulam, se expandendo in infinitum crescentem: ubi hæc idea menti meæ præsens erat, quantum scio & recordari possum, desii cogitare, & ad me rediens refectus eram.

Videmus ergo, quod interiora sensorii communis per morbos ita possint affici, ut ideae fiant novæ, nec ad alias referendæ, quæ tantam faciunt admirationem, ut revelationes & vaticinia dicantur; & si simul quid horrendi, displicentis vel placentis adsit, nascitur perturbatio insuperabilis totius cerebri; hinc forte tot fabulae de spectris ortum duxerunt: crediderim neminem esse, qui febre laborat cum delirio, quin tam nova & insolita ipsi occurrant, ut dicat, nescio quomodo fiat, ut sive dormiens, sive vigilans, cogitem de illis rebus, quarum nullam unquam habui ideam: experitur tunc unusquisque, quod mens abscondita & latens ipsi indicet, illud, quod ipsi contingit, non bene fieri; inest enim aliquid sapientiae etiam in summo delirio.

Hæc est mirifica illa Imaginatio, Mirus est quæ cogit nos credere, quod, si sensus efficitur. foriorum commune mutetur alia ratio ne, quam ab objectis externis unquam contigerat, illa mutatio non sit ina-

nis, sed efficiantur ideae, quæ, cum a mutatione sensorii communis dependent, etiam aliæ sunt, quam quæ nascuntur a sensorio communi, mutato per sensuum organa; hinc ergo nova scientia, hinc novæ cogitationes, hinc fundus fœcundissimus tot mirabilium, quæ per Imaginationem læsam in hominibus contingunt, dum de visis loquuntur, de auditis narrant, de Sibyllarum cantu magnifica dicunt, de coloribus judicant: est in his aliquid tam aversum a mente humana, ut eam totam pessundet, & pro momento faciat quasi abolitam.

Narrant Historici, in conflictu acerrimo in Pannoniis inter Thracas & Christianos fuisse hominem tam animosum, ut omnes percellerentur ejus magnanimitate, donec confosus vulneribus caderet mortuus; quærentibus omnibus, quis ille esset, tandem belli dux jubet, ut inspiceretur cadaver; videns tunc, illum esse filium suum unicum, plangentibus reliquis obriguit; non gemit, sed stat immobilis & non mutatus, & sic moritur. Videtis summum ingratæ ideae dominium, eamque imperium habuisse in omnes facultates, vitales, naturales, animales, easque omnes uno momento fuisse deletas.

Narratur de Imperatore Romano, quod viso decreto Senatus de summis sibi conferendis honoribus, illico fuerit mortuus, adeo latus, ut gratum illud deleret & supprimeret omnia.

Patet ergo, facultatem hanc arca nam, quæ in hominibus reperitur, a causis internis ita mutare posse sensorium commune, ut oboriantur longe aliæ ideae & comitantes animi affectus, quam unquam deprehensæ sunt oriri ab aliis causis, sensuum organa invenientibus; & quæ habent talem vim in hominem, ut omnes vires cognitas ita mutant, ut penitus non sint, vel omnino aliæ sint; hinc sëpe in morbis acutis tristia malitia, quæ notant causas, non tantum agentes in corticem, sed in ipsam etiam medullam. In diuturnis morbis

Similes
iis, qui
a causa
externa
fiunt.

bis maximæ etiam ab eadem Imaginatione fiunt calamitates. Quis enarrare valet, quænam fuerit diathesis sensorii communis in homine, qualem ego vidi, qui putabat, se esse Deum infinitum, & qui mandatata sua dabat cum tanta persuasione & furore affirmandi, ut coerceri nullo modo posset, si vel minimum dubium ipsi circa hanc rem proponeretur. Ergo causa proxima morbi, de quo loquor, est, quod illud mirabile, cui annexi sumus, faciat nasci talia, quæ nunquam habuimus, & quæ aliunde ad nos non possunt adferri; prout hæ validiores vel leiores sunt, eo plus vel minus movent.

Si in his ideis simul lœtum quid vel summum triste est, illudque semper adhæret comes, nolens volens homo eo trahitur, tunc nec mens, nec ratio, nec minæ, nec pericula possunt cohibere, quin ruat, quo terminat idea, & affectus ideo comitans. Videlis inde oriri infinita, gravia, mira, varia mala; his facultatibus intelligendi & volendi læsis, deliria non tantum in mentis parte contemplante, sed & volente oriuntur, quæ delentur, si infestantis affectus memoria ex cerebro deletur; in quibus autem memoria superest, manent illi affectus in mente, eo tempore obluctante, sed victa.

Gradus primus. Quando causa illa, quæ intus in nostro sensorio communi est, facit actionem tam levem, ut non major sit, quam a causis consuetis externis, vivida quidem est imago, sed tunc celeriter transit repræsentatio illius ideæ, quæ, cum mox fiant impresiones fortiores, per fortiores illas ideas deletur, & cogitantes nunc de una re, mox in aliam incident. Si ergo inde non turbantur aliæ ideæ, est gradus Imaginationis primus, & hæc nobilissimum est naturæ instrumentum, quod in pictoribus & statuariis tam mire excellit, ut jam observavit ARISTOTELES: artifex talis format sibi ideam HERCULIS, hominis parvi, macilenti, torosi respectu muscularum, lati respectu

humeri & pectoris; musculos abdominales habentis introtrusos; femora, crura, pedes brachia, manus, fortissima. Statuarius hanc imaginem sibi format, & juxta illam imaginem dirigit omnes suas ideas, ejusque sensorium commune vividum præsto habet illas ideas; volens ergo pingere HERCULEM, prius sumit magnum longum frustum marmoris; servat in mente hanc imaginem, & creta sua scribit, ibi caput, humeri, pedes, manus HERCULIS erunt; dein suo cuneo & malleo informem partem capitis, thoracis &c. conficit juxta imaginem, quam format in sua Imaginatione; pergit, & habet rudem indigestamque molem HERCULIS; tunc cogitat talem vel talem rugosam frontem, talem nasum, talem faciem, tales manus &c.; eo ut pertingat, & ut imago sit exquisita nullusque error, hoc vel illud tollit justa manu, ne informis reddatur imago, quæ tandem tam exquista est, ut nil ultra requiratur vel desideretur: quibus omnibus feliciter facit dicit; en saxum, in quo erat homo, factus ad imaginem HERCULIS, nam involucra auferendo ex latebris suis detectus HERCULES prodit! ergo hæc vis, hæc Imaginatione facit summum artificem; si hæc nimis debilis sit, ut vel semel aberret, actum erit de faxo, quoad illum HERCULEM. Hæc non minus locum habent in arte pictoria, & ibi sunt æque mirifica. Novi, qui creta sumta interrogarent, quem animalis affectum vultis videre? & ecce! vix aliquot lineas ducunt, quin videatis faciem lœtam vel tristem. Unde hoc? habent imaginem in se, & juxta illam delineant; si deviant, omnia perturbant. Celebris in his terris Pictor JAN STEEN dictus, quo testantibus Italis nemo unquam melius pinxit, si vellet imaginem a se pictam plus perficere, non valebat; & quas maxime expolire conatus est, illæ semper minus bene erant depictæ; siebat hoc, quia vis illa summa Imaginantis deficiebat.

Hæc

Enthusiastus. Hæc est illa vis , quam Poetæ vocant animum Entheon , illique hinc dicuntur agitari Enthusiasmo Poetico. DONATUS narrat de Maraco , Poeta Syracusano , qui optima sua carmina non nisi furens & mente motus componebat , sed sedatus nil præstabat ex. cellens : grata illa & fertilis Imaginatio facit summos artifices insanire , nisi potando & saltando animum iterum divertant ; sed si suo operi nimium insistant , in mala hypochondriaca & melancholica ruunt .

Imaginationis. Mirum est , quod hæc Imaginatio nobis dormientibus crebra sit , & nos saepe adeo afficiat , ut supereret rationem , memoriam , animi affectus , uno verbo omnia : tamen tunc mens interior , Imaginatione victa , cogitat tantum somnum esse , vel cogitat saepe , utinam sit somnum ! hinc videmus , illam obductantem animam tamen vigilam esse , donec penitus sit superata .

Regimen hujus Imaginacionis. Si hoc malum non sit nimium , laudatur in Pictoribus , Stattuariis , Mathematicis & Poetis : si vero nimium sit , tollitur oblatione aliarum fortium idearum , & observatione talium rerum , quæ valent contra hoc malum .

In Bibliothecis vestris non poteritis habere Medicum magis accuratum , quam fuit ARETÆUS CAPPADOX , quem saepe legisse nunquam pœnitabit . Scribit ille in Libro primo *de causis & signis diuturnorum morborum* , Capite sexto : „ Carpentarius „ quidam olim fuit , qui domi prudens operator erat , ligna bene me. „ tiebatur , scindebat , complanabat , „ clavis jungebat aptabatque : in domo extruenda sobrius , cum exactioribus operum versabatur , paciscea. „ tur , pro laboribus justam mercede poscebat : porro iste in loco , „ ubi arte sua fungebatur , mente constabat : at si in forum quandoque discederet , ad balneum , aut aliud quippiam necessarium , depoenens instrumenta , primo suspirabat , deinde egrediens humeros constringebat : postea , quum e servorum ,

„ fabricæ , locique illius conspectu absens , tum penitus insaniebat , & furore rapiebatur : quod si ad eundem locum celeriter recurrisset , iterum ad se redibat „ . Ego multos similes casus vidi , ubi homines eruditi in loco quodam sapientissimi erant ; sed inde egressi insaniebant præ melancholia ; reduces , iterum sapientes erant . Observamus ergo , tantas mutationes in bonum & malum fieri ab objectis externis ; hinc Medicus intentissimo animo debet contemplari hominem , ut discat , ad quod signum , ad quam apparitionem delirium mutari incipiat ; dein similia externa ægro offerri jubeat , & sic omnia iterum in ordinem redigat , & curet , quasi omnia casu fierent , nam si velis uti ratiociniis , furent magis ; sed mutatione , & appositione rerum , per experimenta inventarum , a quibus mutatur Imaginatio , plus proficitur , quam omnibus remediis pharmaceuticis . Huc refertur etiam ingens corporis mutatione : si homo laborans imaginatione læsa continuo quiescit , & persuadetur ipsi , ut iter equo , carpento vel navi suscipiat , saepe sanabitur hoc modo .

Sed quandoque causa est tam valida , ut pars sentiens inde magis afficiatur , quam ab alia causa quacunque ; in tali homine oculus est bonus , auris bona , videt & audit perfecte ; sed illud , quod impressionem facit , in Imaginatione læsa manet . Homo terrore percusus curru vehatur , videt & audit omnia , & tamen semper simul metuit : quandoque ratiocinatur , sed vis ratiocinii debilior est , quam vis impressa in sensorio communi . Vidi ægrum , qui credebat , ambo sua crura esse culmos stramineos ; rogavi , cur hoc credis ? an non sentis hoc esse impossibile ? an non vides ? annuebat , sed dixit , crura sunt tamen straminea . Suspirabam : ille postea curatus ingenue confessus est , se tam certum fuisse , quod crura essent straminea , quam nunc certus erat , non esse straminea .

Quando victa Imaginatio excuti non potest , dicitur Insania : sanus enim dici .

Major læsa Imaginacionis gradus ,

dicitur, qui mente & corpore valet; hinc Insanus est, cui mens laborat, licet corpus possit esse integrum.

Quæ duplex est: Insania duplex est, perpetua, vel recurrens. Vix vidi sanum hominem, quin ab improviso & subito casu pro momento insaniat: furibundus, si subito exploditur sclopetum, saepe pro momento liberatur ab insania: aliquando per longa tempora sani circa æquinoctium vernale & autunnale laborant, nam tunc, ut Hippocrates jam observavit, maximæ mutationes in omnibus corporibus humanis fiunt: hi ægri oppositione rationum exacerbantur, & vires crescunt pugnando, hinc quando vis illis, qui non amplius domini sunt suæ Imaginationis, persuadere, quod male imaginentur, Imaginatio victrix pellit eos fortius, & morbum reddis eo pejorem, quo magis hac ratione sanare tentas. In hoc malo, licet violentissimo, actiones animæ videntur sanæ; intimum illud mentis conscientium, ultimum illud perspicax & memor, est æque bonum quam in aliis; hoc patet, si subitaneum quid illis accidat, nam tunc pro momento bene respondent, omniaque satis bene procedunt, modo id, ad quod insaniunt, non attingatur; si vero vel minimum ad illud attingitur, aliqua vivida impressio deletur, mox insaniunt.

Inquiritur ejus Causa. Quæritur nunc, quænam sit causa, quæ illud organum corporeum, distributorum & scaturiginem spirituum ita turbat? Respondeo, quicquid tam fortiter per sensus externos afficit illam partem sentientem primam corpoream, ut effectus sit major, quam omnes effectus aliarum causarum, in illud organum agentium, tunc enim manet effectus illius causæ, & quidem adeo, ut per summam sapientiam a nemine superari vel exuti possit. Exempla quædam hoc docuerunt, & ex his unum valde memorabile in propria mea familia accidit. Juvenis Jurisconsultus, eruditus & sapiens, in hoc uno peccabat, quod semper chartis impallescere, Amici,

ut animum ejus a severioribus studiis averterent, suadent, ut iter amœnum recreationis gratia susciperet: annuit: dum iter faciunt per omnes Reipublicæ nostræ urbes, appellunt MUYDAM: petunt videre arcem, ubi dicitur esse sedes, qua captus & detenus fuit FLORENTIUS, Hollandiæ Comes, quia violaverat & constupraverat MACHTILDAM. Sedes autem illa dicitur sic facta esse, ut ille, quise huic committit, illico ferramentis exsiliensibus constringatur & capiatur: lumbundæ puellæ comiter invitant nostrum Jurisconsultum, ut in illa sede paulum resideat; ille, dolum minime subolfaciens annuit; subito ejus manus pedibusque injiciuntur catenæ; ille capit, pallet, filet, mœstus secedit: putatur animo perturbatus, sed ille ab eo momento semper solitudinem quæsivit, & dixit, se ubique quæri a judice, ut morte plecteretur: hæc facta impressio nulla arte postea potuit deleri, & creditur ipse sibi mortem concivisse; nemo enim unquam cognovit, quo abjerit. Ergo mens libera & ingenium sapiens, si a tam valida impressione afficiatur, ad mortem dicit hominem; & quia huic ideæ se jungit metus capturæ, justitiæ, pœnæ, impressio illa indelebilis est.

Aliud exemplum, quod in Italia contigit, refertur a MARCELLO DONATO: puella, deglutiens offam, putat se deglutisse acum: manet ipsi hæc idea, & non vult edere vel bibere; nulla inflammatio appetet, nam acum non degluterat; hinc Medicus subornat Chirurgum, qui in volsella cava acum rubescensem abscondit; deprimit linguam, & post magna molimina exclamat, Euge! inventa est acus! En ibi est! nos erravimus, ægra recte dixit; & illico sanata est.

Homo in porticu ambulans naso impingit in scalam; mox credit, nasum suum Elephantis proboscidem magnitudine superare; hic curatus fuit, dum ingens farcimen sanguineum cum scarificatione nisi quasi abscondebatur.

Apud

Apud DONATUM, SCHENKUM, FERNELIUN, LEMNIUM plura similia exempla reperiuntur, ubi videbitis, quod hi morbi originem habeant ex actione corporea externa, quae uno iectu tam fortiter egit in organum sentiens, ut illa impressio sit major quamcumque alia.

Hoc malum potest etiam fieri ab *Insomniis*: novissimis, nihil esse, quod valide afficit hominem vigilantem, quin eandem actusam vim quandoque faciat in dormientem; sive consideres dolores, sive voluptates, sonos, auditus, colloquia, harmoniam musicam, spectacula, sapores, odores, &c., haec omnia aliquando sunt adeo clara, iisque se adjungit placens vel dispiens, ut ipso in somno dicamus, utinam hoc adeset vel abesset! Hujus rei plurima sunt exempla. BENEDICTUS SPINOSA, vir certe remotissimus ab Imaginatione, scribit in suis epistolis, se, dum placide dormiret, vidisse Brasiliandum hominem, procerum, macilentum, flavescentem, & per totum corpus leprosum; illud que somnium adeo affectasse mentem, ut evigilans imaginem illam per horas delere non potuerit, sed viderit tam vivide, quam in ipso somno: nemo mortalium forte unquam cogitavit de homine Brasiliiano & leproso simul, & tamen talis hominis idea menti Philosophi ita erat impressa, ut fere indelebilis esset.

Exempla sunt, historica fide comprobata, quod homines dormientes impressionem acceperint imaginis pulchræ foeminae, quam adeo deperiebant, ut non potuerint sanari, nisi inventa foemina, isti imagini quam simillima.

Hoc malum etiam oritur a magnis morbis prægressis, imprimis cerebri.

Morbo. HIPPOCRATES jam notavit, quod, si phrenitis nimis diu duret, & materia non bene coquatur, vel cocta non purgetur, maneat postea mania. Omnes fere libri medici sunt adeo repletis talibus observationibus, ut non opus sit exempla adferre. Videte Autatores, scribentes de morbis acutis;

male sanatis; & patebit, quod unius ægro hoc, alteri illud genus delirii ex morbo remaneat, licet in cæteris recte sapiant.

Alia causa hujus morbi est ingens animi effectus, ortus a quacumque causa, sive interna, sive externa: sic amoris effectus tanti sunt, ut veteres sapienter dixerint, Jovem sapere, ubi non amaret, & ne ipsum quidem Jovem posse amare & sapere simul. A timore tanti fiunt effectus, ut capilli, cutis, unguis inde mutati fuerint, & mutati manserint per totam vitam. Idem fit a repulsa subitanea. Hoc patuit in iis, qui captivi, summisque suppliciis intentati, una nocte dicuntur incanuisse; & in homine aulico, qui dum in flagranti gratia Regis erat, repellebatur tanquam fallax & dolosus, unde totus mutatus moriebatur.

Alia causa est Imaginatio matris, *Imaginatio* sive ejus facultas dominans in utero, *matris* de qua postea latius dicetur. Constat vis. omni experimentorum genere, amores vel odia tota vita duravisse ex impressione gravidæ matris in fœtum. Si talis imago sola est, tantum molestia est; sed si simul cum ea fiat lætitia, tristitia, vel amor effrenus & non domandus, miser homo ducitur eo, & hinc maximi fiunt morbi & summæ dementiae. Si tunc semel contigerit, quod his jungantur fortes musculares motus, tunc oritur talis diathesis in corpore, ut musculus semper imaginem illam sequatur. Musicus docet discipulum inscium, ut applicet digitos chordis; si nota talis sit, tunc digitum hunc illi chordæ; si alia, tunc digitum illum alii chordæ: discipulus primis diebus hoc facit cum tædio, pergit tamen, postea assuecit: ubi autem novit artem, non cogitat, non loquitur, sed omnes ejus musculi faciunt id, quod tabulatura indicat. Si rogas Musicum, quid facit, & ille deberet hoc explicare, non luderet bene; sed sic nervos, spiritus, musculos habet dispositos, ut nescius ludat bene. Vidi saepe mirabundus unum instrumentum

tum ab alio differre, & uno tantum tono non concordare, & Musicus ex tempore in Imaginatione mutabat tabulaturam, & aequa celeriter ludebat sine vitio. Ergo nostrum corpus sic est factum, ut levi facto p̄cepto, levi impressione, possit facere tam infinita. Si nunc miser homo per magnam Imaginationem, per lætitiam vel tristitiam, per magnum illud calcar placantis vel displicentis, moverit musculos ad certam actionem, quæ respondebat dictamini ideae impressæ, totum corpus simul movebitur, & fiet ultimus Insanæ excessus.

Curatio per excitatam novam ideam. Dixi jam in præcedentibus, quæ ratione curandum sit hoc malum, & eo vos ablego: Si illa methodus ritte exculta non sufficerit, tunc alia idea fortissima debet excitari, quæ superat priores ideas, & homo sanatus erit. Hunc in finem mirabilem viam iniit homo quidam in Hollandia Boreali, adeo famosus in hac re, ut summi in hac Republica Viri, tetro hoc malo laborantes, sannandi ipsi committerentur; simulac eos in domum suam receperat, & Insanæ caufam prius ex amicis intellexerat, benignissime eos tractavit, nihil non præstans quod vellent, aut quo delectari eos videbat; at simulac de malo suo conquerebantur, per tres vel quatuor satuos, qui hoc ministerio superbiebant, loris coriaceis immisericorditer flagellabantur, donec tandem de morbo suo non auderent loqui: silentes, iterum tractabantur benignissime, humanissime, liberalissime, abundantes omnibus, quæ desiderare unquam poterant; hinc alliebantur summopere; at vel minimum de morbo conquesti, iterum enormiter vapulabant: tandem homines illi, ubi sentiebant quam minimam scintillam insanæ assurgere, adeo verbera metuebant, ut insaniam deponerent. Novi, sic virum primæ dignitatis fuisse sanatum, qui post aliquot annos iterum aptissimus Reipublicæ gubernandæ existit.

Alia hujus morbi curandi methodus est submersio talium ærorum sub aqua. Hoc remedium originem duxit ex morbo, qui *Rabies canina* dicitur, in quo ab omni tempore projectio in piscinam, in mare, & submersio sub aquis pro palmari remedio habita fuit: & constituit aliquando etiam in aliis, sed similibus phantasiaz morbis profuisse. Hanc rem primus in genere proposuit HELMONTIUS pater, dein ejus filius; postea in Britannia plurima hujus rei experimenta facta sunt. Intelligamus, qua ratione soleat hæc submersio fieri, ut sit efficax & fructuosa.

Narrat HELMONTIUS, se vidisse in urbe, *Sas van Gent* dicta, quod transiret navis, in qua senex erat, funibus vincitus, & ponderibus ejus pedibus appensis. Rogat HELMONTIUS, quid spectaculum hoc sibi vellet; ajunt, senem esse hydrophobum, qui aquis submergendus erat, ut sanaretur; illis comitem se junxit HELMONTIUS: postquam navigaverant per milliare Italicum, duo viri senem in aquam projiciunt; relinquunt spatio, quo diceretur præcatuncula *Miserere*; tum spatio, quo diceretur *salutatio angelica*: eductum HELMONTIUS mortuum esse credebat; rident nautæ; æger revixit, licet mersus, in aqua relictus, & fere suffocatus fuerit.

Dum forte in Academia Parisina recitabatur historia hominum, a cane rabido demorum, constituit exemplis, quod si eo usque frigida persunderentur, ut intima corporis essent frigefacta, tunc præterita idea deleta fuerit; sed si tantum pauca aqua affundatur, irritatur potius malum, quam sanatur.

Narrat HELMONTIUS, contigisse Antwerpiae, quod faber lignarius persuaserit sibi spectra horrida vidisse noctu; inde torus amens factus mittitur ad tumulum Virginis, ubi homines a Cacodæmone, ut ajunt, liberantur; in eo loco non levatur, reducunt eum iterum domum; ille vincula sua fregit, & in aquam exi-

exsiliit; habetur mortuus, sed rediens ad se per octodecim annos liber a mania supervixit.

Quum ergo publico & miro exemplo constituit, quod homo tam diu sub aquis hærere possit, ut eductus credatur mortuus, atque dein tota vita liber sit a mania, inceperunt hoc remedium per totam Europam tentare, & semper pulcherrimo cum successu, modo ægri satis diu sub aquis retinerentur, quia res aliter successu carebat.

Demonstratur hoc remedium esse licet. Hoc remedium vero non proponitur nisi in desperatis casibus, ubi homo vel instar feræ bestiæ vitam insanam semper degit, vel periculoso hoc medio penitus liberari debet.

Quid mutationis hic contingat, vix explicari potest, hoc scimus, quod corpus semimortuum quasi redditum inde iterum evigilet, & hinc per summam illam mutationem prior illa diathesis in cerebro & sensatione semper deleatur. Nil vero refert, an in saltam vel in dulcem aquam immersio fiat. Prostant varia exempla hominum, qui aquis submersi mortui credebantur, & tamen rejetta aqua revixerunt, quibus in spem erecti similia tentare possumus. Videntur hæc quidem paradoxa & temeraria; sed legite libellum, lectu dignissimum, JOANNIS NICOLAI PECHLINI de aeris & alimenti defectu, & de diu viventibus sub aquis. Refert ille exemplum, quod Europam totam in admirationem excitavit, quodque summa fide probatum, imo etiam coram Regibus examinatum est. Hortulanus quidam, annos natus sexaginta quinque, pro illa ætate satis adhuc valens & vegetus, cum ante octodecim annos alteri, in aquam delapso, opem ferre vellet, forte fortuna ipse per glaciem incautus procedens, in aquas incidit, octodecim ulnas profundas, in quibus corpore quasi ad perpendiculum erecto pedibus fundo adhaesit; mansit sic per sexdecim horas, ante quam iterum produceretur in auras; dixit autem, simulac infra aquarum

superficiem fuisset demersus, statim se totum obriguisse, & si quem habuit motum & sensum amisisse, nisi quod campanas, *Stockholmi* sonantes, etiam sub aquis obscurius percipere sibi vi- fus sit; sensit etiam, se statim velut vesiculam ori applicasse, adeo ut nulla aqua os penetraverit, transitum vero in aures, etiam illo sentiente, habuerit, atque inde auditum aliquandiu debilitatum fuisse: in hoc statu dum per sexdecim horas permanuit frustra quæsitus, tandem repertus est, conto in ejus caput infixo, cuius etiam sensum se habuisse dixit; fundo extraxerunt, sperantes ex more aut persuasione gentis revicturum esse; productum itaque pannis linteis, que obvolvunt, ne aer admitti posset, perniciosus futurus subito illapsu: custoditum sic satis ab aere sensim sensimque tepidiori loco admovent; mox calidis adoriantur fasciis, fricant, radunt, & sufflaminatum tot horis sanguinis corporisque motum negotiosa illa opera reducunt; denique antaplecticis, & liquoribus vitæ, reddunt eum pristinæ mobilitati: retulit ille atque ostendit, se etiamnum in capite circumferre vestigia violentiæ, a conto illatæ, & cephalalgiis vexari gravissimis: & propter hunc casum, religiose a popularibus & hujus rei testibus probatum, Serenissimæ Reginæ matris munificentia annuo stipendio donatus est, & Serenissimo Principi oblatus.

TILASIUS, Bibliothecæ regiæ praefectus, testatus est, se novisse mulierem, quæ tres dies hæsit sub aquis; & similem in modum, quo hortulanus, resuscitata, adhucdum plena lucis fruitur usura

Nobilis quidam confessus est, se in pago quodam concionem audivisse funebrem, in qua, dum præco acta recenseret senis cuiusdam septuagenarii, audivit, eum septimo decimo ætatis suæ anno aquis submersum, post septem demum hebdomadas extractum, ad se rediisse vivum & incolumem. V. PECHLINUM de aeris & alimenti defectu, Capite decimo,

Ergo

Ergo ex his exemplis constat , homines diu sub aquis posse detineri , & detentos mirifice mutari : ubi ergo omnis ars medica per omnes methodos fuit prorsus iners , omnique successu carens , hoc remedium attentio- nem nostram meretur .

Curatio per remedia ex metallis. Ultima remedia , quæ ad hoc negotium spectant , metallica quædam sunt , sed quæ magis mysteriosis encomiis , quam ipsa re probata sunt . PARACELSUS , HELMONTIUS , alii que Medici , qui rebus Chemicis se applicarunt , scribunt , quod in metallis vis obsignata & inclusa sit , quæ ita se manifestat , ut principium sentiens , imaginans , recordans , impetum faciens , & qualemcumque demum fuerit , ita invertatur , quam ulla alia methodo inverti potest . Si quis plurimum vini biberit , fiet juxta illud principium longe alias , quam prius . Hoc omne tamen pendet a corporeo principio , corpori nostro insinuato . Quando opium hæret in Ventriculo , sic mutatur totus homo , ut miles Thracius non possit agi in hostem suum , nisi eo assumto . Si homo podagricis vel arthriticis doloribus enectus , & ob eorum vim fere insaniens , viginti quinque guttas tinturæ Opii assumat , illæ vix ventriculum attigerunt , vel aliquandiu ibi hæserunt , quin statim tam pacato mentis statu fruatur , ut nil optabilius fieri possit . Volunt ergo , quod in metallis similiis vis inhæreat , sed testa , per quam principium desipiens & delirans mox reducitur in verum tramitem , & resipiscit a deliris ideis ; & dixerunt , hanc vim in nulla re hærere magis , quam in Cupro . HOMBERGIUS , qui data opera hanc rem inquisivit , dum prosecutus est experimentum HELMONTII de destillato oleo Vitrioli , deprehendit , quod illud oleum habeat aliquid in se de Cupro , volatile redditum ; quod inde fiat quidam sal , pauculum Veneris in se habens , potens in morbis acutis deliris mentem pacare tamdiu , ut homo possit de rebus suis disponere ; dat ergo inducias , sed postea morbus recrudescit .

Tom. II.

Si consulatur HELMONTIUS ; patet , HOMBERGIUM nondum eo accedere , quod ille voluerat . Ajunt nempe Chemici , totam hanc vim hærere in principio , quod fixavit universale principium mercuriale in corpus durum , quod vocant *Sulphur Metallicum* , quod imprimis hæret in sulphure vitrioli cærulei Hungarici . An vero aperiendo metallum , vel quomodo hoc fiat , quis dixerit ? hoc dici potest , quod tale corpus corpori humano applicatum incredibiles sæpe effectus faciat . Exemplo sit , quod mihi ipsi contigit . Viginti elapsi sunt anni , quando cum aliis Claris Medicis visitabam furibundam Dominam . Dabam Mercurium vitæ , sumnum illud emeticum , a me ipso paratum , ad grana duodecim , sine ullo effectu : pulverem hunc sumis cum pane butyrato ; elabitur micella , assumitur ab ancilla , quæ inde enormiter vomuit : Opium etiam faciebat nihil . Paravi tunc sublimando Vitriolum Veneris , & ubi hoc fuit exhibitum , dedit penitus quietem , & ægra perfecte convaluit : cogor ergo credere , Chemicos illos , qui ita derideri solent , non ita deridendos & vilipendendos , sed tantum damnandos esse , quod tam obscure locuti sint .

DE SENSORIO COMMUNI PER CONSENSUM AFFECTO.

Hactenus versati sumus in excutientidis morbis systematis nervosi , Morbis nervorum a causa hærente circa præcordia . quorum sedes a Medicis ponitur in ipso sensorio communi , unde omnes nervi motorii & sensorii oriuntur & derivantur . Constitit veritas eorum , quæ Veteres de his dixerunt ; dico tamen , hanc rem non esse absolutam , nam hi morbi etiam oriuntur ab aliis partibus affectis , quæ prius affectæ , dein eodem modo lœdunt sensorium commune , ac si causa illorum physice in illo loco extitisset , quæ tamen revera ibi non reperitur . Dico ergo , observatum esse ab omni ævo , C quod

quod omnia illa mala, quæ exposui, amentia, dementia, furor, insania, stultitia, etiam orientur a materia, hærente circa præcordia, & quod morbi inde orti æque manifeste apparet, quam illi alii morbi, ita ut distingui non possint, nisi a peritis. Hoc vocatur ab HELMONTIO *Ens Physicum verum generans morbum*; sic Ens apoplecticum est corpus quoddam, quod ad cerebrum non perveniens tamen valet producere perfectam Apoplexiā: dixit ideo, si sumatur venenum, illud agit in ventriculum, & in cerebro producitur Apoplexia; ejecto hoc veneno ex ventriculo, non est Apoplexia, ergo illud venenum est Ens apoplecticum: sic etiam loquitur de Ente Epileptico, quod facultatem habet ita mutandi cerebrum, ut Epilepsia subsequatur, voluitque, esse quoddam revera existens corpus, quod ita agit in cerebrum, ac si in eo mali causa extitisset. Hanc rem sic explicō: si axillarem nervum vinculo adstricto incerperim, omnes motus, ab hoc nervo pendentes, defi- nunt, & sit paralysis in parte: vinculum hoc est Ens paralyticum? tolle vinculum, libertas redit; sed si relinquas, manebit morbus. Hoc est fundamentum HELMONTII, in quo tantum peccavit, quod voluerit uni- versale esse.

Dixi, quod materia peccans deprehensa sit hærere circa præcordia, id est, directe sub diaphragmate, quo loco continentur cardia, ubi orificium transmissi oesophagi ingreditur in ventriculum; & hypochondria, quæ sunt infimæ partes costales ad sternum usque; nam media regio a sterno ad umbilicum vocatur *Epigastrium*. Si materia talis fixa manet in illis locis, nervos harum partium ita afficit, ut sensorium commune turbetur: qua ratione hoc fiat, non definiō. Hoc vero jam notatum est a Veteribus, & imprimis ab HIPPOCRATE, qui dixit, quibus vena pulsat fortiter in hypochondrio sinistro circa splenem, mox fit Convulsio, Epilepsia, Apoplexia, Mania, Insania,

Quantæ nobis occurrunt obscuritates; si Commentatores in hæc loca legamus! sed HIPPOCRATES nil docet, nisi quod in Græcia sic observaverit. Constitit per experimenta, quod nonnulli senserint pruriginem circa pedis inferiora, quem describunt motum, instar formicarum tremulum, per suras ad femur, & ab eo ad abdomen ascendentem, quo ubi pervenit, mox ceciderunt Epileptici; imo nonnulli tunc monuerunt adstantes, ut vellent eos tenere, ne cadant; ligatura facta ipso momento, quo hoc sentiebatur, omnis impetus retusus fuit, & nil sequebatur mali; & si ille locus exurendo destruatur, principes Epilepsiarum perfecte sanatae sunt: a tali causa, extra caput hærente, non visum est turbari caput, nisi prius quam hujus sensus ad præcordia pertingat: vi. di sceminas hystericas, in quibus aderant similes motus; dicunt, se sentire motum in abdomine, quasi pila adscenderet; conciduntque, si hic sensus eousque pervenerit; sed si compressio fieret, nil sequebatur mali: ergo hæc mala possunt ita destruere omnia animæ munera, ut principium sentiens in actione sua perfecte impediatur; deletur etiam imaginatio, memoria; desinit omne impetum faciens, omnis potestas excitans, omnis causa dirigens; & si fiat motus, non sit a voluntate determinante, sed a corpore mutato; desinunt denique omnes animi affectus. Veteres hoc æque observaverunt quam recentiores.

Expositurus porro hos morbos assū. Ab afe-
to Me-
tentio
rum, intellectum esse propositum, quod nempe hæc lex sit in corpore humano, ut materia quædam, sub diaphragmate posita, & ibi manens, valeat omnes actiones sensorii communis turbare, & delere pro tempore. Constat ergo, per meras mechanicas & simplicissimas mutationes nervorum, in loco definito positorum, omnia hæc successisse. Illustrabit hoc sequens exemplum: culter ex puro chalybe, nitido & polito, adactus in abdomen humanum, descendens quos-
dam

dam nervos ; nihilque præterea efficiens , simplici hac vi omnes recensitos morbos produxit . RUY SCHIUS per quinquaginta fere annos auctoritate publica fuit præfектus lustrandis corporibus , violenta morte occisis , ut referret ad judices deprehensam causam mortis . Ille mihi saepe dixit , quod , si in conflietu Clasiiariorum , qui sine ullo mortis metu pugnant , culter ita adactus esset intra corpus , ut nervi Mesenterii percinderentur , tunc semper orientur dolores intolerabiles , nullo remedio placabilis , imo ad omnia remedia exardescentes , mox etiam singultus , vomitus , deliria , & tandem mors . Ubi primum hoc videbat , putabat , se inventurum miras illius mortis causas ; aperiens ergo cadaver , invenit simplex vulnus sine inflammatione vel contusione , nullum vas magnum a cultro læsum , vix unciam sanguinis in abdomen effusam , non urinam , non chylum , non stercus ; culter tantum penetrauerat per Mesenterii fabricam , & non arterias vel venas , sed tantum nervos disciderat . Hoc dum vidisset , vix sciebat , quid Judicibus renuntiaret , dubitans , an forte alia mortis causa esset : verum ubi hoc multoties expertus fuisset , habuit pro lege naturæ , quod vulnera illorum nervorum in classem morborum lethalium referri debeant .

Ergo habemus argumentum , quod causa mere mechanica , id est , solus motus , figura , densitas instrumenti sinceri , non venenati , origo horum morborum esse possit . Quid HELMONTIUS ad hæc dicet ? in nervis Mesenterii facta tantum est dissolutio , & qualis fuerit , nondum constitit , sed constat , quod illi nervi per mutationem hanc mechanicam possint generare dolores , & tandem tales mutationes in Encephalo , ut totum cerebrum & cerebellum agere desinant . Evici ergo argumento certissimo , quod in hypochondriis ad loca definita ponantur nervi , qui mechanice affecti in cerebro generant illos morbos , ac si idio- pathice affectum fuisset .

En aliud exemplum ! Novi agricolam , solo labore victum sibi querentem ; ille vesperi a laboribus fatigatus decumbit dormiturus ; media nocte excitatur a doloribus circa eadem has ragiones , qui increscunt & fiunt acerbissimi ; intra quatuor horarum spatium moritur post omnia signa læsi cerebri . Cadaver non fuit aperatum , sed narraverunt liberi , quod lectum petens bene se haberet , quod bene comedisset & bibisset , sed quod noctu dolorem senserit , & intra tam breve spatium interierit . Videtis , dolorem hunc fere fuisse similem quam a cultro , nervos in hoc loco læden- te . Memini , me ipsum media nocte excitatum percepsisse dolorem ad easdem has partes tam immanem , ut brevi de me actum fuisset , si malum hoc per aliquot momenta duravisset . Habebam forte ad manus tinturam Succini , & de ea sumsi haustulum dimidiæ drachmæ ; vix illa in corpus ingressa erat , quin illico nil amplius ma- li sentirem .

Musicus in hac urbe laborabat Her- Ab Hernia inguinali , quam instrumenti ope pulchre continebat ; cœnatus modice cum uxore lectum petit ; media nocte sentit exire Herniam : statim solvit instrumentum , & tumorem retropellere conatur , sed frustra ; augetur malum ; incidit in vomitus , dolores intolerabiles , singultus ; Medicus & Chirurgus ad eum vocati omnia remedia adhibent , nihil prodest , sed intra paucas horas moritur : nil ibi factum , quam quod tantum strangularetur intestinum tenue cum mesenterio , cui necatur ; & motus peristalticus impe- ditur per mutationem illorum nervorum , qui dum afficiuntur , advocant nervos alios , totum corpus concutitur , & brevi sequitur mors . Quid hoc malus genus est ? cadavere aperto inve- nitur nihil . Si ibi esset inflammatio , suppuration , gangrena , contusio , posset concipi ; sed hic simpliciter afficiuntur nervi , mutantur omnia , & delentur omnes functiones .

Idem contingit in Hernia scrotali , quæ a mole peritonai , in faccum di-

latati, saepe caput humanum adaequat; ægri, dum molem hanc gestant, tunc quidem male se habent, sed tamen per multos annos vivunt: sed si moles haec stranguletur, fiunt dolores, singultus, ardores ad partem, convulsiones & mors.

De Herniis umbilicalibus eodem modo judicandum est. Visus est puer, natus cum Umbilico, non recte clauso, huic misero nascebatur tumor amplissimus, tenuissimus, pellucidissimus juxta Umbilicum, haesit illa moles extra corpus, & intra hanc cavitatem introibant intestina, quæ hærebant quasi in lagena vitrea perspicua; videbatur hic clare motus peristalticus; & dum flatus aderant, pars intestini tumebat, iterumque collabebatur, dum flatus propellerentur in locum inferiorem; cæterum nil inde fiebat mali.

Mulierem vidi, cui pars magna intestini propendebat extra abdomen, quod inde in molem immanem excreverat, quæ, dum gravida erat, adhuc valde augebatur; vixit tamen per multos annos, nullo inde sequente incommmodo, nisi ex centro gravitatis perturbato: attamen millies visum fuit, partem parvam intestinorum, per herniam umbilicalem prolapsam, & constrictam, peperisse dolorem intolerabilem, singultum, vomitum, & non diu post mortem; ante mortem autem jam omnia mala fiebant convulsionis, delirii, insaniae, furoris, quæ tandem desinunt in speciem Apoplexiæ, omniumque symptomatum quietem.

A Calculo. Videmus quotidie, quod a Calculo renali, tantummodo moti in Ureteres, sensus fiat acutissimæ Nephritidis, hinc doloris intolerabilis, qui exquisite sentitur supra os pubis, ubi vasa seminalia pergunt ad scrotum; & putant ægri esse ibi aliquod erodens, quod paulo post cadit in scrotum, & dolor ille potest esse tam acutus, ut ægri incident in animi deliquium; hic tamen tautummodo afficiuntur nervi, ad Ureteres positi.

A Cæstitione. Notissima res est, quod si homini

luctatori robustissimo subdolus alter Zonas genitales extrorsum ducat, exanimet illico totum hominem. Ingens feroxque taurus, a cane hac ratione prehensus, humi cadit dejectum, & viribus omnibus resolutus; tamen hic non est nisi simplex attractatio & motus in nervis.

In ileo, sive susceptione intestino-rum, terribili illo morbo, qui toties ab imperitis falso dicitur Colica clausa, ægri incident in dolores intolerabiles circa Umbilicum, qui raro per triduum decurrunt, quin homines ab iis victi moriantur; in hoc casu pars una intestinorum est amplissima, altera angustior; pars angustior retrocedit in partem amplam; hinc materies intra duplicitam plicam hærens opplet illam partem. Retulit RUY SCHIUS, se plurimos, tetricimo hoc malo labo-rantes, in Nosocomio Amstelædamensi vidisse, qui post dolores, singultus, vomitus, insanias, deliria, spasmos, convulsiones, ab hoc malo moriebantur.

Si intestina obstruantur per Emphraxin, id est, per materiam, quæ non potest transmitti, fit altera species Ilei. Naturaliter non est materia crassa intra cavitatem intestinorum tenuium, sed haec primo colligitur intra cavitatem cæci; contingit tamen aliquando, sive per segnitiem naturæ, sive per nimis crassam & duriora edulia, quod circa finem intestini jejunii crassa materies colligatur; scitis, quod haec pars vermis instar decurrat, quod fit valde contracta, & quod valvulae semilunares ibi frequentissimæ sint & numerosæ: si ergo ibi materies crassa aggeritur, & magis magisque sistitur, liquidissima pars per motum peristalticum exprimitur, reliquum indurescit & exsiccatur, & fit tandem obstaculum intercludens totam viam; hinc aliquando diri morbi, dolores intolerabiles, singultus, vomitus, ardores, & tandem mors; aperto cadavere nil cernitur mali, nisi talis Emphraxis sive obstaculum.

En historiam talis morbi, quem ipse tractavi! puerulus quidam primo sati vegetus postea languebat; sequebatur

batur debilitas, hebetudo, dolor summus, in abdomen, singultus, vomitus, per quem expellebantur ingestæ, quæ ultimis diebus accepisset, eaque erant chylosa & valde acida, si vegetabilibus nutritus fuisset; moritur post plures menses; invenitur in eadavere intestinum tenuë amplissimum, sed in loco mox supposito ne digitum capax; pars inferior introgressa erat in superiorem; omnia ibi hærebant, ita ut alvus etiam ope Clysmatum exonerari non posset, sed materies aggesta redderetur per vomitum; & tunc hora sequenti erat iterum famelicus, & devorabat omnia; digerebat feliciter, & bene se habere videbatur, donec nova collectione facta malum rediret, unde tandem mortuus est: mirum est, quod mors aliquando hos morbos non sequatur: visa sunt exempla Herniarum intestinalium, in quibus saccus factus erat in substantia intestinalium, qui saccus accepto chylo distendebatur, & nil deponebatur per alvum; sed si saccus plenus erat, evacuabatur per vomitum, & illi homines vivebant per annos, licet misere.

Ab Ute. Uterus lœsus, inflammatione valida affectus, facit morbum sæpe lethalem, cujus causam explicare non potes, nisi per nervos. Puerperæ, ruditer tractatae in educendis secundinis, propter contusionem patiuntur quandoque inflammationem, quæ non transit in suppurationem, sed facit omne genus lœsæ functionis sensorii communis, deliria, apoplexiā, mortem.

A Vesica urinaria. Vesica urinaria, violenter affecta, sæpe etiam mortem producit. ARETÆUS dicit in Capite de Curationē Apoplexiæ pag. 83. quod si vesica plena sit, & in magnam molem intumescat, haud sane tutum sit cathetera in eam demittere, quia disserimen est, ne homo convellatur. Vesica lœsa per calculum magnum, magna vi eductum, aliquando facit singultum, quem sequitur mors, quod multoties doluerunt illi, qui Lithotomiam exercent; illudque a nervis pendere, evidentissime patet. Ab eadem causa fit, quod ARETÆUS observavit in Ca-

pite de acutis vesicæ urinariæ morbis; pag. 23., in quibus luteus sudor exit, pituita vomitur primo, deinde bilis.

Hæc sufficient, ut demonstremus, meras mechanicas nervorum affectiones, intacto cerebro, posse producere omnes morbos, lœdentes functiones, quæ a cerebro & cerebello exercentur: ergo hic hæret aliquid mirabile influens in omnes functiones tam animales quam vitales.

Ad omnes illos morbos vix datur ^{Cura ho-} multum remedii, nisi quod audax & ^{rum mor-} peritus Medicus, simulac hos morbos noscit præsentes, corpus maxime debilitet, & vim vitæ adeo languere faciat, ut omnes motus spasmodici resolvantur cessentque; ut inflammations careant omni vi, simulque stagnationes impediantur, hinc magna missio sanguinis in omnibus his casibus palmarium remedium est; vocati ergo, ubi vulnera vel herniæ adsunt, & mors præforibus adstare videtur, nec facta fuit sanguinis effusio, jubete secari venam, ne strangulatio contingat. Sustineatur etiam vita levissimis cibis; nam incredibile est, quantum natura faciat, ut dolorem a se excutiat. Quos enim motus non exercebit, ita ut nullus quiescat musculus?

Alterum remedium est Opium. Si post missionem sanguinis, partitis do-sibus, vigili mente sensim auctis, exhibeat, donec amicus somnus advenierit, per horas aliquot habebitur intermissio. Simulac motus illi sedentur, statim strangulatio minor fit, & cedit malum eo usque, ut sequenti die repositio Herniæ fieri queat.

Tertium remedium sunt fomenta, ex mollissimis magna copia applicanda: missio ergo sanguine, & datis Narcoticis, tota pars affecta involvatur lacti, decocto cum foliis Malvæ, semine Lini &c., sed hæc illlico facienda sunt: fac ergo, ut spiritus, qui incurrit in musculos, retineantur, spasmus cessat: nam si actionem nervorum cessare facis, cef-sant omnia.

DE SENSORIO COMMUNI
AFFECTO PER SORDES
IN PRIMIS VIIIS.

A sordis.
bus in
primis
viiis. Videamus nunc, quomodo in morbis acutis & chronicis eadem mala fiant a corruptis humoribus; quinam illi sint, & quomodo agant. In morbis acutis illud, quod vocamus *Naturam*, excitatum in motus majores, tendit a se removere, quod tædiosum, molestum & displicens est, & quod vitæ videtur insidiari. Ubi horum motuum effectus est, ut causa illorum expellatur de corpore, vel ut ipsum corpus destruatur a motu illo furibundo, morbus acutus adesse dicitur. Ergo sedes illorum morborum est in ipsa vita, id est, in motu superstite, sed nunc majori quam ante, quo si excutiatur causa excitans, Natura ab **HIPPOTRATÈ** dicitur curare hunc morbum. Sed aliquando tanti furores sunt, ut tenuilla stamina cerebri & cerebelli destruantur, & tunc ex impetu Naturæ, se liberare conantis, nascitur mors. In his morbis acutis continentur omnes morbi cerebri a primo initio usque ad lethalem Apoplexiam. In his morbis saepe cogitant Practici, quasi cerebrum laboraret, & vitium intra cranium hæreret; sed qui in dolem corporis humani inspexerunt, vident, causam horum malorum physicam & sufficientem inveniri in sordibus harentibus circa præcordia. Habemus igitur secundam classem morborum, qui sensorium commune afficiunt, distinctam a priori, in qua vidimus, hæc mala posse fieri ab affectione nervorum mechanica.

Quæ se-
pe vene-
natam in-
dolem ha-
bent. Quotiescumque acuti tales morbi nascuntur, fere semper febriles sunt, in quibus circa præcordia harent, aut brevi nascuntur anomala corpora, quæ vel ore ingesta, vel per ipsum morbi violentiam nata sunt. Observaverunt Practici, quod morborum contagiosorum causa efficacissime applicetur corpori deglutiendo salivam, quæ semper secum vehit aerem, in

quo aere harent infinite parva misera, quibus receptis, applicatis, actuosis redditis, & stimulantibus, totum corpus movetur agitaturque. Omnium fere talium morborum prima sedes est orificium Ventriculi superius: qui peste laborabant, dicebant ibi sarcinam prementem hærere, quæ si removeri posset, sanatos se esse putabant. Conqueruntur etiam de illo loco Variolos, & hoc molestum expelli posse optant. In morbillis, in febribus ardentibus & contagiosis eadem est querela. Et si illa pars possit liberari, reliquæ morbi decursus satis bene se habet. Has sordes possumus vocare *Venena*; saltæ sunt alienum quid & adversum corpori nostro, quod ex sede sua distribuit imperia per totum corpus, & omnia perturbat; has sordes voco *Epidemicas*, quæ cum aere & saliva deglutiuntur, & in hoc loco sedem suam figunt.

Sympto-
mata, quæ
inde na-
scuntur. Hinc in omnibus morbis acutis primum fere symptoma est, summa aversio ab omni eo, quod potest replere Ventriculum, demis tantummodo liquidis, frigidis, acidis; nam si liquidum sumitur, facile transit; Ventriculus inde non repletur, sed inanis manet; & propter pylorum apertum mox commercium nascitur inter intestinum Duodenum & cavum Ventriculi: sed intestinum jejunum vacuum contractum est instar vermis, & tam clausum, ut nil fere transmitat, quia numerosæ sunt in illo valvulae & juga eminentia: interim corruptus humor ex pancreate, hepate, velicula fellis influit, ut ante, quæ hærens in intestino Duodeno, molestiam illam facit circa hæc loca: ubi hæc duravit aliquandiu, fit nausea perpetua, vomitus, ruetus putridus; tandem turbatur cerebrum, & reliqua oboriuntur mala.

Sit homo sanissimus, confidens robori sui Ventriculi, forte in cœna nimium assumfit carnis assatæ, amaræ, ambustæ; vel butyri aut lardi amari, nidorosi, fusi, nigri, ita per assationem redditæ; valens petit

lectum, sed media nocte evigilans sentit vertiginem intolerabilem, vix sibi constat, evomit omnia; sed hoc facto, caput statim est liberum. Si amurcosa illa & oleosa corrupta materies circa præcordia maneat, vertigo dominatur, donec penitus expulsa fuerit.

Ergo in morbis acutis sordes natæ, vel a contagio, vel a sponte secretis liquidis, corruptis & stagnantibus, vel ex materia acri & indigestili, cum cibo & potu accepta, possunt hos nervos afficere, & terribilia symptomata excitare, eodem modo, ac si Ventriculus a nimio vel nimis acri cibo repletus est.

Eorum
diagnos-
tis. Quando ergo in morbis acutis videtis deliria, non debetis semper causam mali querere in cerebro, nec accusare insontem machinam, nam si has sordes sustuleris, pacata erunt omnia, & ægri quiete dormient: imo in febribus sæpe ex his deliriis fiunt furores, hinc imaginatio turbatur mirifice, & fiunt anxietates, quas ægri illi exponere nequeunt, sed sæpe clamant, quasi totus orbis corpori illorum incumberet.

Hæc excrementa in febribus producent omnia illa symptomata, quæ ergo si nata sunt, fiunt ab hac simplici causa, nempe materia sordida hic hospitante.

Et cura-
tio. Quæcumque hic applicentur remedia, non levabitur morbus, nisi agatur in has sordes. Si mittis sanguinem, ut debilitentur vires, ægri proximo momento quidem levantur, sed recessentibus viribus, mox eadem redeunt mala; sed si ingenti copia simplicis aquæ sordes ita diluantur, ut incipient ablui de hoc loco, statim totus morbus levatus est. Quis, quæso, non expertus est, quod, quando quis semidelirus est a comedatione vel crapula, copia magna diluentis aquæ assumta summum sit remedium. Si sordes aquis non cedant, tunc emetico utendum, quo in febribus dato, & repurgatis primis viis, omnia pacata sunt; febris quidem manet, sed absunt hæc terribilia symptomata; quando conspicimus mate-

riam rejectam, sæpe est tam pauca; ut obstupescamus; si consideremus malignitatem, videmus fere nihil, nam miasmata contagiosa non apparent ulla labe suspecta, nisi suo esse. Et pariendi hos morbos.

Quis videt in Variolis, an earum venenum sit male coloratum, foetidum, horridum? sed hoc cernitur, quod incognitum malum, corpori applicatum, tam terribilem seriem malorum producat: hinc Medici decipiuntur, qui putant, magnum malum hic apparere ad sensus; sed malum hoc est relativum ad effectus, qui inde pendent. Scribit DIEMERBROEKIUS, quod homines in peste subodorantur suavissimum odorem, cui nullus aliis similis, sed momento post truculentissima peste laborant. Legimus apud TACHENIUM, quod Arsenicum eo usque volatile reddiderit, ut odorem suavissimum spargeret; sed afficiebatur inde spasmis & mictu sanguineo, a quibus dimidii anni spatio vix sanatus fuit. Hoc dico, ne fallamini, putantes, ubi mali effectus fiunt, vos illud malignum sensibus deprehensuros, nam non aliter appetet, quam actio ferri in magnetem, magnetis in ferrum; nihil oculis conspicuum redditur; sed effectum videamus omnes. Quis mortalium in Aconito, & reliquis herbis venenatis quid vidi malum? interim dum corpori ingeneruntur, quam horrendas tragœdias ludunt! Legite SYDENHAMUM Capite quarto de Febre continua anni sexagesimi primi, & sequentium, & hæc omnia confirmata videbitis. Verum est, quod aliquando per vomitum rejiciatur copia bilis maxima; sed recipio hæc mala facit, & hoc sæpe tam subtile est, tam latens, tam parum suspectum, ut plane incredibile sit. Videte ARETAEUM pag. 1. ubi dicit, quod, ubi accessio morbi comitialis appropinquat, bilis præter rationem accendatur. Hic bene dispositi sunt nervi, nil aliud requiritur, nisi ut bilis accendatur. Bilis amaræ copia major tantas producit vertigines, ut ægri

inde apoplexiā metuant, qua bile expurgata, vertigo cessat. Vide Aretaeum pag. 28., ubi dicit, quod in augmento vertiginis fiat nausea & vomitus pituitæ, bilisque tam atræ quam flava; & pag. 77. legitur, quod ardor oris Ventriculi in Phrenitide fiat non ratione morbi, sed quia a bile mordeatur; tandem pag. 28., quando flava bilis in vertigine per vomitum rejecta est, furor enascitur. Similia etiam multis in locis leguntur apud Hippocratem, ex quibus discimus morbos cerebri & sensorii communis sæpe causam habere in his locis; hinc rite diluendo, vomendo, acri icti singulari occurrendo, licet nihil mutationis in capite fiat, sanatur morbus; sed si nil agatur, increscit malum, omnesque functiones cerebri desinunt.

DE SENSORIO COMMUNI AFFECTO PER BILEM ATRAM.

Bilis atra, Veteribus dicta, deprehenditur etiam stagnare in iisdem tribus locis, ad Præcordia, Hypogastrum, Epigastrum; lœditque etiam ita hoc organum sentiens, imaginans, & impetum faciens, ut penitus invertatur. Quotiescumque ex humore generalissimo, id est, sanguine arterioso perit id, quod mitissimum & liquidissimum est, id est, pars ejus aquosa & spirituosa in ea hærens, tum quod reliquum est, solito nigrius est & tenacius; quod si non tendat in tenacitatem inflammatoriam, sed in piceam, id est, materiam oleosam, cum terrestri junctam, fit humor atrabilarius, qui variis ex causis nasci potest.

Natus ille humor ut plurimum lœdit corporis partes, quæ ramos habent ab Aorta descendente, a Cœliaca, Mesenterica, & Hæmorrhoidalibus: hæ arteriæ quum prospiciunt visceribus, fitis circa præcordia, epigastria, hypochondria, hinc illa loca solent gravari, reliquis intactis & liberis. Si ille morbus inciderit in corpora languida, sed mente acri prædicta, hæc materies lege hydrostatica in his locis figitur, vasa arteriosa reddit aneuristica, & venosa varicosa & nodo-

Descri-
ptio Bilis
atrae.

sa; dum sedent ventriculo; recenti cibo repleto & clauso, per contentam in eo materiam, tempore digestionis rarefactam, vasa arctantur & comprimuntur; hinc fluidissimum per ea tantum transit, crassissimum fistitur & accumulatur: qui ergo impleto ventriculo quiescunt, corpus antrorsum flectunt, mox post pastum studiis se dedunt: illi viscera sua & vasa comprimunt, solentque reddere morbum incurabilem. Vix natus est ille morbus, quin videoas hominem totum a se alienum; qui fortis, alacer & generosus fuit, nunc flet instar pueri, puillanimis est, de omnibus desperat, omnium rerum tædio capit; imaginatio nondum valde læsa est, sed hinc tamen postea multi oriuntur morbi inexpugnabiles.

Alia est atræ bilis species in hominibus, quia prima sua nativitate sunt Alia ejus species. fervidi, calidi, mobiles, in iram proni, urina flava, albo oculorum flavedine suffuso, cute flava prædicti, obnoxii morbis acutis; verbo cholerici sive biliosi, quorum hepar & sistema bilis generant bilem acerriam, copiosam, & facile mobilem; si in his bilis paulisper detinetur, mirum est, quam tenax fiat. Observavi in recens mactato animali vesiculam fellis ita impletam & distentam, ut ne granum arenæ amplius in ea locari posset: quamquam premerem, crepasset illa potius, quam ut vel una guttula per collum vesicæ demitteretur; aperui vesiculam, bilis apparebat pulchra, sed erat tenax, & instar picis cohærens: vidi hanc bilem sic natam in animali, cæterum sanissimo, sed diu jejuno, occupato nimis lanione, antequam mactaretur: cogitavi multum de hoc casu, & contulicū illis, quæ in praxi vidi, ubi signa talis materiæ existebant; & conclusi, bilem habere miram inclinationem, ut sic tenax fiat. In omnibus nostris humoribus nullus etiam deprehenditur pronior in lapidescentiam; multi fiunt morbi a calculo renum & vesicæ, sed longe plures a bile lapidescente.

Si

Si assumere velitis has duas bilis proprietates, facile intelligetis id, quod Veteres observaverunt, scilicet, oriri a bilis stagnatione avolationem partis diluentis liquidissimæ, & fieri accumulationem crassiorum, renace-scentium & terrestrium: composito utroque simul, oritur id, quod HIPPOCRATI *άμορφη* Latinis *fæx olei* vel *amurca* dicitur. Manet in hac bile tertia proprietas, scilicet facilis putrescentia, & quidem olidissima, ita ut homo a nulla re magis horreat, quam a graveolenti bilis putridæ odore. Docent Anatomici, quod cadaver hominis, morbo acuto defuncti, statim spargat odorem ex abdome aperto, qui odor neutiquam fit a stercore, sed a mephitide, quæ exhalat circa systema bilis, & quod bilis vi sua valde penetranti diffundit suum colorem aureum ad magnam distantiam. Mirum profecto est, quum ex hepate & vesicula fellis nulla aper-tura sit nisi in duodenum, quod tam-en in omnibus cadaveribus bilis per totum hypochondrium dextrum pe-netrans cernatur.

Assumamus nunc vias bilis impedi-tas, hinc eam stagnare, liquidissimas partes amittere, crassiores compingi, compactas putrescere, putrefactas de-mum miasmata sua quaquaversum dif-fundere, tunc adestr amurca flavæ bi-lis. Si hæc omnia continuentur, ma-teries magis nigrescit, & vocatur *bi-lis atra acris*; non est jam humor a-trabiliarius, ut ante, sed ipsa bilis, atra facta: hinc Veteres dicebant, bilem atram omni dote esse venena-tam, & tantum differre ab humore atro sanguineo, quantum differt bilis naturalis a miti sanguine naturali. Nusquam magis quam hic augetur illa acrimonia, illa facultas vasa la-den-s & humores penitus dissolvens, id est, illa venenata potestas; nam ve-nena horrendissima destruunt illico te-nella stamina solida corporis & mi-scetam sanguinis, hinc nulla manet amplius proportio sanguinis cum vasis, nec sanguis ad sanitatem redire potest.

Consideramus nunc bilem atram, quiescentem in hoc territorio, & pro-

ducentem tam miram totius hominis mutationem, ut longe alius sit a se ipso; hinc videmus, HELMONTIUM non despere, ubi de ente morbifico loquitur, nam hic est tale quid mor-bificum, infinitis morbis excitandis aptum: si huic contumaci causæ ne-ctatur idea, erit æque pertinax. Sed quando illi humores incipiunt moveri, tunc pariunt non modo morbos muta-tæ cogitationis; sed acrimonia sua stimulante irritant nervos, arterias, ve-nas, viscera, omnia turbant; nec fi-nis est, nisi mors.

Verum hos morbos mitto, utpote proprie spectantes sensorium commu-ne: tantum dico, quod in frigidissi-mo corpore, subito sine ulla causa nota possit oriri fervidissimus morbus acutus cum horrendis symptomatibus, & tanto furore, ut nesciat Medicus, quid agat; & tunc hæc bilis non incitatatur a febre; sed hæc bilis liquefacta, per moram putrefacta, demum in actum deducta, febrem facit, tu-multum excitat, totum corpus pessun-dat, & tandem ducit ad certam & ce-lerem mortem. Ut porro tempori par-cam, rogo vos, ut adeatis HIPPOCRA-TEM, ARETAUM CAPPADOCEM, GA-LENUM, de bile atra disserentes, si-mulque legatis observationes incom-parabiles DURETI ad omnia HIPPOCRA-TIS loca, ubi de bile & hepate agit: discessis ex iis causam, originem, se-dem, colorem hujus materiae; discessis omnia symptomata observare, præ-sagire, motum hujus materiae dirigere, illam ad lenitatemducere, & si fieri potest, educere. Methodum HIPPO-CRATIS illam solvendi perdidimus, quod ille potuit facere suo Helleboro-HEURNIUS quidem fragmenta HIPPO-CRATICA collegit, sed mancum tam-en opus est. Si liceret aliquando HIPPOCRATIS opera integra habere, forte tota res pateret.

Oritur ex hac materia præter insa-niam etiam Ecstasis, de qua pulcher. ^{Inde Ecstasis.} rime scripsit ARETAUS CAPPADOX. Res fere huc redit. Quando homi-nibus quibusdam oritur quies quæ-dam in mente & corpore cum i-magine meditabunda, resuscitati

nesciunt, ubinam fuerint; imo ajunt, se nihil cogitasse, vel nescire, quid cogitaverint. Ad hanc etiam pertinet magna animi attentio, quæ in summis Geometris quandoque obtinet; quemadmodum antea de VIETA diximus.

Epilepsia. Huc etiam refertur Epilepsia, mirabilis ille morbus, in quo omnia, quæ functiones sensorii communis spestant, laeduntur, & tandem fit Apoplexia: non est ulla convulsio, quæ in hoc morbo non appetet. Vidi in muliere Judæa ab hac atra bile non manuisse unam partem quietam, non musculum frontalem, non corrugatorem: verbo, omnes partes horrendo aspectu mire movebantur. Nulla hic integra manet excretio vel retentio. Semen, menstrua, urina, liquor prostatarum, saliva, lacrymæ &c. exprimuntur; aliquando tamen plus, aliquando minus. Vident ægri in paroxysmo hujus morbi omnia rotare; nonnulli virides, alii nigros colores, alii duos soles, alii jubar splendidum, alii ignem vividissimum, alii scintillas igneas; verbo non est ulla imago, quæ visum non turbat; audiunt etiam bombum, tinnitus, stridorem, strepitum; sentiunt pruritum, titillationem, dolorem: ergo est morbus, qui omnes partes, omnes sensus, omnne imaginans reminiscens, ratiocinans, impetum faciens, omnes animi affectus, omni modo potest suspendere, delere, mutare, & tandem in mortem tendit.

Convul. **fo.** Hinc etiam fit Convulsio, ad quam multi diri morbi referuntur, qui in his aliisque regionibus frigidis pauciores sunt, sed HIPPOCRATES, qui in Asia floruit, plures commemorat; qui etiam occurrunt apud fossores, in habitu Arsenici vel sulphuris degentes; his enim fiunt ita dicti Emprostotoni & Opistotoni, id est, ita convelluntur, ut caput anterius usque ad genua, vel posterius usque ad pedes, imo malleolos flectant; vel sit species Catalepsis, in qua homo instar statuæ immobilis perficit.

En scenam depictam hominis, cuius

cerebrum pulcherrime est dispositum; sed in quo talis materia, cerebrum afficiens, existit, per quam talis homo, qui momento ante optime se habet, momento post nullum potest ostendere sensum, nullam memoriam vel intelligentiam. Pauca addam loca ex ARETAEO, quæ hanc rem magis confirmant. Vide pag. 28. Quum vertigo augescit, fit vomitus bilis tam atra quam flava, & per illum vomitum solvitur morbus: dicit enim pagin. 31. Vir furiosus fit, si exitus consuetus bilis aliqua de causa repressus fit: & pag. 30. Si melancholia in praecordiis residet, causa circa septum transversum immoratur, & bilis supra vel infra prorumpit. Melancholia est delirium sedatum circa unum obiectum fixum; in hac omnes causæ, quæ faciunt memoriam, imaginationem, sensum, motum muscularum, cogitationem, bene se habent; sed in una re vitium est, quod pendet ab atra bile, non penitus rejecta, sed manente circa praecordia. Longe plura invenientis, si citatos antea Auctores velitis consulere.

Hanc vero causam obtainere cognoscitur ex temperamento, ex ingenti animi affectu, subito nato & quietem perturbante, & ex victu: si quis multos & duros cibos comedat, quiescat, statim a pastu studiis se dedat, vigilias post coenam lautiorem protrahat; incipit tunc saepe suspirare sine ulla ratione; color mutatur, & fit pallidus, subflavescens, & tandem subnigrescens.

Huc usque ergo enumeravi tres causas horum morborum: prima erat mechanica, quæ in ventriculo hærens pariebat morbos, tam longe ab illo disfitos, ut prima fronte nil commune habere videantur. Gallus gallinaceus, in quo nullum apparebat vitium, conatur projectum semen carpere humi; mox retrouquetur, cadit, laborans vertigine & convolutionibus, fit syncope; res visa est ab hero Medico, qui aperiens animal invenit corpus acutum, infixum ejus ventriculo. Puer, sedens in sedili deglutit par-

Diagnosis
hujus
causæ in
his mor-
bis.

vum

Vum nummum; laborat caterva morborum, ad quos curandos omnes Medicis vocabantur, nemo sciebat, quid esset; puer tandem moritur; aperitur cadaver, invenitur ille nummus infixus foraminis pylori. V. KERKRINGII *Observat. Anatomi. I.* In altero animali animadvertisuntur similia symptomata: herus Medicus aperit ingluviem, educit illud pungens; animal vivebat sanum. Altera erat humorum putrefactorum colluvies; quando nempe bilis post ingentes calores acrior fit, perit appetitus, oritur languor & gravitas circa ventriculum, & ab illo alieno irritamento febris, quæ si bilem corruptam possit expellere, sublatus est morbus: si hoc mala fortuna non sit, & febris illa bilem plus putrefacit, tunc non tantum fiunt nauseæ & vomitus, sed terribiles etiam capitum dolores: totus hic morbus fit solummodo a nervis Ventriculi, affectis ab illa materia ibidem hærente, qua per vomitorium educta æger liberatur; & in hoc casu optimum vomitorium est Gilla Theophrasti, sive sal, ex Vitrioli destillati fæce eductum, nam hoc operatur fere illico; hoc remedio PARACELSUS in castris summa cum laude usus est. Tertia infanæ causa erat atra bilis, quam ut sanaret HIPPOCRATES, adferri jussit Helleborum; nullum autem dabat remedium, capiti destinatum; scivit enim, amota causa, infaniam sanatum iri. Sequitur nunc quartum genus causarum, primo agentium in nervos ventriculi, & inde in totum corpus, nempe venena.

DE SENSORIO COMMUNI AFFECTO PER VENENA.

In Medicina Venena vocantur illa corpora, quæ corpori humano viventi applicata actiones omnes ita mutant, ut per vim vitalem non superrentur, sed ut illa vis vitalis destruantur: medicamenta vero sunt corpora, quæ actiones ita mutant, ut morbus superretur, & vita triumphet de morbis; ergo medicamenta certo tempore

desinunt agere: alimenta sunt, quæ a corpore vivente ita mutantur, ut huic assimilentur. Gradus autem venenorum sunt varii, ratione propriæ violentiæ, quantitatis, & partis, inquam agunt. Vitri Antimonii granum dimidium est fortissimum emeticum, datum ad drachmam est fortissimum Venenum. Pleraque non agunt nisi in Ventriculum. V. g. Crocus metallorum, bene præparatus, si applicetur oculis in collyriis, maculas in pellucidis oculi membranis tollit, & nullum dolorem facit; si mixtus emplastris applicetur nudatis in vulnere nervis, est bonum detergens: si gustatur, habet saporem nullum; si unum vel alterum granum recipiatur in Ventriculo, fit vomitus ingens; si majori copia, intentatur mors.

Equis ad unciam datus exhibit generale remedium ad violentos eorum morbos, & parum tantum inde purgantur.

Ergo Ventriculus ejusque nervi ab Auctore Naturæ donati sunt potestate inexplicabili ex natura nervorum, ita ut venenum in Ventriculo, tale non sit albi.

Baccæ Solani melanocerasi in ocu-
lo faciunt nil mali; suavis earum est
sapor, odor fatuus: si tantum una
hæreat in Ventriculo, oritur uno mo-
mento in omnibus actionibus pertur-
batio; si Gillam Theophrasti dederis,
& bacca evomitur, cerebrum iterum
anti quum statum recuperat. Hoc ite-
rum non potest explicari ex affectione
nervorum in genere, sed tantum ex
aptitudine physica inter hunc succum
& nervos Ventriculi. Opium si du-
ctum in Emplastrum applicetur cuti
externæ, facit in parte, cui applica-
tur, calorem ingentem, dolorificum;
excitat vescicam, erosionem, gangre-
nam incipientem; odorem habet nau-
seosum, viulentum; si applicetur
nervis nudatis; sensum tollit; si in-
geratur in ventriculum, facit primo
sensem lætitiae, tunc stertorem, Apoplexiæ; durat ejus vis circiter
per octo horas, nisi majori doh da-
tum mortem fecerit: quando hæc e-
vanuit,

vanuit; aurora sequenti sequitur vomitus, in quo globulus Opii saepe interum redditur, ita ut remedium hoc contra vomitum nunc vomitum excitet. Pilulae, STARKEYANÆ dicitæ, constant ex Opio, Helleboro, Glycyrrhiza, Sapone ex alcali & oleo stillatitio nato. Scribit de his Author, quod faciant sudare, compescant fævissimos dolores, materiam morbificam educant, & sic evadant optimum purgans: sed effectus illi Opio sunt proprii. Cerebro affecto sequitur saepe nausea & vomitus; ita ut omne illud, quod cerebrum afficit, etiam afficiat ventriculum; & quod ventriculum afficit, etiam afficiat cerebrum.

Uti patet in opio. Cogimur fere credere, quod Opium sit venenum; in ventriculo quasi sceptrum gerit, parva dosi inhibens morbos, qui oriuntur a ventriculo, & tunc simul cerebrum faciens quietescere; sed si dederis contra morbum, cerebro proprium, v. g. Phrenitidem, plerumque morbum auges. Tollit autem non tantum dolores, sed emendat etiam humores corporis. Tabidos ab erosio pulmone ad omnem halitum tussire cernimus, & malum tussi redditur pejus, quia locus ulcerosus perpetuo raditur; si haec tussis durat per noctem exiguum quid pituitæ exprimitur: detur unum granum Opii, nulla fit tussis & pacate dormiunt; sed mane expectorant drachmam unam vel alteram puris. Si majori copia sumatur, venenum est, ut vidimus in Medico vitæ pertæso; & in alio, qui tamen pœnitentia ductus, sumto accepto vim priorem enervavit, & nil male postea sensit. Suspendit illud non tantum sensus, sed etiam motus, imo omnes fere excretiones, hinc illi, qui eo utuntur, intra sex vel octo horas non mejunt; imo quando ejus vis jam evanuit, conqueruntur tamen, quod non evacuent vesicam. Si etiam homini, diarrœa laboranti, dederis granum Opii, fistitur omnino alvi fluxus.

Ergo mirabilis facultas est in illis nervis, qui proxime attinguntur ab

his corporibus, ut in omnibus functionibus oriatur tanta mutatio, quæ deficit, simulac tale corpus evacuatur ex ventriculo.

Laborabat Jurisconsultus dolore ^{Hyoscymo.} Clico; suadentur ipsi semina Anethi; sed per errorem accipit a Pharmacopœo semina hyoscyami; tollitur dolor, sed incidit in lumen delirium; non absistebat a loquacitate, sed omnia erant perturbata inter se; sedebat ad focum, & ne unam quidem sanam vocem proferebat; vocatus Medicus dat Vomitorium ex Vitriolo, ejicitur semen hoc, & liberatur illico. V. HELMONT. *Jus Duumviratus* §. 22.

Est inter Umbelliferas plantas, quæ Cicuta. Sium Erucae folio, vel Cicuta aquatica dicitur GESNERO, quæ bulbus habet succulentum, colore album, Rapæ non absimilem, qui laesus stillat copiam lactis, quod in aere flavescit; odor non est virulentus, sapor suavis allicit innocios infantes. Si tantum particula ejus non valde magna hæret in ventriculo, facit mox omnes actiones mutari penitus. Videte WEPFERUM de Cicuta aquatica GESNERI, ubi habentur exempla, quod ab ejus usu fiant vertigines, imagines horrendæ, terrores, convulsiones, omnium sensuum extenorū & internorum abolitio, & tandem intra tres vel quatuor horas inevitabilis mors.

Hoc corpus, a nullo nervo distinguendum, nulla horrida distinctione præditum, tamen tam subito mortem producit. Si sponte ex corpore per vomitum eliminetur, nihil inde fit mali; si in medio furore exhibetur præsens Emeticum, evacuato ventriculo omnia symptomata cessant. Videtis hinc, quod tantum potestatem exerceat in nervos ventriculi, nam si sanguini fuisset admista, vomitus non illico sanaret, nulla labe postea superstite. Ergo non vanus fuit HELMONTIUS, quem in ventriculo sedem ponit vietæ, sanitatis & potestatis in varias & dissitas corporis plagas; nam ventriculo liberato, liberatur cerebrum; nil aliud emendandum est,

Ob-

Stramo. Observatum est, quod Stramonium sive Datura faciat eadem quam Cicuta aquatica, hac tamen cum differentia, quod odor ejus sit intolerabilis. Hortulanus stramonium ex horto quodam ejicit in viam publicam, pueri hoc vident, tractant capitula, semel comedunt, incident in jam toties dicta mala, & qui non vomuerunt, mortui sunt.

Bellado. Belladona sive Solanum melanocepsum allicit omnes prætereuntes, nil ingrati est in ejus baccis; succus earum colorem habet purpureum, gustum suavem, fetorem nullum; hæc tamen assumta hominem necat eodem modo; præsentissimum remedium est vomitus, vel aliter sumta magna aceti copia corrigi, & homo liberari potest.

Oenan- STALPARTIUS VAN DER VVIEL re-
the. fert exemplum duorum civium Haganorum, qui gustaverunt radicem Oenanthes Cicutæ facie, succo viroso, quibus non ita diu post magnus fauicium & ventriculi ortus est ardor, quem perturbatio mentis, vertigo, cardialgia, nausea, alvi profluvium, sanguinis fluxus per nares, & violentæ convulsiones subsecuta fuerunt, ita ut alteri post duas, alteri post tres horas, hujus radicis esus fuerit lethalis. *V. Centur. I. Obsrv. 43.*

Napello. Gustaverat HELMONTIUS Napelli radicem extremo tantum linguae apice, & uno momento intelligebat & meditabatur longe perspicacius, eratque ipsi gaudium quoddam in illa claritate: tandem post binas circiter horas levis vertigo, bis repetita, illum invasit, & tunc sensit se intelligere more solito: & licet postmodum aliquoties de eodem Napello degustaret, tamen nunquam amplius tale quidquam ipsi contigit. *V. HELMONT. Demens Idea §. 12.* Simile quid prima vice Tabacum fumanti contingit, quod tamen postea non fit. Si homo forte frigidum vinum tam subito biberit, ut in ventriculo non possit calefcere, tunc Pylorus & orificium superius clausa manent; vino dein calescente ventriculus tumet, homo angitus, & fit

species Apoplexiæ: si tunc stilo, spongia obducta cum oleo vel melle, agitantur fauces, evomitur vinum, & homo liber est ab omni symptomate.

Quum OTTO TACHENIUS ex præscripto JOANNIS AGRICOLAE Arsenicum toties sublimare tentaret, ut tandem fixum in fundo vasis permanere deberet, & post multas sublimationes vas aperuisset, inspiravit auram, palato suavem & gratam; sed post semihoram stomachum dolentem & contractum sensit, cum membrorum omnium convulsione, respiratione difficiili, mihi sanguinis, & summo ardore; subito post colico dolore correptus, totusque contractus evasit per semihoræ spatium: lacte & oleo restitutus melius se habuit; febris tamen lenta, hectice similis, per integrum hyemem permansit, quam extinxit decocto herbarum vulneriarum, & esu cimarum brasicæ, succo aurantiorum, oleo & sale; & his remediis perfecte convaluit. *V. ejus Hippocratem Chymicum pag. 213. 214.* En exemplum, ubi ab affectis nervis olfactoriis lœdantur omnes functiones sensorii communis.

DE ACTIONE NERVORUM VENTRICULI ET PRIMA- RUM VIARUM IN SEN- SORIUM COM- MUNE.

Hinc nascitur occasio observandi alios morbos qui hinc pendent. Veteres, quibus hæc res videtur fuisse cognita, huic parti dederunt nomen *Kapdæs*, quasi vitale quoddam hic agnoscerent. Amentia, id est, absentia principii ratiocinantis in homine habet sœpe sedem & causam materialem in systemate nervoso ventriculi; nam amentes vix ullam partem corporis accusant, nisi quod hic oriatur molesta perceptio. Quando morbus maniacus silet, sed ægri hunc locum accusant, semper maligni quid prænunciare licet. Simulac Podagriæ ad os ventriculi sentiunt illam molestiam & tensionem, quam *Vento-*
sitatem

sitatem vocant, paulo post furet paroxysmus: mirum etiam est, quod insultus quidam febrilis semper committetur hanc diathesin. Sedeat quis pacata mente, & moles quædam gravis ex alto incidat in pavimentum, in hoc etiam loco sentietur molestia; simile quid contingit, si sclopetum explodatur. Si oritur ira vel timor, afficiuntur etiam præcordia. Si quis in loco tenebroso subito videt spectaculum, sentit, quod omnia in hoc loco quasi simul constringantur. Indignatio hoc imprimis habet, quod eundem hunc locum afficiat. Leipothymia, eousque progressa, ut æger momento post lapsurus sit, facit impetum circa præcordia. Imprimis prægnantes, Leipothymia corripiendæ, sæpe, dicunt, nescio quid fluctuat circa cor, *het draait my om het hart*; & postea omnes vires resolvuntur. Quando tristissimus nuncius ferit non præudentem hominem, eumque quasi exanimat, sentit hoc ad eundem hunc locum. In furibunda venenis tentiginæ, maxime dum juvenes calidissimi in summo cæstro sunt, hic loci fit grata titillatio; hinc loci etiam anguntur post seram pœnitentiam, expletæ hujus libidinis pedissequam, unde toties audimus querelas de sarcina hunc locum premente, ægrosque ad suspiria cogente, donec restitutis pene viribus similis oriatur grata titillatio, postea iterum, sensum faciens illius sarcinæ. In omnibus his casibus non adeo turbatur caput, sed ille locus, ubi cœsophagus per diaphragma transit, & mira textura nervosa orificium ventriculi ambit, qui tam pulchre descriptus est a WILLISIO.

Effectus
alii nervorum
ventriculi. Quando homo famelicus & perfette sanus, nil vehementius desiderans, quam ventriculum sedare bono cibo, ingreditur cameram, ubi vapor noxius carbonum est, mox perdit appetitum, ita ut nil assumere possit, imo nauseat, laborat magno capitatis dolore, imprimis circa sinciput: incidit in vertiginem & cadit synopticus, & non redit in se nisi ope no-

vi aeris vel aquæ frigidæ: in hoc casu iterum videmus, primas nervorum custodias hic esse sitas, quibus affectis totum corpus afficitur, quod nullus ex legibus corporis humani potuisse prædefinire.

Homo sanissimus fortissimusque, simili appetitu incitatus, conspiciat rem sordidissimam, mox perit appetitus, nauseat, & omnes vires corporis perdit: imo deletur appetitus, & fit proclivitas ad vomitum, si modo narratur rei sordidae historia.

Homo sanissimus & constantis animi, negotiorum causa egressus, & diu expectare coactus, vix poterat ferre famem; ingressus diversorum offendit pedem, distorquet talum, & cadit; ipso momento deletur appetitus, imo a cibis abhorret, nauseat, vomit, omnibusque viribus privatur: hoc jam observavit HIPPOCRATES, quod distorsio talis vomitum efficiat; nam quemadmodum ventriculus primo affiebatur, antequam sequeretur podagra, ita ex affecto per lapsum pede sequitur malum ventriculi; simulac autem pes reponatur, appetitus redit.

Homines, qui insueti navigant per mare & jactantur fluctibus, a solo ^{A motu} externo hoc motu incident in nauseam, vomitum, imbecillitatem & resolucionem totius corporis: si deponuntur in terram, vacillant toto corpore, quasi adhuc essent in mari, putant se manere in eadem jactatione, laborant vertigine & anorexia; detur illis vomitorium utcumque leve, en ipsos restitutos, & se habentes, acsi non navigassent; dentur alia quæcumque remedia, manet idem incommodum: ergo a solo motu jactatorio ventriculus mutatur, & inde totum corpus.

Homines, qui studiis, ad culturam mentis pertinentibus, corpus exhausti, sentiunt gravitatem circa ea. Nimis contenione. dem hæc loca; si hoc negligant, post aliquot dies morbus erumpit in nervum, & subito fiunt maniaci; nec ullum aliud remedium huic malo est, quam ut huic parti proficiatur & jubeatur ut ab his studiis paulisper abstineant. Dum ad præcordia

cordia fit pulsus, instat furor, suo jam tempore dixit HIPPOCRATES; hoc autem non sit a materia, sed ab illa facultate, quæ hic hæret.

Mira symptoma Co. *Colica Pi-
ctorum*. Quandoque homines sani, (centenos vidisse me credo) nullam causam cognoscentes, quam incusare posse sunt, incident in dolorem intolerabilem circa umbilicum, qui omni remedio resistit & instar terebræ hæret ad intestina tenuia. Subsequitur plerumque color pallidus vel flavus, flatus, inflatio sub oculis, & dein quædam debilitas. Hi homines, postquam duos vel tres paroxysmos passi sunt, dicuntur a Medicis laborare dolore colico; incipiunt perdere carnosum habitum ad musculos moventes humerum, plus ad brachium & ulnam, maxime ad illos, qui movent carpum, metacarpum, & digitorum phalanges, ita ut ab humero usque ad ungues illæ partes ita gracilescant, ut fere nihil nisi ossa tantum & tendines membranaeque videas, ususque partis pereat. Tandem ille morbus tendines alligat ad vaginas, has ad ossa, & omnes illæ partes instar mumiæ exsiccatæ arescunt: Morbus est frequens. In initio ægri nil sentiunt, nisi dolorem ad umbilicum, ubi intestinum Ileon est. Alitus tam stipata est, ut clysmatibus vel purgantibus non moveatur. Malum illud it redditumque, ejusque effectus semper est partium memoratarum emaciatio. Si diu duret, pedes, tibiæ & femora pariter afficiuntur. Vocatur a Medicis *Colica Pictorum*, quia olim *Pictorum* observatus fuit molestissimus.

Quid mirabilius, quam quod nervi in mesenterio aut intestinis afficiantur, & inde dictarum partium fiat emaciatio, earumque actio pereat. Ne dicas, hoc fieri per communicationem nervorum; nam cur hic tantum, & non alibi, perit pinguedo, & quidem ita, ut vaginæ tendinum cum iisdem, vel cum aliis tendinibus & periosteis concrescant. Ergo totum hoc malum pendet a singulari proprie-

tate, in his nervis observata; quam nemo potest explicare ex legibus humani corporis.

Morbus, ex hac *Colica* in artibus *Paralyse* superioribus natus, vocatur *Paresis* ab hac vel *Remissio*, quæ nullum alium oratum habet, nisi ab affectis nervis abdominalibus, & quæ ibi non modo spiritus afficit, sed crassam pinguedinem, arteriosi sanguinis sobolem intercipit, & gracilitatem siccitatemque inducit, unde tandem tendine concrecente immobilitas. Quicunque hunc morbum bene observaverunt, dicunt, quod frequentissimus sit in opulentissima urbe Amstelodamo. Pictoribus frequens est, iisque, qui de plumbō pigmenta parant, vel fundendo plumbō operantur, maxime qui vetus plumbum purificant & utensile reddunt, unde pessimus fumus oritur: iis præterea, qui per plumbum in fornace vasis figulinis incrustandis operantur; & qui redimunt oleosa, fortia, spissa vina Rhenana, in quibus aliqua dulcedo est, quam suspicor esse a plumbō: utique hoc in Germania visum est, ubi mercator, vino adulterando ditissimus factus, suspensus fuit. Forte fatalis ars adhuc viget. Est enim vini Rhenani genus, quod colorē habet fulgentem, gustumque mitem & dulcem, quasi aliquid ex faccharo saturni admistum foret; & quoniam eos, qui tale vinum bibunt, sic affectos vidi, suspicor hoc fieri a plumbō. Muitos curandos habui, quibus quatuor extremos artus plane vidi exsiccatos, qui tamen per succum mitiorum antiscorbuticorum restituti sunt: per assiduum usum balsami Peruviani & de Copayba, per saponem Venetum quotidie usurpatum, per frictiones abdominalis, & emplastrum abdominali applicata adhuc hoc anno plures sanavi. Discimus inde, quomodo affectiones horum nervorum habeant influxum physicum in partes remotas, & in eas agant omnium humorum lentissime motorum alienatione. (*)

Ho.

(*) Quæ hic leguntur de *Colica Pictorum*, iisdem fere verbis habentur in dissertatione de *Colica Pictorum*, quam conscripsit præclarus Vir A. DE HAEN, qui prælectionibus de morbis nervorum affectuas, adfuit easque ex dictitantis ore descripsit. Vid. pag. 9. — 13.

Homini sano circa talum afficitur nervus; sentit irritationem levem quasi a titillatione, vel ac si gelidum quid affunderetur; adscendit hoc per crus & femur distincta successione, & quando pervenit ad locum sinistrum sub diaphragmate, cadit Epilepticus: suasi his hominibus, ut fibulam adstrictam gererent sub genu vel supra articulationem tali, ut primo mali initio percepto per adstrictam fibulam posset coerceri; alii inflixerunt vulnus illi parti, & sanaverunt radicaleiter: mirum est, quod in toto illo nervo nil fiat mali, modo perveniat ad locum sub diaphragmate; & quod sensorium commune turbetur, simulac nervi, qui cum abdominalibus communicant, afficiantur.

Fœminæ hystericae dicunt, se sentire globum adscendentem; sed si abdomen ipsis stringatur cingulo, illo tempore certissime curantur, & solo abdome curato curantur omnia mala similia.

Ex dictis deducam sequentia Co-regula rollaria. Excrementum corruptum fe-pro Cura. brile ex humoribus prius sanis circa præcordia ludit suas tragedias, ita ut rum affe- etuum. per solam febrilem excandescientiam mutatum & quasi venenatum factum, præcordiisque affixum producat morbos cerebrum affidentes, dolores capitis & deliria immania, quæ excremento hoc ablato sanantur. Ab hac regula certa, quam debemus HELMONTIO, curatio pendet, quæ non perficitur medelis, applicatis ad partes affectas, sed ad loca, a quibus hi morbi ducunt originem.

Hæret sæpe in præcordiis virus a-nodynum, quod omnem sensum doloris tollit, licet causa ejus adsit; quaisteton, quod omnes sensus externos internosque tollit; amens, quod omnes mentis nostræ actiones plane invertit, ut penitus aliæ videantur; ideo Epilepsiam producit, unde miseri homines non liberantur, nisi ducta hac materia. Constitut per varios casus, causam hos nervos turbantem producere convulsiones & tandem Apoplexiā. Exemplum præbet Epilepsia, a Cicuta aquatica nata.

Hæret sæpe simile quid in hypochondriis, regens ideas & affectiones mentis, ita ut furores horrendi, terribiles ideae, & ridiculi joci producantur.

Omne, quod cognoscimus de nostra mente, reduci potest ad hæc duo: 1. Ad species cogitationes, referendas ad res olim vias. 2. Ad sensum modi cogitandi sic mutati, ut non possimus exprimere illud de re quadam extra nos posita. Dico nunc, hoc fieri a re in hypochondriis hærente, uti in exemplo atræ bilis apparuit. In sylva Hyrcinia invenitur Erica quædam baccifera, cujus baccæ a Venatoribus vocantur *baccæ simiarum*: si homo comedit has baccas, incidit in morbum, quem *simiarum* vocant; id est, imitatur omnes earum gesticulationes, & alijs est ludibrio: tandem hoc malum evanescit, nisi baccæ nimia copia sint assumtæ.

Hæret etiam in ventriculo aliquid, quod expertus sum fuisse venenum vertiginosum; forte aliquid Cicutæ aquatice minoris mistum fuerat oleibus; omnia rotabantur ante oculos; omnia vacillabant; sumto vomitorio hæc symptomata cessabant.

Hæret etiam causa in ventriculo, quæ potest facere syncopen, & defluere totam actionem cerebelli & cordis, ut corpus uno momento cadat quasi mortuum. In prægnantibus nil crebrius, quam quod conquerantur de levi metu ad orificio ventriculi, & ubi hec paulum senserunt instar mortuarum cadant, donec vel propria contractilitate vasorum vel remediis externis liberentur: tales syncopæ fiunt etiam a lumbricis in jejunio ventriculo reptantibus: ergo omnium horum malorum causa male queritur in cerebro.

DE ALIIS NERVIS SENSORIUM COMMUNE AFFICIENTIBUS.

Alii nervi sunt, qui in proprio suo loco tantummodo agitati possunt producere morbos capitis & generis nervosi. Nervi ad nares, axillas, latera, plan-

Effectus
Titillatio
nis.

plantas pedum, motu mechanico, eo que tantum levi agitati, afficiuntur illo voluptatis genere, quæ dicitur Titillatio, ex qua, si nimia sit, totum corpus ad convulsiones, resolutiones, imo mortem ipsam agi potest. Ex simplici titillatione laterum homo vel invitissimus risum continere non potest, omnesque ejus vires resolvuntur; imo si quis eam tantum minetur, totum corpus subito raptur in tantum motum, ut nulli musculi quiescant. Pruritus scabiei fecit, ut vir quidam caderet in animi deliquium. Carcinomata vera, jamjam exulceranda, distendunt partes nervosas, & fit tam intolerabilis pruritus, ut ægri non possint abstinere, quin scalpant; sed post illam voluptatem statim dolor adest, & fit cancer horrendus: hoc si fiat, debetis statim applicare acetum, in quo saccharum saturni est solutum, & sic sopire illum pruritum.

Coitus. Quicumque locus pruriginosus scalpit, tandem dolet. In tentigine Venerea nullus nervus est, qui non afficitur, oculi hebetantur, imo omnia aliquando tendunt in mortem: habetur apud MARCELLUM DONATUM historia mulieris, quæ, si se daret operi Venereo, cadebat in syncopen, per aliquod tempus durantem. Legimus etiam de Viro quodam in Hispania, qui primo in concubitu occubuit & expiravit, & quum hæc res publica auctoritate inquireretur, constitit, eum ad mortem usque fuisse resolutum. Similes historiæ apud PLINIUM inveniuntur.

Sufficiunt hæc, ut videamus mirabiles nervorum efficacias, per quas non nisi leviter tensi, vel parum inflammati, solo tictu sic mutantur, ut destruant omnia.

Mechani- Quintum nervorum par in naribus ci attac- multæ inducit sternutationem, ex qua torum. mors ipsa sequi potest, nec spiritibus nec aliis humoribus ullo modo mutatis. Si faucium nervi digito vel plumula agitentur, perit appetitus; fit nausea, vomitus, imo si urgeatur

Tom. II.

nimis, animi deliquium: & hæc fiunt in robustissimis & sanissimis, optima humorum crassi præditis. Si parvus vermiculus faucium nervos perpetuo titillaverit, omnia remedia inania sunt, nisi occidatur hoc animal: aliter homines illi nunquam ad quietem duci possunt. Non ergo miramur, oriri in hominibus, nulla causa prægressa, morbos cito lethales. Unus tantum nervus vel tendo male affectus per dolorem vel titillationem potest invertire totum corpus omnesque ejus actiones, & tandem facere ipsam mortem. Paronychia & punctura nervorum hoc docent. In nonnullis hominibus certis temporibus hæc irritabilitas sive titillans prurigo oritur, & hæc est adeo mirifica, ut totum corpus mutetur a re, quæ videtur nulla. PLATERUS refert exemplum nobilis ægræ, quæ, licet pacata in lecto, convellebatur, si quis levi tantum motu strepitum excitabat. BOYLEUS hoc exemplum applicat ad multos casus hystericos. Stridor ferri nil agens, quam quod celerrimos concussum faciat in corpore elastico, tam intolerabilis est, ut multi ab eo turbentur; hinc VIRGILIUS dicit de Inferno, quod in eo exaudiantur gemitus, stridor ferri tractæque catenæ: certos tonus musicus in quibusdam hominibus parit effectus mirificos. SCALIGER, contra CARDANUM disputans, narrat, quod homo quidam, quando erat in loco, in quo ute^r inflabatur, vellet, nollet, ad mejendum cogebatur; hoc quum sciretur, conductus fuit aliquis, qui ad ostium utrum inflaret; ille non ausus egredi lotum demisit.

Venena quædam, nervis in quacumque parte applicata, effectus edunt in totum corpus. Si filum sericeum imbibat guttulam olei Nicotianæ, transmittatur per acum subtilem, trahatur per quamcumque partem animalis, & in eo loco relinquatur, nullum est animal, quod inde cito non moritur.

Experimenta capta sunt in avibus, quadrupedibus, & omni animalium generi. Dicetis forte, particula illa olei venit ad vasa absorbentia,

D

& mi.

& miscetur cum sanguine venoso : sed quum experimentum ad pedes extre- mos eundem habeat effectum , erit certe aliquid , quod imprimet nervis in hoc loco tantam mutationem , ut omnes alii nervi inde mutati non sint tales , quales antea fuerant .

Qui prima vice vitæ sumum Tabaci accensi haurit , mutatur totus , & post nauseam , vomitum , vertiginem , tinnitus , alvi solutionem & temulantiam , saepe cadit in animi deliquium ; qui aliquid de hac herba comedit , vel levem ejus infusionem deglutit , vomit ejusque alvus laxatur ; si sumus per intestinum rectum injiciatur , solvit alvum , qui nullo alio remedio solvendus erat : assuetis vero ab usu Nicotianæ nil fit mali , hinc videmus hæc adstringi certæ consuetudini , quæ est altera natura .

Viperae venenum , quod innoxie bittur , habet spissitudinem olei Amygdalini recens pressi , colorem albescen- tem , saporem dulcem instar ejusdem olei : illud autem si sumatur ex animali , licet mortuo , & illinatur simili filo , illudque transmittatur per corpus , idem facit , quod mox de Tabaco diximus . Et idem est effectus in omnibus animalibus huc usque cognitis . Ne dicas venena illa tantum age- re , quum sanguini miscentur ; plures enim sunt nervi quam venæ , & venæ ipsæ sunt nervosæ , hinc nervi potius videntur affici : & constitit , quod si dens canis rabidi nervum tantum extrinsecus afficiat sine vulnere , rabies tamen fiat : deglutitum autem viperæ venenum nil mali fecit , & animalia occisa iactu viperæ carnes exhibent , quæ æque salubres sunt , quam si non hausissent illud venenum ; quod Clarius REDI experimentis probavit : ergo dantur corpuscula invisibilis par- vitatis & blanda , quæ deglutita nil mali faciunt ; sed dum attingunt ner- vum , fiunt indubitate lethalia .

Experimenta capta sunt cum te- lis Bantamensisibus , ex politissima chalybe factis ; hæc servata erant per annos , hæserant in aere Asiatico , transiverant sub Aequatore , fuerant

iterum in aere Italo ; superficies eorum erat polita , color chalybeus ; his tamen si leve tantum vulnus infligatur sano cani , animal post semi-horam ita angitur , ut vix coerceri queat ; nauseat , vomit , omnia moventur , tandem summo cum ejulatu moritur . Maxime mirabile est , quod postquam animal , mutationem omnium secretionum & excretionum sensuumque abolitionem passum , lustraretur mortuum , ne minimum quid in ulla parte solida deprehensum sit , cui imputari poterat tam enor- mis motus ; saliva , bilis , sanguis , lympha , chylus etiam lustrata fuerunt , & nulla species coagulationis & dissolutionis , imo nihil penitus mutatum apparuit , & tamen animal ita mutatum fuit ad mortem usque . A politissima chalybe nil videtur resorberi per venas ; sed quando eadem illa tela immitebantur vino , & fo- vebantur calore , & vinum illud bibebatur , nil mali secutum fuit . Ergo credibile est , quando acies teli feriebat partem corporis , quod tunc aliquid ejus veneni nudis nervis applicatum fuerit ; nam si tangantur nervi , glutine testi , nil fit mali ; sed si nudis nervis applicetur , pessima symptomata fiunt .

Diximus jam antea de Opio , & sci- mus , quod corpus huic assuescere queat : scribit tamen GALENUS , quod æger quidam laboraret immanibus doloribus colicis ; ad hæc levanda suppositorium ex Opio ano immissum primo quidem somnum , sed brevi post mortem induxit . Ne adscribatis hoc Opio , quum interim debeatur morbo ; nam RHASES & AVICENNA , dum scribunt de curatione fluxus , id est , diarrhoeæ & dysenteriæ , notant , Opium , forma suppositorii applicatum , lethale esse intra paucas horas ; & no- taverunt alii , quod homines , doloribus Iliacis decumbentes , ab Opio , per clysmata injecto , fuerint mortui . Ho- mo insuetus ab uno grano Opii ita mutatur , ut incredibile sit totam fa- cultatem percipiendi dolorem esse ab- latam ; audent tamen Medici in nonnul- lis

lis casibus adhibere quatuor grana; nam si æger dejiciat materiam sanguineam, mucosam, purulentam, serofam, biliosam, lymphaticam, & di-midia uncia Theriacæ, clysmati admista, in corpus injiciatur, sistuntur omnes evacuationes, & intra octo vel duodecim horas nil amplius alvo de-mittitur; post illud tempus eodem iterum, quo antea, modo redit alvus. Moniti ergo simus, quantum differat applicandi modus. Opium agens in nervos ventriculi cerebrum mutat; si ad papillas nervosas applicetur tota sua vi, mutat totum corpus ad mortem usque. Mira res est, quæ referuntur a CARDANO: instituebantur solemnies ludi regii, lanceis decertabatur ab equitibus; nobilis eques victor in campo, fatigatus & animosus æstuabat & sudabat immense; refecturus corpus & quieturus depositit galeam; invidi clanculum huic imponunt magnam Opii copiam in speciem lamellæ extensi, ille fervidus se accingit laboribus; induit iterum galeam; a sudore solvitur Opium, & paulo post deficit; mirantur omnes, inveniunt mortuum, illico inquirunt, & causam dictam reperiunt.

Ergo vix refert, quinam nervi in toto corpore, sive ad sensum vel ad motum vel ad utrumque pertineant, attingantur, quin sequi possit integri corporis mutatio ad mortem usque. Ergo hæc duo habeamus ante oculos, quod nervi quidam sint quasi gubernatores & moderatores cujusdam imperii, quale moderamen non invenimus in aliis; & hoc verum est de nervis ventriculi, mesenterii & intestinorum: & quod in omnibus nervis talis facultas inexplicabilis sit, ut reliquos nervos moveant, ita ut concitato genere nervoso omnes actiones a nervis pendentes mutentur.

DE MORBIS IPSIUS SENSORII COMMUNIS.

Sunt morbi quidam generis nervosi læsi, qui nativitatem suam videntur habere in mutatione quacunque & læ-

sione illius partis, quæ cogitationes dirigit & motus musculares, & ad quam actio nervi sentientis defertur, & cogitationem mutat; & a qua parte oritur maximus impetus motus muscularis. Nervi sunt in corpore, qui originem habent ab illa parte, in quam delata actio nervi sentientis cogitationem mutat; & mutatio talis nervi, nisi ad certum corporis locum perveniat, non mutat cogitationem. Si pungat quis articulum digiti, oritur dolor; si vero brachium fuerit constrictum, mens ab hac punctura non mutabitur in cogitatione; si in carpo, metacarpo, brachio, humero, intercipitur nervus, non mutatur cogitatio: ergo locus est in corpore, ad quem nisi pervenerit mutatio nervi, non mutatur cogitatio; & hæc pars jam nobis examinanda est.

Sed in nobis etiam est facultas faciendi quemdam motum, licet non sciamus, quid ille motus sit. Infans videt pomum; statim eo determinat omnes musculos, ut illud arripiat, ita ut peritissimus Anatomicus, qui cognoscit hos musculos, non faciat melius; est ergo in corpore pars latens, unde origo hujus motus; nam si nervi delati ad illam partem hoc faciunt, hoc sit tantum ex desiderio illius infantis: & simulac ille desiderat, omne hoc agitur, quod huc requiritur; sed si ad partem movendam non deferatur arteriosus sanguis; uti patet in illis, qui decumbendo arteriam brachii compriment, & in quibus brachium, uti vocant, dormit; vel nervi ibidem comprimantur, nullus motus fieri potest.

Est ergo in corpore pars latens, quæ habet facultatem, ut primam originem det, ad faciendum hunc motum, qui prius non aderat. Si felis insidiatur muri, omnes artus & musculos ita disponit, ut, dum videt animal rapiendum intra facultatem sui saltus, uno impetu fulminis instar pro-siliat, & illud rapiat.

Dixit jam HIPPOCRATES, hoc considerans, quod totum corpus constet ex validis continentibus liquida, ex

liquidis intra vasa contentis , & ex impetum faciente . Hoc est tertium principium , quod non est continens vel contentum , sed aliud quid , quod facit illum impetum , qui in fele tam clare videtur : dum faciens insultus , accedit aliquid , quod facit profilire omnia : hoc impetum faciens nos dormientes excitat ; & si rogetur homo quiescens , ut omnes artus extendat , eum impellit , ut statim omnia moveat .

HIPPOCRATES non ausit dicere , an hoc impetum faciens sit corpus vel spiritus ; an vero sit ignis , lux vel filius ignis , ut loquuntur Chemici .

Chemorum de sen- tentia . Dixerunt illi , CREATOREM fecisse pri-
mo rude Chaos , unde nil determina-
ti exsurgit ; & præter aquam , aerem ,
ignem , terram esse creatum semen ,
id est , corpusculum , quod positum
in aqua , plantatum in terra , agita-
tum per ignem & motum per aerem ,
producit omnia secundum suam spe-
ciam : si enim triticum committam
bonæ terræ & addam bonam aquam ,
liberumque aerem , & agito per i-
gnem , non nimis magnum vel par-
vum , prodibit inde spica , quæ po-
terit dare forte ducenta grana : quæ.
ritur , quid est in hoc semine ? dixe-
runt Chemici , semen esse tantum lo-
cum vel matricem , illudque non fa-
cere illud triticum , sed in eo hærere
aliquid , quod facheret triticum ; & se
invenisse igniculum hærere inditum huic
semini , qui igniculus moderatur &
distribuit omnia , & qui est impetum
faciens illius seminis : dixerunt hunc
igniculum tantum deducendum esse a
voluntate CREATORIS , eoque ablato
non esse semen , licet totam figuram
retineat .

Ne hæc vos offendant , attendite : ferrum & magnes utrumque cognoscuntur ; si examines omni modo , & adducas ad se mutuo , igniculus latens se prodit , & motus sit inter hæc duo ; si utraque ponatis in tanta distantia a se invicem , ut sint exquisite extra potestatem mutuam , ita ut illi igni-
culi non possint agere , tunc certe quies erit ; si ponas magnetem in medio , en statim iterum motum ! Si

medium magnetem tollas , iterum est quies . Chemici , quum perspexissent naturam rerum , invenerunt , quod in omnibus rebus esset principium , di-
stinctum ab omnibus rebus , quas Phi-
losophi in genere poterant capere . An hoc principium debeat vocari cor-
pus , an spiritus , an igniculus , an
impetum faciens , relinquo in medio .

Ab hoc principio in nostro corpo- Morbi ab eo pen-
dentes.
re pendent morbi , infauste sæpe tra-
ctati , & magnam crucem Medico fi-
gentes . Videmus quandoque homi-
nem , omni felicitate humana fruen-
tem , cui forte subito aliquid accidit ,
unde illico mutatur , ita ut etiam vi-
tæ tædeat , & ut polthabitis charis
pignoribus , imo ipsa religione , in
media beatitudine se præcipitem det
in aquam , vel laqueo se suspendat ;
& sæpe talis homo excutus ac politus
est . Illi morbi videntur hærere in hoc
impetum faciente , & quo hoc est ab-
strusius , eo illi difficilius curantur .
Ut hi morbi rite intelligentur , & dif-
ficultas curationis perspiciat , rem
paulo altius repetam , & Philosophice
de his agam .

Sanus homo habet in se facultatem Mutatis
nervis
mutantu-
ideas.
percipiendi ideas alias occasione mu-
tatorum nervorum quorumdam . Sa-
num hominem voco , in quo nulla inveni-
tur functio læsa ; in quo nec in plethora ,
nec in cacochymia , nec in idiosyncrasia
ulla est morbi causa , proegumenæ vel
procataractica ; talis homo non potest
dictam facultatem a se removere . Si
huic homini , quodcumque cogitanti ,
species rerum cogitarum præsentes
habenti , & rei cogitatæ conscientia , ac-
cedat mutatio nervi per aliud objec-
tum , non mutatur hæc facultas , sed
alia tantum idea fit . Omnes autem
nervi pendent in origine a cerebro vel
medulla spinali . Attuli jam antea e-
xemplum ARCHIMEDIS , Mathematici
summi , qui arenæ incumbens , dum
Syracusa expugnatur , & videns mili-
tem , stricto gladio intrantem , hoc
unum tantum petit , ne turbet lineas
a se ductas : videtis hic , simplicem
mutationem nervi optici mutavisse
ideas prægressas .

Nemo

Nemo dubitat, quin in omnibus eadem res ita se habeat; & certissime observatum est, sensum a mente nostra percipi in certo loco. Si calculus hæreat in collo vesicæ, æger, dum reddit urinam, & conatur exprimere ultimam guttam, premit calculum ad initium Urethræ, sensus autem non sit in illo loco, sed in glande penis.

Ideæ ille sunt constantes. Homo extremitatem ulnæ ruditer allidit; sensus fit in dito extremo, ubi nervus terminatur. Alius laborat dolore inflammatorio in ultimo pollice pedis, abeunte in gangrenam; amputatur ille, manet tamen sensus post peractam operationem in illo articulo, ita ut homo non credat esse abscissum; & sensus ille manet certis anni temporibus ad omnes mutationes tempestatis. Ablata fuerunt homini in bello ambo crura, æger sanatur, & vir ille, fide dignissimus, postea sæpe testatus est, se semper accurate eundem dolorem, quem antea habuit, iisdem temporibus sentire in eodem loco.

Si sic adscendendo dolor sentitur in ultimo articulo, illoque ablato tamen sentitur dolor, quid ergo est, quod in illo nervo facit id, quod dolorem illum excitat, quem mens assueta est tribuere huic loco. Hypochondriaci & Hystericae etiam conqueruntur de dolore, ubi dolor non est. Si dices illi homini bellico, quod non amplius sentiret, irascetur; sed si dicas, non habes crura, concedet, & dicet, doleo tamen. Legite HILDANUM, aliosque auctores, & invenietis nullum dolorem esse, qui parte extirpata non observatus est permanisse; sed si actio cerebri vel medullæ spinalis in illo homine delectatur, omnis sensus etiam cessat; patet illud, si modo aqua effundatur in ventriculos cerebri, vel sanguis effundatur super cerebrum; vel si æger ebriosus sit, vel patiatur insultum epilepticum. HIPPOCRATES dicit, si dolor est in parte, & homo non sentit, mens laborat.

Non est crudelior dolor, quam si

- Tom. II.

acicula infigatur unguibus; fiat hoc Epileptico, sentiet nihil: videmus ergo, quod facultas percipiendi ideas pendeat a mutatione nervi, ad medullam delata.

Hæ ideæ a variis nervis variæ sunt, Variis variis nervis. ita ut impossibile sit, excitare ideas easdem per omnes nervos mutatos, nisi forte communes, tendentes ad destructionem nervi. Quando omnes nervi destruuntur, faciunt sensum doloris, adeoque est affectio quædam communis; sed hac demta, est facultas singularis in singulis nervis, excitandi singulares ideas. Dum odor gratissimus Ambræ Grisæ accensæ ferit nares, facit ideam distinctissimam & clarissimam, totam mentem occupantem & ab aliis ideis avocantem, statumque hilaritatis & voluptatis non explicandum, sed quam quisque optat retinere; & hæc idea non est in aliis nervis. Si quis tota vita expertus esset actiones omnium nervorum laesas, hoc ipso foret incredibile. Si hanc Ambram applicetis ad linguam, oculum, vel nudatos in vulnere nervos, inde non afficiemini. Coloris rubri ideam quæ extra nervum opticum, non poteris ulla modo acquirere. Idem verum est de gustu, ita ut omnes nervi, quos deprehendimus in corpore, a cerebro & medulla spinali oriundi, habeant hanc conditionem, ut singuli singulas forment ideas.

Omnes hi nervi excitant eosdem sensus sine actione ulla objecti exteriori: sic dormiens, dum somniat, licet oculi sint clausi, & nil agat in nervum opticum, vividissime potest affici idea rubri vestimenti & que ac alius, qui videt: unde hoc? homo in intimo mentis fundo afficitur illa mutatione, quam non videt extra se: ergo omnes imagines, nervis impressæ, & que vividæ possunt esse in loco originali cerebri, quam alibi; & licet a variis nervis variæ nascantur ideæ, pol sunt tamen eadem fieri, nervis non affectis, uti in melancholicis & hypochondriacis sæpe conspicitur.

Mutatio idearum pendet etiam a nostro arbitrio; nam cuicunque notæ,

D 2

nihil

nihil cum re notata commune habenti, potest alligari idea quæcunque, & tunc mutantur nervi: sed sunt etiam causæ, quæ potius mutant mentem, quam quod mutant nervos; nam est magna distinctio inter ideam circuli, & ideam doloris a ferro dissecente nervos: nemo est, qui putat, doloris sensum esse extra illum, qui sentit; hic ergo non est repræsentatio alicujus rei diversæ a cogitatione, sed oritur quasi affectio percipiens: sed quando cogitatur circulus, tunc referunt res cogitata ad aliquid, quod extra cogitantem existit, cuius imago est: sed dum inflammatio summa nervum in ultimo articulo pedis afficit; vel toto nervo intermedio absciso manet ramen facultas percipiendi dolorem, æque ac si adhuc adesset, videtis, quod in loco, ad quem terminantur nervi, & in loco, unde oriuntur, eadem exerceatur facultas.

Si ergo quibusdam hominibus illud primum originale eodem modo afficiatur, quam ante, & facilius, quam in aliis, incipiunt mille morbis esse obnoxii, quorum causa tantum hæret in parte illa interiori & particuliari affectionis modo. Centies vidi pusillanimes, qui calculum in vesica adesse credebant, quia dolorem sentiebant in reddenda urina, quum tamen nil minus quam calculus erat, & dolor post quadrantem horæ fugiebat. Nonne videtis, cogitationes in illis hominibus fieri in ultimo originali percipiente, & ibi posse hærere talem mobilitatem & potestatem percipiendi doloris, qualis fit a nervo affecto. Homines conqueruntur per annos nunc de illo, nunc de alio malo, quam tamen sæpe nil causæ physicæ adsit.

Est præterea in homine sano facul-

Aliæ re- tas percipiendi evidentissime novas i- quirunt certam nervo- deas occasione mutatorum nervorum. Exemplo sit famæ: rogati, illico di- catis, num adsit, nec ne; sed rogati, quid sit famæ, non potestis dicere.

Nemo credit, famem esse in pane, in ventriculo; sed dicunt omnes, esse in se: & hæc affectio nunquam o- ritur, nisi mutatis nervis in ventri-

culo, vel circa ventriculum; & efficit omnes mutationes, quas excogita- re possumus; nam homo potest ab ea ita torqueri, ut fateatur, se plus pa- ti, quam ab ulla alia tortura; & exstant exempla hominum, qui vivi sepulchris inclusi proprias manus de- voraverant. In hoc casu nervi certa ratione afficiuntur, nam sunt homi- nes, qui inedia moriuntur, tamen si- ne fame. Videmus sæpe in morbis chronicis, tantam hebetationem occu- pare ventriculum, ut ægri nunquam cibos rogent. In amabili sexu vide- mus sæpe, quod non esuriant: si of- feras cibum, comedunt, sed non ap- petunt. Idem locum habet in siti, quæ est distinctissima affectio, nil cum fame commune habens; nam ne- mo, dum sitit, dicit se esurire: er- go hæc affectio nascitur a nervis, cer- ta ratione se habentibus. Idem de voluptate, fastidio, aliisque affectio- nibus dici potest. In singulis his casi- bus miramur, quod affectiones tam di- stinctæ orientur, quarum nulla alia causa potest dari quam mutatio nervi.

Idem observamus fieri, licet causa afficiens nervos non adsit; nam dor- mienti in somniis placet cibus potus- que, & avide se epulari putat. HIP- POCRATES dixit, si in morbis, in quibus sitis causa est, non sentitur sitis, mens laborat. Licet ergo nervi in ventriculo patiantur eandem cor- poream affectionem, si hæc non per- veniat ad primum originale, nullus sit sensus: homo laborat febre; sitit, & fluvium epotaret; sed accedit deliri- um, tunc non amplius sitit: omnes causæ sitim facientes adsunt, sed li- cet aquam videat, inde non afficitur.

Ex dictis hæc tenus proprietatibus oriuntur in sano homine animi affec- tus, illique sæpe violenti. Hos quis- que adeo a se inseparabiles videt, ut sapientiæ & religionis opus sit contra pertinacem hunc hostem luctari. La- tini hos vocaverunt ipsum animum; sic Simo apud TERENTIUM dicit de Davo, quem scio omnia manibus pe- dibusque niti, ut mihi male faciat; rogatus, unde hoc sciret? respondit,

ma-

mala mens, malus animus. Ab his nascitur animositas, & summa agendi propensio. Dicit etiam HORATIUS, animum rege, qui, nisi patet, imperat.

Nascuntur inde animi affectus. Hi animi affectus æque parum possunt explicari, quam affectiones præcedentes. Quando quis subito summa ardor ira, in toto illo homine tunc

nil est nisi ira; omne, quod memoria & ratio docent, nihil est. Sapientes ideo dixerunt, quod trahat sua quemque voluptas; nam hi affectus, hominem occupantes, trahunt eum invitum ad illud, quo vergunt; hinc Stoici dixerunt, per animi perturbationes omnes amittuntur habentæ, & homo non magis agit, quam patitur; omnes mentis actiones solent vinci ab his affectionibus. Quando summa affecti contumelia foveatis in vobis vindictam, quicquid mens cogitet, velit, percipiat, renitatur, prima tamen scintilla exsurgit, & mens in vindictam prona manet; hinc in proverbio est: *vita jucundior ipsa vindicta est*. Perdent homines integrum regnum, familiam, honorem, vitam, ut vindictam expleant. Imo notum est, Italum dixisse, vindictam esse tantum bonum, ut Deus ex omnibus bonis hoc sibi reservaverit. Dictum hoc profanum est & impium, & ex eo natum, quia in scriptis divinis legerat: *mihi vindicta est, & ego retribuam*.

Quam differunt hac in parte homines! quidam sunt adeo placidi, ut irritati æque pacifici maneant; alii cito excandescunt, quod vitium sapientissimi in se experti & detestati sunt. Quum itaque hæ affectiones saepe tam enormes sunt, morbi incurabiles a latente tali malo fieri possunt. Videntis hominem suaviter confabulantem, mox mentione inimici facta, artus omnes tremunt, & irascitur. LUCRETIUS hene dixit, hoc etiam contingere dormientibus, & canes dormientes ita latrare & grunnire, quasi hostem invaderent. Ergo illud intimum originale est omnium horum motuum sedes & causa.

Oriuntur in homine fano etiam est illa facultas, ut ex dictis proprietatibus o-

riantur motus corporei, & quidem valde miri, ita ut omne, quod in homine potest fieri a causis corporeis, ab his affectionibus etiam sine rebus corporeis excitetur. Si homo in aquam frigidam subito salit, ipso momento densantur omnes humores, & fibræ constringuntur: sed si homo in tenebris meditabundus videt uno momento accendi pulverem pyrum, pallet, friget, & toto corpore ita contrahitur, ac si aqua gelida perfunderetur. Faciunt etiam illi motus idem quod calor; nam iratus, qui antea erat maledicentus, nunc tumet & expanditur, ac si magno calori exponeretur; currat per ossa tremor, sanguis ipse concrescit a magnis illis perturbationibus; omnia mutantur, vox faucibus haeret; ex pulmone fiunt suspiria, ex corde palpitationes & syncope; ex ventriculo nausea, vomitus, appetitus prostratio, sitis excitatio & deletio; ex intestinis diarrhoea, borborygmi, flatus, tormina; ex renibus profluviū urinæ; & haec omnia fiunt homine invito & repugnante: verbo, corpus humanum ita conditum est, ut ex dictis proprietatibus motus corporei exoriantur, quorum causam dare non possumus, & a quibus morbi pendent, medicos & ægros excruciantes.

Homo fingens stoicam animi immobilitatem percellitur forte nuncio trifiti, prodat ille masculinum suum animum, velit, nolit, exprimuntur tamen lacrymæ, & in ipsis musculis faciei, ipso nolente, affectus animi pingitur: hinc ex animi affectibus, quantum hi excitantur mutatione quorundam nervorum, fiunt in homine motus omnium generum, nobis notorum, ita ut nullus motus sit, qui hinc non sit: magnanimus homo, milles triumphans de morte, milites fugientes videns, ipse se in fugam conjiciet. Ab his affectionibus non vultus, non color unus, non compæ mansere comæ, sed pectus anhelat; ab ira & rabie corda turment. Nemo est, qui irascitur, qui statim cor ipsi palpitet; jejunus difficultile tumet, omnes musculi oculorum & faciei moventur &

pingunt hunc affectum; omnes sphincteres resolvuntur. Vidi, quod homini, solvendis oneribus publicis impari, quum adferebatur ipsi nuncius, ejus, quod agri ipsius deberent vendi, uno momento genitalis humor effluxerit; homini perterriti & anxio exprimitur toto corpore sudor; an haec non est manifesta resolutio omnium sphincterorum simul? Notum est, quod hypochondriaci & hystericae saepe plus cogantur mejere uno die, quam aliter intra triduum fecissent, & urina nullum colorem, saporem vel odorem habet, ac si aqua esset de puro fonte profiliens. Ab hac causa reliqui sphincteres, qui determinant proportionem inter truncos & ramulos arteriarum, etiam solvi possunt. Quum vero sanitas independeat, quod inter truncum & aperturam lateralem sit proportio determinata, patet, quod ex illa proportione mutata illico per errorem loci summæ inflammations, hinc innumerabiles morbi orientur, & quanta perturbatio in cerebro hinc fiat, quis dicet?

Perturbationes excretionum. Ab hac etiam causa omnium emissiorum, in corpore notorum, fit perturbatio. Emissaria sunt illa vasa, quæ singulares humores preparatos vel ex corpore eliminant, vel in altum locum corporis deponunt. Tales sunt ductus hepaticus, cysticus, choledochus &c. Dico jam, omnia illa emissaria mutari; nam ab ira vomit unus, aliis alium deponit, mingit tertius, sudat quartus: nec mirum, quin in partibus internis similes perturbationes oriantur, ita ut viscera magnam sui liquidam copiam parent & derivent; & quum inde pendent peculiares coctiones & actiones, videmus, illas etiam inde turbari. Quum enim hoc constat de visceribus, magnis vasibus, & sphincteribus; & inveniamus, motum velocitates ita mutati, non dubitamus, quin omnes secretiones & excretiones a solis animi affectibus turbari possint, imprimis in mobilibus.

Mutatio habitus corporis. Imo ipse habitus corporis mutatur; nam verecundia facit ruborem: Amarillis, tincta colore roseo, docuit, animam, pulchram in domo habitantem,

splendida hac domo adhuc pulchriorem. Salva res est, erubuit puer, habet adhuc notas gentilitii pudoris, dixit Socrates. Suspiciatur quis, quod aliquid de se dicatur, illico rubore suffunditur vultus.

Hic rubor pertingit tantum eo, quo usque homines se mutuo possunt aspicere, scilicet usque ad collum. Haec vero dum hac ratione se habent, putabitis forte, quod sint quædam valvulae in nervis, quæ spiritus ita determinant: sed huic repugnat, quod aliis priori assidens, pallet, dum putat, de se aliquid dici, cuius se reum esse cognoscit. Ergo homo est longe quid aliud, quam vulgo putatur, & nulla actio est animalis, naturalis vel vitalis, quæ ab hac causa non permittatur, suspenditur, augetur.

Ne objicias ergo, quod haec omnia tantum vera sint de actionibus, quæ pendent a cogitatione; non autem de iis, quæ vitae prospiciunt, nam quid dicetis de palpitatione cordis? non loquor jam de ea, in qua musculi plus sanguinis ad cor pellunt: sed si forte homini sedato injuria fiat, licet sine magno motu, nonne ipsi statim cor palpitat? nonne pulmo ipso momento afficitur suspiriis, antequam appareat, quod major resistentia facta sit sanguini in pulmone? imo hinc aliquando fit paralysis cordis; nam homines per ingentes animi affectus subito mortuos concidisse constat.

Si ergo affectus ita prædominantur, ut motum vitale suffocent, habebunt imperium in ipsam vitam. Si videatis, quomodo facies inde se habeat, cogitate, idem obtinere in interioribus, quam in exterioribus.

Nec ullus affectus est in vigilante, quin etiam contingere possit in insomniis. Idem fit in morbis; nam videmus, deliros in febribus flere & ridere. Ergo nervis affectis, sive ab objectis externis, sive a causis internis, omnes illæ perturbationes fiunt.

Est in homine etiam facultas motum ciendi, dirigendi, mutandi, siften-

Miri effectus
principii impetrata
facientis.

stendi ; continuandi , renovandi ; & hæc facultas est tam magna, ut supputari non possit : hanc PARACELSUS vocavit *Imaginationem*, HIPPocrates *impetum faciens*, alii animam. Sedatus homo cogitat , volo explorare , qualem motum facere possim . Solo insidens , & crura corpori supponens , proponit , postquam tres numeraverim , exsiliam ; & mox facto impetu omnes ejus artus simul agunt , & stat. Motus ille potest citius multiplicari , ut homo equum supereret . Cursor Britannus veniam impetraverat pro Duce Argylio; sed hero bene merito vitam dans , & noctes dielque currens , cæcus evasit , & pedes suos fere perdidit. En quid fecerit animi impetus ? volebat hoc perficere , & perfecit . En motum suscitatum , qui non erat antea , & productum ad tempus , quantum libuerit .

Motum dirigendi. Motus ille etiam potest dirigi . Nescit infans , quis vocetur medius digitus , sed si dicas ipsi , move hunc digitum , quem tango , movet ipso momento ; habet ergo mox scientiam perfectam , ut cieat illum motum , & in hanc illamve partem dirigat ; dum vis , ut cantet , ut lacrymet , illico facit , & hæc diversitas dirigendi illos motus est infinita . Quando attendo ad motum linguæ in eodem infante loqui volente , video innumerabiles varietas contingentes sine ulla præscientia ex simplici hoc impetu .

Mutandi. Motus ille etiam potest mutari , & hoc potest fieri in omni corporis parte per tot instrumenta , quot habemus musculos arbitrarios , non vero in corde vel fibris pulmonis . Non scimus nisi per Anatomen , quibus musculis oculus noster instructus sit ; & quot diversis modis illi agant ; si tamen homo velit videre sinistrosum , illico facit hunc motum plane incius . Fuerunt , qui hanc rem attente speculati calculo subduxerunt , quid requireretur , ut hominis vox ad hunc illumve tonum vel submitteretur vel elevaretur . Constat , quod rima laryngis infinitis modis possit mutari ; & quod ex illis certæ tantum partes de-

beant agere , ad producendum certum tonum ; plurimi nil omnino sciunt de his omnibus ; sed discunt tantum , quid vocetur tonus vel semitonus ; & iussi tunc canere , non cogitant nisi de uno illo sono , & , si periti sunt , faciunt hos motus exactissime , tam celeriter & tanta cum efficacia , ut nulla instrumenta illud possint imitari .

Motus ille etiam potest subito sisti Sistendi mirabili methodo . Videte Pantomimos in theatris , dum fingunt se mutari in columnam , ita ut levati humo referant quasi machinam rigidam , qui tamen uno momento iterum laxant omnia . Est ergo in hac parte descripta potestas locupletissima , quam omnes candidi dicunt se deprehendere , sed quomodo fiat , ignorare . Mirabile est , quum illæ potestates sunt adeo efficaces , quod tamen in principio , unde nascuntur vix videantur habere quid corporei .

Motus ille etiam potest continuari . Continuandi Vidi hominem , qui uno momento ad voluntatem poterat laxare suos artus & sic flectere corpus , ut a vulgo haberetur dæmoniacus . Alius Pantomimus stetit rigidus ; quando juberetur , poterat hoc continuare ; sed simulac volebat solvere , ecce ! omnia erant restituta ; dixi de Cursore Britanno , qui capitatis heri servandi causa currens fecit , quod nullum animal potuisset ; & habebat potestatem continuandi motum .

Motus ille etiam potest renovari . Renovandi Qui Fides tangit primo die , quanto vandi . hoc fit molimine ! qui didicit hoc facere , non cogitans movet omnia , modo videat tabulaturam . Summi musici rogati non possunt dare hujus rei rationem , sed possunt tamen perficere ; hinc fere dicere licet , quod illud agens est tam parvum , ut vix corporeum , sed fere spirituale dici debeat .

Hæc omnia fiunt sine cognitione Sine cognitione causarum. motus illos perficiendi ; indocti æque hoc faciunt quam docti , neque in his feliores sunt exercitatae .

Sedis.

citatissimi Anatomici vel Philosophi.
Ignoratur etiam sedes excitationis
& renovationis, & virtutis sistendi
hos motus; nam adhuc sub judice lis
relinquitur: locuples ergo potestas est
in illo loco determinato quidem, sed
de quo aliquid tantum cognoscitur ex
effectibus.

Instru-
mento-
rum.

Hæc etiam fiunt cognitione instru-
mentorū: nam quinam proprie nervus
hoc faciat, quis dicet? internus
tamen architectus in nobis non errat
in motu muscularum.

Actionis
ipsius.

Imo nihil intelligimus de actione
ipsa. Quando moveo digitum indicem,
fit illa actio sere sine mora vel suc-
cessione temporis: omnium maximum
pro medicina est hoc, quod hæc om-
nia fiunt sine apparente causa, nec ul-
lum etiam manet vestigium. Homo
fanus gerit in se Epilepsiaē causam,
& nil incommodi advertens cadit E-
pilepticus: nulla est secretio, excre-
tio, motus animalis, vitalis, natura-
lis, quin inde mutetur: vomit, al-
vum deponit, mingit, excernit se-
men, spumam, sudorem; momento
post resolvitur toto corpore, manente
tantum motu cordis, respiratione &
motu peristaltico; dormit paulum, e-
vigilat, & post duas horas nemo vi-
det vestigium insultus prægressi. Ubi
hic illud corporeum materiale, quod
Medici hic semper querunt, & quod
si cognoscerent, feliciter sæpe sanar-
ent? sed hic nihil aliud fit, quam
in Pantomimo, dum epilepsiam imi-
tatur; vel quam nonnulli fingunt, ut
Eleemosynas acquirant a transfeuntibus.

Senso-
rium
commu-
ne.

Illa pars corporis humani, ad quam
omnes illæ mutationes perducuntur,
quæ facit ideas, affectus, motus spon-
taneos, vocatur Sensorium commune.
Hoc est certe pars corporis, nam idem
sensus, salvo capite, manet in eo, qui
olim fuerat, ubi affecto nervo in par-
te nunc amissa idea nascebatur. Dixi
de Classiaro, cavo laborante, qui
amputatis tibiis candide dixit, se,
instante cœli mutatione, clare sentire
in illo pedis articulo eundem dolorem,
quem antea senserat. Si ille nervus
loeo intermedio impeditur commer-

cium habere cum illo loco intra cra-
nium, hoc non sit, nec etiam amplius sit motus: est ergo locus, ad
quem illa mutatio nervi delata facit
demum illum sensum, & hic vocatur
Sensorium commune. Homini sapienti,
sano, dormienti resolvitur unum la-
tus; evigilat, sentit nihil; vult mo-
vere partem, musculi non obediunt;
vocat Medicum, dicit se hemiplecti-
cum esse, mente constat, & miratur;
quare una pars non sequatur, alia ma-
nente prompta: adeoque est in illo
Sensorio etiam facultas movendi; sed
requiruntur etiam nervi, & instru-
menta obsequiosa esse debent.

His consideratis, apparet maxime
mirabile, quod excitatione idearum,
affectuum, motuum fiant simul, quæ
tamen adeo distinctæ sunt. Oritur sim-
plex nervorum quorundam affectio;
hæc tantum mentem afficit, quando
ad Sensorium commune pervenit; ibi
fit tantum mutatio cogitationis; sed
ipso, quo hoc fit, momento, viscera,
vasa, musculi in toto corpore motus
accipiunt novos, & quidem simul; &
illi motus non fiunt, nisi præcesserit
mutatio cogitationis, & hi motus ne-
ctuntur novis ideis. Subito exploditur
sclopētum, vel aperitur janua, illico
cor palpitat; videt quis nocturno tem-
pore spectrum album, corpus totum
tremit, & musculi fere omnes moven-
tur aliter, quam moti erant ante il-
lum conspectum: simul in mente est
idea, & in corpore motus ad illam i-
deam, qui motus tamen non est in il-
lo nervo; nam parvum tantum est,
quod illam imaginem in nervo optico
excitat, & nervus opticus remotus est
ab illa parte, ubi motus muscularis
fiunt; & motus ille non est quasi tu-
multuarius, sed nequitur impressioni,
quam fecit mutatio nervi; si non mu-
tatus esset ille nervus, non factus fuisset
ille motus; ergo certum est, quod
illa mutatio physica in nervo, per ob-
jecta mutato, disponit illud primum,
ubi prima est idea nativitas, & facit
exoriri illum motum, qui comitatur
illas ideas.

Totum systema medullæ spinalis,
cere-

Mira e-
jus actio
a mutatis
nervis.

cerebri ; cerebelli non accipit aliquid a corpore nisi per arterias ; reliquæ productiones non adferunt , sed deferrunt ; hinc quando nervi oriuntur ex loco , ubi cortex definit , non inventitur alius locus ; nam morbi , qui impediunt sensum , impediunt etiam motum , & qui impediunt mutationem nervorum , etiam excitationem idearum impediunt ; puto ergo me posse assumere , quod omnia dicta non tantum simul fiant , sed etiam ab ipsisdem nervis , & in eodem loco ; ergo illud sensorium commune est etiam impetum faciens . Quicquid ergo executio , non datur melior definitio hujus partis , quam dum respectu sensus & motus corporei vocatur universale sentiens & movens , cum omnibus nervis moventibus & sentientibus communicans : ubi autem hoc sit , inquiri debet .

Subtilitas
hujus a-
ctionis .

Patuit ergo , hoc totum negotium absolvi per nervos , & sic quidem , ut maneat ortus idearum & affectuum in eodem loco , modo maneat illud , unde nervi oriuntur , dum volo motum excitare , videmus etiam , quod hoc fit per nervos , dicitque originem ab eodem loco : sed possum cogitare , volo ut dextra manus moveatur , & tamen non movetur , quia non exequor ; nec diversi quid sentio , nisi quod nunc non adsit efficacia : res ergo ad summam & fere evanescerem simplicitatem reducitur . Interim haec parva differentia potest causa esse , ut luxentur artus ; nam sunt homines , qui pugno suo possunt luxare os temporum . Ergo inter velle & inter efficax velle novum quid se intermiscat , quod scimus nos habere , sed cuius vix habetur idea .

Homo etiam potest habere sensum , licet nervus non adsit , unde in parte integra sensus oriebatur ; ut constitut in iis , quibus dolor podagricus erat in pede amputato . Sed quomodo sit ille sensus ? hoc subtilius est .

Quae ta-
men non
fit sine
nervis .

Homini sano noctu in lecto decumbenti , resolvitur alterutrum latus : vult movere partem , non valet ; cogitar , quid deest ; nam nil omnino sentit ; cerebrum non est impeditum ,

nec etiam illud concire ; volebat tandem hoc & non siebat : ergo ut fiat motus , requiruntur liberi nervi , & motus non potest resuscitari nisi per nervos integros , nam per impetum solidum musculus non movetur ; sed abscondito nervo potest tamen manere illud impetum faciens ; videtur ergo utriusque origo eadem ; sed si in nervis non est aptitudo , ut motus determinatos deferant , non fit motus .

Si consulitis bonos Anatomicos , vi- Distinctio
debitis , quod omnium horum nervorum
in ortu ^{nervorum}
ortus sit distinctissimus , & semper in eodem loco ; sic inveniunt nervos olfactorios ad latera medullæ oblongatae ; opticos ad corporum striatorum partes reconditas ; patheticos ad ultimum medullæ confinium , ubi ipsum cerebellum est ; auditorios semper duplices ; nec scio hic aberrare naturam , nisi in monstris ; sed in musculis major est diversitas . Par octavum , nervus recurrens , spinalis WILLISII & par intercostale sunt exactissime separata , & semper se intermiscent eadem ratione ; nervus auditorius durus numquam cum molli confusus fuit ; nec ludit hic natura , nam si uspiam in nervis fiat confusio vel error , illico functio laesa est : ergo haec omnia fiunt per separatos nervos , nec unus facit alterius opus . Quam mirabiles autem sunt distributiones ! quam sollicite paria illa per foramina transseunt , in vertebris apophyses ita netuntur inter se , ut inter singulas foramina sint mobilia , sed non compressibilia .

Finis nervorum etiam semper idem est & distinctus ; nervus olfactorius semper vadit ad os cribriforme ; nervus mollis auditorius semper hæret in parvis illis foraminibus , quæ in labyrintho deprehenduntur : sed quanta est eorum multitudo , ita ut nulli indagini vel sagacitati finis sit ! Suspendatur nervus in aqua , affundatur nova aqua , & resolvatur nervus in filamenta innumerabilia , & tamen omnia sunt distinctissima : si jam consideremus originem quadraginta parium nervorum , haec multitudo est infi .

infinita, nam ne quidem finis unius nervi potest a nobis cognosci; ultimum vero elementum nervosum remotum semper manebit a nostra scientia.

Fiunt hæc, ut dixi antea, per modum illuminationis. Videmus infinita, sed oculus non videt, nisi per nervum opticum; & nervus ille non videt, nisi expendatur medulla ejus in fundo oculi in retina, in qua innumerabiles pinguntur stellarum imagines, nec ulla sit confusio, si oculus bonus sit.

In his omnibus meditatio se ipsam quasi perdit, dum contemplatur originem, finem, medium, functionem nervi cuiuslibet distincti; locum, ubi nascitur idea, unde fit motus & sensus; nam motus fit in unoquoque nervo, ut in omni alio; id est, nervus opticus æque afficitur, quam nervus in extremo digito; & quum cuiuslibet nervo est suus locus, ergo omnes nervi habebunt locum suum in Sensorio communi.

Inquiritur locus sensorii communis. Ubinam ergo est Sensorium commune in homine? definivi ab idearum ortu & ab impetu arbitrario, dixi quod mutatio fiat a nervis, & quod facultas sentiendi & movendi sit in multis locis: ergo illud movens & sentiens universale non est unus locus; sed est in origine omnium nervorum; si enim sunt millions millionum nervorum, tot sunt loca, ubi hi nervi primo fiunt nervi: ergo Sensorium commune est collectio omnium illorum locorum in cerebro, in quo ortus est cujusque fibrillæ medullosæ & nervosæ ex fabrica corticali: ergo intelligimus, quod omnia loca, ubi finitur corticalis fabrica, & ubi inchoatur primordium medullæ, constituant hanc partem; non constat tamen æque certo, in quam longitudine hujus mensuræ idem perficiatur. Constat per experimenta WIPPERI, quod si in vivo animali separetur cranium & dura mater, & cortex lœdatur, pungatur, imo pro magna parte destruatur, vix oriatur ulla mutatio; sed

dum medullæ initium specillo obtuso tantum attingebatur, statim siebat dira convulsio; & hoc experimentum semper eodem modo est inventum, nisi quando turbatus erat nervus. Hoc videtur probare, quod illud impetum facies & primum sentiens proximum sit origini medullæ mox sub cortice.

Constitit etiam per experimenta SWAMMERDAMII, dum nudatus nervus obtuso specillo forte radiis attingeretur, quod mox nascerentur convulsiones, non in toto corpore, sed in magna corporis parte; & hoc fit per totam longitudinem nervi: ergo illud territorium, vel ille locus imperii, ubi humanitas est, id est, mutatione cogitationum ad mutationem corporis, & vicissim mutabilitas corporis a cogitatione mutata, est ibi: hoc facit hominem totum, non mente tantum, vel non tantum corpus, sed corpus & mentem simul.

Possunt hic oriri tot diversi concipiendi morbi; quot sunt diversi nervi organici vel internuncii, vel forte causæ efficientes diversarum mutationum in mente percipiente & volente; nescimus enim, unam fibrillam cuiusdam nervi aliquid habere commune cum alia. Quælibet fibrilla nervea distincta facit distinctum officium; representat nobis nervus opticus omnes colores: radius ruber certo loco projectus in focum nervi optici facit ibi colorem rubrum, momento post album, cœruleum, &c. in toto hemisphærio vilibili non fit ulla colorum confusio; internuncius ille propagat illud unum punctum, non aliud, & in retina pingitur omnis imago in proportione magnitudinis, situs & coloris, hinc non totus nervus, sed quælibet fibrilla facit suam imaginem, & sic omnes fibrillæ totam; ergo quælibet fibrilla nervosa facit distinctum exercitium.

In illis, qui aures habent ad musicam idoneas, illud adhuc clarius apparet. Dum sexdecim chordas audiunt, dicunt, illa corda est laxanda; nervi acoustici affectio tunc tam

Qui sensorium est in ipsa nervorum origine.

In qua nulla ad est con-fusio.

tam exacte responderet undulationi aeris, ut in media illa confusione distinguant: hinc auditus non tantum videtur esse affectio totius organi; sed in labyrintho mucosus nervus ita afficitur, ut fiant tot perceptiones distinctæ, quot distingui possunt, ita ut in murmure sit infinita congeries sonorum distinctorum. PERAULTUS dicit, se sæpe expertum fuisse, quod omnis sonus, qui a nobis auditur, sit infinitorum sonorum simul aurem ferientium permixtio, quia auris non potest distinguere; sed Musicus hoc forte facere potest.

Dixit KIRCHERUS, quod totum hoc universum ex chordis tensis constet; hinc sonus, qui auditur a me loquente, fit per undulationem omnium corporum vicinorum; si reflectitur sonus, fit Echo, qui auditur post duo minuta secunda; sed cito, nam secundus sonus jam reddit, quando primus vix formatus est: ergo per omnes distinctas fibras ideæ infinitæ fieri possunt. Videte nunc hoc ipsum in Loquela; dum dico A, quot milliones distinctorum nervorum tunc agunt! Musculi totius thoracis, Mesochondriaci bronchiorum & asperæ arteriæ, musculi veli palatini, linguae, oris & labiorum agunt omnes, ut formetur A; si hic unus nervus per morbum foret impeditus, tunc formatio A hac parte deficeret; si dimidia pars nervorum deficeret, dimidia hac actio impediretur. Non possumus satis admirari illam Causam, quæ nos sic fecit; & certo dicere licet, totum D E U M hic requiri: nec mirum, quod ab his affectionibus & motibus infinita producantur morborum genera; & Medici non accusandi sunt, si omnes hos morbos curare nequeant. Concludo ergo, tot distinctos esse concipiendi & movendi modos, quot sunt distinctæ nervorum origines; & nos quidem habere limitem cogitandi & movendi, sed diversitas tamen respectu vite nostræ infinita est.

Si requiratur pars millesima hora,

ut sonus audiatur; & singuli nervi hic aliquid contribuant, tunc immensa longitudo non potest compensare illam actionem, quæ hic fit per meos nervos; nam singulæ partes mirifice afficiuntur ab uno objecto: quot ergo in qualibet corporis particula fines minimi nervosi sunt, tot in origine prima distincti ortus sunt. Si sumo punctum quoddam sentiens, nervus, qui inde oritur, facit distinctum quid a nervis reliquis: ergo quot sunt puncta sentientia, tot sunt puncta nervorum, qui oriuntur ex cortice; & illa puncta manent in orta, medio & fine distincta; & tales fines sunt in toto corpore; si unum capillum trahitis, dolor est in illo distincto loco; si dentes, si unguis extrellum acicula subtilissima attingantur, tunc & ibi dolor exacte sentitur: ergo totum corpus habet ubique puncta hæc sentientia, exceptis illis locis, ubi liquida sunt: nam ubi vas aperatum hiat, & attingis liquidum, quod in illo vase est, nullus oritur sensus; sed si attingis membranam, illico sensus oritur: urina, quæ in vesica est, non afficitur a calculo; sed dolor fit, si vesica premitur; ergo sensus tantum fit in partibus firmis, & quidem nervosis.

Nec etiam dolor fit in nervis cardiacis vel hepaticis; nam observatum est a Medicis, quod cor in febribus summis inflammetur, & quod in pneumonia valida in latus decumbat, & quod æger moriatur, & tamen inde nullus fit dolor; sentitur quidem anxietas, fidelis ille periculi nuncius, omni molimine agens; ut non fiat mors, sed non dolor. Quando pulmo exeditur, vel hepar vel ren consumuntur, nullus etiam dolor; sed quando membranæ horum viscerum ab inflammatione afficiuntur, statim fit dolor immanis. Ergo omnes partes nervosæ non sentiunt, tamen hic nervi sunt; sed nervi, qui a pari octavo, ab intercostali, a recurrente, a medulla spinali ad cor tendunt; in toto itinere quidem sentiunt, non vero in corde; nam omnis musculus delassatus sentitur; sed cor,

Varietas
hic ob-
servanda.

cor, quod semper agit, nunquam deflassatur, nunquam dolet.

Sic sensim pervenimus ad distinctio-
nem nervorum; invenimus nervos o-
nervos, riundos a cerebro, qui sensu, & mo-
terius ex tui inferviant; & nervos, oriundos
plicatur a cerebello, qui nihil huc faciunt.

Si poneremus, omnia puncta sentien-
tia in corpore humano manere, sed
non sentientia aboleri, tunc tollere-
tur cor, & quicquid distribuitur ex
corde non faciens ad sensum vel mo-
tum arbitrarium; in hepate nil ma-
neret nisi membrana sentiens; verbo,
tunc haberetur imago totius homi-
nis, de multis omnibus liquidis & par-
tibus non sentientibus. Ergo homo
est duplex in humanitate, simplex in
vitalitate; hinc SYDENHAMO, dum
videbat, se in quibusdam morbis ni-
hil proficere, purgantibus, vomito-
riis, venæflectione &c. incidit cogita-
tio de homine interno, in quo non
est plus corporei, quam corporeum
est in eo, quod volo, ut manus mea
moveatur: cogitavit præterea, quod
morbi illi mirabiles totum corpus
turbantes, non essent corporei; nam
non poterat demonstrare eorum ma-
teriam; & tamen erat aliquid phy-
sici, quod illos effectus faciebat: &
quod medicina tantum agit in homi-
nem externum, non in internum.

*In parte
dextra &
sinistra.* Sed præterea est homo ille corpo-
reus sic figuratus duplex, nempe dex-
ter & sinister. Possumus considerare
totum hominem, quasi non esset nisi
cerebrum & cerebri appendices; cere-
brum non nisi quatuor vasa arterio-
sa, & eorum vasorum appendices: medulla est sola pars cerebri, quæ ad
humanitatem aliquid facit; illa colle-
cta est ex milles principiis fibrosis,
ultra imaginationem subtilibus, in origine, medio, fine distinctissimis;
nervi egressi sunt appendices hujus
medullæ. Est arteria Carotis dextra
& sinistra, vertebralis dextra, & si-
nistra; ex carotide & vertebrali dex-
tris oritur hemisphærium cerebri
dextrum, & sinistris sinistrum; he-
misphæria illa distincta sunt, & non
nisi per quædam vasa & fibras cohæ-

rent; ventriculi, ex medullæ collec-
tione oriundi, dividuntur in dextrum
& sinistrum: fornix in medio con-
currit, & proinde habet partem sini-
stram a ventriculo sinistro, & partem
dextram a dextro; medulla oblongata
habet tuber annulare dextrum & si-
nistrum, & crura medullæ oblongatae
manent distincta; nates sunt utrim-
que, nervi oriuntur ex parte dextra
& sinistra: corpus olivare est duplex;
verbo, omnia sunt duplia, exceptis
infundibulo, glandula pituitaria &
pineali; medulla spinalis habet in
medio sulcum distinctum, & corticem
habet medium ad finem usque; si cor-
tex ille medius sit hydropicus, & mu-
tatur in hydatides, tunc dextra pars
medullæ separatur a sinistra: duo sunt
brachia, duo crura, & ad illas par-
tes est nervorum distributio. Ergo
principium sentiens & movens in sua
origine, collectione, distributione &
operatione est duplex.

In corpore reliquo sunt duo renes,
duo testes, duo corpora fungosa pen-
nis, duæ vesiculae seminales. Renes
sunt duo emunctoria; dexter emulget
partem corporis dextram, sinister si-
nistram. Sed quare sunt duo testes?
nemo forte hoc intelligit; nam qui
tantum unum habebant testem, ge-
neraverunt tamen mares & fœminas:
imo idem visum est in aliis animali-
bus monorchidibus. HIPPOCRATES di-
cit, testem dextrum generare mares,
sinistrum fœminas; sed canes, uno
teste orbati, aliter docent. Reliquæ
partes non sunt duplices; unum tan-
tum cor, sed distinctum in duo ca-
va; unus pulmo, licet in plures lo-
bos divisus, sed qui tamen omnes san-
guinem suum in unum cavum infun-
dunt; una magna arteria, una vena,
unum diaphragma, unus ventriculus,
unus tractus intestinalis, unum he-
par, unus lien, unum mesenterium,
unus ductus thoracicus; sed reliquæ
partes, sensu vel motui arbitrario in-
servientes, sunt duplices.

Ergo duplex morbus hic oriri pos.
se videtur, ita ut unus hæreat in
distinctio
morbo-
communi, alter in duplicato; & di-
rectio

rectio remediorum videtur facilis, quando aliquid mutandum est in communi; sed quando aliquid debet mutari in una vel altera parte, quam tunc est difficilis!

Sed partes vitales & naturales sunt singulares. Antiquissimi, quorum scripta ad nos pervenerunt, videntur vidisse aliquid simile; hinc habetur apud antiquissimos Hebreos, hominem marem & foeminae fuisse ad latus sibi adhaerentes; sed latera in somno esse separata a CREATORE, & mulierem tunc factam esse ex adverso viri.

En ergo duplarem hominem! Videamus tamen in hisce unum tantum sentiens. Duo nervi olfactorii sunt distinctissimi in origine, progressu, applicatione, distributione; unus tantum ad sensus olfactus: duo sunt nervi optici, unus visus; imo qui videt unam rem binis oculis, licet sciat se vidisse utroque oculo, ut limite medio inter oculos posito clare appareat, unum tantum videt. Licet aures sibi invicem oppositae & divisae sint, unus tantum sonus, non duplex auditur: lingua tota unum sapit; duabus manibus una res tangitur: ergo corpus sentiens & movens est duplex, sed dum sentit & movet simplex; organa sunt distincta, & diversas actiones accipiunt; sed effectus ultimus tamen est unus & simplex. Dum dicit quis, ego audio, ego video, ultimum hoc unum est.

Constat per Anatomen, quod nervi optici, a se invicem remoti in ortu, & distincti in decursu coeant in unum, antequam veniant ad oculos, postea iterum recedunt, & singuli pertinent suum oculum. Quid eo loci circa coitionem contingat, oculus dignoscere non potest; sed SANTORINI obesus est casus, ex quo dubium hoc resolvi potest. V. ejus *Observ. Anat.* pag. 63. Relatum ipsi forte fuit, quod homini, qui tunc Anatomicæ disquisitioni subjiciebatur, eæcūs jam diu fuerat oculus dexter, nullo oculi vitio apparente; in eo nervum opticum offendebat tum æquo graciliorem, tum colore obscuriorem; quem

quam anxie prosequeretur; eum semper dextrum latus tenentem usque ad suum principium, tales ubique reperiit, qualem intra orbitam; contra autem sinister secundum omnem longitudinem albus omnino erat, qua vero congregabantur, alterum ab altero coloris diversitas plane discernebat, ut facile inde colligi fuerit, eorum nervorum fibras non modo non decussari, sed ne quidem implicari, verum alterum alteri duntaxat accedere, ut deinceps disjungerentur. Repertus etiam aliquando alter ex nervis visoriis attenuatus, alter plenus; visus autem erat debilis in oculo, ad quem nervus extenuatus ferebatur.

Constat ergo hos nervos nequaquam se intersecare; an vero partes cerebri se mutuo non decussent, merito inquiritur. Scimus quod una pars corporis possit manere integra, dum altera quoad corpoream speciem remanens, functionibus suis inpar est; hoc constat in Hemiplegia, in qua unum latus ita resolvitur, ut nullus motus arbitrarius supersit; facultas sentiens, conscientia & volens motum bona est, sed musculi non possunt exequi, quod mens jubet; in summo gradu hujus morbi perit sensus, qui tamen integre in altero latere superest. Hinc videmus, quod illud movens & sentiens in nobis sit absolute distinctum & duplex. Creditum fuit, quasi hoc duplex haberet in bifido corpore, adeo ut si dimidia pars tolleretur; quod in altera parte maneret eadem facultas motus: sed huic rei experimenta se opposuerunt; nam primum principium sentiens & movens locatur in parte opposita, quam ubi ejus executio est: proinde medulla primi principii, abiens in medullam oblongatam, dextra sua parte abit in nervos partis sinistram; & parte sinistra in nervos partis dextrarum; sic dum moveo brachium dextrum, hoc fieret ope nervorum, qui oriuntur ex medulla hemisphærii sinistri. Animadverunt omnes fere Anatomici, quod si cerebrum, frigido tempore exemptum de calva, maceratur in aqua, incipiat tabe.

Illustratur hoc exemplo
visus.

tabescere; sed quo homo senex magis, & majori labore corpus exercuit, eo textura cerebri firmior; hinc præparationes R U Y S C H I A NÆ pulcherrime succedebant in cerebro recens natorum, in quibus injectio tam mirabilia detecta est: hoc si in aqua maceretur, tabescit, & tunc cortex potest separari, & tunc forma mirabilis medullæ per se apparet.

SANTORINI dicit in suis Observationibus, pag. 61., quod post aptam & diuturnam cerebri macerationem luculenter viderit, eum esse nervorum positum, ut qui in dextra cerebri parte oriuntur, protendantur ad sinistram; & hoc potuit animadvertere triplici potissimum in loco, in utraque scilicet priore & posteriore annularis protuberantiae crepidine, maxime vero in imo medullaris caudicis, qua in spinalem abit.

Protuberantia annularis est ingens illud & album tuber, quod superest, postquam nervi exiverunt, & investitur magnis arteriis, in qua ergo fibrarum medullofarum collectio est: anterior pars hujus protuberantiae complectitur medullam ex duobus anterioribus lobis cerebri, & posterior ea duabus lobis posterioribus; ergo sunt hic duo tractus medullares, & quasi quatuor concursus, in quorum medio omnia sunt tam intricata, ut vix aliquid appareat; hinc distinctio tantum apparet in parte anteriori & posteriori.

Reliqua pars medullæ oblongatae non distribuit paria nervorum, sed abit in medullam spinalem, quæ ergo consideratur ut unus nervus: ad illum locum medulla oblongata ceit in caudam, quæ est basis prima medullæ spinalis: hinc medulla spinalis constat medulla cerebelli, & medulla oblongata, & medulla, quæ oritur a cortice suo proprio.

Dum cerebrum comprimitur a sanguine effuso, fit Apoplexia; nil tunc adhuc est vitii in medulla spinali, & tamen omnis motus definit, qui a triginta paribus nervorum hujus medullæ pendet; ergo illud, quod sentit & moyet, a cerebro procedit.

Dicit jam SANTORINI, quod medulla abitura in thecam vertebralem veniat ad decussum, & hæc decussatio est ad ventriculum quartum, qui vocatur calamus scriptorius; illaque est in sola medulla, non vero in nervis egredientibus.

Plura de hac re apud Anatomicos invenire non potui; vidimus jam, quod nervi optici se mutuo non decussent, & quod singuli oriuntur ab eodem latere medullæ oblongatae; sed an eorum thalamus dexter veniat a cerebro sinistro, sinister a dextro, dubium est.

Medici & Chirurgi recentiores putant se rem novam detexisse, dum exhibent observationes, quæ videntur item docere, quod SANTORINI per examen cerebri detexit; nos autem videamus, quid hac de re inveniatur apud Medicos antiquiores, eosque consulamus juxta Chronologiam; hinc incipiamus ab HIPPOCRATE: dicit ille in Libro de vulneribus capit. p. 906. Editionis Foesianæ: in capit. sectione temporum regio secari non debet; nervorum etiam distensione (spasmo) prehenditur, qui sectus est: at si sinistra temporum secta fuerint, dextra convulsio prehendit; si ad dextra sectio fuerit, sinistra convelluntur. Aliibi dicit: si in sinistra parte capit. ulcus est, tunc dextras partes corporis prehendit convulsio, & vicissim.

Sequitur HILDANUS, quem ideo laudo, quia versatur semper in contemplandis ægris, & res factas simpliciter describit sine admisis ratio-ciniis: ille refert in suis observationibus, p. 21. quod vocatus fuerit ad mulierem, quæ vulnus contusum in dextro osse bregmatis cum fractura & impressione crani acceperat. Evomuit mox ab initio biliosum humorem & cibum indigestum; latus sinistrum resolutum est, in dextro autem convulsiones patiebatur. Vide nunc pagin. 25. Juvenis robustus baculo vulnus ad sinistrum bregmacum ossis fractione accepit; vulnus dilatatum est, & fragmenta crani ex percussione facta extracta: quum

Vestigia
hujus rei
apud Hip-
pocratem

Hilda-
num.

quum autem omnia symptomata jam plane definerent, & vulnus pene cicatrice esset obductum, cum scorto rem habuit; incidit post paucas horas in febrem, & dolorem capitis vehementiorem quam ante; latus oppositum resolutum est, brachium vero lateris ægrotantis spasmo correptum. Denique pag. 78. duo sequentes casus inveniuntur: Homo quidam globo fer. reo in sinistrum bregma percussus cum insigni depressione & fractura cranii, in terram quasi mortuus procidit, & loquela, visum auditumque plane amisis, quin etiam ex opposita parte paralysi correptus fuit: post aliquot dies cranio elevato, & in naturalem situm reducto, loquela recuperavit; symptomata quoque reliqua (ad eoque etiam paralysis) paulatim remiserunt. Viro sexagenario os frontis sinistri lateris ea in parte, ubi capilli prodire incipiunt, latus sinistrum versus, ex ictu lapidis profundius impressum erat: in ipso momento ictus in terram procidit, totoque latere opposito paralysi correptus fuit.

Camera cranii distincta est per suturam sagittalem, & propter septimentum duræ matris effusus sanguis non potest ire ex camera dextra in sinistram; atqui latus sinistrum hic afficitur, dextrum fit paralyticum. In his casibus convulsiones crebræ sunt, illæque videntur ponere, quod liber motus utcumque quidem sit interceptus; sed quod pars tamen ita se habeat, ut patiatur transire quosdam quasi spiritus motores; unde non sit quidem continuatus tonus, sed motus interruptus. En quam bene hæc conveniant cum HIPPOCRATICIS!

In collectaneis BONETI habetur Tom.

Bone. I. pag. 328. casus hominis, qui laborabat inveterata melancholia; resolvitur ipsi latus sinistrum, convellitur dextrum, tandem moritur; aperitur cranium; in dextro hemisphærio cerebri omnes venæ erant varicosæ, & apostema erat in medio, quo incremente, & vicinas partes comprimente, motus humorum penitus impediri debuit. Casus hic est eo magis notabi-

Tom. II.

lis, quia BAYLEUS etiam collegit casus Apoplecticorum, mortuorum ex melancholia: putabat ille, omnes Apoplecticos, quadragenario maiores, mori ex melancholia: in casu modo citato habemus motum impeditum, effusionem humorum & compressionem.

SMETIUS in *Miscellaneis Medicis* pag. 528. refert casum hominis, venabulo supra tempus sinistrum inficto prostrati; duo aderant capitis vulnera cum contusione; exigua valde cranii fissura, quæ non nisi calva per ferram ablata, & quidem atramento affuso, pili tenuitate apparuit; brachio tamen dextro resolvebatur; nam in illa capitis parte, non in sinistra, venæ disruptæ multum cruoris intra cranium effuderant.

DIEMERBROEKIUS in *Anatomie Lib. III. Cap. V.* adfert exemplum ancillæ, quæ e domus summitate cecidit in superiore dextram capitis partem, cum magna ossium bregmatis & frontis diffractione & læsione cerebri; durante curatione sinistri totius lateris, in quod non deciderat, continua paralysi detinebatur, & bis terve convulsionibus ac singultu corripiebatur.

Apud BARTHALINUM *Centur. I. Histor. XXXIV.* legitur memorabilis casus pueri, cui ex alto baculus in sinistram capitis partem perpendiculariter decidebat, unde fractum ad mensuram crassitudinis baculi cranium. Statim ab illato vulnere convulsus est in latere opposito, sed resolutus in eodem quo læsus erat, donec quinta a vulnere accepto die vitam cum morte commutaret.

Hæc pro exemplo sufficiant, quibus nunc tantum addo, quod VALSALVA etiam monuit, illos affectus apoplecticos, in quibus altera medietas corporis resoluta est, pendere a læsione alterius medietatis cerebri; si vero dextra, a sinistro. Nec tantum loquitur de illis Hemiplegiis, quæ a capitis vulnere proveniunt; sed in universum afferit, se nullam ferme vidisse in apoplectis effectibus alterius

E

medie-

medietatis corporis resolutionem, cuius causam, secundo cadavere, in opposita cerebri parte non invenerit: quod si aliquando ad alteram etiam cerebri partem extensam reperiebat laesione, haec tamen erat in opposita parte multo notabilior. V. Tr. de aure humana pag. 85. 86. Edit. Trajectin. & pag. 87. dicit, sibi constitisse, quod in similibus morbis instituta venæfactione non ex latere corporis magis resoluto, sed ex opposito, sive illo, quod omnino sanum videbatur, illico fere ægri levati fuerint. Quid hac de re sentiendum sit, non definio, sed rem demonstratam simpliciter narro.

Unum tamen forte manet vobis dubium, quod HIPPOCRATES tantum loquatur de convulsione, & non de resolutione, uti alii Auctores: sed HIPPOCRATES non dicit, ubi tempora contracta sunt; agit tantum de sectione musculi temporalis, & respicit in primis ad locum, cui trepanum applicandum est; hinc in illo casu tota pars non contunditur, sed tantum irritatur, ita ut haec exempla satis inter se convenient.

Habetur tamen aliud exemplum a. pud BONETUM, Tom. I. Sepulchr. Anatom. pag. 328. quod contrarium videtur docere. Juvenis sauciatur oculo dextro; primo statim die convellitur brachio dextro; in cadavere reperitur cerebrum dextrum totum purulentum, sinistrum humore seroso plenum. Sed quoniam hic utraque pars cerebri laesa fuit, & nulla resolutio, hinc casus ille non repugnat cum jam memoratis. Idem refert pag. 329. quod homo quidam punctum vulneraret circa os temporis, ita ut dura membrana simul laederetur; sequebatur convulsio partis laesae, & inter membranas & substantiam cerebri ingens copia puris reperiebatur. Hic casus etiam nihil facit ad rem, nam nulla fit mentio paralyseos in parte aversa, sed tantum convulsoris in parte affecta. Duo alii casus leguntur pag. 330. Miles sauciatus fuit in posteriore capitinis parte cum

laesione ossis syncipitis; brachium dextrum motibus convulsivis fuit agitatum; aperto cranio reperitur magnus abscessus, in sinistro cerebri latere latitans. Puer ex alto baculus in sinistram capitinis partem perpendiculariter decidit, unde fractum cranium; convulsus est in opposito latere. Videte etiam pag. 334. casum juvenis melancholici, qui caput præter morem sinistrum in latus contorquebat; tandem supervenientibus haud obscuris convulsionibus exspiravit: in sinistro ventriculo morbi mortisque causa extabat, copiosa nempe sanies cum muco & materia putrescente ibi contenta. In his tribus casibus nulla fit mentio Paralyseos. Adferuntur adhuc duo casus plane oppositi, nempe pueri, hemiplectici in dextra parte, in cuius cadavere cerebrum & cerebellum in parte dextra saniosa & purulenta inventa sunt: & alterius, qui vulnerabatur in sinistra parte ossis frontis, & in quo latus sinistrum etiam resolubatur.

Quid ergo, si non velimus servi esse hypothesis? Certe incredibile est, quam parum requiratur, ut homo resolvatur; hinc dico, quod saepe in utroque hemisphærio labes sit, dum unum tantum videtur affectum.

Bovi maestabundo securi percutitur os frontis, quod inde non frangitur, animal tamen cadit; sic saepe potest fieri magna concussio sine ulla alia visibili mutatione: & concussio illa saepe major est in parte opposita, quam in laesa; fiat enim laesio in parte dextra, haec inde tremit: sed novissimis, quod tota moles cerebri intra nostrum cranium sit independens, id est, haeret undique libere intra duram matrem; & nullum vas ex eo propagatur in duram matrem, nisi tantum venæ exonerantes: facta jam magna impressione in partem dextram, illa pars cedere posse videtur; sed processus falciformis duræ matris, qui inter hemisphæria cerebri haeret, oppositam partem ita potest premere contra cranium, ut tenuissimi canales inde laedantur.

Sæpe in opposita cerebri plaga potest

Dubium
in hac
senten-
tia.

Eius so-
lutio.

test fieri ingens sanguinis effusio, id est, homines s^epe incident in bregma sinistrum, & post mortem sanguis in dextro latere effusus deprehenditur, nam in quam partem homo cadit, in eam decumbit; hinc eo dirigitur omnis pressio, & vasa venosa, quae ex cerebro tendunt in sinus, facile rumpuntur per illum ingentem motum, & tunc sanguis ad alteram partem non potest venire: s^epe confunduntur spasmus & paralysis, nam pars paralytica non semper spasmos patitur. Hinc nondum demonstratum est, nervos tendere ad partes oppositas; imo nervi ex medulla oblongata oriundi decurrunt omnes in eodem latere; tota ergo communicatio fit tantum in ipsa medulla, non ubi oritur, sed ubi colligitur in globum, id est, ubi crura anteriora & posteriora concurrunt.

DE SYMPATHIA:

En ergo historiam hominis agentis & patientis; hominis, qui servitio & ministerio sui corporis potest uti & frui, & qui a suo corpore s^epe sub jugo trahitur! Quatenus systema illud hominis in nervis est, est proprius illud, quod dicitur *Humanitas*; & in hoc systemate se aperit novus & jucundus merarum observationum campus; in hoc ab Auctore Naturae locata est mira Sympatheia. Patiamini, ut pauca vobis in memoriam revocem. Omnis medulla cerebri collecta est in medulla oblongata, & porrigitur in nervos, qui distribuuntur per partes, collo superiores, excepto pari octavo vago, intercostali, ramo accessorio, & pari recurrente Galenico: ex medulla cerebelli etiam accedunt nervi, qui forte se invicem non decussant. Inde fit medulla spinalis, ex qua distribuuntur triginta duo nervorum paria, quae etiam terminantur ad organa sentientia & musculos arbitrarios; & tandem abit in caudam equinam: dico hic esse Sympathiam, id est omnes hi nervi possunt moveri ab externa causa, id est aequa possunt pati

quam agere: ergo omnis actio hic sit passio & vicissim.

Hanc rem illustrabo sequenti exemplo. Sit globus quiescens; quamdiu sola idea globi manet, nil concipitur nisi quies; sed impingit in eum aliis globus ejusdem magnitudinis, illico motus fit in tota massa & in puncto contactus, & ille motus est in utroque globo; sed quum hi globi sunt corpora elastica, hinc superficies sphærica in utroque applanatur versus suum centrum, & hi duo globi se mutuo contingunt in facie plana, quam elasticitas permittit fieri; sed quum corpus tantum repellit, quam pulsum est, facies plana globorum se restituit, hinc uterque globus repellitur eodem motu, unus versus hanc, alter versus aliam partem: quies in globo erat passio; sed dum se restituit, & repellit globum incurrentem, fit actio; dum globus incurrens in quiescentem, situm illius mutat, haec mutatio est etiam passio: si non esset vis elastica, uterque globus quiesceret. Hinc videmus, quid sit pati, scilicet mutari in situ corporeo, quem corpus antea habebat; agere vero est mutationi resistere: ergo id, quod vocatur actio, constat ex diversis motibus, qui distribuuntur, permuntantur, & tandem pereunt: quando duo corpora in se nitentia æquibrantur, maximas habent motus causas; utraque tamen quiescunt, nec motus se manifestat, nisi causa ab una parte fiat minor. Dico jam, quod in systemate nervoso sit causa quædam physica mutationis a priori statu, sed a subtili causa pendens; & hanc causam voco Sympathiam, quia melius exprimere non possum.

Si quis subito videat hominem, cuius limbi palpebrarum sunt inflammati, coccineo colore fulgentes, & oculi simul tales sunt, & lacrymæ inde destillant, ejus oculi etiam inde laedentur, nec ullus est, qui hoc sentiat. Si puer insons nutricem habeat luscum, vel cum alio puero lusco ludat, ex illa conversatione etiam lucus fiet: sic a lusco præceptore omnes

Exempla
sympa-
thiae.

infantes etiam lusci fiunt. Ubi Orator, volens flectere homines, faciem suam ad commiserationem ponit, mox etiam auditores faciem commiserantem habent; hoc si peterentur, facere non possent, sed nunc faciunt per Sympathiam. Dum homines gesticulatorem vident, omnes, quotquot sunt, tam viri graves quam foeminae, eandem induunt faciem, & hoc faciunt exquisite absque ullo præceptore. Hoc in auditu æque appareat, quam in visu. Si homo, ignorantissimus omnium consonantiarum, prima vice audiat tonum harmonicum, & rogetur, ut edat tonum, resonabit tonum eundem.

Hæc res ut vulgatissima negligitur; sed est tamen hic aliquid positum in rerum natura, quod ignoramus; si tuba organi pneumatici inflatur, omnes cantant in illo sono; KIRCHERUS narrat in *Mysyrgia sua*, se peregrinantem venisse in locum quendam ad Italæ & Hispaniæ confinia, ubi cantante uno, reliqui omnes cantabant harmonice; hoc quum miraretur in gente non exculta, & rem inquireret, didicit, quod omnes ita edocti essent a natura; & licet nescirent se ita cantare, tamen nullo modo in concentu fallerentur.

Audivi hominem optime canentem, sed in quo vox erat, & præterea nihil; si staret post fores & cantaret, vix aliquis erat, quem non incantaret & abriperet; sumsis ille in symphonia Violinum, & ex memoria fecit totum systema melodicum, ducens pectinem ad chordas, & nesciens, quid quælibet corda faceret: aliis Musicus voluit hominem docere, sed non capiebat vel unam regulam; verum audiens melodiam, imitabatur sponte. Rogavi eum, quare ita faceret? ille ineptus lingua & moribus respondit, hoc nescio, sed tantum ita facio.

Utilitas ejus. Videtis hinc, fundamentum artium, disciplinæ & doctrinæ rerum pulcherri- marum esse in ipsa corporis fabrica. Homo audiens cantari cantilenam, volens nolens secum cantat, & dicitur ad eandem melodiam. Huic rei jam se iterum admiscet illud placere vel displicere; nam vel idiota, percussa corda æquabilissima, sibi hoc placere dicit. Si chorda ubique æque crassa sit, ejusdem den-

sitatis, texturæ, subtilitatis, intorsio- nis, dicitur *chorda pura*, quia dat so- num purum, uniformem, & qui non turbatur; si non ubique æque crassa sit, vocatur *chorda falsa*, quæ dat quidem to- num, sed non placentem: quando Musi- ci extendunt utrumque extremum, ful- ciunt, retinent & movent, & undulatio- nes sunt æquales, tunc dicunt, *chorda est pura*; si vident subsultus inæquales, tunc illam chordam vocant *disparem*.

Si chordam puram tendunt quomodo- cunque, sonus dicitur esse in Unisono, Quod il- lustrat ex Musi- ca. qui tantum terminus arbitrarius est, unde incipimus fonos sursum vel deorsum numerare; si supponunt chordæ vires tendentes majores, tunc vibrationes fiunt eo plures, prout vis tendens est major; si chorda subtilior, tanto plus recurret intra idem tempus; si crassior, ratus: si chorda ita tenditur, ut ejus vices sint unum, & alia ita tenditur, ut ejus vices sint duo, tunc in potestate prioris chordæ est, movere secundam, ita ut si una moveatur, altera non possit quiescere; si per pedem distent, & plumula inponi- tur chordæ non attractæ, mota priori chorda plumula a secunda diffilet.

Si chorda secunda directa est in quintam, tertiam, majorem vel minorem, res est eadem; sed in prima & secunda motus ille manifestissimus erit. Ergo quod nos harmoniam dicimus, sive concentum duorum tonorum, est tan- tum illa resiliatio & concordia vibra- tionum sæpe repetita intra idem mini- mum temporis spatium. Mirum est, quod superior sonus nunquam afficiat sonum inferiorem; nam octava superior non movet octavam inferiorem, sed inferior movet superiorem. Videantur, quæ SAUVEURIUS demonstravit in *Hi- storia Academiæ Regiæ Scientiarum*. A primo fono audibili ad summum usque videmus omnes has enumeratas consonantias.

Hoc dum viderunt Philosophi, di- xerunt, invenimus, qua ratione nervi possint affici in cochlea nostræ auris, ubi tot nervi tensi sunt supra lam- nam tinnulam: sed de repercussione vix aliquid dicere valent, nisi quod jam dixit PYTHAGORAS, esse hic ali- quid divini. Explicant quidem, quid in

in rerum natura fiat; sed quando Mathematici demonstraverant, quod inferior octava pulset superiorē, superior non moveat inferiorem, subsistebant: ergo in rerum natura respectu sonorum est lex, experimentis demonstrata, quæ ut principium primum assumptum explicat nihil.

In testudine, *Luit*, sunt viginti chordæ; si eas harmonice tenditis, ponitis ad aurem concordantes; si pulsatis chordam inferiorem, omnes vibrantur; & si plumulas injicitis, una tacta omnes rejiciunt plumulas; si percutiatis Bassum, oritur sonus gratissimus in aliis chordis intactis; nec tantum chordæ resonant, sed retinent etiam motus impressos a chorda prima; ergo chordæ sive per duritatem, sive per tensionem, accommodatae sunt ad certum vibrationis motum; nec chorda ipsa fabricat suum sonum, nam suffocetur campana, tunc non auditur: & quoniam sonus spatio minuti secundi perambulat 968. pedes, hinc infiniti sunt sonus, dum auditur una vox; si chordæ quædam sunt longæ, aliæ triplo longiores, aliæ adhuc magis longæ, tunc omnes chordæ tensæ in proportione harmonica consonabunt: ergo unus homo respectu cujuscumque soni, vel respectu alterius sonantis, est quasi machina obsequiosa resonans: in hac Sympathia semper est placere & displace; si chorda ex argento vel cupro æquabiliter ducta supra quocumque instrumentum harmonice tendatur & percutiatur, sonus, si purus est, placet; & hoc placere trahit homines supra omnia, ita ut hinc dicantur incantari; imo sylvæ, quercus & bruta sequi perhibentur: dum Orpheus cantat, queruum fibras facit resonare, ipsique tigrides & leones demulcentur illo sono. Pica & Psittacus in loco clauso & tenebricoso audientes sonum harmonicum statim imitabuntur, & brevi pronunciabunt humanos quasi sonos, imprimis si non audiant altos, & maxime, si pabulum illis præbeatur ad editum tales sonum.

Tom. II.

De gustu, odore &c. nihil addo: credo, quod saccharo gustato a variis linguis æqualis sit consensus; & ut diversi modi sunt in Musica, qui diversis placent, sic in olfactu, gustu &c. etiam obtinebit.

Si jam rogatis, quare illi soni moveant corpus quiescens, nil aliud respondeo, quam quod invenimus legem hanc a CREATORE latam nuanquam fallere, nec tamen posse explicari.

Est etiam in sensorio communi, certa ratione affecto, facultas excitandi aliquos sentiendi modos, vel animi affectus, qui dominantur in totum hominem, & qui affectus, vix summa ratione regendi, eoducunt totum corpus, ut fiat sanum vel ægrotum ex prædominio hujus affectus; & hac ratione sumus pars humanitatis, ita ut nolentes volentes patiamur illud, quod alias patitur. Virum novi, de quo vere dici poterat, quod esset justus & propositi tenax, nec ullo metu intrantis hostis, vel mobilitate vulgi frangeretur, ille invitatus Amstelodamum videbat ea occasione in theatro scenico personam, qui repræsentaret Agamemnona, cum unica ejus filia immolaretur; certe vir, cui haec partes demandatae erant, celebris Adamus Caroli ad illud quasi a natura videbatur factus; ita ut ille Philosophus postea mihi fassus sit, simulac videret hominem ingredientem cum tali facie & gesticulatione, antequam verbulum adhuc loqueretur, gelidum cucurrisse per ossa tremorem; sed quando incipiebat loqui, tunc magnus noster Philosophus lacrymabatur, licet huc venisset, ut ineptias & figmenta aliorum rideret. En! hic ostenditur res falsa; animus ad gravitatem est compositus, & talis vir tamen permovetur!

Narratur etiam, quod in Graecia in scena fuerit aliquis, qui partes ageret Orestis, cui magna fortunia sine ulla culpa contigerant: tragicus, qui ejus calamitates doleret, probe sciens, quam delicati essent Athenienses, & desperans fere hunc populum movere, sumxit urnam teralem, in qua recondebantur cineres unici

Animi affectus ab hac causa fiunt,

E 3 sui

sui filii, quem olim amiserat, eamque amplexus est; hinc propter proprii casus memoriam ita partes suas egit, ut omnis populus fleret instar pueri; nec reperiatur ullus, qui resistere posset.

Hæc humanitas tanta est, ut obstinatissima consilia sèpe invertat. Narratur de THEODOSIO MAGNO, quod, cum majora tributa imposuisset, tantus factus sit ab Antiochenis tumultus, ut ipsas statuas dejiecerent, imo legatos occiderent; illi cogitantes, quid fecissent, & cum quo rem haberent, mittunt legatos ad Imperatorem, sed qui illis nil respondebat; hinc primus ministrorum commiseratione ductus, excogitavit, quod pueris, qui solebant symphoniam canere, dum Imperator assidebat mensæ, tradiceretur tabulatura lacrymabunda: dum incipiunt flebile carmen, Imperator nihil tale expectans poculum jam irrigavit suis lacrymis, nesciens adhuc, cur hoc faceret; sed quum pueri pervenissent ad acmen, Imperator nullo modo se cohibere potuit, & ita movebatur hoc cantu, ut, licet remittere non soleret, jam tamen nullum sumeret pœnæ genus.

Attendite nunc, quanta sit in hominibus diversitas; nam si hæc facta sunt in illis, qui omnia spernunt, quid fiet illis, qui cum ridentibus illico rident, & lacrymantur cum flentibus? quid fiet in teneris virginibus & fœminis, quæ respectu nervosi generis sunt merae machinae? Hinc videtis quot morbi nobis in praxi toties occurrant, qui oriuntur a solo hoc principio sentiente turbato, ubi tamen totus morbus creditur corporeus esse. Hinc fiunt motus in nostro corpore, qui in tota rerum natura non existerent, si hæc facultas sensorii abesset, qui tamen motus sunt majores. quam omnes motus cogniti: videte millesimos homines in acie, millesimas machinas bellicas, hæc omnia, quæ momento ante quiescebant, moventur ad unum militare verbum: nihil est, quod silet; & causa physica tantæ mutacionis est cogitatio Imperatoris; fiat mo-

tus! si quis incipiat oscitare; pigratiam quasi exprimens, alii etiam oscitabunt: hic est sympathia tot musculorum, quorum nullus quiescit; nulla gutta sanguinis vel liquidi nervosi, quæ non accipit aliud motum; nec alia causa est, nisi tantum hominis oscitantis aspectus.

Sedeat quis ad Regis mensam gravis; joculator invito extorquet risum; dum unus ridet, ridebunt omnes alii: tussis violenta si fit ab aliquo homine, nullus est, quin nixu quodam conabitur juvare suum amicum. Est ergo in homine facultas per experimenta cognita, sed cuius causa est inexplicabilis, per quam unus homo componitur ut alter. Hoc vocamus *Sympathiam*. Nullibi hoc mirabilius appetet, quam in Musica.

Constat nobis, quod, dum homo format A, tunc fiat expulsio aeris per glottidem, angustetur pulmo & thorax, mutent locum costæ, sternum & musculi abdominales; musculi dirigentes aperturam rimæ glottidis ducunt eam ad certum intervallum; tunc adhuc debent moveri Uvula, musculi labiorum, palati penduli &c., si tamen homo dicat A, infans nullo modo gnarus imitatur perfecte, & accommodat omnia sua organa, ut etiam dicat A: hic simplex tantum auditur sonus, & ad eum requiritur tanta potestas, quæ tamen est in omnibus, qui hæc organa bona habent; & homo per hanc facultatem omnes has partes, uno momento, sine ullo Doctore, movet simul, & tam exacte, ut nullus unquam Mathematicus hoc melius posset imitari. Pueri sub ferula vineunt metum, & abstinere se non possunt, quin rideant, modo unus in angulo sedeat, qui illis arrideat. Dum in moribundis auditur inconditus ille & molestus sonus, qui oritur, quando humores non amplius pertransiunt pulmonem, & miseri illi adhuc luctantur, ut cum propellant, expertus sum, quod illos quasi vellem juvare, licet scirem, omnem meam operam fore inanem.

Attendite iterum ad mirabilia soni

Mira organorum vocalium Sympathia.

ptitudo ni Musici : sit linea recta ita divisa ad artem Musicam sa , ut omnes soni possint percipi . An ullus audibet dicere , quod lineam rectam , pollicem vix superantem , possit dividere in nonaginta partes æquales ? atqui glottis nostra non est major ; audit puer A in basso , & consonat , quod non faceret , si hæc organa millesima parte minus tendere ; ergo habet potestatem in musculos dilatatores glottidis ; nam aliter non posset cantare , licet vellet : hinc videtis , artem musicam naturaliter implantatam esse huic puerο ; quod omnes artifices nunquam possunt facere , ille facit melius , tendens suas chordas ad consonantiam perfectam sine ullo vitio ; nec hoc tantum facit , sed tendit etiam ipso momento membranam tympani , ut hæc etiam consonet cum sono magistri ; si enim surdus esset , ille sonus ipsi esset nihil : membrana ovalis ad fundum stapedis debet etiam consonare cum membrana tympani ; hinc ossicula in tympano per suos musculos etiam moventur : quod adhuc majus est , possumus imitari grunnitum porci ; tentavit AMMANNUS , an organa vocalia , exempta ex corpore animali , possent edere talem sonum , sed frustra ; dixit ergo , in homine aliisque animalibus est principium vitale , quod dum præfens est & operatur , totam compaginem facit resonare , si vero absit , auditur quidem aliquid ; sed nihil determinati ; & per illud principium puer indoctus facit illico , quod Musicus fieri vult , & facit perfecte . Ergo illud , quod vocamus Humanitatem , habet obscurum aliquod principium , sed quo principio tamen nihil est promtius , quod nobis obediatur ; hoc operatur solo nutu nostræ mentis , & quidem tam cito & tam certo , ut nihil possimus addere , nihil corrigere . Mirabile est , quod non tantum in his , sed & in aliis motibus Doctor & discipulus æque gnari tamen faciant idem . Mater tenens infantem famelicum in gremio pulteru offert ; infans respicit matrem disponentem os , quasi pul-

tem caperet , & statim imitatur : agnoscimus hic institutum Naturæ ; cæterum scimus nihil.

Recte itaque dixit HIPPOCRATES : unus fecat , alter trahit ; nullus scit , quid faciat ; sed Naturæ instinctum prosequitur uterque .

Legitur in actis Britannicis mirum exemplum hominis , qui parvus Sympathie ex- quidem & macilentus , functiones ta- emplum- men omnes optime peragebat ; sed ab infantia fuerat obnoxius tantæ Sym- pathiæ , ut illico deberet imitari omnes motus , qui ab aliis edebantur , idque sine ulla voluntate , imo con- tra voluntatem ; hinc per plateas in- cedens cogebatur solum respicere , oculis clausis in sodalitio sedere , vel faciem a sodalibus avertere ; si vi- deret hominem caput moventem , ip- so momento movebatur etiam ejus caput ; si videret hominem ridentem sine sono , illius os etiam ridebat ; si quis deterget caput , ille etiam ; si quis saltaret , ille etiam : uno verbo , quocumque videbat , hoc ex- primebat ipso momento contra vo- luntatem : si amplesterentur illum , & constringerent brachia ; & ille tunc videbat gesticulatores , motus suos edentes , luctabatur & sentiebat etiam motus summos , nec superare poterat ; rogatus , quid facheret , dixit se nescire , sed ita a juventute sua assuetum esse , & precebat , ut liber relin- queretur , quia caput ipsi ab illis motibus dolebat , & animo summo- pere perturbabatur ; & homo ille ab his motibus æque lassabatur , acsi eos libere fecisset . Videte igitur , quomo- do homo factus sit ; quas facultates habeat ; quomodo consonet , patiatur , ducatur , sape absque scientia , cogni- tione & voluntate , imo contra vo- luntatem , ad quæcumque .

Ex his apparet insignis mutabilitas in homine respectu sympathiæ ; nam nos omnes habemus etiam chordas no- stras , & bene dictum est , quod homo constantissimus omni mutabilitati sit obnoxius , si modo corda tangatur ; si eadem corda , quæ in deliro percu- titur , in alio etiam percuteretur , unus

delirus foret ut alter. Si per superbiam non velimus celare nostra vitia, fateri cogimur, tantum esse in nonnullis ex cessum Sympathiae, & tunc saepe apparent morbi summi, ubi nulla causa corporea adest: sic invenimus saepe oppressionem pulmonis, dolorem vesicæ, adeo ut ab hac Sympathia multi morbi pendeant.

Vocor nunc, ut adstruam energeti-
Effectus cam partem hujus impetum facientis,
inde nat. ut nobis pateat, quod talis potentia
sit in nostro corpore, quæ excitat in
nobis motus non creditos. Hanc voco
Potentiam mutandi, hærentem in fa-
cultate illius primi mobilis.

Philosophi putant, se in musæo se-
dentes, & assumentes pauca principia
universalia, posse explicare causas mu-
tationum in rerum universo; sed hæc
fere nihil juvant. Narravit mihi vir
militaris, qui præsens fuerat, quum
Rex Galliarum devastaret Palatina-
tum, quod viderit turrim pulcherri-
mam suffosam, cui substernebatur
pulvis pyrius, & apponebatur horo-
logium, quod certo tempore demitte-
ret silicem in incudem chalybeam, ubi
pulvis pyrius esset, ut exsiliaret tur-
ris; ille curiosissimus, quid fieret,
sedet e longinquo intentis oculis; elap-
slo tempore, in horologio notato,
uno momento fit fragor, elevaturque
grandis illa moles recta sursum in ae-
ra, & concidit in millions fragmen-
torum. Comparete hoc exemplum
cum exemplo Imperatoris quieti, stan-
tis, cogitantis, dicentis, aggrediami-
ni, quot millions motuum hic fiunt,
& quot millenæ cogitationes præive-
runt! vult, ut post tot minuta turris
cadat, & cadit; & hoc totum pende-
bat a motu, quem volebat fieri, &
quem determinabat ad hoc vel illud
tempus, quo sciebat, quid pulvis py-
rius faceret. Videtis, quod homo sit
creator quidam, efficiens actiones,
quæ prius non existebant, nec con-
tingissent, nisi illud principium, vel
potestas excitandi motum, illas exci-
tassem: hæc res inseparabilis est ab hu-
manitate, & naturæ latentis proprie-
tas certissima.

Si quis per suam intelligentiam mo-
tum concipiatur, quem vult fieri in suo
corpore, & veniat ad illud momen-
to, & dem uno momen.
tum temporis, quo voluit motum e-
xistere, statim existit motus.

Antiquissimus scriptor, inter mortales nobis notus, ait, DEUM dum crearet non existentia, mox fecisse existentia, fiat lux, & erat lux. LONGINUS & alii scriptores non invenerunt simile aliud tam sublime scriptum; vocat res non existentes, tamquam existerent, dicit PAULUS.

Simile quid liceat dicere de homine; dum dico, tollatur pileus de capite, tollitur: quomodo hoc fiat, hæret in abyssu, sed quotidie fieri videmus.

Potentia hæc excitatur aliquando a sensorio communi, nam ibi origo est & terminus; sed aliquando prævia voluntate, menti præcognita. V.G. Cogito nunc, quum sonat Horologium Academicum, exibo; non amplius hac de re cogito; simulac auditur hora, tunc demum fiet determinatio, & a prævia voluntate excitatur motus.

Quænam est causa prima, quæ in corpore organico facit hunc motum? Nec sci-
mos hu-
jus effe-
ctus cau-
sam.
Vultis, ut moveatur brachium; scitis, vos hoc velle; hoc est simplex spirituale; sed simulac hoc vis, nascitur motus corporeus, ac si a causa mechanica esset natus, qui se diffundit per totum brachium, omnesque ejus musculos mox moveri facit. Quid est primum, quod hic mutatur? quid est illud, quod mutat? En causam! en instrumentum! Instrumenta sunt illud primum, quod movetur, & per quæ delatio fit corporis quiescentis ad destinatum propositum; sed quare hinc fit effectus, quem ars præscripsit? Hoc æque ignoramus quam Chinenses, quando Europæi primum horologium Imperatori dederant; credebant tam certo, facultatem conscientiam intus hærere, ut hoc non potuerit illis eximi: sed simulac artifex evolveret omnia, & demonstraret, quomodo index moveretur, tunc intelligebant totam rem.

Ignoramus etiam perf. & modum; Modum.
putaverunt Philosophi, quod pos-
sent

sent intelligere ex suis ideis cogitandi, quid esset motus; sed omnes, qui bene considerant, credunt hic esse ens aliquod actuosum: sed rogati, quid illud sit? non respondent, nisi quod hoc corpus nunc ibi sit, nunc alio loco: quid autem sit illud reale, ad quod illa translatio successiva fit, ne-sciunt.

Instru-
menta.

Ignoramus quoque partes, quæ eo requiruntur; & tamen facultas effe-ctrix est tam certa, quam quid fieri potest. Cogito v. g. ubi occiput est, volo esse frontem; ignoro, quæ huc requiruntur, sed adeat facultas latens, quæ hoc facit, & si voluntas ita ve-lit, efficaciter. Sit puer triennis in-structus ingenio, & educatus, ut com-mercium linguæ habeat; dic illi, pro-nes manum; dum audit loqui de ma-nu, novit, quid dicas, sed non in-telligit, quid sit pronare, hinc non-dum vult; dic iterum, facias, ut pars cava manus converfa sit versus terram, haec tenus non percipit; sed dic, ponas ita, simul hoc ipsi mon-strans, illico faciet. Videtis hic, quid sit illud velle; puer nescit, quid sit pronare, quid supinare; sed novit, quid sit manus; videt, te manum tuam ita tenere, & illico non deli-berans tenet eodem modo; ergo vo-luntas tua habet efficaciam in ejus voluntatem, ut ita agat: videtis hinc, quod constitutum sit in rerum natu-ra, ut excitetur motus, cuius causa, instrumentum, modus, partes, nullo modo ideam imprimant intelligentiæ nostræ: hæc imperia sunt communia omnibus hominibus, & hac ratione in recens natis voluntas ita acuitur, ut perfecte imitetur, prout velis, modo sciatur, quam partem velis sic vel ita moveri.

Ducimur hinc, ad intelligendos mi-rificos effectus, qui ab illa facultate fiunt; si mater grida absolute appetat pyrum, & aliis abstulerit, & illa irata manum applicuerit lateri, ibi lo-ci enascetur figura pyri in puero. Mille morbi sic fiunt a solo corpore per animi affectus turbato; a fortí impressione illico scirrus oritur in

mamma. Explicui nunc; quomodo voluntas faciat oriri motum in senso-rio communi, non ex intellectu cau-sæ, sed ex intellectu ligatorum inter se symptomatum & effectuum; haec mirabilia quotidie videntur, sed non satis atterte considerantur.

Aliquando fit ille motus absque ul-la omnino voluntate prægressa; & fit tamen, ac si voluntas prægressa fuisset. Enī homo jacet perfecte apoplexicus, palpebrae sunt clausæ; totum instrumentum, quod palpebras clau-dit, est musculus orbicularis, sive constrictor palpebrarum; si illas vi a-perias, & apponis candelam ante oculum, pupilla manet æque aperta: sed dormit puer profundissime, & blande deducis palpebras; simulac lux ingre-ditur, illud nigrum pupillæ, antea magnum, mox fit minimum, & in-fans evigilat: si quid magnum rui-turum sit, mox clauduntur & hac ra-tione defenduntur oculi: milites exer-citatissimi nictitant ad instantem i-ctum; hoc potest fieri per voluntatem, nunc fit sine voluntate, & de-pendet a causa vix explicabili: possum palpebras claudere & aperire quando volo; sed in apoplexia, in qua pupilla non movetur, vigilat tamen custos constrictor oculi, cumque claudit: videtis ergo, quod multi & magni motus certa creati corporis lege a sen-sorio communi sine præcedente volun-tate oriuntur. Si quis igneum glo-bum videat manui imponendum, illico manus retrotrahitur, si datur libertas: si manus hæret in tergo, & quis glo-bum calidum admovet, statim manus retrotracta est, antequam deliberes, an eam retrotrahere velis, nec ne.

Princeps magnanimus convivio ex-cipiebatur a Duce bellico marino, qui signum dederat, ut omnia navis tormenta exploderentur; dum bibe-retur, uno momento fit fragor, quasi navis exsurgeret in aera; prin-ceps extimuit; deridet dux navis bellicæ hominem meticulosum, sed & ipse omnino perterritus erat: ergo tota nostra machina agitatur ad mor-tus quosdam, ut longe aliud quid fiat,

Nec
unt hæ
semper
jussu vo-
luntatis.

fiat, quam antea. Hos voco motus secundi generis, qui in nobis non erant momento antequam excitarentur, quia causa determinans non praexistebat: si enim fuisset momento ante, debuisset praestare suum effectum: si dicitis, motus fuit, sed aliter determinatus, manet tamen eadem ratio: sto quietus; volo, ut totum corpus in musculis arbitrariis tensum sit, hoc fit uno momento: ergo illud simplex *Volo* facit illico existere extremas æque ac propinquas partes in alio motu, & illa causa physica, quæ hoc facit, non exstigit antea, nam aliter habuisset suum effectum. Illustravi hoc exemplo turris, in Palatinatu elevatae, ubi mens determinaverat tempus, quo exsiliret: certe illa causa non exstiterat, nisi in cogitante principio, quatenus vult voluntas, ut sit: & scimus etiam, pulverem pyrium fecisse illum motum: ergo motus, quem facit homo, pendet a compertis, sed incognitis naturæ viribus, & potest tantum determinari ex effectu, non ex causa; & principium illud motus primum & materiale est adeo simplex, ut solo imitamine potius intelligatur, quam ullo ratiocinio: ergo motus ille originatur ab illa nervorum parte, a qua prima determinatio fit, & unde executioni mandatur uno momento: ergo hic motus genitus, a voluntate factus ad ideam in mente praesentem, fit a causa momentanea. Constat, quod tempus sit mensura existentia rerum respectu durationis, & quod omne tempus possit dividi in tempora minora; illud vero dicitur momentaneum, quatenus sit sine ulla successione respectu nostræ cogitationis.

Sed quasi unico a. sti. Certum est, si homo cogitans de uno objecto totus occupetur, quod non inveniret tempus; sed inveniret tantum nunc, quod non compararet cum praeterito vel futuro: ergo hic motus fit uno efficaci actu, nam dum volo dicere A, nullibi est minus successiva cogitatio; fit individuo actu, id est, ex nullis partibus composito; vis dicere A, dicas illi-

co; non ratiocinaris, sed debes tantum praesentem habere ideam soni A, & ad illam ideam jubes; est quasi creatio; fiat, & est: fit efficaci actu, qui facit illud esse, quod vis; volo extendere ambo brachia, naturaliter debet sequi effectus, simulac primus actus in principio volente natus est: hoc actu momentaneo movetur corpus universum; pantomimus in scena potest stare quasi conversus esset in lapidem, nullum motum facit, omnes artus manent instar statuæ; non est ulla pars, quin eidem huic actui illico pareat; sed ut unus articulus ita maneat, requiruntur tot instrumenta, ut incredibile sit; & homo ille tamen illico ad nutum voluntatis totum corpus ita dirigit.

Hoc actu moventur etiam singulæ Summa voluntatis efficacia. partes, nam possumus motum determinare, ut puer v. g. tantum extendet digitum medium: si monstres hoc, vix videt, quin statim digitus ejus sit extensus: hic puer creavit motum, determinavit ad unam partem distinctissimam, non mota alia parte; & hoc actu moventur partes simul vel successive: potest homo uno momento totum corpus mutare in omnibus partibus, nulla excepta; nunc currere, nunc saltare, nunc uni tantum pedi insistere, nunc uno pede prossilire, prout sibi imaginatur. Rogo nunc, quid est, quod hanc efficaciam praestat? Novisisti nunc effectus & concurrentes causas. Illud, quod hoc facit, non est illud intelligens, nam puer non intelligit; sed accedit *Velle*. Habetur idea manus in quounque situ positæ; possum cogitare, possum velle sine imperio mentis sequente. Sed quid hoc est, quod in te fieri deprehendis, dum vis v. gr. manum hoc vel illo modo positam? haec res est valde simplex, haec potestas notissima, & tamen latentissima; non potes negare, quin fiat, sed non potes dicere, quomodo fiat, & quid sit, in quo nunc differt illud efficax: certe debemus dicere, nos hic nihil scire: volo, ut manus hic sit, & est: nunc cogito idem, & non est. Exam.

minate, quid accedit, dum manus ibi est. Nihil videtur clarior, nihil est obscurius.

Motus ille semel impressus conti-

Duratio
hujus ef-
fectus. nuari potest per primam illam causam; cogitat quis negotia habeo; cras pedibus ibo Hagam; dormit, expergitur, jentat, accingit se ad iter, ducitur Hagam, toto die non amplius de pedibus cogitans, non errat de via, & vesperi incedens per plateas obscuras, cogitat ædes, quo se vertat, & pedes eo eum ducunt: dedit tantum primam illam directionem; & hoc sit tam certo, ut omnis vis societatis humanæ inde dependeat.

Quantitas motus, a primo conceptu sic natus, est plane incredibilis; sufficit homini semel cogitasse, ibo Hagam vel Amstelodamum. Novi hominem in hac urbe valde alacrem, qui sæpenumero matutino tempore pedibus ivit Amstelodamum, collocutus est ibi cum Mercatoribus in loco, dicto *de Beurs*; tunc se iterum conjecit in pedes, & noctu iterum in proprio suo lecto cubavit; sine hoc proposito nulla fuisse motus quantitas, nunc a prima cogitatione generatus motus perstat in sana machina.

Motus sic natus mutat omnes partes firmas æque ac fluidas nostri corporis. Constat per experimenta, medullam in ossibus animalium valde agitatorum penitus fuisse exhaustam, & in ejus loco inventum ichorem serosum; quiescat vero animal, omnes ampullæ iterum implentur oleo medulloso; ergo omnes partes per motum mutantur; & hæc mutatio potest fieri per omnes morbos cognitos ad mortem usque. Sit homo saniissimus & pacatissimus; ejus pulsus, respiratio, calor bene se habent; incipit se movere magis magisque, calet, rubet, & si pergit, venit ad talēm pulsum, respirationem, calorem, colorem, ut in febre ardente; motum adhuc continuans tandem incidit in febrem ardentissimam cum dolore omnium artuum, & moritur: motus hic est arbitrius, sed continuatus, & corpus per-

omnes gradus inflammationis ducitur ad gangrenam & mortem; & omnis ille effectus non habet nisi prius hunc impetum pro sua causa.

Motus ille facit & creat in quibusdam corporibus omnes cognitas literas mutationes, a medicamentis expectatas. En exemplum? homo literatus, utcunque melancholicus, quem persuasum ipsi esset, ut exiceret corpus, incipit se mouere valide, redit domum, nauusat, vomit, alvum depositum; per vomitum evacuat materiam instar picis liquefactæ atram, odoris & saporis horrendi; fit urinæ & sudoris profluvium; per omnia pharmaca, imo per Helleborum ipsum, non potuisses ita fundere humores, quam fusi sunt per solum hunc motum; tantus est ejus effectus, ut quandoque inde fiant alii motus, non coercendi, licet cohbeat voluntas; nam homo hic melancholicus non potuit suspendere hos effectus, sed nolens voluntus debuit vomere; ergo motus hic natus pergit juxta leges corporis genti, nec amplius obedit voluntati, & nascitur talis mutatio, quæ amplius compesci non potest, vel ab ægris vel a Medicis.

Actuofus & sanus hujus Academiæ Quam
funesta; nuncius literas accipit deferendas ad navem, quæ tenderet Ultrajectum; venit ad portum, & soluta jam erat scapha, hinc cucurrit, debuitque longam viam conficere, ut posset citius pervenire ad pontem quandam, & clamare, ut sisterent; tunc tradidit literas, & anhelus redit domum mire perturbatus; quicquid ageret vocatus Medicus, mittens tantum sanguinis quantum auderet, homo moriebatur quanto die febre ardentissima, delirus semper & furibundus. Ergo motus, a solo primo principio excitatus & conservatus, mutavit omnes partes firmas, viscera, vasa, humores, ita ut tandem inde mors secuta fuerit.

Quum maximus NEWTONUS contemplatus erat causas motuum cognitas, ex precedente motu factas, hinc mechanice explicandas, dixit, esse causas quasdam motum generantes,

tes, quarum modos generandi motum nullo modo ex ulla, mechanicis aliisve experimentis possumus intelligere; hinc collegit, non esse semper eundem motum, sed multum perdi, novumque creari: exemplum dedit in effervescentiis, rogans, undenam hæsierent? dum paucæ guttæ olei Cinnamomi & spiritus Nitri, utræque frigidæ & quiescentes, miscentur, ita ipso miscelæ momento moventur & rarefiunt, ut vas fortissimum confractum, ejusque operculum in lacunar projectum fuerit; dixit ergo, latere in rerum natura quasdam causas, quæ motum vel perderent, & suffocarent, vel novum excitarent; dixit ibidem, motum genitum ex tam simplici & non corporea causa, qualis est voluntas humana, tantum esse, quam ab ulla alia causa.

Hæc efficacia extendit se in longin- quum. Hæc causa motus, hæc vis uni homini propria, & intus silens, per commercium societatis humanæ & artium adjumenta potest se propagare per totam tellurem. Unus ferox Tammerlanus facit milenos homines sic parere sibi, ut dictum ejus semper sit factum; sed hoc etiam fit per artium auxilium; si mille libræ pulveris pyrii hæreant in gremio terræ, omnes quiescent; una scintilla ignis incidat in unum granum illius molis, & uno momento sine ulla successione motus gignitur in tota hæc mole, quæ se expandendo omnia disjicit.

In libro dignissimo Clari SINCLAI-
RII de Arte Gravitationis, habetur mi-
rum experimentum machinæ, pulve-
re pyrio plenæ, in profundum mare
demissæ, una cum machina, quæ ad
datum tempus percuteret silicem, &
daret ignem: ubi illud tempus adve-
nerat, non audiebatur sonus, sed mu-
gitus, nulli rei comparandus; eleva-
batur mare, & producebatur fumus,
adeo ut e longinquo horrerent omnes:
hæc dico, ut discatis, in mole quie-
scente ab uno corpusculo addito, fi-
ne quo quievisset in æternum, tan-
tum motum posse excitari, & omnia
obstacula removeri, ita ut in exem-
pto ante dato tota turris in altum e-

levaretur. Quando hæc artes per exper-
imenta stabilitæ sunt, id est, quando industria humana indagavit causam creationis occultam, hæc non habet fundamentum, nisi in experimentis; & homo per vim suæ voluntatis, cum his artibus conspirantibus, tam immensas potest excitare vires, ut plane incredibile sit, & nemo mortaliū concipere possit effectus, qui inde derivantur. Ab omni ævo notus fuit pulvis carbonum, qui non exusti nigri sunt; si huic in pollinem contrito, apponatur scintilla ignis, ille depascit lentissime illum pulverem, carbo sustinet per aliquot horas æquabilem ignem, & relinquit cineres albos: notum etiam fuit, sulphur ardere ad ignem; sed quam lentissime, uti patet in ellychniis; notum fuit, nitrum hodiernorum fusum fluere in crucibulo instar aquæ, sed flammarum non capere, nisi aliud corpus sulphureum addatur: sed nemo noverat, pulverem ex his tribus compositum tam immensas habere vires omnia displo- dentes; ergo hæc vis latens in his tribus corporibus non nisi in combi- natis his corporibus est observanda.

Sed ex his cognitis videmus, Sen-
forium commune accipere hac ratio-
ne potestatem motum generandi non
tantum in suo corpore, sed etiam in Vis illa se exten- dit ad alia cor- pora.
multis aliis: factum hinc est, ut ho-
mo misella illa bullæ, saepe ab alieno arbitrio pendens, se tandem erexerit in Imperatorem, ita ut superbissimus CAJUS CÆSAR dixerit, volo a me exire omnia. ALEXANDER MACEDO, ex parva regione ortus, sed in magnum imperium proiectus, erigere se voluit in ipsum Deum, hac parte tamen infelicem se dicens, quod liberos tan- tum posset procreare, non Deos.

Dum legimus tales nugas hominum, videmus verissimum esse, quod nihil sapientius, & simul nihil stultius sit ipso homine. Qui studiis sapientiae dabant operam, ad eam etiam perver- nerunt dementiam, ut putarint, se ex paucis suis ideis posse statuere univer- sales regulas physicas, & comprehen- dere DEI majestatem & potentiam;

hos

hos equidem ipso ALEXANDRO, qui Jovis filium se esse dicebat, stultiores esse puto. Pudeat homines tantillos, tantillam partem telluris inhabitantes, quæ tellus tantilla pars est respectu reliquarum planetarum, pudeat, inquam, illos de his omnibus velle definire.

Videmus potestatem alterius hominis esse eandem ac nostram; sit ergo ab eadem causa: sed qui nobis hanc potestatem dedit, quantas vires habet! quam adorandus, quam amandus est! summa hæc Causa, quæ omnia donat viribus, ex aliis causis non deducendis, una, simplex, eadem, a nobis non cognoscitur, sed adorari se patitur; & in eo nostra felicitas est, quod tantillus pulvisculus tantum possit affequi de illa Causa, ut gratias ipsi agat, quia nobis tantas facultates dedit. Didicimus ergo ex humanitate nostra aliquid boni pro ipsis moribus; experiuntur vero ægri in se & Medici in ægrotis, impetum sensorii communis saepe tam effrenem esse & indomabilem, ut tendat in nostram destructionem; nec domari posse nisi inducto somno vel corpore debilitato utrisque viis ad mortem ducentibus.

Somnus olim jam vocatus fuit *soror mortis*, nam quum Philosophus centenario major videret se morti propinquum, dixit, video sororem unam alteram brevi visuram; est extinctio illius vitæ, quæ a principio impetum faciente pendet; ergo per somnum Medicus directe imperat, nec minus per debilitatem, quæ si fiat ex defecitu virium, tunc pars est *imperialis* sine ulla molestia, & *paralysis* est mors, & *suppeditatio cordis*; & sic tandem obtinetur quies, quam obtainendam imperat effrenis motus.

Quanta autem prudentia opus est, ut Medici his binis auxiliis utantur! nam si in motu melancholico dederis viginti grana opii, nihil sopitur, imo impetus fit quandoque major; sed si alio tempore eidem homini dederis granum unum, inde dormiet.

Vocatus fui in consilio cum clarissimo Collega ad nobilem foeminam

melancholicam; speravimus, rem in melius reduci posse, si perturbaretur totum corpus; conclusimus debere dari vomitorium fortissimum; sed grana novem Mercurii vitae efficiebant nihil; quum autem valde esset famelica, dedimus cum pane: contigit, ut ipsius pedissequa, dum repurgat mantilia, miculas deciduas hujus panis comedebat, unde illa ita commota fuit, ut vix potuerimus fistere; eadem illa ægre, dum sana erat, solvebatur a paucis granis Scammonei: hæc quum ita se habeant, & sint tantum duo illi modi, debemus esse patientes, ne illico ad opium vel missionem sanguinis confugiamus: monuit enim SYDENHAMUS, quod si in furoribus temere mittamus sanguinem, homo quasi puer fiat sine ulla memoria & affectu, vivens tantum instar statuæ.

In morte summa est debilitas & somnus perpetuus; in morte principium illud sentiens, impetum faciens, affectus creans, fugit observationem nostram: jaceat cadaver sub aquis, educatur inde adhuc recens, adsunt omnia quæ ante, sed nullus est motus, nullum est principium sentiens; nam si clames ad aures, auditur nihil; pupilla non amplius contrahitur; principium impetum faciens etiam desinit, nam licet omnes musculi & vasorum adsint, non appetat causa, quæ excitat motum.

Docuerunt *cumen* observationes, quod talis homo, sex horis submersus, resupinatus, dolio inpositus & agitatus, emiserit ex ore aliquid aquæ, & in vitam redierit, hac restituta sunt iterum omnia, ut ante, & adest principium sentiens, movens & affectus creans.

Ergo mors est evanescentia perpetua illius principii sentientis, motum existantis, & affectus creantis: sed principium illud intelligens & volens potest manere in paralytico, æque ac ante; ergo non evanescit, licet sensibus non appareat, ergo potest etiam manere post mortem; nam non erat illud, quod per sensus vel ima-

Affection
ad
Causam
super-
mam.

Potestas
artis ad
sopien-
dum ni-
rium im-
petum.

imaginationem agebat: an ergo de-
structum sit, nec ne, nullo novimus
experimento; sed hoc scimus, in sub-
mersis, qui revixerunt, resuscitato
corporeo cordis motu, rediisse omnia.

**Principii
impetus
facientis
ulterior
contem-
platio.**

Dico nunc porro, quod homo non
tantum habeat imperium in suum cor-
pus, sed etiam in alia corpora, tam
per mirabilem illam solisque exper-
imentis cognitam Sympathiam, quam
per commercium humanum, quo per
externa indicia possum facere, ut u-
nus eodem modo cogitet quam alter:
scimus enim, quod cogitata nostra
abscondita alteri patefaciamus per li-
teras, ita ut illi, ad quos literæ dan-
tur, iis receptis, idem cogitent,
quod nos tunc temporis cogitaba-
mus.

Dixi jam de tumultu, qui ex prin-
cipio sentiente exorbitante exoritur,
& de remediis illud sopiendi; & vidi-
stis, quod principium illud sit invisi-
bile, nec ullum amplius signum det
in corpore, dum mors est. Quum
SOCRATES biberet cicutam,
rogabat amicus, quomodo te sepelie-
mus? ridens ille respondit, fallimini:
vos, qui putatis SOCRATEM
inventuros, non me invenietis, sed
carcerem meum; faciat ergo, quod
vultis. Melius longe egit, quam
DIOGENES, qui idem rogatus
dicebat, relinquite me; quum illi
objiciebant, canes te devorabunt, re-
spondit, apponite itaque baculum:
quum illi urgebant, nihil inde sen-
tias, reposuit, quid ergo macta-
fert? ergo illud, quod cogitat
& recordatur, post mortem corporis
manebit forte idem, & erit longe be-
atus.

Pater, quod tota hæc potestas a
simplici membrana pendeat, nam mi-
nima læsio membranæ tenuis pessun-
dat & invertit totum illud principium,
uti patet in iis, quibus semen Hyo-
scyami vel Cicuta aquatica hæret in
ventriculo; illi enim delirant, carent
principio percipiente, memori, mo-
vente, animam afficiente; sed si vo-
mitorium & bona medicina adferatur
uni parti affectæ, licet totum corpus

patiatur, totum malum statim tolli-
tur; nam si evomitur Hyoscyamus vel
Cicuta, non modo ventriculus est sa-
nus, sed totum corpus. Audiamus
HELMONTIUM patrem, qui
indulxit quidem libidini suæ imagina-
tionis, sed tamen non insanivit ine-
pte, & de quo ante jam vidimus,
quod post gustatum Napellum longe
perspicacius intellexerit & meditatus
fuerit quam ante, sed interim com-
mercialium fere nullum cum corpore
habuit; nec cogitavit successive, sed
quasi in uno instanti.

Colligit inde, quod in corpore hu-
mano, quamdiu homo dicitur vivus,
sint quidam motus, pendentes a me-
ro corpore, ut in vegetabilibus & a-
nimalibus, sed quibus associatur, dum
homo vivit, principium aliquod non
corporeum, quod se ipsum non co-
gnoscit, sed habet tamen illum im-
petum, ut dirigat, moveat, pertur-
bet, sentiat, doleat vel gaudeat; hoc
vocat *Imaginem servitum*, & dicit, quod
hoc principium in homine conetur
regere illud corpus, sed quando non
potest, magnas turbas excitat: causa
illa materialis non faceret morbum, si
corpus esset sine illo principio; Ma-
niacæ datur Opium, nullus fit somnus;
datur Mercurius vitæ ad grana de-
cem, nullus vomitus, nam illud prin-
cipur obfuscatum est zelotypia, & sa-
tagit satis illum affectum, ita ut ad
alia nihil attendat; ergo illud prin-
cipur delirans tunc se habet ut homo
dormiens, qui somniat: dicit porro,
Mania & Ecstasis sunt respectu
illius principi, anædam exorbitationes,
& si principium arbitretur, nul-
lis medicamentis potest sanari, sa-
tis patet in Epilepsia; hoc principium
tamen regimini corporis præfectum
est, hoc est subjectum tot morborum,
sanationum, & actionum medicamen-
torum, quot hic stupemus fieri; hoc
quamdiu suum corpus gubernat ex
condigno, intelligimus cuncta intime
citra laborem, tedium & lassationem;
sed mutato corpore totum impeditur,

Putat ergo, quod perfectissimi ho-
mines olim mente integræ, fine ratio-
ci-

Magna
simplici-
tas hu-
jus prin-
cipii.

cinio; memoria; sensu, cognoverint corporis structuram & leges; hinc quod eo tempore mens illa falli nescia & perspicax, ad haec omnia animadvertisset, simulac aliquid applicaretur, quod illud corpus perfectum mutavisset in imperfectum. Legite tractatum ejus, quem inscripsit *Demens Idea.* Si hoc intimum principium ab omnibus succedaneis spoliatum per se posset sibi nudum, videret omnia simul sine ratiocinio, uti antea de illuminatione dixi. Qui bene intelligit propositionem geometricam, in conclusione clare videt omnia, idque uno intuitu. Putavit ergo HELMONTIUS, hoc intimum principium praesens corporis omne suum vitium in nativitate recepisse, & corpus semper se ipsum esse tuitum; vitam corpoream ergo fore aeternam, si retineretur semper illud, quod corpus posset facere perfectum; sed quum dedisset se aliis contemplationibus, ad perfectionem non pertinentibus, tunc successisse errorum, & hinc nos nihil scire de structura nostri corporis; sed debemus discere per sensus sensim, & magna cum patientia. Hoc principium dixit non corporeum, non spirituale, sed, uti HIPPOCRATES jam vocavit, imperium faciens.

Mirum
eius im-
perium
in corpus.

Certe mirabilia sunt in nobis abscondita, & homo est longe alius, quam vulgo creditur: Effectus nunc, qui ab hoc principio obscuro quidem, sed tamen efficaci, fiunt, sunt animi affectus: dixi jam antea, quod illi concomitantur motum determinatum quorundam spirituum in certis nervis, nunc eos considero ut mutatam conditionem illius principii; nempe in nobis est principium quoddam sentiens, memor, ratiocinans, motum faciens, sed simul est principium, unde in nobis nascuntur mirae & efficaces cogitationes, quae imperium habent in omnes alias nostras cogitationes, & ex quibus non nisi per luctam emergimus. Dicat CATO, senex sum & liber, tunc temporis tamen a filia deprehenditur cum concubina,

quam uxorem duxit; ut auctoritatem suam tueretur. Videmus divum PAULUM conquerentem, quod haberet perpetuum sibi adversarium obliquetatorem in carne, ita ut bonum velit & non possit: hi affectus tantum habent in corpus nostrum effectum, ut omnes omnino morbos faciant.

Scribitur in EUANGELIO, quod ne unum quidem capillum possimus facere album vel nigrum, & constitut Canitie ab animi affecti- bus. tamen homines una nocte ex magno & repente terrore incanos esse factos; quod tamen aliter non sit nisi in senectute. PETRUS MESSIAS narrat in variis suis lectionibus, quod Rex Hispanus suspicione magnæ offendæ jussiterit juvenem quandam celebrem duci in carcerem, qui tota nocte pavore correptus, ubi mane coram judicibus deferebatur, totus canus visus est, ita ut putarent alienum esse suppositum. SCALIGER disputans contra CARDANUM de miris effectibus ex causis naturalibus non indagandis scribit, quod ea tempestate FRANCISCUS GONZAGA, affinem suum, conjurationis accusatum, in carcerem duxit, ut servaret ad supplicium; mane nunciatur Principi, quod totus canus sit factus, qui inde flectebatur quidem, sed ille mansit semper canus.

Idem factum legimus de homine Patavino, qui percepto nuncio, quod sequenti die capite plecteretur, prodibat canus, & venia accepta ita mansit.

Nobilis juvenis deperibat domicel. Iam; reum se facit cuiusdam criminis, quod examinatus confitetur; dum producitur, Imperator putat esse alium, nam erat facie, habitu, & colore pilorum omnino mutatus; re examinata, an forte aliquid veneni secum haberit, invenitur plane nihil, nisi quod custodibus vigilibus assidentibus in summo angore ita mutatus esset: hinc dixit Imperator, quod satis supplicii tulisset.

SUETONIUS narrat de GALBA, accidisse, ut cum provinciam Tarraconensem ingressus sacrificaret, capillus repte toto capite canesceret.

Apud

Apud PLINIUM plura talia exempla collecta habentur. En tantam mutationem uno momento a perturbatione mentis factam in parte sicca, ad quam naturaliter multi anni requiruntur, quid ergo fiet in partibus sensibus nostris absconditis! certe hic latent longe aliæ potestates, quam nobis hue usque sunt cognitæ.

Sequitur comarum erectio, de qua Mutatio apud scriptores antiquos legimus, habitus corporis,

quod in summis animi affectibus proprio motu in parte non mobili fiat: sic dicit Poeta: *obstupui, steteruntque come*. Pallorem faciei inde fieri novimus, sed quomodo fiat, ignoramus, nam vix momentum temporis præterlabitur: dicetis, sanguis retrocurrit; bene, sed quid facit illum retrocurrentem? non quies cordis, nam cor saepe tunc maxime palpitæ.

Fit etiam inde plane contrarium, nempe rubores summi: pueræ bene educatæ, si in consortio aliquid audiant, quod suspicantur dici in ipsas, mox rubræ evadunt.

Quid dicetis de hoc verecundo rubore? CARTESTUS hoc voluit explicare per tubos nervosos & valvulosos, sed majoribus se immiscuit difficultatibus: dicetis forte, hoc fit a sanguine, majori copia in arterias delato; sed cur pectus, cur manus non rubent, & tantum facies & collum.

Cur a minimo animi motu saepe videmus volitantes quasi colores, nunc rubros, nunc lividos, nunc pallescentes? Videmus hinc excuti lacrymas, quas magnanimus nescio quo pretio vellet retinere; ajunt, hoc fieri a constrictione summa, sed quare etiam in gaudio exprimuntur, in quo omnia laxantur? & multi dirissimos affectus patiuntur, qui tamen non lacrymantur.

Fiunt inde labiorum tremores & linguae, nam nulla pars citius ab animi affectibus afficitur, quam organa vocalia: Eloquentissimi inde illico balbutiunt: hinc dixit Poeta. *Obstupui, steteruntque come, vox faucibus hæsit.*

Frigus. Oritur inde frigus momentaneum

tam magnum; ut obstupescamus: Clarus quidam vir, dum studiis nocturno tempore impallescit, audit quasi aliquid proserpere ad lacunar; putat aliquem irrepsisse, sumit arma, ascendit, sed nil videt; stabat in angulo cistella, quam aperit; videt vestimentum ibi hærens ad parietem, & fassus est, gelidum cucurrisse per ossa tremorem, ita ut quasi aqua perfunderetur.

Qui nulla pericula intrepido animo vincunt, a re minima confunduntur, modo sit improvisa.

Fit inde horror, nam non oritur Horror. causa latentissimi contagii epidemici, veneni suscepiti, vel alias cujuscunq; rei, quæ magnam mutationem minitatur corpori, quin statim inde horreat. Dixit mihi aliquis, qui fuerat in loco a peste infecto, ipsi nil mali cogitanti, subito evenisse horrorem, & post horam anthracem pestilentem, unde plane liberatus fuit.

Domina quædam similiter quasi perfusa fuit aqua gelida; mox omnia sic mutata erant, ut incideret in pestem saevissimam: ergo ab EO, qui hoc corpus sabrefecit, præpositus est nobis vigil fidelissimus, quem hactenus non bene cognoscimus. Si inquiramus, quid primo momento fiat, dum homines afficiuntur peste, apparebit, quod multi in initio viderint pulcherrimos colores, ita ut parietes sordidi apparerent tanquam tapetiis instructi; alii testantur, se sensisse suavissimum odorem; alii dicunt, se eodem, quo feriebantur, momento habuisse mirabiles illos concussus & horrores in toto corpore. Omnes hos motus quis exponet?

Hinc fiunt tanti tremores, ut homines constantissimi vix possint poculum tenere, & bibere vel consistere: hinc fiunt tantæ convulsiones, ut infantes inde epileptici cadant: hinc fiunt proditoria & vix celanda suspirria: conversatus sum cum viro sapienti, qui abdita in mente fere semper ex suspiriis concicere noverat. Pater apud Comicum Italum dicit suæ filiæ, amore detineris, nam

nām suspiras : in ira , timore , aliis .
que animi affectibus semper alia at .
que alia sunt suspiria .

Hinc fit cordis palpitatio : sani
Palpitatio non sentimus pulsum arteriarum vel
cordis , sed simulac animi affectus qui-
dam urget , statim fit palpitatio , sæ-
pe somnum ipsum impediens , pulsu
in pulvinaribus ipsis auditō , ita ut
homo , utut se convertat , eum sen-
tiat : hinc forte Græci & Hebræi ve-
teres sedem affectuum in corde po-
suerunt ; nam licet hæc pars videatur
libera ab imperio voluntatis , tamen
non est libera ab imperio affectuum .
Fiunt inde simul polypi , ita ut con-
stet per experimenta , quod homines
a magno terrore validisque animi af-
fectibus per totam vitam laboraverint
intolerabili palpitatione cordis , &
post mortem cor inventum fuerit an-
eurysmate distentum , & polypis con-
cretis quasi repletum ; hinc ergo fiunt
suspiria , quasi horum ope coagula-
tum sanguinem ex arteriis pulmona-
libus vellent expellere . Revera ! ma-
gni animi affectus sunt quasi commo-
tiones cogitationis nostræ ; & valent
in corpore nostro ea peragere , quæ ,
nisi experimentis constarent , nunquam
pro veris haberemus .

**Apople-
xia.**
Hinc fit sæpe apoplexia , & vix
ullus morbus frequentior . Omnia
hic manent integra ; sed illud princi-
pium impetum faciens , sentiens , per-
cipiens & movens aboletur : quum
nunc ex omnibus sollicite excussis
constitit , quod sit unum individuum
principium , quod per motus corpo-
reos ideas novas percipit , quod de-
terminatur ad volendum , quod ex-
citat primos motus ; patet ergo ,
quod commotio summa potest fa-
cere Apoplexiā . Quoties a sum-
mo terrore , timore , tristitia , homi-
nes conciderunt , nec unquam surre-
xerunt !

**Omnif-
que ejus
gradus.**
Hinc fiunt hemiplegiæ , paraplegiæ
& parapoplexiæ ; sic vocatur aboli-
tus sensus , & ablata movendi facul-
tas in omnibus musculis , qui ner-
vos suos accipiunt sub cerebello : ibi
Tom. II.

incipiant nervi vertebrales , destinati
ad artus , & totum corpus cæterum ,
dembris visceribus , quibus dantur ner-
vi ex cranio oriundi : fit ergo Para-
plexia , quando totum sub capite
aboletur : in ea aboletur quidem sen-
sus & motus , sed per vellicationes
pro momento iterum potest excitari ;
hinc est apoplexia spuria ; hæc faci-
lius intelligitur quam paraplegia ,
nam in hoc morbo ægri vident , au-
diunt , gustant , memoriam habent ,
ratiocinantur , sed omnes nervi , qui
sub pari nono oriuntur , afficiuntur .
Vir eruditissimus in hac Academia in
senectute vegeta ab alio offensus ste-
tit , & miras convulsiones accepit in
facie ; primo perturbabatur , sed col-
ligens se , dixit sibi instare attonitum
morbum , quod etiam ita contigit .

Norunt Medici , nil in his morbis
esse pejus , quam si initia talis mali
primo a facie incipient : si homo
concidat , & vultus non valde sit de-
formatus , & oculus aperitur , & lin-
gua recta porrigitur , tantum non est
periculum , quam si in facie & vu-
lto fiant distorsiones ; nam nervi ha-
rum partium oriuntur ex ipso cranio
ante locum , ubi commissio est me-
dullæ cerebri & cerebelli ; hinc sci-
mus ipsum principium affici : plerumque
tunc aliquid turbatum est in
ventriculis cerebri , quod primo pre-
mit nervos in una parte , dein etiam
in alia .

Fiunt inde paralyses , sive resolu-
tiones musculorum cum impotentia
motus & flacciditate ; spasmus vero
est contractio musculi cum inflante
duritie : ab hac causa miri oriuntur
motus sæpe pulsatorii , imprimis in
mulieribus hysterics & viris hypo-
chondriacis ; hinc uni titubat lingua ,
alteri tremit brachium vel pes , &
nonnulli mejunt .

Hæc sunt præcipua , quæ oriuntur
a systemate generis nervosi , quatenus
illud deducitur ad primam suam ori-
ginem in ortu medullæ cerebri hæ-
rentem .

Videtis ergo , quod sine ulla mate-
ria

ria & mutatione humorum possint fieri omnes morbi nervorum ad apoplexiā usque ; & huic subtili se sāpe alia quædam causa physica adjungit , ut docet dissectio anatomica .

An huic singulare vident in cerebro : sed quando homo languet, tunc cavitates seminales per incipiunt coacervare humores sensorialis ? sibus apparentes, qui non apparent in hominibus subito mortuis : in iis enim nulla invenitur aqua, nec in ventriculis cerebri, nec in pericardio, nec in thorace, nec in abdomen, nec in membrana suspidente testes, nec in utero muliebri ; sed ubi languor præcessit, semper illæ cavitates replentur aqua sensibili : verum est igitur, quod dixit HIPPOCRATES ; totum corpus repletur cavitatibus, quæ in sanis continent spiritum, & in languenti bus aquam.

Quando ergo in cadaveribus inventur plurima aqua, non semper licet colligere hanc causam mortis, nam potuit nata esse per languorem morbi, & dudum hæsisse, quia non resorbebatur : ergo apoplexia æque dignit aquam, quam quod dignatur ab aqua, nam debilitate inducta vires vaillantes non possunt diffflare has aquas : ergo potest hic fieri subtilissima mutatio, quæ non ponit corporreas causas. Ubi Apoplexia oritur ab aqua collecta, illi homines primo sunt Lethargici ; sed quando hi morbi ab animi perturbatione fiunt, debilitas inducta est toti systemati .

Hinc videmus, cur Medici in his casibus sāpe omni successu destituantur : si possent corrigere primum illud principium, & efficere, ut facultas suppressa iterum vigeret, possent curare hos ægros ; sed nullum in illud habemus imperium, imo ne cognoscimus quidem. Non possum prohibere, ut quis de nocte aliquid videntis non tremat, non formidet ; possunt Medici mutare aliquid in vitæ instituto, sed non possunt efficere, ut homines ad subitaneum casum non perturbentur, quum ipsi viri constans hoc ferre nequeant .

PARACELSIUS & HELMONTIUS, qui jaetabant, se habere remedia plus agentia quam vulgaria, tamen non promiserunt, se morbos, ab hac causa ortos, posse sanare : pendent enim a tam subtili causa, ac est facultas movendi manum ex arbitrio voluntatis, quam facultatem nemo, illibato corpore, per medicamenta tolleret : hinc HELMONTIUS dixit ; quando apoplexia oritur a superbia ideæ, hanc remedia Paracelsica non curant, nam malum est spirituale ; si vellem hic per medicamenta curare, nova indigerem arte. Si in virgine contemta oriatur apoplexia, adhibe quæcunque velis, non sanabis ; mittite sanguinem, date lætificantia, non operantur, vomitoria non agunt, nam est apoplexia sensorii communis, tandem fit mors subitanea .

Revocemus in memoriam, ut hæc Mors ab utcunque intelligamus, vitam non sentientem æque manere in dormiente quam in vigilante, in Apoplectico quam in fano ; & hominem ratione communis sensorii esse duplicem ; sed quod animi affectus, licet videantur magnæ mutationes in parte illa primaria, sensorio communì, tamen possint efficere, ut illud alterum promptuarium, cerebellum nempe, deficiat. Legimus apud varios auctores multa exempla mortium subitanearum ab hac causa ; nostrum erit amplam hanc sylvam brevissime percurrere .

Non fuerunt cogniti homines magis fortes, quam Spartani & Lacedæmonii. Apud has gentes furtum non puniebatur, nisi quando fur deprehendebatur ; hinc ita educabantur pueri, ut ad omnes dolos essent comparati ; accidit, ut puer abriperet vulpem, & in pera sua reconderet ; herus vulpem abesse videt ; negat puer, se habere ; animal conatur se liberare, & furtum proditur ; rogant puerum, cur non confessus est crimen? Spartanus, inquit, furtum non constitetur, & sic mortuus est .

Pater spartanus videns filium coronari in certaminibus Olympicis, cum amplectitur, & ipso momento cadit mortuus.

SOPHOCLES, qui honoribus celebris fue-

fuerat, sed in senectute pro deliro habebatur, vixit pronunciatus in tragedia statim exanimatus est.

Legimus apud LIVIUM, quum HANNIBAL in prælio apud Cannas devicisset Romanos, & nuncii venientes omnes mortuos denunciarent, quod duæ foeminae, videntes unicos suos filios ex pugna reduces, præ lætitia mortuæ sint.

Hæc adhuc ferri possunt; sed pirata Etiam in tam, crudelissimum & scelestissimum homini- bus robu. hominem, neminem metuentem, præstissimis summa lætitia mortuum esse, hoc prorsus mirum, & fere incredibile, tamen verissimum. Celeberrimus inter Arabes fuit pirata, qui filium habebat, patris vestigia exacte sequentem; hic versans in obsidione urbis Tunetanae post summas editas virtutes capit; pater eum valde luget, quoniam captus habebatur pro perditto; vindictam cogitans vult proficiisci ad Lusitanos; mox abituro adfertur nuncius, quod BARBAROSSA magno æris pondere filium suum redemerat, quodque Imperator Ottomannorum cum septem tremibus præfecerat; & ille patri opem allatus jam venisset ad portum: hoc audiens ferox pirata præ summo gaudio exspirat, dicens, gratum sibi esse, talia filio accidisse. Ergo illud principium in nobis, ubi origo est solius motus corporei vitalis, obnoxium est nimis affectionibus.

Crediderim certe, neminem hominum a summis animi affectibus liberum esse; sed in hoc timor, in illo lætitia, in alio tristitia mortem producit: ergo magni animi affectus agunt plus quam ullum aliud remedium in tota medicina, nam agunt in utrumque hominem; nec possibile est tales morbos curare, quoniam non possumus avertere affectus.

Mea ætate exemplum accidit summae lætitiae, quæ omnes vires resolubebat. Familia spectabilis ad angustias erat redacta; frater natu maximus profectus est in Indias Orientales, fit. que ibi unus ex primariis; sororem tristem ad se vocat; venit illa; vult

eam gaudio afficere; aperit ornamen- ta sibi destinata; illa hæc videns manet immobilis, & moritur præ lætitia.

Quum ergo vetustissima & recentia exempla hoc doceant, videtur majus periculum esse ex nimis lætis, quam ex nimis tristibus nunciis: hinc non tot exempla sunt a tristitia, sunt ta- men. Vir quidam in Gallis ad tu- mulum paternum hærens, & deflens thesaurum sibi charum, mortuus est. Notissimum est exemplum nobilissimi ROTSCILD, qui in cadavere Regis defuncti hærens occubuit. In obsidio- ne Budæ occidebatur Germanus for- tissimus, qui supra humana virtute hostes profligare videbatur; dux belli vult cognoscere quis sit, videt esse unicum suum filium; hærens aliquam- diu mortuus est.

Plura similia leguntur apud DONA- TUM in Historia Medica mirabili, Cap. XIII., qui etiam narrat sequentem hi- storiam. Lanificus quidam pauper ux- ratus, & prole oneratus, cum diutius meretriculam quandam in deliciis ha- buisset, reverendi Episcopi mandato gravi indicta pena utriusque, ne in posterum invicem commiserentur, ad eam clanculum divertit, quem mere- trix videns contumeliis recepit, atque ut quam primum discederet impera- vit, quo audito, scorti nomine invo- cato, crudelem exclamans, manibus arctatis, ac in cælum oculis devolu- tis repente mortuus concidit.

Ergo illud principium, quod facit Alii effe. illam summam alligationem inter il- stus ab illud cogitans & illud corporeum vita- hac causa

le tantos facit effectus; & quod magis mirum est, homines, qui carent omni prorsus actione hujus principii, saepe redeunt in vitam. Homo apo- plecticus, cui a percussione capitis & effusione sanguinis cerebrum compres- sum est, caret omni sensu, imagi- natione, memoria, imperio in mu- sculos; nil superest actuosi: post ali- quot dies, capite prudenti consilio aperto, liberatus a sanguine, revivi- scit, & illud principium resurgit cum iisdem viribus; subsistit ergo hoc principium, sublata vita sana; sed

manente corpore integro , & affecto tantum hoc principio , tota vita de-letur . Si vero huic principio tanta vis inest totam vitam delendi , habe-bit etiam vim in omnes functiones vitales , in actionem cordis , arteria-rum & distributionem omnium humo-rum inde pendentium . Quomodo hoc fiat ignotum est , sed effectus a nobis noscuntur ; habebit ergo etiam vires mutandi omnem locum in corpore .

Quis vero explicabit , qua ratione nonnulli post summas animi pertur-bationes incident in pthisin pulmo-nalem ; vel colligant aliquid in hypo-chondriis , unde tota vita manent me-lancholici ? Exempla ante vidimus , quando egimus de vi sensorii com-munis ad producendos morbos . V.G. Nobilis puella in consortio audiens narrari turpem historiam , & se sus-pectam credens , mox rubet ad col-lum usque ; carotides ita pulsant , ut subsiliant ornamenta colli ; in alio ho-mine , metu perculso , pallor instar mortis oritur .

Hinc patet ratio , quare Medici , in aliis curationibus felices , hic defi-ciant , quia causa latet in mobili hoc sensorio communi , ita ut harum mi-seriarum saepe tantum testes esse possint .

DE EFFECTU IMAGINATIONIS IN ALIENUM CORPUS.

Absolvi fere propositum thema , sed unum hoc superest , paulo accu-ratius inquirendum . Nempe , licebit forte nobis dicere , quid sit haec a-fcio in sensorio communi excitata ope illius facultatis , quam vocamus Ima-ginationem , quæ sensorium commu-ne sic disponit a causis internis , uti prius disponebatur a causis externis . V. G. Si in homine , qui Amaurosi laborat , oriatur valida mutatio , qua-lis olim oriebatur ab objectis exter-nis , videtur sibi videre : hinc , uti haec tenus vidimus , possunt fieri inge-nites motus corporei a sensorio commu-ni mutato , sed illi etiam transeunt in par tem aliquam , quæ non est pars corporis : credulus neutiquam sum , il-lud tamen paradoxum admittere cogor ,

Auctor Britannus omnia explodit ; sed si nolimus admittere , quæ non intelli-gimus , vel quæ assumptis nostris princi-piis non conveniunt , facile errabimus . Nemo etiam exposuit , quomodo partes corporum inter se cohærent ; sed si quis dicat , partes auri sic cohærere , ut uuum granum ad quingentas ulnas possit extendi , & aliis hoc dicat esse impossibly ; si vel unus hoc obtinere demonstraverit , sufficiet : ergo quam castissime potero , quæ hac de re no-vi , recitabo certissima .

Dico ergo , quod vis sensorii com-munis protendatur effectu vero corporeo extra corpus humanum , uti patet in foemini lactantibus , & gravidis , quæ per hanc proprietatem sensorii com-munis mutant foetum in utero suo . Vidi , quod mulier sanissima infantem lactaret etiam sanissimum ; alia eam perturbat per jurgia , sic ut summo-pere irasperetur & contremiseret ; tam-en infantem applicabat uberibus , qui mox inde convellitur , & manet epi-lepticus . Quid in hoc lacte esse possit , & quare illud accipere potuerit facultatem producendi has corporeas mutatio-nes , quis dicet ? sed est lex prudentiæ , ut nutrix animo perturbato nunquam infantem uberi admoveat : intelligitur utcunque , quod nutrix ebria ineptiet infantem ; sed lac eo usque posse mu-tari per solos animi affectus , non ita facile intelligitur .

Idem verum est in prægnantibus : Oritur forte in matre prægnante quæ-dam idea ; si solita sit , eam non af-ficit ; si insolita sit , aliquando afficit , aliquando non : talis idea oritur quan-doque visu , vel auditu , vel sola ima-ginatione , vel solo appetitu . Subitanus visus rei non ante visæ facit na-sci in infante figuram illius rei . Ex audita historia truculenti casus turba-ta mater similem accepit efficacem i-deam . Idem toties contigit ab ima-ginatione , insomniis , appetitu , ut tempus desiceret memorandis omnibus hujus rei historiis .

Mulier sapientissima & elegantissima , se-veris moribus predita , ab omni excessu in usu vini abstinenus , grida ducitur libidi-ne

Effectus
Imagina-tionis ex-tra cor-pus .

Hujus
exempla
in mulie-
ribus gra-
vidis .

ne bibendi vinum Rhenanum ; luctatur diu cum illa libidine ; maritus explorat , confitetur ; ducitur Amstelodamum ad cellam vinariam & tantum bibit , unde duo fortes viri inebriarentur ; illa bene se habet , simulac huic appetitui satisfecerat , & ab eo postea manebat immunis . Alia ferebatur libidine , ut comederer de brachio Lanianis , nec quiescebat , donec saltem semel momordisset .

A viso prima vice Æthiope ex principe fœmina nata fuit filia Æthiopissa . Quum mulier illa nunquam sibi soli fuerat reducta , sed summa cum cura stipata , cadebat sponte suspicio de congressu cum Æthiope . Hæc idea nata non requiescit , occupat totum sensorium , & sollicitat omni momento mulierem .

Sed res talis insolita debet ipso momento valde afficere , nam si parum tantum afficiat , habebit etiam parum efficaciæ ; sed si menti tam valide impressa fuerit , ut fœmina dicat se perspicere , se totam intus commoveri , tunc vestigium mali futurum denunciatur : vel dum ipso momento , quo nascitur talis idea , fit horror & tremor totum corpus concutiens , non fallit etiam , quin vestigium relinquatur ; quod non sit , si horror absit .

Oritur unchor-
tor. Omnes Medici observant , quod semper fiat horror , ubi quid incurrit in corpus , quod ejus actiones mutat ; tunc gelidus currat per ima ossa tremor , ut dicit VIRGILIUS . Qui exquisita quartana laborat , hoc momento est sanus , sed gelidum horrorem persentit , & mox febris ingruit . Audi vi ab expertis , dum pestis grassabatur , quod simulac senserint , se aqua quasi perfundi , illico peste fuerint affecti ; sic horremus , dum venenum Variolosum nos inficit ; dum pleuritis punctum invasionis dat , & horror ille penetrat per totum corpus : homines tunc lentiunt aliquid gelidi , quod vitales motus quasi pro tempore suspendit , illudque cum tremore propagatur , & mutat se totum corpus . Vellem tali præceptore uti , qui mihi posset explicare , quomodo oriantur ille horror .

Tom. II.

Observavi etiam , prægnantes in omnibus fere his casibus habuisse motum spontaneum , & manum admovisse cudam parti corporis , & tunc fœtum gessisse notam impressam in eadem illa parte ; si manum non admovissent , vix quidquam secutum fuisse heterogenei : hinc caveant se prægnantes , ne manus moveant ad partem vestibus non tactam , ne deformitas postea sit conspicua . Sed in omni homine est similis facultas , quam intelligere non possumus ; sint oculi cuiusdam inflammati , & quasi scintillantes ; si videoas illos , tuos etiam fricabis oculos ; qui videt ulcus sordidum in femore , proprium suum femur fere semper etiam apprehendit : ergo sumus vera horologia , consona cum objectis exterioribus ; & trahimus inviti etiam ad gesticulationes ; ergo etiam ad tales ideas in fœminis fit longe major manus applicatio ad illam partem .

Deformitas fœtus
in loco tacto .

Si mulier enititur deinde fœtum difformem , nota imaginationis semper in loco ad tacto deprehenditur ; si aliam attigisset partem , probabiliter nota alio loco fuisset . Nihil hic valet voluntas , nam fœminæ fuerunt , quæ vellent monstrum edere , ut stipem petere possent , quæ tamen elegantes infantes edebant : contrarium autem sæpe in nolentibus obtinet . In hac urbe felix liberorum bene formatorum mater a mendico rogatur Eleemosynam ; ostendit ille , se duos habere pollices , adeoque manum ineptam , quæ panem lucraretur ; dat illa Eleemosynam , patitur omnia præcedentia , & postea enixa est fœtum , duos habentem pollices ; ossa horum pollicum examinavi , & omnia aderant , quæ in altero pollice ; & hoc factum est in muliere , quæ nec ante nec post parta est aliiquid simile .

Vidi nobilem dominam in hac urbe , quæ plures liberos pulcherrimos pepererat ; hanc ante fenestras sedentem , octo menses gravidam , alloquitur mendicus impudens ; illa videt , eum habere labium leporinum totum rubellum ; contremiscit , ferit suum os , dat Eleemosynam ; non ita diu

F 3 post

post peperit infantem pulcherrimum, habentem simile vulnus recens & quasi cruentum. Mirum erat in hoc casu, quod omnes partes corporis tam bene essent formatæ, sed solum vitium erat in labiis, & palatum erat fissum usque intra nares perfecte ut in illo mendico.

Vivit adhuc domina in hac urbe, quæ gravida in horto petebat fructum mori pulcherrimum, quem videbat in arbore; forte cadit unus in apicem nasi; mox illa fricat nasum; parit dein puellam, qua vix pulchrior, sed quæ in nasi apice perfecte habebat morum cum acinis adstantibus, qualem pictor melius non posset pingere, qui tamen postea ope aceti & salis ammoniaci sensim ita evanuit, ut nullum vestigium supersit.

In loco meo natali vivit adhuc homo rusticus cum dimidia parte faciei atro purpurea & tuberosa; mater eius, quæ viginti infantes pepererat, adfuerat exenterationi bovis; rusticus jocans projicit hepar in faciem mulieris gravidæ, unde in fœtu siebat, & dein manebat color faciei lividus.

Venit me consulturus pulchra puerilla rustica octodecim annorum, quæ laborabat chlorosi; video in ejus facie gliris quasi figuram; rogo, quid sit? & quomodo hoc sibi contraxerit? mater respondet, dum gravida erat, in granario exsiliisse glirem in hanc suæ faciei partem, & quod mirum, facies pueræ hirsuta erat.

His etiam addam testimonia aliorum. Mulier prægnans videt Mechliniæ duos milites pugnantes, quorum unus manum alterius amputat; illa perterrita retrotrahit manum; parit infantem, uno brachio truncatum, qui ex abscissa manu hæmorrhagiam passus & mortuus erat, nec tamen manus reperiebatur in secundinis, nec mulier se male habebat post partum.

Quando nostriates defendebant Ostendam contra Hispanos, miles Hispanus orbatur suo brachio, qui curatus stipem petebat, locum obligatum ostendens, quod videns uxor Marci de Vogelaar horret; movet se, parit dein

filiam orbam brachio dextro, cuius humerus cruentus erat, ita ut Chirurgus debuerit consolidare, ne infans moriretur hæmorrhagia; nec tamen brachium reperiebatur in secundinis: sanata fuit infans, postea nupsit, & supervixit usque ad sextum & septuagesimum annum.

Dux Albanus jussicerat trecentos cives simul Antverpiæ truncandos: honesta mulier gravida capitur libidine hoc videndi; subducit se; viso spectaculo doloribus partus corripitur, & peperit infantem capite truncatum, quod etiam non repertum fuit in secundinis. Plura exempla videri possunt apud FIENUM *de viribus imaginantis*, SCHENKUM *Observationum Lib. IV.*, & MAURICEAUM *Observat. 64. 253. 348. 384.* qui licet in alia sententia sit, & neget, hæc posse fieri indurato iam fœtu, confitetur tamen de recenti: sed hac ratione non declinat difficultatem, nam an fœtus jam sit formatus, nec ne, idem est; hinc illa testimonia, obtorto collo data, sunt tanto validiora.

Sed non possum prætermittere, quæ contigerunt Parisiis, quia tam singularia sunt. V. MALEBRANCHE *de inquirenda veritate, Lib. II. N. III.* Septem vel octo abhinc annis Parisiis in Nosocomio, dicto *les incurables*, juvenis erat ab ortu mente captus, omnibusque fractus membris, quibus frangi solent rei. Per viginti pene annos in eo statu vixit. Non pauci illum viderunt, & ipsa defuncta Regina, mater nostri Regis, illud nosodochium invisens, illum juvenem videndi, ipsiusque brachia & crura, ubi erant confracta, contrectandi curiositate ducta est. Hujus infortunii hæc fuit causa: nempe cum ipsius mater reum quempiam mox crurifragio plectendum accepisset, istius supplicii testis oculata esse voluit. Singuli ictus, quibus exceptus est miser ille, imaginationem istius matris vehementer affecerunt; & infans iisdem corporis partibus confractus est, quibus reus, quem mater conspexerat.

En aliam historiam! Ante annum, dum

dum Divi Pii canonisatio festo solemnni celebraretur, mulier quædam prægnans istius Sancti imagine attente nimis considerata, infantem huic imagini prorsus similem enixa est. Os senis, quantum in infante imberbe potest fieri, gerebat. Ipsius brachia super pectus decussabantur, lumina ad cœlum tollebat; frons erat angustissima, quia nempe istius imaginis versus ecclesiæ fornicem ere. Etæ, cœlumque aspicientis frons vix apparebat; mitram quandam habebat humeris inversam: uno verbo infans ille imaginem, juxta quam mater imaginationis suæ vi ipsum formaverat, admodum referebat. Nemo est, cui Parisiis id videre non licuerit æque ac mihi, cum infans ille in spiritu vini diu satis fuerit conservatus.

**Variorum
auctorum
de causa
huius e-
ventus.
sententia.**

En ergo historiam variorum casuum, ex quibus selegi tantum talia, quæ incredulitas negare vix potest! Quæ vero connexio sit inter matris ideam, & fœtus mutationem corporream, non intelligo, nec apud Autatores invenio. Nullus eorum talia principia in rerum natura fundata invenit, ex quibus intellectis & applicatis cognoscitur ratio sufficiens hujus effectus, & respondens huic ideæ. Miror ergo summopere, Cl. MALE BRANCHE in se suscepisse, ut hoc explicet: posuit, fibras materni corporis ad quasdam ideas certo in loco affici; demus hoc, nam aliquando fit: dicit, ad illas ideas decurrere per corpus quosdam spiritus determinatos; hoc etiam videtur verum; sed quid inde? mater concutitur, non mutatur, & infans mutatur; sed an infans, quamdiu in utero matris est, habet eosdem motus, easdem ideas? hoc obscurum; demus tamen etiam; sed unde ossa infantis franguntur, non matris? dicit, ossa affici a percussione & horrore; sed hic effectus est, non causa, nec patet, quare matris ossa non frangantur, quæ duriora, adeoque magis fragilia sunt; quare imago gliris non sit in facie matris, sed in facie fœtus; ego castus res inventas admitto, sed causam non adsequor.

PARACELSIUS hoc iterum deduxit ex aliis causis: dicit, est in homine imaginatio revera efficiens, quæ prius non existebant, nam homo per imaginationem volens simpliciter movere corpus, revera movet, sed per suam imaginationem & commercium invisibilium potestatum potest etiam mutare aliud corpus, & hæc vocatur *Imaginatio magica*, qua dæmonum vel spirituum invisibilium ope vim imaginationis potest communicare cum aliis corporibus, & operari in distans.

HELMONTIUS eadem dicit, & addit; dum Creator dixit, producat terra suam herbam, in qua semen prolificum est, propagans hanc herbam juxta similitudinem suam, eandem animalibus & hominibus fecit legem, Crescite & multiplicamini; patet nobis, datam hanc potestatem esse infinitam; nam si unum semen habeamus, non carebimus fructu: ex uno gramine potest occupari tota tellus; si omnia semina inde colliguntur & seruntur, quamdiu matrix tellus & cætera bona sunt, & pluvia justa non deficit; sed hæc potestas est infinita & occulta.

Ex mare & foemina primo natis suscitatur humanum genus, nam in illis potestas seminalis est inclusa, & dum mater concipit, explicat illam potestatem & format fœtum; hinc inhæret illis etiam potestas incredibiliter mutandi fœtum, quamdiu in utero hæret, & quamdiu illa idea multiplicativa in matre est, si modo manus sua defert in illud corpus illam imaginem. Dum magnus ille vir loquitur de potestate, explicat etiam effectum, non causam; nam an mater, habens facultatem proliferam, etiam habet potestatem faciendi glirem hirsutam! hoc certe non pendet a matre. Despero alia adferre, quibus hanc rem illustrare potero.

Sunt in Physicis principia quædam generalia, ex quibus scimus, hoc vel illud sequi; sed si hæc principia generalia non recte applicentur, deducuntur inde res falsissima; nam licet generalia sint vera, specialia tam

men possunt esse falsa. Sic in **Che-**
micis docui demonstrationem **GALILEI**
de gravitate esse veram, quamdiu le-
ges universales sunt, quod nempe o-
mnia corpora cadant versus terræ
centrum; sed invento magnete, qui
globum ferri deciduum attrahit, ca-
dit **GALILEI** demonstratio, & falsa in-
venitur, licet principium verum sit,
nam lex colligitur ex omnibus, sed
exceptis illis, quæ aliam vim ha-
bent.

Analogia physica dicitur adesse, quando eadem leges in pluribus rebus obtinent. An in effectibus recensitis similis Analogia adest? hæreo valde; conabor rem illustrare per similia. Magnes bonus sustinet satis magnum pondus ferri; si magnes hæreat, & catena, cui ferrum alligatum est, ad-
ducitur, simulac ferrum venit intra sphæram activitatis magnetis, statim eo prospicit, & ad magnetem in aere suspenditur; si ferrum includatur vi-
tro accurate clauso, magnes ductus supra illud vas facit, ut ferrum pro-
filiat in illo vase, & applicet se parti superiori lagenæ: magnetu sublatu fer-
rum iterum cadit ad fundum lagenæ; illa vis, sive corporea sive spiritualis sit, debet se exserere per partes tam par-
vas, ut illæ possint penetrare per vi-
trum ad ferrum usque: an hæ par-
ticulæ invisibiles crassiores sunt illis,
quæ in utero materno reperiuntur?

En adhuc aliud exemplum. Vidi statuarium, imaginatione veloci præ-
ditum; jubetur ipsi facere Androme-
dam, de saxo suspensam, & a mon-
stro marino liberandam a Perside, sed
debebat adhærere lapidi: sumit ille
massam argillæ, & intra pauca mo-
menta emergit Andromeda, mox un-
guibus addebat supercilia, palpebras,
&c. Habet ille ideam Andromedæ,
& sic format illam argillam, ut, qui
videt illam, habeat eandem ideam,
quam ille habuit, & sic facit nasci
extra se, quod fuerat in sua mente;
hoc non miramur, quia quotidie vi-
demus, sed tamen est valde mirabi-
le: certe docemur magis per experi-
menta, quam per principia physica.

Concludamus ex dictis hæc pauca; Conclu-
mater grava mutans fœtum id fa-
tur cau-
sam hujus Phæno-
meni effe
incogni-
tam.

mater grava, dum per suum corpus mutat
corpus fœtus, illud facit per solum
uterum, nam non est aliud quid
communicans corporeum; si fœtus
non esset in utero, mater hoc non
passa fuisset; si hoc fiat per ute-
rum, tunc fiet vel per funem um-
bilicalem, vel per humorem amnii,
vel per utrumque; sed funis umbili-
calis fert sanguinem in sinum Glisso-
nianum hepatis; si ergo hoc fiat
per illum funem, tunc ageret in
sanguinem venosum, qui mox fluit
in cor dextrum, minime vero in
sanguinem cerebri; si fiat per liquo-
rem amnii, tunc ageret tantum in epidermidem,
fauces, bronchia, &
vesiculas pulmonales: ergo hic nihil
invenimus, quod pro principio pos-
sumus arripere; sed fit sere uti ma-
gnes iners frigidissimus summo hyeme
mutat ferrum iners frigidissimum ad
quandam distantiam, & mutat per
aliquid subtilissimum, quod per vi-
trum potest transire, & tamen fa-
cultatem suam retinet per annos.
Cæterum hic ubique destituemur,
nec opinor latentes has causas co-
gnosci posse ex scientia facultatem
animæ vel corporis, nec tamen un-
quam desinamus illas inquirere.

Scimus, quod fœtus non necat. Hinc illud
merito re-
fertur ad
mirabilia.

merito re-
fertur ad
mirabilia.

Si ponitis vase communia, quæ forte
sunt; si attractum merum, qui forte
est; si trajectum ex vasis matris
in fœtum, qui forte est, non tamen
inveniatis principium, unde intel-
ligi.

ligitur hoc commercium: nec in tota historia experimentorum ullum est exemplum, ubi ad mutationem corporream sive per tactum, visum vel auditum sit, quod hic fieri videmus; hinc dico, quod hic sit summa mirabilitas; nam illud voco mirabile, cuius causas ignoror; nam non miramur, si concipimus causas, nec eas noscimus, nisi quatenus res perceptae simul concipiuntur aliquid fecisse; si ex definitione EUCLIDIS concipio quadratum, & habeo claram circuli ideam, & concipio quadratum inscriptum circulo; tunc statim intelligo, quadratum illud scindere circulum in quatuor chordas æquales, & in medio circuli esse arcam quadratam; hoc vocamus rem concipere per conceptum causæ: nam video hæc tam clare & manifeste, ut non mirer. Sed felix, qui potuit rerum cognoscere causas: solus hoc potest DEUS, qui omnes causas & effectus infinites perfectius intelligit, quam summus Geometra.

In physicis est alia mirabilitas, quæ non videtur a vulgo; nam quod semper videamus fieri, hoc non amplius miramur, & assidua hæc contemplatio efficit, ut superbi putemus, rem semper ita se habere, & nos eam intelligere; formamus inde axiomata, quæ, si bene collecta sint, certissima sunt quoad experimenta; sed quando generosiores nos accingimus ad dandam rationem, tunc destituimur, & nescimus nexus causæ & effectus. Dum lapis cadit ex alto, omnes rogati rationem, cur corpora descendant, dicunt se nescire; omnia tamen corpora cadunt, & quidem certa lege.

Totum opus generationis est mirabile. In toto opere generationis omnia, demta cœbritate, æque parum sunt cognita, quam mutatio foetus. Attende actionem muscularum libidinosorum, qui circumapplicati venis sanguinem reducentibus ex membro virili, dum agunt, eas comprimunt; hi musculi non possunt ulla ratione moveri nisi præsto sit causa, ad generationem requisita. Senex hærede destitutus magno pretio vellet filium gignere; si non adsit semen, & bona

horum muscularum actio, irrita sunt ejus vota; si vero præsens sit, penis erigitur etiam sapientibus, licet quandoque vellent, ne hoc fieret. Levis imaginatio, visus, recitatio carminis, lectio, figuræ aspectio, faciunt hos musculos agere. Homo emeritus in opere venereo omnibus incitamen. tis non potest facere, ut sibi faveat unum illud membrum. Qui potest assignare hujus rei causam, mirabilitatem tollit.

Considerate nunc receptionem semenis in utero fœminino. Uterus, ut dicebat DEMOCRITUS, est quasi animal in animali, proprium regimen habens, in sanis semper clausus, ita ut admittat nihil; sed in fœminis, quæ imprægnantur, nunquam demittat semen. Hinc fœmina sentiens quandam mutationem, potest dicere suo marito, certe hac vice sum imprægnata, sensi enim horrorem: sed qua ratione uterus disponatur, ut aperiat suum os & claudat, hoc ex cognitione nostræ machinæ non potest explicari; nam nulli hic sunt musculi, uterus est pendulus; hinc fieri non potest, nisi conatus fœminæ, dum est in orgasmo, hanc mutationem producat.

Quomodo semen deferatur ad ova. Quod ostenditur in omnibus ejus requisitis. Intra cavum peritonæi; quicquid exit ex tuba Fallopiana, debet cadere in illud idem cavum: ut ergo ovum veniat in tubam, debet tuba sic se applicare circa ovarium, ne ovum decidat in cavum abdominis: sed quomodo tuba se possit affigere ovario, nescimus. Quid enim determinat tubam pendulam, inertem, vix muscularam, tantummodo vasculosam & cellulosa, ut assurgat & applicet se ovario? ut illud ovum imprægnatum in cavum uteri protrudatur? atqui hoc fit, nam visa est tuba comprehendisse ovarium, acsi manu ovum comprehendenderem. Negarunt alii hoc systema, sed

sed deducti sunt ab HARVEJO ad gallinas, in quibus vitellarium a lumbis pendet in cavo peritonæi, aliquando continens quinquaginta vitellos; hinc quicquid cadit ex vitellario videtur debere cadere in cavum abdominis. Tuba gallinæ, quæ Infundibulum dicitur, longe distat a Vitellario; hæc tamen vitellum capit, & fimbriata pars infundibuli vitellum undique circumcinctum, & cavit, ne in cavum abdominis cadat; ovum ita propellitur, donec veniat ad Uropygion dictum: truditur dein per saccum mirabilem, gypso plenum, quod gypsum, dum in aere venit, induratur: hæc etiam nullo modo per causas explicari posse puto.

*Quæ tam
men ne-
nexus inter affectiones matris, &
gari ne-
queunt,* Evici ergo, quod ex ignoratione mutationes factus utero contenti, non detur fundamentum negandæ rei physicæ, nam mutatio genitalis principii virilis, a fœmina recepti, est æque mirabilis: & quum mortalium nemo illud neget, injuria videtur fieri, si quis ignorantiam fateri coactus non neget hoc eodem jure quam illud.

Applicationem tubæ Falloppianæ ad ovarium fieri, a nemine negari potest: sed quomodo hoc fiat intra abdomen semper plenum, semper pressum, semper premens fimbriatum tubæ partem, ignoramus.

Ne dicatis, hic esse cohæsionem corpoream, nam fimbria flaccida, patula, non est conjuncta cum ovario, sed distat, & aliam habet determinationem; sed hæc applicatio tantum pendet a libidine materna: sed adhuc magis mirabilis est egressus ovi ex ovario, & cuicunque cause hunc adscripseritis, vobis non satisfaciens.

Tubæ, quæ amplectuntur ovarium, sunt latissimæ, & naturaliter nunquam deprehenduntur clausæ; intorquentur flexu circulari, eunte ex lato in angustum, ita ut earum cavitas circa uterum vix possit detegi: ovum est minimum in ovario, sed per libidinem venereum videtur dilatare striatum ovarii membranam; facit sibi aperturam, & recipitur a tuba Fallopia-

piana, in qua defertur ex loco latiori in angustiorem; in tuba Falloppiana non apparent musculi, sed determinatio fit per aliud quid, quod certe æque est mirabile.

Præterea, quis satis intelligit adunctionem placentæ cum utero? nam nemo hic vidit continuationem vasorum; hæc adunatio tamen semper fit eodem modo, id est, placenta orbicularis affigitur fundo uteri orbiculari & cohæret, ita ut commercium fiat ex vase in vas, & hoc commercium fit eadem lege, eodem cum eventu, & natura ne semel quidem fallit: sunt in utero lacunæ, in quas sanguis effusus delitescit; placenta insinuat in illas lacunas; hinc apparent in placenta asperitates ex lacunis in utero deprehensis, in quas illa tubera se insinuaverant; hinc purus putus sanguis effluit, ubi secundinæ expurgatae sunt.

En aliud magis mirabile! quis docuit principium genitale masculinum qualecumque sit, introire in ovulum fœmininum? locare se intra amnion ovuli? & ibi semper per partem sui vel partem ovuli se alligare matri? & si illud stamen se hic jam locaverit, quomodo per suum umbilicum adunatur cum placenta? certe natura longe mirabilior est, quam homines credunt. Quid dicetis de semine piscium, quod uno momento tot ova fecundat, & non aberrat? certe, illa causa, quæ masculinum vitale principium per funem umbilicalem facit radicari cum matre; vel quæ facit maternas partes ita dirigi, ut uniant se centro umbilicali, manet æque mirabilis.

Quis porro explicabit vim haemato poeticam mulieris, quæ plus sanguinis generat, quam requiritur? imprægnata primo mense illam plethoram retinet, & non patitur haemorrhagiam, donec fœtum excluserit, & post exclusum fœtum omnia mutantur, & illa vis haemato poeticæ tunc constanti lege determinatur ad mammae; factæ vero fecundatione mox iterum ad uterum tendit. Dicimus ergo cum HIPPOCRATE; unus tra-

trahit ; alter secat ; ambo nesciunt , quid agant , & tamen determinatum naturæ opus perficiunt . Ergo nunc sublatum est , quod impossibile sit , matrem posse agere in fœtum , quod tot eruditos viros torsit .

Inquiritur quid in sensorio communione mutationis physicæ in sensorio com- muni ? sensorium communione est vel vas , arteriæ propago , vel liquor , vel tenuissima membrana ; quænam physica mutatio in his facit nasci novam ideam ? quid facit affectiones tam imperiosas placentis vel displicentis ?

Quænam hic est mutatio , & in quo differt ea ab illa mutatione , quæ facit ideam sine affectione ? Imagines visus , quæ robusto juveni placent , effœto & languido seni displicant , & videntur horridæ ; quid manet hic , quod facit facultatem formandi ideam , sed tollit affectionem , imo quid creat aversionem , quum sit imago eadem ?

Quænam est mutatio , quæ facit affectus ? hæc certe debet esse tam exilis , ut fere evanescat . Inquirenti puto , hic non posse ulterius quid dici , quam si horologium loquax interrogatum responderet , moveo me , nam qui me fecit , illud etiam fecit .

Rogo porro , quænam est hæc facultas ? an est creatrix ? an facit existit , quod non existebat ? vel an alius la idea , motus , affectio præexistit , licet non percepta ? an fuerunt effectus , quorum mens non est conscientia ? vel an ille motus se expandit ? Videamus fere , quod ex præ-existentibus incognitis fiat facultas nobis cognita motum creandi , continuandi , dirigendi ad infinita , distinctissima , & non aberrantia loca . Puer semel audiens vocem movet plurima instrumenta , ut eandem vocem formet , nescius quid agat , & quot milliones fibrarum moveat : habemus potestatem per solum impetum mentis motum augendi , sustendi , etiam in summa lucta , omniaque iterum renovandi ; hæc omnia fiunt per nervos infinitos , per partes infinitas , per motum mechanicum ; & dum sensorium commune hoc facit , non mutatur , & intra-

quadrantem horæ est æque quietum ; quam ante : Præses huic imperio a sapientibus dictus fuit divinæ particula aura .

Spiritus intus alit , totos diffusa per artus

Mens agitat molem , & magno se corpore miscet &c.

Sic loquitur VIRGILIUS . HIPPOCRATES hoc vocavit *zō Thæor* , impetum faciens , ultra non ausus dicere : ad impetum hunc factum existit motus , & fiunt actiones , pendentes a motu , quem generavit impetus ; hinc appetitus , adeo ut esuriens sibi ex igne caperet cibos potusque ; hinc repulsus , nam illud idem principium , quod in sanitate facit appetitum , simulac ventriculus obsessus est putrida bile , horrebit ab omni cibo ; hoc non pendet a tua ratione , & tamen est *Tu* : hinc rigores ipso momento , quo venenum variolosum vel pestilens ferit corpus ; hinc febres , quæ non obdientes tuo imperio faciunt suos impetus , quibus copiæ emittuntur , donec homo succumbat , vel hostem suum vincat ; hinc spasmi mirabiles & quidem tales , qui non possunt arte excitari , quando museulus paululum aberravit a sua positura , donec tu reposueris digitis vel manibus : illi spasti sepe fiunt in ventriculo , intestinis , renibus , aliisque visceribus abdominalibus , quibus calculi expelluntur , qui si retinerentur , nos infortunatos redderent ; inde fiunt crispationes , contractions tam mirabiles , & duplice quidem modo , vel cum præscientia nostra , vel sine ulla alia conscientia , nisi quod sentiamus hos motus fieri .

Huc usque ergo consideravimus morbos , qui in systemate nervoso fiunt ex vitio arteriarum , vel sanguinis per arterias fluentis : ex vitio corticis cerebri , cerebelli , & medullæ spinalis , & ex vitio medullæ : pergebamus inde ad morbos , qui proprie in nervis ex medulla ortis fiunt , sive ubi nervi ultimi explicabantur in membranas omnis generis , sive in eorum integumentis , sive in liquido : pervenimus tunc

Recapitulatio .

tunc ad morbos, qui non pendebant a communi circuitu, sed a principio impetum motus & sensus faciente; vel ab imitatione & sympathia: ubi vidimus, quod nostra machina respectu auditus tensa sit, ut machina musica; & quod respectu oculi sit imitatrix omnium, quae proponuntur; & ad illos ultimo referebantur morbi, qui fiunt a mutato homine propter imaginationem alterius. Absoluta hac historia, & prosecutis nervis ab arteriis, donec nervi facti sint, putavi, me hic posse finire; sed quia etiam occurrunt morbi capititis, qui a syste- mate nervoso pendent, credidi non inopportunum fore, si illos morbos in omnibus circumstantiis ita depingerem, ut assignentur suis distinctis originibus, scilicet arteriis, vel cortici, vel medullæ.

DE VERTIGINE.

Etymologiae vocis. Incipio a Vertigine, qui est omnium morborum capititis levissimus & facillime curabilis, unde omnes alicuius capititis morbi incipiunt, & qui, hisce curatis, saepe relinquitur.

Vertigo Latinis derivatur a verbo *vertere* & *agere*; Græcis autem *ἄνεσ* vel *ἀνέσ* audit, quæ vox, teste EROTIANO in expositione vocum Hippocraticarum, saltationis genus significat, in qua saltatus uno tantum pede terræ insistens in gyrum se vertebat, qui lusus ab inexercitato peractus efficiebat vertiginem. *Ἄνεσ* vocatur etiam vas figulinum, quod tornando preparatur. Vocabatur etiam a veteribus *σκότοδάνεσ*, id est vertigo cum tenebricosa caligine supercedente, nam *σκότος* caliginem denotat; scilicet in majori hujus morbi gradu apparet duplex objectum; tunc varii videntur colores, & dein tenebræ: hinc dicit HIPPOCRATES in *Capitulo de vulneribus capititis*, ubi narrat casum hominis, cui percussum fuerat caput; cepit eum vertigo, caligo, & obdormivit. In descriptione hujus morbi sequar methodum veterum, omniaque ejus phæno-

mena exponam, quibus enarratis tandem ejus definitionem dare licebit.

Primum ergo symptomata in hoc morbo apparet, est Rotatio rerum extra nos positarum, naturaliter quiescentium, & hæc rotatio aliquando est subitissima: quiescant objecta, quiescent oculi, sed objecta moveri apparent. Dum motus ille, ut plurimque fit, videtur semicircularis, tunc proprie *Vertigo* dicitur; si vero contingat, ut objecta videantur ex alto deorsum delabi, vel quod pejus est ex infimis sursum adscendere, tunc vocatur *Nutatio*, græcis *Kurnoïæ*.

Alterum quod apparet, quando incrementum, est coloris mutatio objectorum non mutatorum, qui color cœruleum & viride præ se fert, id est Iridis colorem imitatur; hinc Belgæ lapsuri in vertiginem, solent dicere, omnia mihi apparent cœrulea & viridia, & conqueruntur etiam de peristomatis viridibus & flammis apparentibus. Narratur, quod in summa peste omnes ægri in initio pro primo symptomate haberent speciem Vertiginis, & viderent colores pulcherrimos, acsi paries peristomate esset tectus.

Tertium est Vacillatio, quando sustentantes & sustentandi musculi labefactantur; vix tunc se sustinent ægris; sed dubitant, num lapsuri sint, nec ne; unde hic gradus morbi maior est, & hæc ratio est, quare HIPPOCRATES hanc infirmitatem muscularum fere semper postponat Vertigini. Tunc quarto oritur metus lapsus: audacissimus miles & constantissimus Philosophus hic æque timent & tremunt; & metus ille agit tam subito, ut ægri uno momento fere toti enerventur. Oritur tunc quinto diffidentia & tremor in toto corpore, & tunc vertigo in tremorem & concussum muscularum solet abire; & hoc signo indicatur, primum mobile ipsum jam vacillare. Sexto tunc fere semper fit visus geminatus objecti unici, & tunc ægri semper labuntur; nota est historia filii, qui patri adstans, ut turri quæ deerant reficeret, dixit, video mihi videre duas turres, quibus verbis

bis prolatis mox præcepit lapsus fuit. Hoc symptomat notat, æquabilem cerebri dispositionem mire esse turbatam. Morbo augecente fit septimo nausea & vomitus, nam uti nausea & vomitus vertiginem creant, sic vertigo nauseam & vomitum inducit. Si fano homini percutitur caput, & rupta arteria sanguis stillat intra caput, æger laborat primo vertigine, cadit, nauseat & vomit; hinc vomitus bilis inter signa percussi & turbati cerebri recensetur. Octavo fit gravis tinnitus, bombus, susurrus, & ingratus sibilus aurium, ac si murmur delabentis cum strepitu fluminis audirent. Dein nono subsequitur Leipothymia, id est, ægri sentiunt, se pristina animositate destitui & deficere. Decimo fit ἀχύτος, id est tenebricotæ caligines circa oculos obversantur. Undecimo fit lapsus, qui videtur fieri propter paralysin absolutam omnium musculorum arbitrariorum, & conjungitur vel cum anaesthesia, sive ablatione sensuum extenorū, & saepē etiam internorū; nam ægri in summo hoc gradu saepē nullum signum sensus dant, sed evigilantes dicunt, se confuse audivisse omnia: vel cum acinesia, id est, immobilitate; vel cum leipopsychia, in qua functionibus mentis deletis ægri nullius rei concii sunt vel recordantur; & quandoque cum asphyxia, in qua arteriae non amplius micant, & hoc fit in vertigine, quæ tendit in syncopen vel mortem. Tandem terminatur vertigo vel in syncopen, in qua non modo sensus, non modo motus, sed & ipse calor vitalis deficit; non appetet amplius respiratio, sed ægri quasi concisi prosternuntur; dicent adstanti comiti, nescio quid contingat, omnia rotantur, & tunc cadunt; quod si tunc moriantur, vocatur *fyncope cordis*, nostratis *een Hartvang*, sed quandoque inde resurgent: vel in Apoplexiā, in qua instar bovis securi percussi procumbunt humi; nam in hoc morbo homo subito caret omni sensu, omni motu arbitrario, omnique facultate; sed

respiratio & pulsus saepē fortius incitantur, & spuma rejicitur sursum; & hoc transitu vertiginis vix ullus est cerebrior: vel in Parapoplexiā, qui morbum est Apoplexiæ similis, sed levior, nam sensus sunt quidem sepulti, ita tamen, ut stimulo ignis vel vulneris quandoque redeant & aperiantur oculi ad summos sonitus; sed illi motus vel sensus mox evanescunt: vel in Paralysin, sive resolutionem ejus, quod tensum vel ligatum fuerat; ergo firmitas vel tonus systematis nervosū hic solvit; & tunc est immobilitas in muscularis una cum flacciditate; hec Paralysis distinguitur iterum in Paraplegiam, Hemiplegiam, vel particularem: vel in Epilepsiam, quæ est insultus subitus, in quo ægri subito, nec opinantes humi procumbunt, omnibus omnino sensibus externis & internis abolitis, cum concussione omnium vel quorundam muscularum violenta, involuntaria & reciproca, quam periodum sequitur Apoplexia, nam alte dormiunt, & proflant toto pectore somnum, respirant cum roncho, spumam emittunt, sudant, & sunt penitus resoluti, carent facultate judicandi, hebetes sunt in sensu, vacillantes in motu, & tandem iterum instar hominum sanorum resurgunt.

En initium, progressum, & exitum Vertiginis! cuius omnia phænomena simul sumta dant veram & certam Vertiginis definitionem, quæ ergo est Rotatio rerum naturaliter quiescentium cum mutatione coloris objectorum non mutatorum, obscuratio-
ne, &c.

His positis divido Vertiginem in Divisio 1. duas classes, morbosam & criticam. Prior huc usque descripta est: de posteriori dicit HIPPOCRATES, quod in febris acutis saepē faciat sperare, morbum brevi per haemorrhagiam natum solutum iri; & DURETUS addit, quod tunc simul pruriunt nares, & capitis venæ micent; sed de illa vertigine hic non ago.

Quæro nunc porro, quænam sit Sedes 2. des hujus mali? id est, quænam pars

pars in corpore affecta sit, quando ille morbus adest, & quæ iterum liberatur, quando recedit? Respondeo, sedem illam esse in sensorio communni: non dico causam integrām, sed ultimām affectionēm, quando vertigo infestat, esse in hoc loco. Probo hoc sequenti modo: nunquam sit ille morbus sine affectione visus, cuius organum perturbatur; afficitur enim in motu, quippe omnia objecta videntur semper rotari; hinc organa visus eadem ratione se habent, ac si objecta moverentur ante oculum: afficitur in colore, nam colores apparent cœruleovirides, & distinguuntur tamen objecta, nec totum objectum confuse circumvertitur, sed distincte cernitur; afficitur ipse oculus, sive fiat mutatio axis visus, vel oculi, vel retinae, nam apparet visus geminatus, suntque vel duo foci, vel duo objecta in uno foco; ultimo terminatur in tenebras; quæ est mera visus affectio. Afficitur etiam auditus, nam concurrunt de tinnitu, sibilo, bombo; de murmure aquæ quasi ex alto labentis in corpus elasticum: & de fremitu maris ad aures quasi appellantis. Hoc ipsum docet vacillatio, tremor, resolutionis, lapsus; afficitur ergo etiam illa pars, quæ affectionibus animi inservit: & quia omnes musculi vacillant, hinc afficitur sensorium commune in parte impetum faciente.

Pulcherrime dixit DURETUS in explicatione prænitionum Coacarum HIPPOCRATIS Cap. XIII. §. 16. De vertiginis natura & causis hæc fuit manetque omnium Medicorum firma consensio, quod ea versatur in falsa imagine terræ quædam, cui circumrotari, & circumagi videntur, quæ circum circa sunt, quamvis immota. Hoc phantasticum est illa mentis facultas, quæ res absentes sifit tanquam præsentes, & quæ sensus externos & internos, motusque animales facit; sed hoc sit in sensorio communni, ergo in eo vertiginis sedes est.

Dixi, Vertiginem dividi in morbosam & criticam; addo nunc, quod

morbosa sit vel idiopathica, vel sympathica. Idiopathica dicitur, quando causa vertiginem creans sedem suam habet intra cranium, & sensorium commune afficit: sit v. gr. homo rectissime valens, videat nivem densam cadere; si illud intentis oculis conspiciat, corripetur vertigine, & si valde mobilis sit, forte cadet; nihil hic deficit, sed tantum continuatur motus, omnia rotantur, cadit: Sympathica dicitur, ubi sensorium commune quidem afficitur, sed a causa non hærente in cerebro, sed in alio corporis loco.

Homo per mare vectus insuetus fit vertiginosus, nauseat, vomit; imo si ponitur in continentem vertiginosus manet; detur tunc huic homini emeticum, tota vertigo ablata est: sic a Cicuta nascitur vertigo, cuius causa hæret in ventriculo.

Critica vertigo fit, si materies, quæ morbum fecerat, prius cruda, nunc cocta, & apta ad exundum, incipiens moveri per vim vitæ, afficit sedem illam principem.

Dedi nunc juxta methodum veterum descriptionem Phænomena hujus morbi, & nunc dabo hujus methodi exemplum. Inter veteres nullus est accurior quam ARETAUS CAPPADOCX, qui sine verbo sitate limpidus, sine superfluo castus est. Dixit ille Lib. I. de morborum diuturnorum causis, cap. 3. si tenebræ oculis prætenduntur, & caput in turbinis modum circumducuntur, & auribus murmur veluti delabentis cum strepitu fluminis insonat, aut tanquam ventus flatu vela percutiens, aut tibiarum fistularumque cantus, aut veluti stridor plaustris currentis obstrepet, hoc vitium vocatur *Vertigo*. Enim hæc definitio non est Logicorum more concinnata, sed tantum simplex enarratio Phænomena. Hisce visis juxta eandem methodum proponemus hujus morbi causas.

Illud existens physicum, quo existente morbus adest, quo ablato tollitur, quo mutato mutatur, vocatur *Causa*; cuius nulla universalis est omnibus homi-

hominibus, sed dantur dispositiones certae naturales, quibus homo huic vel illo morbo magis vel minus redditur obnoxius. Dum pestis veloci falce demetit juvenes, sanos & robustos; senes, melancholici, hydropici, frigidi & lentis morbis laborantes optime valent: causa est eadem, sed illis, quibus integer sanguis est, mortem parit, dum illi, quibus membra frigore striguntur, sani sunt; nihil ergo potest dici de causa, nisi simul consideretur corpus illi obnoxium; hinc causas proegumenas vel prædisponentes vocaverunt, quæ sole non faciunt morbum, sed quæ corpus inevitabiliter reddunt aptum recipiendi impressionem alius causæ accidentis. Quo diathesis juvenum tempore pestis est perfectior, eo magis huic morbo sunt obnoxii; si minuantur summa illa bonitas, non attinguntur, uti in Lue venerea affectis patuit; si oritur frigida sicca tempesta, omnes, qui in florenti ætate sunt, pulcherrime se habent, sed tunc senilia frigida corpora pessundantur. Illæ autem causæ, quæ corpora prædisposita ita mutant, ut morbus fiat, vocantur occasio[n]ales vel procataretice; hinc formatum fuit hoc axioma; nulla causa proegumena est tota morbi causa, sed debet accidere alia causa, quæ proegumenam excitet, & harum combinatio facit morbum.

Nec causæ proegumenæ sunt semper malæ, sed tantum, quando sunt in relatione cum procataretica. Et si causa prædisponens non adfuerit, & applicetur corpori causa procataretica, oriatur quidem mutatio, sed erit aliud quid, quam ille morbus.

Videamus nunc causas hujus morbi prædisponentes. proegumenas, quas sequenti ordine propono. 1. Huic morbo obnoxii sunt illi, qui diathesis habent facilime mutabilem; tales sunt hypochondriaci, qui duplices erant apud veteres, vel sine materia, quorum spiritus nervosi nimis mobiles sunt; vel quibus materies lenta in vasis abdominalibus collecta ita agit in nervos, ut inde mela quædam producantur; in illis

laxa, tenuia, & minime callosa sunt solida, humores diluti, minus compacti, mobiles, facile exhalantes & magis volatiles. De illis dicit magnus ARETÆUS, quod spiritus infirmior sit, quam qui possit sustinere motum, & quod illis corpus ad minimam mutationem non maneat idem; tales sunt etiam hystericae, quæ simul etiam sunt hypochondriacæ tam ratione mobilium spirituum, quam obstructiōnum circa lienem, uterum &c., quibus laborant. De his dixit etiam ARETÆUS, quod Vertigo sit signum prænuncium passionis hystericae. 2. Huic morbo obnoxii sunt plethorici, quorum status quidem est pulcherrimus, sed simul, ut HIPPOCRATES dicit, periculosis simus; nam quia ad summam sanitatem pervenerunt, & tantam humorum optimorum copiam habent, ut vasa eorum plus capere non possint, hinc maxime periclitantur. De his jam dixit DURETUS, quod si incipiunt caput habere flammeum, oculos protuberantes & lacrymantes, arterias ad tempora micantes, & apparent splendores scintillantes, veluti in tenebris, dum ferrum acuitur ad lignum, tunc ex plethora fit Vertigo. 3. Huic morbo obnoxii sunt atrabiliarii. Tales vocabant veteres, quibus diffusa erat tenuissima, liquidissima & mitissima humorum pars; & terrestris accumulata, & cum oleo invisa-ta, faciebat massam, accendentem ad tenacitatem piceam, quæ imprimis infarciebat & opplebat vasa omenti, mesenterii, lienis & hepatis; quando haec materia movetur, facit melan-choliæ, maniam, vertiginem; vel inflammations fiunt. 4. In hunc morbum sunt proclives, quibus evacuatio quædam consueta & diurna nunc sistitur; nec refert, cujus naturæ haec evacuatio sit, sive periodica & natu-ralis, sive præternaturalis; sive fiat per menstrua, fonticulos, mucum, salivam, vomitum, alvum, hæmor-rhoides, ulceræ &c. hinc qui ulceræ habent interna, ingentia, in quibus fundus fungosus exorbitans humoris degenerascentes creat, reddun-tur

tur vertiginosi : hoc confirmat ARETAEUS, dicens : si jecur exulceratum est, & demittit ichorem in intestina, fit Vertigo. 5. Dixit DURETUS, quod in peripneumonia nil magis periculum minaretur, quam si abiret in vertiginem ; adscripsit hoc vaporibus, sed floruit ante circulationem cognitam ; novistis, quod pulmo, hoc morbo affectus, sanguinem suum non transmittat : ergo opulentur cavitas cordis dextra, sinus magnus venosus, vena cava, venæ jugulares ; hinc genæ rubescunt, oculi scintillant, vertigines & deliria fiunt. 6. Diathesis epileptica disponit etiam semper ad vertiginem. Videmus hoc apud ARETAEUM Cap. I., quum acc. „cessio approquinquat, fiunt hebetudines, vertigines, splendores quidam „purpurei aut nigri, aut omnes una „permixti ob oculos in orbem versantur ac discurrunt, ut in caelo „Iris praetenta esse videatur : aliqui „intente rotam, quæ circumvolvit, „aut turbinem, qui in orbem agitur, „conspiciunt. „ 7. Omnes, qui veteribus vocabantur picrocholi, etiam ad minimam causam accidentem vertiginosi fiunt ; tales erant, quibus bilis nimis flavescebat, & acris amaraque fiebat ; si haec bilis deorsum tendat, facit diarrhoeas & choleras biliosas, & tales vocabantur *picrocholoi* ~~maris~~ ; sed si morderet os superius ventriculi, facit vertiginem ; illaque dicabantur *picrocholoi* ~~arw.~~ V. GALEN. in Aphor. HIPP. Sect. IV. §. 17.

Occasionales.

Ordo nos vocat, ut recenseamus causas, occasionales dictas, quæ agunt etiam in non prædispositis, sed a quibus prædispositi ad hunc morbum validius, facilius & diutius afficiuntur. 1. Hic memoro circumgyrationem corporum, extra nos positorum, si intentis & fixis oculis diu conspiciantur ; haec causa fere ubique efficiax est, etiam in sanissimis corporibus, hinc eo magis in prædispositis : in hoc casu cerebrum oculique quietescunt, & tantum est apparitio extrinseca gyram corporum ; adeoque nihil contingit, nisi quod fundus oculi

sive retina percurratur a successivis circulorum segmentis, & inde tremiscat ; notum enim est, quod totum hemisphærium spectabile imprimat imaginem tanto minorem re visa, quanto oculus minor est ; si ergo oculus quiescens intuetur punctum fixum, & illud punctum percurrit sinistrorum, imago percurrit dextrorum ; quum ergo oculus motum objecti sequitur, quia hic celer est, retina etiam celerrime movetur ; si homo oculos clauderet, non fieret vertigo, quæ tantum fit, quia eos apertos tenet ; nil hic mali est in fluidis vel solidis, sed fit tantum tactus, qui mutat motum in nervo optico, sive in ejus medulla expansa.

2. Refertur huc ab ARETAEO intentus conspectus rapidi fluminis, ex alto defluentis, quem qui diu intuetur, etiam vertagine capit, nisi firmissimus fuerit.

3. Haec fit, si versatilis rota vel molendina celerrime circumacta, fixo oculo observetur ; vel si fiat coniturbinati, in orbem circumacti, vel cadentis nivis attenta observatio, maxime si illa non cadat parallelo decurso, sed aura spirante rotetur.

Hic omnia solida & fluida etiam manent bona, sed fundus oculi, sive retina percuditur & tremiscit ab illis successivis circuli segmentis, quia puncta quilibet visæ rei per retinam decurrent.

4. Huc refertur concussus sellæ perceptio, & omnium maxime terræ tremor. Si homo firmo loco sedeat, & concutitur inopinato basis, cui insidet, mox, licet firmus sit, vertigine laborabit. Quum ante aliquot annos terræ motus fieret, colloquebar cum aliis in bibliotheca, & omnes eramus vertiginosi ; nemo tamen suspicabatur de terræ motu, nemo quidquam metuebat.

Clementarii, qui tunc in altis locis erant, etiam laborabant vertigine. Putavit clarus Chemicus TRAVASSINI in tractatu de terræ motu, quod ille motus fieret ab elatione terræ, & quod haec esset causa vertiginis ; con-

constitit autem, quod si terra tantum eo usque posset retroPELLi vel sisti, ut esset imminutio motus, homo volaret terribili cum impetu; adeoque hoc phænomenon potius referri debet ad motum nondum apprehensum, per quem omnia aliter afficiuntur, quam prius.

5. Motus in rheda, præcipue retrofactus, maxime in locis præruptis, vel in assiduis itineris flexibus, forte in decima hominum parte facit vertiginem, ita ut inde naufeant & vomant. Gestatio vel vectio per tortuosos & labyrintheos itinerum flexus apud ARETÆUM etiam numeratur inter causas vertiginis; hinc monet, quod Epileptici non debeant duci per hæc loca.

6. Agitatio navis in robustissimo homine non tantum facit vertiginem, sed talem etiam vacillationem, ut se nullo modo continere queat, & pergit hæc vertigo per omnes antea memoratos gradus, imo ad sudores algidos & syncopen ipsam. Hæc causa tam efficax est, ut diu impressionem relinquat. Qui diu sedent in navi, insistenti anchoræ, dum mare procellosum est, omni momento accipiunt novum motum, nam rudens anchoræ elasticus nunc extenditur, nunc remittitur, quem motum nemo nisi assuetus fere ferre potest; hinc si in continenti sit, putat, se tamen adhuc moveri, & hoc per tres quatuorve dies durat.

7. Statio in alto, angusto, prærupto loco, maxime si nulla tali in loco adfuerit fultura, quam quis potest apprehendere: si quis ex sublimi monte in vallem conspiciat, vertiginosus fit, & quandoque corpus sustinere non potest; si ope angustæ trabis debeat descendere, clausis oculis forte poterit; si vero oculos aperiat, & meticulosus sit, capitur vertigine, & mox labitur, resolutis fere omnibus musculis; funambuli non exercitati, quamdiu metuant, cadunt. Hæc omnia sunt extra hominem, nunc venio ad illa, quæ sunt in corpore ipso.

8. Rotatio corporis circa idem cen-

trum, quæ quo velocior est, & circulus minor, eo citius pariet vertiginem; videmus hoc in pueris, uno pedi insistentibus, & subito se in gyrum vertentibus, quibus nil fit mali, si oculis clausis hoc peragant; eodem modo uti fit in equis, qui claustris ophthalmicis obcæcati, satis diu in gyrum decurrere & molendinas ver. satiles trahere possunt; si vero oculos apertos teneant, mox vertigine corripiuntur.

Omnes hæ causæ in eo convenient, quod mutant retinam, si concussum maris excipias, nam inde etiam cæci, sed non tam cito afficiuntur; cæterum dum alii oculos apertos tenent, ab eadem causa plus patiuntur; & hæc firmis viis, infirmis magis accidunt. Sequuntur nunc causæ procatæticæ, quæ mutando aliquid in corpore Vertiginem excitant.

1. Est vulnus capitis, effundens liquida, sive mox sub cranio, sive inter duram & piäm matrem, sive intra cerebri ventriculos. Evidenter hoc docet HIPPOCRATES, qui in libro de Vulneribus capitis, pag. 903. edit. Foesianæ, Medicos jubet inquirere, num æger alto sopore detentus fuerit, aut tenebræ oculis offusæ, aut si vertigo prehenderit, aut ipse conciderit. Legitur hoc etiam in libris Epidemiorum, ubi loquitur de illis, quibus cum causa vulnerante affusa est vertigo, & caligo tenebrosa, supponens nempe, hic fieri liquorum ex vulnere effluxum.

Causæ
cerebrum
mutantes.

2. Huc refertur percussio capitis valida, summo impetu cerebrum concutiens, licet nullum vas læsum, nulla humorum effusio facta fuerit. Videmus hoc in bobus, quibus cranium obtuso ferro percutitur; si cranium durum fuerit, ad primum ictum cadunt, & mortati animalis capite aperito nullus sanguis effusus invenitur; sed concussus facit vertiginem, unde titubant, vacillant, cadunt.

3. Omnis causa, quæ inæqualem vasorum cerebrum constituentium aperturam efficit, & æquabilissimam

G ipsius

ipsius cerebri expansionem impedit vel aufert, atque ita cerebrum premit, facit vertiginem; neque refert, quænam hæc causa sit, sive fiat effusio sanguinis, serni, lymphæ, puris, ichoris; sive nullus liquor effusus, sed tantum cranium per thlipsis intropressum fuerit; sive exostosis adsit, cerebrum spectans.

4. Dispositio præcedens, fixa in cerebro, a quacunque causa fiat, facit vertiginem; hinc fit a cephalæa, sive dolore capitis pertinaci; a cephalalgia, cujus causa non est fixa; ab hemicrania, sive dolore, qui afficit alterutram capitis partem, & sæpe tam vehementer afflit, ut fœminæ, huic obnoxiae, in loco tenebricoso sedere cogantur; si cephalæa est constans, sine febre, & venæ ad caput micant, vertigo fit radicata, & fixa talis causa æque fit ab humoribus, quam a partibus solidis; sive illi humores sint aquosi & frigidi, ut in leucophlegmaticis, hydropicis, phlegmaticis, in quibus post mortem sæpe humores in cranio effusi inventiuntur; sive sint calidi, ut in plethoricis & biliosis; nam quando sanguis vasa cerebri distendit, tunc ejus arteriæ sunt aneurismaticæ, & venæ varicosæ; sive sint acres, quorum pes simi sunt humoris atrabiliarii, de quibus multus est HIPPOCRATES; vel scorbutici, unde testatur WILLIAMS, quod scorbuto inveterato laborantes vertigini ut plurimum valde obnoxii sint.

Sequitur nunc causa vertiginis pro-
Ebrietas. cataractica, de qua sæpe cogitavi, & quam BELLINI optime explicuit, nempe Ebrietas. Per fermentationem ex vegetabilibus potest fieri liquidum homogeneum, inflammabile ad ignem, sine fumo, sine fæce; omnibus humoribus miscibile, oleosis, aquosis, salinis; hic liquor est unus idemque, sive paretur ex baccis uvarum, sive ex tritico, modo bene purificatus sit; hic liquor canibus, elephanticibus, equis, hominibus ingestus facit vertiginem; imo, uti antea jam dixi, est venenum, vitalem

flammam extingueens, & quidem uno momento. Hic liquor, dum purus est, dicitur *Alcohol*; si permistus aquæ, tunc effectus suos tanto minus facit, quanto plus aquæ adsit; si vero miscetur cum oleis, in quibus spiritus rector eminet, tunc magis penetrat; si V. G. uniatur cum oleo Cinnamomi, oritur liquor, cuius una gutta linguae inspersa diffundet se illico, excitabit spiritus, & restaurabit vires; si sumitur nimia copia, est præsentissimum venenum. Idem de spiritibus Anisi, Cardui, Fœniculi, Levisticæ &c. verum est. Quando hic liquor primo gradu in corpus agit, mentem alacriorem, & hinc omnes actiones promptiores reddit. Si nimia copia assumatur, tunc oritur vertigo, objecta videntur rotari, omnes functiones interrumpuntur, & omnia recensita symptomata fiunt ad lapsum usque. Si Alcohol ablatum est de vino, vinum non amplius facit temulentiam. Natura hujus liquidi est, ut per Chemiam deprehendatur post aerem levissimum, omnium citissime ebulliens, omnium mobilissimum, maxime expansile, ita ut rarefacat quam citissime, maxime immutabile, nam sive cum alcalicis, acidis, oleosis vel terrestribus permiscetur, semper revocari potest, nec ditius, nec pauperius redit: habet facultatem, corporibus, quibus permiscetur, communicandi has suas proprietates, nisi quod quædam adstringat; sed si aliud corpus cum alcoholle miscetur, fit mobilius, hinc eo utuntur pro sublimationibus; si alcohol materiam, quæ nutrit animalia, id est, serum sanguinis attingat, illud illico convertit in corpus solidum, & tanto citius, si calore agitetur; si ebullit, hoc facit promptissime; agit ergo tanto plus, quo plus agitur: hoc liquidum, si venire posset in nostrum corpus ut alcohol, mortem inferret, quia illico coagularet omnes humores; si vero sensim intrat, facit minus malum, sed illud virulentum facit summam temulentiam; hinc exempla sunt hominum, qui magnam copiam spi-

spirituum assumentes, illico ceciderunt mortui; si homo fortissimus duceret animam supra pelvum, in qua est alcohol, fieret temulentus; si hauriat vaporem ex spiramento vasis, in quo paratur alcohol, id est, ubi fermentatur uvarum succus, uno momento cadit mortuus; si paulo minus afficiatur, tota vita paralyticus manet, vel demens & instar infantis insontis vitam deget.

Si homo non assuetus, sit in loco, ubi vinum supra pavimentum est effusum, oritur æque vertigo, quam si bibisset; quo vinum est subtilius, eo effectus est citior, sed citius evanescens. Hanc rem ita concipio. In nostro corpore naturaliter nullum fluidum est, quod tam leve, tam mobile, tam expansile, tam volatile, tam cito ebulliens est, quam alcohol; quum ergo ingeritur talis materies, & permiscetur nostris humoribus, nascuntur, si illi non coagulentur, proprietates explicatae; ergo sanguis se plus expandit; hinc HOMERUS pulchre dixit, spiritum flatulentum Bacco esse proprium, & Poetæ observant, venas vino inflari; sed nulli nervi habent arterias tam magnas, & tam rubras sibi circumpositas, quam optici, ubi corona est quatuor vasorum, & in medio centro etiam vas decurrit, quæ vasa radiatim se expandunt per tunicam retinam, & omnia hæc vasa sunt rubra, & tunicis tenuibus donata; si ergo alcohol, ex sua natura superiora petens, facit, ut hic fiat expansio, tunc arteriæ, decurrentes ad nervum opticum, choroidem, humorem vitreum, & anteriores partem Iridis, valde turbabunt visus organum; quum vero hoc alcohol post somnum exhalavit, tunc homo manet idem quam ante, nisi forte aliquid hæreat in ventriculo; sed temulentia est effectus, soli cerebro proprius.

Inter causas vertiginis resertur etiam nimia inanitio vasorum quæcumque; hinc quibus nimius sanguis fluit de naribus, vertigo fit & cadunt; dum illi, quibus sanguis mittitur ex vena,

dicunt se vertiginosos fieri, mox cadunt; hoc fit etiam in foemina, quæ placenta soluta, & foetu nondum emisso, amittit suum sanguinem; idem fit a nimio lochiorum vel haemorrhoidum fluxu; in his casibus est tantum tremulus motus, non plenitudo sufficienter extendens; arteriæ extra caput habent tunicas valide se contrahentes, hinc licet tertia pars humorum evacuetur, manent tamen æque plenæ ratione liquidi contenti; sed quando illæ non amplius sanguinem possunt subministrare arteriis in cerebro locatis, tunc illæ collabuntur, paulo post quasi impletæ extenduntur; hinc ubi tanta fit evacuatio, ut contractio ultima arteriarum elasticarum non premat humores, tunc oritur in capite vasorum collapsus, & tremula quasi humorum cohæsio, & inde vertigo.

Constituit ante, medullam solidam Circuatio
mutatur. descissam exhibere vasa magna sanguinea, arteriosa & venosa; si ergo turbetur horum proportio, debet diathesis præternaturalis in medulla fieri; hæc medulla, extensa in nervos, accipit thecam membranaceam, quæ etiam habet arterias, & quidem satis numerosas & magnas; hinc videmus, quare nonnulli in Ophthalmiis chronicis perpetua laborent vertigine; credibile enim est, quando vitium est in vasis oculi externis, laborare etiam arterias internas, & turbare nervum opticum, sive in decursu, sive circa medullam.

Multis hominibus hoc singulare est, quod arteriæ rubræ, per retinam dispersæ, habeant aliam diathesin, quam in aliis hominibus: hæc ratio est, quod, dum cælum serenum aspiciunt, tunc umbracula quedam adscendant & descendant; facile intelligitis, quod hoc fiat ab arteriis rubris, per retinam, sive pulposum mucum nervi optici dispersis; qui talem habent diathesin in tenebris, sanati videntur, sed in luce aperta dicunt, aerem nimis fortem esse.

Sanguis, quoties se parat, ut fluat ex capite, cum gravitate capitinis, &

bombo ad aures, facit vertiginem; hinc in morbis acutis, ubi inflammatio est in capite interno, oritur idem malum; sive ubi nulla prædispositio est ad crisin; & quando morbus tunc pervenit ad summum, tensio, repletio, & irritatio in arteriis etiam est summa; vel quum materies densa inflammatoria per febres redditur mobilis, fit per irritationem in quibusdam partibus cerebri saepe vomitus æruginosus, & ab illa agitatione fere semper etiam vertigo.

Si hæmorrhoides incipiunt apparet, nascitur vertigo; illis vero fluentibus iterum solvitur: ergo in omni illa dispositione cerebri, ubi incipit esse physica conditio, ut concussus cerebri fiat, turbatur caput, & fit vertigo.

Febres cum vertigine & obtenebratione oculorum sunt semper periculæ, imprimis si simul adsint urinæ tenues, nam tunc est dispositio phlogistica, quæ a retina per nervos opticos facile propagatur ad medullam.

Infelatio. Ad has causas refertur Insolatio, contra quam tam solliciti fuerunt veteres, ut omni cum cura caput tegerent; nam ubi sol meridiano tempore irradiat nudum caput, brevi fiunt inflammations in capite & phrenitides, maxime in corporibus sanis & plethoricis, & præ ira vel magnis curis agitatis.

Exercitatio immodica corporis hoc idem facit, & vertigo hac de causa nata per omnes gradus saepe pergit ad vomitum usque, quod herbis calido die colligendis occupatus olim expertus fui.

Transeo nunc ad causas procatarréticas, quas vocant deuteropathicas, quæ longius quidem distant a cerebro, sed a quibus æque vertigo oritur, ac si cerebrum ipsum esset affectum.

Vidimus jam ante observationem **GALENI**, qui in Commentariis ad *A-*
per con- *phor.* *HIPP.* *XVII. sect. IV.* dixit, *fensum.* Vertigo accedit ab ore ventriculi mor-

so, & ab humorum pravitate vellicato: scivit ergo jam **GALENUS**, quod **HELMONTIUS** postea magno molimine etiam scripsit; in hoc casu cura non fit, si capiti prospiciatur, sed si prævi illi humores subducantur. Idem fit a putridis humorib[us] quibuscumque eo delatis. Frequens etiam est vertigo ab inedia diuturna, cujus causa nunquam est in cerebro, sed quia bilis ventriculum petens ipsum cerebrum afficit.

Si ventriculus sit clausus, & humores in eo per calorem rarescunt, terribilis fit vertigo, desinens saepe in Apoplexiam, uti docuit **WEPPERUS**, quæ tunc saepe dato vomitorio sanatur. Si in summa ira oritur effusio bilis, idem fit. A pituita in ventriculo fluctuante etiam vertiginem fieri, facile intelligitur; hæc vero quoque nascitur ex pure hepatis ad ventriculum delapso: memini me hoc vidisse in mercatore in hac urbe, cui vomica hepatis laboranti vertigo erat frequentissima. Audite iterum **ARETÆUM**, quo nemo accuratius scripsit: dicit ille L. i. de morborum diuturnorum curatione, Cap. XIII. „ Si pus ad stomachum sursum rapitur, tunc orietur nausea, odium cibi, vomitus pituitæ aut bilis, defecctus animæ, vertigo eo usque, donec nec pus erumpet. „ Videtis, quid fiet, si imprudens vocetur ad talem ægrum, cujus cerebrum affectum esse credens mittit sanguinem, & apponit cucurbitas; certe nil efficiet, nisi rupta vomica expurgetur, & sic causa vertiginis tollatur; quæ dixi de his vomicis, etiam de omnibus aliis sub diaphragmate, quæ pus suum sursum possunt emittere, vera erunt.

Bilis exulta a veteribus etiam recensetur inter causas vertiginis; sane in morbis acutis nil magis agitatur quam bilis; hepatis moles magna est; bilis tarde evacuat, & aeri propinqua est; hepar assidue movetur, nam diaphragma nunquam quiescit; est hic calor maximus, nam cor, fons

Vertigo
a bile de-
genera.
sciente.

fons caloris, accumbit; ergo hic in morbis acutis est dispositio maxima ad citam putredinem, & quidem eo magis, quia nil fere novi cibi admittitur; bilis autem raro tendit deorsum, nam intestinum jejunum tam valvulosum est, ut pauca tantum transmittat, sed plura ingrediantur in venas lacteas; sed in ventriculo tunc etiam est paucum liquidum, ergo bilis tendens sursum venit ad locum, ubi aer est, & putredo augetur. De tali bile loquuntur veteres, quum dicunt, quod vertiginem & calligines producat; in ejus curatione non respicitur ad caput; sed vel vomitorium, vel remedium putredini resistens, uti tremor Tartari, vel Oxymel simplex, vel Tamarindi tollunt hoc malum.

Ab In- Pertinet huc Ingluvies; si enim tam magna copia ciborum, licet bonorum, sit ingesta, ut ventriculus eos commode non possit amplecti, sed extendatur supra naturalem ejus tonum, tunc comprimit vasa arteriosa & venosa, & nervos suos paralyticos reddit; sed quia vasa singulare ratione per ventriculum distribuuntur, hinc, dum omnes rami, qui prospiciunt ventriculo, eo repleto suffocantur, illi, qui haerent ad orificia, manent liberi; hinc omnis vis eo urget, & oriatur ibi spasmus, quo duo haec orifica clauduntur; tunc materies conclusa, calefacta & rarefacta incipit putrefactio vel rancescere, & auget extensionem, & hoc nunquam sine vertagine contingit.

Crapula. Refero huc Crapulam: quoties homines coacti plurimum vini biberrunt, & tantam copiam ingesserunt, ut prior portio non sit calefacta, quando secunda assumitur, tunc distensus & frigefactus ventriculus se contrahit, & ne guttula quidem per pylorum exit. Oriuntur tunc terribiles vertigines, Apoplexiā minantes, quales etiam observantur ab aquis spadanis, quando non transfunt. His hominibus a febre crapulari omnia videntur mane rotari; & tunc saepe evomunt materiam, quæ

Tom. II.

odorem vini habet, sed acidior est:

Melancholicis & Hypochondriacis flatu-
sæpe vertigo adest cum constrictione spasmodica orificiorum ventriculi, & anxietate præcordiorum; utinam, dicunt, flatum demitterem! En! ru-
ctus adscendit, & vertigo abest. ARETÆUS hanc etiam adscribit sanguini, in ventriculo collecto, nam postquam hunc evomuerunt, levantur. V. c. 2. de morborum acutorum cau-
sis, p. 14. Hic morbus sæpe accedit illis, qui immodice potum Gaffee forbuerunt. Idem ARETÆUS observavit, hoc etiam in Choleræ incremento fieri. V. c. 5. p. 17. Cholera est impetuosis & perpetuus motus sursum & deorsum omnium, quæ in cavo ventriculi continentur, vel eo se evacuare possunt, eorumque eva-
cuatio; hinc utraque bilis, succus pancreaticus & entericus rejiciuntur, & tanta quidem copia, ut æger ante a fannissimus intra tres horas plane emaciatur, nam in systemate arterioso & venoso harum partium est talis dispositio, ut omnes humores eo ruere possint.

Idem fit a vermis, qui post diu. Vermi-
turnum jejunium pabulo carentes, & bus fame pressi, repunt ad vacuum ventriculum, eumque vellicando & mordendo non tantum vertiginem, sed sæpe etiam insultus epilepticos producunt; nec ullum hic remedium juvat nisi anthelminticum. Corpora heterogenea in ventriculo haerentia, sive fuerint lapilli, aciculæ, nummi, clavi ferrei, frusta vitri imprudenter deglutita rodendo & stimulando faciunt etiam vertiginem & epilepsiam: memorabile est exemplum pueri, qui parvum assem degluterat, & inde ad mortem usque vertigine & insultibus epilepticis laboraverat. Legitur etiam de gallo gallinaceo opimo & vegeto, sed qui volens capere hordeum, cadebat in terram; dum vellet se erigere, iterum cecidit, animal mortuum aperitur, & in pyloro secundi ventriculi invenitur lapillus impactus, transire nequeuns, & transitum impediens; certe ani-

G 3

animal hoc totum fuit vertiginosum, & incapax, ad rectum iter ullo modo instituendum.

Acido.

Lac coagulatum acidum in ventriculo hærens frequens etiam est hujus mali causa. Contingit hoc infantibus, quando colostri fructa majora sunt, quam ut transire possint per pylorum; tunc serum quidem transmititur, sed coagulum ibi manet, & continuo novum accedit; unde ventriculus ita repletur, ut nil ingredi vel egredi possit; illi, dum aperiunt oculos, lucem refugiunt, & vertiginosi, imo epileptici evadunt; in eorum cadaveribus apertis ventriculus saepe colostro compacto & acido plenus repertus fuit.

Tandem ARETÆUS notat cap. de Syncope pag. 16., quod illi, qui a Syncope moriuntur, & cordis affecti notas repræsentant, etiam vertiginem passi sint. Causa erat procul dubio morbus cordis, hæc orificio premens & oceludens.

Ad causas deuteropathicas referuntur etiam omnes evacuationes, artificiales, naturales, periodicæ, quorum cunque humorum, & quacunque de cause suppressæ; tales sunt missio sanguinis, hæmorrhagia narium, vomitus &c. hinc monuit HIPPOCRATES, quod si ægrum curare velis ab hæmorrhoidibus, unam oportet relinquere; alioquin Vertigo, Epilepsia, & Apoplexia fiunt.

In Græcia & tota Asia hæmorrhoides æque frequentes erant viris, quam apud nos periodicæ evacuationes menstruorum scemini; fæces illis instar lapidum duræ erant, & quia eas summo nixu debebant exprimere, inde siebant hæmorrhoides; vasa tunc fiunt amplissima, & fabricant plures nodos; & quo saepius fiunt illi nixus, eo ampullæ illæ fiunt majores; si fluant illis hæmorrhoides, optime se habent; si non, ægrotant: jubet autem HIPPOCRATES, describens curationem hujus mali, debere anum dilatari, & intestinum rectum foras protrahi; tum ampullas illas secari, & succo chalcanthi sisti; & hoc fie-

bat sine ulla molestia; dicit autem, si ita secentur hæmorrhoides, curet Medicus, ut unam relinquat, alioquin morbi capit is orientur; ideo HIPPOCRATES dixit in Coacis cap. XIII. §. 21. Ex hæmorrhoida, quantumvis parum atque parumper aperta, obortæ vertigines paraplecticum quippiam ominantur: & alibi. Si ex hæmorrhoida, incipiente apparere, non oritur effluxus, sed vertigo, perniciosum est: & ARETÆUS cap. III. de Curatione Vertiginosorum, pag. 118. Vertigo propriis de causis oritur, si profluvium ab hæmorrhoidibus coeretur: & cap. III. de renum affectibus, pag. 54. Si nihil sanguinis effluixerit, (quibus nempe illud per renes consuetum erat) capit is dolore vexantur, oculorum acies hebet, obversantur illis tenebræ, & vertiginem patiuntur.

Idem fit a retentione menstruorum, lochiorum & hæmorrhagiæ narium; idem a fonticulis diu gestatis, & subito sanatis, altera evacuatione non substituta; idem a scabie & annosis ulceribus curatis; idem ab Herpete, diu multos humores fundente, & jam suppresso: hæc efflorescentia est mirabilis, qua natura epidermidem & cutem mira ratione mutat, & ulcera facit, multum liquoris fundentia; una hujus morbi species fixo loco manet, alia salit de uno loco ad alterum, funditur falsus tenuis ichor, sed ab aere siccante crusta fit. Quando hi morbi per aliquod tempus occuparunt corpus, & hæc ulcera sponte, vel per medicamenta plumbata siccantur, tunc fiunt vertigines, convulsiones, vel asthma. Dicit ARETÆUS de Vulva strangulatu, cap. XI. pag. 24. quod si mulier hoc malo vexari incipiat, vertigo infestet.

A morbo inflammatorio pulmonum Peripneu- creberrima vertigo, & cito lethalis: monia- nam quando pulmo evacuatur in parte venosa, tunc trahit omnem sanguinem in se, & fit massa compactissima; si tunc ægri dicant, se vertigine la-

Evacua-
tionibus
suppres-
sis.

Diagno-
sis.

laborare, fit leve delirium, & mors brevi instat.

Facile nunclintelligitis, quod pro di versitate causarum prædisponentium & excitantium variis orientur morbi, omnes tamen in eo convenient, quod faciant vertiginem; hinc post enarrationem harum causarum debemus dicere de signis diagnosticis, quæ præsentem morbum, ab omni alio morbo distinctum, menti offerunt, & ex diversis morbi speciebus indicant, quæ nam species adsit.

Primum tale signum est apparenſ motus corporum quiescentium, quæ major, minor, lentior vel rapidior, prout vertigo major vel minor.

2. Alterum est caligo oculorum, quæ etiam pro majori vel minori vertiginis saevitie magis vel minus densa erit.

3. Tertium est splendores subitanei, interpolati inter illam caliginem, quasi forent scintillæ igneæ majores vel minores, quæ si maximæ fuerint, brevi post amaurosis sive cæcitas perfecta fiet, oculo apparente nitido & bono.

4. Tandem quartum est vacillatio & lapsus, sive ut A R E T A E U S dixit, genuum resolutio.

Hæc est diagnosis in genere, quæ *Specialis.* vertiginem distinguit ab omni alio morbo; sed hæc non sufficit, verum præterea debet ex recensitis causis interstingui & internosci, quænam sit morbi species, id est, an sit idiopathica vel deuteropathica.

Idiopa-
thica.

Scimus, quod Idiopathica nascatur a vitio in ipso cerebro, quod vitium est nimia plenitudo, vel nimia pressio, vel inflammatio, vel nimius calor, vel nimius motus, vel inanitio, quæ fit ab evacuatione humorum, sive illa fuerit naturalis vel præternaturalis, hinc sanguinis, puris, aquæ hydro picorum &c.; vel denique defectus, quum spiritus requisiti minori copia, quam par est, generantur, sive frigus & mucosum phlegma corporis senilis illud impedit, sive sanguis aquosus & vappidus fuerit, sive alia quæcumque causa, quæ ad classem frigidarum referri debet, faciat, ut corpus in

generandis bonis spiritibus deficiat.

Diagnos-
sis Ver-
tiginis a
Pletho-
ra.

Si plethora hujus morbi causa sit, cognoscitur calore, colore rubro; pulsu ad jugulum, ad tempora, & circa caput; dolore capitis calido distidente, acsi illud extorsum diffili ret; oculis rubris, turgidis, humidis; hæmorrhagia narum olim crebra, jam præter consuetudinem suppressa; venarum jugularium tumore; sensu mollis, pleni, distendentis tumoris in omnibus corporis musculis, cum tarditate ad motum.

Apparent his hominibus similes motus, qui solent fieri in sensorio communi a causis externis: sic ad aures oriuntur bombi, fremitus furibus di maris, tinnitus acutissimi; ad oculos colores Iridis, &c. Sensorium commune tunc inæqualiter afficitur a causa interna, uti & illis, qui credunt se percuti, nemine præsente; vel qui sensum foetoris, tremores, leves contractiunculas palpebrarum, faciei &c. habent. Si ergo videmus, hominem laborare vertigine, sine alia nota causa morbi, tunc Medicus potest assumere, quod malum oriatur a perturbatione inæquali illius principii in cerebro, quod constituit proximum organum sensus & motus.

Debetis etiam semper considerare in omni vertigine, an fiat ante vel post cibum, ante vel post somnum; quænam causæ malum sopiant vel excitent, nam sic invenies semper aliquid.

Est etiam utile ex mutationibus corporis cognoscere degenerationem succi nervosi; nam priusquam depositum suum morbum ad certa loca semper aliiquid se prius in ventriculo manifestat, nempe cruditas, flatus &c. & hoc unicum est.

Vertiginis deuteropathicæ diagnosis peti debet ex præmissa historia causarum excitantium.

Progne-
sis.

Signa prognostica petuntur etiam semper ex diagnosticis, definitibus, an vertigo sit idiopathica, an vero deuteropathica; ex quibus definit prognosia, quod idiopathica semper periculosa sit; sed deuteropathica cu-

rabilis, si ipsius causa sit curabilis, nam quæ ab hepate suppurato oritur, sanari non potest. Febris se disponens ad discessum facit vertiginem bonam; eadem post vertiginem continua lethalis est. Vertigo ab atrabile in morbis acutis semper lethalis; sed in chronicis, si bilis atra moveatur sursum, est periculosa; si deorsum, tunc est mitior.

Vertigo, quæ symptoma est morbi capitis, mala est; hinc mala est, quæ dolorem capitis inveteratum sequitur, vel morbum capitis chronicum excitat; quæ increscit per gradus pessima est, & producit melancholiam, maniam, epilepsiam, nam vomitus bilis flavæ post vertiginem facit furorem; vomitus bilis atræ, melançoliam; vomitus spumæ albæ, viridiuscule, conquassatæ, phlegmaticæ, epilepsiam.

Vertigo a distento cortice cerebri metum facit apoplexiæ, sed quæ tunc adhuc curabilis est; si vero ruptæ arteriæ effuderint suum sanguinem, fit apoplexia incurabilis; & si illi ægri non statim levantur a venæfessione, est summum & fere certum mortis periculum.

In vertigine ab ebrietate metus est, ut vel a plethora, vel ab acri, quod forte retinetur, & recurrit ad molissimas partes corporis, imprimis in capite oriatur erosio vasorum sanguineorum, lymphaticorum &c.

Vertigo a turbato cerebro difficulter curatur, sed saepe inde fit Epilepsia, & quidem a tam levi & insensili causa, ac est illa, quæ musculos per voluntatem movet; talis autem facultas non potest homini eximi a Medico, nisi omnes omnino facultates perdididerit: si ergo cerebrum in homine habet similem mobilitatem, quam voluntas faciebat in alio, quid faciemus? certe Medicina hic parum valet.

Animadvertisit etiam, an non simul aliae functiones læsæ sint; si illæ sint vitales, magnum est periculum; si animales, periculum quidem magnum est, sed tamen minus metuen-

dum; si naturales, spes major effulget.

Huc etiam faciunt signa anamnestica, quæ in animum revocant omnia, namnes quæ præcesserunt, adeoque sunt recordationes causarum præcedentium. Si quis bene cognoscat aetiologiam, & perfectam formet diagnosin, ille statim dicere poterit, ex hac vel illa causa nascitur morbus. E. G. Video vertiginem; scio quod antecesserit plethora, & quod exercitatio in sole aprico accesserit; statim per anamnesin causam hujus vertiginis explicare potero, & tunc curatio non difficilis erit.

En semeiologiam hujus morbi! Si omnes alii ita tracterentur, longe melius intelligi possent. Videte de his omnibus ARETÆUM, pag. 28. Memini, quum edendum curabam PROSPERI ALPINI librum, Medicum quendam, videntem primas paginas, illas rejecisse & dixisse, hoc vetula potest scire; sed fallebatur, nam scientia signorum facit Medicum, & qui hac destituitur, casu tantum dicitur, non absimilis ancillæ, quæ possidebat præscripta defuncti sui Heri, ejusque chartulas colligens, & ægris opem implorantibus distribuens, prout fors ferebat, dixit, DEUS tibi det bonam sortem, & sic de vita humana iudebat.

Venio nunc ad methodum therapeuticanum hujus morbi, & in hac proponenda iterum non recedam a methodo veterum. Ut curatio absolutatur, bene debet definiri, quænam sit species morbi, quænam causa prædisponens, quænam excitans; hinc indicatio ad causam illam tollendam tam multiplex est, quam varia causa obtinet.

Veniamus in rem præsentem, dictruri primo de illis hominibus, qui mobilitate mobiles sunt, & cuicunque impressioni facile cedunt; in quibus fibræ solidæ tenerrimæ, & spiritus facile irritabiles sunt & mutabiles. Conceditis facile, qualis sanguis, tæle serum; quale serum, talis lympha; qualis lymphæ, talis spiritus, nam omnes

omnes humores generantur ex eadem materia & causa : sed in debilibus invenio sanguinem dissolutum , vix coagulabilem ; ergo serum manebit dilutum , lympha sequetur naturam serii , & sic porro ; & quæ videtis in fluidis conspicuis , eadem erunt in li- quoribus , inde genitis ; hinc probabile est , quod passio hysterica & morbus hypochondriacus , sine mate- ria dictus , a propria illarum disposi- tione pendeat .

Curatio horum erit quadripartita , prophylactica , therapeutica , sympto- mata levans , & confirmans . Omnis morbus habet causam , qui ante ef- fectum existit ; ablatio hujus causæ tollit effectum , qui ex illa sequere- tur , hinc prævertitur morbus : hæc est curatio prophylactica , sive ante- quam morbus fiat . Curatio , quæ ip- sum morbum præsentem tollit , est therapeutica . Sed ab illo morbo fiunt effectus , qui sæpe etiam tolli debent , & hoc vocatur levatio sym- ptomatū . Tandem requiritur con- firmatio , quæ corpus ita mutat , ut non patiatur recidivam . Quando his quatuor erit satisfactum , tunc tantum auxilii erit allatum , quantum possibile est .

Ergo quum in hac prima specie vertiginis causa hæreat in laxitate solidorum & dissolutione fluidorum , cura prophylactica erit exercitatio corporis . Hoc ita demonstro . Per æ- tatem vasa nova non fiunt , sed differunt tantum ratione magnitudinis ; & omne illud , quod vocamus solidi- tatem in partibus firmis , & tenacita- tem in fluidis , est tantum continuatæ vitæ effectus : sed continuata vita fit magis vitalis (ut ita dicam) per exer- citium musculorum superadditum , nam quo minus quis utitur exercitio , eo partes fluidæ magis dissolutæ , & firmæ magis teneræ manent .

Exercitum hoc longe prævalet o- utilitas Exercitii corporis. nibus medicamentis , nam ut per il- la augeas vitam , debent ingeri talia , quæ acerbitate & acutie stimuli cor- pus movent ; hinc aliquid damni con- ciliant ventriculo , qui primus illa re-

cipit , eorumque vires expetiri debet ; hinc præseruntur talia exercitia , quæ nullas partes lœdunt .

Levissimum exercitii genus est ge- statio , quæ ab omni tempore infan- tibus fuit adhibita , dum in cunis a- gitantur ; hæc lethalis esse potest , quum infantes sunt plethorici ; salu- bris vero , dum debilitate laborant , nam per hanc agitationem omni mo- mento fit nova actio & reactio solidorum in fluida , & fluidorum in solida .

Huc etiam pertinet vectio , quæ est quasi gestatio in rheda ; & oscillatio , que est agitatio in funibus mobilibus : imprimis vero frictio , palmarium in morbis , a debilitate oriundis , reme- dium : hæc si parva fuerit , premit tantum venas , major etiam arterias ; minor agitat venas , major arterias , nervos & musculos ; hujus effectus est , ut idem illud bonum præstet , quod aliter per motum musculorum deberet fieri ; movet etiam sanguinem venosum versus cōr , hinc auget vim vitalem , nec inducit aliena in corpus ; hæc potest fieri in quacun- que parte , ita ut sanguis venosus u- bique possit promoveri ; & eo usq[ue] continuari , ut corpus frigidissimum fiat tam calens , quam a febre arden- tissima ; hæc eo magis prodest , si cum pannis vaporatis fiat : per hos imprimis motus multi infantes epile- ptici , debiles & rachitici curati fue- runt .

Valde etiam confert cibus siccus , solidus , eupeptus & polytrophus : ta- lis est panis triticetus cum propriis surfuribus rite fermentatus , bis co-ctus , vel leviter tostus ; si infantes sint edentuli , debet conteri in pulverem , & sic ori induci , ut cum propria sua saliva subigant : hoc remedium est quidem simplex , sed forte sibi simi- le non habet ; pro exemplo sufficiet adducere exemplum remigum in li- burnicis maris mediterranei , qui sola aqua & pane bis cocto vitam susti- nent : potus simul debet esse pau- cissimus , & infusa Theæ , Caffeæ , & Chocolatae dilutæ planæ sunt vitanda ; credo certe , vertiginem hodie ma- xime

xime pendere ex potibus illis aquofisis, qui in tanto usu sunt apud Battavos: fateor, quod etiam dissipent vertiginem, sed postea magis nocent, & miseri illi ægri confugiunt ad spiritus destillatos, illisque etiam egent, & tunc plane perditæ sunt. Roborans austерum vinum, pauca copia potatum, in hoc casu etiam incredibilem vim habet; huic admisceri possunt aromata, illique immergitur panis, cuius v. g. drachmæ duæ omni trihorio deglutiendæ jubentur; facit tunc eo majores effectus, nam sine pane ci-
tius delabitur.

Inter remedia præcipua refertur et-
Potus cerevisia meraca. Potus cerevisia meraca, & imprimis
meracæ. Mumma Brunsvicana; solo hoc potu, cum paucō pane tosto assumto, curavi Haganam Domicellam, quæ præ debilitate lucem vix poterat ferre; & certe hæc cerevisia continet quasi quintessentiam tritici; nam coquitur ad eam spissitudinem, ut fermentationem non amplius subeat; si sumitur nimia copia, morbos creat, eodem modo uti ab igne majori com-
buriatur, qui a minori blande caleficit. Qui jentaculum, prandium vel cœnam claudens hujus potus parvam copiam assumit, digestionem adjuvat, & succurrat debilitati.

Somnus sit matus in superiori æ-
Aliæ re- dium parte, maxime si ligna ibi non
gula dia- sunt picta, nam a lignis, oleo obdu-
teticæ. ctis, semper destillant humores, dum aer est humidior; sed ligna non picta humidum aerem melius imbibunt: qui in depresso loco dormiunt, harent quasi in rore, quod ægris debilibus nocet.

Stragula, quibus teguntur, debent semper esse siccissima, quæ res tanti momenti est, ut Rachitici vix aliter possint curari.

Vestis sit ex lana sicca, nam lin-
tea non ita imbibunt, sed vapores repercutiunt ad corpus. Aer montanus & siccus hic maxime conduceit.

Hæc de prophylaxi; sed si vertigo jam sit præsens, curanda est per remedia therapeutica, inter quæ primo refero roborationem corporis per fa-

scias adstringendas. Agens antea de debilitate memoravi exemplum nobilis Britanni, cui vertigo & alia mala a sola hac causa facta fuerant, qui sanatus fuit adstringendo tantum indu-
sium, & sic majus robur conciliando valis.

Remedia pharmaceutica, quæ hic *Perrobo-*
rantia. conveniunt, sunt omnia roborantia & aromatica, quatenus in se gerunt tales partes, quæ suppleant inertiam in liquoribus subtilissimis. Inter hæc princeps est chalybs: in chalybe enim duplicem vim deprehendo; unam a sulphure metallico, quod tam facile solvitur, & ructus parit nido-
rosos sulphureos, ex ventriculo assur-
gentes, qui validissime agunt in ner-
vos: alterum est adstringens austерum,
quod adhæret partibus, per quas tran-
sit; utraque ratione convenit; nam si acidum in ventriculo ægro prædomi-
netur, chalybs semper solvit ab illo, & facit illos vapores; & post solutionem fit vitriolum, quod par-
tes firmas consolidat, & fluidas den-
sat.

Huc refero conservam Rosmarini, quæ in Galliis optime conficitur; sumunt flores hujus herbae, matutino tempore collectos, eoque cum æquali parte sacchari purissimi & sic-
cissimi contundunt in mortario; dein recondunt, ita ut aer mucilaginem inducere nequeat, & sic odorem sa-
poremque florum conservant. Catechu est succus inspissatus ex arbore quadam in Indiis Orientalibus, hinc male vocatur terra Japonica; habet aliquid aciduli & subadstringentis, hinc virtutem habet roborandi, & putredini resistendi; & in Asia ma-
ximas huic vires abscribunt, usur-
pantque ibi imprimis ad gravem halitum emendandum. Mastiche in se habet aroma quoddam caletaciens, & simul lentorem, ut non solvatur in saliva, hinc suaveolentiam diu retinet. En formulam! R. Conserv. Rosmarin. unc. j. Catechu dr. ij. Mastiches dr. ff. Mivæ Cydonior unc. j. Syr Myrtin q. s. u. f. Conditum. Præscripturus formulam non tantum de-
bet

bet quærere remedium, causæ morbi oppositum, sed etiam dare tali forma, quæ virtutem suam potest diffundere: huc facit hoc conditum, cuius dosis est dr. ss. vel dr. j. omni bihorio vel trihorio diei, prout æger plus vel minus ferre potest; sumitur commodissime obvoluta oblato forma sicca, vel aliter potest simpliciter ore devorari. En aliam! R. Cort Cinnam, Cappar, Tamarisc, Flor Centaur min aā unc. ss. Lap. Hæmatit dr. ss. Limat. Mart. dr. vj. Rad. Caryophyll. mont. dr. iv. Herb. Rosmarin, Fl. Stoechad. aā unc. j. infundantur cum lib. iij. Vini Hispanici, digerantur per duos tresve dies in phiala chemica; sumat æger unc. j. ter de die vacuo ventriculo. Hoc vinum gratum est & expertæ virtutis in vertigine, virginibus chlorosi laborantibus, & ægris, qui inclinant in hydropem.

Lapis Hæmatites est ferrum embryonatum, sed quod simul recondit sulphur metallicum; si teratur cum sale Ammoniaco, & sublimetur igne moderato, oritur odor Croci, hinc multi habuerunt pro aromate philosophorum; viribus convenit cum ferro, & magni usus est, ubi corpus instaurandum, & sanguis fluidus condensandus est.

Forma pilularum hæc esto. R. Catechu dr. j. Mastich. dr. ss. Oliban. Opopan aā dr. j. Ol. still. Lavend. Rosmarin aā gtt. iv. F. pil. gr. iv. quarum dosis sit tres de die vacuo ventriculo. Vel R. Fol. siccata Lavend. Majoran. Rosmarin. Salviae, Fl. Stoechad. aā q. f. molliissime exsiccantur in umbra inter chartas, consindantur simul, ut inserviant instar. Tabaci ad cerebrum confortandum, quorum fumus ducatur ex fistula tabacaria, qui pulmonem & membranam Schneiderianam roborat. Dedi exemplum, quomodo per remedia pharmaceutica aromatica & roborantia tolli possit nimia flacciditas, quæ optimè dantur sicca forma, ut stabile medicamentum exhibeant, quoniam in fluida nimis cito transeunt.

Vitentur simul conspectus gyram-
tium, cadentium, concutientium;
statio in alto loco, conspectus fur-
sum vel deorsum, & hæc obseruentur
tamdiu, donec æger fatis convaluerit.

Sequitur cura confirmans, quæ post sublatam morbi causam, eradicated Cura con-
morbum præsentem, & sedata sym- firmans.
ptomata, munit corpus contra novam recidivam, & consistit in cognoscendis & tollendis causis prædis-
ponentibus; hinc corpus debet lente assuefieri talibus, quæ huic morbo occasionem dabant. BELLEINI obser-
vavit, merum accedentem præcipuum esse vertiginis causam; hinc nemo fa-
cile laborabit vertigine, cui metas abest; sed dum quis metuit, genua labascuat; dum quis putat, se in gla-
cie casurum, illico cadit; infuetus pessime laborat in mari; qui retro-
grado motu in rheda vehitur non af-
fuetus, illico naufragat: sed quid auda-
cia & consuetudo faciant ad omnia
hæc ferenda docent funambuli, nau-
tæ, scandularii, fabri lignarii, ce-
mentarii: putant fere, se non posse
cadere, si vero incipiunt dubitare, jam
in summo periculo sunt; sola con-
suetudo hoc præcavet. Hæc etiam est ratio,
quare equitatio in hoc casu
valde profit. Trojani solebant equi-
tando se in arctos gyros convertere,
& hoc modo se firmabant, ut in bel-
lo a novis motibus non turbarentur.
Quum CAROLUS QUINTUS Me-
chliniæ excipiebatur, rogabant eum,
ut vellet conspicere ad apicem tur-
ris: Vedit hominem, qui ferra se-
cuit trabem, & fragmentum pede de-
trudebat. Imperator mirabatur hoc
æquilibrium, sed rogabat, ne talia
spectacula ipsi in posterum propone-
rentur.

Altera causa vertiginis erat pletho-
ra, quæ cognoscitur calore, colore Curatio
rubro, pulsu ad jugulum & tempo- vertiginis
ra, oculis rubris, turgidis, humidis,
eminibus & splendentibus; hæmor- a Pletho-
rhagia narium consueta, jam suppres- ra.
sa, inflatione venarum, aliisque jam
recensitis symptomatibus: in hoc ca-
su metuenda est Apoplexia, cujus
causa

causa tunc erit impleti & distenti corticalis tumor, quæ adhuc curabilis est; minime vero, si erupta vasa sanguinem effuderint.

Duo hic notanda sunt. Nulla crebrior est arteriarum solutio, quam in naso; si ramus incurvus arteriosus, in quibusdam hominibus decurrens ad latus oculi internum, statim sub osse ethmoide, rumpatur, exit sanguis tamdiu, donec vires adeo sint dejectæ, ut rima facta sponte claudatur: si haemorrhagia sistatur, hoc tantum fit pro tempore, nam eschara remota, natura se iterum evacuat per factam viam; frequens hoc est in juvenibus ab anno octavo decimo ad vigesimum quintum, iisque est salutare; sed hoc incommodi habet, quod corpus masculinum reddat obnoxium via fœminino, nam eo plus sanguinis conficitur, quo plus demitur.

Arteriæ intra caput veniunt ab eadem origine, quam externæ, quæ firmiores habent membranas; sed intra caput non habent tunicas musculares, & sunt in tempore humido, hinc videntur longe faciliter posse rumpi, quod tamen non fit, quia in capite nullum est vacuum; hinc tota moles encephali intra cranium tam arcta est compressa, ut arteriæ non possint plus extendi, quin venæ plus emitant, hinc arteriæ semper fulciuntur æquabiliter; & licet omnia sint mollia, resistentia tamen ubique est æqualis; sed arteriæ in naribus nudo aeri exponuntur; histis in internis non est tantus metus, nisi rosio fiat; vel si caput uno impetu percuditur, nam quando tunc rumpitur arteria in capite, fit Apoplexia lethalis.

Ut habeatur hujus causæ anamnesis, debet considerari temperies, si nempe corpus ægri plurimum chyli, & ex chylo bonum sanguinem faciat, nec patiatur ejus jacturam, necessario debet fieri plethoricum: sive nunc sanguis sit duplo copiosior, sive duplo rarior, res est eadem respectu vasorum & pressionis; hinc si medicamenta talia adhibeantur, quæ eodem modo peccant quam plethora,

idem est ac si plethora adesset; ergo medicamenta, quæ augent calorem & actionem vasorum, idem faciunt quam plethora; si remedium quoddam sic valet calefacere corpus, ut major oriatur motus, fiet etiam major rarefactio: motus agens in sanguinem, non mutatum per caco-chymiam, facit idem, acsi sanguis fuisset auctus, nam propellitur celerioris in arterias: si nunc in aorta oriatur repletio nimia, vis cordis debet plus movere, hinc majorem resistentiam pati; hinc venæ pulmonales se non possunt tam bene evacuare, fit plethora in pulmone; & quando hoc aliquamdiu durat, fiunt ejus effectus: hoc nunc imprimis faciunt omnia medicamenta acria & quædam venena: in puella caco-chymica frigida & leucophlegmatica vix possumus excitare calorem; sed nascatur contagium variolosum, vix illud suscepit, quin calor, rubor & inflammatio fiant, quæ durant per quatuordecim dies.

Discite hinc leges corporis humani; si stimulus huic communicetur, corpus exhaustum fit plethoricum; non est amplius pallor, sed rubor tantummodo, quia circulatio aucta est: ergo vertigo, quæ fit a plethora, potest etiam oriri a talibus causis in corporibus, maxime a plethora distantibus.

Cura hic iterum est quadruplex, Prophylaxis & & in hoc casu primo plethora tollenda est, quod potest fieri per venæ usus venæ sectionem: sed si tantum adsit rarefactionis, tunc causæ, quæ tollunt nimium motum, tollunt etiam hanc plethoram: hæc vero si fiat a transfusione sanguinis in solas arterias, tunc venæ sectio non multum juvat, nam humores non possunt redire, & cor dextrum est nimis plenum, quia arteriæ pulmonales sunt nimis plenæ; si ergo possimus deplere arterias, illico hæc plethora cessat: in hoc casu nimis expansæ sunt arteriæ, amissa est elasticitas, & pulmonales venæ se non possunt evacuare, quia non evacuatur cor sinistrum; fuc-

Præmit.
titur ex.
plicatio
hujus
causæ.

Arterio-
tomes.

suecurrit hic saepe natura, quæ rumpit arterias, & tunc malum per haemorrhagiam statim tollitur; ubi ergo a motu vel rarefactione minæ intentantur cerebro, instituenda est arteriotome; sed haec potest fieri naturalis, applicando fomenta ad nares; vel irritando haemorrhoides per clysmata & glandes appositas; si haec non juvant, tunc confugiendum est ad cucurbitas & scarificationes, ut olim fecerunt Aegyptii; vel ad hirudines, quæ tanta copia possunt applicari, quanta velis, & quæ fugunt ex ipsis arteriis.

Revulsio- **nis.** Alterum remedium est, ut avertatur motus a capite, & determinetur versus inferiora, quod fit humectando, tepesciendo, & leniter irritando partes inferiores, maxime per epispastica, plantis pedum applicata, inter quæ nulla plus trahunt quam animalium partes. Si v.g. applicetur splen, intra quatuor vel quinque horas fit foetor intolerabilis, & pars talis putrescens magis irritat: vel quoniam pisces saepe intra horam putrescent, possunt apponi truttae & similes pisces planiores; frictiones moderatae versus inferiora etiam valde juvant.

Sobrietatis. Alia prophylaxis, in causam remotionem agens, est, ut victus plenior caveatur; hinc victus sit tenuis, frigidus, levis; nam si possimus facere, ut sanguis ex arteriis in venas transfeat, & in iis colligatur, facile reducetur ad quietem, nam venæ magis expanduntur, & sanguis in iis tardius movetur: hinc CREATORE ita fecit corpus, ut venæ pro re nata possint dilatari & continere sanguinem in quiete: hoc jam primum fit per aquosa, vel per fomenta & balnea, nam venæ aquam absorbent, ducunt ad sanguinem, eumque diluant. Victus, quo plus aquæ habet, eo plus hic juvat, imprimis si aqua sit calida; si homo robustus aquam calidam bibat per triduum, fere deficit; aqua enim hic est princeps remedium, imprimis si tepida fuerit; si fortissimi homines nil nisi cibos

aquosos sumant, cadent tere in animi deliquium & brevi destituuntur omni plethora. HIPPOCRATES dicit, quibus in initio febrium fiunt validæ pulsationes capitis, & vertigines magnæ, in his tempore criseos prævidemus ingentem exacerbationem; nec miramur, si tunc delirent: haec vertigo tunc oritur a determinatione humorum ad caput, eorumque in vasis rarefactione; sed per methodum jam dictam præcavetur.

Therapeu- **ta morbi ab hac causa per regimen vitæ.** Sequitur cura Therapeutica. Ergo quiescat æger in loco obscuro, frigidiusculo, silente; nisi enim quiescat, motus sanguinis quiescere non poterit: sit locus obscurus, nam non est majus remedium ad sopiendam vertiginem, quam claudere oculos, & sic commercium luminis avertere; oculi enim cum suis appendicibus magnam molem occupant in cerebro; nil vividius afficit quam lumen; & dixit ARETÆUS, mutabilitatem visu perceptam esse fabrum vertiginis; sit locus frigidiusculus, nam omnes plethorici pejus habent, quum sanguis per calorem rarescit: sit locus silens, id est, ubi nullus rumor vel strepitus percipitur. Victor sit valde parcus, & simul tenuis, ne ventriculus nimis distendatur, & sic aorta sub illo prematur, & sanguis majori copia versus cerebrum adigatur; nam vertigines maxime ventriculo replete fiunt: idem de potu verum est.

Pacati sint animi affectus, nam hi magnos motus excitant in cerebro; nec etiam ægri nimis studiis indulgeant, & licet pari temporis sint, post panum ab iis plane abstineant, nec premant ventriculum sedendo ad mensam scriptoriam. Si hoc negligant, laborant vertigine, ubi senescunt, ad primos laborum impetus, & postea incidunt in Apoplexiā. Vigilant etiam, quantum commode fieri potest, nam somnus caput maxime replet, & disponit ad apoplexiā, quæ somnus perfectus est: debent ergo corpus tenere erectum; sed in eo plerumque peccatur, nam hi

Aquoso-
rum.

hi ægrî putant ; sibi a somno omnia bona fieri ; experientia tamen contrarium docet. Ergo fiat capit is firmatio & sustentatio, hinc pulvinaria supponatur, ne caput vacillet vel nictet deorsum.

Medicamenta sunt talia, quæ modice refrigerant, motum sedant, & rarefactionem pressionemque ad vasa cerebri cohibent. Inter hæc princeps est Nitrum nostrum hodiernum, quod parca copia simul in lingua liquefcat & deglutiat ; & Tartarus, qui est sal vegetabilis essentialis albicans, per crystallizationem ex vino natus, saporem habens suavem acidum ; hujus pauca grana sine ulla præparatione per totum diem assumpta, donec alvum leviter moveant, mira hic faciunt. Succi recens expressi de Berberis, Ribesiis, Baccis Sambuci, Cerasis, bene maturis, laxant alvum, movent urinas, & sanguinis motum pacatiorem faciunt : sed abstineamus in hoc casu a dictis Cephalicis, Lavendula, Majorana, Rosmarino, Ruta, Salvia, Serpillo, Thymo, quæ bona sunt, si vertigo oriatur a nimia debilitate ; sed in hoc casu sunt venena. Ut fiat palliatio, decumbat æger corpore ut cunque erecto, capite parum reclini, modice elevato & firmato : frictio levis, laxatio, & vasorum dilatatio etiam prodest.

Cura confirmans. Confirmatio contra recidivam fit victu parciore & tenuiore ; nam victus plenus est mater plethoræ. Labor hic juvat, quatenus omnem pinguedinem dissipat. Sunt corpora, quæ semper macilenta manent ; quæ nec balneis, nec fomentis, nec irrorationibus pinguescunt. Urina illis acrior est, colorior & foetidior, & color corporis subflavescens ; sed omnia corpora plethorica humores oleosiores habent ; sunt vero herbæ, quæ nimiam humiditatem & obesitatem dissipant : talia sunt Absinthium, imprimis Ponticum ; Carduus Benedictus, qui in infuso adhibitus auget perspirationem ; Marubrium album, Centaurium minus, Radix Gentianæ. Scordium palustre :

hæc si usurpentur tempore, quo adest vertigo plethorica, augetur malum : valent autem, si morbus ille jam sanatus sit, ne recidiva fiat.

Transeo ad curam vertiginis, quæ o-
ritur a retenta materia, olim evacuari
consueta, sive illa evacuatio naturalis,
præternaturalis, vel periodica fuerit,
nec substituta sit alia. Videmus, quod
hæmorrhagia sanguinis arteriosi boni
per nares sit creberrima, quod sym-
ptoma saluberrimum est juvenibus pu-
bertatis tempore, quo corpus disponi-
tur ad incrementi resistentiam. Inde
tamen fit hoc incommodum, quod
inducatur diathesis ad repletionem &
evacuationem periodicam, nam quo
corpus plus evacuatur, viribus ma-
nentibus iisdem, eo plus iterum re-
pleteur ; & eo difficilius fert cessatio-
nem evacuationum ; ergo eo major
dispositio est ad vertiginem, simulac
sanguis paulo plus accumulatur, ejus-
que evacuatio periodica impeditur :
caput iis titubat, sed simulac sanguis
prodit, liberi sunt. Si menstrua temel
soluta in bene valente fœmina prohibe-
antur, fit vertigo. In viris adultis
raro exit per nares, sed plerumque
per hæmorrhoides ; qui fluxus duplex
est, vel sine dolore ; & tunc non est
propriæ hæmorrhoidalis, sed fere semper
mesentericus vel hepaticus, quia
oscula vasorum in intestinis per ana-
stomosis dilatata sunt ; si hic fluxus
impeditur in homine huic assueto,
labitur non tantum in vertiginem,
sed etiam in apoplexiā, & per aliam
evacuationem, quæ libertatem dat
huic sanguini, ab illa liberatur : vel
ille fluxus fit cum tenesmo, pressione,
dolore, calore, rubedine, tumore ; &
tunc dilatatae vel ruptæ arteriæ hæ-
morrhoidales liberant corpus a pletho-
ra. Corpora, quæ huic evacuationi
semel sunt assueta, sive masculina
sunt, sive fœminina, dato tempore il-
lam pati, vel aliam substituere co-
guntur : Medicus autem necessitatē
hujus evacuationis potest prævertere,
si curam gerat, non fieri plethoram ;
& in mulieribus caveat, ne fiat re-
tentio.

tentio. Verum contingit millies, fœminas fieri tota vita infelices per errorem Medici; vulgaris enim est opinio, quod omnes earum morbi, si non utantur viro, fiant ab impeditis menstruis: si Medicus incitatus clamore harum ægrarum, utinam menses essent copiosiores! emmenagoga exhibit, facit saepè tantam laxationem, ut tales mulieres postea omni septimana, vel bis terva de mense, imo toto tempore menstrua habeant; ergo hic non est urgendum, ne evacuatio fiat nimia, nam quicquid illæ eomedant, vel bibant, fit sanguis, & hic iterum exit: sed si evacuationes periodicæ naturales impedianter, tunc vel premunt corpus, & quia pressio plerumque vadit versus caput, quia arteriæ ejus sunt maxime dilatabiles, hinc primum initium est vertigo; vel querunt alium exitum, & aperiunt vasa, quæ aliter aperiuntur nunquam: in digito minimo foeminæ omni mense plethora evacuabatur, utero sicco; sic per caput, nares, os, oculos, gingivas, fauces, renes, pulmones, ulcera, vulnera, hanc evacuationem factam fuisse exempla docent; si vero impedita fuerit, statim morbi capitum fiunt, uti Medici probe sciunt, qui continuo a mulieribus fatigantur querelis de capitum dolore & vertigine.

Huc refertur materies, catarrhosa dicta, quæ quam maxime considerari meretur. Veteres, qui ignari erant circuitus sanguinis, per Catarrhos intellexerunt aggestiones materiae cuiusdam humidæ ad certum locum; non videbant vias, nec intelligebant vim illos humores determinantem, hinc posuerunt defluxum fieri a parte frigidissima; quia nulla pars est minus sanguinea quam cerebrum, hinc putabant, ibi generari pituitam, & inde destillare ad inferiora. HELMONTIUS pater, vir profundæ speculacionis, hanc opinionem merito explodens, dixit, Catarrhos tantum pendere a custode loci debilitato; ponebat ille, præses & dirigens quoddam principium in quolibet viscere &

membro esse positum; si illud recte valeret & esset in æquilibrio cum toto corpore, distributio ubique erat æqualis: sed si rector articuli genuum v.g. qui parare debet succum ligamentorum lubricantem, debilitetur, nasceretur ibi humor degener ex præside universalis vel particulari debilitato: videtis, quod ille, circuitus leges etiam non cognoscens, tamen vera dixerit; nam si tumor est in genu, in illo loco est quadam debilitas; cæterum hanc rem non multum illustrat, nisi quod insons caput non accusetur.

Hæ destillationes a veteribus distributæ sunt in varias classes satis memorabiles; in podagram cum omnibus suis satellitibus; in destillationes arthriticas absque podagra; in catarrhos mucosos, qui fiunt in membrana Schneideriana, titulo Coryzæ, per quam falso putabant expurgari cerebrum; in anginas catarrhosas, tusses, sternutationes; in diarrhoeas catarrhosas, quæ fiebant a fluxu humorum ad ventriculum & intestina; & in catarrhos uteri. Si ab hac causa afficiantur membrana Schneideriana, fauces & pectus, per omnia membra sentiuntur languores. Omnia hæc in quibusdam hominibus certo tempore fiunt & accumulantur, & tandem corpus per crisis quandam se liberat, illique semper resurgunt meliores ab illo morbo, si bene gubernetur; sed si hæc materia assueta gigni, & in certo loco deponi, jam evacuari non potest, manet in reliquis humoribus, & caput fere semper primario afficit.

Vir literatus hisce diebus me consulebat, dicens se deprehendere, quod dum sedens volebat se erigere, caderet retro; postquam vero inciderat in saevissimam podagram, liber fuit ab omni hoc malo: talis homo forte etiam per vesicatoria sanari potuisset: ad omnem ergo corporis partem periodice generari & evacuari solitus humor potest turbare totum corpus, dum Medici, de his catarrhis forte non cogitantes, omnia frustra moluntur; ubi vero hæc sciunt,

habent largam copiam medicamentorum, quæ sine periculo exhiberi possunt.

Et Ute- Alia hujus morbi scaturigo est ma-
ribus. teria ulcerosa, fistulosa, fonticulorum, herpetum, scabiei veræ, omniumque efflorescentiarum, tam humidarum, quam siccum; si natura, hic etiam se periodico tempore, verno vel autumnali, evacuare solita, impeditur, similia mala nascuntur: ex decem asthmaticis a prima infan-
tia forte novem erunt ab efflorescen-
tiis retentis, vel per refrigerationem
repercussis; si crustæ capillorum per Ceruſſam vel Vitriolica auferantur, illico audiuntur querelæ de vertigine; si acre illud, recurrens ad caput, vasa rodat, potest facere apoplexiam sanguineam vel lymphaticam, prout varia vasa roduntur.

Curatio requirit ablationem causæ prius detectæ, quæ ergo impossibilis est, nisi prædisponens & excitans causa simul sit cognita. Si v. g. ho-
mo non assuetus autumnali tempore laboret vertigine, debes rogare, cui-
nam morbo sit obnoxius? respondet ita, podagra: roga, quando? si dicat, bis in anno, sed jam magno meo bono sum liber, debes revocare podagram; longe enim melius est dolorem sentire in parte remota, quam versari in periculo apoplexiæ.

Requiritur porro restitutio evacuationis solitæ, si sine periculo sit, & si morbus, a retentione timendus, periculosior sit, quam evacuatione ipsa: si ergo æger hemorrhagiæ narium sit obnoxius, sed quæ jam retinetur, applicentur spongiae calidæ ad caput & nares; hauriat aquam tepidam cava manu, tabacum turundæ for-
ma naribus immittat, easque hac ratione irritet, & humores versus vasa harum partium alliciat. Sed prudentis etiam Medici est, corpus li-
berare ab evacuationum servitute, hinc inquirat, qua ratione plenitudo hu-
morum optime averti queat.

**Harum eva-
cuationum reſitu-
tio.**

Requiritur etiam substitutio alterius evacuationis: non fieret plethora, si temperate vivetur & labor esset ut

cibus; sed si homo magis increscit quam consumit, fit plethora, quæ præcaveri posset, si homo meditationibus matutinis jungeret exercitia corporea pomeridiana: possumus qui-
dem vertiginem tollere per missio-
nem sanguinis, sed hæc disponit corpus ad citius generandam plethora-
ram; & si æger simul laetus sit in victu, debebit tandem sanguis sexies & ultra mitti in anno; sed quid tandem inde fiet? ergo restituatur evacuatio solita, vel substituatur alia minus incommoda, vel corpus emendata causa sensim ab iis desue-
scat.

Podagrī vero imprimis prudentes **quomo-**
requirunt Medicos; materies enim **do cu-**
podagrīa videtur creatura valde sin-
gularis, & talis degeneratio unius **randi fiat**
cujusdam humoris, quæ nec ex le-
gib⁹ corporis, nec ex comparatione **vertigi-**
intelligitur: podagricus octo dies ante **nosi po-**
faum paroxysmum apparet sanissi-
mus, qui simulac irruit, patitur do-
lores intolerabiles; decurrit certo **dagrici.**
tempore, si sit exquisitus, & relin-
quit corpus iterum sanissimum; elapsis
sex vel duodecim mensibus iterum
excruciat; sic euns redeunsque liga-
menta, cartilaginiæ & nervos exurit;
tandem fit vera calx, quæ pulveris
specie separatur, vel recondita hæ-
ret ad articulos: si extali materia re-
tentia fiat vertigo, debet longe aliter
tractari, quam quæ oritur a catarrho
innoxio; nam si hæc materies possit
ossa comburere in calcem, quid fa-
ciet, si febre accensa per errorem
loci hæreat ad pulpam mollem cere-
bri, ibique parem potestatem exer-
ceat? Si ergo ab hac materia reten-
ta oriatur vertigo, hæc illico tra-
ctanda est summis remedii, nam si
exspectas, illa materia hic se figens
faciet rosiones & apoplexias lethales;
substituta alia spiracula, semper ma-
nantia, veluti setacea, fonticuli &
ulcera artificiosa sæpe magnum hic
usum habent: nam illi humores vi-
dentur hac ratione evacuari, corrigi,
derivari, eodem modo quam in ple-
thora per missionem sanguinis.

Pal.

Pallatio fit per abstinentiam , quic-
tem summam , & merum fere aquæ
usum .

Maxime autem est commendanda
confirmatio . Coactus fuisti corpori
servitutem inponere , & evacuationem
facere , ut tolleres malum ; sed ubi
æger tutus jam est , tuum est , eum
ita dirigere in omnibus causis prædi-
ponentibus & excitantibus , in sex
rebus non naturalibus & medicamen-
tis , ut omne malum ejusque causas
avertas ; si plethora adsit , præsto sunt
remedia ; si cacochymia , debes inqui-
rere in ejus correctionem , & hac ra-
tione Apoplexia , Paralysis , Epilep-
sia præcaveri poterunt .

Curatio psiae jungitur ; notum enim est , hunc
Vertigi- morbum sæpe initium habere a verti-
nis cum Epilepsia gine , & in hoc stadio potest adhuc
Epilepsia conjun-
ctio. præcaveri & curari .

Dixi jam de illa specie , quæ fit a
nimia mobilitate systematis nervosi ;
addo jam , quod hæc etiam possit
fieri ab inæquali actione cerebri vel
sensorii communis : quando sani &
vegeti sumus , nulli rei singulari in-
tentis , nullus motus percipitur in
sensorio communi , & omnia sunt
quasi in æquilibrio ; cum vero in
sensorio communi una pars plus cæ-
teris movetur , fit species convulsio-
nis ; si una pars fiat debilior , fit et-
iam debilitatio in musculis , per ner-
vos cum illa parte commercium ha-
bentibus ; & ab inæqualitate in sen-
sorio communi fit titubatio , corporis
debilitas , vacillatio , & inæqualis
motus . Hoc vitium nonnullis homi-
nibus videtur proprium . Sit homo
sanus , jejunus , lumbricis laborans ;
dum quiescunt hæc animalia nil sen-
tit ; repunt illi tuæ sursum ad
quærendam alimoniam , faciuntque
irritationem nervorum ventriculi ,
unde oritur inæqualis motus , & ab
hac causa æger cadit sæpe vertigino-
sus & epilepticus . Veteres hanc cau-
sam exprimunt titulo *Spiritus inflati-
ventosi* , πνεῦμα φυσόδες ; & concipiunt
oriri posse in humoribus corporis

Tom. II.

humani mutationem , si non eandem ,
certe similem , quam quæ advertitur
in liquoribus fermentatis , qui verti-
ginem excitant . Frumentum siccum ,
per secula servatum , nullum conci-
pit motum ; aqua pura , vas immis-
sa , manet sine fermentatione ; sed si
hoc frumentum miscetur cum illa a-
qua , oritur spiritus , & vas cum im-
petu dissilit : nonnulli conceperunt ,
ita etiam flatus oriri in humoribus
hominis , & dixerunt , si hoc fieret
in spiritibus , productum iri vertigi-
nem , epilepsiam & apoplexiā : no-
nat GALENUS , flatus illos fieri tam in
inferi ribus quam superioribus parti-
bus ; videmus enim in hypochondria-
cis , quod vix explodant flatus , quin
statim liberentur . Ubi putridus ichor
continetur in abdomine , antequam
rumpatur vomica , fit vertigo perpe-
tua . Hoc vitium sine causa notabili
non appetet , nisi quando homines
spiritus flatulentos assumserunt . Vi-
num paulo plus assumptum parit ver-
tiginem , ita ut parietes & trabes vi-
deantur moveri .

Quando nunc a tali causa externa
oritur vertigo , apparent iidem mo-
tus , qui etiam fiunt a causis latenti-
bus ; in auribus sunt bombi molestissimi ,
sæpe repetiti , & diu durantes ,
acsi æger furibundum mare audiret ;
apparent imagines inasuetæ , scintil-
læ lucis & colores iridis ; nonnun-
quam sentiunt , quasi corpus percute-
retur , & simul labuntur ; ubi resur-
gunt , rogant cum indignatione , quis
eos percusserit ? Nonnulli testantur ,
dum instat paroxysmus , se sentire o-
dorem Ambræ , Moschi , & sæpe et-
iam fætorem , vel suavolentiam ;
multis fit tremor , palpitatio palpe-
brarum , leves contractiones in facie
circa nasum & os : in his casibus
Medicus potest assumere , quod hæc
mala fiant ab inæquali actione senso-
rii communis . Ergo diagnosis clara
est , & Prognosis declarat hunc mor-
bum curatu difficultimum ; nunquam
autem desperandum est de curatione
hujus morbi , nisi quando paroxysmus

H inci-

incipere solet sine præcedenti cognita causa; tunc enim metus est, ne tales vertiginosi fiant epileptici; & Medicus hoc amicis debet prædiceret; hinc debent moneri, ut ægri se caveant, nam ad flumina vel ignem possunt incidere in suum morbum: sunt familiae, quibus hoc malum proprium est; alii post vulnera & ulceræ curata hac parte miserit manserunt tota vita. Caries ossium cranii, & quidem omnium usque ad os Ethmoides; inflammationes cerebri; tandem insecta quædam exigua & latentia, modo nervis propinquæ sint, possunt excitare hoc malum. Si oritur talis vertigo, & in recordatione vitæ cujusdam ægri deprehenduntur hæc recensita, potest statui morbi species, cuius cura prophylactica in eo consistit, ut inveniamus, quænam species causæ dominetur; hæc si tuto educi potest, eductio hæc sanabit, sed Medici hic plerumque cœspitant, & ambigui remedia administrant.

Illustrabo hoc sequenti exemplo: curavi domicellam quandam, huic morbo ita obnoxiam, ut cogeretur sedere in loco tenebricoso & silentissimo, nam dum vel minimum movebatur, dirissime affligebatur; manifestabant se erumpentia per nares insecta varia & numerosa; suspicio erat, posse curari morbum, si illa abigerentur; ergo institutæ sunt fumigationes, tam humidæ, quam sicæ ex Cinnabari; haustum est per nares infusum Tabaci, solutio aluminis & vitrioli, & hac ratione perfecte sanata est, vivis animalculis quotidie prodeuntibus: si in hoc casu non constitisset, adesse nidos & ova vermium, nervosque titillari & vellicari, nulla spes curæ fuisset; ergo detectio causæ sola facit certam curationis methodum: quis contra vertiginem unquam præscripsisset solutionem Chalcanthi in aqua? sed qui hanc causam noverat, optime egisset: ergo curatio consistit in procuranda diathesi, repertæ causæ op-

posita; hinc Medicus ex effectibus inquirat latentem causam, & hæc inventa illum docebit, quid agere debeat. E. g. Video hominem laborare vertagine, cuius causam ignore; repeto cursum vitæ ægri a nativitate, familiam ejus, & video morbum ire & redire; ergo debet esse causa, quæ facit hunc paroxysmum; video, quod æger corripitur, dum jejonus manet; video illum post pastum liberari, sed abdomen ejus tumere & prominulum fieri, cæterum nihil; illico Medicus concludit, vivi quid hærere in ventriculo, nempe lumbricos; diluit unum granum vitrioli cypri magna copia aquæ, quam ægro potandam exhibet; hoc quidem est venenum præsentissimum, sed non, si tam parva copia detur; exhibet dein purgans, ut mortui vermes expellantur.

Quandoque hæc mala curata sunt, mutato toto vitæ genere. Quando vidi, omnia remedia incassum adhibita, suasi sæpe ægris, ut iter marinum vel terrestre instituerent, nam vertigo a mera mobilitate domi vix curatur; ægri tunc sunt meticulosi, & a levissima causa irritantur; post peregrinationem vero, propter concussum, sodalitum, & ignorationem eorum, quæ domi contingunt, firmi fiunt, & liberi a suo morbo; & hæc ratio est, quare his hominibus, ubi de omnibus remediis fere desperabam, sæpe suasi, ut peterent aquas medicatas.

Transeo ad curam vertiginis, quæ fit ab abdominalibus nervis affectis. Dixi jam antea de nervis abdominalibus, agentibus in sensorium commune, & ostendi, totam functionem cerebri posse aboleri, & causam hærere in ventriculo & intestinis: hoc etiam patet in Colica Pictonum, in quo morbo ab hac causa siderantur quasi musculi extensores & flexores cubiti, carpi & manuum; hoc etiam fit a quibusdam venenis, & ab illo morbo, quem in Indiis Beriberi vocant.

Curatio
Vertigi-
nis ab af-
fectis
nervis
abdomi-
nalibus.

Afficiuntur autem hi nervi tam mirabilibus modis, ut vel oculatissimus & perspicacissimus Medicus non sciat assignare causam; eodem modo ut in podagra, in qua homo potest esse perfecte sanus, nullibi dolens, nisi ad nervos in extremo articulo pedis: unde hic dolor? nam non accessit causa externa: an ergo est degeneratio in liquidis, quæ prodit se hoc crudeli morbo? Videtur ergo, quod causa hujus morbi non manifesta sæpe hæreat in succo nervoso, sed manifestans se circa nervos abdominales, & quod hinc fiant vertigines, dolores colici, vel iliaci & apoplexia: inquisivi sæpe qua potui diligentia, ut discerem præsentiam degenerascentis liquidi nervosi, antequam produceret morbum, sed inveni nihil: fateor tamen, quod omnes illi morbi se manifestent levi affectione ventriculi; podagricus monetur flatulentia, nausea & dolore circa ventriculum; & qui colicis affectionibus laborant, monentur cruditatibus in ventriculo & intestinis: sic etiam in vertiginosis, ubi hæc signa adsunt, docemur, originem non esse in cerebro, sed in illis nervis affectis. Si ergo in homine dominetur dyscrasia succi nervosi, possumus prævidere vertiginem, inertiam vel paresin musculorum circa artus, & dein marcescentiam. Quum ergo curatio consistat in ablatione causæ, hæc debet inquiri; sed in hoc casu sæpe non possumus assequi; nec plus debet quæri, quam natura humana permittit: illud vero constitit, quod internus usus Gummi Asiaticorum, Balsami Copaybæ & Peruviani, Terebinthinæ, succorum ex herbis leniter antiscorbuticis, verno tempore diu continuatus, facta simul frictione abdominis, ut partes calecant, agricultura, equitatione, exercitio, hunc morbum curaverint, nec alia remedia novi.

Cura therapeutica absolvitur illis, quæ cerebrum mutant grata aversione, hæcque tunc sufficit: vertigo ab hac causa nata juvatur odoratu spiri-

tus salis Ammoniaci; causa quidem non tollitur, sed affectio cerebri præcavetur: alia assumta idem præstant, nam quicquid unum nervum valide afficit, facit aboleri dolorem in omnibus aliis nervis, uti jam dixit HIPPOCRATES de dolore, quod unus faciat, ne sentiatur alius; notum vero est ex legibus corporis, quod nulli nervi promptius, vividius & validius cerebrum afficiant, quam olfactiorii; hinc omnia, quæ olfactus organum afficiunt, hic conducunt. Curatio ubi perfecta est, confirmatio per eadem remedia perficietur.

Pergo ad curam vertiginis, quæ oritur ab humoribus heterogeneis, sub diaphragmate hærentibus, qui sæpe miras mutationes faciunt.

Omnis fere experti sunt, quod manne surgentes sentiunt irritamentum quoddam circa os superius ventriculi, a quo novimus mox futuram sternutationem; sentimus tunc semper speciem vertiginis, nec recte possumus cogitare, donec explosio illa facta sit: ergo a leviuscula agitatione in his locis mutatur cerebrum, imo totum corpus; hinc a bile atra tam fixa quam mota omnes morbi cephalici oriri possunt: in Asia ab hac causa fiunt pleræque apoplexiæ fortes, quæ si invadant intra quadragesimum & sexagesimum annum, incurabiles pronunciantur ab HIPPOCRATE; sed antequam hæc orientur, fiunt miseræ vertigines, quæ a minima causa, imo solo cogitationis impetu sæpe redeuntes hunc morbum minantur: eadem oriuntur etiam in corpore juvenili & euchymo a bile flava, maxime æstatis tempore, vel quando bilis per sebrem agitatur.

Pituita fluctuans in senibus frigidis & leucophlegmaticis parit vertigines & nauseas, a quibus vomitu excitato liberantur, sed regeneratur matres, & tandem fit apoplexia: maxime hoc fit in literatis quiescentibus, dum senescunt, nam vasa in eorum hypochondriis laxa & debilia faciunt hanc materiam accumulari: levantur quidem potu aquæ calidæ, sed vasa

Curatio
Vertigi-
nis ab
humor-
bus cru-
dis in pri-
mis viis.

tunc magis debilitantur, & sic ducuntur ad apoplexiā.

Vela ver- Vertigo etiam fit a vermis, im-
mibus. primis teretibus, his in locis hæren-
tibus; nam hoc animalium genus
consumit omnem liquorem nutritum,
in ventriculo recens factum: sedem
habent in flexibus intestini Ilii & Je-
juni, & in iis satis habent, unde a-
lantur; sed post Jejunia repunt sur-
sum ad loca alimentaria; hinc in fe-
ribus, dum ægri nil comedunt, ve-
niunt in ventriculum & saepe ore rejiciuntur, quod habetur pro pessimo
signo, quia non prœdeunt, nisi post-
quam omnia contenta intestinalia adeo
acria facta sunt, ut hæc animalia
quærant loca, quibus ab iis liberan-
tur, hinc a vulgo vocari solent *Dodwurmen*. Vertigo, imo aliquando
Epilepsia, visa fuit a lapide, calculo,
nummis, annulis, ossiculis deglutitis,
quæ in orificio ventriculi hærentia ibi
rodunt & stimulant.

Diagnosis & Prognosis horum mor-
borum facile intelligitur; si bilis atra
adsit, videndum, an moveatur, nam
tunc fiet destrucción vasculorum mini-
morum, & inde Apoplexia; si vero
hic morbus oriatur a bile flava, pro-
gnosis non erit lethalis, nam unum
emeticum datum tollit totum me-
tum; quando hoc malum oritur a pi-
tuita, & ætas jam est proiecta,
tunc debemus considerare, totum sy-
stema se habere ut in hominibus ca-
tarrhosis, & talis morbus est difficul-
ter curabilis: si fiat a vermis, &
Medici audaces sint, ut metallica va-
lida adhibeant, curabunt hunc mor-
bus: ergo in curatione non opus est
respicere ad cerebrum & nervos, nam
postquam ablatum est, quod in his
locis hæret, tunc spirituum motus
tantum sedandus est.

Vertigo etiam fit sine ulla Idiosyn-
crasia ex Cacochymia, sed simpliciter
a mobilitate spirituum, adeo ut ho-
mines teneri, imprimis diu his malis
obnoxii, & infantes a quacunque cau-
sa, imo ab intentata mina mox in
eundem morbum incident, qui tunc
sedatur per Opium vel Syrupum Dia-

cōdii, cuius drachma una vēl dimidia
pro teneris infantibus sufficit; requi-
runtur tunc summae tenebræ, & fir-
matio capitis per moderatas ligaturas:
constrictio abdominis est summum
impedimentum horum motuum; &
confirmatio obtinetur extirpatione cau-
ſæ integræ.

Absolvi primum morbum cephalicū, nempe Vertiginem. Hanc dixi
esse fundamentum & signum præmon-
nens, imo causam efficientem reliquo-
rum morborum, qui oriuntur in ner-
vis a toto eorum systemate perturba-
to; inde fiunt colorum varietas, nau-
sea, leipothymia, lapsus, anaesthesia,
leipopsychia, asphyxia, syncope, &
demum apoplexia, quæ complectitur
omnes morbos. Multus fui in descri-
bendo hoc morbo, sed in reliquis
brevior ero. Primus, quem nunc de-
scribam, morbus est Apoplexia.

DE APOPLEXIA:

Incipio ab hoc morbo, nam est
universalis affectio omnium nervorum
sentientium & moventium, hinc a
CELSO vocatur resolutio universalis
omnium nervorum simul. 2. Est ver-
tigo summa: pueri ludentes dum se
provocant, quis possit instare uno pe-
de, & rotare corpus, ultimo cadunt,
& pro momento quasi apoplectici fiunt,
quum vertigo ad summum producta
est. 3. Ex præcedenti historia digno-
sci & curari potest.

Incipiam primo ab Apoplexia ex-
quisita, id est summa: dein pergam
ad gradus illius leviores, secuturus in
his ARATEUM. V. ejus Opera, p. 33.
lit. C. Apoplexia proprie notat per-
cussionem, & certe! hic morbus per-
cutit totum nostrum corpus, omnes
sensus & motus, imo principium in-
ternum intelligens. Hæc est Apople-
xia fortis, & totius corporis. V.
HIPPOCR. Aphor. sect. VI. Aph. 57.
& sect. II. Aph. 42.

In hac desinunt omnes sensus ex-
terni, nam si vel anus possit excitari,
vocabitur Parapoplexia, non Apople-
xia. Si homo jaceat Apoplecticus,
& cla-

Curatio
Vertigi-
nis a ni-
mia mo-
bilitate.

Pheno-
menogra-
phia

morbi.

& clamores ad aures, & movet se, vel aperit oculos, & movet palpebras, non est Apoplexia perfecta.

2. Desinuat omnes sensus interni; nullum est murmur, nulla inquietudo, nullum signum motus, nulla memoria.

3. Desinunt omnes motus musculorum arbitrarii; ergo tota eorum syntaxis est paralytica; omnes sunt flaccidi, minime contracti, estque hic simul cum paralysi immobilitas: ergo exquisitissima Apoplexia est morbus solius cerebri, nam ibi tantum omnes sensus externi, interni, & motus laedi possunt; in eo est illorum sedes; ergo est morbus sensorii communis, ejus functionem impediens.

In hoc morbo superest tamen deglutitio. Vidi saepe mirabundus, quod hi ægri, licet usi nihil sentirent, tamen deglutirent liquida. Ergo Apoplexia non est omnium motuum arbitrariorum abolitio, nam hi musculi forte duplici imperio agunt, unde in somno etiam fit deglutitio.

Sæpe etiam in initio hujus morbi fit vomitus, qui interdum diu durat; hinc musculi, illum perficientes, etiam non sunt apoplectici: pergit quoque motus peristalticus ventriculi & intestinorum, per quem deglutita & medicamenta exhibita veniunt in sanguinem, imo ille motus post mortem manet: in his ægris fit etiam spontanea exoneratio alvi, & demissio urinæ, & quidem eodem cum nixu quam dum hæc excretio fit per imperium; sed tamen per intervalla, & non assiduo; quod forte fit, quia urinæ & alvi excretio a respiratione juvantur: ergo hi motus spontanei videntur superesse, licet destructum sit sensorium commune, & motus voluntarii desinant; nam homini sano de nocte alvus non exoneratur, nec urina demittitur; sed antequam hoc fiat, excitatur prius de somno, ut exerceat hanc actionem voluntariam; facibus vero & urina in apoplexia perfecta accumulatis, solvit vis sphincterum, & utraque proflui-

unt; ergo in his musculis videtur esse tam arbitrarius quam spontaneus motus.

Manet in hoc morbo semper respiratio, & pulsus arteriarum & cordis, imo crescunt, & quidem eo magis, quo hic morbus est exquisitior; si auditur respiratio Apopleticæ, & hominis, qui vehementer cucurrit, in utroque eadem est; idem de pulsu quoque verum est: summa vero respiratio dicitur stertor, qui major est, quo hic morbus major est, unde a stertore mensurari potest vehementia apoplexiæ; pulsus etiam ita increscit, ut fiat calor summus: ergo vitales functiones sunt fortissimæ, dum animales abolentur, demta excretione duplice.

Ergo hic morbus est somni profundi simili vera *imago*; si homo sanus a summo labore fatigatus dormiat, & juxta illum decumbat homo perfecte Apoplecticus, vix possunt distingui: homo sanus a summa crapula demersus, & vino somnoque sepultus, eodem modo dormit quam alter post summum laborem; nec est nota distinctionis, nisi quod unus excitari possit, alter non: ergo apoplexia est somnus maximus & profundus, unde æger non potest excitari; ergo est prohibitio motus liberi spirituum a principio spinalis medullæ per nervos ad organa sensuum & musculos; quidquid hanc facit, facit etiam Apoplexiæ, quæ incurabilis est, si æger excitari non possit.

Videtis ad quantam simplicitatem tota hæc res redigi queat. Scimus, quod spiritus incipient in origine medullæ, & hærent in medulla, in nervis, in organis sensuum, in musculis; ergo prohibitio motus spirituum in primo loco, per totum hoc territorium pergens, vocatur Apoplexia; quod si per totam medullam fiat, est exquisitissima. Hoc vero si continget, forte etiam fieri poterit, ut nihilominus in nervis sub medulla sint spiritus; sed si illi spiritus non possint prevenire ad primam originem, erit quoque Apoplexia. Hæc potest etiam fieri

fieri propter defectum materiæ, unde spiritus secerni possunt, in sanguine, qui vi cordis pertingit ad corticem cerebri; nam si ille tam tenuis non est, ut possit venire in ejus vasa, idem est, acsi illa vasa essent abolita: hanc speciem esse possibilem, docet idea Apoplexiæ exquisitæ; hæc enim dicitur animalitatis privatio; sed hæc est somnus perfectus, cuius causa naturalis est consumptio & defecus spirituum; sed hæc species levius & sanabilis est, nam per somnum regeneratur & suppletur illud perditum; sed si constans est horum spirituum absentia, oritur vera Apoplexia.

Milites in oppugnatione urbium ad minimum strepitum excitantur ab explosione bombardæ portatilis, sed exhausti & labore fracti dormiunt juxta ipsa tormenta, unde bombardæ ejiciuntur, & tam profunde, ut vix excitari queant, & in illo statu sœpe spoliati sunt suis vestibus; ergo homo sanus ex solo defectu spirituum habet Apoplexiæ tam gravem, ut tractus, motus, & delatus de loco in locum non evigilet.

Tertia pars vitæ transfigitur ab hac causa in Apoplexiæ naturali; spatio quinque vel sex horarum reparatur, quod in usum octodecim horarum requiritur, in illa tertia parte omni animalitate sumus destituti, & sine ulla conscientia, ut in illo tempore recuperetur animalitas.

Si consideremus omnes leges corporis humani sani & facti, deprehendimus, nil magis abesse a natura omnium, quæ in corpore inveniuntur, quam novus aer, & cibus potusque, qui ingeruntur.

In corpore perfectissime sano nil invenimus magis assimilatum, quam id, quod vocamus spiritus animales: hujus materies, sanguis arteriosus, passus est omnium viscerum, partium organicarum, & muscularum actiones; & hæc portio humorum, quæ omnium est coctissima, id est, aptissima fluere per vasa, juxta leges hydraulicas viam debet affectare versus cerebrum.

Excusſit RUY SCHIUS omnes fere abditas partes corporis, & demonstrat, quod arteria, adferens materiam ad secretiones, non multum distet a loco, in quo jam secretio facta est: sed videamus cerebrum, quanta moles est inter processus piæ matris, ubi sanguis ruber arteriosus non ingreditur corticem!

Videte ergo, quantum molimen sit, quam parva & multa vasa, & quanta distantia, antequam perveniantur ad sensorium commune, id est, ad collectionem medullæ! & patebit omnibus, quod materia separata a materia adferente nullibi plus distet, quam in hoc loco; nulla intricior officina est, quam inter medullam & processus piæ matris; jure ergo assumo, quod nullus liquor requirat plus opus corporis, quam spiritus: considerate tenuitudinem, numerum & texturam partium, quæ parare debent hoc ultimum subtile; & tunc adhuc requiritur bonus sanguis, qui in hoc organo secretorio æque debet cœqui, quam in ullo alio viscere; si in illo sanguine est aliquid vitiæ, hoc ultimum participat de illo vicio.

Cacochymia Leucophlegmatica notwithstanding Medicis, significans degenerationem sanguinis a densa & ruberrima massa in leviorum, laxiorum, & mucoso frigori magis accendentem naturam; oritur hæc imprimis a debilitate bilis, & ab inertia totius corporis, nam omnes partes tribuunt ad coctionem; quæ si laxæ & inertes sint, ex aere, eibo & potu paratur quidem hic ultimus, sed crudus & iners humor: tales homines solent esse valde laxi, a qualibet materia ingesta tumentes, buccas habere tumidas, faciem inflatam, labia prominentia, referentes bombyces, dum se adducenda sua fila parant, & hæc omnia sensim ingravescunt; frigidi sunt toto corpore, & lenti in omnibus suis actionibus; tunice adnatæ color est pallidissimus, & oculi sunt humili, non habentes tantum calorem, ut dissipentur rorifera liquida, anhelant ad minimos motus, sentiuntque

que artus esse ponderosos: sanus homo, uno pede insistens, vix potest credere, se sustinere centum & quinquaginta libras; sed homines illi debiles sentiunt in artubus quasi prementis plumbi pondus; hebetes sunt, amittentes omnem fere sensum, & perpetuo torpentes, minantes quidem responsum, si eos alloqueris, sed cuius statim sunt obliiti: hic est verus veterus, descriptus a veteribus, qui dixerunt, Apoplexia est oppressio principatus cerebri; est occupatio cerebri instar urbis, perfecte cinctæ ab hostibus; interceptio spirituum; extinctio animalitatis &c. Hanc ideam habuerunt Medici omnium sectarum, & omnes hæ phrases bene intellectæ idem significant. Talis Apoplexia erat duplex, una totius corporis, altera partis; & hoc sensu HIPPOCRATES crus vocavit apoplecticum, in quo nec sensus, nec motus, nec impetus supererat. Hæc ergo est Apoplexia, quæ nascitur, quia præsens non est materia, ex qua in corice cerebri parantur spiritus.

Elegantissime de his loquitur HIPPOCRATES, in quo claritatem æque miramus ac brevitatem: si torpores & hebetudines sine manifesta causa fiant, btevi futura est Apoplexia: refrigerationes & torpores pessimi sunt illis, qui in Apoplexiæ vergunt; pessimum est præsagium, si tales homines etiam incident in summam debilitatem: qui sæpe patiuntur resolutiones sine manifesta causa, subito moriuntur Apoplectici: hic est simplex tantum defectus spirituum; dormiunt, stertunt, & moriuntur quoad animalitatem.

Hæc est illa species Apoplexiæ, quam HIPPOCRATES dicit *secl. III. aphor. 16.* accedere tempore pluvioso, & *secl. III. aphor. 31.* senibus; & alio loco *secl. VI. aphor. 57.* Apoplectici fiunt maxime ab anno ætatis quadragesimo usque ad sexagesimum, quando nempe diathesis vergit in phlegmaticum & frigidum.

Pulchre observavit ARETÆUS p. 35.

pingues, humidi, & desides hoc vi-
tio facile corripiuntur, nam illi pigri
sunt, & vivunt sine cura, fere ut
animalia bruta; si ille morbus ab hac
causa fiat, apud HIPPOCRATEM declaratur,
& revera est absolute im-
medicabilis; hinc convenit tantum
cura prophylactica, & requiritur Me-
dicus, futurorum perspicax.

Diæta debet esse siccissima, ut san-
guis densior fiat; omnesque potus a-

Cura A-
poplexia
ab hæ
causa.

quosi prohibentur; hinc exhibetur
panis bis coctus cum sale, croco &
semibus aromaticis; fricatur cor-
pus pannis calidis, siccis, fumo aro-
matico imbutis, quæ frictio si fiat
usque ad levem febris calorem, sup-
pletur id quod deficit; vestio concu-
tiens corpus, & calor solis verno
tempore optimum est remedium. Asa
fœrida & Castoreum non inflam-
mant, & tamen virtute sua spiritus
agiles faciunt: nil autem plus de A-
RETÆO laudatur, quam clyisma;
miramini forte, sed ubi deglutitio
est prohibita, & stomachus iners,
tamen non est metuendum, sed clys-
matibus admiscetur ipsum Euphor-
bium; illud enim, si parca copia
adhibeat, mira præstat; sumitur
etiam Colocynthis, sed non tanta
copia, ut alvum movere possit; o-
leum Rutæ magnis etiam extollitur
encomiis; tandem additur sal gem-
mæ vel fossile: hæc clysmata inji-
ciuntur hominibus, qui vergunt in
hos morbos: si vero jam effecti sint,
HIPPOCRATES de iis dicit,
quod non sunt attingendi, ne videa-
ris arte tua sustulisse, qui proprio
fato mori debebant; hi ergo lin-
quendi sunt, ut ducant somnum us-
que ad mortem. Vesicatoria sunt re-
media incredibilis potestatis, quæ
palmæ manus magnitudine debent ap-
plicari; sumitur Emplastrum de
Cantharidibus, quod relinquitur tan-
tum per duodecim horas; simulac fe-
cerunt suum effectum, descendendæ
sunt vesiculæ, & tunc apponitur Em-
plastrum Diapompholygos, ut fiat cu-
ratio; & idem hoc sequenti septima-
na repetitur.

Veteres adhibuerunt caustica, & corpora, quæ non poterant excitare, inurebant ferro candente; hoc facit inflammationem topicalam, & ulcus apertum, & sic fiunt quasi fonticuli, manantes pro certo tempore, & facultatem vitalem oppressam restituentes. Vere itaque dixit HIPPOCRATES, ubi nec medicamenta nec ferrum agunt, tunc ignis adhuc multum valet: qui in bello insigniter combusti sunt, nunquam sine febre sunt, donec sedatio facta sit, nec evadunt, nisi plurimum bibant: si homo frigidus cadat in ignem, illico novum accipit calorem, qui per aliquot dies manet: hæc ratio est, cur in Japonia, Ægypto, China, & tota fere Asia caustica in hoc morbo summo cum successu adhibetur.

Quæritur nunc, quid agendum sit, si homo jam apoplecticus decumbat ab exposita causa, & prophylaxis non amplius locum habeat? in hoc casu monet HIPPOCRATES, desperatos non esse attingendos, nam nil boni hic potest fieri nisi per medicamenta, summa cum vi agentia, quæ visa ab amicis metum faciunt, an mors forte illis non sit imputanda; hinc cogimur semper monere, nos quidem omnia remedia velle adhibere, sed spem esse valde incertam.

Hic ergo convenient fortia stimulantia; sed nulla pars stimulari potest fortius, quam sistema quinti paris nervorum, dispersum per nares; & nulla est violentior actio in toto corpore, quæ magis exagitat totum systema muscularum, quam sternutatio; hinc sternutatoria hic sunt summa remedia; plumula titillans nares potest movere totum corpus: Helleborus albus fortissime agit, nam si cum paucissima copia sacchari in pollinem tritus naribus infletur, fit sternutatio violentissima ad viginti vires; quæ totum corpus ita concutit, ut species vigilæ oriatur: mitiora eryrina sunt Tabacum & Betonica, cuius folia recentia, succulenta, contusa naribus immittuntur. Spiritus sa-

lis Ammoniaci, vel salis cuiusque animalis, cum calce viva mixta, sub naribus positus, hic etiam conducit: sed quando hæc non profund, a reliquis debemus abstinere.

Palliativa cura fit per remedia, quæ agunt in spiritus & nervos, eosque fortissime excitant: talia sunt spiritus fermentati, vina, cerevisiæ; vel spiritus stillatitii Majoranæ, Lavendulæ, Rosmarini, Rutæ, Stoechados, qui ventriculo ingesti totum corpus excitant: si jungas hos cum sale volatili alcalino, habetis salem volatilem, oleosum dictum, qui est species saponis ex alcoholo & oleo, & in omni leucophlegmatia ejusque effectibus summum est remedium: hæc tamen debent prudenter dari, nam quo corpus ab his plus agitetur, eo citius iterum flaccescit, ubi vis dati remedii deferuntur; inclinant quidem ægri ad illos spiritus, sed se habent ut frigidi, qui ad ignem se calefaciunt, qui, si recesserint, refugescent magis, quam si ad ignem non venissent.

Si Medici tam fortunati sint, ut hi ægri sanentur, tunc eodem modo fit confirmatio, quam prophylaxis, nec est alia methodus.

Quæritur nunc, an etiam inopia Defectus materiæ spirituum in sanguine possit spirituum ab atrabiliariis tam parum remanere vitæ, ut tantum non mortui sint; vix adeat pulsus & respiratio; vix calent, vix comedunt, bibunt vel dormiunt, sed manent quasi iidem, & hi sæpe fiunt Apoplectici. Cogitavi sæpe, cum hi homines sæpe stent attoniti, quasi fulmine tacti; & quum in Catoche, mirabili illo morbo, congelascant quasi instar statuæ, & postea tamen redeant in vitam, an sanguis in his ægris non possit degenerascere in talem piceam & tenacem materiam, quæ in se non habet, vel non demittit illud spirituosum, ita ut cortex cerebri a sanguine nimis spissifiat vappidus & varicosus, unde excitatatur Catalepsis, quæ postea facile definit in Apoplexiæ. De hac re pau-

Per summa stimulantia.

ci

ci scribunt; sed videte HIPPOCRATEM & ARETEUM, qui notant, ex bile atra fieri Apoplexiā; in cadaveribus horum ægrorum non invenitur quidem ruptura vel effusio, sed cortex cerebri apparet tantum varicosus, & loco coccinei sanguinis videtur tantum continere atramentum.

Quæritur etiam, an idem hoc non possit fieri a diathesi phlogistica? Adiathesi phlogistica. Videmus enim per causas phlogisticas sic degenerare sanguinis crasis, ut evadat quasi in unam massam coagulatum corpus, cui aliis adfluens etiam concrescit; & tunc non vel tam parum fluit, ut in ipso vulnere, per artem factō, jam coaguletur: in his casibus videmus phreniticos sæpe subito fieri quasi attonitos & incidere in morbos caroticos, & haud raro apoplecticos; in his forte a summo motu ita exploti sunt spiritus, ut non amplius possint suppeditari.

Sed Apoplexia etiam oritur ab inopia sanguinis boni, qui requiritur, ut corticis vasa impleat, & materiam idoneam secernendis spiritibus suppeditet: HIPPOCRATES dicit, hanc vulneratis accidere; vel sequitur hæmorrhagiam uterinam in abortu & puerperio, qui morbus in his regionibus frequens est propter usum pœtuum aquosorum calidorum; sæpe enim tanta hæmorrhagia fit, ut ægræ incipient deficere, in somnum & stertorem delabantur, omnes sensus perdant, & brevissime moriantur; vel aliquando fit post hæmorrhagias narium, per quas vidi hominem omnem fere perdere sanguinem, ad quem vocabat jam exhaustum; dum parantur illa, quæ sanguinem filterent & replerent corpus, in talem apoplexiā incidit.

Si ergo in puerperis apoplexia fit post hæmorrhagias, hæc non fit a morbo uteri, sed quia tantum sanguinis perdiderunt, ut non possit sati pervenire ad corticem cerebri: ergo hoc potest fieri per omnia vulnera, maxime vero arteriarum: bovi vegeto, sanguine pleno, descenditur arteria jugularis; si prius percussus

non fuit, primo respirat ut ante; sed simulac tantum sanguinis subducatur, ut incipiat inæqualis fluxus fieri, animal incidit in stertorem, & proflat toto pectore somnum; paulo post deficit, & jacet instar mortui; dein fit subito motus terribilis cum suspirio, ejicitur iterum sanguis, qui jam definebat fluere, stertor fit cum suspiriis, & tandem mors: si tali bovi antea percussum est caput, cadit & jacet humi; lanio, forte a-liquid agendum habens, relinquit ut mortuum; si dein cultro arterias absindit, animal violente movetur, & fiunt omnia, quæ mox dixi: certe ingens arteriotomia subducit pressionem sanguinis ad cerebrum!

Quæritur, an hæc Apoplexia præcise fit a sanguine effuso intra cranium? credo, non; vidi hoc in homine apoplectico, clavo percusso; non inveniebatur vulnus, nec sanguis effusus in illo corporis loco, sed intra cranium erant forte duæ unciae, quæ ergo non copia, sed compressione mortem fecerant.

Vel fit per compressiones arteriarum colli, ad caput tendentium, a tumore; sic glandula thyroidea tumens & se expandens potest comprimere magnum utriusque Carotidis truncum, quo facto si venæ non simul sint compressæ, facies non est turgida, sed pallida.

Vel fit per ligationem harum arteriarum arte factam; DRELINCURTUS sumebat magnum canem, ligabat simplici vinculo unam arteriam Carotidem, animal vacillabat ambiguum; ligavit mox alteram, animal stertebat, carebat sensu & motu, nam vertebrales non poterant satis adducere ad corticem cerebri.

Vel potest fieri per tumorem intra canales osseos, per quos ducuntur arteriæ Carotides; imo intra cranium, nam pars ossis cuneiformis, quæ facit sellam turcicam, tota est spongiosa; oriuntur sæpe vitia humorum in vasis, quæ inde dilatationem patiuntur, uti in pessima Lue Venerea, unde arteriæ carotides assurgententes com-

Inprimis in systema Encephas.

compressæ faciunt desipientiam, cerebri destructionem, & tandem Apoplexiæ.

Vel sœpe fit per polypos: concretae sanguinis massæ in cavitatibus cordis & auricularum sœpe vi cordis adiguntur in arterias, faciuntque morbos terribiles; nam dum reciproce eunt & redeunt, faciunt ut homo patiatur vertigines & palpitationes cordis, se mutuo subsecente, & ubi polypi illi non remeant, hi ægri subito moriuntur Apoplectici.

Sunt etiam exempla, quod homines inciderint in symptomata prænuncia Apoplexiæ, & tandem in ipsam Apoplexiæ; & post mortem inventa fuit syntaxis arteriarum ad cerebrum ducentium artætata, durescens, & quasi in cartilaginem degenerascens. Ex his videtis, quod veteres jure merito has arterias, quæ ferunt sanguinem ad cerebrum, vocaverint Carotides vel Apoplecticas, patetque ratio morbi carotici.

Nec difficultis est hujus morbi, ab hac causa nati, diagnosis & prognostis: si enim impedimentum sanguini transmittendo nascitur ad sinus in osse petroso & sphænoidalì; si ibi deprehenditur dolor, gravitas, pulsatio; si olfactus organum, & tunica Schneideriana, & oculi impedianter in suis functionibus; si adsint symptomata prænuncia Apoplexiæ, concludet Medicus esse tumorem præternaturalem, qui arterias comprimit; hinc quod parum sanguinis feratur in cranium, & nisi talis causa resolvatur, illa Apoplexia est absolute incurabilis.

Ne exspectetis, me multa de curatione dicturum; monui jam ante, quod, si non requirantur evacuatio-nes, bona alimenta maxime prosint; & hic morbus, si adsint evacuationes sanguinis, illis debet resisti, & curari, ne sanguis ultra possit exire: si oritur a tumore in canali osseo, per quem transeunt Carotides, est penitus incurabilis.

Recensembo nunc, quæ in Bibliotheca Medica inveni de Apoplexiæ, quæ

pro causa habet vitium corticis cerebri: si inflammatio corticem occupat, tunc oritur phrenitis vera; post eam sœpe Carus, & a Caro Apoplexia acuta, calida, inflammatoria, nam in hoc cortice obstructa est via pro humoribus; qui vexati dolore acuto capitis & delirantes sensum perdunt, & in profundum somnum incidentur, hoc malo moriuntur: & talis morbus, si adsit, instar phrenitidis est curandus: quando intentantur minæ hujus mali, tunc oxyus inflammatio resolvenda, & minuendo vires etiam minuendus est impetus.

Aliud vitium est suppurationis corticis, nam hæc nunquam in medulla obtinet: dissecta fuerunt cadavera, in quibus intra substantiam cerebri inventi sunt ingentes abscessus; & tunc semper præcessit tristis historia, ducens ad Apoplexiæ talem, nosciturque hoc malum ab illis, quæ notant veram adesse inflammationem, & quæ designant suppurationem, a lento progressu symptomatum; denique, sed sero, a dissectione cadaverum; nec illi ægri unquam servantur, si hic morbus non solvatur, dum adhuc est in statu inflammatorio.

Tertium vitium est Hydatidum: ^{Eius sup-}
Mydati-
ubi de pia matre egi, monui adesse ^{des.}
membranam extimam, Arachnoideam dictam, sub qua vasa coercentur, & intra quam & piam matrem species quædam roris exhalat; si huic membranæ minitetur ictus, illico flatu distenditur; adest hic quandoque aliquid pinguedinis, acli esset membrana adiposa, quæ membrana aliquando hydatibus plena est, & tunc, ut in Anasarca, loco pinguedinis hic hæret aqua: tales hydatides sœpe in ipsis appendicibus piæ matris visæ sunt, & tunc cortex non potest non ineptus esse ad spiritus secernendos; Diagnosis habetur in capite de Apoplexiæ, quæ fit ab inopia materiæ spirituum in sanguine; & hoc malum etiam incurabile est.

Dicam nunc pauca de quarto vitio, Callof-
nempe callositate corticis. Novis-
tas. quod ubicunque sunt arteriæ minimæ, ibi omnes partes distinctissimæ sunt inter

inter se : in cortice cerebri sunt infinita fere arteriarum filamenta, hinc omnia ibi tam distincta ; sed minimæ illæ arteriæ facile comprimuntur, hinc earum liquida inaniuntur ; hinc in cortice cerebri per longam vitam & labores debet fieri expressio, exsiccatio, atrophia, & plurimorum vasculorum concretio ; hoc facto natum est vitium, quod hic pono. Viri ingeniosissimi, sed corpus non curantes, & se totos immergentes speculationibus, si ad seram ætatem perveniunt, incident in vere dictam cerebri atrophiam sive extenuationem, id est, non tam bene incipiunt videre, surdi fiunt, denique perduntur etiam sensus interni ; ergo hic sit in partibus interioribus, quod antea siebat in exterioribus ; hinc sensim repuerascunt, & de die in diem tantum fiunt imagines hominum, formam hominum servantes, & quasi in eorum simulacro ambulantes : vidi tales, a se ipsis plane dissimiles, nullius rei memores, imo ne amicos quidem noscentes, in quibus nulla animalitas superfluit : haec diathesis cognoscitur ex recitata historia, curatur nunquam, & huic finem imponit blanda mors sine ullo dolore vel resistentia.

Indura-
tionis.

Quintum vitium corticis est diathesis petrifica : reperta sunt cerebra, quæ degeneraverant in duritiem saxo similem, & adfuerant fere similia symptomata, quæ in diathesi callosa sunt recensita ; nec hoc vitium ulla ratione cognosci potest, nisi per dissectionem cadaverum.

Congela-
tionis.

Sextum vitium est corticis congelatio, quod malum, licet satis frequens, tamen fere nunquam animadvertisitur. Quando frigus est summum, & corpus per motum animalem non tantum agitatur, ut possit superare vim glacialis frigoris, tunc exterior pars capitis congelascit, id est, sit frigida, rigida, nec omnino sentiens, (loquor expertus) simulacrum hoc contingit, oritur suavissima Anaesthesia, nec ullus somnus adeo facinat mentem, & si hoc per aliquot momenta durat, homo quiescit & moritur ;

cortex hic revera congelascit, & credo, nullam mortis speciem placidorem esse, nam omnia sunt quieta, & impeditur tantum spirituum fluxus per nervos ; in hoc casu vix ulla datur medela ; noscitur, si adsit sumnum frigus, vix ullus motus, & caput quasi videtur ligatum, & tunc sequitur placida Anaesthesia : illico tunc instituatur motus, ut cara vita redimatur : dum ante aliquot annos cum Chirurgo socio veherer per summum frigus, incipiebat jam obrepere illa Anaesthesia, sed tunc statim currentes periculum evasimus : mortui sunt homines in itineribus diu per nivem ambulantes, qui ultimo fatigati & non potentes videre paulum quiescebant ; nunquam vero deprehensi illi homines sunt negligendi, nam fuerunt, qui ita jacuerunt per duos vel tres dies, & tamen resuscitabantur ; cavendum tantum, ne cito calefcant, sed impone partes mortuas aquæ frigidæ ; haec tunc propter frigus congelascit, & cadaver obruitur cruxa glaciali, quæ dum sensim solvit, vita uteunque redit. Omnia sunt hic præsentia, sed stant congelata ; si tunc lenta resolutio fiat, spicula glacialia solvuntur ; si tunc frices leviter illa corpora, eaque lenite igni apponuntur, saepè reviviscunt.

Accedo nunc ad Apoplexiæ, quæ oritur a compressione corticis cerebri externa.

Vasa corticis compressilia sunt levissima de causa ; & sit inde Apoplexia momentanea, quæ sanabilis est, nisi vasa laxentur, & pressio tollatur. Partem apoplexia a compressione ex parte externa.

tuit hoc in paupere Parisiensi, quia in proprio suo cranio postulabat Eleemosynam, scutum argenteum loco cranii gerens ; hinc miser ille erat instar infantis recens nati, quibus ita dicta Fontanella est tenuis & facile plicabilis membrana ; si quis huic homini, oblato munere, levissime premebat caput, oriebatur tinnitus aurium, scintillæ ante oculos, vertigo ; si plus premebatur, hebescebat ; si adhuc plus, dormiebat & stertebat, cæterum patiebatur nihil mali, nec ali.

aliquid sentiebat ; aliquando dolorificis causis adhibitis videbatur , hæc omnia non esse facta ; pressione ablatæ , evigilabat quasi ex profundo somno , & sensibus suis iterum utebatur.

Ergo hujusmodi Apoplexia potest fieri ab omni tumore , nato intra cranium : multi putant , ac si essent loca vacua in cranio , sed quantum errent , docet contemplatio cranii ossæ , in quo a basi ad verticem ubique sunt eminentiæ ; si cranium pressum non posset credere , non imprimenterunt foveæ , quæ aliquando mirifice augmentur , quando ingentes & morbosæ pulsationes fiunt ; si tantum unus locus esset in cortice vel ventriculis cerebri , vel medulla oblongata , ubi non erat fortis resistencia , tunc uno momento rumperentur illæ arteriæ , quæ tam tenues sunt , & per quas sanguis fertur tanto cum impetu : ablata olla cranii non potest reponi , quia mollis cerebri pulpa adscendit ; si jam hæc pulpa a solis suis liquidis ita extenditur , licet frigefacta sit , quantum ergo ante , dum caleret , reniti potuit : cranium est immobile , plenissimum ; vasa hic sunt minima , mollia , nec habent membranas resistentes ; ubique ergo requiritur æqualitas pressionis ; nec potest hic vel unum granum arenæ locari ; si ergo in cranio oriretur inæqualis extensio & tumor , debet fieri impressio sinuosa in illam pulparam ; atqui omnes arteriæ in cerebro communicant inter se per circulum WILLISIANUM ; ergo moles vasorum pressa premit omnia alia vasa , nam pressio ubique debet esse æqualis ; hinc si intra duram matrem & cranium effundantur duæ drachmæ liquoris , tunc totum sistema cerebri premitur , & homo cadit Apoplecticus ab effuso illo liquore , nam per cerebrum nunc sit inæqualis distributio , cerebello intacto & tuto : ergo nato tumore debet comprimi omne quod inter cerebrum & cerebellum locatur , sed hic est locus animalitatis ; percipitur ergo facile , quomodo hinc Apoplexia fiat ; hæc vero compressio terminatur ad velum illud validum

& crassum duræ matris , quod hæret sub cerebro , & supra cerebellum , eaque distinguit a se mutuo ; si ergo tumor quicunque coeretur hoc dia phragmate duræ matris , tunc pressio terminatur versus hoc velum , & illum locum , ubi medulla oblongata abit in medullam spinalem .

Hoc fit ab omni tumore osse , si ve qui nascitur per Epigenesin , id est , exorbitationem tumoris veri ossæ ; sive ab ossis cranii figura laesa , ita ut illo intropresso minuatur capacitas ; primum tumoris genus lentissime agit , quia sensim increvit , hinc fiunt omnes capitis morbi , & tandem sequitur Apoplexia ; cadavera aperta exhibuerunt osseam substantiam introrsum excrescentem , ita ut capacitas cranii minuta , hinc necessario compressio facta fuerit ; sed visum etiam est , quod homini extrinsecus offensum fuerit caput , & cranium intropressum , hinc cavum spatium pro encephalo tanto plus minuebatur , quanto cranium plus introrsum pulsuum erat .

Crebrum hoc est in infantibus , quibus hæc ossa adhuc colligantur per metabranas , quum eduntur in lucem ; si ergo ab imprudenti obstetricie ruditer tractantur , trahuntur , intorquentur , potest fieri Apoplexia , eodem modo ut in homine Parisiensi , qui stipem petebat ex sua calvaria ; si vero cerebrum non destruetum se utcunque restituat , cedit quidem Apoplexia , sed fit fatuitas per totam vitam .

Hoc etiam visum fuit in percussiōnibus capitis , imprimis ab instrumento duro & obtuso ; homines tunc fiunt aphoni , vomunt , & moriuntur ; post mortem non invenitur sanguis effusus , sed cranium intropressum .

Similes intropressiones possunt fieri in rachiticis & scorbuticis junioribus , quibus ossa cranii nondum firmiter commissa sunt ; videtis eosdem morbos inde debere sequi , hinc non opus est hæc amplius discutere .

Ubi appetet Epigenesis , curatio vel

vel nulla erit; vel difficillima, sed pro intropressione duo remedia sunt: primo enim raditur caput; huic imponitur circulare emplastrum, quod in centro habet funiculum, ut sursum trahi queat; obductum hoc est pice & resina, & firmissime apponitur loco intropresso; trahitur tunc prudenter ex medio extrorsum, & hoc in infantibus aliquando succedit, impri-
mis quia ossa in vivo semper habent aliquid flexibilitatis, & non sunt tam rigida & arida quam in sceleto in quo hanc actionem non possumus imitari.

Alterum remedium hoc est; denudant cranium; terebram marem, ex bono chalybe factam, in illud adigunt usque ad medietatem, ita ut teneat; tunc summa cum prudentia trahendo extrorsum cranium elevant. Instrumenta apud SCULPTUM ha-
bentur: unum hoc obest, quod nempe terebratio semper primo magis pre-
mat introsum, hinc lente debet fieri & patienter, nam si quis fortiter vellet introtrudere, Apoplexiā jam genitam, destruendo cerebrum, red-
deret plane incurabilem.

Sequitur tumor plethoricus duplex, de quo jam breviter, sed ordinate dicam.

Apople-
xia a
pletho-
ra. 1. Est Plethora totius corporis, & per eam facile franguntur vasa arte-
riosā per anastomosin, diapedesin, rexin; quando vasa pulmonalia rum-
puntur, fit sputum sanguinis; ruptis vasis mesentericis fiunt fluxus alvi sanguinei & hæmorrhoidales; in aliis fiunt fluxus per vasa uteri, na-
rium, vel aliarum partium, sine sub-
sequente magno malo: sed si pletho-
ricus nixum edat, ut sanguis plus petat cranium, tunc ibi fit major im-
pletio, nec tamen semper est ruptura, quod cadavera docuerunt, Medi-
cis saepe obstupescientibus; si vero hic minimus fuerit tumor, fit com-
pressio, & intercipitur via spirituum: talis plethora arteriarum, iis tamen non fractis, potest fieri in risu, tussi, sternutatione, vomitu, & nixu ma-
gno corporis; in his casibus facies rubet, venae jugulares non evacuatæ

tument, & arteriæ, continuo replete, in cranio sunt æque extensæ quam hæ venæ, quia nihil in iis est, quod resistit: ergo qui digladiantur, pugnant, pondus elevant, clamitant, irascuntur, possunt incidere in Apoplexiā vel propter Aneurisma arte-
riarum in cranio, vel effusionem san-
guinis ex illis.

2. Potest fieri determinata quædam plethora propter impedimentum ali-
quod morbosum.

Sani sumus, quando resistentia va-
sorum & copia sanguinis sunt in æ-
quilibrio; hoc vero in partibus infe-
rioribus sublato, solum caput luit pœnas; omnes enim corporis partes patiuntur dilatationem, solo cranio excepto; thorax & abdomen sunt maxime mobilia, sed cranium non pot-
est admittere arctationem vel dilata-
tionem; si ergo impedimentum sit in partibus inferioribus, fit excessus in superioribus; si aorta descendens du-
plo plus resistat, tunc in arteriis Ca-
rotidibus fit tanto major pressio &
distensio, hinc tanto major repletio arteriarum in cranio, licet plethora prius non adesset: omnium maxime hoc fit vitio ventriculi a nimia ejus repletione, quam subsequitur constri-
ctio spasmodica, uti post magnam in-
gluviem & prægressam temulentiam saepe experimur, sive sanguis effusus fuerit, vel diathesis aneurismatica fa-
cta esset in arteriis cerebri: prostant exempla apud WEPFERUM, qui hoc expertus est in Helvetia, ubi convi-
via habentur longissima, quæ larga vini copia perfunduntur.

Si plethora sit universalis, illico de- Cura Apo-
plexie a
Pletho-
ra.
bet fieri evacuatio; sive extravasatio fit, sive distensio nimia, cura est ea-
dem; fiant mox summæ revulsiones per cucurbitas magnas & validas, quæ mutentur de loco in locum, ne pars gangranescat; de hoc casu dixit HIP-
POCRATES, quod bonum fit supervenire hæmorrhoides.

Corpus sanum, vino repletum, ven-
triculum clausum habens, non vo-
mens vel alvum deponens, nec urinam reddens, incipit perdere sensus,
&

& cadit in summum periculum a sola distensione vasorum ; & si ruptura facta sit, casus est desperatus ; venæsecchio est unicum remedium illico tentandum : sed ventriculus est dilatatus, & orificia valde contracta, & ingesta hærent in hoc loco calido, agitato, rarefacto ; & tollere tantum sanguinis, ut ventriculus detumescat, est fere impossibile. Quid ergo hic faciet venæsecchio ? An ergo requiritur vomitus ? sed si hic pleno ventriculo fiat, periculum est, ne Oesophagus rumpatur ; præterea nixus primus agit in vasa cerebri, quæ inde facile rumpuntur ; omnium optima methodus videtur esse, ut tubus flexilis coriaceus adigatur per fauces usque in Ventriculum ; & sic saltem ructu facto, aorta levetur : si tunc oritur quædam relaxatio, forte tentari posset vomitus, si per ejusmodi siphonem vitriolum album demitteretur in ventriculum : perficationes cum balsamis, evulsionesque pilorum ex natibus nil boni, sed multum mali faciunt, nam idem est, ac si hæc applicares homini strangulato, laqueo non soluto.

Referuntur huc humores cacoxy-

Apoplexia a cacoxy-
mici, qui per vasa minima non possunt transire, utilitatem in inflammatione, quæ jam explicata est ; & in melancholia, ubi picea, exusta, atrabilioria materia, per quascunque causas soluta, immiscuerit se sanguini, qui delatus ad quascunque partes facit maculas nigras, adeoque etiam in arteriis cerebri, in quibus accumulata hæc materia facit Apoplexiam melanocholicam sine ruptura vasorum ; vel quandoque ab effusione, si succus melancholicus acer redditus vasa eroscerit.

Tumori-
bus. Possunt etiam fieri tumores atheroscleratosi glandularum, farinacea quasi & immeabili pulte distentarum, quasi foret amyllum cum aqua subactum ; inventi sunt tales tumores in sinu falciformi, ad glandulam pituitariam, infundibulum, cellulas ossis sphænoidei, & ad glandulas, quæ obliniunt membranas sinuum : vel tumo-

res hydatici, quum humor aquosus accumulatur in suis propriis vasis.

Possent etiam fieri compressiones corticis per humores effusos. Omni momento, quo vivimus sani, exhalat liquor ex rotâ superficie cava duræ matris, ex superficie utriusque processus, falciformis & transversi ; hinc omnia illa loca semper madescunt ; & PEJERUS observavit, quod si prematur dura mater ab utraque parte, ros exprimatur a parte externa, & a parte, quæ piam matrem spectat : tales humores effusi, collecti, capacitatem crani minuentes, ejusque contenta comprimentes possunt esse inter superficiem osseam crani, & convexam duræ matris ; inter concavam superficiem duræ matris, & convexam Arachnoidea ; cum vero totum cerebrum cum omnibus suis appendicibus cingatur hac tunica Arachnoidea, nec illa cum dura matre concrescat, potest hæc collectio inundare has omnes partes ; ergo potest fieri per omnem ambitum, nam quatuor lobi cerebri sunt liberrimi, & emissa medulla oblongata nervique sunt perfecte liberi ; & hic loci humores naturaliter effunduntur, præternaturaliter accumulantur.

Lobi cerebri sunt intus cavi, ubi collectam habent medullam, & hæc cava vocantur cerebri ventriculi ; in his loci pars parti concrescere prohibetur per humores continuo transudantes, sed quorum accumulatio fit, quando affluxus est major, resorptio minor, quod in Lethargo imprimis obtinet : sed quando resorptio major est, metus est concretionis ; in his ergo locis collectus humor facit angustiam, & tollit æquabilitatem.

Anatomici ex observationibus plurimis fecerunt hanc regulam, quod humores, exhalantes naturaliter inter partes ad præcavendam concretionem, adferantur per arterias, & quod hæc vis in arteriis diutius persistat, quam resorptio in venis : & hæc ratio est, quare in cadaveribus hominum, ex morbis languidis tandem mortuorum, exsuperans copia hu-

hujus humoris inveniatur : ergo in omni corporis diathesi , ubi vitalis vigor minuitur , hæc excretio accumulatur , liquor aquosus sensim increscit , & tandem inde fit compressio totius cerebri , & transfluxus spirituum impeditur : fuere inventæ duræ matres , separatæ a cranio , & locus inter separationem erat plenus aqua .

Eodem modo sanguis effundi potest
 Sanguine ex cranio in duram matrem , & ab extra-
 fato .

hac in cerebrum : inter duram matrem & arachnoideam potest etiam facile fieri effusio , nam dura mater plena est arteriis , quæ , licet validæ , frangi tamen possunt ; sed arteriæ in cavitatibus cerebri vix membranas habent .

Effunditur ille sanguis aliquando per vulnera & concussions , aliquando per erosiones , præcipue in melancholicis & scorbuticis , in quibus sanguis ita degenerascit , & vasa tam tenera sunt , ut si pars quædam rudititer tantum prematur , sanguis ex vasis effluat , uti manifeste apparet in gingivis ; hinc eodem modo potest fieri intra cranium .

Fit aliquando ruptura ex impetu majori nato ; sed plerumque vasa inde tantum infaciuntur , cuius rationem dedi , quia nempe cranium ab externa parte tantum roboratur , quantum premitur ab interna , unde centies forte rumpuntur arteriæ in naribus , & ne semel quidem in cranio ; attamen illud tandem per summam vim etiam fieri potest .

Ab hac ergo causa , si nempe incipiat fieri collectio , fit vertigo ; per gente malo , vacillatio , titubatio , rotatio omnium objectorum , anaisthesia , lapsus , & tandem Apoplexia ; causa est eadem , sed tantum magis magisque aucta .

Ut sciatis , quoisque hæc vitia possint pertingere , revocate in memoriā , quomodo se habeat cerebrum : hæret illud intra duram matrem trīplici modo , superne , in medio ad processum falciformē , & inferne : dura mater in parte inferiori habet

fortissimum diaphragma ; ita ut ne gutta liquoris possit ire ex hac camera , nisi per vasa resorbentia : medulla oblongata , collecta ex toto cerebro , veniens ad os cuneiforme & occipitis , ubi descendet , & fiet medulla spinalis , accipit medullam cerebelli ; ibi tenuissima est membrana , nam caudex medullæ demittitur libere in thecam vertebrarum colli , nec ibi accrescit duræ matri , unde facile hic rumpuntur vascula ; ergo vitia possunt pergere ad omnem superficiem cerebri , & finis pressionis est ad illa ligamenta tenuia , ubi medulla itura est in thecam vertebrarum ; ad ventriculos quatuor cerebri , nam humores in iis transudant ; & ad medullam oblongatam : ubi medulla oblongata pervenit ad locum cerebelli , ejus medulla huic adnascitur , & hic potest fisti colluvies liquorum : ad omnia loca , ubi egrediuntur nervi , nam omnia paria nervorum applicant se illis locis , quæ dura mater parat : tandem potest venire ad exitum medullæ spinalis .

Sequitur alia causa , nempe impenitus refluxus sanguinis a cerebro , ejusque integumentis , nullo vitio in cerebro existente ; si humor sive lymphaticus , sive serosus , sive sanguineus , impeditur redire ea copia per venas , qua allatus est per arterias , faciet eundem morbum , nam illico colligitur plus liquidi , imprimis in vasis maximis ; ergo tunc comprehenduntur omnia .

Omnis causæ , impedientes venas in superficie corticis , hoc faciunt ; in cortice cerebri naturaliter nulla vena rubra unquam visa est , sed omnes venæ rubræ decurrent in pia matre sub Arachnoidea , supra superficiem corticis : earum decursus & magnitudo hic admodum variant ; sunt enim minimæ , ubi procul distant a sinibus ; maximæ , ubi se in eos evanescunt ; si ergo nascatur aliquod impedimentum , quod venas comprimit , ita ut se non possint evanescere in sinus , varicosæ fiunt , & cerebrum etiam

Apoplexie
ab
impedito
sanguinis
refluxu .

etiam comprimitur; hoc frequenter fit in decursu venarum ad sinus per tumores, qui saepe nascuntur inter duo hæmisphæria cerebri; vel in ipso sinu, qui est in processu falciformi; omnium maxime ad torcular HEROPHILI.

Viderat ille, quod duo sinus laterales duræ matris intra os occipitis facerent cavitatem, ita ut decurrerent in excavato specu; mirabatur, quod in osse tam duro talis cavitas posset insculpi; & quum ignoraret circuitum sanguinis, & videret omnes sinus huc confluere, vocavit hunc locum Torcular, acsi in eo tanta fieret compressio, ut inde egredierentur spiritus.

Si circa hunc locum nascatur causa **Compres.** comprimens, actum est de refluxu omnissione circu- sanguinis ex capite; hoc factum est ab ea toreu. exostosi & tumoribus osseis; hinc post lar &c. cephalæas pertinacissimas, quæ tandem desinebant in Apoplexiā, inventa est compressio circa hæc loca: in canalibus osseis, per quos collecti illi sinus decurrunt, etiam tumores fieri possunt; uti etiam ad venas jugulares externas, unde illico fit Apoplexia lethalis, hinc omnes strangulati moriuntur Apoplectici, nam aspera arteria vix comprimitur; & hinc intelligitur, quare Apoplectici nunquam redeant ad sanitatem, quibus spuma circa os appetet: videtur etiam, an quidem tam tutum sit, quam vulgo dicitur, si venæ jugulares incidentur in Apoplexia, nam tunc illæ venæ debent prius colligari, sed sic augetur causa Apoplexiæ, nam si non comprimas, sanguis pergit: si dicas, imponam plumaceola, respondeo, quod tunc tamen pro di- midia parte sanguinis refluxum impedias; ergo hæc incisio non tam audacter fieri debet, nam ubi vena ca- va non dat sanguinem cordi dextro, hic morbus oritur; uti etiam, si vena jugularis impeditur, quod fit, simulac cor dextrum non potest emittere suum sanguinem, sive quia abest vis se contrahendi, sive obstructio sit in vena pulmonali.

Utinam Anatomici possent & vel-

lent considerare, quæ viæ ducant ex cavo illius cameræ duræ matris, in qua totum cerebrum hæret! Utinam vellent examinare, quænam necessitas sit infundibuli, & glandulæ pituitariæ, cui infundibulum incumbit! Utinam dicerent, quæ ratio sit, quare ad latera sellæ turcicæ sub du- ra matre in homine hæreat, non rete mirabile, ut in brutis, sed vasorum innumerabilium textura! Utinam explicarent, quænam vasa venosa lym- phatica hic egrediantur! Ratio autem, cur hæc res non rite detecta sit, est, quod nimis diu a morte rem investigent; nam omnia vasa tunc jam evacuata, & appendices duræ ma- tris dilaceratae & destructæ sunt, nihilque amplius videri potest; verum si oc- ciderent animalia, colligatis prius ve- nis jugularibus; & mox observarent, quid fieret, non dubito, quin longe plura detegerent: quadraginta jam sunt anni, quum in animalibus stran- gulatis vidi multa vasa, quæ nus- piam alidi videbam; si in homini- bus, laqueo suspensis, antequam eximerentur, corda fortissime constringitur, hæc vasa etiam apparent; sed dum laqueus remittitur, omnia eva- nescunt, quia sanguis per venas jugu- lares effluit.

Ex omnibus, huc usque recensitis, evidenter patet, quod Apoplexia oriatur a causis tam variis, ut saepe nil commune habeant, immo perfecte oppositæ sint; oritur nempe a ni- mīa rarefactione & subsidentia, nimiō calore & frigore, densitate inflam- matoria & diathesi aquosa, ex abun- dantia & defectu spirituum, ex tumo- re intra cranium & compressione corticis; vidimus tamen, quod mor- bus sit simplicissimus, & semper ha- beat eandem ideam, nam causa ejus proxima semper est eadem, nempe officium spirituum sublatum; & hæc ablatio æque potest fieri, si in arte- riis piæ matris obstruatur via, quam si secretio spirituum a defe- ctu sanguinis fieri non possit, adeo- que a causis penitus oppositis; hinc etiam methodus curandi diversa esse pot-

potest & debet, & requirit peculiaris cuiusque causæ medelam.

Si peccat diathesis aquosa sanguinis, cura consistit in restituendo spirituum defectu, & restitutis in motum ciendis: si adeo densitas sanguinis inflammatoria, ita ut hæreat ad vasa extrema, tota curatio consistit in dissolvenda tenacitate sanguinis, eumque aquosum reddendo, & sic accedendo ad diathesin hydropicam; ergo hæc duæ curationes sunt perfecte oppositæ, nec una methodus in omni casu felix est; & tamen in omni methodo effectus est, ut spiritus fluere possint, & fluidi maneant. Utinam una talis methodus non laudaretur in libris Medicorum! Utinam Chemici spiritum Salis Ammoniaci non decantassent ut summum & indubitatum remedium ad omnem Apoplexiæ! Sane ubi hic morbus oritur ab infarctu materiae tenacis, calidæ, vasa obstruentis, vel ab ebrietate, ille spiritus augebit causam proximam; ergo Empirici hunc morbum curare non possunt; illi audito morbi nomine confugiunt ad balsama sua antapopleæticæ; sed quæ optima sunt in uno casu, in alio erunt pessima venena.

Jucundum est percurrere sententias veterum, nam illi accuratissime scripsierunt de hoc morbo; sed tota ejus historia tantum nata est ex observationibus. V. G. pone hominem bene judicantem, sed qui nunquam vidit hunc morbum; nunc prima vice videns dicet, homo ille dormit; ubi tamen videt, somnum illum durare, suspicatur aliquid mali; non potest excitare hunc hominem, qui tandem moritur; ergo tales somnum inter morbos refert, eumque postea videns prædictit fore lethalem; verum alteri, simili morbo laboranti, videt sanguinem copiose effluere ex naribus; primo quidem metuit; sed videt ægrum ad sensus redire & sanari; videt alios liberari per hæmorrhoides, febrem, sudorem, diarrhœam; ex his facit sensim historiam, in qua tantum visa refert: quando morbi ita

Tom. II.

observabantur, tunc non serrabant, sed non utebantur ratiocinio; exercitatus vero ex comparatis omnibus historiis facit systema hujus morbi; ita fecerunt veteres, & hæc est doctrina Hippocratica mascula; ergo videamus, quid illi dixerint.

Vocant hunc morbum oppressione ^{Veterum} principatus cerebri; an omnis ^{sententia} nostra historia vel minimum ultra dixit? Cerebri dicunt, non cerebelli; principatus cerebri est principium sentiens, movens, & percipiens: alii vocant occupationem vel obsessionem cerebri, similitudine ducta ab urbe, quæ a militibus obsidetur; vel interceptionem humoris cerebri, id est spiritum; vel prohibitum exitum spiritum ex cerebro citum & funestum; ergo distinguunt ab animi deliquio, nam illud non est funestum.

DURETUS vocat extinctionem animalitatis; alii privationem motus & sensus citam & funestam; ablatio officii impetum facientis & affectuum: ultimum, quod in nobis manet de animalitate, est conatus musculos quosdam movendi; hinc si ille extinguitur, totus morbus est completus: alii destructionem potentiae, quæ ad nervos defluit; illa potentia est vel sensus, vel motus, vel perceptio inde nata; videtis has omnes definitiones tantum idem significare; si hac ratione omnia observamus, accipimus eandem ideam, acsi morbi causa nobis esset cognita.

HIPPOCRATES primus fuit, qui duplum agnovit Apoplexiæ, primam nempe universalem, alteram particularem; loquitur enim de crure Apoplectico; universalem autem, quam etiam fortè vocat, dixit non posse solvi; hoc verum est, quando ejus causa nec obedit coctioni, nec maturationi, quæ raro hic bona fit, nec ulli evacuationi; si V. G. oritur ab acrimonia melancholica, eridente vasa, & sanguinem effundente in cava cerebri, est absolute insanabilis. Quum magnus HIPPOCRATES videbat Apoplexiæ a percusso capite tolli

I

tolli posse , sanguine per terebram e-
ducto , intellexit , eam in hoc casu
non curari per naturam , sed per ar-
tem ; hinc in tractatu de *Vulneribus*
Capitis omnia descripsit , quæ ad te-
rebrationem spectant : Dicit etiam *Aphor.* 42. *sect. II.* non facile posse
solvi debilem Apoplexiæ ; & hoc et-
iam patet , nam quæ oritur a leni sti-
licidio intra caput , levis est in ini-
tio ; si perseveret causa , priusquam
emendari possit , transit in fortē .

Dicit *sect. VI. Aphor.* 56. Apoplexiam totius corporis fieri ex morbis
melancholicis , & deductione humoris
melancholici intra caput , erosione
nempe vel varicoso tumore , vel a-
neurismatico infarctu , in capite na-
to ; & in *Coacis* , §. 476. torpores &
stupores præter consuetudinem eve-
nientes futuram Apoplexiæ denun-
tiant , nam illi notant , effusionem
quandam extra vasa & contractionem
fieri per vices ; & *Aphor.* 43. *sect. II.* , qui
resolvuntur , non redeunt ad sanita-
tem , si spuma circa os fuerit ; spu-
ma enim vix est liquor , sed crassum
quid & cohærens , acsi esset sebum li-
quefactum & subviridescens , quod
tantum per stertorem rejicitur , quan-
do systema sanguiferum pulmonis sic
oppletur sanguine , ut capacitas par-
tis aereæ minuatur ; tunc fricantur
illæ partes internæ contiguæ inter se ,
& mucus naturalis aggregatur ; &
quoniam nullus sensus adeat , pulmo
non irritatur , hinc mucus sensim ad-
scendit , qui si usque ad os pervenit ,
signum est , totum pulmonem esse in-
farctum : iterum in *Coacis* §. 477.
quibus ex vulnere corporis impoten-
tia accidit , sani evadunt , febre citra
rigorem oborta ; hoc difficile est in-
tellectu , nam nemo fere sine febre
moritur ab hoc morbo , & hæc febris
sæpe est incredibiliter velox : sed di-
cit ex *Vulnere* , non ex alia causa ; &
facile potest fieri , ut febricula post
vulnus faciat restitui vires , nam Apo-
plexia tunc sit a debilitate ; addit
autem , quod siderentur parte dextra
vel sinistra , nam natura non habet tan-
tas vires , ut motum integre restituat;

& §. 478. sideratis hæmorrhoides suc-
cedentes utiles : §. 479. sideratis ex
magna spirandi molestia subortus su-
dor mortem adfert ; si vero in his
febris accedat , sanantur ; indicatur
enim , vires vitæ resurgere , quæ an-
tea videbantur penitus amissæ ; nam
sudor ille non est a resolutione , sed
a resurgentे natura : §. 480. in side-
rationibus , quæ repente fiunt , fibris
chronica , insuper contingens , perni-
ciem minatur , nam tunc spiritus ner-
vosi penitus sunt exhausti : si tales
homines v. g. sentiunt digitum stu-
pentem , & quasi magnum fieri &
fungosum , vix fallit , quin brevifiant
Apoplectici .

Ergo si in corpore pleno nascatur Explica-
tur ex
theoria
recentio-
rum.
Apoplexia , tunc impeditus est trans-
fluxus spirituum ex cortice per me-
dullam & nervos in corpus , qui in
hoc casu ponit in origine impedimen-
tum trajiciendorum humorum arterio-
forum : si fit a defectu , impeditur
trajectus sanguinis per totam molem
cerebri ; nam si una pars adhuc libera-
sit , non est Apoplexia , sed Paraplegia .

Systema arteriosum in solo cerebro
est incredibilis magna pars totius cor-
poris ; *MALPIGHII* tertiam partem
sanguinis Encephalo impendi puta-
vit : si cerebri molem consideres re-
spectu cerebelli , utique ex sex parti-
bus erunt quinque pro cerebro , u-
na pro cerebello ; ergo ex quatuor parti-
bus sanguinis , qui datur Ence-
phalo , tres transeunt per cerebrum ;
hoc posito , si impediatur trajectus
per cerebrum , & arteriæ carotides &
vertebrales pergunt adferre , debet fieri
ingens plethora in cerebro ; nam
quia cranium non cedit , cedunt &
comprimuntur canales spiritus vehen-
tes , & venæ exprimuntur , nam il-
læ etiam ab arteriis complicantur ;
cor pergit urgere , arteriæ non trans-
mittunt , ergo cerebrum fit quasi
corpus solidum . Quamdiu tale vi-
tium non pervenit ad cameram ter-
tiam , in quo hæret cerebellum , tam-
diu cerebellum laborat febre , id est ,
facit citiorem trajectum ; plus ergo
calet , plures spiritus secernit &
trans-

transmittit ; donec tandem impeditatur ; hinc in initio omnes actiones debent fieri fortiores ; haec autem sunt vitales, motus nempe cordis & pulmonum, hinc tota circulatio, quae non pendet a cerebro, augetur ; oritur ergo febris ardens in cerebello, id est rapidissimus trajectus sanguinis per arterias primi generis ; illa vero non durat ultra tres dies, nec etiam Apoplexia exquisita, nam per eam destruitur cerebellum, & fit paralyticus cordis, omniumque partium vitalium.

Intelligitur hinc ratio, quare incrementant vires vitales, prout decrescent animales, sic ut æger licet morti proximus sit inflatus & ruber, instar hominis saturi & bene poti ; incrementant haec cum stertore, ut in anhelante equo, & acme febris ardoris : paulo post omnia cadunt, quia vitium pervenit ad cerebellum ; adeo ut æger eo validius vivat, quo propior est morti. Haec dicenda erant de Apoplexia exquisita. Sequitur nunc, ut loquar

DE PARAPLEXIA.

Haec est morbus ejusdem generis, sed minoris gradus, in qua potestas sensuum quidem obrupta est, sed ita ut pro momento resurgat ; & omnis motus quidem sepultus, sed tamen conamen quoddam apparet, nam palpebrae elevantur, & deglutitio manet integra. ARETÆUS vocat Apoplexię fortē, quae totum corpus occupat ; illam vero, quae occupat quandam partem, Paraplexiam : est ergo Apoplexia lenior : sed si liceret ut illa libertate, vellem per hunc morbum intelligere Apoplexię totius corporis, demto capite : hoc enim saepe fit, ut privetur totum corpus sensu & motu, sed omnes functiones, a capite pendentes, persistent perfectissime : exemplum habetur in illis, quibus luxatur secunda vertebra, veluti qui excussi equo inpingunt in obstaculum, unde totum corpus incurvatur circa caput, & dens vertebræ secundæ ligamentum suum dilata-

tat, & illa vertebra incurvatur quasi, & dens versus posteriora fertur, & sic comprimit medullam spinalem ; tunc definit omnes motus & sensus totius corporis, sed visus, auditus, gustus, olfactus, tactus, loquela, omniesque capitatis functiones manent perfectæ. Caupo facetus, cui collum & medulla erant contrita, rideans Medicum & Chirurgum, mortem ipsi prædicentes, dixit, se Imperatorem esse, cui milites non obedirent, nec aliter se gerebat, quam in symposiis, donec malo adscendente brevi moreretur Apoplecticus. Vix unquam hic morbus curari potest, nam si oritur ab humore effuso crasso & ponderoso, ille se diffundet sub ventriculo quarto, ubi exit medulla cerebri & cerebelli, ut formet medullam spinalem : vel haeredit in cavo, ubi reconditur medulla ipsa, quae ibi libera, nec pressa, haeret potius in specie vaporis, quam in liquido, nam theca vertebrarum est cavitas capacious, quam medullæ corpus, estque undique clausa ; sed ubi huc defertur insolita liquidi moles, triginta duo nervorum paria comprimuntur, & fit Paraplexia.

DE PARESI.

Gradus adhuc mitior Apoplexię vocari poterit Paresis, a παρίηι remitto, quasi dices negligentiam & otiosam remissionem : hoc vocabulum confunditur cum Paralysi ; proprium autem est vitium facultatis operantis, quando remittitur potentia ad motum, manente sensu, sed hebeti, sive quando musculus ad motum est imparatus, nam quando omnis motus & sensus prohibetur, Paralysis adesse dicitur. DURETUS Paresin vocat exsolutionem partis cum segnitie & torpore. Alii vocabulum Pareseos restringunt ad unam Paralysis speciem, incontinentiam urinæ ; hoc sensu inventitur apud ARETÆUM, & potest facile ita sumi, nam morbus raro occurrit : retulerunt huc quoque anaesthesiam & stuporem, in quo solus tactus deficit.

DE LETHARGO.

Componitur hoc vocabulum ex ἀγείᾳ oblivio, & ἀργός, iners, sine labore, quasi diceses oblivionem segnem & otiosam. GALENUS aliique ita vocant somnum, in quem æger deducitur sine sensu, ex quo difficulter excitatur, comite pallore, tumore flatulento, sublata tensione partium firmarum, & suffocatione spirituum, & fere semper adest febris mali moris: ergo non docui falsum, quum dixi, hunc esse speciem Apoplexiæ, in qua deficit promptuarium & materies spirituum.

DE CATAPHORA.

Hæc GALENO definitur somnus gravis & profundus; est ergo morbus cerebri, motum & sensum tollens, cum inexpugnabili necessitate dormiendi, ortum habens a materia humida, frigida, cerebrum madefaciens, ibi putrescente, & producente febrem lentam. Convenit cum Phrenitide, quoad sedem; sed differt, quoad materiam efficientem. Quando hic morbus se manifestat, totum cerebrum labefactatum est, hinc difficulter superatur. Videtis facile, quod hunc morbum etiam absolvit sub titulo Apoplexiæ. Vocabulum denotat devectionem; nam ægri dormiendo deferuntur ad mortem, instar hominum, qui dormientes iter conficiunt.

DE CARO.

HIPPOCRATES, & alii Græci, caput solent vocare Κέρα, hinc Carus significabit morbum capitum; talem in primis, in quo est altus & gravis sopor, unde æger vix per violentas causas excitari potest; sensu & motu ita privatus est, ut vix eorum vestimenta supersint; si tamen magna vi excitetur, aperit palpebras, minatur quasi visum, mox dormit æque profunde quam ante; est hic simul aphonia sive vocis ablatio; non autem stertor vel ronchus pulmonis,

ut in Apoplecticis: dicunt, hunc morbum semper oriens a causa calida; frequenter occurrit, sed plerumque habetur pro Apoplexia; distinguitur vero per eventum, nam Caro solito integra redibit sanitas, quod non fit post Apoplexiæ: hic morbus a nulla causa crebrius contingit, quam a temulentia; si plethoricus, calidus, tempore æstivo, nimiam copiam vini generosi, vel alterius potus calefacientis ingesserit, hæret quasi sine sensu & motu, non quidem apoplectice stertens, sed tamen vix excitabilis. Si temulento homini subito incidit resolutio cum aphonia, & accedente febre non excitatur, tunc intra paucos dies Apoplecticus moritur. WEPFERUS in suis Commentariis exempla hujus rei refert crebra & luctuosa: novi hominem, inter amicos hilarem, & plus satis potantem; vidi eum, postquam bibisset, quod totus inciperet resolvi & vocem perdere; in sedili suo sedens non quidem stertebat, sed summis clamoribus & vexationibus non excitabatur; putabant omnes esse Apoplecticum; sed postquam dormivisset, sequenti die erat æque vegetus; hoc malum illi homini erat proprium, parum dolentibus consuetis ejus compotatoribus.

Contingit saepè, ut plethoricis subito nata febris efficiat idem malum; oritur his summus torpor cum resolutione & aphonia, saepè definens in Apoplexiæ calidam; hic morbus quidem distinctus est ab Apoplexiæ, sed si quis non noverit talem ægri proprietatem, vix eum cognoscet; non multum tamen mali inde metuendum, nam in hoc casu non nocet eadem curatio, quam Apoplexiæ: hæc enim consistit primo in eductione sanguinis; si Carus ille oritur cum magno & crebro pulsu, respiratione valida, & æstu corporis, venæflectio obliterat nunquam; credo equidem, quod magni illi successus Apoplexiæ curatæ per missionem sanguinis adscribi debeant Caro, qui habebatur pro Apoplexiæ.

Con-

Hujus
morbi
curatio.

Consistit dein in refrigeratione modica totius corporis, hinc datur una vel altera drachma Nitri, dissoluti in libra aquæ, quæ partitis vicibus exhibetur, donec per alvum vel urinæ vias agat.

Summum vero remedium est evacuatio ventriculi: vidi homines, quibus post potum vini, quod frigidum nimia copia simul hauserant, spasmodice constricta erant orificio ventriculi, unde per biduum erant quasi Apoplectici; sed vino per vomitum reddito mox sanabantur: hinc HELMONTIUS optime monuit, quod vera Apoplexia, ut ille putat, sœpe oritur a ventriculo nimis distento, & quod cura tantum ab illius evacuacione pendeat.

Novi senem bene potum & pastum incidisse in morbum, ut dicebant Medicis, apoplecticum; sed quum ille sic penitus resolutus jacebat, copiam incredibilem ingestorum per vomitum reddidit, & mox ille morbus perfette fuit curatus: omnis ergo prudens, ad tales casus vocatus, facile crederet, illico danda esse vomitoria; sed caute hie agendum est, nam valde credibile est, quod ventriculo distento & pressa aorta, magna copia sanguinis moveatur ad vasa corticis cerebri, ita ut compressa supposita medulla nullam functionem exerat, & inde oriatur hæc Apoplexia; si tunc, ut exempla apud WEPFERUM prostant, vomitus fit, ventriculus illo momento aortam plus comprimit, unde homines hactenus carotici per enormem hanc passionem facti sunt Apoplectici, quia inde rumpebantur vasa Carotica, & tunc Carus non solvit, sed fit Apoplexia ab extravasato sanguine; hinc sollicitus, dum talis urgebat casus, optimum esse credidi, si flexible balænae ossiculum cum apposita spongia induceretur in Oesophagum, ut sic via aperiretur, & nausea excitaretur; si vero decernatur, ut fiat Ventriculi evacuatio, semper tunc præmittenda est eductio sanguinis ex venis brachialibus, ne rumpantur vasa, sanguine adeo distenta.

Tom. II.

Ultimum & promptissimum remedium est derivatio ad inferiora, hinc ingentes cucurbitæ tribus vel quatuor locis applicantur femoribus, tam ab exteriori quam interiori parte; his remediis curatus ille morbus pro præmio dat, quod Medicus dicatur sanasse Apoplexiæ.

Si plethorici coguntur pleno ventriculo, tempore æstivo, ingentem motum perficere, incident sœpe in Carum, ex quo vix sunt excitabiles: novi exemplum hominis, qui postquam magnum iter confecisset, in divisorium in lecto positus tam profundo somno obrutus fuit, ut effractæ fuerint fores, ipso nil sentiente; tandem redeuns ad se mirabatur fores fractas suisse: idem ille morbus potest fieri in initio febris ardantis a nimia dilatatione arteriarum in cortice cerebri, minus laeso cerebello, quod firmiora vasa habet; & tunc eadem adhibenda sunt remedia.

D E C O M A T E.

Coma significat somnum: Medici autem per hanc vocem intelligunt perpetuam & vix cohibendam proclivitatem in somnum profundum, ita tamen ut homo inde per validissimos stimulos possit excitari.

Quando talis æger, sibi commissus, tranquillus est instar Apoplectici, dicunt adesse Coma Comatodes, quod pro causa habet nimiam compressionem, & est quasi Carus levis: producitur per levem temulentiam, & de talibus ægris dicit VIRGILIUS, quod vino somnoque sepulti sint; hic vero morbus est periculosis a causa frigida. Aliud Coma est Agrypnodes, sive somnus pervigil, quando æger laborat quidem somnolentia insuperabili, sed simulac oritur prima somni voluptas, patitur horrenda somnia & imaginations, quibus perterrefactus evigilat, & rogat amicos, ut faciant, ne obdormiscat; quod horrendum symptomam sœpe in Phrenitide accidet videmus: nusquam vero hic morbus

trebrior est quam in infantibus a primo nativitatis initio, usque ad octavum ætatis annum, si modo laborent febre sive continua, sive tertiana vel aliis intermittentibus; illi vigiles sat bene se habent, dum vero ocu-li modo nictitant, in convulsiones incident; si faciem videtis, legitis quasi in ea ideas horrendas; postquam vero infans convulsus exsiliit, dein instar Apoplectici per horas ob-dormiscit.

Causa & somni veris, partim quia aliæ partes cura hu-cerebri sentientes & percipientes non **jus morbi.** obstruuntur, sed propter vivacitatem

spirituum aut sanguinis per illas fit trajectus; si v. g. centesima pars vi-gil est, dum nonaginta partes dor-miunt, impetus erit tanto violentior per canales patentes, hinc ideæ erunt molestæ & perturbatæ, & illi homi-nes evigilabunt: ergo hic est inæqua-lis compressio medullæ cerebri, cuius nonnullæ partes nimis compressæ sunt, & per alias fit nimis vehemens hu-morum trajectus. Curatio fere eadem est, ut in Caro, & hæc mala solent tolli in infantibus in primis per pur-gans ex Rhabarbaro. Vidi infantem in paroxysmo tertianæ sic obdormi-scentem, ut omnes prædicerent mor-tem; sed quum ego audax tale pur-gans præscriberem, simulac illud ope-rationem suam absolverat, omnis me-tus sublatus erat.

Enumeravi nunc omnes species Apoplexiæ; sed unicum hic dico, quod Medicus peritissimus in hoc ca-su sæpe longe minus famæ reportet quam stentor; qui enim distinguit Coma ab Apoplexia, spem facit cu-rationis, dum ignarus morbum lethalem pronunciat; interim natura sanat hunc morbum, unde ignarus repor-tat gloriam, peritus vero nullam, quia dixit morbum non esse magni momenti.

DE PARALYSI.

Hæc etiam est Apoplexiæ species, in qua multa memorabilia occurrunt,

Vox πάροξιστη significat lingua Medica le-viorem illius morbi, cui præponitur, gradum; sic Parapoplexia significat leviorem Apoplexiæ; denotat ergo Paralysis solutionem, sed imperfectam & fere lethalem, nam λύσις est sol-vere, & sic sumitur in Evangelio LU-CÆ, c. II. nunc solvas famulum tu-um, Domine!

Paralysis est morbus musculi, & po-nit in eo impotentiam exercendi mo-tus insuperabilem, una cum musculi articulorumque movendorum flexili flacciditate: esset ergo error ingens tam in Theoria quam Praxi, si ita vocarentur omnes morbi, in quibus musculus non potest moveri, nam ad nonnullas species impediti motus mus-cularis conveniunt laxantia, hume-stantia, debilitantia; hæc vero in Paralysi exhibita, morbum augerent: distinguae ergo sunt immobilitates musculorum, quæ fiunt per senium vel labores nimios, uti patet in e-quis, quibus concreti musculi sæpe rigescunt; vel per concretionem ten-dinum, vitio vaginæ mucilaginosæ, per inflammationem, suppurationem vel gangraenam ablatae, veluti sæpe contingit in tendinibus, qui phalan-ges digitorum movere debent, ubi musculus quidem bonus est, sed manus tamen non potest moveri; vel per ancylosin, quæ est articuli immobili-tas undecunque facta, modo vi-tium hæreat in ipsis articulis, sive cartilaginiæ mutaverint figuram, vel amiserint lubricitatem; sive cavitas articuli repleta sit materia cretacea, podagræ, arthritica; sive ligamenta indurescant.

Dixi in definitione, quod hic mor-bus non sit tantum impotentia, sed quæ etiam insuperabilis: novi homi-nem, in omnibus scientiis versatum, qui cubitum euns erat sanissimus, sed dum evigilat, erat paraliticus uno latere; vult se erigere, non potest; miratus facit nixum majorem, sed tamen non poterat superare: raris e-xemplis constitit, quod summus im-petus hanc impotentiam superaverit. Prostat hic loci in Bibliotheca publi-ca

ca liber Arabicus, in quo scribitur, anatissimam Caliphi uxorem laborans paralysi unius lateris: Medicus consultus dixit se posse sanare, nisi metueret iram Principis; ille curam sibi gratam fore respondit; Medicus ergo conabatur pedes ægræ attingere, quod in Asia est signum impudicitiae, unde illa valde irata voluit Medicum a se abigere, & hoc violento nixumox sanata fuit.

Narratur apud HERODOTUM, quum CYRUS Lybiā expugnasset, quod homo mutus, videns CRÆSUM a militie occidendum, indignabundus, vinculo linguae soluto, militem allocutus fuerit, & clamaverit, *Persa! care, ne occidas Regem!* prima vice tunc loquens, ejusque vincula postea soluta permanserunt.

Quando ergo dico, quod hæc impotentia sit insuperabilis, debet summus talis impetus excipi.

Causa proxima. Hæc impotentia motus muscularis est ablatio causæ physicæ, quæ musculum exercet; hæc causa est duplex, vel delata ad musculum, vel prærequisita in musculo: causa delata ad musculum est motus liquorum, qui deferuntur per cor, nam ad omnem motum muscularum cor opem adfert per arterias; vel per nervos, ex cerebro, cerebello, vel medulla spinali oriundos: in ipso musculo requiritur fabrica bona in omni textura; ergo in arteriis omnis generis ad ultimas usque, requiritur distributio nervorum per musculos ad omnia puncta; requiritur fibrarum muscularium illa diathesis, quæ potest accurtati a vi influentis liquidi; hæc omnia si præsto sint, quotiescumque volumus, fiunt motus muscularares, & spontanei musculi etiam agunt. Quoniam nunc Paralysis est impotentia insuperabilis exercendi hunc motum, videtis, quod ejus causæ referri debeant ad causas advehentes motum, vel ad ipsum organum.

His positis porro dico, omnis paralysis vera tunc omnium pessima per experimenta constitit, quoties simul anaesthesia vel stupor in musculis ob-

servata sunt, quasi pars non pertinet ad corpus; pars paralytica saepe sensum quendam retinet, & tunc aliqua est spes; sed si stupor perfectus est, vel sensus in parte, quasi musculus non pertineret ad corpus, hoc pessimum est.

Motus possunt fieri in musculis, licet non deprehendatur sensus, ut patet in corde, quod in febribus etiam ardentissimis nunquam ullum sensum excitat doloris; laboret vero diaphragma parva tantum inflammatione, vah quantus dolor! soletque illa transire in peripneumoniam a prohibito spiritu: sed diaphragmatis actio partim pendet a nostra voluntate, cordis neutiquam, vel saltem non directe; nam nervi diaphragmatis partim sunt naturales, & illi non sentiunt; partim arbitrarii, & in hac parte sensus est.

Stupor autem ablatam sentiendi vim significat, qui si in paralysi adsit, est pessimum signum; sed si sensus perfecte in parte manet, est bonum signum. Omnis etiam Paralysis, accedens cum frigore, fere eodem, quam est temperies aeris, pessima est: tales Paralyses occurunt, ubi pedes ad femora usque paralytici instar marmoris frigent; ad ignem quidem calefcunt, sed eodem modo, ut lapides; & ab igne remoti iterum frigent; in hoc vero casu non est amplius circuitus sanguinis per arterias rubras, hinc etiam non per serosas: ergo causa, li- quores ad musculos advehens, laborat; si calor in parte affecta minor est, quam in parte sana, est mala Paralysis; si vero calor in parte affecta per thermoscopium vix aliis possit deprehendi quam in sana, est bonum signum.

Ubi in hoc morbo musculi manent torosi, etiam bonum est: hoc enim indicat, quod omnia vasa arteriosa, nervosa, adiposa sanitatis conditioni respondeant; ergo marcor in parte affecta est pessimum signum; hoc autem saepe contingit, & signum exhibet, talem causam esse in musculo, vel ejus parte advehente, ut fiat nulla impletio; si vero natura partes non amplius nutriat, fiunt nullæ;

hoc maxime contingit in illa specie Paralyseos, quæ Colica Pictonum audit, in qua vidi, quod toto corpore robusto musculi brachiales & phalangum siebant quasi nulli, ac si essent funes seci, ossibus circumpositi; tales vero Paralyseos raro curationem admittunt; in omnibus his casibus causa Paralyseos hæret in musculo ipso, & proinde est absolute incurabilis; si vero hic morbus supervenit cerebro læso, Vertigini, Apoplexiæ, Parapoplexiæ, Lethargo, Caro, Comati, deliriis melancholicis, hoc docet, originem mali a accusa advehente pertingere usque ad Encephalum.

Cranium est arx mentis, cerebrum est ejus thronus, unde angelos demittit ad singula sua munera; hinc si in cerebro vitium est, mens etiam laboret; si ergo Paralysis sequitur post mala deprehensa in cerebro, sed quæ intervalla lucidiora habent; si increscat cum malis cerebri, & melius se habeat in illis intervallis; tunc causa morbi hæret in illo principio, unde motus per nervos defertur ad musculos, & origo causæ hæret in parte lateri affecto opposita; dixit enim A. RETÆUS, quod si dextra pars cerebri afficiatur, tunc læva pars corporis laboret; hinc si Paralysis ortum dicit a malo cerebri, tunc sedes mali est in parte opposita: hoc maxime apparet in facie & resolutione linguæ, nam si dicis ægro hemiplegico, effere linguam, & ille vult eam recta extendere, videmus, quod semper tendat ad dextram vel sinistram partem, in qua musculi magis valent: si ergo simul signa adiungit, quæ docent, vitium originem habere in cerebro, tunc causa semper hæredit in parte aversa: hoc jam notavit ARETÆUS, & dixit hoc inde fieri, quia nervi, quorum initia nascuntur ex dextra medullæ parte, transeunt ad oppositum latus, & se invicem decussant instar literæ Græcæ X; hoc autem novisse, juvat ad intellectum hujus morbi, nam si in parte, paralytico lateri opposita, adiungit magnus calor & pulsus cum

convulsione, tanto pejor est; indicatur enim, causam morbi esse insuperabilem; a nullo enim remedio fit plus levaminis, quam a valido mortu; si ergo natura per convulsiones agat, & Paralysis tamen maneat, casus desperatus est, nisi nimia distensio in uno loco fecerit Paralysis in alio, & tunc missio sanguinis juvat; sed hi casus valde rari sunt. Sed quotiescumque omni functione cerebri perfecta & integra, oritur Paralysis, tunc causæ, motum muscularum efficientes, extra cranium sunt impeditæ; omnis enim nobis nota & demonstrata cerebri actio est vel sensus vel motus, quando ergo illi in Paralysis persistant, causa hæret extra cranium; monetque ARETÆUS, quod tunc semper sit in codem latere quam Paralysis, quia omnes nervi extra cranium oriuntur a medulla spinali, & decussatio sit in medulla oblongata: si ergo intra cranium nulla functio laboretur, sequitur, quod causa mali hæreat in medulla extra cranium.

Prima hujus mali species auctori-
bus memorata est Paraplegia, seu Pa-
raplexis, quæ fere est Apoplexia:
vocatus ita resolutio omnium muscu-
lorum voluntariorum, infra collum
constitutorum; talis vero nunquam
est perfecta, nam tunc esset mors;
ratio est, quod omnes causæ motri-
ces viscerum vix orientur ex nervis
medullæ spinalis, sed ex pari quin-
to, sexto, octavo, vel recurrente
GALENI; si ergo omnes musculi
sub capite essent resoluti, non pos-
set fieri respiratio, vel motus visce-
rum, qui motus tamen manent, i-
mo crecent in Apoplexia: ergo Pa-
raplegia est resolutio muscularum
voluntariorum sub capite, sed qui-
bus affectis motus vitales tamen pos-
sunt manere illæsi; sedes ergo hujus
mali est infra vel ad ventriculum
quartum; quum ergo in medulla ob-
longata fiat decussatio, hinc in medul-
la spinali una pars erit productio par-
tis dextræ vel sinistre medullæ oblon-
gatae; sed manet medulla illa bifida

summus
hujus
morbi
gradus.

a capite ad os coccygis usque, & manifesta distinctio appetet ad ventriculum quartum.

Causa. Scitis, in omnibus locis, quæ non debent concrescere, semper adesse laticem, qui contactum prohibet; si talis hic loci abundet, & gravitate sua incidat in thecam vertebrarum sub tegumentis medullæ, tunc potest fieri Paraplegia, cuius causa ergo debet esse, ubi est conjunctio utriusque lateris; si medulla spinalis dissecetur, cortex ejus appetet hærere in medio; & RUY SCHIUS docuit, hic adesse similem apparatus, quam in cortice externo intra cranium; & nervi, qui hinc oriuntur, possunt distribui ad utramque partem: ergo si adsit Parapoplexia, sive sit luxatio in vertebris, sive aqua vel sanguis effusus intra cranium, descendens per ventriculum quartum, sive magna inflammatio, sive materia purulenta, causa semper erit in hoc loco.

Quando hæ causæ faciunt Parapoplexiā, Medici dicunt, nullum vitium esse intra cranium, sed dubito, an unquam hic morbus visus sit sine notis læsi Encephali, demitis causis, quæ unam partem comprimunt externe, & hoc facile potest fieri. Si dimidia pars cerebri afficiatur, ejusque usus tollatur, tunc omnis origo medullæ in latere opposito debet paralytica fieri: dum ergo oritur causa impediens functiones unius hæmisphaerii, tunc incipiet hemiplegia cum risu sardonio, titubatione, linguae & oris ad unam partem contractione, oculorum inversione; postquam hoc contigit, læsio quidem est in cerebro; sed quia una pars libera manet, hinc functiones pergunt, & tunc causa sensim solet descendere, & magis liberatur cerebrum; sed homo caret usu dimidiæ partis muscularum sub collo positorum. Ventriculi cerebri sunt mira corpora, quæ in cava sua parte habent medullam, in convexa corticem, hinc vitia ventriculorum, eos extendentia, per compressionem medullæ solent producere magnos morbos; sed vitia in cortice, cuius om-

nes partes per circulum WILLISIANUM communicant, supplementur per has anastomoses, & sæpe feruntur sine magno malo.

Sequitur Paralysis singulorum musculorum, ad quos vis motrix deferatur per singulares nervos; hæc potest fieri a vitio, hærente intra caput, tam in parte sentiente, quam in movente; homo recte valens & latus dicit forte suo socio, nescio quid sit, digitus quasi non sentit, fit duplo tumidior & quasi fungosus, & tunc brevi sequitur Apoplexia; alii incipiunt habere contractiones, tremores, vacillationes, & brevi post fiunt Apoplectici: in Epilepsia sympathica ægri interdum sentiunt levem concussum, motum quasi auræ frigidæ ascendens, & paulo post cadunt in Epilepsiam, cuius finis est vera Apoplexia; ergo cerebrum incipit quandoque in una parte affici, sed a vitio parvo paulo post laborat totum cerebrum: hinc potest contingere, quod origo motrix vel sentiens certi cuiusdam musculi in parte quadam medullæ afficiatur, & v. g. callosa vel impenetrabilis fiat; tunc in hac parte erit Paralysis forte per totam vitam manens, nullo vitio conspicuo existente, nisi in una parte cerebri; hinc etiam nulla functio labefactatur, & persistare potest sensus, nam nervi sentientes non sunt motorii; patet hoc in Parapoplexia, in qua oculi vident, aures audiunt, & manus bene sentiunt.

Si possemus, quod forte nunquam dabitur, videre tentoria Encephali, prima Paralyses se- piura dicere liceret; nunc vero hæc res est adeo involuta, ut obstupescamus quidem, sed intelligamus nihil: novimus, quod quatuor arteriæ pertingant ad Encephalum, quæ communicant per anastomoses; novimus, quod a qualibet parte corticalis orta pars medullæ commercium non habeat, sed decurrat solitaria; quæ omnes partes, decussatim transeuntes, in medulla oblongata colliguntur; ex hac exit duplex genus nervosum, unum motui, alterum sensui inserviens, nec unquam inter se communicans;

nicans ; sed licet illi nervi tam distincti maneant, optima tamen microscopia in medulla oblongata non detegunt, ubi harent, sed appetat æquabile corpus : ex hac medulla decem paria nervorum exeunt, & quod supereft, miscetur medullæ cerebelli, quæ vadit in nervos, vitalibus actionibus destinatos : hoc facto medulla oblongata descendit intra thecam vertebrarum, & facit duas columnas usque ad initium ossis coccygis, ex quibus nervi distribuuntur pro motu, sensu, & actionibus vitalibus ; quis dicet hic, hoc movet, hoc sentit, hoc vitale est ?

Quæ pot. est hære. Oritur quoque ex cortice intra thecam vertebrarum collectio nervorum, qui miscent se cum prioribus ; ergo thecam potest stupor & paralysis oriri in uno singulari musculo, & tamen non est vitium in musculo, non in nervo, non in arteriis, non in venis, sed in parte quadam singulari intra cranium ; & dum unus tantum musculus afficitur, nemo potest dicere, an causa hæreat in cortice, an in medulla, an post decussationem, an in medulla spinali : ponamus nervum cruralem esse affectum, ejusque tantum illum ramum, qui movet magnum pollicem pedis ; omnia hic manent bona, sed una fibrilla affecta est in suo principio, ibique deficit facultas movendi ; & licet hic nervus ortum ducat ex medulla spinali infima, non tamen inde sequitur, quod ibi nascatur, nam per continuitatem ex cerebro potest eo esse delatus.

Hominem hac in urbe novi, negotiis publicis deditum, alacrem, vegetum, & ad omnia parem ; incidebat ille in speciem Parapoplexiæ, dein transeuntis in Paralysin ; sanatur inde, sed manebat unum incommodeum ad mortem usque, nempe quod nomina rebus dare non poterat ; si alloquereris eum, & notares illud, quod quærebat, annuebat, & dicebat esse hoc quod volebat, sed illico iterum excidebat, & quicquid faceret, explicare se non poterat ; in cæteris deficiebat nihil : apparent inde,

quod in illo homine, a morbo apoplectico liberato, organum memoriarum & ratiocinii manserit nitidum, motus & sensus etiam perstarent, sed illa pars in cerebro, unde nervi vocales oriuntur, deficiebat, nam sciebat se velle aliquid, sed dicere non poterat.

Novi etiam Dominam in hac urbe, quæ ante aliquot annos sanata fuerat a parapoplexia, sed remanebat etiam hoc unum, quod non posset vocabula rerum invenire, sed omnia confundebat ; volens v. g. dicere, voca filium, dixit, adfer cespites : volens se corrigeret, dixit, voca forcipem ; tales casus inter se compans, incepi credere, quod singulares particularium nervorum functiones possint aboleri, & tota vita abolitas manere, tantum ideo, quoniam in primo principio aliquid mutatum est, ubi commercium incipit inter mentem & corpus.

Sed hoc malum etiam oritur a vi-
tio ipsius nervi, quatenus jam factus est, ab ejus origine ex medulla tam oblongata quam spinali usque ad locum, cui famulari debet : scitis, quod multi nervi, qui nobis apparent originem habere ab Encephalo, accipiunt fibras adscititias a cerebello & medulla thecae vertebrarum ; si ergo in theca vertebrarum contigerit causa, quæ liberum fluxum spirituum impedit, tunc omnes musculi, qui ab hoc nervo causas motrices vel sentientes accipiunt, erunt destituti functione sua ; nil refert, an superiora bona sint, modo in itinere impedimentum fuerit.

Argenti faber in hac urbe cadebat de scalis ; impingebat dorso incurvato circa lumbos ad lapideum pavimentum ; conatus resurgere, non poterat ; videt mox madere indusia, & bracca defluere lotio, nec sentiebat ; vocantur medici, qui non multum opis adferebant, sed manebant tota vita partes inferiores sub osse sacro, partes genitales, vesica, intestinum rectum, crura, femora, pedes, sine ulla functione, ita ut trans-

fer-

ferri deberet instar statuæ; cæterum sedens opus suum peragebat; in hoc casu nullum erat vitium in corpore, nisi compressio nervorum a contusione circa vertebraes lumborum.

Vidi nobilissimum juvenem in hac Republica, habentem ulcus in dorso, quod pertingebat usque ad interiora, unde huic sensim fiebat Paralysis, & perdebat usum partium inferiorum; cæterum sanus erat. Dixi de caupone, qui fractis cervicis vertebbris capite vegetus, reliquis partibus paralyticus fuit.

In spina bifida sæpe visum est, colluviem aquosam, hærentem inter integumenta medullæ spinalis & medullam ipsam, laxatis medullæ septis, quæfivisse viam, & vertebraes trusisse extrorsum, unde in hac parte hydrops factus est; si pertunditur talis vesica, mox homo moritur, nam omnia vindentur subduci: possunt in his locis etiam fieri inflammations, suppurations, gangrænæ, quæ si fiant ad alterutrum vel utrumque latus medullæ spinalis, partes inferiores erunt paralyticæ.

Nervi medullæ spinalis per formatum in vertebribus sinuosum emissarium deorsum spectans demittuntur, & exeuntes singuli distribuuntur ad suos musculos; & in illo loco, ubi se ex clausura ossea expedient, vaginam crassam accipiunt.

Egregius SWAMMERDAMMIUS inventit in apibus, bombycibus, formicis, vermibus, medullam, ut in nobis, & semper nodos ad egressum nervorum, qui nodi constant singulari substantia; tales in reliquo corpore vocantur ganglia; ad hæc loca sunt plurima vasa, hinc etiam possunt plurimi morbi fieri. Si illa per thlipsin comprimentur, fiet Paralysis, nullo vitio existente in capite vel medulla, sed tantum in his partibus. Ex tabulis EUSTACHII & VIEUSSENSII discimus exitum nervorum, ex quacunque parte commissarum vertebrarum in certos musculos; si ergo plures musculi afficiantur, dum nullum appetet vitium in medulla, & scimus, quinam nervi

ad illos musculos distribuantur, debemus semper cogitare, vitium posse hærente ad illos nodos; hinc si in illis locis tumores sunt, qui possunt resolvi, & iis applicantur remedia, sanatio fit. GALENUS narrat, se vocatum fuisse ad hominem, cui brachium erat paralyticum, in quo omnes medici operabantur in musculos; ille inquirens originem morbi intelligit allisionem factam esse ad vertebraes; his ergo remedia applicuit, & ægrum sanavit.

Multi nervi in itinere suo iterum certis in locis colliguntur, & inter se junguntur in gangliones; ergo in illis nodis, ex quibus collecti nervi abeunt ad musculos singulares, potest oriri callus, sive compressio vasorum minimorum, a suis liquidis orbatorum; motus & sensus illius partis tunc aufertur, nam fit laterum concretio & exsiccatio.

Ex lapsu sæpe fit contusio, & ex ea Paralysis; vidi homines, qui ex curru vel equo excussi acceperunt mirificas mutationes in corpore; nonnullis vox periit, aliis facta est impotentia excernendi feminis, aliis incontinentia urinæ. Hæc autem vitia maxime oriuntur ab involucris nervosis; nam scitis, quod nervi habeant arterias, venas & membranam cellulosa, quæ facile admittunt omnia tumorum genera; hinc si nata sit inflamatio in nervorum tunicis, hæc totum nervum comprimens pro tempore facit Paralysis: illa vero per artem vel sponte resoluta, morbus sanatur.

Crediderim, omnes fere sanationes felices hujus Paralyseos consistere semper in hac resolutione. Homini forte cariosus dens parvum nervi ramulum exedit; oritur Odontalgia; totum vitium hæret in illo dente, nam evulso dente, perit morbus: homo ille forte accipit monitum doloris, facies inflatur; quando tumor evanescit, nil mali restat, sed quibusdam tunc fiunt Erysipelata: similia vitia si accidunt ad vaginas nervorum, pro tempore debet esse Paralysis, sed postea tumores illi disparent, & tunc dolor redit.

In Gan-
gliis.

Quum

Quam ergo legimus, Paralyses in Rheumaticis natas & sanatas iterum rediisse, hæ tunc ab illa causa ortæ fuerunt.

Paralyticis memorabilis est, quam quod homines ab humi-
ditate calidi & aestuantes humi vel sub Jo-
externa. ve frigido obdormiscant; tales Para-
lyses in Asia frequentes sunt, nec ce-
rebrum in iis afficitur; & in Classia-
riis nostratibus aliisque, qui in illis
regionibus fuerunt, quandoque oc-
currunt; tales etiam accidunt sanis
hominibus, si sudante corpore per
pluviosam tempestatem incidentes &
sudantes madidas vestes dein non de-
ponant.

**A Natu-
coticis:** Narcotica sunt pulcherrima reme-
dia, sed quorum bona suspecta esse
debent, nam post usum illorum par-
tes sæpe manent sine sensu & motu;
hinc quando Emplastra parantur, in
quibus Opium abundat, hæc vix ap-
plicata calido corpori dolores quidem
statim tollunt, sed Opium partem
sensim labefactat; & si ad curandas
dysenterias Theriaca, Diascordium,
Mithridatum, Philonium, & ip-
sum Opium admisceantur clysteribus,
intra horam subsistit motus peristalti-
cicus, ita ut ægri viginti quatuor
horarum spatio ne semel quidem al-
vum deponant; sed hoc tamen non
nisi prudenter faciendum est; ubi er-
go videris subitanas anaesthesiaes, præ-
dicite semper, Paralytici quid futu-
rum esse.

**A Mer-
curio.** Maxime huc refertur Mercurius,
quod genus liquidi multum quidem
boni præstat, sed quandoque funestas
mutationes facit.

Nihil dico de vulneribus, exustio-
nibus, exulcerationibus, illa enim
sponte patent.

Ergo quando Paralyticis fit vitio
musculi, tunc vel est vitium spiritus
nervosi, vel sanguinis arteriosi, vel
propriæ fabricæ lœsæ: scitis, quod
musculus, qua parte agit, sit tan-
tum propago ipsius nervi, & quod
ultimum nervosum in eo sit omnium
subtilissimum, & si ibi cavitas sit,
debeat esse minima; patet vero ex

causis recensitis, quando fabrica ner-
vosa in eo laboret: sed quandoque
laborat musculi membrana cellulosa,
quæ inter intervalla villorum hæret,
unde comprimitur musculus; hinc
ab abundantí pinguedine in nimis o-
besis sæpe fit languor: in arteriis et-
iam vitia esse possunt, a quibus im-
pedito sanguine arterioso virtutes e-
nergeticæ musculi quoque impediun-
tur; sic omnes inflammations possunt
partes comprimere; hinc in Rheuma-
tismo tantus fit dolor, & simul iner-
tia musculi.

Quæritur, an in musculo non ad. Ab Ato-
huc alia causa accusanda sit? Veteres
Medici faciunt mentionem morbi,
quem Atoniam sive ablationem ten-
sionis vocant; tonus dicitur de chor-
dis musicis vel arcuum, quæ tensæ
resiliunt, & faciunt motus elasticos
vel sonoros; sic considerarunt totum
musculum ejusque elementa, dum a-
git, tendi; atonia ergo est ablata ten-
sio, & dicunt, si illa in nervis fiat,
quod tunc nervi impedianter fluida
adferre.

Constat, quod nervus, musculi mo-
tor, acquirit aliam figuram, quam
dum vadit ad musculum; nam ner-
vus, hæc tenus homogencus & æque
capax canalis, ubique in corpore mus-
culi tantum debet expandi, quanta
est proportio omnium elementorum,
in musculo moventium, ad nervum,
qui solitarius eo defertur.

Musculus constat arteriis omnium
forte serierum, sed concipite omnes
illas auferri: musculus constat om-
nibus venis, humores ex arteriis om-
nium generum, in musculo latentibus,
reducentibus, quas etiam cen-
cipite sublatas: porro musculus con-
stat membrana cellulosa, interserente
se inter fibras, easque, & præterea
omnes venas & arterias tenente sepa-
ratas; concipite & hanc abesse, tunc
nil restabit nisi quod ex nervis ori-
tur, & hoc venit plerumque ab uno
nervo.

Ille nervus sic in musculo dividi-
tur, ut in omne ejus punctum ab-
eat, ejusque ultimi fines forte sunt
cæci;

cæci; sed forte arteria abeunt in ramos, subtilitate nervis similes, & tam illud adferens per arterias, quam per nervos, considerari potest nervosum.

Si liquores paulo celerius moventur per unum nervum quam per alium, tunc unus ille musculus debet distendi in suo fine nervoso; ergo capacitas nervosa debet plus tumere, quam antea, dum æquilibrium erat; ergo turget mole corporea & resistente, id est, debet tendi, durescere, elastica fieri, & plus resistere.

Videtis, quid sit tonus muscularis; atonia vero est, si omnibus eodem modo se habentibus ut prius a maiori velocitate non oritur illa tensio, vel non oritur tanta.

Omnis tensio in quolibet canali musculofo sit a dupli causa, i. ab impulsu & nixu densi & compacti fluidi, 2. a resistantia laterum canalis; si enim non resisterent canales, liquida illos destruerent, nec canales efficaces essent illos retinere: sed pone vires contractiles esse minutas, & parvam in fibris esse resistantiam, tunc canales implebuntur, sed manebunt flaceidi; & hoc erit, quod vocatur paralysis cum atonia, in qua scilicet non rotundantur musculi.

Si linea perfecte flexilis in se ipsum coit, tunc ab homogeneo fluido impacto semper æquabiliter disponetur in circulum, nam omnia elementa ponuntur lubrica, & pressio liquidi erit æqualis a centro ad omne punctum; si velitis concipere, hanc linéam esse tam tenuem in cohæsione, ut non resistat liquidis, sed cedat, tunc a causis prementibus elongabitur.

Applicate hæc ad villos muscularares, & patet, quod si fibræ in musculo decrescant tantum in elementis elasticis suisque viribus, quantus excessus impetus facientis est, effectus musculi erit nullus; elongabitur quidem paullum, sed non fiet durus, non resistet, non rotundus erit.

Concipite colluviem aquosam & morbosam, ut in hydrope & leuco-

phlegmatia; ponite musculos intestinales in ascide hærente in illa aqua subputrida; tunc omnes incipiunt fieri flaccidi, ut fere non possint agere nec resistere, nam aqua in abdomine contenta, vi sua premit intestina, & pressio externa facit, ut sustineatur utcunque motus; sed aqua per paracentes in una vice educta, intestina agunt nihil & omnia transfluent, nisi hic defectus pressione externa suppleatur.

In nulla fere parte musculi sunt magis nudi, quam in facie & ad tempora; si fomentum calidum & humidum huic parti nimis diu applicetur, tandem fit fere iners; nervi in hoc casu sunt boni, sed impetus minor est, quam ut supplere possit laxitate factam secessionem.

Omnis fibræ muscularares extrinsecus sustentantur ab arteriis, hinc quando arteriae tenuiores sunt, earumque fibræ minus resistentes, fit atonia, postea paralysis faciens; oritur hæc, quum imbræ calidissimo corpori applicantur, nam dum corpus assiduo se calefacit, aqua etiam calefit, & musculus resolvitur, ita ut flaccidus quasi hæreat.

Magnæ vires ad paralyses solvendas solent tribui thermis: sic vocantur aquæ medicatæ, que ex gremio terræ servidæ ad certa loca feruntur, illæque vulgo vocantur sulphuratae: si illæ per stillicidium applicantur parti paralyticæ, agunt pondere, calore & viribus medicatis sulphureis; veteres tales instillationes vocaverunt Embrochæ, quia hæ aquæ instar cadentis imbris applicantur: vidi medicos relegasse ægros suos Aquisgranum, eosque miseros, antea jam debilitatos, inde rediisse resolutos sine ulla oratione spe sanationis: si enim paralysis oritur a potestate villorum muscularium nimis parva, tunc illa per has aquas fit longe minor; sed ubi indicantur emollientia, impactum resolventia, & densatum refractaria, tunc hæ thermæ profunt, quia laxant per calorem & insinuationem elementorum aquæ; sed visi sunt

Confide-
ratur ejus
tonus.

sunt egressi ex balneis penitus facti paralytici.

Alia vitia in Musculis non novi cognita; nam de vitiis arteriarum non loquer: si fiat inflammatio in arteriis, tunc illæ distenduntur, ut interspersas fibras nervosas possint comprimere; tunc vero proprie non sit Paralysis, sed immobilitas cum musculi tumescentia. Dicunt nonnulli, Paralysis fieri a concretione, sed tunc non est flexilis musculi mobilitas, sed rigiditas & fere ossescens, ut quotidie videmus in pugnacissimis Gallis, quibus musculi femorales calcitrantes dicti post duos vel tres annos sunt immobiles & ossei; & in equis pernicissimis, quorum musculi, qui movent femora, sunt exsucci & concreti.

Huc usque data est historia Paralyses; exposui ejus nomen; enarravi omnia symptomata praecedentia & concomitantia; & hac methodo hic morbus facile potest intelligi. Patet nunc vobis, quo Paralysis in altiori loco corporis est, eo pejor, nam quo altior, eo propior capiti, hinc altissima Paralysis in capite est: si homo incidat in Paralysis totius corporis sub capite, sed lingua, nares, aures, os vel oculi nullum vitium habent, morbus saepe solvitur.

In gravedine & coryza nasus interior sic potest tumere, ut nullus spiritus per pulmones in nares ducatur, & moriendum esset tali homini, si os non apertum esset; sed tales tumores aequi in partibus interioribus fieri possunt; si v. g. omnia vasa cervicis, quæ contingunt medullam spinalem, intumescant, ut faciant compressionem hujus partis, idem fit ut in naribus, sed sine magno periculo, nam illud malum facile cedit; sed si in facie hominis sani advertatur levis concussio circa labia & palpebras, balbuties quædam linguae, & tunc sequatur Paralysis, ille homo morietur Apoplecticus; ergo si Paralysis oritur in alto corporis loco, præfigit & minitatur Apoplexiā.

Inter altas corporis partes impri-

mis sunt oculi: par tertium, sive oculorum motorium per rimam ossis sphænoidalis ingreditur in orbitam, & bulbo oculi se applicans dispergitur in quatuor ejus musculos; hinc prima pars, quæ affecto cerebro affecta appetit, est oculus; ab omni ævo Medici dixerunt, quod nil pejus sit in hoc casu quam oculi perversio, nam tunc illi nervi affecti sunt.

Scitis, quod præter opticum nervum, qui sensui inservit, & motorium, ad oculos etiam veniat pars sextum vel patheticum, & quod ramus quinti paris hic etiam distribuatur; si ergo unus Musculus oculi accipiat plus liquoris quam alius, in una parte oculi erit Paralysis, in alia spasmodicus motus; hinc simulacrum oculus minor sit & atrophicus, vel loco suo motus & intortus, hoc minitatur pessimam Paralysis & Apoplexiā, nam capitolium ipsum moveretur, & Encephalon in prima sua origine totum titubat.

Mirum est in generatione animalium, quod primum apparens sit magnum caput cum valde parva carina; per ætatem reliquæ partes procedunt & majores sunt. Caput in initio constat binis bulbis oculi; hinc maxima pars nervorum cerebri oculis impeditur; hinc paralyses causa intra caput noscitur maxime ex affectis oculis.

Nervus opticus est maximus & singularis, nullos ramos habens, nec pertingens ad ullam aliam partem, quam ad organum visus.

Par tertium, sive oculorum motorium, ingressum rimam orbitæ, dividit se in quatuor ramos, & quadripariam se expandens supra bulbum quatuor musculis ramos porrigit; hinc cum illud par nascitur in anteriori parte ex basi caudicis medullaris prope infundibulum, manifestatur bona vel mala conditio hujus partis per motum oculi: vidi saepe Paralyses, in quibus nervus opticus illæsus erat, sed directio motus oculi erat laesa.

Quartum par oritur a fine medullæ oblongatæ proxime ad cerebellum,

lum, hinc forte ab eo pro dimidia parte originem dicit; tuto procedit sub dura matre, ingreditur rimam orbitæ, & impeditur in unum musculum trochlearem oculi, qui rotat oculum circa axin visorium versus natus, bulbumque oculi vertit extorsum extra superficiem faciei, acsi oculus extra orbitam traheretur. Quando ille musculus penitus nihil potest agere, tunc oculus videtur retrocedere & introrsum verti, & hoc pro pessimo signo habetur in Paralysis. Nervus quarti paris a WILLISIO vocatus fuit patheticus, quia oculi in summa & præcipiti ira protuberant & volvuntur.

Par quintum, quod magnum est, ita oritur ex lateribus processus annularis, ut, postquam illud exivit, statim multum diminuatur; mox dividitur in magnos ramos: unus ramus, inferiora petens, crano egreditur per foramen oblongum ad latera Carotidis, prospiciteque faucibus, linguæ, palato, faciei, labiis, & radicibus dentium, & format fere totam figuram muscularam faciei; hinc si paralysis est in uno latere, haec se manifestat contractione partis aversæ; si est paralysis linguae, & æger illam non potest extendere nisi ad partem dextram, tunc est paralysis in parte sinistra. Alter ramus quinti paris est ophthalmicus, qui etiam ingreditur orbitam, dividitur quadrifariam, ascendit supra bulbum oculi, & totus dispergitur per palpebras; hinc nervi illi affecti apparent, quando motus palpebrarum non potest expedite fieri, sive non aperiantur, vel non claudantur per sphincterem musculum. Tertius quinti paris ramus est maxillaris, distribuens se per varias partes faciei, ita ut haæ fere omnes ab hoc pari moveantur. Sextum par totum datur uni musculo abducenti oculum, id est, qui oculum vertit versus os temporum.

Portio dura septimi paris, transiens per aqueductum FALLOPII, & prope processum mammillarem excens, maxima parte dispergitur per

superiores faciei partes. Tandem nomen par totum fere impeditur linguae, paucis tandem ramis exceptis.

Videtis, quod deinceps paucis ramis reliqui capitis nervi omnes impendantur superioribus partibus capitatis, hinc paralysis harum partium debet esse periculosisima, nam 1. Non patiuntur hi nervi motum validum, ad solvendum morbum. 2. Origo malii est in loco, unde nervi pendent. 3. Omnes illi nervi commercium habent cum medulla cerebelli, hinc non modo illi afficiuntur, sed etiam origines aliorum.

Et quum omnes illi nervi deinceps liguntur in corpus, ex quo iterum triginta nervorum paria exirent, hinc malum etiam communicatur cum his nervis.

Ergo quo paralysis inferior, eo levior; inferior pars est ad os sacrum, ubi nervi per magna foramina demittuntur; ratio manifesta est, nam inferiores nervi oriuntur ex medulla ossis sacri; si ergo hic aliquid vitium sit, scimus, originem nervorum non laborare, nisi simul cerebrum adfatum sit; sed tunc partes superiores plerumque etiam laborant. Quando vitium haeret intra caput, tunc intercepta est opportunitas omnibus remediis topicis; sed si vitium haeret ad interiora, tunc causæ concutientes possunt applicari loco affecto.

Sequitur jam mirabilis constitutio artuum superiorum. GALENUS, VESALIUS & EUSTACHIUS docent, quod ad humeros, brachia, metacarpum & digitos ferantur quinque magni nervi, variis locis oriundi, mire implexi, sub axillis distributi, & evanescentes in hos artus. Unicus EUSTACHIUS pinxit nervum, cum quinque his paribus communicantem, qui nervus habet commercium cum nervis viscerum inferiorum. Nil magis mirum est, quam quod paralysis absolute artuum superiorum cum exsecatione oriatur a Colica pictonum, haerente in solo mesenterio, quod creberrimum est; hinc patet, commercium maximum esse in his nervis,

vis. Quando paralysis est in his partibus, est pessimum signum, nam nervi brachiales oriuntur a cervicalibus, & hi proximi sunt medullæ oblongatae; & inter illos nervos multi sunt, qui vadunt ad papillas tangentes, nam MALPIGHII & RUY SCHIUS dixerunt, quod plures nervi sentientes abeant ad pulpam digitorum, quam ad ullam aliam partem, ita ut hæc pulpa sit fere tota nervosa: sed in omni historia Medica notatur, quod si stupor insolitus sine manifesta causa fiat in solis digitorum extremis, sit pessimum signum & præsigium secuturæ Apoplexiæ.

Omnis paralysis, a partibus superioribus sensim descendens ad inferiores, quo magis descendit, & partes superiores liberat, eo est melior: res per se patet, nam causa alte hærens plures nervos afficit simul; quæ vero descendit, & partes superiores relinquit, solutionem notat: sed omnis paralysis successive adscendens a partibus inferioribus ad superiores, pessima est, & præsigium Apoplexiæ.

Sæpe visum est, nonnullis hominibus oriri languorem ad inferiora, qui, vitio dein sensim adscendente, tandem fiebant Apoplectici.

Paralysis viscerum thoracis, abdominis & pelvis pessima est; viscera thoracis tam mirum apparatus nervorum habent, ut nihil sit singularius. Qui ortum & combinationes nervi intercostalis, ejusque secessum ab aliis nervis observat, & quam tueto deferatur, & quomodo tam solitariae & tam parallelis ramis decurrat ad costas, & impendatur musculis, intelligit œconomiam prorsus singularem. Si in his musculis oritur paralysis, ipsa vita laborat, & brevi me-tuenda est Apoplexia.

Intestinorum nervi jam considerati sunt, dum dixi de nervis Mesenterii; & apparuit, hos nervos habere singularem necessitatem cum actionibus vitalibus; ubi hi nervi lœduntur cultro, ex bono chalybæ facto, post enormes dolores, sine sanguine effuso, sine ulla apparente mutatione, vita

intercipitur. Nil notius est, quam in Ileo dolorem exquisitum esse in his nervis, & mox animi deliquium fieri etiam in homine robustissimo. Ergo paralysis intestinorum pessima; hæc cognoscitur ex Lienteria, id est, dum mox omnia ingesta sine sensu, & vix cocta, per intestina quasi per canalem transmittuntur sola vi respirationis; ubi assumpta penitus non mutata sine sensu egeruntur, mors instat.

Idem de visceribus in pelvi verum est: hæc duo sunt in viris, intestinum rectum & vesica, & in fœminis præterea adest uterus: Paralysis harum partium ideo videtur periculosa, quia nervi ex pari octavo, intercostalibus & diaphragmaticis ad has partes distribuuntur; nervi vero, qui prospiciunt partibus exterioribus, oriuntur a loco vicino in theca vertebrali; hinc ubi lœduntur functiones paris octavi, hoc æque periculosem est, acsi morbus esset in parte superiori; hinc in omni paralysi attente observanda est functio lœsa.

Paralysis in peripneumonia dicitur omnium pessima, quod HIPPOCRATES jam observavit; nonnulli hoc attribuunt nervis hic distributis, sed videtur fieri a sanguine, qui se non potest evacuare per venas jugulares, hinc pendet potius a nervis compressis, quam alio modo affectis.

Paralysis in Lienteria, & Lienteria in paralysi est pessima; nam notat, peristalticum intestinorum motum esse male affectum; & ratio manifesta est, quia nervi sphængnici ex octavo pari oriuntur.

Paralysis cum ablata facultate sentiendi pessima est; si vero facultas sentiendi præsens est, magna spes est, redire posse sanitatem; si ergo paralyticæ oculis recte videant, utraque aure recte audiant, gustent dorso & apice linguae, & ipsa parte paralytica objecta distinguant, magna spes est; hoc vero phænomenon in histria nervorum valde mirabile est.

Pono ad humerum, brachium, metacarpium, digitos deferri quinque

que nervorum paria, & sextum accessoriū; si examinentur illi nervi, nil distinctionis in iis appareat; hi nervi ex hac sextuplici origine abeunt in duas partes; una definit in rete MALPIGHIANUM, papillas tactus regens; altera tantum impenditur muscularis; quum ergo illi nervi ab eadem origine veniant, quomodo functio in uno potest aboliri, & permanere in altero? Quare manet sensus integer, dum aboletur motus? puto hanc rem nondum bene esse expositam.

Scitis, quod in recens conceptis embryonibus omnium fere animalium nervi optici fere tam magni sunt, quam totum reliquum cerebrum; portio ingens, quae fertur ad nares pro olfactu, est quasi propago medullæ cerebri; nervi optici abeunt in mucilaginem, in qua pinguntur objecta, nec ambo hi nervi ad motum faciunt; hinc apparet evidenter, quod intra cerebrum locus sit, unde solus sensus fit & nullus motus: in brutis videmus ventriculos anteriores cerebri in fornicata parte penitus medullosos, in primis in canibus odoriferas; totus ille tractus medullosus progressus in processus mammillares, & tota moles cerebri diffunditur quasi per olfactus organum: hæc igitur pars nervosa nullum in se habet principium movens. Idem intelligitis de nervo optico. Nervus septimi paris acousticus dicitur; oritur ad latera medullæ oblongatae duobus principiis, molli & duro; pars molles nil facit ad motum maxillarem, sed abit in mucilagineam substantiam, quæ dispergitur per cochleam, tres canales semicirculares, labyrinthum & vestibulum, & ibi specie muci apparet, eodem modo ut nervus opticus in fundo oculi, & nervus olfactorius in osse ethmoide; pars dura abit in chordam tympani, & dispergitur ad musculos externos faciei & colli: ergo dico, quod in hoc nervorum pari ramus unus faciat ad motum, alter ad sensum, & licet ad eundem locum orientur, quod ta-

men diversam habeant originem.

Quintum par habet etiam diversos ramos: Octavum par constat quasi ex multis paribus, ex diversis locis oriundis; ergo licet idem videatur nervus, & eadem appareat nervorum origo, potest tamen esse in diversis locis, hinc possunt diversas facultates possidere: ergo potest sensiens & movens in prima origine videtur distincta, & unaquaque loco suo privato adstricta; hinc opus non sicut, ut nervi diverso ductu ad eundem locum ducerentur, quia in ortu jam sunt distincti.

Nonnumquam in parte, quæ paralytica fiet, primo est stupor, & huic succedit immobilitas; saepe primo fit immobilitas, & postea stupor; ergo apparet, quod sensus & motus in origine manent plane distincti, licet confusi appareant; & nisi videremus par septimum, eodem loco oriundum, abire ad motum, & ad sensum, non fuisset cogitatum de hac re.

Scimus par octavum, ubi tam numerosæ fibrillæ conjunctæ sunt, abiure ad viscera, & in his partibus distinctis facere sensum, partibus distinctis motum; ergo quemadmodum cerebrum principia sensus & motus arbitrarii possidet, cerebellum tantum motuum vitalium; sic etiam nervis, sensui & motui destinatis, accedunt ramuli ex cerebello pro motu vitali.

Veram distinctionem hic obtinere patet ex examine nervorum in ultima parte, id est, in suis organis: Nervus olfactorius est pulpa medullosa, in naribus quasi evanescens; nudus, ut facile sentiat, quæ alios sensus praeterlabuntur; facile exsiccandus, imo delendus, & in muco crasso obducente etiam facile obliterandus.

Videmus opticum nervum toto itinere, quo venit a corporibus striatis, dentis integumentis, esse pulposum; ubi vero oculum ingreditur per tunicam scleroticanam, choroideam, & RUY SCHIANAM, jam est merus

K mucus.

Inquiri-
tur di-
stinctio
inter
nervos
motorios
& senso-
rios.

mucus. Idem sit in parte sentiente nervi acoustici. **MALPIGHII**US hoc etiam notavit in nervo linguali; & **RUY SCHIUS** docuit, quod ablata membrana exteriori linguae appareat triplex species mucosarum papillarum; sed paulo inferius partes sunt duriores, non pulposæ, sed fibroſæ.

Demonstraverunt iidem, quod ubi cunque est rete **MALPIGHIANUM** ad cutem & extremos manuum pedumque articulos, eadem sit structura quam in lingua, & quod illa pulpa ubique sit in corpore, sed erecta, & faciens foramina in reticulo **MALPIGHIANO**.

Demonstravit **RUY SCHIUS**, quod nervi hærent in Oesophago, testudinum hamorum instar, nil demittentes extorsum; si horum membrana exterior auferatur, sub singulis thecis conicis hærent papillæ, quæ in hoc loco gratum gustus sensum quasi protrahunt; ostendit etiam, quod nervi papilloſi in tunica villosa ventriculi, & intestinorum tenuium sint mucosi & diffluentes: nervi vero, ad motum destinati, in sua origine sunt duriores, uti patet in septimo pari: scitis, quod nervi, qui ad musculos eunt, in itinere cultro anatomico mirifice resistant, & duri sint ad finem usque, donec evanescent: patet ergo, quod una pars facilius lædi possit quam altera, & quod una lædi possit, illæsa altera.

Hoc interim valde mirum est, quod inter sentiens & movens sit tantum commercium, nam simulac mens imaginem natam sentit, mox oritur impetus quo moventur quidam musculi; locus ubi hoc fit, vocatur sensorium commune, principium primum impetum faciens.

Paralytici sudantes brevi moriuntur, nisi ab hoc sudore subito curantur.

Hoc confirmat **DURETUS**, dicens: si sudor ingens superveniat Paralytico, vel solvit morbum, vel reddit incurabilem; & invehitur in eos,

qui omnes Paralyticos volunt curare per sudores & per decocta Guajaci, quia primo impetu aliquando unus aut alter curatus fuit.

Paralysis, quæ originem dicit e. **Gonorrhœa**, etiam incurabilis est; nonnullis genitalis humor per somnia ludicra diffluit; imo hoc sit quibusdam sponte & sine somno. Hæc est **Gonorrhœa** veterum, quam solus **ARETÆUS** descripsit: ex hac causa diu durante oritur Paralysis, quæ ideo insanabilis est, quia corpus est exhaustum.

Ingens venereæ voluptatis cupidio facit etiam Paralysis; scitis, quod paucus genitalis humor vim habet incredibilem excitandi convulsiones in toto corpore, quæ convulsiones sunt levis & arbitrariæ Epilepsiæ species.

ARETÆUS observavit, quod periodicus sanguinis fluxus cohibitus, sine alia evacuatione substituta, abire soleat in Paralysis pessimam.

Si Paralysis occupat unam partem, & convulſio fit in altera, morbus est insanabilis, tendens in Apoplexiā.

Quum vulgus hominem, antea se recte habentem, absque manifesta causa resolutum vidi, suspicatur aliquid venenati vel diabolici, quasi talis æger incantatus esset: hinc quando prima Paralysis mortalibus apparuit, nil fecerunt, nisi quod ægrum voluerint excitare; si hoc non succederet, nullam habebant medelam, & tales homines fato suo committebant, illique tunc aliquando per solam naturam sanati sunt; si hoc accurate obseretur, & comparetur cum singularibus remediis, postea adhibitis, apparebit, quod ars tantum imitata sit naturam.

Vixum vero est, si paralytico ingens febris superveniret, statim in summum calorem abeuns, quod ea finita Paralysis curata fuerit; sed si febris illa nil operaretur, ad emendandam illam Paralysis, tunc casus erat desperatus: si febris eodem tempore

pore veniat, quo causa Paralyseos agit, salutaris erit, nisi plethora sit causa; si vero veniat post causam Paralyseos, debilitato jam corpore, non proderit: visum est etiam, quod si febris sit de natura hepticularum vel languidarum, nil faciat, sed si cum calore & impetu magno accedit, tunc proficit; & si sit periodica intermittens, tertiana vel quartana, tunc fere indubitate tollit morbum.

Patet ergo ex his casibus observatis, quod ab excitata febre tota febre curatio pendeat: novi sartorem, quinquaginta annos natum, hemiplegia laborantem, per multos menses suo lecto affixum; superveniente huic tertiana, mox exsiliebat de lecto, fungebatur omnibus motibus; postquam vero deferuit febris, relapsus est in eundem morbum; febre iterum accidente restituebatur, & hoc fiebat usque ad tres vices; tandem tamen hemiplegicus obiit.

Scilicet dum deflectit corpus humanum a sanitate perfecta, vita superstite, tunc restat etiam motus, qui dum agit corpus mutat; & si ab illa mutatione corpus fiat sanum, sanatio dicitur a natura facta esse: morbi possunt esse ita recti, ut impossibile sit eorum causas & medendi methodum a priori cognoscere; sed dum contingent mutationes non prævisæ utiles vel inutiles, ex iis rite observatis vera methodus medendi nascitur; qui observat, quid homo comedat, bibat, artem promoveret; qui vero hoc neglit, iners est; nam ex iis, quæ homo assumit, quedam bene cedunt, alia male; cruda vel magna copia assumta nocent, cocta vel parva copia profundunt.

Si ullus morbus teñtus est, certe est Paralysis: possumus multa ratiocinari, sed quando occurrit nunquam visa Paralysis, nescimus, quid de illo morbo cogitari debeat; nobis igitur incumbit, ut speculemur modos, a sola natura datos, nam ex legibus corporis nascuntur.

Vidimus jam, quod febris superven-

niens sit causa sanationis Paralyseos; sed febris non curat omnes Paralyses, nam si Paralisis oriatur a Caro, febris auget eam in Apoplexiā; hinc sanat tantum illas, quæ a causa lenta oriuntur, nec omnis febris æque benefica; sed si oritur in initio ex vi vite, nec est de natura Hepticulariæ, sed de natura intermittentium, tunc omnia conquassat & concutit, & supervenit calor cum magno & salutari sudore.

Visum est etiam, quod in omni Paralysi chronica v. g. brachii superveniens magnus calor fere semper proposit; in Paralysi enim corpus frigescit; sed calor superveniens hoc frigus tollit; hinc visum est, Paralyses, hyeme natas, per tempore vernum solutas esse, easque, licet diu duravissent, dum superveniat fervida ætas, sanatas fuisse.

Magnus & subitus dolor, a quacunque fere causa Paralysi superveniens, tollit morbum; scio, quod ingens dolor etiam faciat Paralysin, sed si superveniat parti paralyticæ, cum atonia conjunctæ, fere semper solvit.

Huc etiam refertur punctura vel punctionis sensus; si quis coxae suæ insidens dormitur in sua sella, ille ex parte factus, & volens moveare, sentit, quasi illa pars ad eum non pertineret; nec potest movere, sed sentit quasi baculum, cuius ope sensus promovetur; momento post sentit, quasi pars infinitis aciculis pungetur; & paulo post cum dolore reddit motus; hinc nullum signum est felicius, quam ubi homo paralyticus de tali punctura conqueritur.

Cum hoc sensu convenit formicatio, id est, sensus quasi formicæ per partem oberrantis: quando ambulamus hyberno & glaciali tempore, pendula manus obrigescunt; si velimus aliquid prehendere, sunt rigidæ fine motu & sensu, quod nostrates vocant Verkleumd; dum sensus & motus reddit, fit species punctionis, & partes quasi subsiliunt, quod

Trans.
tur ad
curatio-
nem Pa-
raly-
seos.

Primo
natura-
lem.

vocamus *Tintelen*; non diu post fit formicationis species, & tandem dolor vix tolerabilis; & simulac hoc contingit, sensus & motus mox reddit: hæc symptomata oriuntur a fluxu sanguinis arteriosi libero, vel a nervo, pressione liberato; fit tunc quidem motus, sed qui primo non æqua- bilis est per omnes partes, illo enim æquabili reddito, omnis functio reddit.

Huc facit etiam tremor, nam tremor est motus muscularis incipiens, sed deficiens, antequam perfectus est; ille motus reinchoatur, sed iterum in medio subsistit; tremor ergo notat, vires adesse ad movendum musculum, sed non sufficere, ad perficiendum motum; volo, ut manus ibi sit; est: volo, ut hic sit; est, si non deficiunt vires: si a cerebro nascitur impetus, sed non voluntarius, & hoc fit saepe numero, pars tremit: ergo si pars habuit motum nullum, & incipit tremere, habet saltum motum dimidium, sed tamen est via ad sanationem, quia nervi operari incipiunt; hinc bene dixit HIPPOCRATES, si tremores validi, & subito nati Paralyfi superveniant, sanationem prænunciat.

Huc etiam refertur convulsio: dixerunt HIPPOCRATES & ARETÆUS, quod, dum Paralysis occupat unam partem, & alia pars convellitur, finis plerumque sit Apoplexia insanabilis; sed si pars perfecte fuerit paralytica, & nunc convellatur, certa erit sanatio; omnes enim musculi quiescentes convelluntur semper, si subito influxus causæ motricis fiat; qui cum vi ex somno experciscitur, convellitur, non vero, qui pacate evigilat; manus tacta, homine nescio, convellitur, non vero, si ante fuerit præmonitus; ergo convulsio notat applicari causas moventes validas ad partem prius quiescentem; si ergo superveniat Paralyfi, sere semper sanat.

Huc etiam refertur diarrhoea magna, quæ præsens remedium est, modo vires constent, in primis si cum tenesmo hæmorrhoidalí conjungatur.

Tandem hæmorrhagiæ periodicæ

restitutæ sanaverunt omnes Paralyses, ab impedito sanguinis fluxu ortas; si enim plethoricis detinentur menstrua, fit Paralysis; si fluxus hæmorrhoidum consuetus intercipitur, fit Paralysis; quibus consueta narium hæmorrhagia a quacunque causa subsistit, fit Paralysis; quibus ergo hic morbus a plethora fit, illi ab hæmorrhagia superveniente curantur; & si fiat a retentis evacuationibus, illi ægri non nisi iis restitutis curantur.

Solutio causæ, quæ motum partis impediverat, perficit etiam curam naturalem: observatum fuit, ingentes abscessus ad axillas interdum sanavisse Pleuritidem, sed subsecutam fuisse Paralysin in brachio; nec illa sanari potest, nisi causa nervum premens ablata fuerit: in bubonibus venereis saepe oritur stupor partis inferioris, qui non sanatur, nisi tumore aperto vel discusso; illud in hoc casu jucundissimum est, quod Medicina artificialis his effectibus, fortunato observatis omnino respondeat; ad hoc demonstrandum me nunc accingo.

Dixi jam, quod sanatio generalis omnium Paralyfum chronicarum fa-

Quæ persicuntur per febre.

cta fuerit excitata febre in toto corpore, vel in parte; excipio hic Paralyses natas ab inflammatione, plethora, & febre; de his enim dixi in Collariis de Apolexia.

Dicens, naturam sanare hunc morbum superveniente febre, per hanc intelligo motum constantem & crebriorem cordis & arteriarum, humores transmittentem; semper autem febris in nobis excitari potest, nam premono tantum venas, & sic humores celerius propellendo in arterias motus sanguinis increvit.

Constat etiam per experimenta, Eaque per ar. quod possimus excitare febris intermittentis speciem; nam si corpus hominis demittatur in aquam frigidissimam, videmus, quod horreat, tremit, concutiatur, eodem modo ut in initio febris intermittentis; educto corpore mox insurgit pulsus & calor, & hic ad thermometrum satis notabiliter increvit.

Sed

Sed quod hic dicitur de toto corpore, etiam verum erit de parte. Si calor sit æquabilis, sed manus fricetur, ealet plus quam totum corpus, & excitatur in ea febris, qua aucta fiet inflammatio, & gangræna ad destructionem partium usque; si in summo frigore continuo moveo manum, calescit; si dextram immittam in aquam frigidam vel nivem, primo friget, sed paulo post plus calebit.

Febris est duplex, 1. quæ a causa intra corpus suscepta incipit, procurrit, stat, & finitur. 2. In qua similia fiunt uno tempore, sed alio redit sanitas; hæc vocatur intermittens, & tempus intercalare inter exacerbationes Apyrexia: inter postremas quartana exquisita sanat omnium maxime, vincens sæpe omnia medicorum auxilia; sed in potestate humana est in omni corpore sano vel ægroto, modo vis vitæ supersit, excitare febrem continuam vel intermittentem, nam est in potestate artis hanc repetere toties, quoties ars præscribit, idque in parte vel in toto; in toto per frictionem, calorem, vel applicationem frigoris, nam tunc oriuntur omnia phænomena, ut in febre intermittente; fit tremor, frigus, palpor, humoribus ad interiora pulsis; postea calor & sudor.

Dico nunc, quod febris superveniens Paralysin lentam & chronicam curet eo felicius, quo major obortitur; requiritur enim ad tales curationem aer calidus, & quidem gradu magno; hinc in primis æstas calida curat; vel ita dictæ thermæ, sive conclave, sulphuratis vaporibus calefacta, cæterum arida, qualia in regno Neapolitano sunt summa remedia; & hæc non agunt suo vapore, (nam balnea humida nocent, quia nimis relaxant) sed aere raro, sicco & calido; hinc montanus aer, quia siccius, maxime commendatur, & pergrinationes per talia loca summo cum successu instituuntur; hinc lecti debent esse siccissimi & calidi, antequam illos ingrediatur paralyticus.

*Diæta
paralyti-
corum.*

Somnus super stragulis, quæ humores quasi inbibunt, huc etiam facit; & in loco, cuius pavimentum & parietes ex ligno poroso & sicco sunt constructa, nec pigmentis oleosis obducta; sanus enim homo decumbens in loco humido & lecto humido contraxit inde sæpe Paralysin totius corporis; infantes dormientes in locis frigidis subterraneis incident in Rachitidem omnium musculorum; hinc bene dixit HIPPOCRATES, quod calor siccus maxime aptus sit ad generandas febres: ergo talis aer maxime prodest, qui potest esse causa occasionalis febrium.

In cura hujus morbi alia regula est, quod prohibetur omnis aquæ potus, maxime calidæ; frigida enim parca valde copia a nonnullis conceditur; sed nunquam Paralysis frequentior est quam illis, qui potibus aquosis & calidis dediti sunt, quod hodierno tempore in primis constat: commendatur etiam potus vini nigri, meraci, Cretici, quod habetur fere omnium fortissimum; vel si illud deficit, Canarini, maxime si parca ejus copia cum paucō pane offæ specie deglutiatur: fortis cerevisia apud Europæos princeps est remedium; illa vero non facile ex se demittat spiritus, id est, non creet temulentiam, nec habeat acrimoniam rodentem; talis in primis est Brunsvicena, qua nulla meracior, blandior, oleosa viscositate magis ligans spiritus, & corpus magis reficiens.

Hæc vina & hæc cerevisæ certissime febrem inducunt, etiam in frigidis hominibus, si paulo majori copia assumantur: nil etiam magis juvat, quam hisce miscere aromata, semina Sinapis, folia Cochleariae, Nasturtii, Erythrii, nam de aromaticis exoticis non loquitur; hæc si sumantur lege artis, fit semper major calor & inclinatio ad febrem, quæ sustentata sufficit, nam non opus est pervenire ad febrem ipsam.

Pro cibo præscribuntur carnes, & inter has in primis avium, non

K 3 aqua-

aquaticarum, sed montanarum, sylvestrium, ferarum; non coctarum, sed assatarum: hæ majori copia ingestæ & non conditæ, disponunt corpus assumptis ad febrem; nemo enim est adeo frigidus, quin, si his assatis corpus valide infarciat, febricula quadam laboret. Laudant his addi debeare condimenta, maxime omnes Alchorum species, illam in primis, quæ Victorialis dicitur; omnes species Ceparum, in primis quæ dicuntur Ascaloniticæ, Chalotten, quæ acerrimo & penetrantissimo spiritu sunt præditæ; omnes species Eruearum, Origani, Porrorum, Raphanorum, Majoranam Nobilem, Serpillum, Sinapi, Thymum; hæc vero non coquuntur, sed assis & contritis carnibus immittuntur, & tali victu curantur etiam desperatissimi.

Refertur huc ex vegetabilibus panis, nam omnia non fermentata vegetabilia reprobantur; maxime vero juvat bis coctus, additis etiam sale & aromaticis; jura carnium vero, olera, & fructus horæ hic minime convenient: si ergo cibi, qui in homine calido febrem, calorem & sitim excitare possunt, ab his ægris assumantur, statim requisitus calor reddit, & corpus tandem ad febrem disponitur.

Sequitur consideratio balneorum; Efficacia de his multum discrepant medici, nec balneorum in hoc morbo. mirum, nam hoc vocabulum saepe contraria significat; sunt enim balnea sicca, calida, humida & frigida, aperientia, constipantia &c. si ergo hæc non bene distinguuntur, periculose confunduntur medicorum sententiae: in paralyssi chronica maxime laudantur balnea sulphurata; hæc ita vocantur, quia circa montes ignivomos bitumen & sulphur quasi ebullit, & juxta illa loca sunt balnea, quæ ab his focus naturalibus calefiunt; hinc faciunt in his locis conclavia, quorum parietes lapidei undequaque calcescunt ab illa causa; non dico, quod sulphur hic aliquid faciat, sed inde tamen nomen acceperunt; & constat, quod hæc balnea summum

usum habeant in hoc morbo; nam dicunt, homines nudos, eo delatos, mox ita incalescere, ut toti quasi sudoribus diffuant.

DURETUS autem nos monuit, quod, si sudores paralyticæ non statim curent, eam fere semper incurabilem reddant; & hoc in multis circumstantiis accidit; si enim in exhaustis corporibus plus exauris, magis noces; sed ubi causa tenax per motum dissolvenda est, tunc hæc balnea juvant.

Apud nos similia remedia fiunt ex alcoholè accenso, & determinatione flammæ ad nudum ægri corpus; sic projectissimos paralyticos curamus aliquando; sed si hoc remedium non cuiat, etiam nocet, & hoc prima vel secunda vice jam patet.

Videte, quæ scripsi in Chemicis de resolutione alcoholis per flamمام: maxime mirum hic est, quod Alcohol, omni arte liberatum sua aqua, accensum in vase puro, deflagret sine fæce & fumo, & quod tamen sub campanis ingentibus vitreis repercussus & collectus vapor suit pura aqua: ergo est vinculum subtilissimum, quod elementa aquæ ligatum inflammabili sulphurea parte; illud ergo, quod in hoc casu facit tantum impetum, non est balneum siccum, sed resolutio calidi vaporis, & determinatio ad corpus; vidi, quod linteamina, quibus illi ægri tegebantur, non spiritu inflammabili, sed aqua fuerint imbuta; quotiescumque autem voluerit Medicus, hoc remedio excitat febrem, calorem & sudorem, ita ut fortissima corpora vix illa possint sustinere ultra quadrantem horæ, uti in curanda Lue Venerea toties patuit.

Referuntur huc balnea aluminosa, de quibus dicitur, quod sint vera balnea antiparalytica, eaque reperiuntur in multis Europæ locis; ex iis non Chalanthum educitur, sed alumén, illud vero habetur inter summa remedia; nam vix ulcus est adeo malignum, quin sanetur fotu aquæ aluminis, & illæ aquæ etiam ad.

adstringunt & roborant: hinc si insinuantur in corpus, aliquid faciunt, sed propter aquam calidam non valde profundunt.

Tempore aestivo possum facere aquam tam frigidam, quam fieri potest, id est, ad triginta duos gradus in thermometro FAHRENHEYTIANO, nam infra hunc gradum non est amplius aqua, sed nix, grando, vel glacies; hoc sit dissolvendo in aqua sal Ammoniacum; potest ergo tale frigus aestivo tempore applicari corpori, ita ut fiat quasi gelu, sed mox inde exsurget eo major calor, quo frigus majus fuit. Si brachio paralyticum, incassis omnibus remediis, affundatur aqua frigida, pars sit frigidissima, sed pruriat, titillabit, dolebit, calescet, & resolvetur in magnos sudores; sic saepe per topicam febrem in loco vita resuscitatur.

Huc refertur frictio, quæ accelerat motum sanguinis arteriosi, & venosum premit versus cor; adeo ut in parte, ubi fricatur, rapidius moveatur, quam in omni alio loco: sic solvuntur Paralyses, natæ ab arteriarum vel venarum vitiis, modo non fiant a tumore comprimente, nec resolvendo: eadem hæc concutit omnes nervos, & sanat omnes Paralyses, quæ fiunt a vitio arteriarum & venarum in nervorum tunicis, sed sedulo & repetitis vicibus fiat: rara est Paralysis ab ipso spiritu nervoso; crebrior vero a vitio liquidorum, quæ continentur in vasis, tunicas nervorum constituentibus: hæc frictio movet omnes musculos, qui diu quietescentes sensim paralytici fiunt, sed per hunc motum fluxus sanguinis arteriosi & spiritus nervosi per illos promovetur; hæc potest applicari capiti supra & infra oculos, ad lateralia & inferiora menti, ad tempora, post aures ad processum mammillarem, omnium maxime ad cervicem, ad spiculam dorfi, ad cava axillarum & poplitum, ad sinus inguinum, & hæc sunt loca, quæ præcipue fricantur ad Paralysin; scitis enim ex Anatomicis, quod in omnibus his locis

nervi, qui egrediuntur ex cranio & thoracis vertebrarum, nudissimi sint, & suos ramos distribuant: equidem didici per experimenta, quod in languidissimis, & in Paralysin declinatis, solæ hæc frictiones, pannis asperis, calidis, siccis, vacuo ventriculo factæ, talem mutationem & regenerationem motus faciant, ut prorsus incredibile sit.

Referuntur huc fustigations, quæ erant molles concussions & palpitations illarum partium, ubi maxime patent musculi, & distribuuntur nervi, ver. gr. ad inguina; hæc enim directe agunt in has partes, & faciunt idem, acsi cordi & arteriis daretur major vis.

Huc refertur pexus capitis, qui etiam incredibilem effectum habet; hi enim crebro repetiti thecam calvariae movent, calefaciunt, sanguinatum obstruens abducunt, & miram faciunt in systemate nervoso actusitatem, ita ut quibus nimia sit, his nimia agilitas cerebri adsit.

Referuntur huc actiones cucurbitarum, de quibus antea jam dixi; illæ enim humores perpetuo ducunt in arterias; si velitis inflammationem fieri in loco frigidissimo, modo vita superstes sit, applica modo cucurbitulas, & sanguis illico aderit cum partis rubore; possumus harum effectum augendo numerum & capacitatem ita augere, ut inflammatio, & tandem gangræna fiat; sic fiunt derivationes sanguinis in vasa, quæ antea non erant sanguifera: mirum ergo non est, Ægyptios illas laudavisse ad hoc mali genus; si hæc fiant cum scarificatione, major acceleratio fit & calor, & impeditur, ne materia attracta stagnando peccet; inde quoque fit dolor & inflammatio, remanens per tres quatuorve dies.

Sunt præterea medicamenta, quæ incredibilem vim in certo loco faciunt; simplex pix emplastri forma calida applicetur parti corporis prius fricata, non humidæ vel pingui, quanta vi adhæret! si hanc subito avellitis, fit inflammatio cum summo

mo dolore; talia emplastra vocantur Dropaces, quas veteres a cervice ad os sacrum applicabant, & quibus admiscebant fortissima stimulantia.

Setaceo. Setacea huc etiam referuntur; per-
foratur elevata cutis per subiectum
panniculum adiposum cum acu & fi-
lo, quod in vulnere relinquitur, ne
concrescat, & sic fit continuata in-
flammatio. **HELMONTIUS** hoc medi-
camenti genus expludit ut crudelem
carnificinam **GALENICAM**, dicens nun-
quam prodesse, sed semper nocere;
sed pace hujus viri dico, quod stu-
penda de horum effectu apud **HIL-
DANUM & PAREUM** legantur exempla.
Vide apud **RUYSCHIUM Observat.** XL.
historiam Cephaleæ per Setaceum cu-
ratæ. Filia mercatoris Amstelodamen-
sis diu laboraverat capitis dolore af-
fiduo & intolerabili; varia ad arcen-
dum illud malum incassum adhibita
sunt remedia. Tandem nullis reme-
diis proficientibus animus erat cra-
nium terebra perforare; antequam
vero extrema hæc operatio instituere-
tur, proponebatur Setaceum in nu-
cha; quo remedio celebrato, statim
evanuere dolores: & quod notatu di-
gnum est, post aliquod tempus ægra
hujus remedii pertæla extraxit Seta-
ceum; quo facto illico recruduit ma-
lum, ita ut coacta fuerit ad novi Se-
tacei usum configere, quo instituto
extemplo rursus cessarunt dolores æ-
gram vexantes: tum igitur pruden-
tior facta gestavit hoc Setaceum re-
novatum, donec sua sponte natura il-
lud expelleret. Quid sit? **tertia vice**
Setaceo abdicato, recidivam patieba-
tur; hinc eadem encheiresis denso i-
terata est, qua repetita libera fuit
ab hoc malo, & postea pancratice
vivere coepit. Setaceum in equis ab
Equifonibus vocatur *een Dragt*, & in
omnibus partibus potest fieri, sed in
homine applicatur fere tantum cervi-
ci; hujus enim integumenta ultra pol-
licem crassa sunt, nec tam mobilia,
quam alibi, hinc perforata faciunt
majorem effectum, quam aliæ partes,
& minorem molestiam, ideoque hic
locus eligitur,

Inustiones faciunt ipso; quo fiunt; Inustio
momento inflammationem, calorem,
febrem, & dolorem, qui ad mini-
mum manet per octo dies. **Ægypti**
has summopere commendabant ad hæc
mala, nec Paralyzin prius desperatam
declarabant, nisi postquam prius fru-
stra tentata esset inustio: hinc dicit
HIPPONCRATES Sect. VIII. Aphor. 6.
quæ medicamenta non sanant, ea
ferrum sanat; quæ ferrum non sanat,
ea ignis sanat; quæ vero ignis non
sanat, ea insanabilia existimare oportet.
Si ergo miser ex dolore coxario
in Paralytin incidat, antequam fato
suo relinquatur, exploranda inustio;
sic equis inurunt genua labantia, ne
ligamenta sint nimis flexilia: nonnulli
laudant inustiones cum moxa Asia-
tica factas; sed credo, quod hæc len-
tiores & minus profundæ sint; **HIP-
POCRATES** Lini crudi contortos funi-
culos applicabat parti, donec excus-
sisset dolorem; hinc nulla caustica
potentialia vim majorem habent,
quam hæc herbæ, quæ laudantur quasi
sacræ; sed quando bene examinantur,
habent tantum vim causticam. Ra-
nunculus aquaticus applicatus cuti
facit omnes inflammationis gradus
ad gangrenam usque intra semiho-
ram, & facit tales concussions &
calores per totum corpus, ut frigus
frigidum intermittentum solvat. Si
Clematitis hortensis cuti applicetur,
fulminea quasi acrimonia illico gignit
carbonem.

Refertur hue **Raphanus rusticus**;
Empyricus quidam curam omnium
Paralyzium suscipiens applicabat sem-
per unum remedium, cuius effectus
erat dolor intolerabilis; ægri ejula-
bant, acsi locus carbone pestilentiali
intureretur; dolore per butyrum sedato,
sæpe fiebat sanatio; hoc reme-
dium erat nil aliud nisi rasura radicis
Raphani rusticani, quæ vesica suilla
tegebatur, unde excitabatur topica fe-
bris.

Quæ memorantur de **Urtica**, valde
singularia sunt; si hæc planta leviter
tractetur, & non comprimitur, facilit
ur momento dolores intolerabiles
cum

cum tanto calore, quasi tota pars ab igne inflammaretur; sumebatur hæc herba, nudataque & prius leviter fricata cuti applicabatur, leviter verberando, & mox fiebant pustulæ, & non modo pars affecta, sed & totum systema nervosum stimulabatur.

Dicam hac opportunitate de remediis, quæ ab omni Medicorum secta vocantur antiparalytica & neurotica; talia sunt ex vegetabilibus, quæ valido, excitante & calefaciente odore sunt prædita, hinc in quibus volatiles partes sensus fortiter afficiunt, & spiritus singulares abundant: sales volatiles valde rari sunt in vegetabilibus, exceptis alliis; in reliquis est spirituofum cum oleoso nuptum, quod vires suas mirifice retinet, & ad locum applicat: omne spirituofum fugit ignem vel moderatissimum, hinc hæc vegetabilia ipso hyberno tempore volatilia perdunt suos spiritus, uti patet ex odore per totum locum disperso; ergo illud spirituofum videtur summa mobilitate præditum. Omnia hæc manducata excitant fluxum salivæ copiosissimum ad os, ut a Zingibere, Pipere & Pyrethro; vix frices hisce linguam, quin mox saliva profluat; si moderata copia manducantur, in ore calorem gratum excitant; si magna copia, vel nimis diu applicentur, urentem: si Chemia his applicet ignem, exhalant spiritus & olea, & in his oleis est plurimum salis, quod docet fumus & fuligo, quæ maximam partem salis exhibet, & in multis horum sal est valde acidus.

Inter illa princeps habetur Guajacum, quod dum igne urgetur, dat fumum acidissimum, qui collectus acetum fere superat, & nil fere salini in suo cinere relinquit; idem verum est de ligno Quercino & Juniperino; imo Sassafras, dum destillatur, præbet maximam copiam acidi; præbent hæc ergo id, quod Chemici Sulphur vocant, id est oleum nuptum spiritui acido, & hoc est vehiculum omnium illorum, in quibus virtus plane singularis observatur.

Ad hanc classem referuntur omnia

Abrotana, quæ sunt herbæ quasi immortales, præservantes a putredine; hæc nimis usurpata speciem temulentia excitant, unde Walones vocant herbam ebriam, *Irrogne*; si frices, odorem vivificantem spirat, & simul utcunque vinosum.

Absinthium, recens carptum medio & sicco die, si molliter fricitur, dorem spirat exhilarantem; si manducetur, hic odor perit, & homo inde potius nauseabit; oleum inde, per destillationem cum aqua extricatum, mirum spirat odorem; & si ad paucas guttas sumatur, virtutem habet incredibilem.

Acorus vel Calamus aromaticus hue etiam refertur, cujus folia recentia fricta spirant ubique eundem odorem, non tantum in Zona torrida, sed etiam in frigida; odor ille est satis suavis; si vero illa manduces, nauseam creant.

Huc refertur Ageraton, sive planta non senescens, vel Eupatorium Mesues, quod habet etiam summam & inimitabilem fragrantiam, & manducatum servat suam gratiam: dicunt hanc plantam cerebro & nervis adeo prodefesse, ut ipsa senectus inde exhilaretur, si instar potus theæ sumatur; si autem vino infunditur, longe penetrabiliorem virtutem habet, quam laudatissima radix Ginzeng.

Aizoon, Sempervivum vermiculare dictum, vel Piper murorum, vel Sedum vermiculare, si gustetur, videatur frigida & pituitosa, sed corpus inde subvertitur & convellitur; empyricus textor multa bona & mala fecit hoc suo arcano; dabat ejus sat magnam copiam; ægri inde vomebant & solvebatur alvus, & sæpe sanabantur; sed debet prudenter exhiberi, nam valde urit.

Huc refertur Alliaria, quæ ita vocatur, quia leviter trita spargit nidorosum factorem Allii, minus tamen laudentem; si infunditur instar Theæ, dat liquidum penetrabilissimum & non ingratum; si applicetur parti inertis, frigidæ, fere gangrenosæ, tam mirabiles facit effectus, ut HILDANUS eam

eam prætulerit omnibus antisepticis & antigangrænicis ; prostat ubique , & carpenda est , dum nondum floret .

Sequitur Allium Scorodonicum , quod duplex memoratur , 1. nucleos gerens , & 2. floriferum latifolium , quod etiam vocatum fuit Victorialis sive Allium ursinum ; est herba penetrantissima , verum salem alcalinum volatilem sponte exhalans ; si supponatur oculis , mox lacrymantur ; si naribus , mox stillat humor ; si sumatur in ore , mox adfluit saliva , os madefaciens .

Huc porro refertur Aloe , quæ vera bilis est omni dote , odore , calore , sapore & effectu , sed non inclinat in putredinem ; quem nunc paralyseos causa sit inertia vel defectus bilis , prudens Aloes usus erit optimus ; sed imprudens usus ita solvit sanguinem , ut perpetuat fiat dysenteria sanguinolenta .

Ambrosia est Atriplicis latifolii species , fragranitia singulari prædicta , hinc Syrupus Botryos , qui inde conficitur , magnis encomiis laudatus est contra omnes nervorum morbos .

Ammi , Amomum , Anethum , Angelica , Anisum , Apium easdem plane virtutes habent , & differunt tantum majori vel minori subtilitate .

Sequitur Arum , cuius particula recens si cuti apponatur , orietur sensus , acsi infinitis aciculis pungeretur ; si vero manducetur , idem sensus erit in ore ; si os colluatur acetо , ille sensus perit , qui cæterum manet per horam unam & alteram ; in ventriculo facit sensum caloris , & est summum remedium contra inertem pituitam ; si bulbus conteritur , habet farinam albam , acrem & volatilem ; sed vis illius brevi perit , hinc recens effossa exhibetur .

Atriplex foetida , Garum putrefactum redolens , omnes hystericos affectus , ab inertia oriundos , uno momento solvit . Balsamita major seu Tanacetum odorem fere Cinnamomi habet . Calamintha ejusdem fere est virtutis . Caltha vix odorem , sed saporem igneum habet ; flores ejus , at-

ceto infusi , inter optima sudorisera habentur ; hinc in ipsa peste aliis omnibus palmam præcipiunt .

Camphora Asiatica Rosmarino nostro similis est , nam oleum Rosmarini Camphoram redolet ; est oleum aromaticum , in resinam concretum , pellucidum , mirifice volatile , & nervis amicum ; sed nimia copia temulentiam inducit fere ut vim .

Capsicum vel Piper Indicum calefacit & obstruktiones referat ; sed prudens sit ejus usus , quia inflammacionem excitat .

Cardamindum a COLUMN & HERMANNO descriptum respondet nostro Nasturtio .

Cardamomum utrumque & Caryophylli huc etiam referuntur . Cæpæ fractæ salem volatilem alcalinum tanta copia dispergunt , ut ferri nequeat ; hinc dicitur necessarium divitum hæredibus pharmacum , quia lacrymas excutit ; ad excitandos spiritus etiam valet ; optimus ejus usus est , si exigui bulbilli recentes deglulantur , qui in ventriculo hærentes ibi per calorem vires exserunt ; arcent quidem sodalitum , sed summopere excitant . Guajacum in suo oleo gerit spiritum , qui ad hos morbos etiam summi usus est .

Perveni ad Gummi resinas sive succos concretos & lacrymas : sunt quædam plantæ , maxime in regionibus calidis , quibus inest spiritus , virtute mira præditus , ad movendos nostros spiritus , ita ut in illis sit halitus non ponderabilis , afficiens tantum olfactarios nervos , & faciens hominem uno momento quasi alium . Exemplo sit Asa foetida , optime descripta a KEMFERO in amanitatibus exoticis ; hæc intra navem vix potest retineri ; sed debet suspendi ad malum , & tunc odore suo adhuc adeo infesta est , ut vix ferri possit : colligitur in Persia ex specie Pastinacæ sylvestris , quæ crescit in loco aridissimo , solis ardori exposito ; si vulneretur , profilit liquor albescens , qui collectus fortè nidorem spargit , quo utuntur ad

ad fuganda insecta; spiritus ille, qui maximas vires ad excitandum habet, ligatus est cuidam viscositati, in qua veluti in cancellis retinetur; hinc si Aſa fœtida per quinquaginta annos servata fuerit, & frangatur, mox fœtorem suum diſpergit; & quotiescunque in arte chemica spiritus volumus reddere durabiles, retinemus per ceram, oleum & terebinthinam coctam.

Affinia gummata sunt Ammoniacum de vera Ferula natum, album, tenax, non valde fœtidum, quod optimum habetur in lacrymis sive frustulis polyædris; si ore contineras, putares primo te gustare mastichen; mox dum caleſcit, vel dentibus teritur, igneam acrimoniam per os diffundit; & qui obnoxii sunt passioni hystericæ, hypochondriacæ vel Epileptiæ, inde levantur; hoc gummi per centum annos vires suas retinet, nec magno pretio conſtat.

Gummi animæ ex planta arboreſcente in America instar lacrymarum destillat; minus est viroſum quam Ammoniacum, tamen nervis suave; hinc quoties loca nervosa, tendinosa, vel membranosa sunt vulnerata, mira præstat.

Aſa fœtida recens habet fœtorem tam nidorosum, ut fuget omnia insecta, & totum corpus concutiat: mos est inter Asiaticos, ubi regali luxu excipere volunt convivas, quod patinas suas perfrictione levissima & quasi tumultuaria hujus nidorosi inficiant, ita ut vix hæreat, & hac ratione maximam gratiam cibis conciliant; si paulo plus fricent, tunc diſplicet; quando puſilla ejus doſis portionibus medicatis admisceretur, gratiam potius quam horrorem facit, & nil invenitur plus valere ad nervorum morbos. Aſa veteribus duplex fuit, odorata vel Benzoin, & fœtida. Galbanum olim adhibebatur tantum in ſuffimentis ad insecta fuganda; poſtea eo utebantur Chirurgi pro re medio extero; tandem etiam interne laudatum fuit.

Myrrha non valde odorata eſt, ſed amaro ſapore prædita inſtar bilis, cui nonnulli ita poſſunt alluescere, ut plus placeat quam Tabacum; habet etiam aliquid virulenti, ſed olim fuit laudatissimum remedium, ad partes animalium conservandas, ut ex conditura Ægyptiorum patet.

Opopanax, quaſi ſuccus omnia ſannans, ſtillat ex Paſtinaca Olufatri folio; non eſt tam detestabilis quam Aſa fœtida, ſed demulcet mirifice vi leni balfamica.

Sagapenum moleſtum habet fœtorem & ſaporem calidum; ſi majori copia ſumatur, naufeam & vomitum facit, & alvum ſolvit; pulcherrimos effectus præſtat, ubi pituita primas vias gravat; nec humores bonos expellit, ut Colycynthis, Jalappa vel Scammonium, ſed tantum ſcybala dura. Hippocrates loquens de catharticis fortioribus dicit, illa bonos humores expurgare per liquefactionem, hinc ſolvere vires; & monet, hoc non eſſe corpus purgare, ſed illud orbare bonis humoribus. Hoc thema Helmontius pater contra ſcholas etiam urget, & cathartica vocat tabefaciencia: Sagapenum vero hoc non facit: ſed qui аſſum ferunt, inficiunt latrinas odore Allii tam nidoroso, ut omnes mirentur: ſi hæc recenſita, pilularum forma аſſumpta, per calorem corporis & liquores affluentes ſolvantur, faciunt perennem exhalationem horum ſpirituum, & deglutita maſſa pergit effectus ſuos præſtare per tantum temporis ſpatium, ut ſæces post viginti quatuor horas ab аſſumto Sagapeno adhuc ejus odorem ſpirent: ergo poſſumus hos effectus continuare, quamdiu lubet, & nulla remedia ſunt efficaciora in hiſ morbis. Merito ergo hæc gummata vocantur antiparalytica in caſibus, ubi nervorum concuſſio, muſculorum agitatio, & perpetua ſpirituum incitatio requiriuntur.

Huc etiam referuntur Lavendula, Majorana, Marum Syriacum, quæ planta media æstate in ardore ſolis vix

vix spargit odorem; sed si fricitur, odorem aromaticum & acrem habet. A nonnullis Botanicis habetur pro vero Maro veterum. Origana omnia huc etiam referuntur, dein Pulegium & Rosmarinus.

Ruta est princeps herba, in eo mirifica, quod non attingatur a bestiis; assumta non calefacit inflammatorie, & tamen penetrabilissima est, & nervos mirifice afficit; aroma nulli plantae commune cum viroso odore spirat; semper viret, & instar doni divini colenda est; si inflammatio tendit in gangrenam, nulli remedio auscultans, Ruta teratur cum acetо, pasta facta diluatur cum aqua, applicetur parti, faciet separationem corrupti, vitamque reddet: in conelamatris febribus ardentibus cum suffocatione spirituum, fiat infusio Rutae instar potus Thee; addatur paucum vini, & aget, ubi omnia alia remedia silent; MITHRIDATES illam præcipuam pronunciat contra omnia venena; ego nunquam deprehendi, aliquid inde mali fieri, nisi quod in gravidis abortum creet.

Salvia, neuroticorum princeps, vim habet exsiccandi mirabilem, & unicum remedium est ad fistulos sudores debilitantes Paralyticorum, in primis si cum vino infundatur, nam adstringit, ita ut cum Gallis & que atramentum faciat, quam ullum aliud adstringens, & simul in se habet suaveolentissimum aroma, spiritus reficiens.

Santala a veteribus jam ad hos causas laudata sunt, & in Sacra Scriptura etiam memorata; tria sunt, album, rubrum & citrinum, quod omnium suaveolentissimum est; ex scobe hujus ligni, cum Alcoholе digesta, HOFMANNUS fecit nobilem Tincturam antiparalyticam, gratissimam & efficacissimam. Sassafras, Serpillum & Thymus etiam laudantur, eaque videntur aliquid in se habere, quod impedit, ne diffuant spiritus.

Transeo nunc ad remedia antiparalytica, quæ petuntur ex animalibus, antiparalytica ex cognitum virosum Castoreum, in quo animalibus.

ARETÆUS summam spem posuit; quo recens magis est, eo magis interius humido est præditum, eo majores vires habet; si vero effæctum sit, odor virulentus difflatur; solo suo halitu movet totum systema nervosum, ita ut cerebrum in morbis, ubi silete ejus actio, solo hoc nidore reviviscat; hodie servatur per Alcohol vini eductum virus; si sumatur mistum cum viscosis, manet in ventriculo, & facit fomitem, diu in eo spirantem; si extrinsecus applicetur umbilico, epigastrio, axillis, inguinibus, popliteis, vel ad aures, habet vires discutientes valde mirabiles; unum dolendum est, quod genuinum sit satis pretiosum.

Huc etiam refertur Moschus; cum in experimentis chemicis examinarem bilem, observavi, dum semiputrefacta esset, quod odorem Moschi haberet, qui etiam permanebat; hoc corpus minima copia mire placet, hinc qui thymiamatis conficiendis præsunt, solent paucissima Moschi copia exaltare reliquas virtutes; non novimus ullum corpus, quod diutius servat odorem, & spargit laetus; sane inhæsit cubiculis per quadraginta annos, licet ædes lustratæ fuerint: potest ita afficere nervos, ut simulacrum ejus odor percipitur, mox orientur dirissimi spasmi, in primis in hypochondriacis & hysterics; ergo miram habet efficaciam in sistema nervosum; hinc quum in Paralysi indigemus tremoribus concutientibus; quos HIPPocrates & ARETÆUS adeo commendant, Moschus certe princeps est.

Omnes omnium animalium partes incensæ spargunt fere eundem odorem, quem solemus vocare Empyreuma; vapor eorum, qui aliter exhalat in atram fuliginem, collectus vasis, exhibet liquorem flavum fetidum, oleum aureum fetidissimum supernatans, & salem rhomboideum alcalinum volatilem: omnia hæc titulo spirituum vel salium volatilium oleosorum effæctum præstant eundem; nec vidi, quod spiritus sanguini-

guinis humani plus præstet , quam spiritus sanguinis bubuli , vel cornu cervi , vel unguæ equinæ .

Nil subtilius est quam filum , quod ducunt Bombyces , & vocatur Sericum ; in illis animalibus succus aurei coloris in sacculo eleganti detinetur ; bina habet sed exigua emissaria ad labium inferius , ex quibus de promptum succum affigit omni corpori , & ducens caput , facit liquidum illud ipso momento , quo aerem attingit , esse filum , quod semper geminum est , & eo tenuius , quo huic animali proprius : ultimo facit pelliculam densam , in qua , veluti in capsula , Aurelia hæret : hoc corpus etiam refertur ad præcedentia , & nullum dedit plus spiritus meracioris , salis & olei ; ex eo GODARTUS Britannus per destillationem fecit guttas GODARTII dietas , quas CAROLUS SECUNDUS redemit & publicavit ; sed nil differt a spiritu ex pilis humanis vel cornubus animalium ; omnium animalium volatilium , natantium , repentium , quadrupedum , & hominis ipsius succi , hac ratione tractati , eundem spiritum exhibit . HELMONTIUS hunc vocavit materiam seminalem , quæ ductum virtutis fermentantis secuta fuit . V. g. Helleborus albus & Plantago committuntur eidem terræ ; idem succus pervenit ad utramque plantam ; nemo in hoc succo diversas vires medicatas invenit ; sed dum ille succus venit in corpus Hellebori albi , & in corpus Plantaginis , fit succus Hellebore & Plantaginis proprius ; qui ergo non debetur communibus elementis , non legibus mechanicis , non materiae nutrienti , sed virtuti transmittenti , quæ olim fuit in illo semine ; dum ignis semen Hellebori & Plantaginis destruxit , nil singulare inde fiet , nam ignis destruit illud productum , quod a vi seminis habebat .

Ex his concludo fere idem esse , qualisunque humor animalis sumatur . Si sumitur lotium vaccæ vel equi , & ex illo educitur spiritus , qui

rectificetur , in illo est oleum subtile & sal saponaceus volatilis , quæ summa remedia hactenus cognita sunt contra Paralysin a topico lentore ; si vero dentur in Paralysi , quæ ab effusione liquidi & rosione vasorum oritur , venenum est .

Hæc omnia enim agunt concutendo nervos , irritando musculos , augendo motum sanguinis arteriosi ; hinc si auderemus , faceremus sæpe curas incredibiles . v. g. illi spiritus , lana excepti , in parte paralytica faciunt inflammationem , dolorem , ardorem , & sæpe intra horam in his partibus fere mortuis hoc modo redit motus ; applicetur hoc remedium bis vel ter , donec pars inflammetur , sed cave , ne in gangrenam vergat : sit dolor coxarius , faciens claudicationem femoris , crurum & pedis ; applicetur lana , imbuta spiritu urinæ , & detineatur ad eavum coræ , ubi est acetabulum ossis femoris ; si ullum , hoc remedium prædest .

Præterea , vacuo ventriculo repurgentur viscera primæ digestionis per Aloen , Sagapenum & Myrrham ; deposita saburra pituitosa detur drachma horum spirituum diluta in tribus vel quatuor uncii aquæ stillatitiae Rutæ ; repetatur post semihoram ad tres vices ; superbibatur infusum Rutæ , Sassafras vel Santali ; proliciatur hoc modo sudor , & fricitur corpus pannis asperis ; hæc methodus est omnium pulcherrima : notetis quod hæc quidem sint caustica , sed quæ illico aufugiunt propter calorem corporis ; si vero tegantur vesica , tunc solet oriri inflammatio , & fiunt effectus maximi .

Scribit HELMONTIUS , quando causa Paralyseos vel aliorum morborum est in tertia regione , quod remedia vix eo pertingant ; sed quod spiritus sanguinis humani , vadens usque in tertiam regionem , omnem rebellem amurcam solvit , omne tenax lento deterget , & corpus depuratum relinquit ; nam natura materiam solutam expedit : sumit ille sanguinem humatum , sed quivis aliud ex lano animali de-

depromptus sufficeret; ponit in quiete, serum abjicit, magno certe errore, nam est subtilius sanguine; placentæ superstiti addit spiritum salis, & miscet cum Tartaro, cuius spiritus, uti scitis, est maxime volatilis, nam frangit omnia vasa, si clausa fuerint; sit hac ratione Gas sylvestre, sive spiritus valde volatilis & penetrans: ergo habemus hic Tartarum, spiritum salis, & sanguinem, quæ dum mista, & retortæ vitreæ commissa summo igne urgentur, exprimitur omne oleum; & ex spiritu salis marini, & latente sale alcalino volatile producitur sal Ammoniacus, cui se miscet sal & oleum Tartari, adeoque sal sit tanto penetrabilior; illum salem & oleum adhuc per duodecim vices ex novis retortis rectificat, quod anni spatum requirit; tandem vix fæces relinquuntur, & habetur spiritus limpidissimus sanguinis humani; qui datus ventriculo vacuo, hinc deterso & muco eliminato, facit corpus in sudorem resolvi, & fæces tertiae regionis purgat; vis caustica alcalina hic domita est per oleum; vis fundens manet, & pulcherrimos effectus præstat: idem potest fieri ex sanguine bovino, & possumus illum totum sumere: videntur non quæsivisse vim causticam alcalinam, & ideo addidisse acidum, ut sal non esset causticus; sed si diluimus, si mitificamus doses, si determinamus ad sudores, non vidi malum ab his spiritibus in Paralyssi fieri, nisi pro causa habeat humores extravasatos vel dissolutos.

Huc refertur Zibethum, Moscho par, quod omnes vires præclaras, omniaque nocumenta habet eadem.

Hi sunt particulares succi, sed huc referuntur etiam integra animalia, veluti Canthrides, de quibus antea jam dixi, siccum & exsuccum eorum corpus servari potest in lagena per quinquaginta annos; si tunc tritæ in pollinem aceto humectentur, & immisceantur fermento panis acido, & applicentur corpori, teganturque cum vesica vel emplastro, vi-

res habent penetrantes ad ossa usque cum dolore & tentigine in toto systemate nervoso, in vesica faciunt stranguriam, in genitalibus priapismum, in toto corpore febrem.

Est præterea insectum valde parvum, quod Itali & Hispani vocant Conchylam parvam, nostrates Conchenille; ex hoc insecto ope spiritus nitri color scarlatinus educitur; tintura ejus, cum spiritu vini facta, saporem habet subacrem, & vires calefacientes; hodie in tanto usu est, ac quondam Coccus Baphica veterum.

In Quercu vel Ilice nascuntur ita dicta Grana Kermes, quæ nido infectorum sunt similia, ita ut ad animalia pertineant, sed habent vim roborantem Quercus, & in his morbis etiam laudantur.

Refertur huc Formica, quæ quasi Testudinis genus est, habens ossa extrinsecus ut Cancri, sub quibus collocantur musculi; contritæ mirum odorem sparguntur, hinc eductæ ex his similes tinturæ inter incitantia recensentur.

Sed nullum animal inter illa notius est quam Millepedes, quod animal totam testudinem clypearatam incisuris habet distinctam, muscularisque intermediis instructam, ita ut in trochi figuram se contrahere possit; mire se multiplicat, & si lapidem ponas quoconque loco, intra paucos dies innumeri sub eo inveniuntur; vix rimæ sunt in muris, in quibus eorum caterva non adest: vix in ligno via patula est, quin ibidem se locent: SWAMMERDAMMIUS invenit inter eos paucissimos mares, & paucas foeminas, sed innumeros famulos, qui mari & foeminæ famulantur, & pabulum adferuant pro editis fœtibus; una foemella sufficit millenis producendis, & quidem celerrima genitura; hæc animalia in Medicina recepta sunt, & primo adhibita in morbis oculorum, ubi sine manifesta causa opacitas orta fuit: si quinque vel plures ad quinquaginta usque omni mane terantur in mortario, & misceantur cum vino vappidiori, succus.

sucus ille infinita bona praestat contra hac mala, omnesque generis nervosi morbos, qui ab inertia causam suam habent; saporem habent eundem subfalsum quam Locusta marinae coctæ, quas nostrates Garnalen vocant; si conterantur, idem est odor, quam si urina veterascens te pescat.

Quid dicam de vesparum ictu, & de aculeis apum, qui corpora paralytica pertundentes faciunt febrem & inflammationem cum dolore acutissimo? SWAMMERDAMMIUS demonstravit, apes habere capsulam artificiosam, quæ continet unam alteramve guttam liquidi aurei coloris; huic facco apponuntur musculi, quibus ad voluntatem animalis exprimitur ille succus, & emittingendo aculeum paucum illius liquoris instillatur, quod dum factum, transversus hamus aculei, veluti sagittæ alatæ, in vulnere hæret; hinc dixit VIRGILIUS, animas in vulnere ponunt, nam animal tunc debet mori, quia aculeus ille cum omnibus fere visceribus commercium habet; unus, alter, tergeminus talis ictus facit febrem notabilem; centum ictus equum vel taurum fortissimum occidunt intra breve tempus; ab hujusmodi veneno, per infortunium applicato, maximæ sanationes factæ fuerunt; nam quum ab hoc veneno tam violentæ febres possunt produci, quid non expectandum erit a moderato illius usu?

Fert mare mirabile valde insectum, quorum millena in nostrum littus rejiciuntur; urticam marinam vocant; appareat quasi informis moles, instar gelatinæ tremulæ, diversæ magnitudinis; si propius examinetur, appareat, quod mirabile hoc animal radiis emissilibus ubique ejaculetur venenum, unde homo (expertus loquor) in parte frigidissima tantum sentit calorem & dolorem, acsi vi-vus ignis ureret; si plures radii hujus animalis dorso manus simul applicentur, fit febris ardens; pisca-tores, noscentes hanc vim, applice-runt hunc pilcem ad partes paralyti-

cas, & invenerunt dolorificum quidem, sed tamen efficax remedium.

Remedia ex fossilibus sunt valde Ex Fos-silibus. pauca, & quia tam simplicia & vix solubilia sunt, hinc etiam parum nisi motu mechanico, & duritie praesta-re possunt; est tamen aliquod Tal-ci seu Selenitidis genus, quod vulgo Alumen scissile dicitur, & quia in aculeos, calami scriptorii instar, abit, vocatur etiam Alumen plumosum; si hoc semel tantum affricetur parti cuiusdam corporis, oritur prurigo maxima, & ad singula loca infixus hæret parvus aculeus; hinc ad artus segnes excitandos pauca copia eum farina contrita applicatum fuit; & tunc durat pruritus per aliquot horas: nam uti scabies habita fuit pro cura maxima Paralyseos, sic hæc artificiosa scabies hunc morbum sa-pe felicissime curat; si vero nimium agat, unguentum nutritum cum pauco succo Citri domabit ejus nimiam vim.

Succinum videtur esse Electrum veterum, & ubi nigrum est, Gagates; hoc corpus tritum odorem spargit gratissimum nervis, hinc ad Ambram relatum fuit; frigidum iners est, ubi vero igni imponitur odorem habet singularem bituminosum; collectus vapor exhibet salēm album vere acidum; sal ille, separatus ab oleo, habetur pro summo & innoxio reme-dio, quod agit ut sal volatilis, sed non habet vim causticam; fundit etiam oleum flavum, mire reficiens, & efficax ad insultus epilepticos, si naribus affricetur; hoc oleum fit tanto melius, si depuratur, & magis volatile redditur; si jungitur suo sali, habetur sal volatile oleosum acidum; si cum gummi ammoniaco inviscetur, & ferma pilularum vacuo ventriculo exhibeat, includitur ejus vis, nec volatilitas perditur, & tunc dat formitem continuo se disperga-tem per totum corpus.

Hæc sunt primaria remedia, qui-
bus naturam imitamus, sed natura
etiam quandoque solvit hunc morbum,
per at-
licet conclamatum, per diarrhoeam;
Curatio
hujus
morbi
per at
taetum
nervo-
vi.

videamus, quomodo hoc se habeat.

Qui audiverunt præcedentia, mecum mirati sunt, quod omnes partes corporis habeant nervos, & quod nullus nervus offici possit, quin totum corpus inde mutetur, ita ut homo ab uno attactu longe alius fiat quam ante; ab unico ictu apum in fano homine nullus fere corporis locus manet illibatus; vipera mordeat digitum extremum; morsus pergit infra epidermidem, exit ex parva bursula aureus liquor, hujus parva copia instillatur; homo morsus patitur tales anxietates & convulsiones circa præcordia, ut sibi non constet, & post duodecim horas bile perfusus, & totus auriginosus est: ergo videtis, quod totum corpus sic factum sit, ut minima mutatio humorum, vel solidorum, vel utrorumque simul mox illud magnopere mutet: & quum nulli nervi magis communicent sua mala, quam qui circa Ventriculum & Mesenterium sunt; si ergo apis vel vipera ibi pungeret vel morderet, adhuc longe alii & majores effectus fierent.

Dedi antea plurima exempla, dum dixi, quod si Opium veniat in ventriculum, mox faciat dormire totum corpus, & omnia sopiat.

Morbus est equis familiaris, quem nostrates vocant vermem equorum, in quo totum animal ulceribus profundis & horrendis consumitur, & in toto dorso ulcera sunt retorrida: morbus est contagiosissimus, Lepram humanam longe superans, ad cuius naturam tamen refertur. HELMONTIUS dicit, quod Laicus quidam, visiones somniales consulens, quænam sit causa Luis venereæ, dixerit sibi in visione visum jumentum, quod ulcere fetido fere diffueret, unde suspicatur, quod aliquis in obfitione Neapolitana congressum cum tali jumento habuerit: si Hydropiper, Ranunculus flammula vel Veratrum album teruntur, & humectata syndoni applicantur, & ad aures equi applicentur, & ibi relinquantur,

animal furit præ dolore, sed certissime sanatur. Vide tractatum WILLISTI de Cerebro Cap. XX. Hoc remedium facit inflammationem topicam & febrem calidam; in aure vero nulli alii nervi veniunt, quam rami quinti paris; & effectus est, quod motus hujus nervi continuatus omnium degenerationem, & diathesin ulcerosam, quæ pestilentiali quasi afflatu inficit, tollat, & sanitas perfecta equo redeat.

Sæpe versabar cum Veterinariis, ut viderem eorum experimenta, & patuit mihi, quod boves & equi crudelibus & fere semper externis remediis curari debeant: equus languet toto corpore, ad nullum opus idoneus; infligunt vulnus in pectori usque ad panniculum carnosum, cui imponunt frustulum Hellebori nigri, & tegunt cum emplastro: oritur tumor pugno major, exit ichor quasi cancerosus; animal anhelat, & vix quiescit, sed totum corpus mutatur, & redit perfecta sanitas: hoc etiam faciunt in musculosa parte caudæ, sed longe melius fit in parte anteriori pectoris; vocant hoc ignire, & hanc herbam ignitam; si hoc fiat cum Helleboro albo, animal sæpe moritur. Hinc si Venatores jacula inficiunt succo Hellebori albi, animalia, quæ ab iis tanguntur, citissime moriuntur.

BOYLEUS narrat exemplum, quod rarum & simul pericolosum est. Homo quidam laborabat glaucomate in utroque oculo; ergo lens crystallina fuit in omnibus suis partibus opaca; empiricus quidam suscipit restituere visum perditum, admissus dat pulvorem quandam naribus attrahendum; æger hoc facit, & intra horam ægrotabat toto corpore; caput tumet, buccæ inflantur, fit nausea, vomitus, tormina alvi, dysenteria; sudor manat, & salivatio summa pergebat per plures dies; homo nihil assumferat nisi pauca grana Turbith mineralis: uti in priori casu medicamenta applicabantur auri, ita in hoc ad nervos olfactarios, id est,

ad nudam fere medullam cerebri, & ad nervos quinti paris; idem erat effectus in omnibus humoribus, & in omnibus corporis partibus, ne una quidem immuni.

Homo mihi amicus, paulo imprudentior, & omnia suscipiens, utitur Mercurio ad simplicem operationem, & fumum exhalantem excipiebat; inflatur caput, lacrymantur oculi, & sequenti die adeat terribilis salivatio per sesquimensem durans.

Ergo sic factum est corpus, ut ab affecto minimo ramo nervoso, omnes partes æque mutentur, quam a violenta causa, nec ulla secretio est, quin augeatur: hæc edocti facillime videmus, omnia illa esse purgantia, quæ Helleboro vel Ranunculo affinem habent acrimoniam; talia sunt Mechoacanna, Senna, Jalappa, Esula, Euphorbium, Scammoneum, Cataputia, Tithymalus; hæc sunt virulenta nervis, & si in formam meabilem reducta affracentur cuti externæ, faciunt effectus terribiles. Si Colocynthis, selli bubulæ & pinguedini mista, affricetur umbilico, tunc per simplicem hanc & externam applicationem sit purgatio, quæ vix fisti potest.

Si candide, ut oportet, enarrarem, quid viderim in paralysi a mera inertia, deberem dicere, methodum per purgantia esse optimam, & præstare plus, quam omnia alia remedia simul, modo corpus possit sustinere vim medicamenti, & modo viscerum partes non exæsæ sint & contabescant, nam tunc morbus est extra metam curationis.

Omnia purgantia imitantur diarrœam a natura factam, & vocantur solventia, quæ humores nostros ita fundunt, ut coerceri sueti nunc diffluant ex suis vasis: tale est ver. gr. Scammoneum vel Convolvuli luccus, qui si recens cum aqua teratur cremorem lactis refert, & acrimoniam nauseosam habet; si sumatur tritus cum aqua & pauco facecharo, non videtur vehementer operari, sed paulo post aqua flava odoris cadave-

Per purgantia.

rosi per alvum ejicitur: si fortissime agit, oculi fiunt cavi, natus acutus, tempora collapsa, pallor totius corporis, accedit febricula & sitis vix fistenda: ergo pulcherrime dixit HELMONTIUS, scholas Galenicas non habere purgantia, sed humores sanos corrumpentia, nam Colocynthis, Scammoneum & Helleborus corrumpunt sanguinem sanissimum, & redundunt cadaverosum: tanta est hæc vis fundens, ut homines nefarii aliquid Scammonei cibis mixtum subdole exhibentes illis, quibus infensi erant, eos sustulerint de medio per solutionem alvi tabificam; hæc tamen vis fundens fisti potest uno momento; nam si Scammonei pulverem in papyro tenes supra fumum sulphuris, amittit omne illud virulentum, & tunc vocatur Diagridium; si pharmacopœus nimis diu ita retinet, omnis purgans vis abeat: si hauserit quis Scammoneum, & nimis inde purgatur, ita ut metuat de vita, bibat acetum, & vis ejus statim tollitur vel mitigatur: sed in his remediis est simul vis movens, per quam humores non modo funduntur, sed simul etiam ex corpore emunguntur, & quidem sæpe tam valide, ut homines in animi deliquium cadant; de hoc effectu debemus cogitare in præscribendo Scammoneo, nam aliquando adfertur satis recens, & si tunc Medici eadem dosi præscribunt, quam quod in officinis per aliquot annos servatum & fere enervatum est, perfundabunt hominem.

Ab his omnibus remediis sit etiam febris; qui haulit primo nil sentit, sed post quadrantem horæ totus naufragosus est, & horripilatione corripitur; oritur sitis & calor molestissimus, pulsus fit febrilis, & tunc succedit operatio; & hæc phænomena fiunt, sive illa purgantia exterius, sive interius adhibeantur, nam ex odore vel adfrictu Aloes & Scammonei fere idem est effectus; hinc unguentum Arthanitæ præscribitur illicis, quibus non potest ingeri medicamentum, ut ad umbilicalem locum

adfricitur; si illud imprudenter exhibeatur contra lumbricos, producit sæpe dysenteriam lethalem.

Omnia talia purgantia dicuntur Hydragoga, sive aquam eduentia, nam materia alvo rejecta aquam refert. Quomodo vero hæc fiant caustica, sequenti modo illustratur. Argentum est insipidum & inodorum, & ingestum alvo redditur; paucæ guttæ spiritus Nitri sumtæ alvum fissunt, & vim purgantem Scammonæ cohibent; ex argenti grano uno, & spiritus Nitri granis duobus per ebullitionem fit crystallus amarus, qui si calidæ manui applicetur, uno momento fit gangræna; si incaute sumatur, homo post summa tormenta excernit liquorem fœtidum; si vero methodo BOYLEI detur forma pilulari, operatur homine infuso; hinc BOYLEUS vocavit princeps medicamentum, nam maxime placet Princibus, quia cum mica panis datum blande purgat, & multum boni facit, ubi viæ referandæ sunt: & sic possumus imitari Diarrhoeas, quas natura excitat ad curandam Paralysin, a causa obstruente ortam.

Hæc medicamenta tantum faciunt motum, ut tandem exhauriatur totum corpus, oriaturque sitis immanis: hinc dixit HIPPOCRATES, qui purgans quoddam sumserunt, his purgatio non definit, donec sitiant, nam per sitim enervatur vis medicamenti: ubi per aliquot vices assutum fuit, & poculum postea tantum videtur vel odore percipitur, mox fit vomititio: ergo videtis, quantam vim obtineant hæc medicamenta in universum systema mobile, ut in eo faciant manere impressionem; hæc ergo remedia solvendo humores & motum incitando expugnant causam Paralyses, maxime si oriatur a vasis, quæ nervis pro vagina inserviunt, per compressionem distentis.

Præcipua, quæ huc faciunt, sunt Aloe, de quo GALENUS suo tempore jam dixit, quod unicum sit innoxium purgans; hujus effectus idem est quam bilis naturalis, nam vaso-

rum extremitates in primis viis deobstruit, unde nullum melius detergens hucusque scimus, & ob hanc causam pilulæ RUFFI, quæ constant ex Croco, Aloe, & Myrrha, pro summo remedio laudantur contra casus apoplecticos & paralyticos: mirum hoc remedium ad uterum & intestinum rectum facit suos effectus; provoeat abortum, lochia, secundinas, menses; ergo verum est ecbolicum, calefaciens, nervis amicum, & simul fundens quicquid est nimis tenax, in primis viis; unum hoc in ea carpitur, quod solet excitare hæmorrhoides; sed illas excitare posse est curare multos morbos, & hoc pretio redimere longe pejora mala; habet & hoc singulare, quod si inspergatur partibus animalium corruptioni obnoxii, solet eas custodire, & defendere contra corruptionem spontaneam: ob has causas hæc pætra Galeni, tinctura sacra Britannica, pilulæ RUFFI, & Elixir proprietatis Paracelsi optima sunt in Paralysi purgantia.

Huc etiam refero Cataputiam, & Tithymalorum genera, succo lacteo, ex quacunque parte plantæ stillantia, turgida: vidi, quum pungerem Euphorbiu[m] velnusculo vix visibili, quod viginti guttæ profilarent tam celesti lapsu, ut sanguis non tam cito proflueret ex arteria hominis per pavam cuspidem vulnerata; lac illud si attigerit partem quandam corporis, illam inflamat illico; imo tam acer hic succus est, ut tristibus experimentis constiterit, quod homines alvum exonerantes, & hisce foliis se detergentes, gangræna affecti sint.

Esula nostra palustris quoque acris est; succus ejus inspissatus solet corrigi, uti vocant, fumo sulphuris, sed vires suas perdit a quocunque acido: si mitificetur per vinum Rheananum, sit medicamentum RULANDI, qui suo tempore tantam habuit famam, quam ullus aliis, in curandis morbis chronicis; hic succus tam virulenta vi solvit humores, ut homo brevi contabescat ab imprudenti ejus usu, immo uno die totus exhauriatur;

tur; inflammat partes, quas attingit; hinc si unicam hujus guttulam imprudenter deglutiveris, fauces toto die inflammantur, & hoc malum non cessat, nisi gargarizando cum acidis; fiunt inde febris, inflammatio, sitis & ardor; ergo inservit in hoc casu, & præstat quæ requiruntur; prudens vero debet esse dosis, & nil melius est, quam si cum crystallis tartari adhibeatur, quia inde utcunque debilitatur, & tunc adhuc pauca dosi; & si actio nimis virulenta appareat, multa superbibenda exhibeatur.

Colocynthis mirabile Cucumeris genus est, saepe luxurians inter Cucumeres hortenses, maxime si haec planta adhuc tenella pedibus compressa fuerit, nam tunc generat succum tam amarum, ut Aloen multum superet; si hic fructus majori copia sumatur, facit vomitum & tormina alvi, quæ desinunt in summos dolores hæmorrhoidales, hinc instar veneni fuit fere proscriptus; sed elicitor inde mucilago, quæ miscetur cum gummi arabico, ut fiant trochisci, quos Arabes vocaverunt Albandal; sic minuitur effectus & vis mitigatur; ab his solvuntur humores, corpus calefit, & febris inducitur, & tantæ agitationes fiunt in primis viis, ut nullum fere remedium simile detur; nimia vis domatur spiritu Vitrioli, Sali, Nitri, Vino Rhenano & Aceto: fuit olim magni nominis Medicus PHILIPPEAUX, qui hoc remedium pro arcane habuit in morbis chronicis; sumebat decimam vel sextam partem grani, & sic teatum hoc remedium dabat languentibus; attenuatus ad effectus moderabatur doses, donec videbat assurgere vires; & sic mira præstabilit in languidis generis nervosi malis, & in morbis pendentibus a faburra viscosa primarum viarum.

Elaterium, seu Cucumis asininus HIPPOCRATI valde laudatus fuit, maxime ad sanandos hydropicos; quando hic fructus matus tangitur, in partes dissilit, & si ingens phiala circumponatur, vix pars hujus est, juæ non conspurgetur succo hujus

plantæ; hinc nomen habet ab Elaterio, vel etiam vocatur, noli metangere; succus ille assumptus tam terribiles agitationes facit, ut nullam partem corporis relinquat immunem; ubi ergo HIPPOCRATES vires languentes volebat excitare, Elaterio usus fuit, & sic ignem subministrabat, ut auferret obstacula, a quibus imminebat mors: magnus SYDENHAMUS dixit, nullum remedium in hydrope posse comparari cum Elaterio; vis ejus per seculum potest servari immunis, ab acidis exhaeritur; excitat flatus & tormina ventris ingentia, & humores adeo liquefacit, ut qua data porta profluant.

Mitior sequitur Jalappa, quæ etiam omnes humores in aquam convertit, sed non habet multam acrimoniam. TOURNEFORTIUS pro mirabili Peruviano habet, & ad Convolvulos retulit; radix resinosa est, hinc tuto cum saccharo exhibetur.

Mirra hæmorrhoides incitat instar Aloes, sed ea mitior est; vim habet emmenagogam, aristolochicam, balsamicam & vulnerarium; continuato usu alvum dicit ad gradum, quem vultis, modo dosis augeatur.

De Scammoneo jam dixi; hinc superest Veratrum, quod habetur pro Helleboro veterum, sed ambiguitas est in epitheto, nam datur album & nigrum; vocatur Herba sternutatoria, nam si recens dosi vix visibili attrahatur in nares, mox magnam copiam humoris stillare facit, & nulla pars corporis manet non convulsa; si intus sumatur, vellicat ventriculum, & facit vomitum & fluxum alvi enormem, & hoc facit, ut dicit HIPPOCRATES, sua vi ignea, qua querit ultimum frigidum, quod in nervis est, hinc ille in mania exhibuit; si immittatur in partem externam corporis animalis, ut faciunt veterinarii, excitat febrem in toto corpore, & haec ratio est, cur etiam dicatur remedium antiparalyticum, concutiens omnia, tremores faciens & spasmos.

Restat adhuc inter purgantia hydrica

goga nobile **Gummi**, quod vocatur **Gutta Gamba**; ex arbore in India Orientali, maxime in insula Ceylon prolicitur; habet colorum flavum & saporem nauseosum; viribus vix cedit Veratro, Euphorbio vel **Castaputiae**; & ad expurgandas aquas hydrocorum solet exhiberi; si nimia copia vel nimis diu sumatur, corpus ita exhaustur, ut vires omnes collabentur; sed moderata dosis facit omnia, quae a medicamento peti possunt; si nimia vi agat, corrigitur etiam per acida.

Remedia metallica in Para. lyfi.

Chemici etiam adhibuerunt sua artificia, ut ex fossilibus & metallis proferrent remedia antiparalytica; aurum nil facit in corpore, nisi pondere, duritie & figura; & hoc etiam de argento verum est. **KUNCKELIUS**, Electoris Brandenburgici Chemicus, demonstravit, quod quæ dixerunt Chemici de solutione argenti per quædam menstrua, cælestium colorem conciliantia, tantum fiat, dum aliquid cupri inest, & hoc etiam verum deprehendi. Quando Stannum examinatur, aliquid virtutis medicatæ habet, uti docent sapor & facilis solubilitas; aurum vero solvitur difficillime, & tantum a spiritu salis; argentum a spiritu nitri & oleo vitrioli, sed hæc menstrua non inveniuntur in nostro corpore; si vero stannum cum pomis immaturis acidis fricueris, deteritur, solvitur & dulcescit; & patinæ stanneaæ exeduntur ab acidis, & saporem subsaccharinum acquirunt; ergo est in flanno aliquid, quod potest a nobis dissolvi, scilicet ab acido.

Plumbum transit fere integrum per nostrum corpus, uti creberrimis experimentis patuit in Ileo, dum ejus globuli deglutiuntur & alvo dejiciuntur; sed tamen etiam ab aere, halitu oris, rore, pluvia, & sale quoconque solvitur in speciem Cerussæ, & sic solutum facit Paralysin.

Si Cuprum modo fricitur, fundit odorem ingratum, quem officinas intrans mox percipis; habet etiam ingratum saporem; mox solvitur, & tunc siccata vim venenatam ostendit

per vomitum, & subductiones alvi: veteres Chemici, quorum interpres est **HELMONTIUS**, dixerunt, in Cu. pro insitum esse genium metallicum, qui vix mole corporea, sed tantum irradiatione sanat omnes fere morbos; & **HELMONTIUS** dixit, hoc fieri solo attactu tincturæ Cupri ad linguam: **BOYLEUS** dicit, si in ullo metallo vellet operari ad invenienda remedia, quod sumeret æs; hinc creditum fuit, quod æs propria sua substantia metallica ageret in nostrum corpus; sed hoc mihi non est probabile, nam per secula potest servari, modo arceatur ab omni solvente; & in igne diu perstat, dans flammam amoenam cæruleam, sed tamen inde non consumitur: inter experimenta **BOYLEI** est, quod si cuprum certa ratione paretur & accendatur, flammarum cæruleam det usque ad decem dies; hioc non est credibile, cuprum, quædiu est metallum, per se agere in nostrum corpus, sed si divisum est, & sali cuiusdam junctum, vires habet incredibiles.

Ferrum adhuc citius solvitur quam cuprum, nam in aere mox rubigine obducitur, nisi crusta oleosa pingui tegatur; ergo non fert sales aereos, quos pulmo fert; eroditur semper in Vitriolum, & fit viridescens, sed in aere fit fuscum per rubiginem, quæ est scobs ferri acido expulso relicta; lingua attactum mox gustatur, calefaciens odore percipitur, ignitum emitit miculasflammantes; ergo nullius metalli materia nobis est tam proxima, quod aquæ chalybeatæ etiam docent.

Argentum vivum non agit nisi suo pondere, volubilitate, & summa mobilitate, id est tantum mechanicæ: non possum ergo credere, quod haec tenus constiterit, corpora metallica, quatenus talia mament, aliquid agere nisi pondere, mole, duritie & figura; sed illa ultima, in primis plumbum, stannum, ferrum, cuprum in corpore nostro solvuntur, nam in nobis sunt sales urinosi, similes Ammoniaco, & calor adest, quem Chemici adeo

adeo laudant, nempe teper imprægnans; habetis exemplum in lamella cuprea nitida, quam si prius calefactam lingua humectes & reponas, videbis veltigium viridescentis Cupri in loco, quem lingua attigit; si spiras in ferrum, mox aderit rubiginosa macula; si coquis cum urina, miram tincturam exhibet, & fit remedium contra vermes; ergo hæc metalla possunt acquirere vires in corpore, quas antea non habebant.

Antimonium per se vix ulla vires habet in corpore nostro, sed si quarta pars grani Mercurii vitæ, vel ejus vitri aut reguli, detur robusto rustico, decies vomet cum summis anxietatibus: si infanti scabioso detur integra drachma Antimonii crudi & tritici, faciet nihil, sed eliminatur de corpore; ego ipse ab assumto Antimonio crudo sensi nihil; dum parabam crocum, vel vitrum Antimonii, fere semper nauseosus eram; sed non potest agere ut metallum, nam in nobis non adest ullus sal, a quo potest solvi, sed vitrum Antimonii a nobis solvi potest; ergo vires metallorum inde pendent, quia metallis, ut basi, possunt addi sales, qui vero non penetrant in eorum substantiam, sed tantum extrinsecus adhaerent; & quando gleba metallica sic jungitur cum salibus, auget eorum vim magno suo pondere: hoc paucis ita demonstro.

Aurum est corpus omnium blandissimum, quod in rerum natura cognoscimus; si ejus exigua polita lamella ponatur in oculo, sentitur nil mali; deglutitum etiam nil mali facit, nisi quod Indi ideo ab Hispanis capti & exenterati fuerint; si grano uno hujus auri blandi addas grana quatuor aquæ regiæ, fit ebullitio & solutio; si penicillum huic intinctum admoveas linguæ, illa mox comburitur; si exsicces hæc quinque grana, manet granum unum cum dimidio; detur hoc intra corpus, fiet vomitus, purgatio alvi, & inflammatio ventriculi: sed si guttas quatuor aquæ regiæ assumas, etiam nil faciet mali;

Tom. II.

ergo dum salia corpori metallico ad-duntur, agent fortius.

Si bibatur uncia Mercurii, mox alvo exit, & facit nihil; ex uno ejus grano cum granis quatuor spiritus salis fit Mercurius sublimatus, cuius unum granum lethale est, omnes actiones destruens; si hoc solvit in dimidia libra aquæ, & detur cochleatum, homines ducuntur ad enormes ptyalismos; ergo Mercurius purus nihil agit; sed paucissima copia exhibitus, addito tantum sale, edit stupendos effectus; ergo quando Chemici dicunt, se per metalla posse curare morbos desperatos, debent demonstrare, hæc metalla egisse ut metalla. HELMONTIUS dicit, quod Alcahest permuteat unciam auri in unciam salis, sic ut tantum sit salis, quantum fuit massa auri, & quod sic metallum instar salis agat; sed de hac re nihil scio; quæ ergo dixerunt de summa penetrabilitate medicamentorum metallicorum, eorumque viribus ad morbos cerebri & nervorum, non possum nisi iisdem proprietatibus attribuere.

Quando Mercurius sublimatus corrosivus intra corpus recipitur, facit topicam inflamationem in ventriculo, concutit totum corpus & inflat, ut homo videatur emphysematicus, facit vomitus horrendissimos, reddit fæces cadaverosas, urinam & salivam foetidam, & putrefacit totum corpus; si iterum sublimetur cum duplo Mercurii, vocatur Mercurius dulcis, qui plures partes Mercuriales in se habet, cuius grana decem tuto adhibentur; si coquatur cum lixivio salis Tartari, in fundum cadit pulvis aureus, qui affusa aqua dulcescit, & nil facit in corpore; qui ergo metalla potest moderari, hisce aget plus quam reliquis remedii.

R. Aloes gr. ix. Mercurii dulcis gr. x. Troch Alhandal gr. iii. F. pil. ix. matutino tempore sumendæ: harum mirus est effectus, nam potenter resolvunt omnia, & non multum nocent: vel R. Jalappæ gr. xxxvj. Mercurii præcipitati albi gr. ij.

L 3

Sac-

Sacchari gr. vij. hic pulvis adhuc plus faciet quam præcedens: vel Rx. Scammoniae gr. x. succi inspissati Esulæ gr. ij. Sacchari gr. v. misceantur cum pauca conserva Rosarum pallidiarum, & habebitur remedium efficax.

Inter auxilia, quibus natura sæpe Hæmorrhagie se expedivit a Paralyysi, sunt sponte utiles in neæ quædam sanguinis puri ex corpore Paralyfi. emissiones, & inter has omnium creberrime fit narium hæmorrhagia; hoc remedio natura præstat id, quod ars vix audet imitari, nec ullum remedium tam mire mutat corpus in omnibus suis actionibus; nam vasis narium solutis demittitur verus arteriosus sanguinis, cerebro destinatus. Locutus cum RUY SCHIO de horum vasorum distributione, audivi ab ipso, si immitteretur materia ceracea felici successu per Carotides, quod ex ca-vo narium exiret, & hoc experimentum fere semper successit in junioribus: videtur ergo hæc expurgatio potius adscribenda vasorum illorum dilationi, quam veræ rupturæ; illa enim res etiam manifeste appetit in utero & uberibus nimis exhaustis, sæpe sanguinem fundentibus.

Ubi ergo requiritur illa mutatio physica corporis ab evacuatione, in eo casu hæmorrhagiae illæ proficuae sunt; & ex præcedentibus constat, in quanam specie Paralyseos hæ conveniant.

Observantur retenta menstrua mirificam fecisse Paralysin, quæ quandoque topica fuit, quandoque universalis, sed menstruis supervenientibus morbus iterum solvebatur: in puerperis visæ sunt Paralyses a retentis Lochiis, quæ solutis illis curatæ fuerunt. Quid dicam de hæmorrhoidibus? vix est salubrior evacuatio, vix contingens, nisi ubi necessitas est: habemus fotus, vapores, frictiones, balnea, emplastra aromatica, quibus hunc sanguinem possumus elicere, nec his insistere opus est. Ubi causa hujus morbi est particularis, incassum adhibentur remedia, quibus Paralyfis universalis curatur, Si v. g.

nervi ischiatici comprimuntur a tumorc scirroso, in hoc casu nervos velle mutare per ea, quæ omnia turbant, inane est, sed topicum illud malum tollendum erit. Ergo jam dixi de morbis capitum, incipiens a vertigine, quæ omnium reliquorum fundamentum est. Tandem nunc paucis dicam

DE EPILEPSIA.

Epilepsia Græcis etiam scibitur Epilepsis, vel ἐπιλέψια vel ἐπιλέψις: Etymologia. vox, hac ratione usurpata, venit ab ἐπιλέμβων, quod verbum dicitur de militibus vel justitiæ famulis, qui injecta manu subito nec opinantem prehendunt, immobilem reddunt & constringunt; hinc applicatur ad latrones & stratagemata militum assilientium & undeque opprimentium. Latini vocaverunt morbum magnum, vel etiam majorem, uti videri potest apud CELSUM. Dicitur HIPPOCRATI morbus sacer; aliis morbus sonticus, sive quia invadens fontes, coram judicibus apparere coactos, illos excusabat; sive quia iudices, hujusmodi fontes coram tribunali videntes, horrerent; sive quia in hoc morbo aliquid divini ponebant: vocatur etiam a DEO immensus morbus, a solo DEO & solummodo remediis sacratis sanandus: dicebant enim, esse tantum tria remedia, quibus hic morbus potest curari. 1. Abstinencia a quibusdam coloribus, cibis, potibus, motibus &c. 2. Expiatio DEO oblatis sacrificiis. Et 3. incantando carminibus. Disputatum est multum, quare hic morbus etiam vocetur Herculeus: sunt, qui putant, HERCULEM hoc morbo laboravisse; sed illi nullum habent in antiquitate testimonium: ARETÆUS autem bene observavit, omnia illa, quæ magna & excelsa sunt, vocari Herculea. Apud sacros Auctores vocatur morbus lunaticus; & Epileptici apud LUCAM singulare & distincto nomine dicuntur Lunatici. Putaverunt etiam, hunc mor-

morbū immitti a DIANA , quæ hoc nomen habet in terra , sed in cælo Luna , & in inferis HECATE dicitur : observatus enim fuit hic morbus in primo sui initio in primis noctu invadere ; & hodie quoque circa magnas Lunæ mutationes plerumque satis magna hujus morbi violentia & paroxysmorum frequentia notatur ; & quia hic morbus revera est inter tētērīmos , & HECATE in inferis præsidere dicebatur , hinc a veteribus huic Deæ , quasi proles esset inferni & obscuritatis , adscriptus fuit . Latini etiam vocaverunt morbum comitialem ; sive quia in plurimum hominum conventu sæpe accidere solet ; sive quia solverentur convenus , si in comitiis occuparet aliquem , cui jus erat sententiam suam dicendi . Tandem dicitur Morbus Cauducus , quia ægri in paroxismo cadunt .

Describi nunc debet morbus ipse , cui tam mira nomina data sunt ; deprehenditur vero tam multiplex & tam varius in diversis , ut nullus aliis morbus sit tam polymorphus , non tantum ratione sui accessus , sed etiam temporis , intervalli ; modo quo aggreditur , ascendit , desinit ; & licet millies accedat , ægrum post paroxysmum sæpe relinquit adeo sanum , ut nil animadverti possit ; hinc juris periti lege caverunt , ne servus Epilepticus vendatur pro merce bona .

Primo describenda est exquisitissima Epilepsia , quæ in se habet omnia pessima mala simul , aqua , demto hoe vel illo malo , postea habebitur exquisita cognitio reliquarum specierum .

In homine , pessima Epilepsia laborante , incipit morbus sine ullo præmonente signo ; imo dum ægri cum amicis bene disserunt , ita ut , postquam resurgunt , sciant , quid fecerint usque ad tempus paroxysmi , quo durante sciunt nihil ; in eo enim omnes sensus externi abolentur illico , adeo ut in ignem incidentes , & se comburentes , nullum inde sensum habeant : sopiauntur simul omnes sensus

interni ; non dico , illos homines non cogitare , hoc nescio ; sed scio , quod suarum cogitationum nullam habeant memoriam . Omnes affectus , quantumvis violenti , desinunt illico , & omnino : hinc fit ablatio omnium , quæ in homine dicuntur homo . Simul deletur omnis omnino muscularis motus , quatenus nempe a mente præscia dirigitur , ejusque arbitrio subiectus est : hinc merito dixit ARETÆUS , quod miseri hi ægri , si scirent , quomodo se haberent in paroxysmo , vitam fugerent ; sed quia hoc ne sciunt , illud solum facit horrendum hunc morbum tolerabilem .

Adest quoque in hoc morbo profundissimus somnus , uti in Apoplexia , ex quo nullo dolore , imo ne quidem combustionē , possunt excitari . Vidi in muliere , tibiam ad os usque combustam fuisse , nec tamen illa aliquem ejus sensum habuerat . Hic somnus semper est cum roncho , a tremula narium agitacione , & stertore , qui proflatur ex pectore , simili motu agitato ; & quo major morbi gradus est , eo hæc pejora sunt . Hæc dum fiunt , etiam semper adest spuma densa , cuius particulam si duxeris , habet tenacem longitudinem instar filorum , & appetet quasi sebum fusum , mox per frigus coitum : hæc spuma venit semper tantum ad finem paroxysmi , & semper ex gutture , sursumque colligitur ad exteriora , & aerem sibi admistum tenaciter retinet : hæc tanti momenti habetur apud HIPPOCRATEN , ut hanc Epilepsiam insanabilem pronunciet .

Quando hæc facta sunt , æger quandoque moritur ; nam HIPPOCRATES monuit , magnum paroxysmum tantum semel fieri ; & tunc hic morbus , ratione hujus paroxysmi , uti dixit ARETÆUS , referri debet inter acutissimos ; aliter ratione intervalli , inter paroxysmos medii , est morbus chronicus : plerumque vero oritur placidissimus somnus , eoque finito redit integra sanitas , & postea , subito iterum , similis paroxysmus

ingruit. Ergo Epilepsia est abolitio subita omnium functionum animalium, cum augmento motuum vitalium, & motu convulsivo in omnibus muscularis corporis.

In Epilepsia exquisitissima paroxysmus fere semper solet incipere cum quadam vertigine & scintillis obvoltantibus, quarum ægri adhuc sæpe memores sunt; dein cum clamore, cuius tamen non sunt consciæ; estque ille clamor quasi boatus aut mugitus: dum respicis ægros, vides, quod oculi clauduntur, ac si soli eorum musculi adhuc vigilarent; simul tunc appareat in oculo, facie, & circa labia motus convulsivus, sæpe tantum aliquis tremor; fit tunc in plurimis apertura oculorum, & aspectus truculentus & ferox; momento post toti convelluntur: sæpe oculi sunt valde vagi, pinguntque imaginem terroris, & tunc fit lapsus: fiunt etiam anhelitus, suspiria, ingentes cordis palpitationes; pulsus sunt omnimodo varii, fortis, debilis, tardus, celer; nam partes vitales in hoc morbo ita turbantur, ut nonnunquam quasi suffocentur, mox immensa vis vitalis redeat. Fit tunc convulsio multiplex omnium muscularum primo minor, dein ingens; summæ artuum jactationes & miræ distorsiones, sæpe tota vita insanabiles, in primis in infantibus, quorum ossa adhuc tenera sunt: sæpe fiunt spasmi tetanodes, & tunc musculari maxillas moventes omnium pessime laborant; dentium stridor, linguæ morsus; pollicis intra manum contractio tam violenta, ut retroflexio partis contractæ obtineri nequeat. Hoc signum valde peculiare est, & paroxysmi vehementiam indicat. Omnis homo summe iratus, & ad vindictam se parans, manum eodem modo contrahit, ut in pessima Epilepsia. Oritur tuoc fere semper calcitratio, ut in tauris jugulatis: post hæc urina, fæx alvina, & genitura sæpiissime prodeunt; unde paroxysmis sæpe redeuntibus hi miseri sic enervantur, ut penitus tabescant: tunc sequitur apo-

plexia, & ubi hæc aliquamdiu duravit, sensim fit valde lenta evigilatio, cum hebetudine sensuum, rationis, & memoriae, quæ tamen sensim redeunt, ita ut post duos vel tres dies nihil mali superstes appareat; sæpe autem in sensibus externis vel internis vi- tium aliquod remanet: tandem post unum vel plures annos redit paroxysmus similis, & toto intermedio tempore invenitur nihil: unde apparet, quam subtilis lateat causa Epilepsiae, dum sæpe, ipso paroxysmo instanti, nihil in functionibus læsum inveniatur.

Durante paroxysmo fiunt multiplices omnium muscularum & artuum motus & contorsiones mirabiles, adeo differentes ab iis, quas voluntas perficere potest, ut propterea morbum hunc causis majoribus adscriferint; fiunt enim, etiam ab innocentissimo infante, omnes gesticulationes, quæ unquam exercentur a præstigiatoribus; apparent hic omnes corporis flexuræ, & vix est ulla scurrarum ostentatio, vel polymorphia corporis, quæ hic quandoque non occurrat; tantæ sunt contorsiones, ut, in primis in infantibus, ipsos luxent articulos.

Tegumenta capillata capitis, cum frontis tegumento calvo anteriori, motu quodam agitantur, quo attolluntur supercilia, explicatur vel corrugatur frons, movetur corona capillata, mœventur aures; sæpe in hoc morbo capilli quasi horrent, assurgent, & rigescunt: observatur etiam mira superciliorum agitatio; dixitque ARETÆUS, quod illa sæpe contrahantur & deprimantur, uti indignantes solent facere; hinc sæpe creditur, miseris hos ægros irasci; non nunquam reducuntur a se invicem miro, nec imitabili motu; sæpe ita deprimuntur, ut frons ab omnibus rugis expediatur; vel contra convelluntur, ut frons in rugas assurgat. Palpebræ mirabiliter agitantur, & quidem plerumque tremulæ sunt & nictitantes; paulo post convelluntur & clauduntur, sed fere nunquam integre, nam album oculi fere semper

per appareat, & ex hoc signo Epilepsiam veram a ficta distinguere licet. ARETÆUS dicit de oculis, quod lumina introrsum moveantur; solent plerumque in orbem rotari propter successivam muscularum convulsionem; plerumque trahuntur sursum, adeo ut cornea non pateat extra rimas palpebrarum, acsi sollicita natura adhuc curam corneæ haberet; solent etiam esse fixi, adeo ut ægri in unum locum intentos figant oculos; saepe oculi sunt prorsus vagi, & tunc malum non est adeo vehementis; saepe introrsum, & quasi in profundum trahuntur, miro, nec explicabili modo; plerumque tamen solent apparere truces, & extrorsum vertuntur, eorumque musculi, tantam vim passi, saepe nunquam postea ad æquilibrium reduci possunt; hinc infantes Epileptici saepe per totam vitam malum aspectum retinent, & luscitas perpetua inde oritur.

Buccis: mobiles (illa nempe pars faciei sub oculis ad mentum usque, cuius solius contemplatione Pictores omnes animi affectus exprimunt, vario semper in variis gentibus modo) tam horrendis agitantur motibus, ut non sine commiseratione reminiscamur; nunc enim os usque ad aures fere deducitur; nunc facies componitur in risum, aliquando in indignationem; obtinetque hic vicissitudo celerrima, ita ut omnes affectus successive exprimantur, nec fere ullus finis sit: haec in muliere judæa, valde atrabiliaria, tam horrendo fiebant modo, ut spectatores in terrorrem raperentur. Aliquando tota facies quasi retrocedit, omnisque prominens torositas abit, eodem fere modo ut in emaciatis per summam phthisin; labia mirifice saliunt, & quandoque in acutum rostrum contrahuntur; oris sphincter violentissime afficitur, infinitæ in facie videntur rugæ, & innumerabiles distractiones. Nullus hic est finis. ARETÆUS in hac descriptione valde singularis est.

Maxillæ: ita ut extremitas menti pectori affi-

gatur, & collum simul in arcum quasi curvetur; fit tunc summus oris hiatus, saepe tam violentus, ut os postea claudi non possit, nam tunc facta est luxatio maxillæ supra condyliformem processum antrorum; ubi haec in infantibus non fuit restituta, concretio facta est, cuius mira exempla quandoque visa sunt: saepe tam fortis fit utriusque maxillæ compressio, ut nullo instrumento diduci queant; tunc aer in respiratione summo cum stridore per interstitia dentium exit. Nil hic magis horrendum est, quam quod a deducta & rursus contracta maxilla lingua interserta unico quandoque istu integre amputata, & terribilis hemorrhagia secuta fuerit: saepe fit motus manductionis, & simul stridor dentium tam validus, ut fragmenta dentium dissiliant, & tunc etiam linguæ pars postica, & buccæ interiores vulnerentur. Sollet tunc plerumque copiosa & tenuis saliva, a spuma distinctissima, nec aliquid mali præsagiens, expelli, & juxta faciem delabi. Linguae convulsiones fiunt mirabiles; & si tunc simul fit magnus oris hiatus, fere semper prominet & exseritur in incredibilem longitudinem: quando hoc contingit, lingua statim aluta est obtegenda, etiam in infantibus, qui nondum dentes habent, nam per violentiæ saepe fiunt tantæ contusiones, ut in gangrenam abeant; vel præsto debent esse lamellæ, ex subere aut ligno molliori factæ, maxillis interponendæ.

Caput miris modis erigitur, laxatur, rotatur, jactatur in omnem partem; aliquando retrotrahitur in scapulas; & visum est, quod miser æger a tali retroflexione & allisione ad pavimentum mortuus fuerit: nam hi motus sunt tales, ut in sanitatem non possimus imitari per voluntatem, quia musculi in sanitatem nunquam tam fortiter agunt.

Cervicis: Cervix etiam mire movetur; nunc enim stat instar rigidæ columnæ; nunc projecto in pectus mento miris nec imitandis modis curvatur; nunc jacta-

Motu ca-
pitis.

Cervicis:

jactatur retro ; aliquando acromio incumbit ; & hæc horrenda motuum genera successive se invicem sequuntur : quoniam nunc pars postica cervicis non patitur morbos membranæ cellulosaæ , quia fortior est , hinc partes anteriores in hoc morbo tam mirabili modo inflantur .

Artemis, in humeris , brachiis , ulna , digiti & eorum phalangibus fiunt omnes motus extensionis , flexionis , rotationis , supinationis &c. & quia pollex duplo plures musculos habet quam reliqui digiti , ejusque flexores in primis sunt satis fortes , hinc pollex fortissime flebitur , & intra manum contrahitur . Vidi hos homines magna cum vi brachia tollere , & humum percutere tanta cum violentia , ut pugni laederentur ex offensa ; sæpe manubus proprium pectus & abdomen fortissime contundunt , ita ut pessimos morbos his partibus concilient ; hoc vero fit in primis in fœminis .

Femorum , crurum , tarsi , metatarsi , digitorum pedum , eorumque phalangum motus non ita observari possunt , quia caligis teguntur ; tamen & hic miri motus contingunt , nam fabrica phalangum post violentissimas convulsiones penitus mutata visa fuit ; in primis hic fiunt vehementes calcitrations , eodem fere modo ut in jugulatis animalibus ad finem vitæ .

Aliorum & vesicæ , unde ægri in forti paroxysmo fere semper alvum & vesicam exonerant : in ventriculo fiunt sæpe tanti motus , ut ructus sonori , pituita crassissima , & contenta in ventriculo summa cum vi sursum ejiciantur .

Musculi libidinosi , orti a fimbria inferiori & laterali ossis ischii , ita porriguntur super urethram , ut corpora ejus fungosa amplectantur ; hi , dum agunt , semper faciunt priapismum , nam exquisite incumbunt supra ortum venarum , quæ a pene redunt ; & nunquam verum semen demittitur , nisi prius illi musculi egerint : hi musculi in paroxysmo epi-

leptico tendunt priapum inscio ægro , unde semen sæpe tanta copia ejicitur , ut miseri illi inde debilitati penitus langueant .

Sed & musculi vitales afficiuntur : In pulsu nunquam enim actio cordis , pulsus arteriarum explorata , mirabilius inventur perturbata , quam in paroxysmo epileptico : pulsus in initio sæpe celer est & debilis , ut in febrium intermittentium frigore ; tandem plenissimus est & fortissime vibrans , & tunc oritur ultimum Epilepsiae stadium , nempe apoplexia .

Respirationis musculi hic miro modo se habent ; nam in paroxysmo fere semper primo afficiuntur musculi vocales ; & fit quasi mugitus & boatus inconditus ; mox oritur nifus ad summam respirationem , ut in strangulatis ; simul fit sonus , qui editur ab hominibus , quem aliquid summa vi volunt movere . Credo , quod mirum hoc symptoma HIPPOCRATI aliisque Veteribus rationem dedit , ut putaverint , totum hunc morbum esse nixum cerebri ad explodendum aliquid malignum ex cerebro , vel aliquid pituitosum grave ; sed , ut verum fatear , nixus ille non fit nisi in pectoro , adeoque circa musculos respirationi inservientes residet : tandem fit respiratio uti in strangulatis vel jugulatis , quando jam jam sunt morituri ; adest nempe gemitus , suspirium , stertor , & talis sonus , quem nemo sine perturbatione audire potest : expellitur etiam per os & nares crassa & mucosa pituita a pulmonum & narium membranis abrasis .

Dum hæc ita se habent , simul animadvertisit , quod omnes venæ , in corpore conspicuæ , sint inflatissimæ , & quasi plenissimæ : maxime hoc apparet in venis frontis , rani nis , jugularibus , faciei , oculorum , manuum pedumque , ubi nudæ apparent visui : inflantur sæpe eo usque , ut durante vi morbi varicosæ apparet ; hinc partes , quibus hæ venæ inserviunt , rubent , tument , & semper fere livescunt , & tandem ni-

gre-

grecunt, quod summum est signum impediti motus in sanguine venoso: hoc vero non sit in omnibus partibus corporis simul, sed tantum in illis locis, ubi reductio sanguinis venosi impeditur.

Nec illa inflatio venarum potest fieri, nisi sanguis majori copia & impetu ex arteriis in venas effundatur, & difficilis ex iis remittatur: si hoc fiat in omnibus venis, causa impedimenti debet hærente circa locum, ubi omnes venæ aggregantur, id est, circa cor dextrum; illud vero evacuari non potest nisi per arteriam pulmonalem; hinc debet ingens impedimentum esse trajiciendi sanguinis venosi per pulmonem versus cor sinistrum. Quum vero respiratio in his ægris tam mire variat, hinc debet alterne libertas esse, alterne suffocatio; & ubi ægri jam jam videntur suffocandi, subito remittunt omnia, & in tertium statum Epilepsiae incident. Quando nunc adhuc satis sanguinis est in sinu cordis sinistro & venis pulmonalibus, dum in arteriis incipit fieri prima resistentia, pressio magna debet fieri ad cerebrum; fit hoc per insultus & cum vacillatione mutabili, hinc musculi faciei validissime convelluntur, & venæ in facie maxime turgent; illæ vero possunt immaniter distendi, & distensæ pelliculent, unde color apparet cœruleus, qui aucto malo fit plumbeus, & si aggestio facta sit in vasis minimis, tandem omnino niger; hinc circa oculos & sphincterem oris fit circulus lividus, & tandem niger, nam ibi nulli musculi sunt, sed tantum tenerima fabrica membranæ cellulosæ: ergo ille color non debetur Epilepsiae ut causæ, sed est tantum productum convulsionis in musculis, & non viuum, quod hæret in venis, uti putaverunt celeberrimi Practici.

In nonnullis Epilepsiis fit summus tetanus, durans aliquando satis diu, ita ut æger quasi in statuam mutari videatur. In illo tempore momento totum fere corpus livescit, &, si maius diu durat, tandem nigrescit; si

hoc in quibusdam locis magis fiat; corpus fit versicolor; si æger dorso incumbat, loca pressa, quibus incubuit, pallent; in reliquis est nigredo summa: hoc facit tam horrendum aspectum, ut multi causæ suprahumanæ adscribant; in primis si manus tetanodes certis pectoris vel abdominis partibus applicentur, nam tunc figura manuum his partibus perfecte manet impressa; & hinc dictum fuit, diabolum manus suas his partibus applicasse. Scitis, quod musculus contractus pallet, venosum sanguinem expellit, arteriosum lassit; proinde sanguis tuber intra totum corpus habet tanto minus spatii, quo plures musculi contracti sunt; si nunc cutis in tetano epileptico livescit, sanguis non est minutus vel auctus, sed quia locari non potest in musculis, hinc pellitur in membranam cellulosam musculos ambientem, & in ea stagnat: ergo in summa Epilepsia vix ullus humor manet intactus in toto corpore, nec sanguis, nec reliqui humores, qui inde derivantur; imo agitato diaphragmate magnum hepar, bilis &c. etiam agitantur; nec in toto corpore ulla pars solida est, quin etiam afficiatur.

Ex omnibus hucusque dictis clare apparet, omnia, quæ in hoc casu occurunt, referri posse ad hæc duo, nempe sensuum deletionem, & motuum muscularium perturbationem; priori parte hic morbus tam perfecte refert apoplexiā, ut nulla omnino sit differentia; parte vero posteriori differt penitus; nam omnes musculi totius corporis hic afficiuntur, quum in apoplexia vitales manent boni; imo omnes observati effectus in Epilepsia tantummodo pendent a musculis, nam dum hi remittuntur est perfecta apoplexia, & post paroxysmum fere semper pallor cum tumore, in primis in facie, apparet.

Patet ergo, quod omnes musculi, qui hoc tempore contrahuntur, etiam contrahantur tempore sanitatis, adeoque quod eadem causæ hic locum ha-

Differen-
tia motus
muscu-
ris natu-
ralis &

convulsi. habeant : Videamus nunc differentiam, quæ obtinet inter confractiōnem voluntariam & epilepticam. 1. est Violentia. Sanus enim motu musculari arbitrario nunquam poterit luxare vel dislocare suos articulos, quod saepe faciunt Epileptici. 2. Varietas. Vix enim unquam sanus ex arbitrio mentis hæc imitari potest in tegre. 3. Ignorantia, nam in motu voluntario sumus consciī, quod primum dederimus impetum.

Si nunc considereimus, quam multi sint in corpore musculi, distincto principio affixi, distincto fine desinentes, distinctum motum facientes; & revocemus in memoriam, quam varius hic motus sit, apparet facile infinita & mira diversitas hujus morbi.

Hinc patet, vix binos esse Epilepticos, qui eadem patiuntur: constitit tamen, quod omne, quod in muscularis contingit, sit tantum motus & relaxatio; hoc autem fit vel a solo arterioso impetu, vel a solo nervoso impetu, vel ab utroque simul.

Hæc vero pessimæ & exquisitissimæ Epilepsiae species causas habet absconditissimas, licet effectus sint adeo mirabiles & manifesti; & quia hæc species tam propria & naturalis est cerebro, ut nullum indicationem Medico det, (nam nec sedem morbi, nec materiam, nec modum affectionis novimus) hoc etiam in eo pessimum est, quod nullo signo prægresso appareat: videtur hic morbus fere esse idem, acsi ad certum tempus, delibera mente, vellem tendere omnes articulos, nullo excepto; nascitur in me aliquid quasi spirituale, quod ad nutum voluntatis dato tempore se exferit; & possum etiam sedare omnes illos motus sine ullo vestigio relicto.

Hæc exquista Epilepsia, sic orta, saepe impetu unius paroxysmi solitarii mortem intulit; hoc apparent in primis in pueris & puellis tenerioribus; in acutis adultorum morbis saepe subito talis insultus epilepticus necat: sic etiam in mulieribus anno-

sis, prima vice parentibus, & quidem nixu summo, maximaque cum difficultate & resistentia, dum obstatrix non potest opitulari, oritur subito stridor dentium, contorsio omnium artuum, & sic moriuntur, infante adhuc vivo & non excluso. Solent hoc Medici diversis causis adscribere; sed plerumque tales foeminae moriuntur cum facie vultuosa & tumente, oculis rubris sanguine suffusis, & anhelitu summo; & videtur tune ad primam motus originem fieri talis impressio, ut stet ad mortem usque.

Hic morbus etiam creberrimus est in puerperis, magnum fœtum enixis, cum largo sanguinis profluvio; habent illæ tunc insultum convulsivum, in quo suffocantur, & hæc est eadem Epilepsia, quæ in jugulatis animalibus contingit; ratio est, quia omnis sanguis tunc effluit, cerebro manente vacuo; ideo dixit HIPPOCRATES, convulsiones, quæ magnis evacuationibus superveniunt, fere semper lethales sunt.

Hæc species hujus morbi revera debet referri inter morbos acutos, inter quos ideo ab ARETÆO, descripta fuit.

Omnis, qui hac ratione pereunt, moriuntur apoplectici, id est, dum desinente convulsione oritur laxatio omnium partium; unde apparet, quod, antequam hic oriatur apoplexia cerebelli, prius fiat apoplexia cerebri: & liquet ex his omnibus, morbi hujus naturam consistere in exacerbatione intra cranium.

His positis apparet, quod causa excitans possit esse alibi, sed vera causa physica hujus morbi sit in cerebro; sed in cerebro multa sunt, nam ibi invenimus facultatem aliquam sentientem, moventem, & aliquem locum aut commercium, ubi concurrunt ambo; nam examen totius legis corporis humani docet, quod ad illum locum, ubi pertingunt sensus ultimi, sit principium motus arbitrarii. Si aliquid oculum prætervolat, manus se statim opponit sponte, quod

Natura
hujus
morbi
pressius
inquiri-
tur.

quod fecisset ex arbitrio , si prævidisset ; ergo certus locus est , ubi ultimus nervus mutatus facit causam occasionalem sensus ; & locus , unde determinari possunt motus musculo- rum : & hic locus vocatur sensorium commune ; ergo Epilepsia est morbus sensorii communis ; sed quia in ea deletur facultas sentiendi , appareat , quod tota pars sentiens fiat quasi nulla ; & contra , quod pars , ubi determinatio fit ad motus , longe violentius moveatur , quam tempore sanitatis .

Sed ad finem paroxysmi hæc silent iterum , & sit obturatio illius scaturiginis motus , hinc jacent ægri sine ullo motu , sive moriantur , sive a paroxysmo resurgent , & tunc causa mortis videtur longe propior esse , quam ante ; nam si hæc causa perveniat eo usque , ut faciat silere medullam oblongatam , tunc sit mors , nam cerebellum etiam afficitur ; illud enim non dat nervos , sed omnem suam medullam insinuat medullæ oblongatæ ; ergo in ea invenitur medulla cerebri & cerebelli ; & in hac medulla potest deleri omnis functionis medullosoæ cerebri , integra manente parte medullosoa cerebelli ; sed ubi facultas movens & sentiens deletur , causa appropinquat , quæ delet functiones cerebelli . Ergo exquisita Epilepsia tres habet status ; deletionem sensuum , exarcerbationem motuum , & deletionem sensuum & motuum simul ; quod si fiat in nervis vitalibus , mors est . Si nunc finito paroxysmo oritur sanum intervallum , & postea succedit integratio similis mali , tunc vocatur Epilepsia chronica , quæ iterum est vel exquisita , vel mixta ; tunc se habet ut febris intermittens , nec plus sacri inest in Epilepsia , quam in tali febre .

Hæc vero chronica Epilepsia multa habet & varia intervalla . Dantur plurima exempla hominum , qui intra decem annos tantum duos haberunt paroxysmos ; nonnulli habent singulis annis , quod valde frequens est ; vix sunt , qui vertente

anno , verno nempe & autumnali tempore , hoc morbo laborant ; sunt , quibus accidit singulo mense , & in primis ad magnos lunæ motus , quod valde frequens est ; alii habent morbum singulis septimanis vel diebus ; alii multoties intra viginti quatuor horas : hinc oritur magna dubitatio curandi hujus morbi ; nam si quis semel in triennio laboret , quomodo novisti , eum curatum esse , nisi tanto tempore exspectaveris ?

Pleramque hic morbus solet festinare suum decursum , ita ut qui primo quotannis inciderat in paroxysmum , postea omni mense , imo saepius in die eum spatiatur ; & sic incrementum , donec fiat mors .

Ergo hic nihil firmi dici potest , sed omnia pendent a mira dispositione interna ; nam in serenis intervallis nullum signum appetit functionis læsæ .

Sæpe nullum potest observari paroxysmi futuri indicium , sed hoc non valde frequens est ; hinc totum solamen morbi inde dependet , ut videamus , quænam sit causa occasionalis , morbum redintegrans .

Hæc Epilepsia species antiquis Medicis vocatur idiopathica vel protopathica . FERNELIUS vocat Epilepsiam cerebri , & distinguit eam ab Epilepsia viscerum & muscularum .

Debemus jam inquirere in causam hujus mali : scilicet , debet in illo corpore , dum est paroxysmus , necessario adesse causa corporea sive physica , quæ non fuit in eo momento ante : & debet esse causa , quæ facit , ut illud corpus , absente paroxysmo , obnoxium maneat , ut eum postea iterum possit pati .

Dum sit exquisita Epilepsia , habet causam præsentem intra cranium in ipso cerebro , & in illa parte cerebri , ubi est origo actionis sensuum & motuum arbitrariorum : quando nunc hic hæret hæc causa , quæ facit primum impetum Epilepsia , non instigante ulla causa , quæ alibi foret , tunc vocatur idiopathica .

Dum ille morbus sit in suo paroxysmo , tantum habet unam causam pro-

Cause
paroxys-
mi hujus
morbi .

proximam, sive hæreditariam cognitam, vel etiam aliam: illa, dum agit, est eadem, & effectus semper est idem (loquimur de exquisita E. pilepsia) omnes cadunt, artus movent &c.: ergo causa excitans proxima semper est eadem; habet semper eandem sedem: interim, dum hæc causa proxima sic est una, causæ, quæ hanc faciunt prodire in exacerbationem, sunt infinitæ: quia nunc proxima causa semper producit paroxysmum, hinc causa proxima semper non adeat, nisi ubi Epilepsia primo suo paroxysmo lethalis est.

Illa vero cœla interna, quæ hæret in corpore epileptico, potest dici constantissima; quamvis enim sæpe sit sine ullo effectu physisco, tamen hoc facit, ut homo, accedente alia causa, sit epilepticus, quæ alia causa nihil fecisset in homine alio: hanc epilepticam diathesin vocamus proegumenam; & hæc distinguit Epilepsiam ab omnibus aliis morbis.

Hæc diathesis proegumena Epilepsie veræ, licet sit pessima, potest esse in homine, nec tamen nocere ulli functioni corporis cognitæ.

Causæ excitantes distinctæ sunt a diathesi proegumena; hæc enim diathesis est sine ullo effectu; causa excitans facit effectum, sed non sola, verum accedens ad illud latens: ergo hæc diathesis proegumena, compescendo causas excitantes, potest ferri per totam vitam ad mortem usque: equidem dubito, an non omnes homines obnoxii sint huic morbo; sed firmitas cerebri impediet, quo minus in actum ducatur.

Etenim latentissima illa & cæterum nunquam nocens dispositio potest esse in corpore, & non apparere. Veteres sapientes dixerunt, coitum esse secessum mentis, & veram Epilepsiam.

Hæc diathesis epileptica non apparet potest ferri ad mortem usque; nam ab avo in nepotem transit, non laborante filio, in quo videtur diathesis eadem fuisse, sed per firmitatem cerebri suppressa.

Ergo causæ excitantes cognitu-

que necessariæ sunt quam proegumentæ.

Quæritur nunc, quid mutationis physicæ intra cranium fuerit deprehensum, ut pro causa mirifici hujus morbi haberri possit? Hæc causa est duplex; una, quæ præsentem paroxysmum jam producit, dum paroxysmus fit; altera est illa, quæ, dum pacatum est intervallum, facit illam diathesin ad regenerationem paroxysmi: nonnumquam inventum fuit nihil omnino, quod sensibus perceptum encephalon epileptici mortui poterat distinguere ab alio; aliquando in quibusdam partibus visum est aliquid contra leges naturæ consuetas; & quando hoc sæpe eodem modo sic fuit deprehensum, Medici jure quodam arguebant, hanc esse causam Epilepsie. Inter scriptores nullus forte in cadaveribus plura cerebra inspexit quam WILLISIUS, qui hoc opus cum LOWERO excolebat: illi fatentur, quod Epilepticorum pessime affectorum post mortem dissecta cerebra sæpe nullam conspicuam causam exhibuerint; unde WILLISIUS fere generaliter colligebat, Epilepsiam idiopathicam esse tantum naturalem cerebri functionem deletam, quoad sensus, uti in somno naturali, manente tamen explosione spirituum quoad motum, sed majori quam in sanitate: invenit tamen etiam talia Epilepticorum cerebra, in quibus causa mali erat manifestissima. HIPPOCRATES dicit, quod Epilepticæ oves dissectæ post mortem demonstraverint, cava cerebri repleta fuisse muco & pituita, & oluisse tetricime. WILLISIUS dicit, se deprehendisse omnes causas præternaturales, quibus adscripta fuit Epilepsia, adfuisse sine ea; hinc sub his cautelis sequentia consideranda sunt.

Epilepsia exquisitissima, quæ nullum corporeum vestigium relinquit, & a sola diathesi cerebri pendet, ab omni ævo insanabilis habita fuit: hæc vero inventa est contigisse per labem hæreditariam: Epileptici parentes, vel sola mater, vel pa-
ter,

Epilepsia
hæredita-
ria.

ter, gignunt prolem, in qua similis propagatur Epilepsia, ita ut saepe annus contagiosus respondeat labi gentilitiae. Vitium hoc saepe ad eo seminale est, ut soplum manens in filio vel filia redeat in nepotibus vel neptibus, ex illibatis filio vel filia genitis, & tunc resuscitata est causa, quae in filio vel filia non poterat excitari; aliquando haec malitia visa sunt ex ipsis Majoribus: videtur hoc fieri eadem fere ratione, ac similitudo corporis parentibus respondet.

Congenitæ. Altera Epilepsia est congenita, quæ incipit ab utero, & durat ad mortem usque: haec fit, si mater gravida animo turbatur maxime, in primis si Epilepticum cadentem videat: si nunc mater perterrita commercio mirabili affectum hunc impertit foeti, in utero contento, ille in utero matris jam convellitur, & dein tota vita convolutionibus laborat; nam haec Epilepsiae species est incurabilis, quicquid dixerit HELMONTIUS.

A carie cranii. Tertia fit a carie cranii, omnium maxime in diploë nata; nam putre scens ibi materies lamellas a se invicem distendit, quæ remotæ mutant capacitem cranii: præterea materies putrida ibi erodit teneras fibras, & nata hinc irritatio saepe fecit Epilepsiam. Homo triginta annorum laborabat diu pertinaci cephalæa; incidit in Epilepsiam violentissimam; definit insultus; manet Cephalæa; insultus secundus erat violentior, & necabat ægrum; aperitur cranium; invenitur ad torcular HEROPHILI, ubi cerebrum non est valde remotum a cerebello, locus denarium æquans, cariosus, foetidus, putris; præterea in toto capite erat nil mali. FERNELIUS est in ea opinione, quod Epilepsia non oriatur ab inertí pituitoso, sed singulari quodam venenato: dicit, quod mulier epileptica facta per odorem Moschi, ab insultu suo curatur per nidorem Asæ foetidæ vel Castorei: hinc tantum requiritur vapor afficiens nervos, ut fiat totum hoc malum; nam dicit, quod inven-

tus fuerit fomes hærere circa cranium, qui vapore suo putrido excitavit Epilepsiam; dicit etiam ARETÆUS, Epilepsiam in diathesi hærentem, dum penitus latebat, saepe solo odore lapidis Gagatis incensi, candelæ extinctæ, plumarum ambustarum &c. redditam fuisse actuosam: & dicit FERNELIUS, fuisse casus, in quibus inustio cranii usque ad diploen sanaverit Epilepsiam. Sartor laborabat lue venerea; curatur per Mercurium; dein fit epilepticus; tandem moritur; aperitur cranium, & invenitur pars postica calvariae tota cariosa.

Quarta fit ab omnibus cranii vi-
tiis, quæ ejus figuram mutant, uti
sunt ulcera venerea, exostosis, cranii
ossei crassitudo nimia, spinæ enatæ,
cranii intropressi inæqualis superficies,
quod in mobilibus infantum capitibus
in primis obtinet: huc etiam refer-
tur, dum post cranii fracturas, in
juniori ætate factas, illa pars, cicat-
rizata quasi, in cranio non potest ita
crescere & extendi. Pleni sunt Obser-
vatorum libri exemplis, quæ haec o-
mnia confirmant. V. BARTHOLINI
Anat. Lib. IV. cap. 5. ubi dicit, se in
tribus epilepticis pueris Neapoli vi-
disse, quod futuræ capitum, præsertim
coronalis, a figura naturali deviave-
rint, adeo ut quasi clivo exaltatæ e-
minuerint. BONETUS citat GUARINO-
NIUM, qui observavit, quod multi
laboraverint & mortui fuerint Epilep-
sia, & quod gummata venerea dede-
rint causam mali. LE DUC dicit in
observationibus, quæ leguntur in Zo-
diaco Medico gallico, apparuisse saepe
& evidentissime in Epilepsia incurabi-
li, totum vitium pependisse a mala
fabrica ossium cranii; cranium fuisse
justo capacius, crassius, ex uno osse
concretum futuris abolitis.

Inventum fuit in mortuis Epilepti-
cis, os introrsum excretum instar cor-
nu pressisse partes, & produxisse Epi-
lepsiam idiopathicam. Eques vegetus,
equo excussus, labitur, allidit cra-
nium, fit aphonus, restituitur; sex
post casum elapsis annis fit epilepticus;
tan-

tandem moritur; capite aperto inventur os cranii internum excreuisse, & se insinuasse inter fibras processus falciformis. Fortis mulier summo nixu per angusta naturalia enititur infantem, qui dein moritur epilepticus; in cadavere invenitur nihil, nisi quod allatum infantis caput induisset alienam formam. Huc refertur vitium obstetricium, quae saepe infantem jam pariendum, & stantem inter angustias ossium pubis & coccygis, & conniventias ossium Ischii, educunt, tumque caput movent, premunt, trahunt, torquent, & hoc modo non tantum Epilepsia mox futuræ, sed per totam vitam duraturæ, faciunt prædispositionem insanabilem. Huc refertur cranii deductio per ligaturam externam: saepe enim natus infans, & in cunis repositus, sine manifesta causa impugnatur insultibus epilepticis; ratio est, quia frontis ossa circumducuntur lacinia linteal: ossa enim frontis ut plurimum hiant; si vero haec ossa per linteum contrahuntur, arctatur cranium: quando tunc simul capitella imponuntur, & fortiter attrahuntur, bregmatis ossa colligantur & comprimuntur; hinc turbatur totum cerebrum, quod molle est, & habet vasa æquabiliter distenta; sic turbatur tota œconomia, formatio capitis fit mala, & inde fatuitas.

Huc refertur intropressio cranii. V. *Miscellanea curiosa*. *Decur. I. Ann. 4. Observat. 35.* Viri cujusdam magni nominis siliolus septimestris dum nutrici de nocte ad lactandum traderetur, somno, si non vino, obrutæ; postquam denuo puellum incunas reponeret, cecidit supra eorum quandam prominentiam, unde post quatuordecim dies correptus Epilepsia, ad plures abiit. Ut ignota, & a perversis mulieribus suppressa, innotesceret causa, dissettum fuit caput, in quo paulo supra tempus sinistrum inferior cranii lamina seu tabula in tumorem notabilem elevata versus cerebrum, superiori omnino illæsa, videbatur: unde facta eo loci

membranarum compressione; humorum affluxu, & notabili cerebri corruptela, epilepticus exspiravit. BALLONIUS refert simile exemplum. Juvenis nobilis, sanus, nono ætatis anno, cedit, allidit cranium, & frangit circa suturam sagittalem; sanatur, quantum apparebat; sed ubi fractura cranii erat, ibi os erat quasi cicatrizatum; crescebant reliqua ossa, sed cicatrix ossa manebat æque magna, nec expandebatur; fiebat Epilepsia, quæ cum summis vertiginibus manebat usque ad mortem, idque tantum ex mala cranii conformatione.

Huc refertur humor intra cranium & duram matrem. FERNELIUS ^{Ab hu-} _{moribus effusis.} invenit duram matrem recessisse a cranio, & locum medium plenum i-chore putrido. Juvenis, diu in carcere detentus, Epilepsia correptus erat cum aliis symptomatibus; diu enim laetitius decubuerat, perpetuo stupore afflictus. Secto capite pustulæ supra duram menyngem apparuerunt, erosa ipsa, & cerebro per foramina eminente pluribus in locis. V. BONETI *Sepulchr. Tom. I. pag. 274.* Visus est Epilepticus mortuus, & nulla alia causa inveniebatur, nisi quod dura mater accreverat piæ matri. Homo post diuturnum morbum Epilepsia afficitur; remittebat subinde & redibat; ingeminabatur quotidie horrendus insultus, & tandem æger moriebatur apoplecticus. RAVIUS, me præsente, aperuit caput; invenitur cerebrum sanissimum, sed ad processum falciformem inter medullam utriusque lobi cerebri hærebant spinæ ossæ, incretae ipsi medullari substantiæ. V. BONETI *Sepulchret. Tom. I. pag. 283.*, ubi apparet, quod homini cuidam in ipsa cerebri substantia gladioli impacti frustulum, reliquo curato vulnere, perpetuo sine detrimento hæserit, nisi quod comitali morbo frequentius convelleretur.

Huc refertur copiosum serum, cranium totum internum, inprimis posticum, replens & inundans, ita ut meninges

ges utræque, earum processus, ipsumque cerebrum, macerentur, consumantur, & tenuissima reddantur. V. Piso de morbis a colluvie serosa pag. 150. 159. BALLONIUS hanc rem confirmat, & dicit, quod in homine, diu conflictato cum Epilepsia, & tandem mortuo, caput inventum fuerit quasi inundatum, omnibus nervis turgidis, solis vero opticis compressis.

Multi Epileptici mortui & inspeeti exhibuerunt nullam aliam causam, in toto corpore spectabilem, nisi quod ventriculi cerebri, interstitia inter duram & piam matrem, omniaque in cerebro ad spinalem medullam usque fuerint inundata. Vid. BONETI Sepulchret. Tom. I. pag. 276., ubi narrat, quod apertum fuerit cranium Epileptici mortui, & quod cerebrum ejus in ipsa substantia repertum fuerit adeo humidum, ut, dum descindebatur cortex, aqua undique quasi ex spongia exsiliuerit; ergo talis colluvies hæsit in ipsa cerebri substantia. RIVERIUS deprehendit in alio, quod in intercapidine membranarum inventa fuerit aqua biliosa, crassa & fœtida, & quod hæc fuerit crebra Epilepsia causa. H. SAXONIA narrat de moniali, quæ retentionem urinæ passa incidebat in Epilepsiam, & post biduum moriebatur. Videlis hic, quod humor acerrimus & tenuis ortum dederit Epilepsia; & simul patet, quare illi, qui vera Ischuria laborant, semper ante mortem aliquid Epileptici patientur. HIPPOCRATIS saburrā mucosam & frigidam habuit profola & unica causa Epilepsia; dixitque, paroxysmos fieri a conatu naturæ, expulsuræ hanc materiam; eoque desinere, quando caput ita calfactum fuerit, ut hæc materies sit expressa; hinc homines biliosos & calidos nunquam fieri Epilepticos.

*Ab ab-
scissu in natus.* Videantur observationum scriptores, qui notaverunt, magna copia boni puris per oculos, nares, aures, educta liberatos fuisse ægros:

Tomo II.

invenerunt totum cerebrum tabefatum in putrifaginem: deprehensi sunt etiam tumores quivis ossei, steatomatosi, pinguedinosi; sinuum obstrunctiones, ossescientiae, polypi; Mercurius imprudenter corpori applicatus, in diploe hærens &c. Videamus exempla, quæ hæc confirmant. Vedit JOANNES BAUHINUS, quod homo, diurna Epilepsia contractus, inciso capite exhibuerit verum abscessum suppuratum subtantiae corticalis cerebri, in cujus corpore præterea omnia inculpata erant. SEMETIUS narrat in Miscellaneis Medicis, se vidisse vulnus, penetrans per calvariam, pertusisse meninges, & penetrasse in cerebrum: æger supervixit, sed affectus Epilepsia tandem moriebatur; capite aperto deprehendebatur, quod locus Iesus continuerit uncias tres veri puris. H. SAXONIA dicit, homini a læso capite supervenisse Epilepsiam; quum morbus duravisset aliquantulum, exivit subito per oculos, nares & aures ingens copia cocti puris, & tunc æger liberatus fuit ab Epilepsia. Memorat BONETUS Sepulchret. Tom. I. pag. 283. quod verus cerebri sphacelus saepe numero fecerit Epilepsiam. Sphacelus cerebri vocatur ab HIPPOTRATE tanta ejus corruptio, ut functionibus obeundis ineptum sit. Talem corruptionem se quoque vidisse testantur SALMUTHUS & GLANDORPIUS. HOPMANNUS memorat, puellam cecidisse in pavimentum, allisisse cranium, postea factam fuisse Epilepticam; apparuisse tumorem in extero crano; tandem mortua est, & inventa fuit fissura ossis cranii cum humore quodam ad interiora pergente. Visum fuit, Epilepticum hominem mortuum dissecatum exhibuisse manifeste ingentem polypum in sinus falciformi venoso cerebri, qui sanguinem nec locare, nec transmittere poterat. BORELLUS narrat, adiposa frusta, instar sebi candelarum, in hoc caovo hærentia, causam hujus morbi fuisse.

Cognitum est, duram matrem,

M

ubi

ubi format cava pro sinibus, s^epe degenerasse in cartilaginem vel os, & hinc excitatam fuisse Epilepsiam. Ergo hujus morbi causa potest haerere in inaequabili saⁿguinis venosi subd^ectione ex cerebro. FERNELIUS dicit, post curatam luem venereum s^epe mansisse Epilepsiam, sed tunc Mercurium imprudenti copia fuisse adhibitum; additque se vidisse quod Mercurius haeserit intra diploen, imo effusus fuerit intra cranium. Hoc confirmat observatio RUY SCHIR de meretrice, cujus caput a Mercurio effuso tumebat, & quae multis convulsionibus fuit obnoxia. Epilepsia etiam nata fuit a Phrenitide, & a vi externa, nam pugnus, ab irato ossi temporum impactus, effecit, ut mox ceciderit Epilepticus.

A causa non vniuersali. BAILLONIUS dicit, se nescire, quare in morbis cerebri nulla diligentia potuerit indagare causam, quam accusabat; hinc postea nil audebat dicere. Sic terror ingens, homini ab Epilepsia remotissimo superveniens, fecit eum huic morbo obnoxium, ita ut nec venælectioⁿi, nec purgationi, nec salivationi, nec aliis remediis auscultet: hinc HELMONTIUS, qui aliter jactat, se hunc morbum posse curare, fateatur, se non posse curare Epilepsiam, a terrore ortam. Nusquam hoc magis apparet, quam in pueris, qui semel territi Epileptici fiunt, & tales s^epe manent ad mortem usque. Sic visum est, quod puer, non ita diu natus, per clangorem tubarum excitatus, siebat & manebat Epilepticus. Puerpera audit subito sonum campanarum; Epileptica convellitur; durante sono novum insultum patitur; silentibus campanis tremuit ad subito renatum sonum; post tres dies reddit iterum hic sonus; reddit etiam insultus epilepticus & moritur. Auctor Naturæ omnes causas, auditum augentes, abstulit infantibus; & idem hoc de visu verum est; hinc monuit nos, ne sensus subito excitentur in infantibus; sed aliter visum est. Prin-

cipibus, qui clangoribus, tubis, tormentorum explosionibus &c. fatigant recens natos, unde multa mala fiunt.

Nuncius lugubris fecit etiam s^epe numero Epilepsiam. Omnia terribilia spectacula spectatores imbecilles, & tenerioris sensibiliorisque constitutionis, concepto horrore & terrore, in similes motus perversos conjiciunt. Hoc observatum est in virgine virginis sex annorum, teneroris & sensibilius naturæ, spasmodicis affectibus obnoxiae, quæ ex fenestra proficiens, ex improviso vetulam, horrenda Epilepsia correptam, in platea conspexit, unde concepto horrore statim in Epilepsiam, per dimidiam horam durantem, miserandumque in modum torquentem, incidit, quæ singulis diebus eadem hora pari s^evitate rediit. V. Ephemerid. Natur. Curios. Ann. 1730. pag. 302. Contigit, infantem tempore, quo solet festum trium regum celebrari, larvatum esse; forte auferitur illi larva, statim fit Epilepticus, & ita manet; omnia tentabantur remedia, profuit nihil; tandem apoplecticus mortuus est: nullum hic est vitium in solidis vel fluidis, sed tantum terror, & homo ille sic vixit ad trigesimum sextum ætatis annum. Puella octo annorum perterritur a larvato homine, & ab eo virga ceditur; fit Epileptica. Adulta mulier, ingressura domum, perfunditur fistula aqua plena; illa penitus perterrita fit Epileptica; reddit paroxysmus ter vel quarter de die, & per decem annos sic affecta fuit, donec moriebatur. Infinita alia exempla apud Observatores legi possunt.

Ergo causæ hujus morbi sunt tam subtile & tenues, ut non detegantur nisi per suos effectus, eodem modo ut impossibile est videre causam, qua homo potest efficere milenos motus arbitrarios.

Hinc discimus, hominem ita conditem esse, ut possit infinitos motus & motuum formas excitare, abolere, mutare, solo suæ voluntatis nutu;

inten-

interim tamen hanc accepisse infelicitatem, ut illud, per quod tam felix est, obnoxium sit tantis calamitatibus, ita ut hoc instrumentum, quasi luxatum a causa externa, tota vita hos motus, s^ep^e adeo miros, faciat sine mente conscientia.

Ergo per omnes illas praedictas causas illud corporeum sic mutari potest, ut fiat terribilis ille morbus. Vide **HOLLERIUM**, **DURETUM**, **JACOTIUM**, *Miscellanea curiosa*, *Ephemerides Naturae curiosorum &c.*; & patebit, quod ultimae, hæ species sanentur nunquam, nisi forte uno vel altero casu excepto.

Hæc vocatur idea epileptica **HELMONTIO**, qui illam partem animæ, quæ erudit per sensus, vocavit aistheticam: hæc pars potest sine conscientia, & tamen potest esse illi imponi latens quedam idea, quæ potest excitari. V. g. in homine quieto, sedente, nihil apparet facultatis motricis; sed ipsi, non cogitanti, forte ad faciem applicatur ferrum calidum; illico fient illi motus, quos ille homo fecisset, si vidisset ferrum calidum; tunc suisset impressa idea cum conscientia sensationis in parte; illa autem nunc sit sine conscientia, & tunc **HELMONTIO** dicitur in semine ideali hærere; qui tantum voluit, quod tales facultates in mente sint, quæ a causis externis possunt excitari.

An hoc non perfecte idem est, quod fit in hominibus læsa imaginatione laborantibus, & ad unum tantum objectum delirantibus? Certe hæc mala pro luxationibus quibusdam cerebri haberi possunt. Sequitur nunc enumeratio causarum hoc malum excitantium.

Causæ excitan- 1. Omnis Epilepsia, a quacunque causa nata, excitatur per animi affectus, ita ut hic morbus recrudescat, quoties serena animi pax per affectus turbatur; & hoc imprimis fit per illos, qui ingenio suo similes sunt illis perturbationibus, a quibus olim hoc malum fuit natum. V. g. infans ob metum latrantis & affilientis ca-

nis, factus fuit Epilepticus; vix unquam postea videbit latrantem canem, quin incidet in paroxysmum: hæc causa s^ep^e adeo parva est & latens, ut incredibile fere videatur, & hinc nata fuerit opinio de insultu dæmoniaco. Nil ergo pejus est, quam quod teneris infantibus terror incutiat a custodibus. Terrores ab imaginatione forti in primis hunc affectum producunt. Novi puerum, qui ab ancillis torquebatur imaginibus malorum hominum, unde, quoties respiceret ad parietem, cadebat Epilepticus. Possumus hoc utcunque intelligere, si consideremus, quod literarum notulæ, nihil commune habentes cum rebus, faciant cogitari rem eandem. Idem etiam in aliis casibus fieri videmus. Coactus quis quotidie purgans nauseosum assumere, viso postea poculo nauseat; imo purgatur: tam parum requiritur, ut fiant tanti motus. Sic etiam ira summa multoties produxit Epilepsiam. Metus summus & cura summa cum sollicitudine maxima, noctes diesque sustentata, in primis in debilibus, eos proclives reddit ad somnia terrifica. Epilepsia inde natæ primo tantum invadunt in somno. Vidi, ubi hoc duravit per annos, nullo paroxysmo interdiu hominem compellante. Hæc Epilepsia difficillime sunt curabiles, & ut plurimum tandem lethales. Tales ægri plerumque narrant, se vel de puto, in quo labuntur, vel de atra quadam imagine somniasse; illique se matutino tempore semper sentiunt defatigatos. Gaudia summa homines, diathesi epileptica laborantes, etiam projiciunt in hoc malum.

Huc referuntur omnia, quæ sensorium commune valide afficiunt, uti sunt meditatio profunda rei cuiusdam abstractæ; imaginatio fixa & intentissima ad recolligendam memoriam; intentus rerum celerrimo gyro motorum intuitus, quod etiam confirmavit **ARETAEUS**; veteris cultura ad summum usque producta. Novi Epilepticos, diu immanem pollutionem nocturnam passos, incidisse in pare-

Valida
sensorii
commu-
nis affec-
tio.

xyfsum: illi tamen in pruritum venereum sunt valde proclives, sive hoc contingat ex propria diathesi, sive humores eorum nimis acres fiant. Huc refertur temulentia, quae fere refert Epilepsiam; tamen hi ægri potus generosos amant; nec mirum, quia post paroxysmum se semper sentiunt laxos, frigidos & vacillantes. Huc etiam pertinet luxus epularum; hinc illi homines, ad convivia ceremonia- lia invitati, saepe totum consortium suo paroxysmo turbant.

Huc refertur plethora, sanitatis pe-

^{Pletho.} dissequa; hinc Epileptici, simulac redierunt vires, suum paroxysmum patiuntur. Haec dispositio omnibus hominibus ad certos lunæ aspectus est propria, quod Statica SANCTORII confirmat, unde Epileptici his temporibus frequenter in suum paroxysmum incident. Menstrua & lochia foeminiis retenta, vel lac subito repulsum, idem efficiunt. Effectus hujus plenioræ est rarefactio, quæ semper fit a motu & calore, & nunquam magis quam primo vere; hinc Epilepsia in primis tempore verno fiunt; calor tunc reddit ossibus, & inspiratur corporibus vis quedam nova, quæ aliis causis non potest adscribi; hinc factum est, quod lunæ & solis cursus putati fuerint regere Epilepticos.

^{Nidores.} Nidores varii, qui commovent nervos, huc etiam faciunt. Epileptici, quando veniunt in locum, ubi plurimorum hominum effluvia concurrent, v. g. in templis, raro immunes manent: hinc olim explorabant, an quis Epilepsia laboraret, lapide Gagate combusto. RONDELETIUS memorat, fuisse quendam hominem, cui reduplicabatur paroxysmus hujus morbi, quoties feriretur frigido aere ad aures; re comperta, dum circumspicit, & aures bombace claudit, nil sentiebat mali; auribus vero apertis, malum iterum redibat.

^{Imprægnatio.} Imprægnatio etiam excitat hoc malum; imo causas fuerunt, ubi dubitatio de imprægnatione solvebatur accessione hujus morbi. Partus nonnulli

lis mulieribus, in quibus nullum signum latentis hujus morbi fuerat observatum, nunquam contingebat sine Epilepsia in ultimo nixu, & illæ tunc semper pariebant sine ullo sensu. Partus difficilis huc etiam spectat: multæ mulieres nuptæ, dum jam annosæ erant, in summis primi partus nixibus Epilepsia afficiuntur; & haec fere semper cum foetu suo moriuntur, nisi promptus Embryulcus infans tem educat. His accedit ultimo mira affectio virorum & foeminarum, qui in ipsa actione copulæ Epileptici fiunt.

Huc referuntur omnes magnæ corporis mutationes per evacuationes insignes. Multi sunt, quibus, dum sanguis fluit ex incisa vena, Epilepsia evenit. Haec etiam fit ab omnibus causis, quæ ventriculum vel intestina irritant, & præcipue a vermis; & tunc tempore inediæ maxime ingruit cum diro saepe ejulatu, qui termina abdominalie testatur.

Fictam Epilepsiam a vera distinguiamus, quod ægri oculos nunquam claudant integre, sed album oculi appareat.

Cauti debemus esse, saepe enim simulatur Epilepsia, quod visum fuit in juvene nobilissimo, sed pessimæ indolis. Hujus paroxysmus sine ulla norma vel regula redibat, semper præsentibus hominibus: jussit Medicus Chirurgo adstanti, ut ferrum candens pollici pedis admoveret; quo facto juvenis statim exsiliit; & cum juberetur, hoc singulo paroxysmo debere fieri, non rediit morbus.

Tales Epilepsia virgarum minis in paroxysmis repetitis sanatae fuerunt; sic intentato ferro candenti olim snavi integrum Orphanotrophium Harleense; hinc si dubitamus, per puncturam aciculæ, vel vellicationem unguium, exploratio potest fieri.

Epilepsia deuterophatica stomachica cognoscitur præcedente dolore ventriculi diuturno, distensione, repletionis sensu; flatulentia, difficultate tolerantia inediæ; hinc dum forte jejunant Epileptici, paroxysmos suos habent,

Evacuationes.

Diagnos.

habent ; sive hoc fiat a lumbricis , sive a bile in vacuum ventriculum adiudicente ; noscitur etiam praecedenti nausea & animi deliquio , ingentique vomitu bilis vel pituitæ ante paroxysmum : pergræcatio temulenta in non assuetis saepe prima vice excitat Epilepsiam . Venus nimis exercitata secum fert insultum epilepticum ; nec tunc semper constat , effet idiopathicum : nam post ardentissimas veneris exercitationes oritur languor circa ventriculum & ingrata imbecillitas : si dein subsequatur Epilepsia , debes prospicere nervis stomachicis , nisi aliunde constet , esse idiopathicam .

Prognosis. Si mens post paroxysmum illico constat , spes est optima , & curatio fere semper succedit : si maneant hebetudines , vertigines , gravitates , casus longe pejor est .

Sæpe æque difficile est tollere Epilepsiam idiopathicam , quam tollere in homine sano facultatem excitandi motus arbitrarios ; hinc hæreditaria , congenita , & a summo terrore nata , ab omni ævo habita fuit insanabilis . HELMONTIUS submersionem sub aquis ad mortem fere usque in hoc casu commendavit ; & fuit revera unum vel alterum exemplum , hunc morbum per submersionem vel terrorem summum sanatum fuisse ; sic enim destruebatur hæc idea epileptica dicta HELMONTII .

Epilepsia hæreditaria , congenita , vel nata a mala forma cranii , vel male affectis menyngeibus , vel male figurato cerebro , similiq[ue] causa non emendabili , vel humore corrupto , fomitem fixum faciente in loco , unde dimoveri non potest , insanabilis est . Epilepsia nata a mero vitio sensorii communis nunquam curatur radicaliter ; id est , nunquam diathesis illa prædisponens tolli potest , nisi forte detegi possit , quænam illa sit ; & cognosci , illam esse extirpabilem : sed qui non confidunt jaætationibus , non facile ostendent methodum , per quam talis diathesis tollitur ; nullum remedium , quod hoc potest fa-

Tom. II.

cere , constanti effectu hactenus fuit deprehensum ; nullus Auctor , nec ulla Medicorum secta , talia protulit . HIPPOCRATES multum insudavit intelligendo & curando huic morbo ; utebatur suo Helleboro albo , cuius dandi methodum tam bene noverat ; dixit tamen *in suis Aphorismis* : nisi ætas , & magna genitare tempora in utroque sexu morbum sustulerint , ad mortem usque manet . GALENUS & Arabes consentiunt . Nonnulli Chemici præscripsiæ pauca universalia ; in quibusdam tamen casibus morbum incurabilem pronunciant .

Recens natis Epilepsia idiopathica creberrima est , & omnibus fere contingit : excitatur in his a causa levissima , sed iterum abit , tota vita non redeuns : hoc videtur imputandum esse magnitudini cerebri & nervorum supra reliquas partes . Epilepsia inde orta solet fere abesse ante octavum mensem ; sed circa septimum vel octavum mensem ab irritatione gingivarum adhuc suscitatur illa diathesis , tempore dentitionis , in primis quando dentes canini egredientur . Postea ante eruptionem Variolarum confluentium infantes saepe habent convulsionem Epilepticam .

Quo magis morbus apparuerit ante septimum mensem , eo pejor est : si oritur tempore dentitionis , est omnium levissimus .

Epilepsia juvencolorum post septimum vel octavum annum solet fere semper curari sola ætate ; in masculis , simulac semen nascitur ; in foeminae , dum incipiunt fluere menstrua ; & magnus HIPPOCRATES hinc tantum sperabat curationem .

Si Epilepsia , juniores occupans , tempus pubertatis superat , tota vita manet . HIPPOCRATES *Secl. V. Aphor. 7.* Silet saepe Epilepsia ad pubertatis tempus ; sed post pubertatem oritur , & durat ad mortem usque ; & quando in seminali contagio hæret , semine facto quasi insurgit : si post lethargum manet imbecillitas , & perit memoria , superveniens Epilepsia statim lethalis est .

M 3

Fluen-

Fluentibus menstruis concepti homines insanabiles fiunt Epileptici, testantibus HOLLERIO & Arabibus. Instantibus menstruis concepti, & firmitate uteri retenti scetus, etiam dicuntur fieri Epileptici.

Difficillime curantur Epilepsiae, quæ magna relinquunt intervalla; illæ etiam, quæ fiunt post trigesimum annum. Ubi intervalla longa sunt, difficulter scitur, an mutata fuerit diathesis; quia paroxysmus saepe per annos silet, & omnes Epilepsiae, qualuscunque & quam saevæ, si essent sine paroxysmo, idem esset, ac si non adessent. Novi nobilem matronam, quæ bis in anno Epilepsiam dirissimam patiebatur; quando passa erat horrendos paroxysmos, per aliquot menses erat sana, vegeta & hilaris; renata tempestate iterum patiebatur paroxysmum: illa cæterum bene concipiebat, pariebat, nec unquam patiebatur abortum. Quotiescunque ergo fieri potest, ut causæ excitantes bene obseruantur, tunc harum causarum cognitio prophylaxin docet. Plerumque illæ causæ non sunt improvisæ, sed quædam præmittunt signa: restat ergo Medico, ut observet, quomodo natura agat in his corporibus tempore serenæ pacis; deinde quid agat, quando tranquillitas illi incipit turbari; hinc notandi sunt effectus ex paroxysmis, & actio causarum ante eos, & in iis. Agite! hæc excutiamus.

Dum exacerbationes fiunt, cerebrum solum nobis videtur pati; omnies ejus facultates perturbantur & delentur, & disponitur, ut respergantur. Ita actionum fiat nullum; id est, imprimis cerebro dispositio, unde potest sequi apoplexia vel mors. Quando nunc hoc toties factum est, manet in cerebro diathesis, quæ per seos effectus dignoscitur: & primo quidem stupor; id est, illi ægri, qui cerebros habuerunt paroxysmos, ea, quæ contingunt, manus sentiunt, quam humanitas requirit: dein vertigo, quod ARETÆUS etiam confirmat; & ego novi Epilepticum, qui

dicebat, se perpetuo vivere quasi in terræ motu, adeo ut nullum esset stabilimentum: porro gravitas capitis, sic ut illud vix possint tenere erectum: dolores capitis immanes ad mortem usque: in multis cæcitas perfecta. V. Ephemer. Natur. curios. anni 1712. pag. 264., ubi narratur exemplum hominis, qui ab Epileptico insultu amaurosin patiebatur: sequitur memorie labilitas, postea deliria, & omnia maxime deploranda fatuitas. Novi Centurionem Epilepticum, quem ante mortem vidi instar insontis pueri, & penitus pusillanimem: porro fiunt vacillationes, tremores, paralyses, summæ tarditates, somnia turbulentia, incubi terribiles: & quod rarius occurrit, sed tunc in primis in flore atatis, febris acutissima ad mortem ducens: tandem post hæc omnia sequitur apoplexia, id est, totius cerebri destructio; quam sequitur mors, id est, apoplexia cerebelli. Hæc omnia nobis contemplanda sunt, ut appareat, quidnam accedit ad primam latenter diathesin.

Musculi, & nervi hic violentissime agitantur, quod fit a cerebro prius affecto, & saepe ita mutantur, ut partes postea per totam vitam fiant inemendabiles; hinc artus apparent distorti, contracti, paralyticæ, destrueti nervi in musculum imperio, & musculorum obsequio ad imperium nervi; hinc fiunt disformes illæ distractio[n]es: rarissimum est in Epileptico videre æquilibrium motus superstes, se semper una pars vel altera magis levis æquilibrium destruet; hoc omnium maxime fit in oculis, hinc tam saepe manet in vultu deformitas: hinc fiunt artuum majorum miræ intorsiones, omnium maxime in illis, quibus partes sunt valde flexiles, id est, in infantibus. Quando nervi vitales pariter afficiuntur, tunc cordis, & thoracis actiones læduntur; hinc palpitationes cordis Epilepsiae sunt soboles: & quia organa secretoria urinæ, seminis &c. etiam patiuntur, hinc saepe mirabiles sequelæ horum morborum in his partibus

tibus manent. A diurno & violento spasmo arteriæ supra musculos tenuo affectos dilatantur; hinc in hominibus Epilepsia obnoxii pulsus plerumque magnus & plenus est: musculus in paroxysmo agens sic premit suas arterias, ut sanguis non possit transire; hinc illæ arteriæ magna patiuntur obstacula, & plus dilatantur supra locum obstaculi, quam reliqua; hoc si saepe fit, tunc totum systema arteriarum supra musculos dilatatur ultra symmetriam, & fit aneurismaticum, hinc illi canales postea erunt debiliores in contractione; hinc postea tam mirabilia vitia fiunt in musculis horum hominum. Venæ, quæ sunt in musculis, paroxysmi tempore comprimuntur, vel evacuatæ collabuntur; utraque ratione angustantur, & illæ venæ, quæ propinquæ sunt musculis affectis, varicosæ fiunt, hinc laxiores & debiliores; & hoc fit eo magis, quo plures musculi convelluntur; & diutius convulsi manent.

Utraque hac ratione plus sanguinis fertur per vasa musculis non inservientia; hinc hoc respectu plus sanguinis venosi reddit versus cor; hinc systema venosum mutatur in suo æquilibrio, ut etiam arteriosum; nam quotiescumque arteriæ impediuntur transmittere sanguinem, tunc dilataçæ turbant distributionem sanguinis, & quoties hoc in venis fit, turbatur etiam proportio. Omnes venæ rubræ accipiunt humores ex arteria rubra, & præterea serosos non rubros, omnemque laticem pellucidum; (nam omnia vasa absorbentia desinunt in venas) hinc venis majoribus tempore Epilepsia impeditis, debet impediiri iter per omnes venas versus cor, hinc omnes venæ serosæ, lymphaticæ, imo etiam spirituose debent fieri varicosæ: quum ergo insultus epileptici æque fiant in pectore, quam alibi, hinc pulmonis actiones tam manifeste turbantur, uti docet tumor venarum jugularium internarum, frontis, labiorum, quæ hic quasi retorridæ apparent; hinc HIPPOCRATES dixit, status fieri in his

venis, nam earum tumores perfecte emphysemata referunt; hinc in multis locis debet nasci hydrops; hinc Epileptici, ubi tot insultus patiuntur, ut vis vitæ incipiat debilitari, habent aures pellucidas, oculos tumentes & flaccidos, palpebras pallentes &c.

Hinc apparet, unde tam incredibilis copia muci tam crassi oriatur; sic in suspensiæ ex utraque nare fœdus & crassissimus mucus stillat; cum enim venæ jugulares adeo constringantur, vasa narum dilatabilia stillant suum humorum, qui illico tenax fit: notum enim est, quod venæ absorbentes, ubi liber fluxus humorum versus cor impeditur, ita dilatentur, ut fiant quasi vasa exhalantia, & humores crassiores transmittant: sic stagnationes, circa hepar ortæ, venas lymphaticas in intestinis faciunt tam varicosas, ut incipiunt demittere sanguinem: hinc facile apparet, quare os tantum salivæ, nares tantum muci, oculi tantum lacrymarum effundant; & quare hi liquores per summam actionem vitæ & calorem tam cito inspissentur.

Hinc oritur perturbatio vasorum sanguiferorum, serorum, lymphaticorum, & adhuc subtiliorum in cerebro; nam in cranio est nullus musculus, hinc omnis impetus retuli sanguinis huc fertur, ubi convulsio fit in omnibus corporis musculis. Idem verum est in medulla spinali.

Quum vero venæ jugulares impediuntur, hinc impletio vasorum sanguiferorum intra cranium & thecam medullæ debet esse abundans: hinc illi spiritus, qui in cortice facti præsto sunt, jam in medullam depositi, per hanc turgescientiam coguntur incredibili vi distribui per nervos & musculos; & hinc apparet causa violentarum actionum muscularium.

Sed simul patet, quare paroxysmus epilepticus desinat; nam dum omnis ille sanguis crassior vasa arteriosa fecit aneuristica, & impeditur in venis, debet comprimere omnia alia vasa; hinc pulsus, qui surebat antea,

desinit, motus convulsivi quiescunt; & æger incidit in somnum, & moreretur, si hoc non posset resolvi: sed motu cordis fere nullo facto, frigentibus partibus, venis jugularibus non amplius impeditis, reliquis non resistentibus, sanguis iterum exit ex crano, minus comprimuntur vasa minima, restituitur æquilibrium, & sic aliqui spiritus incipiunt transire; & miseri ægri manent hebetes, soporosi, sed non amplius convulsi; & hinc intelligitur ratio, cur omnia in paroxysmo epileptico tamdiu furant, quamdiu fit illa aggregatio sive aggestio sanguinis: sed ubi illa jam facta est tanta, ut omnia jam comprimantur, & nihil transmittatur, oritur mors, vel, si hæc non fit, debilitatio cordis, & pulsus arteriosi: sed quia cerebrum adeo fuit compressum, in eo non tam cito potest restitui æquilibrium, hinc ægri sæpe per aliquot horas vel dies ita manent. Prospexit Auctor Naturæ nostro corpori, ut omnes fere partes admittant inæquales pressiones, sed non cerebrum, non medulla spinalis, non medulla in ossibus: si vero, quod aliquando in Epilepsia fit, appareat aliqua pinguedo vel hydrops in membrana cellulosa, piæ matri incumbenti, tunc omnis proportio vasorum intra cranium necessario debet turbari, hinc fit fatuitas, & infinita alia mala.

Ab hac causa possunt oriri tumores omnium generum, qui non sunt causæ Epilepsiae, sed effectus; hinc nigredo summa propter sanguinem in membranam adiposam pulsum, nec regredi potentem; hinc lividitates terribiles, maculæ & mira vestigia deprehendentis manus, a propriis digitis convulsis, partem corporis deprehendentibus; hinc puncta ruberrima in toto corpore, sensim evanescentia, in primis in vultu; sed etiam hæc possunt fieri intra cranium, thecam medullarem, & viscera; hinc post deserventiam talis paroxysmi fit inopia sanguinis in arteriis & venis, effuso sanguine in membra-

nam adiposam, hinc eo plus resolvunt vires.

Ergo in vitalibus, naturalibus, & animalibus oritur summa destructio, imo non raro gangræna.

Fiunt hoc tempore secretiones & excretiones longe aliæ, quam in statu naturali, & quidem violentæ & vicissitudinariæ: fit omnium humorum agitatio summa, & in primis genitalium, hinc illi ægri incident in summos languores.

Sæpe etiam fiunt incredibiles sanguinis emissiones, ita ut ægri videantur sanguine perfusi. Auctores quidam narrant, quod in secundo paroxysmo epileptico infallibile remedium sit, si labia proprio ægri sanguine illinantur: sed quam falluntur! vidi hos ægros, submersos quasi in suo sanguine, qui tamen manebant in suo paroxysmo.

Mirum est in primis, quod fæx alvina, quæ exprimitur, fere semper sit viridis. Novistis autem, quod homo sanus, mari non assuetus, & in navi jactatus, ultimo æruginosam billem evomat, quæ ergo miro hoc motu mutata est. Quibus percuditur caput, illi etiam talem bilem vomunt: & SYDENHAMUS dicit, in omni fere morbo generis nervosi subito mutari hunc liquorem.

In cura hujus morbi hoc notandum, quod, licet diathesis epileptica sæpe tolli non possit, tamen cum hæc, licet sævissima fuerit, sine paroxysmis nullum damnum inferat, & paroxysmi non pendeant a diathesi sola, sed a concurrentibus causis, & hæc possint abesse, hinc pateat, hunc morbum hoc respectu posse curari: hæc autem causæ per sedulas observationes deteguntur.

Hinc causis his cognitis vera habetur prophylaxis, ut causæ hæc vel non nascantur, vel natæ fiant inertes: hæc autem causæ non sunt semper improvisæ, sed quædam præmitunt signa, illas causas brevi futuras esse.

Hinc Medicus observet, quibus modis omnia, quæ in corpus agere possunt,

sunt; apparent agere tempore tranquillitatis; quid fiat, quando incipit labefactari illa tranquillitas; quinam effectus ex paroxysmis orti fuerint, & post paroxysmos; & haec observata ante & post paroxysmum dabunt cognitionem causæ.

Infinita jactantur remedia, tantum ideo, quia sponte abit paroxysmus, nisi occidat.

Curatio Epilepsiae idiopathicæ tribus capitibus absolvitur. 1. ablatione causæ prædisponentis. 2. ablatione causæ excitantis paroxysmos. 3. trattatione ægri congrua in paroxysmo præsenti.

Ablatio causæ prædisponentis sit illam cognoscendo & enervando. Historia morbi docuit, quot causæ possint facere hanc diathesin: hinc apparet, quum causæ illæ sint tam diversæ, quod nullum remedium solitarium & absolutum hic dari possit, quo omnes hæ causæ possunt tolli: ut ergo curetur Epilepsia, illa causa debet cognosci; & hanc sæpe mirifice posse tolli, per exempla videbimus, nam ratiocinio hic fere nihil valemus.

Puer duodecim annorum, antea nunquam Epilepticus, cadit humili; intropremitur cranium; negligitur, nec cogitatur postea de hoc malo; habet quidem quædam incommoda, sed nil Epileptici usque ad octavum decimum annum; tunc temporis cranium adhuc crescit, & futuræ expanduntur & secedunt a se invicem; postea fit Epilepticus; exercitati Medici inquirunt omnia, inveniunt nihil; examinatur caput, tondetur; apparet locus intropressus antea neglectus; creverat cranium, hæc pars non; hinc membranæ omniaque cerebri vasa hic erant aliter disposita, quam in reliquo crano: DURETUS jubet totum hunc locum excindi lata terebra, & puer sanatur perfecte.

Hoc enim solum superest, ut peritus Medicus indefatigata industria acquirat, quænam hic dispositio sit, an in partibus firmis, an in humeribus ipsis, an in utrisque simul;

hæc vero omnia enarrata sunt in historia causarum, disponentium ad Epilepsiam.

Caries in diploë multoties fecit Epilepsiam; fiunt intumescentiæ lamellarum ossis, abscessus, corruptio, & tandem per inustionem ad diploen usque sanatio; hinc incauti crediderunt, omnem Epilepsiam simili inustione posse curari; sed fallo. Si vero in Epilepticis in una parte crani manet fixus dolor, qui partes ibi affectas esse testatur, simile remedium tentari posset.

Hominibus quibusdam dire Epilepticis insperata sanatio facta fuit per magna vulnera cranio inflictæ. V. MARCELLUM DONATUM *de Medica historia mirabili* pagin. 52. versa, ubi narratur sequens historia. Histrio quidam prætentiebat primo, sibi ipsi caput totum oppleri, & deinde statim contractiones manuum & pedum ipsum invadebant, ita ut illos hinc inde jaetare cogeretur, & in altum oculos contorquere; nunquam tamen cadebat, licet super pilas magnas vento repletas ambulare sibi videretur; mentis non omnino tunc temporis compos erat, sed imminens malum prætentiebat; eo tamen correptus manifeste principes functiones laedi dignoscebat: symptoma illud singula quaque vice non longiori tempore illum afficiebat, quo oratio dominicalis a quovis dici posset, quo temporis intervallo præterito id malum ita cessabat, ut ipse, acsi nihil illi contigisset, denerlinqueretur. Homo ille laboraverat sævissimo morbo gallico, ita ut & tunc temporis ejusdem sobolis ulcerum cicatrices in corpore viderentur, præsertim talis, quod diutius in fronte apertum detinuerat, & paulo ante sponte consolidatum fuerat. Corpori expurgato, aliisque præsidiis adhibitis, præsertim vero cautetio in ocipite adaperto, pristinæ sanitati restitutus est. Hoc sufficit, ut videamus, quid in similibus casibus possit tentari.

Potest nasci Epilepsia ab humoribus qui,

quibusdam: sic saepe oritur Epilepsia puerorum idiopathica, quia partes in capite contabescunt, & putrilagine quadam diffluent: si talis infans patiatur manantia ulcera capitis & collis, vel salivationem, vel profluvium muci ex naribus, non sit epilepticus; si vero haec nata fistantur, evadit epilepticus. Habetur in operibus HOLLERII sequens exemplum. Puella quædam habet a nativitate manantem saniem de capite; morbus ille curatur subito; puella sit epileptica; frustra tentantur omnia remedia; consulitur DURETUS; jubet ille, ut sumantur folia Betæ, & adponantur capiti; hinc totum caput semi-ulcerosum redditur; stillat humor, & curatur Epilepsia.

Si vero frustranea est diligentia, nec ulla potest detegi causa, quid tunc agendum? nil supereft, quam periclitando per incerta agere, nisi velitis ægrum committere suæ sorti; quæcum tam dira sit, non potest relinqui, sed potius omnia tentanda sunt; faciunt tunc maximas totius corporis & vitæ generis mutationes per exercitia violentissima, agriculturam, remigia liburnicarum &c.; & sic firmato corpore curaverunt morbum. Si HIPPOCRATES vera dixerit, quod hic morbus nunquam accidat biliis, sed semper pituitosis, ratioclarare patet.

Diæta tenuis hue etiam facit, nam nonnulli Epileptici, qui voluerunt uti solo pane bis cocto cum exercitiis, superaverunt hunc morbum: laudatur etiam peregrinatio, nam tales ægri, in Asiam deducti, saepe liberi fuerunt, reduces in patriam laborabant iterum. Huc refertur ptyalisinus, per Mercurium exitatus, qui, fateor, non sanat semper, nam vidi exempla, ubi profuit nihil; tamen etiam tentari potest. Magni Auctores asserunt, quod curaverunt Epilepticos per decoctum Guajaci, sed tunc illi nihil debent bibere nisi hoc.

Fonticuli, setacea, caustica, in primis circa occiput & scapulas, haberunt fere semper magnos effectus;

debent autem ulcera servari manantia, & tunc haec setacea idem faciunt quam achores, hinc si vitium in humoribus latet, forte ea ratione curari potest.

Dixerunt veteres, quod sternutatio maxime conveniat cum Epilepsia, & quod ab impedita sternutatione saepe fiat Epilepsia; hinc curatio fiet impediendo sternutationem per remotionem causarum sternutationem facientium; sed quis potest facere, ut homo sanus, datis causis, non sternutet? & si in homine jam lateat illa dispositio, ut a minima causa concidat Epilepticus, quam difficulter haec tolletur!

Ego omnia promissa videntur vanæ; & credimus, quod Epilepsia idiopathica, vel a labe genitali, vel a propria cerebri dispositione orta, non possit curari, nisi magna mutatione corpori inducta, in primis per ætatem, nam per hanc fere omnia mutantur. V. HIPPOCRATES Seçt. II. Aphor. 45. ubi solam fere spem in hac mutatione ponit, ita ut ægri, qui tunc non sanantur, ab eo pronuncientur insanabiles: in primis prodest, si ægri circa tempora magnarum mutationum per ætatem verno tempore longinquæ suscipiant itinera. Sic etiam ponitur spes probabilis in magna mutatione victus, id est, sex rerum non naturalium, licet haec etiam incerta sit.

Ut olim, sic hodie (nam nostra tempora nec meliora, nec deteriora sunt præcedentibus) ubique eadem est insanitia, ambitio, avaritia, insecutio. HIPPOCRATES monuit, jam suo tempore (quod nunc dicunt agyrtæ, lucripetæ & similis farinæ homines) hunc morbum vocatum fuisse sacrum, a Diis vel dæmonibus immisum, solis carminibus juxta diversitatem Epilepticorum expiandum; hodie exorcismos in auxilium vocant.

Omnes certe morbi possunt dici a Diis immissi; sed si habeantur propensis majoris flagitii, cur innocui infantes laborant. HIPPOCRATES dicit, si dii curarent hunc morbum, non

non indigerent his carminibus : legite Librum ejus de morbo sacro , ubi omnes imposturæ enarrantur : & certe hodie similia adhuc præstantur ; nugis pugnant Agyrtæ , & sic tempus præstolantur , semper tuti ; si non cedat nugis morbus , major dicitur remediis Deus ; si morbus sponte cedat , illud adscribitur exorcismis ; interea confugiebant etiam ad victimum ; prohibebant carnem caprinam , & herbas quasdam , quæ maxime in usu erant ; dicebant , non licet vestem atram induere , vel in pellibus caprinis dormire : verbo , omnis illorum ars consistebat in eo , ut præscriberent tam multa & tam minuta evitanda vel facienda , ut vix fieri posset , quin committeretur aliquis error ; & tunc causam habebant , quæ se excusarent . Sic hodie etiam faciunt Agyrtæ .

Metho-
dus cu-
randi
Hippo-
cratica.

HIPPocrates ad curandam Epilepsiam sic procedebat : videbat hanc plerumque esse morbum infantum ; illos vero totos quantos esse humidos , in utero materno balneo immersos , carnes habere mollissimas , totum corpus pituitosum ; illos sudare mucosa , imprimis circa auriculas , axillas , inguina , poplites ; fauces , pulmones , intestina esse pituitosa , imo quasi purulenta ; hinc saepe sponte fieri exulcerationes ; oculos fere semper esse lacrymosos & humidos ; sanari hunc morbum , simulac ætas superavit hanc humidam diathesin ; sed toto hoc tempore cerebrum cum propaginibus suis esse maximam partem corporis (nam reliquæ partes postea crescunt) : sed dicebat , cerebrum est pars frigidissima corporis , & quasi pituitosa ; ergo credebat , hinc pendere rationem , cur omnes infantes essent epileptici ; eosque ideo sanari per ulcera manantia capitis , & prudentem dimiditionem prædominantis illius pituitosi ; hinc si pituita pro ætate decrescit , illos homines non esse epilepticos : hinc dicit , morbus sacer solis pituitosis a natura nascitur ; & debemus credere , quod in illa regione , ubi vixit ,

hoc observaverit : addit deinde , quod morbus sacer bile abundantibus nunquam accidat , nempe ex natura , vel idiopathice , nam biliosus potest fieri epilepticus , contuso capite &c. Dixit , in recens natu cerebrum debet crescere & nutrirri pro ratione , qua caput crescit ; si crescit , debet extendi , hinc debet recrementa quædam ponere ; ergo cerebrum crescens indiget repurgatione , non cerebrum hominis adulti : hoc excrementum dicit esse pituitosum ; nam si capita ovium dissecas , quæ naturaliter sunt epilepticæ circa autumnum , invenies in cavis cerebri pituitam ; & si morbus lethalis fuerit , pituitam solidam : si nunc pituita moderata tantum copia adsit , tunc caput est sanum ; hinc homo , qui penitus siccias habet nares , non est sanus , nec qui penitus mucosas habet ; si abundat siccitas , non oritur Epilepsia ; si abundat illud pituitosum , semper est Epilepsia . Considerate omnes Epilepticos , videbitis in facie , & reliquis partibus , hujus rei signa .

Si talis infans illud superfluum , frigidum , aquosum , mucosum , per quæcumque emunctoria excernat ex corpore , non laborabit Epilepsia ; hinc quandiu pituita per nares defluit , vel achores & ulcera post aures fiunt , liberi sunt : hoc apparet in illo rore faciei vel capillorum , quem nostrates *Douwurm* & *Haiwurm* vocant , qui si fistitur per repercutientia , fit Epilepsia vel Asthma , quod HELMONTIUS vocavit Epilepsiam pectoris , nec immerito , nam viribus resolutis desinit .

Quando nunc infantes adoleverunt , semper firmius fit cerebrum , & superfluitate per solam hanc firmitatem discussa , deinceps liberi sunt ; si vero infantilis infirmitas in adolescentia manet , retinet inclinationem in Epilepsiam ; si tunc incipiunt pati quasdam evacuationes , veluti stolicidia sanguinis per nares , fluxus haemorrhoidum & diarrheas , non laborant hoc morbo ; qui vero carent his purgamentis , ex aggestione materiae

teriæ post ætatem infantilem manent Epileptici: porro addit HIPPOTRATES, quod adultioribus in Asia & Græcia Epilepsia semper fiat hyeme post caloris & frigoris vicissitudines, quando fusiones illæ mirabiles humorum catarrhosorum fiunt, & tunc est oculorum turgiditas, narium stillicidium, & quali dyspnœa; si tunc exscreatio fit, non sequitur Epilepsia; si vero nata hac fusione humor non repurgetur, Epilepsia ingruit; hinc post vigesimum annum rara est Epilepsia nisi a dispositione infantili; & hæc si fit post vigesimum quintum annum, manet ad mortem usque. Omnibus his, dicit HIPPOTRATES, fere semper post austros & nebulas oritur insultus epilepticus, in primis si subito post austrum flet boreas.

Epilepsia, quæ oritur ex infantili diathesi tam pertinaci, ut ferat pubertatis tempus, est indomabilis; curatio vero alterius speciei consistit in correctione humidi; & vix illum magius remedium est, quam exhibere purgans forte hydragogum, antequam plenitudo illa pituitosa penitus facta sit; sic enim facimus quasi manutinem artificiosam per ventrem. Dixit HIPPOTRATES, si potestis in ipso capite tollere proclivitatem ad regenerationem plethoræ pituitosæ, tunc curasti, quemadmodum natura curat per ætatem: sed addit, cerebrum in his hominibus est tam vagabile, ut fluctuet & vacillet; hinc oritur Epilepsia, sed corrigere hanc nimiam flexilitatem, & correxiisti Epilepsiam: hinc forte haec tenus non est certior methodus inventa, quam post eductam nimiam humiditatem exhibere corroborantia exquisitissima, & inter hæc fere nullum fortius agit, quam viscus quercinus; mirabile epidendron, quod si gustetur adstringentissimum est, unde magnum effectum ab eo expectare licet.

Diæta sicca simul hic adhibetur; exercitia calefacientia, corpus durantia; abstinentia a piscibus, in pri-

mis glutinosis; à refrigerantibus aerisque vicissitudinibus: tum dicit ultimo, obseruentur causæ occasioales, quarum præsentia sopita diathesis in paroxysmum excitatur, illæque causæ evitentur.

Hæc est cura HIPPOTRATICA; & quando ex natura oritur Epilepsia, & non ex vulnere, vel alia causa, ex decem casibus invenietis novem a pituita ortos: si vero in progressu curationis videatis Epilepsiam, ubi non est abundantia illius glutinosi, debetis cogitare de alia methodo, quam nunc in aliquot canonibus propo-nam.

Canon primus. Per omnia topica quæri debet prima origo mali. Habetur in Medicina locos quosdam communes inquisitionum, per quos indagamus morbos occultos. Videamus 1. an hæc origo sit in hæreditate; an quid acciderit matre uterum gerenti; an in partu; an in mala contrectatione mollis corpusculi infantilis per custodes; an ab animi affectibus, terrore &c.; an a retentis, excretis, applicatis externis: hoc examine si inveniamus aliquid, acquiescamus; cæterum transimus ad reliqua.

2. Summa cura inquiratur in sedem loci in corpore, in quo hæret causa & primum incitamentum, ut sic locus, primas notas physicas insultus exhibens, definiatur.

3. Describatur in quolibet casu eadem cum cura modus & successio symptomatum, quæ ab initio paroxysmi ad finem usque successive in ægro sunt observata, ea cum cautela, ut addatur vel negligatur nihil.

4. Notentur eadem cum cura omnia, quæ inciderunt tempore paroxysmi; & quæ, dum incidebant, faciebant aliquam mutationem ad bonum vel ad malum.

5. His peractis, & sollicitate notatis, sedeat Medicus, & formet in quolibet ægro singularem ejus historiam, quæ continet totam morbi cognitionem, quatenus per sensus ullo modo fieri potest. Hoc debet fieri in

Canones
circa eu-
ram ge-
neralem.

in quolibet ægro singulari: molestum hoc quidem est, sed quantum boni sic possumus adferre generi humano! & ubi semel hoc inventum est, facilis est rerum bene perpensarum executio.

Canon secundus. Primo debemus sedulo observare exacerbationes, maxime juxta tempora anni, an vere vel autumno; tunc notare omnia tempora lunæ, quæ magnum imperium in hanc terram exercet, nam plurimæ mutationes fiunt ad plenilunium & novilunium; tunc illa exacte in ephemerides redigenda sunt: tunc etiam notandum est, quomodo hæc fiant ratione consuetarum evacuationum; docuit enim SANCTORIUS, ad mutationses lunæ in viris æque ac in fœminis oriri plenitudines, quas natura evacuat; oriri tunc lassitudines, hebetudines, turbatos somnos; dein sequi sudoris vel urinæ copiam majorem, & sic solvi plurimos morbos: hoc in fœminis appetit quam evidenter; sed notari etiam debent tempora hæmorrhoidum, nam hæc æque habent definitam suam periodum ac menstrua: sive nunc fiant vomitus, sternutationes, expectorationes, catarrhi, aliæve periodicæ evacuationes, hæc omnes debent notari ad hanc classem.

2. Notandum est, quid venti, aer & meteora hic faciant: multi Epileptici, tonitru instante, paroxysmum suum patiuntur; alii ad hunc vel illum ventum: observandum ergo, an aer tempore insultus fuerit gravior vel levior.

3. Indagandum est quam exactissime, quid tribuerint gesta, ingesta, retenta, excreta, applicata ratione accelerati vel retardati paroxysmi; nam observatum est, multos Epilepticos ad iras, bacchationes, culturam veneris, ante consuetum tempus incidisse in suos paroxysmos; dein notandum, an quænam adhibita faciant paroxysmos protrahi; tandem quænam facta vel adhibita illos gravaverint vel levaverint. V. g. an quis infederit corpori, vel non; an

brachia firmaverit, digitos extenderit, nec ne.

Canon tertius. Ex his omnibus sic collectis, & in capita digestis, debet expendi, quænam causa physica mutans in hoc homine appareat, & hinc debent elici regulæ agendorum & vitandorum respectu rerum non naturalium, non prius. Omne enim generale exulet: hoc autem posse fieri apparet ex eo, quia paroxysmi non semper adsunt, sed diathesis semper adest, & quia paroxysmi pendent ab alia causa quam a diathesi: videat ergo Medicus, an cerebrum fuerit primo affectum, an a plenitudine, an ab evacuatione, an ab acri, a causa hærente in spiritibus, a gestis &c. in hac re Medici, negotiis obruti, centies deficiunt; & si hæc observarent, sanarent plurimos, levarent fere omnes: causæ enim existentes possunt observari, illæque cognitæ sæpe possunt emendari victu & medicamentis: hac ratione damus nobilibus familiis regulam observationum, & præscribimus quædam non nocitura: ubi omnia notata sunt, expendendo totam morbi historiam, apparet sæpe causa evidens: Sic v. g. Epilepticus quidam ante paroxysmum semper habebat labium tremulum, dein languorem, vomitum, & tunc patiebatur suum malum: quum vero in omni vomitu labium tremit, hinc credebatur adesse causa quædam irritans in ventriculo; datum fuit sæpius ante tempus paroxysmi vomitorium; & quia in his calibus semper suspicio est lumbricorum, admiscebantur vitriolata, & successit curatio: hinc forte multi Chemici & Agyrtæ spem suam ponunt in vitriolo, quod fere semper facit vomitum, semper necat lumbricos: verbo, si velitis hanc diligentiam adhibere, invenietis fere semper indicationes quædam satis probabiles, & satis fortunatas, nisi ubi malum protinus incurabile sit, v. g. ubi in dura matre est cartilagine-scentia. Et hæc sunt, quæ de Epilepsia idiopathica dicere potui.

Per.

Pergam nunc ad reliquas species, quæ ducunt originem ex alia parte, ^{Cura Epilepsiae deuteropathicae.} quæ facit, ut prima illa pars metathicæ. bilis fiat. Hæ Epilepsiaæ vocantur deuteropathicaæ, & sunt frequentissimæ: in hac, dum morbus actu urget, idem est ac in idiopathica, sed differt ratione loci, qui afficitur, & principium invasionis contingit alio modo, aliaque effecta parit. Erat in idiopathica quidam mugitus, lapsus &c.; sed hic, dum morbus se parat, fiunt mirabiles quidam motus, sic ut inde nomen habeat. V. g. satis est consuetum, homines Epilepticos, in primis fœminas, instantem paroxysmum demonstrare motu totius corporis, in primis in gyrum acti; hinc illam Epilepsiam vocaverunt *circulatoriam*. Sic OETHEUS vidit quandam Epilepticum, singulis diebus aliquoties in paroxysmos incidere solitum, prius multoties in gyrum veluti verti ac agitare, & tandem in humuna collabentem, epilepticis convulsionibus mirifice torqueri. Vir quidam, triginta circiter annos natus, boni habitus, solebat, quum duos vel tres passus progressus esset, sese inflectere quasi in curriculum, idque continententer facere compulsus erat, tota die citra intermissionem, aliquando a diluculo, vel ex ortu diei, statim quando pulsum campanæ audiaret. Sed accidit, ut postea accessionibus epilepticis corriperetur gravissimis, & humili concidens omnes artus violenter admodum concuteret, spumamque extra os regereret copiosam, tandem a turbinoso vel vertiginoso motu paroxysmo Epilepsiaæ liberatus.

ERASTUS curavit adolescentem, qui ex alto loco decidit, & tempus sinistrum læsit, ex quo in Epilepsiam incidit, qui paroxysmi tempore ter, quater, saepius in gyrum se vertebat, impetuque factæ, si non prohiberetur, versus locum aliquem procurrebat, manibus magna vi faciem confricabat, nec ad se reversus quicquam eorum, quæ evenissent, sciebat. Idem ille novit puellam, quæ

cum antea gravissime laboravisset, & proxime, tanquam mali nihil patetur, in conclavi per dimidiā horam sursum deorsum cursitavisset, atque interrogaretur, utrum aliquid vidisset vel audivisset, negavit se quenquam aut vidisse aut audivisse. Constatbat tamen, eam parietes vidisse, quos, cum ad eos accessisset, protinus cavebat, ac se rursus convertebat. V. SCHENKII *Observat. Med. p. 96.* Idem hic fere sit ac in noctambulî, nam non cadebat, nisi raro: ergo hic illud movens in sensorio communî agit, ut in sanitate, incio tamen ægro. V. etiam MARCELLUM DONATUM de *Medica historia mirabili Lib. II. Cap. 4.*; ubi mirum exemplum habetur illius Histronis, quod jam antea alia occasione narravi. Vidi in viro Botanico, qui, dum esset in medio sermone, incepit stare erectus, non loquens, sed mire se movens; cadebat vero nunquam, dein redibat ad se, plane restitutus; hoc saepè bis vel ter contigit in una hora: didici hinc, quod initium Epilepsiae sit quasi occæsatio, hebetatio, & inordinatus spirituum motus. In muliere quadam Epileptica oriebatur paroxysmus reddendo lotium; mox stabat oculis apertissimis, circumspiciebat quaquaversum, nihil loquebatur, nullius rei conscientia erat, & sic transibat paroxysmus. Alia Epileptica nullum patiebatur symptomam, nisi quod subito fiebat inscitia & insensibilitas, dein stabat, & accuratissime circumspiciebat.

Visa fuit Epilepsia cum horrendissimis convulsionibus, toto corpore factis, periodice repetentibus, dum tamen sensus & ratio, quod valde rarum est, constabant perfecte. In Miscellaneis & Ephemeridibus Naturæ Curiosorum mira similia exempla habentur. Epileptica quædam, dum accedebat paroxysmus, semper cantabat; alia saltabat; alia ridebat; alia clamabat; alia fortissime currebat. Periodica dispositio, immemor animus, & convulsiones accedentes docebant esse Epilepsiam.

Novi in hac urbe nobilem & pulcherrimam puellam, dein uxorem, postea viduam; huic hilari accidebat ingens & non toleranda contumelia, quam tacita ferebat & comprimebat; incepit dein laborare morbo miro, quod subito sine manifesta causa exsigeret, & facie ad movendam misericordiam composita rogaret vicinos, ut ipsam sustinerent, dein ut alloquerentur, tandem morbo progrediente ut vellent oscula dare; durabat hoc per octavam partem horæ, dein constabat omnibus sensibus; hoc ipso tandem in templo & in platea publica accidebat; durat hic morbus per tres vel quatuor annos, & tunc miserrima Epilepsia, quam unquam vidi, fuit affecta; quæ tentatis omnibus remediis semper peior evasit; tandem maniaca facta est, tunc non amplius epileptica; sed ubi sedata erat mania, iterum patiebatur Epilepsiam.

Ex his apparet, Epilepsiam esse tam subtilem morbum, ut distingui fere non possit ab iis, quæ in nobis naturaliter fiunt; nam casus narrati docent, quod si illud, quod naturaliter facimus, fiat cum quadam violentia, & sine voluntate, quod tunc transeat in Epilepsiae speciem.

Videamus jam Epilepsias deuteropathicas ratione loci affecti; quas dum FERNELIUS considerasset, dixit in *Libro de abditis rerum causis* esse duplices, nempe vel a ventriculo, vel ab aliis extra cerebrum partibus; & ex his stomachicam dixit esse principem.

In primis stomachi. Ventriculus, omne peregrinum recipiens, & his primam notam juris civitatis humanæ imprimens, instrutus est singularibus dotibus, quæ hærent in ejus nervis, per quos habet commercium cum plurimis, & imperium in plurimos nervos, imo quorum auctoritas est in ipsum cerebrum: hoc antea patuit satis; nervi enim illi sæpe ita afficiuntur, ut vix possit nasci idea illius affectionis, & pariunt tamen tantos mo-

tus in corpore. Merito ergo dixit HELMONTIUS, stupemus, dum videmus, quantas vires CREATORI placuit flaccidæ membranæ imprimere. Laboret homo summis doloribus; dentur huic triginta guttæ Opii in spiritu vini dissoluti; momento, quo has assumst, dolorem non habet, sed sensum placidissimum; in eo homine statim non est sopitum cerebrum; interim, antequam fiat somnus, tam placidum sensum habet. Videtis hic mechanicum tantum ad tactum corporis, quod nervis ventriculi adponitur, & tamen tollit illud, quod facit perceptionem doloris, non sublata doloris causa; nam si evanescat vis Opii, iidem dolores sentiuntur. Napelli frustum, apici linguæ impositum, HELMONTIO sensum fecit capitis quasi per zonam ad stricti, & dixit, se sentire, quod cogitaret stomacho; duravit hæc cogitandi ratio per bihourum, sensit vertiginem, & rediit antiquus cogitandi modus. Nervi, in his locis affecti, sæpe sunt causæ convulsionum in toto corpore; sed cum his nervis communicant multi alii, hinc quum de his nervis loquitur, intelligimus etiam illos alios, nam illi quoque magnum imperium habent.

In sternutatione, per plumulas in naribus immissam, flocculos nervos levissime titillantem, facta, quanti non fiunt motus! sed si levis unctionis sensus sentitur circa præcordia, homo cogitur suspendere o. mnes actiones corporis; momento post fit ingens, sonora, sibila, violenta convulsio omnium muscularum, exspirationi inservientium, cum incoercibili impetu, adeo ut nullus musculus in motu maneat; mutatur etiam pulsus; & si hic motus aliquamdiu durat, tunc homo delabitur in omnes convulsionum species, & tandem in ipsam mortem. Si recens Helleborus albus applicetur naribus hominis sani, facit sternutationem vix desinentem. Hinc intelligimus speciem illam Epilepsiae, quæ a simplici

plici vellicatione excitatur. Si homo sanus diutius solito jejunat, incipit sentire ingratam diathesin circa præcordia, sternutat, & dein vomit vermetum, bilem, vel aliam materiam. Si quis summis emeticum, dum est in actu vomitus maximo, sternutat, ita ut omnia non tantum ore, sed & naribus exeat. Observatum est, infantes plurimos assiduo nasum fricare, palpare, tumere; vulgus dicit, lumbricis laborant; illi infantes matutino tempore sternutant; hoc vero continet a levi motu animalis, repentis versus ventriculum. Qui sternutat, totus vacillat; sed explosio futura omnia restituit; si duraret hoc diu, homo vix differret ab Epileptico, nam tandem etiam vires amitteret; hinc sternutatio ab AVICENNA merito vocata fuit parva Epilepsia.

Ergo illa Epilepsia vocabitur stomachica, si prima origo futuri paroxysmi circa illos nervos præcordiales contingat; si dolor ventriculi diuturnus præcesserit; si hic fiat ingens distensio, sensus repletionis, flatulentia, compunctionis, difficilis inedia tolerantia, sive haec a lumbricis, sive a bili fiant; cardialgia, sive dolor acutus, urens, fixus, haerens circa orificium ventriculi superius, sive illa fiant ab acrimonia acida vel aromaticis acri; nausea, animi deliquium, vomitus bilis aut pituitæ: si præcesserit pergracatio & temulentia, nam visi sunt homines, qui non assueti vino oneraverant ventriculum, & antequam vomerent, Epilepsiam patiebantur. Venus exercita, trahens secum insultum epilepticum, non semper notat Epilepsiam idiopathicam, nam a venere oriuntur saepe languores circa nervos præcordiales. Humor acris melancholicus, os ventriculi mordens, vel quæcunque alia venenata vel ulcerosa materia, vel bilis atra, etiam horrendas convulsiones facit. Cicutæ aquatica, ingesta in ventriculum, facit horrendissimas Epilepsias; sed dato præsenti emetico, si offa ingesta ejicitur, totus insultus est sublatus. Fames diuturna facit semper adscen-

dere bilem in cavum ventriculi, & tunc aliquando oriuntur insultus epileptici. Huc quoque pertinet crapula, in primis a fermentantibus liquidis. Sed est in ventriculo singularis quædam quasi conditio, qua ad applicationem quarundam rerum fit Epilepsia, vel evanescens, vel lethalis, vel per paroxysmos repetens. Homo quidam, quoties lentes comedebat, toties patiebatur Epilepsiam. Nux vomica, si venit in ventriculum canis vel lupi, facit, ut moriantur Epilepsia, sed in homine agit nihil. Laurocerasus suavissima & amata planta est, quam incoquebant lacti; sed quum nimia copia assumerent, morebantur Epilepsia. WEPFERUS observavit, quod omnes morerentur, qui retinebant Cicutam assumtam, sed qui vomere poterant, liberabantur; ergo hic non juvarent omnia antiepileptica.

Hinc stomachica Epilepsia duplex est, una a sola irritatione, altera a materia ibi hærente. Prima fit, quando ab irritatione oritur talis affectio, qualis excitaretur, si causæ materiales ibi applicarentur; hinc multæ Epilepsiae, quarum causæ ignorantur, curantur roboro ventriculo. Secunda, quæ cum materia fit, oritur ab ingestis, nimia copia ver. gr. sumtis. Sic ipsa aqua spadana tam salubris, nimia copia assumta; alia frigida ingesta; solaque ingluvies & comesstario, propter distentum & constrictum ventriculum, toties fecerunt Epilepsiam. Sed illa etiam fit ab omni materia, delata ad ventriculum, atra bile, vermis, pure, ichore: & haec Epilepsia curatur corrigendo & evacuando id quod peccat: inquirite tantum, quænam materia hic ut causa accusari debeat, & tunc cognita diagnosi patet indicatio. Acidum curatur alcalicis & absorbentibus; hinc illa remedia vocata fuerunt antiepileptica. Si vero Epilepsia stomachica sit sine materia, erit tantum hic loci nimis facilis mobilitas; & tunc summa roborantia, Absinthium, Carduus ben-

benedictus, Ruta, Helenium, Angelica, Imperatoria &c. sunt antiepileptica; ubi languor simul adest, convenient Maistiche, Olibanum, Asa foetida &c. Ubi simul signa doloris adsunt, qui toties in infantibus fit ab acido, curatio eadem est, quam morborum ab acido spontaneo; nempe coagulum acidum dissolvatur per saponem venetum, qui ut placeat infantibus, admisceatur saccharum. Sed infans potest etiam laborare febre ardente & simul Epilepsia, & hæc pejor est, quam quæ fit ab acido: consideretis hic, quo major est calor, eo minus acidum; hic vero est magnus calor, rubor, urina crocea, foetida; fæces alvinæ sunt cadaverosæ, ructus fiunt nidorosi, vomitur bilis; ergo hic est putrefactio humorum; hiac omne acidum & acescens conveniet.

Remedia, quæ præsentem materiam peccantem evacuant, certissime & cito curant; hinc vomitorium vel in ipsis infantibus adeo tutum est; in primis convenient Ipecacuanna, quæ intra quadrantem horæ operatur; vomitu finito exhibeatur infantibus pauxillum syrapi Diacodii: nocent vero vomitoria, si diathesis epileptica a sola nervorum irritabilitate oriatur: si vero fiat a materia mucosa & puitosa, in ventriculo fluctuante, mel cum Ruta, Rosmarino, similibusque attenuantibus, aromaticum redditum proderit: ubi acrimonia adest, mitificantia convenient: ergo generaliter dici non potest, hæc vel illa juvant.

HENRICUS AB HEERS descripsit Epilepsiam, quæ curatur aquis spadanis: revera! illæ pulcherrime in hoc casu agunt, nam diluunt, asperiunt, mitificant, laxant; ratione metalli roborant, acidum domant, lactis coagulum dissolvunt, ejusque acescentiam impediunt; hinc hoc medium est fere universale; nam si Epilepsia est sine materia, roborat nervos; si cum materia, diluit, solvit, & corrigit eam.

Referuntur huc purgantia, quibus
Tom. II.

a multis omanis laus curandæ Epilepsiae tribuitur. Certe totpurgationes omnia liquefaciunt, stimulant, edificant; hinc si morbus est cum materia, profundit, quamdiu illa non regeneratur; si vero fiat a sola irritabilitate, nocent. Circa magnas lunæ mutationes observamus in corpore fieri magnas agitationes rerum excernendarum; hinc purgantia ante plenilunium & novilunium profundit; si simul adsit acidum, additur creta, limatura martis & similia.

Post datas purgationes semper convenient narcotica, nam sic sedp efficiimus, ut non nascatur Epilepsia: in nonnullis hoc repetatur omni septimana; in aliis ante magnas mutationes lunæ; in nonnullis bis in anno, vertente tempestate.

Quando sola irritabilitas est causa, ita ut ægri a minima re perturbentur, tunc Theriaca, Diascordium, Mithridatum, Philonium &c. convenient; sed quando morbus est a materia, tunc datis his remediis includis hostem vasis: Huc etiam referuntur carminantia, veluti radix Angelicæ, Imperatoriæ, Helenii, Gentianæ, semina quatuor calida majora & minora: hæc optima sunt quoties insultus epilepticus gignitur & contractione flatulenta, vel a pituita, radix Valerianæ tunc etiam multum boni facit.

Huc etiam refertur cura anthelminatica. A nulla causa crebrior est convulsio & Epilepsia quam a vermis; hinc remedia, quæ morbos a vermis curant, sanant etiam Epilepsiam; tunc ergo Cinnabaris, Aethiops mineralis &c. sunt summa antiepileptica, in primis si cum Mercurio dulci aliisque purgantibus sociantur.

Ultima curatio fit per roborantia, & hic nil magis laudatur quam Viscus Quercinus, qui cum austerritate singularem dulcedinem habet; hic si detur vacuo ventriculo, parcas dosis, ter de die, ususque ejus continuetur, sanavit multos, in quibus nimia erat nervorum irritabilitas; sed alios reliquit intactos.

N

Est

Alia Epilepsia species. Est adhuc alia Epilepsia, quando aliqua pars præter cerebrum & membranae morata loca afficitur; ut haec intelligatur, sequentia notanda sunt.

Apoplexia vera instans saepe significatur, dum semihora ante insultum titubatio linguae, motus labii oblique tracti, & stupor manuum vel digitorum oritur: nihil aliud observatur quam affectio partium exteriorum, eamque tamen mox sequitur morbus princeps totius cerebri: ergo potest contingere, ut intra cranium idiopathice formari incipiens capitalis morbus, se tantum primo manifestet labefactione parvae partis in cerebro, cuius effectus in tali parte affecta appetit: non licet tunc diceare, apoplexia generatur ex illo motu linguae vel labiorum; sed cerebrum afficitur, & affectum suum prodit mutatione nervi talis partis, & deinde causa increscens facit totum hunc morbum: sic etiam in Epilepsia, licet oriatur motus quidam in parte exteriori, tamen inde non patet, totum morbum oriri ex hoc loco; & potest esse Epilepsia idiopathica, quæ videtur oriri ex quadam parte ob causam dictam.

Multiplex est hic historia medica: observantur aliquando saevissimæ Epilepsiarum, in perfectam Apoplexiæ desinentes, ubi tamen certi sumus per totam historiam morbi, totum malum oriri ab affectione topica; hinc nervi plurimi in nostro corpore habent illud imperium in totum sensorium commune, quod in nervis stomachicis jam patuit. Multi Epileptici nullum aliud signum habent invadentis paroxysmi, quam miram convulsionem sphincteris pupillæ; nonnullis incipit morbus in musculo elevatore palpebrarum; in quibusdam musculi rotatores bulbi oculi incipiunt certa ratione affici; vidi Epilepsiam prodeuntem oculis in unum punctum directis.

Nullibi hic insultus saepius observatur quam in ore; insciis ægris fit contractio ejus quasi osculatoria, aliquando tremor labiorum, & mox cadunt.

Nonnulli ægri in lingua habent sensum ambustionis, punctionis quasi cum aciculis, vel torporis; collum quibusdam videtur intorqueri, & saepe fricando ejus musculos paroxysmus tollitur; alii simile vitium habent in scapulis; aliis concutitur humerus, sed si magna perfricatio harum partium fiebat, avertebatur paroxysmus.

In nonnullis brachia, manus, digiti, & in primis digitus minimus initium insultus sentiunt; oritur in his quidam stupor, vel ingrata quædam formicatio, aliquando immobilitas, quandoque convulsio; haec omnia interdum fiunt in pollice.

Nonnullis hoc semper contingit in femore; oritur verus spasmus in musculis tibiae; tunc clamant, & mox sunt epileptici: si subito compescatur ille motus, & pars extenuatur in rectum, paroxysmus prohibetur; hoc sic pergit, & maxime provenit ad digitos pedis; illud vero in Asia adeo crebrum est, ut ibi putaverint, omnes Epilepsias curari posse magnis fonticulis, ad pedem positis; maxime si, ubi Gastrocnemii tendo ossi infigitur, inustio fiat ad vaginam tendinis usque, & locus retineatur apertus. Constitit experimentis chirurgicis, tendines circa haec loca per magnas gangrenæ nudatos, & forcipe leviter tractos, ilico fecisse tetanum: ergo si circa illa loca causa irritans haeret, potest facile fieri illud ipsum malum. Contingit saepe, ut tales partes primo tantum pruriant, uti in sternutatione; nonnunquam, vellicatis musculis, agitantur, tremant, convellantur. Visus fuit casus, ubi tremor brachii dextri, torpor manus, & contractio trium digitorum prænunciabant malum. Frequentissime vero accedit, ut ægri nihil aliud percipient nisi evidentem sensum auræ frigidæ, adflatæ ad cunctem, manifesto adscendentem, ita ut ægri loca successiva digito monstrarent; quando sensus ille venit ad praecordia, incident in paroxysmum. Frequenter hic sensus incipit a digitis pe-

pedis, aliquando a pede ipso; in aliis a fura, ubi tunc subito constringuntur subligacula, avertitur insultus. Ad hanc classem referri debent Epilepsiae, quae fiunt a nata ossis carie, & exeso periosteo in parte singulari, inprimis ubi tendines inseruntur ossibus; ab ulcerosa diathesi in aliqua parte, a puncturis tendonum, vulneribus, festucis osseis, & aliis mechanicis vellicationibus.

Primo ergo videamus, an suspicari licet, cerebrum non esse affectum, afixique ab his causis; an vero intra cerebrum nascatur causa parva, mox magna futura: si ipsa pars, topice tractata paroxysmum avertat, certus sum, hinc fieri Epilepsiam, & tunc cura facilis est.

Si ergo certi sumus esse prænuntium, examinari debet, ex qua corporis plaga ducatur; si tunc loco cognito applicetur premens fascia, & splenium pyramidale, totum malum sublatum erit; sed si affectio partis est tantum index incipientis causæ in cerebro, tunc compressio illa non juvabit, sed tamen nunquam nocebit. Ligatura fortis saepe illico juvat. Caustricum profundum, ad talem partem applicatum, sanavit integre nonnullos Epilepticos, si locus diu apertus relinquebatur. Hinc methodus Asiatica fuit in hoc morbo, locum tendinosum ferro candenti inurere, & illi loco applicare medicamenta, santoninem prohibentia, & illa relinquerre per tres menses, & dictum fuit, hanc methodum singulares curationes perficere. Refertur huc Neurotome: in nobili viro locum talam circa fibulam audax Medicus uno iectu ad ossa usque perficit, & curatio integra secuta fuit. Si sciri potest, quod nervus quidam peculiaris hoc faciat, praestat per totam vitam usu talis nervi carere, & semel audax medium instituere, quam Epilepsiam pati.

Setacea, fonticuli manantes & exulcerantes, huc maxime faciunt, adeo ut Arabes dixerint, talia remedia ferre semper successisse. Inter haec re-

media nil crudelius est, sed simul efficacius, quam setacea per collum ducta, & quotidie mota: scarificatores profundissimas cum cucurbitis in Chinensium Medicina adhiberi deprehendo. Cantharides in multis prohibuerunt paroxysmum: si certis anni temporibus applicentur, repetitis vicibus, per sex, octo, vel decem horas, tantum ante novilunium & plenilunium, fecerunt curas summas. Haec remedia maxime conducunt in infantibus, qui a causa frigida & mucosa facti sunt Epileptici.

Huc etiam referuntur veterum Sina-pismi. Semen sinapis maxima signa dat salis alcalini praesentis: si conteritur & applicatur cuti, & superponitur emplastrum, facit intra breve tempus dolorem ardenter; si applicatur diu, excitabit semper febrem. Bulbi Ceparum, bene maturi, de terra evulsi, abundant spiritu, qui lacrymas excitat. Si talis bulbus applicatur cuti, & superponitur vesica, facit sensum ignis in loco. Hac ratione a concusione summa, in locis alienis excita-ta, curatur saepe Epilepsia.

Huc refertur species quædam Epilepsiae ab irritatis testibus. Vidi, testibus contusis in juvene, a Chirurgo auferente prehensis & abscissis, ægrum factum fuisse epilepticum. Visi sunt casus, in quibus magnis irritamentis circa has partes factis similia contigerunt. Uteri affectiones, in primis genus nervosum spectantes, adeo multiplices observatae fuerunt, ut inde ortæ fuerint convulsiones, & cum illis saepe Epilepsia (illam enim a convulsionibus distinguimus). Haec ergo non tantum fit ab humorum putredine, scirris ibi natis, vel cancro ulceroso, sed quasi ab irritamentis, &, uti vulgo vocant, vaporibus. Haec res autem sic se habet. Mulieres sati sanæ, forte irritatae, incipiunt angitum sanguinis penitus perturbatum habere, cum palpitatione; non ita diu post sentiunt ingentem motum circa hypogastrium sub umbilico; dicunt omnes, uterus motum tunc exorbitare; rogatae, quid sentiant,

dicunt, se molesti quid volubilis & rotatilis sentire; non ita diu post dicunt, malum adscendere versus umbilicum, & designant semper latus sinistrum; tunc malum altius adscendit, & ubi pervenit supra diaphragma dicunt, se suffocatum iri, & mox lapsuras esse; sentiunt praefocari gulam, nec ita diu post cadunt cum convulsionibus, & sunt epilepticæ. Hæc est illa paix hysterica veterum: non possumus negare, quod agant corrupti humores circa uterum, & ibi nervos afficiendo eadem mala producant; sed credimus, quod in illis casibus periodicis, ubi nullus ichor vel virus per genitalia defluit, malum non pendeat ab utero; videtur vero esse convulsio, nata & propagata circa partes abdominales, forte circa intestina & mesenterium. Huic malo summum & fere unicum remedium est constringere abdomen in initio, uti de aliis Epilepsis deuteropathicis diximus: mulieres sumunt globum pugno majorem; hunc supponunt vacuo spatio inter ultimas costas spurias & marginem ossis Illi; superinducunt strictilem ligaturam; & sic mollia abdominis hic intercepta premunt introrsum, & sic suffocant quasi motum & sensum. Quando hoc remedium tempestive adhibetur, dum furor ille uteri dictus incipit agere, tunc sistitur hoc symptom, & mulieres ita assuescent his ligaturis, ut, ubi soluta pars est, mox incident in speciem quandam intentati paroxysmi.

Est etiam Epilepsia, quæ sit post puerperium; peperit mulier, reponitur in lectum; non curatur, ut bene constringatur abdomen; incidit in Epilepsiam sœpe lethalem; accidit hæc ut plurimum mulieribus laxis, inprimis quæ ingentem sanguinis jacturam passæ sunt; quod genus Epilepsie etiam observatur in animalibus mactatis, ubi pressio sanguinis ad cerebrum duci non amplius est continua, hinc etiam non continuatus spirituum motus; hinc pars sentiens sopitur, pars

movens adhuc pro tempore, sed inæqualiter, agitatur. Causa hujus mali in mulieribus est, quod arteriæ epigastricæ, paulo ante compressæ, nunc fluctuant laxæ, hinc sanguis ruit in non resistentia vasa, & parit hæc symptomata; unde mulieres sœpe subito extinguntur: si dares hic antihysterica, accelerares mortem; unicum vero remedium est omnes molles abdominis partes fasciis ad lumbos adstringere, ut sic paucus sanguis, qui superest, feratur ad superiora. Omnia alia nocent.

Vehementes irritationes in intestinis sœpe exiverunt in Epilepsiam; & hæc ut plurimum fiunt a vermis, qui intestina fugunt, mordent, illis se insinuant, eaque perterebrando forte venire possunt in cavum abdominis. Quando videmus has Epilepsias nasci tempore inediae, & ægri conqueruntur de doloribus abdominalibus, nil melius est quam idonea exhibere remedia anthelmintica, & sic aliquando curatur morbus.

Inter remedia antiepileptica habentur quædam fœtidissima, ideo laudanda, quia miro suo nidore omnes turbas compescunt. Talia sunt oleum & spiritus Cornu Cervi, sanguinis humani, ossium, unguilarum equinarum &c.; hæc applicata nervis olfactoriis sœpe distulerunt paroxysmos. Si forma pilularum hæreant in ventriculo, inviscata cum afa fœtida, alisque gummosis, prohibent etiam Epilepsias. Oleum Cornu Cervi, multiplici rectificatione defæcatissimum redditum, omnique tunc fœtore orbatum, est fere inimitabile remedium, multas Epilepsias tollens. Succus recens Rutæ expressus, aceto stilatatio rectificato mixtus, temporibus adfrictus, naribus exceptus, clysmate injectus, vel omni alio modo adhibitus, est sumnum arcanum, in primis utile, quum præstat aliam mutationem inducere, quam hanc relinquare. Flores Liliorum convallium, Tiliae & Lavendulae sunt notissimi; sed

sed omnibus palmam præripit Oleum Succini defœcatum , rectificatum , cum sale proprio miltum , & cum gummosis in pilulas redactum . Vi-
la est Epilepsia , quæ sanata fuit matrimonio , alia ptyalismo , alia fe-
bre epidemica , alia superveniente quar-
tana , alia ingenti terrore subito na-
to . Videantur *Ephemrides Naturæ Curiosorum* de omnibus his casibus . Acidum absorbentia dicuntur hic esse specifica . Pœonia , Valeriana , Viscus Quercinus laudantur tanquam infallibilia .

Spiritus salis sanguinis humani ma-
gno HELMONTIO dicitur remedium cer-
tissimum ad curandam Epilepsiam : su-
mebat sanguinem hominis sani ; abji-
ciebat partem serosam ; reliquæ par-
ti addebat parem portionem spiritus
salis marini : fiebat ita corpus valde
heterogeneum ; huic addebat Tartar-
rum Rhenanum ; destilabat ex retor-
ta ; solum oleum servabat & rectifica-
bat ; huic admiscebatur alcohol vini ;
iterum omnia destillabat simul , &
productum vocabat spiritum sanguinis
humani . Omnia hæc remedia valent
ad quasdam Epilepsias , non vero ad

omnes , uti ex antecedentibus satis pa-
tuit .

Quid nunc faciendum est in ipso Cura
paroxysmo? jacet ibi miser æger , sæ-
morbi in
ipso pa.
roxyl-
mo.
pe se deformans pro tota sua vita : Ilico ipsi succurrendum est , simul-
ac convulsio nascitur ; artus exten-
dantur blandissime , non violente ; hoc
facit ingentem mitigationem omnium
malorum , quatenus musculis antago-
nistis auxilium adfert ; prodest etiam
lenis frictio muscularum convulsorum ,
nam hæc facit statim remissionem sym-
ptomatum ; si æger mordeat , fricen-
tur masseteres & temporales : maxi-
me tunc prodest prudens interpositio
suberi inter dentes molares , potius
quam inter dentes anteriores ; cui fi-
lum alligetur , ne deglutiatur . Capi-
ti , manubus & pedibus debent supponi
pulvinaria , ne æger has partes
allidat ad dura corpora . Quando ver-
santur in ultima parte paroxysmi , o-
mniaque symptomatata præ debilitate
desinunt , tunc convenient remedia ,
quæ spiritus excitent , veluti spiritus
salis Ammoniaci , vel Cornu Cervi .
Absolvi Prælectiones de Morbis Nere-
yorum .

F I N I S.

INDEX RERUM

*Præcipuarum, quæ in utroque hujus Operis
tomo occurunt.*

A.

- A** *Betas diligunt mulieres ad motum chlorosi similem.* Pag. 67
Abcessus intra cavitatem craniī natus producit Epilepsiam. 317
Absinthium virtutem habet antiparalyticam. 293
Acida dentibus inimica sunt & causa odontalgia. 115
Acidum Sulphuris & Vitrioli non nisi per vim ignis acquiri potest. 105
alios sales minus fixos per solam miscelam extircat. 106
Acidum in ventriculo hærens producit vertiginem. 242
Acorus virtutem habet antiparalyticam. 293
Acria quare vix possit pervenire ad cerebrum. 79
per quas vias de corpore expellantur. ib.
Acrimonia facit surmos, & sepe lento, dolores. 29
quibus signis cognoscatur. 78
Acrobordones sunt Verrucæ longo collo penſiles. 133
Actio & passio quomodo differant. 207
Actiones multæ fiant in nobis, pendentes a motu, quem sentimus, licet nobis invitis fiat. 131
Aer calidus, sed simil siccus, ad curandam Paralysin prodest. 289
Affectiones distinctissimæ oriuntur a nervis certa ratione se habeantibus. 194
Affectus animi imperium exercent in respiracionem. 63
nascuntur a perceptione grati vel ingrati. 160
prædominantes sunt amor grati & odium ingrati. ib.
differunt ratione objecti, graduum & durationis. 162
unde oriuntur & quam vehementes sint. 195
excitant motus corporeos. ib.
pinguntur in vultu hominis. ib.
mutant etiam tales corporis functiones, que non pendent a cogitatione. 196
nascuntur etiam per Sympathiam. 109
tantum habent in nos imperium, ut omnes morbos faciant. 219
vehementes faciunt defectum cerebelli, id est mortem. 223
in omnes corporis humani partes imperium habent. 224
in prædispositis excitant Paroxysimum Epilepticum. 319
Affectuum animi magna vis ad mutanda hominum consilia. 216
Ageratæ virtutem habet antiparalyticam. 293
Aizoon vel sedum vermiculæ virtutem habet antiparalyticam. ibid.
Alcohol describitur, ejusque vires recensentur. 238
Alimenta & condimenta quænam in paralysi convenient. 190
Alliaria virtutem habet antiparalyticam. 294
Allium virtutem habet antiparalyticam. ib.
- Aloe virtutem habet antiparalyticam.* 49.
optimas dotes habet in curanda Paralysi utiles. 302
Alumen plumosum parti Paralyticæ externe cum frustu applicatur. 299
Alveoli dentium in genere describuntur. 113
Amara medicamenta supplent defectum bilis. 71
Amurosis quandoque oritur a tumore comprimente nervos opticos. 30
Ammoniastum gummi virtutem habet antiparalyticam. 295
Amplitudo nimia vasorum Encephali quomodo curatur. 53
Antepileptica dicta non juvant, ubi causa Epilepsie hæret in Ventriculo. 332
in primis petuntur ex anthelminticis & foetidis. 336. 337
Antidotæ vix ulla sunt specifica, sed agunt mutando totum corpus. 91
Anisbystrica non convenient in omnibus cerebri morbis. 18
Antimonii vitrum magnos effectus præstat ad commendum totum corpus. 165
Antimonium per se vix agit in corpus nostrum. 305
Antiparalytica remedia quænam dotes habeant. 292
Apes aculeis suis partes corporis humani pertundentes illud miro modo mutant. 299
Apoplexis ab impedimento venarum in capite. 16
frequenter sequitur animi affectus. 221
quibus symptomatis invadat. 257
quibus causis oriatur. ib.
a defectu spirituum a veteribus descriptæst. 257
Apoplexia non sit propter copiam, sed ob compressionem fanguinis intra cranium effusi. 261
sit etiam a compressis vel ligatis arteriis Cærotidibus. ib.
quare sit morbus senectuti proprius. 263
potest etiam fieri ab omni tumore intra cranium nato. 264
ab intropressione craniī nata quomodo curatur. 265
potest ortumducere a causis penitus oppositis. 269
quare per methodum contrariam interdum curetur. ib.
quomodo considerata fuerit Veteribus. ibid.
a Ventriculo nimis distento quomodo curatur. 263
Hippocrati consideratur duplex, universalis & particularis. 269
sepe pronunciam habet Paralysin particularem. 277
Appetitus vigens deletur per odorem noxiū vel visu rem sordidam. 186
Aqua intra cerebrum æque potest esse effectus quam causa morborum capitis. 222
Aqua Spadang in quanam Epilepsie specie convenient. 333
Aqua.

INDEX RERUM.

339

- Aquosus humor* quare majori copia post morbos lani-
guidos intra cranium inveniatur. 267
Arachnoidea cerebri membrana quando & a quibus
fuit inventa. 35
— quomodo detegi possit. ib.
— qua ratione nectatur pia matri. 36
— quid proprie sit. ibid.
Arachnoidea per hydrozem potest separari a pia ma-
tre. 38
Arsenicum aliquot vicibus sublimatum ipso odore ve-
nenatum est. 100
— sublimatum laedit functiones nervorum per
affectiones nervos olfactorios. 185
Ateria in omni parte duræ matris inter se commu-
nicant. 8
— duræ matris nunquam directe se exonerant in si-
nus. 9
— variis constant membranis. ib.
— duræ matris non deponunt suam tunicam muscu-
losam. 10
— duræ matris usum etiam præstant crano. 13
— quæ piæ matrem ingrediuntur, deponunt mu-
sculosam suam tunicam. 40
— quæ prospiciunt cerebro, omnes inter se commu-
nicant. ib.
— cui bono circumponantur medullæ. 47
— primi generis omnes humores recipiunt. 64
Asteriotome quare in vertigine a plethora plus profit-
quam venosætio. 248, 249
Attribitis sedem habet in integumentis nervorum. 29
Articuli quo linimenti genere flexiles retineantur. 118
Artus quomodo se habeant in paroxysmo epileptico. 310
Arum virtutem habet antiparalyticam. 294
Aja fastida spiritu gaudet, pertinacissime illi inhæ-
rente, valde odorato. ibid.
— virtutem habet antiparalyticam. 295
Atheromata possunt fieri in finibus duræ matris. 24
Atonia musculi a quibus causis dependeat. 281
Atyabiliarii maxime proclives sunt ad vertiginem. 235
Auditus distinctissimus distinctum nervorum munus
probat. 201
Aerum per se nullam in nostrum corpus habet effica-
ciam. 305
- B:
- B Alnea* quenam in paralysi convenient. 290
Balsamica in cura paronychia quenam opti-
ma. 127
Belladonna assunta facit omnes generis nervosi mor-
bos. 185
Bilis est optimum instrumentum chylopoiesios. 71
— maxime prona est ad tenacitatem, lapidescentiam
& putredinem. 181
— degenerascens ad putredinem producit verti-
ginem. 240
— arva quid sit, & ubi potissimum inveniatur. 180
— in quibus hominibus imprimis nascatur. ib.
— per moram emat dote fit venenata. 181
— in actum deducta quanta mala producat. ib.
— producit catalepsin & apoplexiæ. 261
Bregmati ossa præ reliquis crani ossibus magis la-
stioi suat obnoxia. 14
- C:
- C Aescymnia* quomodo producat apoplexiæ. 266
Caducus morbus idem est quam Epilepsia.
Cactus senilis est species calli in nervis. & vasis oculi-
lotum. 318
Cape virtutem habent antiparalyticam. 294
Calculus nervos ureterum mutans potest efficere animi
deliquium. 213
Calafactio remedia quare noceant in vertigine a
glastrata. 248
- Callositas* corticis cerebri producit apoplexiæ. 262
Callus oritur a concretione & compressione canalis ner-
vosi. 142
— in gangliis nervorum potest producere paraly-
sin. 279
Calor paralysi superveniens solvit hunc morbum. 287
Cancer aquaticus dictus est proprio corruptio gingiva-
rum. 113
Caneri fluviatiles optimum cibum præbent languenti-
bus. 69
Canities una nocte secuta est magnum & repentinum
terrem. 219
Cantharides minima copia corpus humanum valde mu-
tant. 87
— corpori applicatae agunt in nervos. 298
Capitis vulnera & concussions producunt vertigi-
nem. 237
Carbo ex combustis vegetabilibus natus quænam dotes
habeat. 103
— volatile quoddam principium in se continet.
ibidem.
Caries alveolorum in maxillis causa odontalgiae. 113
— crani prodicit epilepsiam. 315
Carotides arteriæ largiuntur ramos duræ matris. 7, 8
— arteriæ quare vocatae sint apoplecticae. 262
Carosis dextra fuit inventa ossea. 53
Carus in quo differat ab apoplexia. 292
— quando ingratis accidentat plethorici. 2 qua-
re. 273
Castoreum vires habet antiparalyticas. 315
Castratio nervos testium trahens exsolvit omnes vi-
res. 176
Cataphora in genere describitur. 272
Catechu laudatur in vertigine a nimia mobilitate. 245
Catharii considerantur, quatenus vertigini originem
præbeant. 16
— quomodo dividantur a veteribus. 251
Catharrus in merito habetur pro causa odontalgiae. 116
Cause prædisponentes & procatacticas quænam sint. 225
Causifica laudantur in apoplexia a defectu spirituum.
260
Cellulosa membrana in genere describitur. 120
Cephalica calida in quibus casibus noxia. 55
Cephalici morbi quinam nascantur a nimia amplitudi-
ne arteriarum piaæ matris. 52
— quinam ordine sequantur sèpe repetitum
paroxysmum epilepticum. 312
— ingentes possunt fieri a labefactata parva par-
te cerebri. 334
Cerebellum longe magis defenditur quam cerebrum.
41
— in genere describitur. 50
— arterias accipit a solis vertebralibus, sed quæ
communicant cum carotidis. 16
— minus patitur a plethora quam cerebrum. —
- Cerebri* cortex quid patiatur a plethora. 57
— medulla primam noxam patitur a plethora. 56
— partes an se mutuo decussent, inquiritur. 203
Cerebrum in quibus locis ab effusis humoribus inpri-
mis comprimatur. 267
Cervix quomodo se habeat in paroxysmo epilepti-
co. 309
Chalcanthum per torturam ignis spiritus volatiles ex-
hibet. 100
Chlrosis sèpe oritur a defectu sanguinis rubri, non a
defectu mensium. 67
— quibus signis dignoscatur. 68
Cholera producit vertiginem. 241
Choroides plexus sunt quasi appendices piaæ matris.
48
— ex quibus arteriæ componantur. ib.
— falso dicuntur habere glandulas. ib.
— cui N. 4

- cui bono inferviant. 49
 — in corporibus frigidis repletur hydatidibus. ib.
Chylopoiesis debilitata quomodo restituatur. 69
Cicuta aquatica per contusionem vaporem noxiūm spargit. 97
 — interne assumta facit omnes generis nervos morbos. 184
Circus sanguinis per vasa duræ matris. 11
 — humorum in vasis arteriosis retinae mutatus producit vertiginem. 239. 240
Circulus Willianus sit per communicationem arteriarum encephali. 49
Clavus magnam cum cornu habet similitudinem. 135
 — sit a compressis & degenerascentibus papillis nervis. ib.
 — in quibus locis inprimis sedem habeat. 136
 — qua ratione curetur. ib.
Clysmata quanti usus sint in apoplexia & quænam. 259
Cogitans principium potest esse in mente illibatum, & tamen destitui notis corporeis. 157
Cogitatio pertinet ad mentem, adeo ut hæc sine illa non existat. 145
 — quomodo reddi possit perfecta. 152
 — ex una idea simplicissima spatiari potest per infinita. 155
Coitus inmoderatus dicit ad debilitatem & mortem. 189
Colica Pistonum in genere describitur. 187
 — transit in paralyso artuum, & quare. 284
Colocynthis est purgans hydragogum fortissimum. 303
Coma Comatodes & Agrypnodes in genere describitur. 274
Combustio vegetabilium etiam spiritus noxios creat. 102
Composita morbus idem est quam Epilepsia.
Composita medicamenta ex his, quæ bilis defectum supplent. 53
Compressio venarum in capite est effectus plethorae. 15
 — ex cerebro redeuntium producit apoplexiā. 268
Conceptio quomodo fiat, & quid ad eam requiratur. 229
Concrecio membranarum cerebri quomodo impeditur. 32
 — tendinum cum sua vagina, quibus caufis efficiatur. 108
 — utquaque præcaveri, sed facta vix curari potest. 109
Congelatio corticis cerebri producit apoplexiā. 263
Contagium pestilens vel variololum suscepit primo sentitur circa præcordia. 178
Convulsio propriæ nervis adscribi non potest. 19
 — ab interrupto spirituum motu dependet. 205
 — est etiam effectus bilis atræ. 182
 — paralysi supervenientis solvit hunc morbum. 288
 — multiplex & valde peculiaris cognitatur epilepsiam. 308
 — musculorum in artubus saepè immediate præcedit paroxysmum epilepticum. 334
Convulsiones oriuntur a variata distributione spirituum. 39
 — quare in epilepsia sint tam violentæ. 324
Cortex cerebri nullum sanguinem accipit nisi ex pia matre. 44
Cranii figura mutata per causam quamcumque præducit epilepsiam. 315. 316
Cranium constat octo ossibus, per suturas connexis. 2
 — quomodo crescat. ib.
 — se habeat in adultis. 8
 — ejus figura. ib.
 — insculptos habet sulcos, qui ab arteriis duræ matris sunt. 9
 — accipit etiam arterias ex dura matre. 11
 — quare requirebatur tam durum. 43
 — nimiam dilatationem vasorum encephali prævet. 291
Crapula producit vertiginem. 54
Cucurbitæ quantam in curatione paralyseos habeant efficaciam. 241
Cuprum aliquid in se reconditum habere creditur, quod valet contra infaniam. 173
 — fali cuidam junctum incredibilem in nostrum corpus habet efficaciam. 304
Cura patonychiae a tendinibus eorumque vaginis laefis. 116
Curatio morborum ab assumtis spiritibus stillatitiis. 81
- D
- D** *Eliria* omnesque eorum gradus oriuntur ex affectibus animi violentis. 162
Delirium optime corrigitur mutatione corporis & objectorum in illud agentium. 168
 — in morbis acutis saepè oritur a fordibus circa præcordia. 179
 — non tollitur venæ sectione, sed diluentibus vel emeticis. ib.
 — ab hyoscymo femine interna assumto. 184
DEUS existere cognoscitur per contemplationem mentis. 144
 — unus est, & in eo omnia simul sunt ut in perfectissimo EST. ib.
Dilatatio nimia vasorum encephali quænam mala producat. 54
Diploe cranii accipit vasa tam a parte interna quam externa. 12
Dolor articulorum intollerabilis redditur a distractione ligamentorum. 129
Dolor capitis ab apostemate dura matris. 13
 — a male affecta cranii diploe. 13
 — a compressione venarum in capite. 14
 — a separatione duræ matris a crano. ib.
 — potest fieri a concretione membranarum cerebri. 37
 — fit a nimia amplitudine arteriarum pia matris. 52
 — ab induratis arteriis carotidibus. 33
 — inveteratus per iteratum setaceum levatus. 55
 — a quacunque causa producit vertiginem. 238
Dolor circa mesenterium quandoque cito lethalis est. 176
 — duræ matris parit morbos nervis adscriptos. 18
 — in quibus partibus atrocissimus est. ib.
 — non sentitur in nervis, qui functionibus vitalibus inferviunt. 202
 — quare vehementissimus fit a lassione partium ossibus vicinarum. 125
 — sensivus quando ab inflammatione maximus fit. 18. 19
Dropaces quantam in curatione paralyseos habeant efficaciam. 251
Dura mater est periosteum cranii. 4
 — ejus cohaesio. 5
 — appendices & fabrica. ib.
 — accipit arterias ex Carotidibus. 7
 — nullum alium motum habet, nisi qui a systole & diastole arteriarum pendet. 10
 — nil habet musculos nisi folas arterias. 11
 — plena est vasorum omnium generum. ib.
 — robusta facta est systematis arteriosi causa. 12
 — actionem exercet in suas arterias, non in subiectum cerebrum. ib.
 — per arterias suas communicat cum cranio. ib.
 — inventa fuit separata a cranio. 25
 — accipit nervos a quinto pari. 18
 — immixta habetur pro musculo. 39
 — nullas præbet conspiciendas fibras nisi valde mutata ejus fabrica. 20
 — fallo

- falso vocatur musculus cavus 22
 — nec ergo habet motum systolicum vel 1b.
 diastolicum. 23
 — sed cerebrum tantum coerset. 23
 — præbet vaginam nervis, ex crano ex- 24
 untibus. 24
 — porrigitur hac ratione per totum corpus. 25
 — quomodo se in theca vertebrarum ha- 1b.
 beat. 25
 — erosa vel irritata producit epilepsiam. 317
- E
- E**brietas quosnam morbos parat. 80
Ebriosi quibusnam malis vivant obnoxii. 81
Eechymoses sœpe fiunt inter membranas cerebri. 14
Ectasis est abreptio quedam mentis a corpore, & 156
 adunatio cum intimo quodam principio. 156
 — est etiam effectus bilis atræ. 182
Effluvia ex corpore animali exœuntia pertinent ad spi- 84
 ritus.
 — differunt pro variis partibus, ex quibus exœunt 85
 varia agunt in varias partes. 1b.
 — animalium in genere considerantur. 94
 — qua ratione communicantur ex uno in aliud. 1b.
 — communicata quamnam habeant efficaciam. 1b.
 — odorata morbos nervorum producunt ad mor- 97
 tem usque.
 — per contusionem ex quibusdam herbis exœun- 1b.
 tia venenata sunt.
Effusio humorum intra cranium quomodo producat 266
 apoplexiā.
Elaterium est purgans hydragogum fortissimum. 300
Emeticum in quo casu tollat vertiginem. 256
Encephalon liberum hæret in crano. 31
 — quare a minimo sanguinis decremento 63
 mutetur.
 — quare post mortem rite cognosci ne- 268
 queat.
Eas Apoplepticum, Epilepticum, Paralyticum HEL- 174
 MONTII, quid proprie significet.
Epilepsia est etiam effectus bilis atræ. 182
Epilepsia prævidetur ex adscendente titillatione a par- 188
 tibus remotoribus usque ad præcordia. 306
 — quibus nominibus describatur apud Auctores. 306
 — qua ratione invadat & terminetur. 307
 — quare causis suprahumanis fuerit adscripta. 308
 — quomodo cum apoplexia conveniat; vel ab ea 311
 differat.
 — quibus in casibus quandoque subito lethalis 312
 fiat.
 — chronica differt pro multitudine & varietate 313
 intervallorum.
 — exquisita quamnam causam habeat, & a qua 1b.
 causa paroxysmus excitetur.
 — semper eandem habet causam proximam, sed 314
 infinitas causas paroxysmum excitantes.
 — quare nonnullos homines affligat, dum alii 1b.
 liberi manent.
 — sœpe post mortem nullam conspicuam causam 1b.
 exhibet.
 — hæreditaria & congenita a sola cerebri diathesi 314. 315
 pendet, etique insanabilis.
 — insanabilis in hominibus sensibilioribus nasci- 318
 tur a terrore subito.
 — ficta quomodo distinguatur a vera. 320
 — deuteropathica quomodo dignoscatur ab idio- 321
 pathica.
 — idiopathica vel difficulter tollitur, vel insana- 1b.
 bilis est.
 — in quanam ætate curabilis vel insanabilis ha- 1b.
 beri possit.
 — ab intropressione cranii nata quomodo sanata 325
 fuerit.
Epilepsia quibus remediis optime possit tentari. 326
- frustra tentatur exorcismis, qui tantum impo-
 sturæ agyrtarum sunt. 1b.
 — quare ex sententia HIPPOCRATIS in primis 317
 infantibus accidat.
 — quare post pubertatem aliquando sanetur; vel 318
 si tunc maneat, insanabilis fit. 318
 — quanam methodo optime curetur, quæ a ni- 1b.
 mia humilitate ortur.
 — quænam vocata fuerit *circulatoria*. 330
 — quænam vocetur stomachica, & quibus signis 330
 cognoscatur. 332
 — stomachica dicta potest fieri cum & sine ma- 1b.
 teria.
 — ex topica alicujus nervi affectione ortum du- 335
 cens quomodo curetur.
 — post puerperium a qua causa oriatur & quo- 336
 modo præcaveatur.
Epilepsia paroxysmus quibus signis prævideri queat. 322
 — historia quomodo formari queat, ut indica- 318
 tiones curatoriae inveniantur. 318
 — causa & medendi methodus qua ratione in- 319
 dagari queat.
 — rarum exemplum post gravem sed compres- 321
 sam contumeliam.
Epilepticus paroxysmus quomodo definat & quare. 324
 — quare mutet colorem corpo- 1b.
 ris.
 — quomodo præcaveriqueat. 1b.
 — quonam tempore in primis 329
Epilepticus paroxysmus quam diversis & miris modis 330
 ægrum aggrediatur.
 — sœpe incipit ab affectione topo- 329
 pica nervi cuiusdam particularis. 334
 — æger quomodo in ipso paroxysmo tracta- 337
 ri debeat.
Epispastica quænam conducant in vertigine a pletho- 249
 ra.
Epitelion similis est membrana quam Epidermis, sed 133
 cutem non habet subjectam.
Equisatio quare prolit in vertigine a nimia mobili- 247
 te.
Erosio nervorum externa potest facere multos nervo- 31
 rum morbos.
Esula est purgans hydragogum fortissimum. 302
Euclides exemplum nobis dedit simplicitatis in ratio- 154
 nicio.
Euphorbium est purgans hydragogum fortissimum. 302
Evacuantia non convenient in omnibus cerebri mor- 17
 bis.
Evacuationes impeditæ vel suppressæ quare laedant ce- 61
 rebrum.
Evulsio dentis quare sœpe periculosa, & quomodo hoc 111
 periculum evitetur.
Excrementa corrupta circa præcordia hærentia quosnam 188
 morbos producant.
Excretiones perturbantur ab animi affectibus. 196
Excrecentia cranii, omnesque cause ejus cavitatem 315
 arctantes producunt epilepsiam.
Exercitus corporis ad sanandos languentes maxime 74
 sunt necessaria.
Exercitium facit in quibusdam morbis omnes muta-
 tiones a medicamentis expectatas. 215
Exercitium corporis quantum conferat ad curandam 245
 vertiginem, & in quibus.
Exostosis venerea ad loca sinuum laedit cerebrum. 60
- F
- F**acie sœpe paler quam rubet in animi affectibus. 220
 — mutata in morbis capitis pessimum præbet 221
 præfagium.
 — quomodo se habeat in paroxysmo epilepti- 309
 co,
 — quara

— quare colorem suum mutet in paroxysmo epileptico. 312
Ealcisformis dura matris processus cui usui interficiat. 17
Fatuissas ab extensione cranii nimis cito impedita. 54
Febris quando summum paralyseos remedium evadat. 287
 — intermittentis species per artem potest excitari tam in toto corpore quam in parte. 289
 — quibusnam alimentis & potulentis excitari queat. ib.
Felicitas humana consistit in intellectu rei, ut se habet, & in velle, quod intellectus demonstrat. 159
Ferrum remedium praestantissimum in languore exhibet. 75
 — in quibus casibus proftit vel noceat. ib.
 — non amplius convenit, ubi vis haemato poetic a viget. 76
 — non juvat, nisi simul addit corporis exercitium. 77
Ferrum qua ratione curat morbos languidos. ib.
 — in qua specie hydrops profitt vel noceat. 78
 — laudatur in vertigine a nimia mobilitate. 246
 — inter omnia metalla nobis maxime proximum est. 302
Fibra durae matris adscriptae, quid propriè sint. 20
 — quo in loco in primis reperiantur. ib.
 — quedam inveniuntur in transverso duræ matris processu, & cui usui. 21
Fistula maxillaris sequitur odontalgiam a laesia dentium alveolis. 114
Fistulentia producit vertiginem. 242
Flatus in corpore humano nati quomodo producant vertiginem. 253
Fœtus gerit notam impressam, si gravida mater perterrita manum parti cuidam corporis admovet. 225
 — quare mutetur per imaginationem matris, non Mater ipsa. 227
 — an ab imaginatione matris mutetur per mutuum commercium, non intelligitur. 228
 — mutatio ab imaginatione matris non potest negari, licet non intelligatur. 230
Formicatio sive punctio[n]is, cuiusdam sensus paralyseos supervenientis solvit hunc morbum. 287
Fossilia per vim ignis agitata, horrendos effectus præstare possunt. 105
Frigidio quare utilis sit in morbis languidis. 76
 — supplet exercitiū defectum, & in vertigine profert. 245
 — quantam in curatione paralyseos habeat efficaciam. 291
Frigus momentaneum nascitur ab animi affectibus. 220
 — summum quomodo disponit ad Apoplexiā. 263
 — qua ratione per artem excitari queat. 290. 291

G:

Ganglis nervorum, male affecta, faciunt morbos nervorum, pulpa eorum intacta. 29
Gangrena potest haerere in vagina, tendinum, eamque corrumpere. 108
Gas HELMONTII quo sensu explicari possit. 103
Gaudium summum uno momento mortem effecit. 223
Generatio aquæ parum a nobis intelligitur, quam mutatione foetus per imaginationem matris. 229
Genitalia in utroque sexu irritata, producunt Epilepsiam. 335
Gilla THEOPHRASTI est presentissimum vomitorium. 183
Gingivæ in genere describuntur. 212
Gravida mulieres quantum patientur a sua imaginatione. 224
Gummata ferulacea omnia vires habent antiparalyticas. 295

Gutta gamba est purgans hydragogum fortissimum. 393

H:

Hematites lapis laudatur in vertigine a nimia mobilitate. 246
Hamatopoeisis quomodo restituere queat. 73
Haemorrhagia narium sanat morbos capitales inflammatorios. 26
Haemorrhagia narium quare profit in vertigine a plethora. 248
Haemorrhagia quæcunque disponunt ad morbum Chlorosi similem. 67
 — quare a nonnullis melius ferantur quam ab aliis. 68
 — ingentes quare producent Apoplexiā. 261
 — quomodo oriantur ex plethora. 265
 — ex variis locis, in qua Paralyseos specie profint. 305. 306
Haemorrhoides suppressæ producunt vertiginem. 242
Helleborus quo casu inventus sit valere contra Melancholiā, & qua ratione agat. 164
 — per vulnus in pectus equi inmissus totum vasti hujus animalis corpus mutat. 300
Hemiplegia causam saepè habet in parte cerebri lateri affecto opposita. 206
 — potest fieri a causa in utroque latere haerente, licet unum tantum videatur affectum. ib.
Herba nimis humiditatem dissipantes. 250
 — nonnullæ virtute antiparalytica donatae, recententur. 294
Herculeus morbus idem est quam Epilepsia.
Hernia incarcerata quare tam cito fiat lethalis. 176
 — intestinalis saepè per annos tolerari potest. 177
Hernia strangulatae quibus remediis reponantur. ib.
Homo consideratur duplex, externus & internus. 202
Horror naescitur in corpore, simulac latens, quoddam contagium suscepimus sic. 220
Horror oritur in gravidis, si valida idea foetum agens, illas afficiat. 215
Humanitas sive id quod hominem constituit, qua ratione optime cognosci queat. 144
 — est in loco, in quo est sensorium commune. 200
 — proprie sedem habet in verbis. 207
 — pendet a principio abscondito, quod solo mentis nostra nutu operatur. 211
 — nostra dicit nos ad considerationem causæ supremæ. 217
Humiditas nimiae inter membranas cerebri alia species. 38
Humida nervi applicata quare faciant atoniā mucus & paralysein. 281
Hydatides membranarum cerebri producunt apoplexiā. 262
Hydragogum medicamentum tutissimum & efficacissimum ex argento parari potest. 302
Hydrocephalus ingentem encephali molem ad parvam magnitudinem redigit. 33
Hydropica cerebri diathesis quomodo curetur. 34
 — diathesis potest obtinere inter omnes membranas corporis. 35
 — encephali quare fiat a defectu sanguinis rubri. 63
Hydrops medullæ spinalis potest facere multos nervorum morbos. 33
 — inter membranas cerebri oritur a nimia tenuitate sanguinis. 65
Hypochondriaci & hysterici maxime proclives sunt ad vertiginem. 295
Hypochondriacus morbus quare etiam laedat cerebrum. 59

Hypochibia sive *Inflammatio* sub ungue quomodo curatur. 150
Hystericus passus quomodo in mulieribus oriatur & prae-
caveatur. 335. 336

J *Alappa* est purgans hydrogogum fatis tutum. 304
Idea est mutata imago a mente percepta. 146
Idea simplex sepe non nisi multis verbis potest enun-
ciari. 154
— *epileptica HELMONTII* quid proprie significet. 319
Idea simplicissima omnibus hominibus sunt comuni-
nes & eadem. 146
— quænam possint acquiri absque visu. 148
— non tantum in mente nostra excitantur ab objec-
tis externis. 150
— alligari possunt notis quibusdam externis. 151
— infinitæ possunt abire in ideam unam claram &
distinctam. 155
— mutantur a mutatis nervis. 192
— a nervis mutatis impressæ manent constantissi-
mæ. 193
— variae sunt a diversis nervis mutatis. 16.
— menti impressæ nervos mutant sine objecto ex-
terno. 16.
— videntur afficere intimum originale, & inde age-
re in nervos. 194
Idearum intellectus facit, ut in mente nascatur mu-
tatio grata vel ingrata. 160
Ileus nervos intestinorum mutans post dira sympto-
mata siue lethalis est. 176
Imaginatio in genere describitur. 165
Imaginatio qua ratione in morbis curbetur. 16.
imperium habet in omnes nostras faculta-
tes. 166
— facit nasci in nobis novas ideas, que aliun-
de non possunt adferri. 167
— imperium suum exercet extra corpus huma-
num. 214
— magica PARACELSI, quænam sit. 227
— facit nasci extra nos, quod erat in nostra
mente. 228
— matri agit in foetu per causam a nobis
non intellectam. ib.
Imaginationis facultas quantum boni faciat generi hu-
mano. 167
— vis in statuariis, pictoribus & poetis. ib.
Imago servitii quid apud HELMONTIUM signifi-
cat. 218
Impetum faciens in nostro corpore differt a partibus
continentibus & contentis. 192
— in aliis corporibus etiam adest. ib.
— mirum habet in motus corporeos imperium.
196. 197
— motus corporeos æque dirigit in ignorantibus
quam in exercitatis. 198
— quantam habeat efficaciam ad magnos mo-
tus uno momento creandos. 212
— quam incognitum nobis sit. ib.
— nimium quomodo per artem domari pos-
sit. 217
— quomodo consideratur ab HELMONTIO. 219

Inanitione vasorum per evacuationes quascumque produ-
cit vertiginem. 239
Incisio in quibus gradibus Paronychia necessaria sit.
126
— debet fieri ad ossis duritiem usque. ib.
Induratio potest fieri in sinibus duræ matris. 24
— vasorum humores ad cerebrum adferentium
morbos cephalicos producit. 53
— glandularum colli quomodo curetur. 60
Infantes quare ex sententia HIPPOCRATIS Epile-
psie in primis sint obnoxii. 327

Inflammatio in arteriis duræ matris. 19
— potest fieri in vagina nervorum. 27
— facit concretionem membranarum cerebri. 37
— potest haerere in vagina tendinum, eamque
corrumpere. 108
— & suppuration corticis cerebri producunt Apo-
plexiam. 262
Ingluvies quare producat vertiginem. 241
Insania est major imaginacionis gradus, & corpo-
raneo obtinere potest. 169
— pendet a summa actione in sensorium commune. ib.
— sequitur magnos cerebri morbos, & ingentes ani-
mi affectus. 170
— summa fiet, si musculares motus iungantur
ideæ fortiter impressæ. 171
— curari potest per aliam fortissimam ideam. ib.
— oritur etiam a causa haerente extra cerebrum. 174
Infecta recententur, quibus vis antiparalytica inest. 198
Insomnia pendent ab imaginatione & anima vigili. 168
Insomnia possunt sensorium commune tam valide af-
ficere, ut sequatur insania. 170
Integumenta communia in genere describuntur. 118 119
Intropressio crani a quacunque causa producit apo-
plexiam. 264
— cerebrum comprimens, producit epile-
psiam. 163
Inusiones quantam in curatione paralyseos habeant
efficaciam. 292
Judicium affirmans vel negans non pendet a nostro
arbitrio. 153
— clarum & distinctum est simplicissimum, &
simil immutabile. ib.
Jugularis vene impeditæ faciunt morbos cerebri. 60

L

L *Ac conficitur ex chylo*, antequam fiat sanguis. 73
— in quibus differat a chylo. ib.
nutricis perturbata vel ebriæ nunquam præben-
dum est infantibus. 224
Languor oritur a nimia fluiditate humorum, licet
nulla peccet acrimonia. 64
— quibus phænomenis se manifestet. 65
— quænam subjecta huic maxime sint obnoxia. ib.
— quare facile fiat in virginibus incrementum
adeptis. 66. 67
— post paroxysmum epilepticum unde oriatur. 324
Leiopothymia facile oritur a nimia tenuitate sanguini-
nis. 65
Lethargus forte potest fieri a medulla minus calefa-
ctia. 41
— in genere describitur. 262
Leucophlegmatia videtur conjuncta esse cum nimia
nervorum humiditate. 34
— oritur a nimia tenuitate sanguinis. 65
Lingua quomodo se habeat in paroxysmo epileptico.
309
Lues ventrea facit dolores rodentes duræ matris. 18
— potest facere erosionem vaginæ nervorum. 29
Lunaticus morbus idem est quam epilepsia.
Lux vix nobis cognita, excitat tamen in mente no-
stra infinitas Ideas. 149

M

M *Ancinella* qua parte sui noxia sit. 96
Manducatio omissa dicit ad languorem, 66
Marcor cum paralysi conjunctus quid denotet. 275
Maxilla quomodo se habeant in paroxysmo epilepti-
co. 309
Medicamenta quænam valeant ad curandos morbos
melancholicos. 164
Mes

- Medicus* peritus quare saepe minus famae reportet quam stentor ignarus. 274
 — quid valeat ad regimen mentis humanae. 163
Medulla, nervis originem dans, oritur ex cortice. 2
 — in cerebro non accipit vasa ad secretionem, sed tantum ad fotum. 41
Medulla in cerebro circumambit maximis vasibus arteriosis. 41
 — ossium etiam concurrit ad mobilitatem articulorum. 119
 — cerebri consideratur tanquam origo sensus & motus. 204
Medulla cerebri virtus quare pejora quam corticis. 277
Melancholia est etiam effectus bilis atrae. 282
Melicerides possunt nasci in sinibus duræ matris. 24
Membrana vasculosa quomodo se habeant. 6
 — quæ putantur non vasculosæ, tamen vasa habent, sed tensibus non apparentia. ib.
 — subtilissimæ non perfecte sunt solidæ. 7
 — dividunt in lamellas, inter quas vasa decurrent. ib.
 — morbosæ factæ crassescunt & indurescunt. 14
Membranorum structura in genere consideratur. 6
Memoria simul scit quod antea, & quod nunc cogitatum est. 146
Mens humana optime cognoscitur attendendo ad ea, quæ quis in se observat. 145
 — cogitans est simplex, nec ab ideis, licet diversissimis, mutabilis. 146
 — perfectio ejus in qua consistat. ib.
 — comparatur cum lumine. 147
 — quo respectu Medicis consideranda sit. 139
 — affici potest a diversis valde corporis morbis. ib.
 — capax est infinitas ideas accipiendi uno momento. 149
Mens humana habet in se fundum cogitantem. 150
 — quomodo recordetur, discat, ambigit. ib.
 — potest cogitare cum & sine adminiculo externo. 151
 — habet in se perfectionem quandam latenter. 156
 — cum omnibus suis perfectionibus consistit in intellectu & in voluntate. 159
 — quomodo regatur per Medicum. 163
 — a quam levi causa corporea turbari queat. 237
Mercurius post curatam luem venereum intra cavitatem crani effusus producit epilepsiam. 317
 — valens remedium ad solvendos humores totius corporis. 164
 — non agit in nostrum corpus, nisi salibus junctus. 305
 — qua ratione exhibetur ad curandam paralyzin. 306
Mesenterii vulnera sine alio symptomate per se sunt lethalia. 175
Metallicæ pleraque per se vix vim medicatam habent. 304
 — qua ratione in nostrum corpus agent. 305
Metallica remedia quænam in languore optima. 74
 — a Chemicis laudantur contra infaniam. 210
Millepedes vim habent in morbis nervorum efficacem. 298
Metus disponit ad vertiginem. 247
Mors quid proprie sit, & quomodo differat a submersione. 217
 — quando sequatur epilepsiam. 313
Moschus vires habet antiparalyticæ. 296
Motus corporis diriguntur & mutantur a principio impetu faciente. 197
 — fistuntur, continuantur & renovantur a principio impetu faciente. ib.
 — magni in nobis oriuntur, & quidem uno mo-
- mento, æque per voluntatem, quam sine voluntate prægressa. 213. 214
 — potest ita mutare nostrum corpus, ut a levissimo morbo ducatur ad mortem usque. 215
 — ex voluntate nostra natus cujusnam naturæ sit & efficacie. 215. 216
 — infiniti per sensorium commune excitantur, quod tamen inde non mutatur. 231
 — spontanei supersunt in apoplexia, licet voluntarii desinant. 237
 — & sensus in musculis videntur distinctis organis perfici. 275
Mucus quare tam copiose prodeat in epilepticis. 312
Mummia Brunsvicensa magnum usum habet in languentibus. 70
 — laudatur in vertigine a nimia mobilitate. 246
Muscularis motus quibusnam causis peragatur. 275
Musculi per diuturnam actionem fiunt rigidi & immobiles. 282
 — contractio voluntaria quomodo differat ab epileptica. 612
 — epilepticorum quænam virtus patientur post sepe repetitos paroxysmos. 322
Myrmecia sunt verrucæ latæ & depressæ. 133
- N.
- Napellus* vis venenata per exempla demonstratur. 98
Napellus statim operatur, dum adhuc hæret ventriculo. 99
 — affluitus turbat genus nervosum. 185
Narcotica nimia coria assumta producunt paralyzin. 280
Natura qua ratione curet paralyzin. 280
Nervi oriuntur intra cranium vel thecam vertebrorum. 2
 — duritatem suam habent a dura matre. 25
 — in visceribus, musculis & organis sensuum depositunt vaginam, quam habent a dura matre. 26
 — habent arterias in suis vaginis. ib.
 — post injectionem rubri apparent. ib.
 — habent etiam nervos sibi proprios. 27
 — in decursu possunt pati multos morbos, origine & fine illæsis. 28
 — propriæ dicti libere hærent intra suam vaginam. 33
 — per mechanicum ad tactum male affecti omnes corporis actiones turbant. 189
 — in abdomine per causam mechanicam mutati afficiunt totum cerebrum. 174
 — in quacunque corporis parte mutati totum systema turbant. 191
 — definitur ad partem corporis, in qua origo sensus & motus est. ib.
 — singuli habent distinctam originem, & semper in eodem loco. 199
Nervi singuli habent distincta munia, ita ut unus non faciat alterius opus. 199
 — mutati quam mire & quam subito corpus & mentem simul afficiant. 198
 — non tantum in origine, sed etiam in decursu & fine manent distincti. 201
 — in dextra cerebri parte oriundi, protenduntur ad sinistram. 204
 — sensui destinati, quomodo distinguantur ab iis, qui motui inserviunt. 285
 — sensui inservientes in ultimo suo fine mucus tenerum referunt. 286
 — a nidoribus vel alia causa commoti in praedpositis excitant paroxysmum epilepticum. 320
Nervorum morbi saepe oriuntur sine ulla materia vel mutatione humorum. 222
 — a causa non materiali oriundi omnium pessimorum sunt. ib.
 — functio particularis potest laedi a vita exi-

- existente in eorum principio. 1278
 — paria considerantur ad intellectum eventus paralyseos. 1282
- Nervus** in genere describitur. 1
 — est propagatio medullæ. 2
 — quomodo se habeat in origine, decursu & fine. 107
 — denudatus in quounque loco similem morbum facit quam odontalgia. 112
 — in una corporis parte affectus totum corpus mutare potest. 300
Nicotiana oleum cuicunque animalis parti applicatum mortem inducit. 189
- O**
- O** *Besitas* in genere consideratur. 57
Oculi quare intumescant in phrenitide. 17
Oculi aequa per voluntatem, quam sine voluntate prægredi clauduntur. 213
 — in paralyssi male affecti pessimum dant præsigium & quare. 282
 — quomodo se habeant in paroxysmo epileptico. 309
Odontalgia non definit, donec nervus dentium sit destrutus. 30
 — oritur a nervo dentis ejusdam denudato. 110
 — ab hac causa nata, quomodo curetur. 111
 — oritur etiam ab inflammatione gingivarum. 112
 — a colligentia gingivarum quomodo nascatur & curetur. ib. 113
 — fit a lœsis dentium alveolis. 114
 — oritur a perforato per radicem dentium antro Highmoriano. 115
 — est morbus nervorum, & per setas saepe mitigatur. 116
Odor quarundam plantarum noxius est. 96
Oenanthæ assunta facit omnes generis nervosi morbos. 185
Olfactorii nervi affecti quare capitis morbos carent. 255
Opium videtur agere mechanica affectione nervorum ventriculi. 183
 — varia dosi summum medicamentum est, vel venenum evadit. 184
Opium varia dosi & applicandi ratione diversos effectus producit. 190
Ophthalmia ab uno homine communicatur alteri per sympathiam. 207
Optici nervi, licet in decursu coire videantur, manent tamen distincti. 203
Opticus nervus in medio habet arteriam rubram ramos spargentem. 41. 132
Organa functionibus animalibus interficiuntur, sunt duplicita. 202
Offa per nimiam acidi copiam possunt fieri flexilia. 115
- P**
- P** *Alpitatio* cordis, & hinc polypi & suspitia nascuntur ab animi affectibus. 221
Panaristium idem quod Paronychia. 116
Papilla nervosæ ubi copiosissimæ sint & cui usui inserviant. 137
 — quibus integumentis obducantur. ib.
 — qua ratione degenerantur. ib.
Paralysis potest fieri a compressa pulpa nervi per morbos vaginalium. 28
 — a refrigeratione & humectatione corporis quare oriatur. 33. 34
 — potest fieri ab hydrope inter membranas cerebri. 42.
 — a Colica pectorum, quibus in primis familiaris. 187
 — saepe observatur in uno latere, dum convulsio est in alio. 195
 — quomodo ab aliis motum exercendi impotentiis distinguitur. 274
Paralysis cum stupore & frigore partis quid denotet. 275
 — unius lateris causam habet in latere parti affectae opposito. 276
 — particularis potest fieri a vitio in una parte cerebri. 277
- decursu nervi. 278
 — ganglii nervorum. 279
 — nervorum involucris. ib.
 — quomodo distinguitur a languore & atonia musculari. 280
 — in alto corporis loco prænunciat apoplexiæ. 181
 — partium inferiorum minus periculosa est quam partium superiorum, & quare. 283
 — intestinorum, reliquorumque viscerum pessima est, & quare. 284
 — cura quomodo primo tentata fuerit. 286
Paraplegia est summus paralyseos gradus. 276
 — causam habet in origine medullæ spinalis. 277
Parapoplexia est species apoplexiæ, sed levior. 271
Paresis artuum a vino Rhenano copiosius hausto. 83
 — in quo differat a paralysi. 271
Paronychia quibus symptomatis se manifestet. 117
 — oritur ab acrimonia materie, phalangum articulos lubricantis. 119
 — inflammatione ligamentorum phalanges necentium. ib.
Paronychia magnam cum odontalgia habet convenientiam. 116
 — fit a stagnatione humorum in membrana cellulosa articulorum. 128
 — quare ab hac causa atrocior reliquias. ib.
 — quibus signis dignoscatur ab aliis. ib.
 — qua ratione curetur. 122
 — fit a lœsione periosteï in ultignis digitorum articulis. 123
 — tendinis, qui in ultima phalange finem habet. ib.
 — a lœsione tendinum quibus symptomatibus dignoscatur. 124
 — a lœsa tendinis vagina, quibus symptomatibus dignoscatur. 125
 — a lœso scuto cartilagineo, tendines phalangum defendente. 127
 — quare a digito in fervens liquidum immiso sanatur. 128
Partus in mulieribus epilepticis paroxysmum excitat. 320
Peregrinatio vertiginæ a nimia mobilitate ortæ curat. 254
Periosteum in ultimis articulis digitorum distincti quid habet. 122
Pestis venenum in quibus partibus in primis hæreat. 85
 — quibus symptomatibus primum invadat. 220
Phalanges digitorum in genere describuntur. 117
 — quomodo inter se nequantur. 118
Phrenitis quando delinat in apoplexiæ. 260. 261
Pia mater extendit se supra totum encephalon. 39
Pia mater vasa suppeditat toti systemati Encephali. ib.
 — accipit vasa sua arteriosa ex carotidibus & vertebralibus. 40
 — non nequit cum sinibus nisi per suas venas. ib.
 — quomodo se habeat in superficie corticis. 42
 — constat ex vasibus cuiuscunque generis. ib.
 — videtur etiam habere vasa tam subtilia, ut impieri non possint. 43
 — in superiori cerebri superficie appetat sphaerica. 50.
 — ubique est in cerebro, ubi cortex est. 44
 — quomodo solvatur a cohaesione cum cortice cerebri. ib.
 — multos habet processus, qui ejus superficiem multiplicant. 45
 — per processus suos infinuat se in sulcos corticis cerebri ad medullam usque. 46
 — qua ratione vera ejus constitutio demonstrari queat. ib.
 — in sulcis corticis cerebri est membrana geminata. 47
 — tegit etiam superficiem medullæ extimam. ib.
 — qua ratione se habeat in cerebello. 51
 — cur facile morbosæ fiat. 52
Picrocholot quinam veteribus dicebantur. 236
Pin-

- Pinguedo* in obesis nonnunquam inventa est supra piam matrem. 39
 — non potest accumulari intra cranium. 57
 — minus nocet intra thecam vertebrarum. 58
Pisces nonnulli pinguedine sua noxi sunt. 90
Placenta gravidarum cohaeret cum utero, sed qua ratione vix intelligitur. 230
Plantæ vires suas singulares habent in suo oleo. 95
 — pro diversa spirituum indole diversas etiam vires habent. 99
Plethora in primis nocet capiti. 15
 — facit, ut multa vasa per compressionem claudantur. 55
 — potest producere omne genus morborum in nervis. 56
 — particularis potest fieri in pia matre ab impeditis vasibus in reliquo corpore. 58
 — quibus signis cognoscatur. 61
 — mulieribus propria, vel determinatur ad uterus, vel ad mammas. 230
 — quando cerebro in primis noceat, & quare. 265
 — renata in Epilepticis excitat novos paroxysmos. 320
Plethora maxime proclives sunt ad vertiginem. 209
 — saepe incident in morbum apoplexiam similem, sed minus periculosum. 271
Pneumatopoiesis a quibus caulis pendeat. 77
Podagra vasa est liberasse a vertigine. 252
 — quomodo oriatur & tolerabilior reddatur. 120
Polypi quare producent apoplexiā. 262
Precordia saepe sedes sunt causae, quae agit in cerebrum. 174
 — afficiuntur ab insueta agitatione corporis vel contentione animi. 187
Priapismus quare fiat in paroxysmo epileptico. 310
Principia generalia saepe falso applicantur ad speciales causas. 227
Pruritus si nimius sit, pessima symptomata parit. 188
Pulsus quomodo se habeat in paroxysmo epileptico. 310
Purgantia quænam in morbis languidis profint vel noceant. 72
 — fortia virulenta sunt nervis, & agunt etiam, si cuti externæ applicentur. 301
 — assumta vel externe corpori applicata febrem excitant. ib.
 — in quanam epilepsie specie convenient. 333
Putrefactio nostris humoribus inducit acrimoniam. 29
 — promovet per certum caloris gradum. 92
 — facit omnia volatilia, & extricat spiritus. ib.
 — quomodo impediatur. 93
 — vegetabilium etiam spiritus noxios creat. 102

Q

Quintum pars nervorum prospicit etiam duræ matris. 18

R

- Rabies canina* ab omni tempore tentata fuit per submersionem ægri sub aqua. 171
Raphanus rusticanus externo usu laudatur ad curandam paralyzin. 292. 293
Rarefactio sanguinis idem facit quam plethora. 15
Ratio humana per affectus aberrans qua ratione curretur. 163
Ratiocinium licet diurnum saepe tantum est merus intuitus. 154
 — apparet nobis successivum propter notas, quibus ideas sunt alligatae. 156
Reduvia idem quod Paronychia. 116
 — etiam est morbus unguium, qui versus epidermidem incurvantur. 130

- Refrigeransia* medicamenta quænam in vertigine a plethora nata optima. 254
Remedia ab auctoribus laudata contra paronychiam. 128
Repletio nimia ventriculi morbos capitis facit in debilibus, & quare. 59
Respiratio retenta quare laedat cerebrum. 60
 — mutata prodest in nimis animi affectibus. 61
 — quomodo se habeat in paroxysmo epileptico. 310
Retina quomodo mutetur in vertigine. 236
Rheumatismus sedem habet in nervorum integumentis. 30
Rigiditas vasorum fit causa marasmi. 54
Rigorantia in quanam epilepsie specie convenient. 333
Rosarum odor quantam in nonnullos habeat efficaciam. 96
Rosmarini conserva laudatur in vertigine a nimia mobilitate. 250
Ruta vires habet alexipharmacas & antiparalyticas. 296

S

- Sacerdos* idem est quam Epilepsia.
Sagapenum vires habet leniter alvum solventes & antiparalyticas. 295
Salvia vires habet antiparalyticas. 296
Sanguis ruber requiritur ad sustinendam sanitatem. 63
 — quomodo se habeat in languentibus. 66
 — ruber quomodo generetur in nostro corpore. 69
 — in genere describitur. 72
 — a quibus caulis effundatur intra cranium. 267
 — animalis cuiuscunque, certa ratione destillatus, exhibet spiritum, in morbis nervorum efficacem. 297. 298
Santalum ligna vires habent antiparalyticas. 296
Scammonium certa ratione datum ex sumnum venenum. 96
 — totum sanguinem fundit, & per alvum evacuat. 301
Scorbutus potest facere erosionem vaginalis nervorum. 29
Sensorium commune qua ratione per morbos turbetur. 166
 — est pars corporis humani, & quænam. 198
 — est eadem pars corporis humani, quam principium impetum faciens. 198
Sensorium commune est locus in cerebro, unde omnes nervi originem habent. 199
 — habet potestatem motum generandi non tantum in corpore, sed etiam in aliis. 216
 — laeditur in paroxysmo epileptico. 312
 — valide affectum in prædispositis excitat paroxysmum epilepticum. 319
Sensus tantum est unus, licet organa illi inservientia sint duplia. 202
 — in paralysi superficies est bonum signum & quare. 284
 — & motus origo in cerebro est distincta, licet nervi, utrique inservientes, confusi apparent. 285
 — omnes, interni & externi, desinunt in epilepsia. 307
Sericum per destillationem exhibet spiritum in morbis nervorum laudatum. 297
Serosus humor collectus inter membranas cerebri potest facere omnes generis nervosi morbos. 31
Serum intra cavitatem craniæ effusum producit epilepsiam. 318
Setacea quantam in curandis capitibus morbis habeant efficaciam. 292
Setacei insignis usus in dolore capitibus inveterato. 55
Sinus duræ matris cui usui inserviant. 17
 — fibris quibusdam prædicti sunt, & cui usui. 21
 — sunt quidem venosi, sed tamen crassiores & fortiores venis. 29
 — cryptis quibusdam donati sunt, & cui usui. ib.
Sinus cerebri quomodo possint impediri in sua functione. 59
Somnus profundissimus est imago apoplexie. 258
 — 503

- Sordes* circa praecordia haerentes male afficiunt cere-
brum. 178
Spadani fontes optimum praebent languentibus reme-
dium. 75
Spasmus non videtur duram matrem posse separare a
cranio. 16
Sphacelus cerebri, HIPPOCRATI memorata, expo-
nitur. 14
Spina bifida in genere describitur. 52
Spinalis medulla in genere describitur. 51
Spiritus stillatitii forte possunt pervenire ad cere-
brum. 79
— quinam effectus ex iis assumptis sequantur. 80
— omni ratione in corpus ingesti, in illud agunt. ib.
— stillatitii an misceri possint cum spiritibus ner-
vosis. 82
— an per irradiationem quandam agant. 83
— nomen quibusnam corporiculis competit. ib.
— qua ratione in corporibus detegantur. 84
— in triplici naturae regno inveniuntur. ib.
— parva tantum copia vires suas late diffundunt. 86
— ex putredine nati maximam vim habent in ner-
vos. 93
— qua ratione producantur in vegetantibus. 95
— per destillationem ex plantis parati agunt etiam
in nervos. 97
Spiritus venenati in quibusdam fodiinis haerent ad cor-
tam altitudinem. 100
— quibus signis se manifestent. 101
— cuiusnam indolis sint. ibid.
— foetidi, ex putredine animalium nati, venenati
sunt. 102
— volatilis carbonum noxios valde effectus pra-
estat. 104
— qua ratione innoxius reddi possit. ibid.
— ex aliis corporibus combustis agit etiam
in nervos. ib.
— nascuntur per miscelatum sallum cum aliis corpo-
ribus. 105
— volatiles qua ratione in nervos agunt. 106
— per fermentationem parati, nimia copia assumti
producunt vertiginem. 238
— nervosi sunt liquores corporis elaboratissimi. 258
— fermentati in quanam specie apoplexiæ utiles. 260
— ex quibusunque animalium partibus destillati
eadem vi, qua in nervos agunt, prædicti sunt. 297
Spuma ascendens quare sit pessimum signum in apo-
plexicis. 270
Sternutatio quomodo incipiat & totum corpus mutet. 331
Sternutatoria laudantur in apoplexia a defectu spiri-
tuum. 260
Stimulantia in quibus capitum morbis noxia. 62
Stramonium assumptum facit omnes generis nervosi
morbos. 260
Submersio sub aqua pro palmario remedio habetur in
rabie canina & infania. 171
Submersio potest diu ferri ab homine, salva tamen
vita. 172
Succinum per destillationem salem & oleum exhibet,
viribus antiparalyticis donatum. 299
Sudor quando in apoplexia bonus sit vel malus. 270
— in paralyssi quando profit vel noceat. 288
— quibus remediis in paralyssi proliciatur. 297, 298
Suppresso evacuationum quæcumque disponit ad verti-
ginem. 236
Surditas sœpe sequitur ingentes capitum dolores. 14
— senilis est species calli in nervis & vasis auris
internæ. 132
Suspista produnt animi affectus, suntque in diversis
varia. 221
Sutura tendinis describitur. 110
Suturae nimis cito solidescentes extensionem crani
impedient. 55
Syllogismus quando inutilis sit & vitio labore. 153

- Sympathia* facit homines imitari, quæ vident in aliis. 207
— fundamentum præbet artium & disciplinarum. 208
— illustratur per harmoniam Musicam. 208
— jungitur cum eo, quod placet vel displaceat. 209
— facit, ut omnes fere corporis musculi a levi
causa moveantur. 210
— aptos nos reddit ad loquaciam & artem musicam. 210
— dicit hominem fere ad quæcumque, sine scien-
tia, imo contra voluntatem. 211
Sympathia facit nos mutabilitati multisque morbis
obnoxios. 212
Syncope causam suam sœpe habet in ventriculo. 188

T

- T** *Abatum* ab inassuetis haustum morbos nervorum
efficit. 190
Tela Bantamensis venenata [nudis nervis] applicata
mortem inducunt. 190
Tendines denudantur post inflammationem ejusque
varios exitus. 27
— in ultimis digitorum articulis miro artificio dif-
ponuntur. 123
— in phalangibus digitorum qua ratione defendan-
tur. 126
Tendo in genere describitur. 107
— defenditur per vaginam, quæ materiam unctuo-
sam continet. ib.
— denudatus mire corruptitur, nec attingi patitur. 109
— potest tamen ferre futuram. 110
— Achillis dictus, a quo musculo oriatur, & quem
usum ille præstet. ib.
Terre motus producebat vertiginem. 237
Terror ingens producit epilepsiam incurabilem. 318
Teranus quandoque secutus fuit laesionem nervi ex-
ternam. 31
— causa est mutati coloris in paroxysmo epilepti-
co. 311
Theriaca externe adhibita juvat chylopoiesin. 70
Thermæ quando in paralyssi profint vel noceant. 282
Tonus muscularum ab eorum nervis dependet. 280
Transfusio sanguinis ex uno animali in aliud quare
noxia. 72
Tremor paralyssi superveniens solvit hunc morbum. 288
Trifittitia summa valde periculosa est, minus tamen
quam summum gaudium. 223
Tumor comprimens partes cerebri potest facere omnes
nervorum morbos. 30, 31
— intra cranium quare producat apoplexiæ. 225
Turbith minerale minima copia naribus attractum to-
tum corpus mutat. 301

U

- U** *Leera* quæcumque subito siccata producunt verti-
ginem. 241
— capitum manantia aliquando curaverunt epile-
psiam. 326
— per artem excitata in quanam epilepsiae specie
conveniant. 335
Ungues videntur esse corpus reticulare induratum &
epidermide destitutum. 129
— papillis nervosis organi tactus defendendis infer-
vire videntur. 130
Unguis potest arescere & degenerare in cornu spe-
ciem. 131
Unguum fabrica & modus crescendi exponitur. 129
Urna animalium defillata exhibet spiritum, in mor-
bis nervorum efficacem. 297
Urtica externe usu laudatur ad curandam paralyssi. 291
— marina applicata parti paralyticæ calorem in ea
excitat. 299
Uterus in puerperio laesus functiones nervorum mutat
& mortem producit. 177
Vz.

- V**agina tendinis laesa quibus symptomatibus dignoscatur. 125
Vapores nonnulli qua ratione agant in nervos. 82
Vegetabilia quænam neurotica sint & antiparalytica. 293
Vena jugularis quare non temere debeat secari ad cunctos capitis morbos. 266
Vene duræ matris decurrent juxta arterias. 8
 — possunt repleri per arterias. 9
 — describuntur. 16. 17
 — pia matris quomodo demonstrari queant. 45
 — corporis quare in paroxysmo epileptico influent & sœpe varicosæ maneant. 311
 — epilepticorum quænam vitia patiantur post sœpe repetitos paroxysmos. 323
Venæfictio quando juvet in morbis nervorum ab eorum laesione mechanica. 177
Venena quædam in certum tantum animalium genus agunt. 86
Venena incredibili subtilitate actiones suas præstant. 86
 — quædam vim suam diu retinent. 87
 — qua ratione communieantur & operentur. ib.
 — agunt in primis in nervos vulneratos. 88
 — quædam potestatem limitatam habent. 89
 — propter suam subtilitatem tantum in spiritus nervos agere videntur. ibid.
 — quare ipso, quo applicantur, momento agere queant. 90
 — certa tantum corporis venenati parte communificantur. ibid.
 — qua ratione reddantur inertia. 91
 — quibus remediis expellantur per superficiem corporis. 92
 — malignitatem suam sœpe non manifestant sensibus, sed tantum effectibus. 179
 — quænam proprie sint. 183
Ventriculi orificium superius primum fentit varios ingruentes morbos. 185
Ventriculus per suos nervos imperium habet in totum cerebrum. 321
Veratrum est antiparalyticum, quatenus totum corpus concutiat. 303
Veritas potest nobis apparere uno actu intelligentiae. 152
Vermes producunt vertiginem. 241
Vermiformes processus cerebelli cui usui inserviant. 51
Verruca sunt degeneraciones papillarum nervearum. 132
 — pessimæ sunt in locis nulla cute, sed tantum epithelio testis. 133
Verruca quare in nonnullis locis adeo ex crescunt & sanguinem fundant. ib.
 — in quibus locis possint sedem habere. ib.
 — qua ratione quandoque degenerant. 134
 — in quibus locis pessimæ sint. ibid.
 — quomodo carentur. 135
Vertebræ considerantur, quatenus nervos spectant. 4
 — earum structura & nexus. ib.
 — appendices. ib.
Vertebrales arteriæ largiuntur ramos duræ matri. 8
Vertiginis signa prognostica resensentur. 243
Vertigo quibus symptomatibus invadat. 232
 — in quos morbos terminet. 233
 — sedem habet in sensorio communi. 234
 — dividitur in morbosam & criticam, idiopathicam & sympatheticam. ib.
 — quomodo ex symptomatibus definiatur ab ARE-TÆO. ib.
 — fit ab omnibus causis, quæ retinam mutant. 237
 — quare cum ebrietate fit conjuncta. 239
 — oritur per contencum ex ventriculo male affecto. 240
 — ab heterogeneti in ventriculo contentis. 242
 — in peripneumonia funestum signum præbet. 248
 — quibus signis ab alio morbo quocunque dignoscatur. ib.
 — noscatur ortum habere a plethora. ib.
Vertigo a plethora nata quoniam vitæ regimine curretur. 249
 — a suppressis vel retentis consuetis evacuationibus nata quomodo curretur. 250
 — ab ulceribus siccatis nata quomodo curretur. 251. 252
 — ex materia podagraria retenta singularem curationem requirit. 252
 — oritur etiam ab inæquali actione sensorii communis. 253
 — & epilepsia sœpe ab eadem causa nascuntur, & se mutuo subsequuntur. 253
 — etiam oritur a nervis abdominalibus affectis. 255
 — sœpe prænuncia est apoplexie. ib.
Vesica laesa per sectionem calculi functiones nervorum sœpe mutat, & mortem producit. 178
Vesicatoria laudantur in apoplexia a defectu spirituum. 259.
Veterus veteranum est apoplexiæ a defectu spirituum oriundæ species. ibid.
Vittus siccus in quanam vertigine utilis sit. 245
 — tenuis & aquosus quare profit in vertigine a plethora. 249
Piperæ venenum incredibili subtilitate agit. 87. ib.
 — tantum certa sui corporis parte venenatæ sunt. 88.
 — venenum nervis adipicatum mortem inducit. 190
Firtus in quo proprie consistat. 158
 — efficit veram mentis tranquillitatem, & felicitatem humanam. 161
Vis medicata plantarum hæret in illarum spiritu. 98
Visus depravari potest ab hydrocephaliæ diathesi inter membranas oculi. 35
 — quantas ope lucis in homine excitet ideas. 148
 — repræsentant nobis uno momento infinita & valde distantia objecta. ib.
Vita potest restituiri, quamdiu impetum faciens, licet male affectum, potest resurgere. 147
Vitales functiones quare in initio apoplexiæ pergent. 270. 271.
Vitriolum veneris quandoque valuit contra infaniam, nullis aliis remedii curabilem. 173
 — in quo casu sit remedium antiepilepticum. 319
 — in quanam specie vertiginis conveniat. 254
Volatilia remedia in morbis languidis noxia. 71
Voluntas distincta est ab intellectu, nec tamen ipsa intelligitur. 157
 — extendit se ad præterita, præsentia & futura infinita. ib.
 — producit vel virtutem, vel vitium, prout regatur vel recta ratione, vel errore. 158
 — est actio simplicissima, celerrima, liberrima. ib.
 — per gratum vel ingratum potest determinari effectu fere insuperabilis. 161
 — non potest non amare gratum, odio habere in gratum. 162
 — nostra facit oriri tales motus in sensorio communis, quales volumus. 213
 — non tantum facit, ut subito creetur, sed etiam diu continuetur motus. 214. 215
Vomica sub ventriculo hærens producit vertiginem. 240
Vomitoria in quanam epilepsie specie convenient. 333.
Vomitorium lene materiam lentam ex ventriculo expurgans. 76
Vomitus in quanam apoplexiæ specie convenient. 273
Vox citissime mutatur ab animi affectibus. 220
Vulnera crano inficta aliquando præter spem fanaverunt epilepsiam. 315

